

四庫全書存目叢書編纂委員會編

齊魯書社

四庫全書存目叢書

四庫全書存目叢書編纂委員會編

齊魯書社

# 四庫全書存目叢書

子部  
第二冊





魯新登字 07 號

責任編輯：孫言誠 賀 偉

ISBN 7-5333-0478-0



9 787533 304782 >

EB7/02

## 四庫全書存目叢書·子部二

(大陸版·限中國大陸發行)

四庫全書存目叢書編纂委員會編

齊魯書社出版發行

(濟南經九路勝利大街)

廣東精裝印務有限公司印製

787×1092 毫米 16 開本 50.875 印張

1995 年 9 月第 1 版 1995 年 9 月第 1 次印刷

印數 1—100

ISBN 7-5333-0478-0

Z·27 子部定價：78300 圓

# 子部第二冊目次

## 子部·儒家類

合刻周張兩先生全書二十二卷

〔明〕徐必達輯  
北京圖書館藏明萬曆三十四年徐必達刻本

..... 一

朱子註釋濂關三書不分卷

〔清〕王植輯  
中國科學院圖書館藏清雍正元年刻本

..... 二五七

程子節錄四卷文集抄一卷

〔明〕高攀龍輯  
北京圖書館分館藏清乾隆七年華希閔刻高子全書本

..... 五八四

程子詳本二十卷(一)

〔明〕陳龍正輯  
湖南圖書館藏明刻本

..... 六六〇



合刻周張兩先生全書二十

二卷

〔明〕徐必達輯

北京圖書館藏明萬曆三十四年徐必

達刻本

附《四庫全書總目·周張全書

二十二卷》提要

刻周張二子書序

宋儒中興吾道于開創則推  
元公而朱子稱之曰不由師傳  
予謂元公之傳遠矣不知易固  
不能知元公也易之初有象而  
無辭蓋五帝九法之名未  
立而易行焉孔子曰五十以學  
易大哉易乎其象設其意  
傳其機微其言能辨之以  
取是非斟酌元化者其孰  
能與于斯夫而盡之畸言怪  
言數者方落乎存于域之

而也。是以是為見則最顯而已。  
矣。周子起道州著太極圖及  
易通二書而四聖人之奧曠  
然揭之。曜于中天。令世之戴天  
者。徒日仰其大明而不知見其  
有轍迹也。圖之說曰無極而太

周張全書

序

二

極。易靜五根兩儀之為萬物  
生焉。而通之言曰誠意為幾  
善惡。於是天下後世之學  
者。始曉然知孔元統天之秘不  
在宇宙而近在當人。今德之大  
要若道州者。所謂一悟之

門者也。無以攝者。吾安得謂  
之。吾有以顯之。吾安得謂  
之。有情識之實忘。吾安得以  
知取文辭之。路終吾安得以  
言之。述斯亦千古一大快哉。當是  
時。見知之士。即母如洛陽而關  
西張子實與相上下。至蒙著  
者。則正蒙東西銘二編。蒙之  
言曰太虛無形之氣之本體。至  
靜無感。性之淵源。而歸本于  
盡性之聖人。蓋朱子嘗亟  
稱焉。以為有當太極之

周張全書

序

三



指此是疑顧天地萬物之  
在太虛空若野馬絪縕之離  
于日中直法象爾乃至他日  
則又曰由太虛有天之名合虛  
與事有性之名何哉若夫  
海水冰沍之喻非通于晝夜  
之故而知者不及此矣夫之子  
者皆特起百世之下獨以其  
精神命脉邈洙泗古及義  
軒假令羣游賜侍坐聖人閒  
無言之指當不疑何也而世  
且疑其謬又或謂至有所迹

焉而疑至後是無異執權  
衡者不知有捶鈎而泥尋  
尺者不知有運斤也吾聞古  
之擇善者詢于葛藟柱  
下之禮鄰子之官吳不有  
文武之道而學者顧欲自  
闡其四通六闢之塗以是為道  
吾不知矣吾願後之志道  
術者將不信於其說毋務以  
不信為中距姑存其說而深  
權之將有信于其說毋務以信  
為先入姑存其說而深惟之

易固有言同歸殊塗而周  
子亦曰一不思則不能通微神  
司之符思感之鍵豈無有  
恍然見天地之大全者苟抑  
謂孟子略法先王而不知其  
統其疑蓋非也而以彼于曲  
士固當吾友考功徐德夫有  
味于周子之言併取張書合  
刻以傳可謂知統者矣  
明南京國子監祭酒掌翰  
林院後學劉曰宣校之撰



合刻周張兩先生全書序

自子興氏後學絕道喪者千五百  
餘年周張兩先生崛起有宋之世  
蓋濂溪於洙泗稱承家肖子於洛  
閩稱初基王父云而橫渠則固其  
介弟行也濂溪提經啟鑰首云無  
極而太極而橫渠云氣本之虛則  
湛本無形感而生則聚而有象非  
所稱造車于室不謀合轍者耶夫  
吾身一天地也繼之者善徧體萬物  
焉非有遺也將來則進成功則退  
何有於我此無極而太極之旨也



皇王得之故不矜不伐有天下而不  
與五伯失之故三歸反玷棚焉是已  
自封成周猶在得失之間乎名誥  
洛誥諸篇大則幾矣化于何有孔  
孟得之故天地位萬物育而無聲  
無臭自若也親親長長以平天  
下而不加不損自若也佛老失之故  
不謂有生于無即以萬象為太虛中  
所見之物而世儒或竊其髓以附吾  
道之影遂有遺棄事物屏黜思慮  
專務靜虛以完養精神者矣有  
味乎紫陽之言此理自來實無形

象故曰無極若論工夫則只中正仁  
義便是理會此事處非別有一段  
根原工夫在講學應事外也而  
何世儒見之邊也蓋嘗就二者而  
衡其弊滯于有者認生為得認死  
為喪認杯酒局棋皆天地間不可磨  
滅之事是以胸中不勝膠膠臈臈  
而酌之易盈取之易竭然其弊止于  
一身于君臣父子之際猶無傷也  
淪于無者注其心于茫昧不可知  
之地而僥倖頓悟謂晝夜陰陽皆  
不足以累其心謂魂魄知覺即是

已性無其惡併無其善遂以過為  
不礙事障可弗改也以善為動用  
即乖可弗遷也以窮理集義為  
支離而主敬讀書皆可廢也其  
歸卒以山河大地為幻妄以君臣  
父子為假合其弊不啻中國而夷  
之不止吁出奴入主誕信相訛其賊  
道可勝嘆哉君子欲激其波而迴  
其瀾胡不自吾夫子折衷之也以  
夫子從心不踰必自立始而曰不  
知禮無以立也狀則入門次第斷  
可識矣是以橫渠學大原篇專教


學者且須觀禮又曰禮即天地之  
德也如顏子者方勉勉于非禮勿  
言勿動勉勉者勉以成性也旨哉  
言乎夫成性則聖聖位天德不可  
致知謂神神則無極而太極之能  
事畢矣故不窺橫渠之門而欲遽  
闖濂溪之室吾未見其得也嘗  
考二程親受太極圖于周子然  
未嘗言之其論張子清虛一大  
之說亦曰使人向別處走而獨  
于禮教深有契也曰子厚以禮教  
學者最善使學者先有所據守



嗚呼二程先生憂世覺民之意豈不甚切乎哉蓋必達少讀太極正蒙而不覺目眩心驤徒望洋也已求之通書西銘間猶迷津也已得張子禮教之指而于濟渡杠梁少有悟焉循而守之差可鮮過

遂推原程子之意而合刻之濂溪書太極通書外僅詩文尺牘數首其餘紫陽時已不傳橫渠書甚多今止得二銘正蒙理窟易說而語錄文集則止得呂公柟所抄者其散見性理近思錄二程

書者稍採補之遺言則曰拾遺事則曰附錄掛一漏萬不無望于後之君子  
萬曆丙午四月望樵李後學徐必達書於銓曹書院



周子全書

目錄

一卷

太極圖解

朱晦翁註

附錄

總論

朱晦翁  
謝方叔

張南軒  
黃瑞節

度正

論太極圖與諸書同異

朱晦翁

無極而太極辨

黃幹

五行說

黃幹

太極圖解序

張氏

周子全書

目錄

太極圖解後序

張氏

書太極圖解後

游九言

太極圖通書總序

朱晦翁

二卷

通書一

朱晦翁註

誠上第一

誠下第二

誠幾德第三

聖第四

慎動第五

道第六

師第七

幸第八

思第九

志學章第十

順化第十一

治第十二

禮樂第十三

務實第十四

受敬第十五

動靜第十六

樂上第十七

樂中第十八

樂下第十九

聖學第二十

三卷

通書二

朱晦翁註

公明第二十一

理性命第二十二

顏子第二十三

師友上第二十四

師友下第二十五

過第二十六

勢第二十七

文辭第二十八

聖蘊第二十九

精蘊第三十

乾損益動第三十一

家人睽復無妄第三十二

富貴第三十三

陋第三十四

擬議第三十五

刑第三十六

公第三十七

孔子上第三十八

孔子下第三十九

蒙艮第四十

附錄

通書序略

胡宏

通書後跋

張栻

四卷

文

養心亭說

愛蓮說

吉州彭推官詩序

邵州遷學釋菜文

賦

拙賦

詩

題門屏

五言絕

題濂溪書堂

書牕夜雨

石塘橋晚釣

以上三首五言古

靜思篇

贈譚虞部致仕

天池

遊大林

宿崇聖

題浩然閣

題寇順之道院壁

憶江西提刑何仲容 以上八首五言律

劍門

春晚

題太顛壁

牧童

經古寺

同友人遊羅巖

題惠州羅浮山

題鄧州仙都觀

宿山房

開字全書 目錄

遊赤水縣龍多山書仙臺觀壁

喜同費長官遊

和費君樂遊山之什

江上別石郎中 以上十三首七言絕

香林別趙清獻

同石守遊

任所寄鄉關故舊 以上三首七言律

書

上二十六叔書

與仲章姪書

與傅秀才書

慰李主簿

五卷

年譜 度正撰有序 度蕃跋附

六卷

像贊 朱晦翁

濂溪先生墓誌銘 潘興嗣

濂溪先生行實 朱晦翁

濂溪先生傳 元龍脫

七卷

開字全書 目錄

諸儒議論

黃山谷 程明道 程伊川 邵伯溫  
呂本中 李延平 尹和叔 朱晦翁  
黃勉齋 陳北溪 陳北山 眞西山  
魏鶴山 胡荊卿

六

周子全書卷之一

宋晦翁朱熹註釋

明後學徐必達校正


太極圖

陰靜

坤道成女

陽動

乾道成男



萬物化生

○此所謂無極而太極也所以動而陽靜而陰之本體也然非有以離乎陰陽也即陰陽而指其本體不雜乎陰陽而為言耳◎此○之動而陽靜而陰也中○者其本體也◎者陽之動也○之用所以行也◎者陰之靜也○之體所以立也◎者之根也◎者○之根也◎此陽變陰合而生水火木金土也◎者陽之變也◎者陰之合也◎陰盛故居右◎陽盛故居左◎陽釋故次火◎陰釋故次水◎冲氣故居中而水火之◎交系乎上陰根陽陽根陰也水而木木而火火而土土而金金而復水如環無端五氣布四時行也◎◎五

行一陰陽五殊二實無餘欠也陰陽一太極精粗

本末無彼此也太極本無極上天之載無聲臭也

五行之生各一其性氣殊質異各一其○無假借

也◎此無極二五所以妙合而無間也○乾男

坤女以氣化者言也各一其性而男女一太極也

○萬物化生以形化者言也各一其性而萬物一

太極也此以上引說解剝圖體惟人也得其秀而

最靈則所謂人○者於是乎在矣然形○之為也

神◎之發也五性◎之德也善惡男女之分也

萬事萬物之象也此天下之動所以紛綸交錯而

吉凶悔吝所由以生也惟聖人者又得夫秀之精

一而有以全乎○之體用者也是以一動一靜各

臻其極而天下之故常感通乎寂然不動之中蓋

中也仁也感也所謂◎也○之用所以行也正也

義也寂也所謂◎也○之體所以立也中正仁義

渾然全體而靜者常為主焉則人○於是乎立而

子之戒慎恐懼所以修此而吉也小人之放僻邪

侈所以恃此而凶也天地人之道各一○也陽也

剛也仁也所謂◎也物之始也陰也柔也義也所

謂◎也物之終也此所謂易也而三極之道立焉



實則一○也故曰易有太極○之謂也  
無極而太極

上天之載無聲無臭而實造化之樞紐品彙之根  
抵也故曰無極而太極非太極之外復有無極也  
太極動而生陽動極而靜靜而生陰靜極復動一動  
一靜互爲其根分陰分陽兩儀立焉

太極之有動靜是天命之流行也所謂一陰一陽  
之謂道誠者聖人之本物之終始而命之道也其  
動也誠之通也繼之者善萬物之所資以始也其  
靜也誠之復也成之者性萬物各正其性命也動  
周子全書卷之一 太極圖 三  
極而靜靜極復動一動一靜互爲其根命之所以  
流行而不已也動而生陽靜而生陰分陰分陽兩  
儀立焉分之所以一定而不移也蓋太極者本然  
之妙也動靜者所乘之機也太極形而上之道也  
陰陽形而下之器也是以自其著者而觀之則動  
靜不同時陰陽不同位而太極無不在焉自其微  
者而觀之則冲漠無朕而動靜陰陽之理已悉具  
於其中矣雖然推之於前而不見其始之合引之  
於後而不見其終之離也故程子曰動靜無端陰  
陽無始非知道者孰能識之

變陰合而生水火木金土五氣順布四時行焉

有太極則一動一靜而兩儀分有陰陽則一絪一  
合而五行具然五行者質具於地而氣行於天者  
也以質而語其生之序則曰水火木金土而水木  
陽也火金陰也以氣而語其行之序則曰木火土  
金水而木火陽也金水陰也又統而言之則氣陽  
而質陰也又錯而言之則動陽而靜陰也蓋五行  
之變至於不可窮然無適而非陰陽之道至其所  
以爲陰陽者則又無適而非太極之本然也夫豈  
有所虧欠間隔哉

周子全書卷之一 太極圖 四  
五行一陰陽也陰陽一太極也太極本無極也五行  
之生也各一其性

五行具則造化發育之具無不備矣故又卽此而  
推本之以明其渾然一體莫非無極之妙而無極  
之妙亦未嘗不各具於一物之中也蓋五行異質  
四時異氣而皆不能外乎陰陽陰陽異位動靜異  
時而皆不能離乎太極至於所以爲太極者又初  
無聲臭之可言是性之本體然也天下豈有性外  
之物哉然五行之生隨其氣質而所稟不同所謂  
各一其性也各一其性則渾然太極之全體無不

各具於一物之中而性之無所不在又可見矣

無極之真二五之精妙合而凝乾道成男坤道成女

二氣交感化生萬物萬物生生而變化無窮焉

夫天下無性外之物而性無不在此無極二五所

以混融而無間者也所謂妙合者也真以理言無

妄之謂也精以氣言不二之名也凝者聚也氣聚

而成形也蓋性爲之主而陰陽五行爲之經緯錯

綜又各以類凝聚而成形焉陽而健者成男則父

之道也陰而順者成女則母之道也是人物之始

以氣化而生者也氣聚成形則形交氣感遂以形

化而人物生生變化無窮矣自男女而觀之則男

女各一其性而男女一太極也自萬物而觀之則

萬物各一其性而萬物一太極也蓋合而言之萬

物統體一太極也分而言之則一物各具一太極也

所謂天下無性外之物而性無不在者於此尤可

以見其全矣乎思子曰君子語大天下莫能載焉

語小天下莫能破焉此之謂也

惟人也得其秀而最靈形既生矣神發知矣五性感

動而善惡分萬事出矣

此言衆人具動靜之理而常失之於動也蓋人物

之生莫不有太極之道焉然陰陽五行氣質交運

而人之所稟獨得其秀故其心爲最靈而有以不

失其性之全所謂天地之心而人之極也然形生

於陰神發於陽五常之性感物而動而陽善陰惡

又以類分而五性之殊散爲萬事蓋二氣五行化

生萬物其在人者又如此自非聖人全體太極有

以定之則欲動情勝利害相攻人極不立而違禽

獸不遠矣

聖人定之以中正仁義聖人之道仁義中正而已矣而主靜無欲故靜

立人極焉故聖人與天地合其德日月合其明四時

合其序鬼神合其吉凶

此言聖人全動靜之德而常本之於靜也蓋人稟

陰陽五行之秀氣以生而聖人之生又得其秀之

秀者是以其行之也中其處之也正其發之也仁

其裁之也義蓋一動一靜莫不有以全夫太極之

道而無所虧焉則向之所謂欲動情勝利害相攻

者於此乎定矣然靜者誠之復而性之真也苟非

此心寂然無欲而靜則又何以酬酢事物之變而

一天下之動哉故聖人中正仁義動靜周流而其

動也必主乎靜此其所以成位乎中而天地日月

幽時鬼神有所不能達也蓋必體立而後用有以  
衍若程子論乾坤動靜而曰不專一則不能直遂  
不翕聚則不能發散亦此意爾

君子修之吉小人悖之凶

聖人太極之全體一動一靜無適而非中正仁義  
之極蓋不假修爲而自然也未至此而修之君子  
之所以吉也不知此而悖之小人之所以凶也修  
之悖之亦在乎敬肆之間而已矣敬則欲寡而理  
明寡之又寡以至於無則靜虛動直而聖可學矣  
故曰立天之道曰陰與陽立地之道曰柔與剛立人  
之道曰仁與義又曰原始反終故知死生之說

太極圖

三百三

陰陽成象天道之所以立也剛柔成質地道之所  
以立也仁義成德人道之所以立也道一而已隨  
事著見故有三才之別而於其中又各有體用之  
分焉其實則一太極也陽也剛也仁也物之始也  
陰也柔也義也物之終也能原其始而知所以生  
則反其終而知所以死矣此天地之間綱紀造化  
流行古今不言之妙聖人作易其大意蓋不出此  
故引之以證其說

太哉易也斯其至矣

易之爲書廣大悉備然語其至極則此圖盡之其  
指豈不深哉抑嘗聞之程子昆弟之學於周子也  
周子手是圖以授之程子之言性與天道多出於  
此然卒未嘗明以此圖示人是則必有微意焉學  
者亦不可以不知也

論曰愚既爲此說讀者病其分裂已甚辯詰紛然  
苦於酬應之不給也故總而論之大抵難者或謂  
不當以繼善成性分陰陽或謂不當以太極陰陽  
分道器或謂不當以仁義中正分體用或謂不當  
言一物各具一太極又有謂體用一源不可言體  
立而後用行者又有謂仁爲統體不可偏指爲陽  
動者又有謂仁義中正之分不當反其類者是數  
者之說亦皆有理然惜其於聖賢之意皆得其一  
而遺其二也夫道體之全渾然一致而精粗本末  
內外賓主之分粲然於其中有不可以毫釐差者  
此聖賢之言所以或離或合或異或同而乃所以  
爲道體之全也今徒知所謂渾然者之爲大而樂  
信之而不知夫所謂粲然者之未始相離也是以  
信同疑異喜合惡離其論每陷於一偏卒爲無星  
之稱無寸之尺而已豈不誤哉夫善之與性不可

易書全書

卷之一

太極圖

人

三百三

謂有二物明矣然繼之者善自其陰陽變化而言也成之者性自夫人物稟受而言也陰陽變化流行而未始有窮陽之動也人物稟受一定而不可復易陰之靜也以此辨之則亦安得無二者之分哉然性善形而上者也陰陽形而下者也周子之意亦豈直指善爲陽而性爲陰哉但語其分則以爲當屬之此耳陰陽太極不可謂有二理必矣然太極無象而陰陽有氣則亦安得而無上下之殊哉此其所以爲道器之別也故程子曰形而上爲道形而下爲器須著如此說然器亦道也道亦器也得此意而推之則庶乎其不偏矣仁義中正同乎一理者也而析爲體用誠若有未安者然仁者善之長也中者嘉之會也義者利之宜也正者貞之體也而元亨者誠之通也利貞者誠之復也是則安得爲無體用之分哉萬物之生同一太極者也而謂其各具則亦有可疑者然一物之中天理完具不相假借不相陵奪此統之所以有宗會之所以有元也是則安得不曰各具一理哉若夫所謂體用一源者程子之言蓋已密矣其曰體用一源者以至微之理言之則冲漠無朕而萬象昭然

已具也其曰顯微無間者以至著之象言之則事卽物而此理無乎不在也言理則先體而後用蓋舉體而用之理已具是所以爲一源也言事則先顯而後微蓋卽事而理之體可見是所以爲無間也然則所謂一源者是豈漫無精粗先後之可言哉况既曰體立而後用行則亦不嫌於先有此而後有彼矣所謂仁爲統體者則程子所謂專言之而包四者是也然其言蓋曰四德之元猶五常之仁偏言則一事專言則包四者則是仁之所以包四者固未嘗離夫偏言之一事亦未有不識夫偏言之一事而可以驟語夫專言之統體者也况此圖以仁配義而復以中正參焉又與陰陽剛柔爲類則亦不得爲專言之矣安得遽以夫統體者言之而昧夫陰陽動靜之別哉至於中之爲用則以無過不及者言之而非指所謂未發之中也仁不爲體則亦以偏言一事者言之而非指所謂專言之仁也對此而言則正者所以爲中之餘而義者所以爲仁之質又可知矣其爲體用亦豈爲無說哉大抵周子之爲是書語意峻潔而混成條理精密而疎暢讀者誠能虛心一意反復潛玩而

毋以先入之說亂焉則庶幾其有得乎周子之心而無疑於紛紛之說矣

熹既為此說嘗錄以寄廣漢張敬夫敬夫以書來曰二先生所與門人講論問答之言見於書者詳矣其於西銘蓋屢言之至此圖則未嘗一言及也謂其必有微意是則固然然所謂微意者果何謂耶熹竊謂以為此圖立象盡意剖析幽微周子蓋不得已而作也觀其手授之意蓋以為惟程子為能當之至程子而不言則疑其未有能受之者爾夫既未能默識於言意之表則馳心空妙入耳出口其弊必有不勝言者近有已覺頗有此弊矣觀其答張闕中論易傳成書深患無受之者及東見錄中論橫渠清虛一大之說使人向別處走不若且只道敬則其意亦可見矣若西銘則推人以之天即近以明遠於學者日用最為親切非若此書詳於性命之原而略於進為之目有不可以驟而語者也孔子雅言詩書執禮而於易則鮮及焉其意亦猶此耳韓子曰堯舜之利民也大禹之慮民也深熹於周子程子亦云既以復於敬夫因記其說於此乾道癸巳四月既望熹謹書

附錄

總論

朱子曰伏羲作易自一畫以下文王演易自乾元以下皆未嘗言太極也而孔子言之孔子贊易曰太極以下未嘗言無極也而周子言之先聖後聖豈不同條而共貫哉○無極二字乃周子灼見道體迥出常情勇往直前說出人不敢說底道理今後之學者曉然見得太極之妙不屬有無不落方體真得千聖以來不傳之秘○先生之精因圖以示先生之蘊因圖以發而所謂無極而太極云者又一圖之綱領所以明夫道之未始有物而實為萬物之根柢也夫豈以為太極之上復有所謂無極哉近世讀者不足以識此而或妄議之既以為先生病史氏之傳先生者乃增其語曰自無極而為太極則又無所依据而重以病夫先生○戊申六月在玉山邂逅洪景廬內翰借得所修國史中有濂溪程張等傳盡載太極圖說蓋濂溪於是始得立傳作史者於此為有功矣然此說本語首句但云無極而太極不知其所据而增此自為二字也夫以本文之意親切渾全明白如此而

見之士猶或妄有譏議若增此字其爲前修之累  
啟後學之疑益以甚矣謂當請而改之而或者以  
爲不可昔蘇子容特以爲父辯誦之故請刊國史  
所記草頭木腳之語神祖猶俯從之況此乃百世  
道術淵源之所繫耶正當援此爲例則無不可改  
之理也○濂溪太極圖首尾相因脉絡貫通首言  
陰陽變化之原其後卽以人所稟受明之自惟人  
也得其秀而最靈純粹至善之性也是所謂太極  
也形生神發則陽動陰靜之爲也五性感動則陽  
變陰合而生水火木金土之性也善惡分則成男

周子全書卷之一

太極圖

一

成女之象也萬事出則萬物化生之象也至聖人  
定之以中正仁義而主靜立人極焉則又有得乎  
太極之全體而與天地混合無間矣故下文又言  
天地日月四時鬼神四者無不合也○太極之旨  
周子立象於前爲說於後互相發明乎正洞達絕  
無毫髮可疑而舊傳圖說皆有謬誤幸其失於此  
者猶或有存於彼是以向來得以參互考證改而  
正之凡所更改皆有據依非出於己意之私也○  
周子喫緊爲人特著太極之書以明道體之極致  
而其所說用工夫處只說定之以中正仁義而主

周子全書卷之一

太極圖

十四

靜君子修之吉而已未嘗使人日用之間必求見  
此無極之真而固守之也盖原此理之所自來雖  
極微妙萬事萬化皆自此中流出而實無形象之  
可指故曰無極耳若論工夫則只中正仁義便是  
理會此事處非是別有一段根原工夫又在講學  
應事之外也○凡看道理要見大頭腦處分明下  
面節節只是此理散爲萬殊如孔子教人雖是逐  
事說箇道理未嘗說出大頭腦處然四方八面合  
聚湊來也自見得箇大頭腦若孟子便已指出教  
人周子說出太極又是大段分明指出矣且如惻  
隱之端從此處推將去則是此心之仁仁卽四德  
之元元卽太極之動處如此節節推將去亦自見  
得大頭腦處若看得太極處分明則盡見得天下  
許多道理條件皆自此出事事物物上皆有此箇  
道理元無虧欠也○太極圖某若不分明別出許  
多節次出來如何看得但未知後人果能如此子  
細去看否○周子太極圖經許多人不同他思  
出自某逐一與他思索方得他如此精密○今人  
多疑濂溪之學出於希夷某曰濂溪書具存如太  
極圖希夷如何有此說

南軒張氏曰先生崛起千載之後獨得微指於殘編斷簡之中推本太極以及乎陰陽五行之流布人物之所以生化於是知人之爲至靈而性之爲至善萬物有其宗萬事循其則舉而措之可見先王之所以爲治者非私知之所出孔孟之意予以復明

山陽度氏曰正始讀晦庵先生所釋太極圖說莫得其義然時時覽而思之不敢廢其後十有餘年讀之既久然後始知所謂上之一圈者太極本然之妙也及其動靜既分陰陽既形而所謂上之

周子全書卷之一

太極圖

一五

三九十七

一圈者常在乎其中蓋本然之妙未始相離也至於陰陽變合而生五行水火木金土各具一圈者所謂分而言之物一太極也水而木而火而土而金復會於一圈者所謂合而言之五行一太極也然其指五行之合也總水火木金而不及土者蓋土行四氣舉是四者以該之兩儀生四象之義也其下一圈爲乾男坤女者所謂男女一太極也又其下之一圈爲萬物化生者所謂萬物一太極也以見太極之妙流行於天地之間者無乎不在而無物不然也然太極本然之妙初無方

所之可名無聲臭之可議學者之求之其將何以求之哉亦求之此心而已矣學者誠能自識其心反而求之日用之間則將有可得而言者夫寂然不動喜怒哀樂之未發者此心之體而太極本然之妙於是乎在也感而遂通喜怒哀樂之既發者此心之用而太極本然之妙於是而流行也然已發者可見而未發者不可見已發者可聞而未發者不可聞學者於此深體而默識之因其可見以推其不可見因其可聞以推其不可聞庶乎融會貫通太極本然之妙可求而心極亦庶乎可立矣

周子全書卷之一

太極圖

一六

三九十八



門之要旨哉遂寧傳者伯成未第時嘗從周子而接其議論先生聞之嘗令正訪其子孫而求其遺文焉在吾鄉時傳嘗有書謝其所寄姤說其後在永州又有書謝其所寄改定同人說但傳之書藁無恙而周子之易說則不可復見耳聞之先生今之通書本名易通則六十四卦疑皆有其說今考其書獨有乾損益家人睽復无妄蒙艮等說而亦無所謂姤說同人說者則其書之散逸亦多矣可不惜哉夫太極者所以發明此心之妙用也通書者又所以發明太極之妙用也然其言辭之高深義理之微密有非後學可以驟而窺者今先生既已反復論辯究極其說章通句解無復可疑者其所以望於後之學者至矣正也輒不自量併以其聞之先生者附之於此學者其亦熟復而深味之哉

謝氏方叔曰道之大原出於天而具於人心其大無外其小無內蓋混然一太極也自伏羲繼天立極因河圖以畫八卦天地定位而乾坤列山澤通氣而艮兌列雷風相薄而震巽列水火不相射而坎離列自震而乾爲數往自巽而坤爲知來八倍

爲十六十六倍爲三十二三十二倍爲六十四地鬼神之與萬事萬物之理森然畢備此伏羲先天之易所以爲萬古斯文之鼻祖也神農氏之取益噬嗑者以是黃帝堯舜之取乾坤至夫者以是夏連山商歸藏亦以是雖其作用不同其實同一太極也降及中古文王繫卦周公繫爻易於是乎有辭孔子生於周末晚作十翼先天後天互相發明其紀載於詩書其發揮於禮樂其筆削於春秋大本大原曾不外此去聖浸遠世之諸儒或汨於訓詁詞章之末或溺於權謀功利之習甚至薄蝕於虛無寂滅之教其斷喪天理滋甚更千百年至我國朝天啟斯道始有濂溪周先生獨傳千載不傳之秘上祖先天之易著太極一圖所謂太極云者蓋本於易有太極而陰陽五行人物由此而生卽太極生兩儀兩儀生四象四象生八卦之謂也自太極分陰陽陰陽分五行五行分四時皆指太極之在造化者自無極二五之妙合而推萬物之化生自人物之並生而別人心之最靈自五性之感動而明聖人之立極此皆指太極之在品彙者自其在造化者言之則卽天地可以推太極動靜



之妙故曰立天之道曰陰與陽立地之道曰柔剛自其在品彙者言之惟聖人會太極動靜之全故曰立人之道曰仁與義終始不窮流行今古此所謂六爻之動三極之道也六爻之中五上爲天三四爲人初二爲地統而言之三極同一太極折而言之三極各一太極故周子於圖說之終斷之曰大哉易也斯其至矣此周子作圖之本意也至於易通之書則又與此圖相爲表裏伊洛道喪傳者多失其真中興以來復有考亭朱先生上接聖賢相傳之道統著書立言私淑後學其本義啟蒙諸書皆所以闡揚乎太極之理言造化之樞紐所以明陰陽五行一太極言品彙之根柢所以明男女萬物一太極其曰上天之載無聲無臭則周子無極而太極之意非駕空鑿虛之說也又曰非太極之外復有無極則周子太極本無極之意非疊牀架屋之說也太極得朱子表章而益明可謂有大造於萬世學者矣

黃氏瑞節曰朱子於書無不緒正而周子二書解在乾道九年已脫藁至淳熙十五年始出以授學者慶元五年三月將終之前五日猶爲諸生講太

極圖至夜分則其於是書蓋終身焉然與陸氏兄弟往復爭辯以此與林侍郎栗論不合得効以此最後臺臣排擊僞學有張貴謨者指論太極圖說之非遂決去以終其身亦以此嗚呼先生講授一意分更分漏開示學者惟恐一毫之不明且盡也而人之好異亦可畏哉後之讀是書者其知先生苦心云

### 論太極圖與諸書同異

朱子曰伏羲畫卦只就陰陽以下孔子又就陰陽上發出太極康節又道須信畫前元有易濂溪太極圖又有許多詳備○問太極圖自一而二自二而五卽推至於萬物易則自一而二自二而四自四而八自八而十六自十六而三十二自三十二而六十四然後萬物之理備西銘則止言陰陽洪範則止言五行或略或詳皆不同何也曰理一也人所見有詳略耳然道理亦未始不相值也○問先天太極二圖曰先天乃伏羲本圖非康節所自作雖無言語而所該甚廣凡今易中一字一義無不自其中流出者太極却是濂溪自作發明易中大槩綱領意思而已故論其格句則太極不如先

天之大而詳論其義理則先天不如太極之精而約蓋合下規模不同而太極終在先天範圍之內又不若彼之自然不假思慮安排也若以數言之則先天之數自一而二自二而四自四而八以爲八卦太極之數亦自一而二剛自二而四剛善剛惡遂加其一中以爲五行而遂下及於萬物蓋物理本同而象數亦無二致但推得有大小詳略耳○先天之說亦是太極散爲六十四卦三百八十四爻而一卦一爻莫不具一太極其各具一太極處又有許多道理須虛心平氣就事觀理不可只就圖想像思惟也○問劉子所謂天地之中卽周子所謂太極否曰只一般但名不同中只是恰好處書惟皇上帝降衷于下民亦只是恰好處極不是中極之爲物只是在中如這燭臺中央替處便是極從這裏比到那裏也恰好不會加些從那裏比到這裏也恰好不會減些○問濂溪作太極圖發明造化之原橫渠作西銘揭示進爲之方然二先生之學不知所造爲孰深曰此未易窺測然亦非學者所當輕議也○問近思錄載橫渠論氣二章其說與太極圖動靜陰陽之說相出入然橫渠

立論不一而足似不若周子之言有本末次第也曰橫渠論氣與西銘太極各是發明一事不可以此而廢彼優劣亦不當輕議也○問橫渠太虛之說本是說無極却只說得無字曰無極是該虛實清濁而言無極字落在中間太虛字落在一邊了便是難說聖人熟了說出便恁地平正而今把意思去形容他却有時偏了○太極是箇大底物事四方上下曰宇古往今來曰宙無一箇物似宇樣大四方去無極上下去無極是多大無一箇物似宙樣長遠亘古亘今往來不窮自家心下須常認得這意思問此是誰語曰此是古人語象山常要說此語但他說便只是這箇又不用裏面許多節拍却只守得箇空蕩蕩底公更看橫渠西銘初看有許多節拍却似狹充其量是甚麼樣大○問康節所謂一陽初動處萬物未生時曰某嘗謂康節之學與周子程子所說小有不同康節於那陰陽相接處看得分曉故多舉此處爲說不似周子說無極而太極與五行一陰陽陰陽一太極如此周遍若如周子程子之說則康節所說在其中矣康節是指貞元之間言之不似周子程子說得活

體用一原顯微無間

無極而太極辯

黃幹

極之得名以屋之脊棟爲一屋之中居高處蓋爲衆木之總會四方之尊仰而舉一屋之木莫能加焉故極之義雖訓爲至而實則以有方所形狀而指名也如北極皇極爾極民極之類皆取諸此然皆以物之有方所形狀適似於極而具極之義故以極名之以物喻物蓋無難曉惟大傳以易之至理在易之中爲衆理之總會萬化之本原而舉天下之理莫能加焉其義莫可得名而有類於極於是取極名之而繫以太則其尊而無對又非他極之比也然則太極者特假是物以名是理雖因其有方所形狀以名而非有方所形狀之可求雖與他書所用極字取義略同而以實喻虛以有喻無所喻在於言外其意則異周子有見於此恐夫人以它書閑字之例求之則或未免滯於方所形狀而失聖人取義之意故爲之言曰無極而太極蓋其措辭之法猶曰無形而至形無方而大方欲人知夫非有是極而謂之太極亦特托於極以明理耳又曰太極本無極也蓋謂之極則有方所形狀

矣故又反而言之謂無極云耳本非有極之實欲人不以方所形狀求而當以意會於此其反覆推本聖人所以言太極之意最爲明白後之讀者字義不明而以中訓極已爲失之然又不知極字但爲取喻而遽以理言故不惟理不可無於周子無極之語有所難通且太極之爲至理其辭已足而加以無極則誠似於贅者矣因見象山語無極書正應不能察此而輒肆於籠辯爲之切嘆故著其說如此云

五行說

黃幹

五行之序以質之所生而言則水本是陽之濕氣以其初動爲陰所陷而不得遂故水陰勝火本是陰之燥氣以其初動爲陽所揜而不得達故火陽勝蓋生之者微成之者盛生之者形之始成之者形之終也然各以偏勝也故雖有形而未成質以氣升降土不得而制焉木則陽之濕氣浸多以感於陰而舒故發而爲木其質柔其性煖金則陰之燥氣浸多以感於陽而縮故結而爲金其質剛其性寒土則陰陽之氣各盛相交相搏凝而成質以氣之行而言則一陰一陽往來相代木火金水云

者各就其中而分老少耳故其序各由少而老土則分旺四季而位居中者也此五者序若參差而造化所以爲發育之具實並行而不相悖蓋質則陰陽交錯凝合而成氣則陰陽兩端循環不已質曰水火木金蓋以陰陽相間言猶曰東西南北所謂對代者也氣曰木火金水蓋以陰陽相因言猶曰東南西北所謂流行者也質雖一定而不易氣則變化而無窮所謂易也

此段性理太極圖註作黃勉齋五行篇又作周子曰

### 太極圖解序

張栻

二程先生道學之傳發於濂溪周子而太極圖乃濂溪自得之妙蓋以手授二程先生者或曰濂溪傳太極圖於穆修修之學出於陳搏豈其然乎此非諸子所得而知也其言約其義微自孟氏以來未之有也通書之說大抵皆發明此意故其首章曰誠者聖人之本大哉乾元萬物資始誠之源也乾道變化各正性命誠斯立焉夫曰聖人之本誠之源者蓋深明萬化之一源也以見聖人之精蘊此卽易之所謂密中庸之所謂無聲無臭者也至於乾道變化各正性命則是本體之流行發見者故曰誠斯立焉其篇云五行陰陽太極四時運行

萬物終始混兮闢兮其無窮兮道學之傳實在乎此愚不敏輒舉大端與朋友共議焉雖然太極豈可以圖傳也先生之意特假圖以立義使學者默會其旨歸要當得之言意之表可也不然而謂可以方所求之哉

### 太極圖解後序

張栻

或曰太極圖周先生手授二程先生者也今二程先生之所講論答問之見於遺書者大略可睹獨未及此圖何耶以爲未可遽示則聖人之微辭見於中庸易繫者先生固多所發明矣而何獨秘於此耶栻應之曰二程先生雖不及此圖然其說固多本之矣試詳攷之當自可見學者誠能從事於敬真積力久則夫動靜之幾將深有感於隱微之間而是圖之妙可以默得於胸中不然縱使辯說之詳猶爲無益也嗟乎先生誠通誠復之論其至矣乎聖人與天地同用通而復復而通中庸以喜怒哀樂未發已發言之又就人身上推尋至於見得大本達道處又衆同只是此理此理就人身上推尋若不於未發已發處看卽何緣知之蓋就天地之本源與人物上推來不得不具此所以於動

而生陽難爲以喜怒哀樂已發言之在天地只具理也今欲作兩節看切恐差了復卦見天地之心先儒以爲靜見天地之心伊川先生以爲動乃見此恐便是動而生陽之理然於復卦發出此一畧示人又於初爻以顏子不遠復爲之此只要示人無間斷之意人與天理一也就此理上皆收攝來與天地合其德與日月合其明與四時合其序與鬼神合其吉凶皆其度內爾

書太極圖解後

游九言

易有太極濂溪夫子加無極何也人肖天地試卽吾心驗之方其寂然無思萬善未發是無極也雖云未發而此心昭然靈源不昧是太極也欲知太極先識吾心澄神端慮察而見焉始知夫子發明造化之蘊啟悟萬世而義易與旨益著或謂妄加無極或以訓就文義名之失夫子之意遠矣

太極圖通書總序

朱熹

右周子之書一編今春陵零陵九江皆有本而互有同異長沙本最後出乃熹所編定視他本最詳密矣然猶有所未盡也蓋先生之學其妙具於太極一圖通書之指皆發此圖之蘊而程先生兄弟

語及性命之際亦未嘗不因其說觀通書之誠動靜理性命等章及程氏之書李仲通銘程邵公誌顏子好學論等篇則可見矣故潘清逸誌先生之墓叙所著書特以作太極圖爲稱首然則此圖當爲書首不疑也然先生旣手以授二程本因附書後邢寬居傳者見其如此遂誤以圖爲書之卒章不復釐正使先生立象盡意之微旨暗而不明而驟讀通書者亦復不知有所總攝此則諸本皆失之而長沙通書因胡氏所傳篇章非復本次又削去分章之目而別以周子曰加之於書之大義雖若無害然要非先生之舊亦有去其目而遂不可曉者如理性命章之類又諸本附載銘碣詩文事多重復亦或不能有發明於先生之道以幸學者故今特據潘誌置圖篇端以爲先生之精意則可以通乎書之說矣至於書之分章定次亦皆復其舊貫而取公及蒲左丞孔司封黃太史所記先生行事之實刪其重複合爲一篇以便觀者蓋世所傳先生之書言行具此矣潘公誌謂易通疑卽通書而易說獨不可見向見友人多蓄異書自謂有傳本亟取而觀焉則淺陋可笑皆舍法時舉子綴葺餘

與圖說通書絕不相似不問可知其僞獨不知世復有能得其真者與否以圖書推之知其所發當極精要微言湮沒甚可惜也熹又嘗讀朱內翰震進易說表謂此圖之傳自陳搏种放穆修而來而五峰胡公仁仲作通書序又謂先生非止爲种穆之學者此特其學之一師耳非其至者也夫以先生之學之妙不出此圖以爲得之於人則決非种穆所及以爲非其至者則先生之學又何以加於此圖哉是以竊嘗疑之及得誌文考之然後知果先生之所自作而非有所受於人者公蓋皆未見

周子全書

卷之一

六極圖

三

評

周子全書卷之一終

周子全書卷之二

宋晦翁朱熹註釋

明後學徐必達校正

通書一

通書者濂溪夫子之所作也夫子姓周氏名惇頤字茂叔自少卽以學行有聞於世而莫或知其師傳之所自獨以河南兩程夫子嘗受學焉而得孔孟不傳之正統則其淵源因可槩見然所以指夫仲尼顏子之樂而發其吟風弄月之趣者亦不可得而悉聞矣所著之書又多散失獨此一篇本號易通與太極圖說並出程氏以傳於世而其爲說實相表裏大抵推一理二氣五行之分合以紀綱道體之精微決道義文辭利祿之取舍以振起俗學之卑陋至論所以入德之方經世之具又皆親切簡要不爲空言顧其宏綱大用旣非秦漢以來諸儒所及而其條理之密意味之深又非今世學者所能驟而窺也是以程氏旣沒而傳者鮮焉其知之者不過以爲用意高遠而已熹自蚤歲卽幸得其遺編而伏讀之初蓋茫然不知其所謂而甚或不能以句壯歲獲遊延平先生之門然後始得聞其說之一二比年以來潛玩旣久乃若粗有得

焉雖其宏綱大用所不敢知然於其章句文字之間則有以實見其條理之愈審意味之愈深而不我欺也顧自始讀以至于今歲月幾何條焉三紀慨前哲之益遠懼妙旨之無傳竊不自量輒爲注釋雖知凡近不足以發夫子之精蘊然創通大義以俟後之君子則萬一其庶幾焉淳熙丁未九月甲辰後學朱熹謹記

誠上第一

誠者聖人之本

誠者至實而無妄之謂天所賦物所受之正理也人皆有之而聖人之所以聖者無他焉以其獨能全此而已此書與太極圖相表裏誠卽所謂太極也

大哉乾元萬物資始誠之源也

此上二句引易以明之乾者純陽之卦其義爲健乃天德之別名也元始也資取也言乾道之元萬物所取以爲始者乃實理流出以賦於人之本如水之有源卽圖之陽動也

乾道變化各正性命誠斯立焉

此上二句亦易文天所賦爲命物所受爲性言乾

道變化而萬物各得受其所賦之正則實理於是而各爲一物之主矣卽圖之陰靜也純粹至善者也

純不雜也粹無疵也此言天之所賦物之所受皆實理之本然無不善之雜也

故曰一陰一陽之謂道繼之者善也成之者性也

此亦易文陰陽氣也形而下者也所以一陰一陽者理也形而上者也道卽理之謂也繼之者氣之

方出而未有所成之謂也善則理之方行而未有所立之名也陽之屬也誠之源也成則物之已成

性則理之已立者也陰之屬也誠之立也

元亨誠之通利貞誠之復

元始亨通利遂貞正乾之四德也通者方出而賦於物善之繼也復者各得而藏於已性之成也此於圖已爲五行之性矣

大哉易也性命之源乎

易者交錯代換之名卦爻之立由是而已天地之間陰陽交錯而實理流行一賦一受於其中亦猶是也

誠下第二



聖誠而已矣

聖人之所以聖不過全此實理而已即所謂太極者也

誠五常之本百行之源也

五常仁義禮智信五行之性也百行孝悌忠信之屬萬物之象也實理全則五常不虧而百行修矣靜無而動有至正而明達也

方靜而陰誠固未嘗無也以其未形而謂之無耳及動而陽誠非至此而後有也以其可見而謂之有耳靜無則至正而已動有然後明與達者可見也

關子全書

卷之二

通書

四

三

五常百行非誠非也邪暗塞也

非誠則五常百行皆無其實所謂不誠無物者也靜而不正故邪動而不明不達故暗且塞

故誠則無事矣

誠則衆理自然無一不備不待思勉而從容中道矣

至易而行難

實理自然故易人僞奪之故難

果而確無難焉

果者陽之決確者陰之守決之勇守之固則人僞不能奪之矣

故曰一日克己復禮天下歸仁焉

克去己私復由天理天下之至難也然其機可一日而決其効至於天下歸仁果確之無難如此

誠幾德第三

誠無爲

實理自然何爲之有即太極也

幾善惡

幾者動之微善惡之所由分也蓋動於人心之微

則天理固當發見而人欲亦已萌乎其間矣此陰

關子全書

卷之二

通書

五

三

陽之象也

德愛曰仁宜曰義理曰禮通曰智守曰信

道之得於心者謂之德其別有是五者之用而因以名其體焉即五行之性也

性焉安焉之謂聖

性者獨得於天安者本全於己聖者大而化之之稱此不待學問勉強而誠無不立幾無不明德無

不備者也

復焉執焉之謂賢



復者反而至之執者保而持之賢者才德過人之稱此思誠研幾以成其德而有以守之者也

發微不可見充周不可窮之謂神

發之微妙而不可見充之周徧而不可窮則聖人之妙用而不可知者也

#### 聖第四

寂然不動者誠也感而遂通者神也動而未形有無之間者幾也

本然而未發者實理之體善應而不測者實理之用動靜體用之間介然有頃之際則實理發見之

中庸全書卷之二

通書

六 一百五十三

端而衆事吉凶之兆也

誠精故明神應故妙幾微故幽

清明在躬志氣如神精而明也不疾而速不行而至應而妙也理雖已萌事則未著微而幽也

誠神幾曰聖人

性焉安焉則精明應妙而有以洞其幽微矣

#### 慎動第五

動而正曰道

動之所以正以其合乎衆所共由之道也

用而和曰德

用之所以和以其得道於身而無所待於外也

匪仁匪義匪禮匪智匪信悉邪也

所謂道者五常而已非此則其動也邪矣

邪動辱也甚焉害也

無得於道則其用不和矣

故君子慎動

動必以正則和在其中矣

#### 道第六

聖人之道仁義中正而已矣

中卽禮正卽智圖解備矣

中庸全書卷之二

通書

七

一九十六

守之貴

天德在我何貴如之

行之利

順理而行何往不利

廓之配天地

充其本然並立之全體而已矣

豈不易簡豈爲難知

道體本然故易簡人所固有故易知

不守不行不廓耳

言爲之則是而嘆學者自失其幾也

師第七

或問曰易爲天下善曰師曰何謂也曰性者剛柔善惡中而已矣

此所謂性以氣稟而言也

不達曰剛善爲義爲直爲斷爲嚴毅爲幹固惡爲猛爲隘爲強梁柔善爲慈爲順爲異惡爲懦弱爲無斷爲邪佞

剛柔固陰陽之大分而其中又各有陰陽以爲善惡之分焉惡者固爲非正而善者亦未必皆得乎中也

中庸

卷之二

通書

人

九

惟中也者和也中節也天下之達道也聖人之事也此以得性之正而言也然其以和爲中與中庸不合蓋就已發無過不及者而言之如書所謂允執厥中者也

故聖人立教俾人自易其惡自至其中而止矣

易其惡則剛柔皆善有嚴毅慈順之德而無強梁懦弱之病矣至其中則其或爲嚴毅或爲慈順也又皆中節而無太過不及之偏矣

故先覺覺後覺闇者求於明而師道立矣

師者所以攻人之惡正人之不中而已矣

師道立則善人多善人多則朝廷正而天下治矣

此所以爲天下善也○此章所言剛柔即易之兩儀各加善惡即易之四象易又加倍以爲八卦而

此書及圖則止於四象以爲火水金木而即其中以爲土蓋道體則一而人之所見詳略不同但於本體不差則並行而不悖矣

幸第八

人之生不幸不聞過大不幸無耻

不聞過人不告也無耻我不仁也

必有耻則可教聞過則可賢

中庸

卷之二

通書

九

九

有耻則能發憤而受教聞過則知所改而爲賢然不可教則雖聞過而未必能改矣以此見無耻之不幸爲尤大也

思第九

洪範曰思曰睿睿作聖

睿通也

無思本也思通用也幾動於彼誠動於此無思而無不通爲聖人

無思誠也思通神也所謂誠神幾曰聖人也

聰思則不能通微不睿則不能無不通是則無不通

生於通微通微生於思

通微睿也無不通聖也

故思者聖功之本而吉凶之機也

思之至可以作聖而無不通其次亦可以見機通

微而不陷於凶咎

易曰君子見幾而作不俟終日

睿也

又曰知幾其神乎

聖也

志學章第十

聖希天賢希聖士希賢

道書

十

一

希望也字本作晞

伊尹顏淵大賢也伊尹耻其君不為堯舜一夫不得

其所若撻于市顏淵不遷怒不貳過三月不違仁

說見書及論語皆賢人之事也

志伊尹之所志學顏子之所學

此言士希賢也

過則聖及則賢不及則亦不失於令名

二者隨其所用之淺深以為所至之近遠不失令

名以其有為善之實也○胡氏曰周子患人以發

策決科榮身肥家希世取寵為事也故曰志伊尹

之所志患人以廣聞見工文辭矜智能慕空寂為

事也故曰學顏子之所學人能志此志而學此事

則知此書之包括至大而其用無窮矣

順化第十一

天以陽生萬物以陰成萬物生仁也成義也

陰陽以氣言仁義以道言詳已見圖解矣

故聖人在上以仁育萬物以義正萬民

所謂定之以仁義

天道行而萬物順聖德修而萬民化大順大化不見

其迹莫知其然之謂神

道書

十三頁九十六

天地聖人其道一也

故天下之衆本在一人道豈遠乎哉術豈多乎哉

天下之本在君君之道在心心之術在仁義

治第十二

十室之邑人人提耳而教且不及况天下之廣兆民

之衆哉曰純其心而已矣

純者不雜之謂心謂人君之心

仁義禮智四者動靜吉貌視聽無違之謂純

仁義禮智五行之德也動靜陰陽之用而言貌視

聽五行之事也德不言信事不言思者欲其不違則固以思爲主而必求是四者之實矣

心純則賢才輔

君取人以身臣道合而從也

賢才輔則天下治

衆賢各任其職則不待人人提耳而教矣

純心要矣用賢急焉

心不純則不能用賢不用賢則無以宣化

禮樂第十三

禮理也樂和也

禮陰也樂陽也

陰陽理而後和君君臣臣父子兄弟第夫夫婦婦萬物各得其理然後和故禮先而樂後

此定之以中正仁義而主靜之意程子論敬則自然和樂亦此理也學者不知持敬而務爲和樂鮮

不流於慢者

務實第十四

實勝善也名勝耻也故君子進德修業孳孳不息務實勝也德業有未著則恐恐然畏人知遠耻也小人則僞而已故君子日休小人日憂

實修而無名勝之耻故休名勝而無實修之善故憂

愛敬第十五

有善不及

設問人或有不善而我不能及則如之何

曰不及則學焉

答言當學其善而已

問曰有不善

問人有不善則何以處之

曰不善則告之不善且勸曰庶幾有改乎斯爲君子

答言人有不善則告之以不善而勸其改告之者

恐其不知此事之爲不善也勸之者恐其不知不善之可改而爲善也

有善一不善二則學其一而勸其二

曰亦答詞也言人有善惡之雜則學其善而勸其惡

有語曰斯人有是之不善非大惡也則曰孰無過焉

知其不能改改則爲君子矣不改爲惡惡者天惡之

彼豈無畏耶烏知其不能改

此亦答言聞人有過雖不得見而告勸之亦當答之以此冀其或聞而自改也有心悖理謂之惡無

心失理謂之過

故君子悉有衆善無弗愛且敬焉

善無不學故悉有衆善惡無不勸故不棄一人於惡不棄一人於惡則無所不用其愛敬矣

動靜第十六

動而無靜靜而無動物也

有形則滯於一偏

動而無動靜而無靜神也

神則不離於形而不囿於形矣

動而無動靜而無靜非不動不靜也

動中有靜靜中有動

物則不通神妙萬物

結上文起下意

水陰根陽火陽根陰

水陰也而生於一則本乎陽也火陽也而生於二則本乎陰也所謂神妙萬物者如此

五行陰陽陰陽太極

此卽所謂五行一陰陽陰陽一太極者以神妙萬物之體而言也一云承上文而言自五而一也

四時運行萬物終始

此卽所謂五氣順布四時行焉無極二五妙合而

凝者以神妙萬物之用而言也一云四時卽五行也反上文而言自

五而

混今闢今其無窮兮

體本則一故曰混用散而殊故曰闢一動一靜其

運如循環之無窮此兼舉其體用而言也一云混

五而一動而靜陽而陰也闢開也自五而萬靜而

動陰而陽也一合一開如循環之無端而天地之

窮矣化無 ○此章發明圖意更宜參考

樂上第十七

古者聖王制禮法修教化三綱正九疇叙百姓大和

萬物咸若

綱綱上大繩也三綱者夫爲妻綱父爲子綱君爲

臣綱也疇類也九疇見洪範若順也此所謂理而

後和也

乃豫樂以宣八風之氣以平天下之情

八音以宣八方之風見國語宜所以達其理之分

乎所以節其和之流

故樂聲淡而不傷和而不淫入其耳感其心莫不淡

且和焉淡則欲心平和則躁心釋

淡者理之發和者和之爲先淡後和亦主靜之意

也然古聖賢之論樂曰和而已此所謂淡蓋以今樂形之而後見其本於莊正齊肅之意耳

優柔平中德之盛也天下化中治之至也是謂道配天地古之極也

欲心平故平中躁心釋故優柔言聖人作樂功化之盛如此或云化中當作化成

後世禮法不修政刑苛荼縱欲敗度下民困苦謂古樂不足聽也代變新聲妖淫愁怨導欲增悲不能自止故有賊君棄父輕生敗倫不可禁者矣

廢禮敗度故其聲不淡而妖淫政苛民困故其聲

通書 十六

不和而愁怨妖淫故導欲而至於輕生敗倫愁怨故增悲而至於賊君棄父

嗚呼樂者古以平心今以助欲古以宣化今以長怨古今之異淡與不淡和與不和而已

不復古禮不變今樂而欲至治者遠矣

復古禮然後可以變今樂

### 樂中第十八

樂者本乎政也政善民安則天下之心和故聖人作樂以宣暢其和心達于天地天地之氣感而大和焉天地和則萬物順故神祇格鳥獸馴

聖人之樂既非無因而強作而其制作之妙又能真得其聲氣之元故其志氣天人交相感動而其效至此

### 樂下第十九

樂聲淡則聽心平樂辭善則歌者慕故風移而俗易矣妖聲豔辭之化也亦然

### 聖學第二十

聖可學乎曰可曰有要乎曰有請聞焉曰一爲要一者無欲也無欲則靜虛動直靜虛則明明則通動直則公公則溥明通公溥庶矣乎

通書 十七

此章之指最爲要切然其辭義明白不煩訓解學者能深玩而力行之則有以知無極之真兩儀四象之本皆不外乎此心而日用間自無別用力處矣

周子全書卷之三

宋晦翁朱熹註釋

明後學徐必達校正

通書二

公明第二十一

公於已者公於人未有不公於已而能公於人也

此爲不勝已私而欲任法以裁物者發

明不至則疑生明無疑也謂能疑爲明何啻千里

此爲不能先覺而欲以逆詐億不信爲明者發然

明與疑正相南北何啻千里之不相及乎

理性命第二十二

周子全書卷之三

通書

一

周子全書

厥彰厥微匪靈弗鑒

此言理也陽明陰晦非人心太極之至靈孰能明

之

剛善剛惡柔亦如之中焉止矣

此言性也說見第七篇即五行之理也

二氣五行化生萬物五殊二實二本則一是萬爲一

一實萬分萬一各正小大有定

此言命也二氣五行天之所以賦受萬物而生之

者也自其末以緣本則五行之異本二氣之實二

氣之實又本一理之極是合萬物而言之爲一太

極而已也自其本而之末則一理之實而萬物分

之以爲體故萬物之中各有一太極而小大之物

莫不各有一定之分也○此章十六章意同

顏子第二十三

顏子一簞食一瓢飲在陋巷人不堪其憂而不改其

樂

說見論語

夫富貴人所愛也顏子不愛不求而樂乎貧者獨何

心哉

設問以發其端

周子全書卷之三

通書

三

周子全書

天地間有至貴至愛可求而異乎彼者見其大而忘

其小焉爾

至愛之間當有富可二字所謂至貴至富可愛可

求者即周子之教程子每令尋仲尼顏子樂處所

樂何事者也然學者當深思而實體之不可但以

言語解會而已

見其大則心泰心泰則無不足無不足則富貴貧賤

處之一也處之一則能化而齊故顏子亞聖

齊字意複恐或有誤或曰化大而化也齊齊於聖

也亞則將齊而未至之名也

師友上第二十四

天地間至尊者道至貴者德而已矣至難得者人而  
而至難得者道德有於身而已矣

此略承上章之意其理雖明然人心蔽於物欲鮮  
克知之故周子每言之詳焉

求人至難得者有於身非師友則不可得也已

是以君子必隆師而親友

師友下第二十五

道義者身有之則貴且尊

周子於此一意而屢言之非複出也其丁寧之意

切矣

人生而蒙長無師友則愚是道義由師友有之

此處恐更有由師友字屬下句

而得貴且尊其義不亦重乎其聚不亦樂乎

此重此樂人亦少知之者

過第二十六

仲由喜聞過令名無窮焉今人有過不喜人規如護  
疾而忌醫寧滅其身而無悟也噫

勢第二十七

天下勢而已矣勢輕重也

一輕一重則勢必趨於重而輕愈輕重愈重矣

極重不可反識其重而亟反之可也

重未極而識之則猶可反也

反之力也識不早力不易也

反之在於人力而力之難易又在識之早晚

力而不競天也不識不力人也

不識則不知用力不力則雖識無補

天乎人也何尤

問勢之不可反者果天之所爲乎若非天而出於

人之所爲則亦無所歸罪矣

文辭第二十八

文所以載道也輪轅飾而人弗庸徒飾也况虛車乎

文所以載道猶車所以載物故爲車者必飾其輪

轅爲文者必善其詞說皆欲人之愛而用之然我

飾之而人不用則猶爲虛飾而無益於實况不載

物之車不載道之文雖美其飾亦何爲乎

文辭藝也道德實也篤其實而藝者書之美則愛愛

則傳焉賢者得以學而至之是爲教故曰言之無文

行之不遠

此猶車載物而輪轅飾也



然不賢者雖父兄臨之師保勉之不學也強之不從也

此猶車已飾而人不用也

不知務道德而第以文辭爲能者藝焉而已噫弊也久矣

此猶車不載物而徒美其飾也○或疑有德者必有言則不待藝而後其文可傳矣周子此章似猶別以文辭爲一事而用力焉何也曰人之才德偏有長短其或意中不了了而言不足以發之則亦不能傳於遠矣故孔子曰辭達而已矣程子亦言西銘吾得其意但無子厚筆力不能作耳正謂此也然言或可少而德不可無有德而有言者常多有德而不能言者常少學者先務亦勉於德而已矣

聖蘊第二十九

不慎不啓不排不發舉一隅不以三隅反則不復也說見論語言聖人之教必當其可而不輕發也

子曰予欲無言天何言哉四時行焉百物生焉

說亦見論語言聖人之道有不待言而顯者故其言如此

然則聖人之蘊微顏子殆不可見發聖人之蘊教萬

世無窮者顏子也聖同天不亦深乎

蘊中所畜之名也仲尼無迹顏子微有迹故孔子之教既不輕發又未嘗自言其道之蘊而學者唯顏子爲得其全故因其進修之迹而後孔子之蘊可見猶天不言而四時行百物生也

常人有一聞知恐人不速知其有也急人知而名也薄亦甚矣

聖凡異品高下懸絕有不待校而明者其言此者正以深厚之極譬夫淺薄之尤耳然於聖人言深常人言薄者深則厚淺則薄上言首下言尾互文以明之也

精蘊第三十

聖人之精畫卦以示聖人之蘊因卦以發卦不畫聖人之精不可得而見微卦聖人之蘊殆不可悉得而聞

精者精微之意畫前之易至約之理也伏羲畫卦專以明此而已蘊謂凡卦中之所有如吉凶消長之理進退存亡之道至廣之業也有卦則因以形矣

易何止五經之源其天地鬼神之奧乎

陰陽有自然之變卦畫有自然之體此易之爲書所以爲文字之祖義理之宗也然不止此蓋凡管於陰陽者雖天地之大鬼神之幽其理莫不具於卦畫之中焉此聖人之精蘊所以必於此而寄之也

乾損益動第三十一

君子乾乾不息於誠然必懲忿窒慾遷善改過而後至乾之用其善是損益之大莫是過聖人之旨深哉此以乾卦爻詞損益大象發明思誠之方蓋乾乾不息者體也去惡進善者用也無體則用無以行無用則體無所措故以三卦合而言之或曰其字亦是莫字

吉凶悔吝生乎動噫吉一而已動可不慎乎

四者一善而三惡故人之所值福常少而禍常多不可不謹○此章論易所謂聖人之蘊

家人睽復无妄第三十二

治天下有本身之謂也治天下有則家之謂也則謂物之可視以爲法者猶俗言則例則樣也本必端端本誠心而已矣則必善善則和親而已矣心不誠則身不可正親不和則家不可齊

家難而天下易家親而天下疏也

親者難處疏者易裁然不先其難亦未有能其易者

家人離必起於婦人故睽次家人以二女同居而志不同行也

睽次家人易卦之序二女以下睽彖傳文二女謂睽卦兌下離上兌少女離中女也陰柔之性外和悅而內猜嫌故同居而異志

堯所以釐降二女于媯汭舜可禪乎吾茲試矣

釐理也降下也媯水名汭水處舜所居也堯理治

睽次家人易卦之序

通書

八

三十五

下嫁二女於舜將以試舜而授之天下也

是治天下觀于家治家觀身而已矣身端心誠之謂也誠心復其不善之動而已矣

不善之動息於外則善心之生於內者無不實矣

不善之動妄也妄復則无妄矣无妄則誠矣

程子曰无妄之謂誠

故无妄次復而曰先王以茂對時育萬物深哉

无妄次復亦卦之序先王以下引无妄卦大象以明對時育物唯至誠者能之而贊其旨之深也○

此章發明四卦亦皆所謂聖人之蘊

富貴第三十三

君子以道充爲貴身安爲富故常泰無不足而銖視軒冕塵視金玉其重無加焉爾

此理易明而屢言之欲人有以真知道義之重而不爲外物所移也

陋第三十四

聖人之道入乎耳存乎心蘊之爲德行行之爲事業彼以文辭而已者陋矣

意同上章欲人真知道德之重而不溺於文辭之陋也

擬議第三十五

至誠則動動則變變則化故曰擬之而後言議之而後動擬議以成其變化

中庸易大傳所指不同今合而言之未詳其義或曰至誠者實理之自然擬議者所以誠之之事也

刑第三十六

天以春生萬物止之以秋物之生也既成矣不止則過焉故得秋以成聖人之法天以政養萬民肅之以刑民之盛也欲動情勝利害相攻不止則賊滅無倫焉故得刑以治

意與十一章略同

情偽微暖其變千狀苟非中正明達果斷者不能治也訟卦曰利見大人以剛得中也噬嗑曰利用獄以動而明也

中正本也明斷用也然非明則斷無以施非斷則明無所用二者又自有先後也訟之中兼乎正噬

嗑之明兼乎達訟之剛噬嗑之動卽果斷之謂也嗚呼天下之廣主刑者民之司命也任用可不慎乎

公第三十七

聖人之道至公而已矣或曰何謂也曰天地至公而

孔子上第三十八

春秋正王道明大法也孔子爲後世王者而修也亂臣賊子誅死者於前所以懼生者於後也宜乎萬世無窮王祀夫子報德報功之無盡焉

孔子下第三十九

道德高厚教化無窮實與天地參而四時同其惟孔子乎

道高如天者陽也德厚如地者陰也教化無窮如四時者五行也孔子其太極乎

蒙艮第四十

童蒙求我我正果行如筮焉筮叩神也再三則瀆矣瀆則不告也

此通下三節雜引蒙卦象象而釋其義童稚也蒙暗也我謂師也筮揲著以決吉凶也言童蒙之人來求於我以發其蒙而我以正道果決彼之所行如筮者叩神以決疑而神告之吉凶以果決其所行也叩神求師專一則明如初筮則告二三則惑故神不告以吉凶師亦不當決其所行也

山下出泉靜而清也汨則亂亂不決也

山下出泉大象文山靜泉清有以全其未發之善故其行可果汨再三也亂瀆也不決不告也蓋汨則不靜亂則不清既不能保其未發之善則告之不足以果其所行而反滋其惑不如不告之爲愈也

慎哉其惟時中乎

時中者象傳文敎當其可之謂也初則告瀆則不告靜而清則決之汨而亂則不決皆時中也艮其背背非見也靜則止止非爲也爲不止矣其道也深乎

此一節引艮卦之象而釋之艮止也背非有見之地也艮其背者止於不見之地也止於不見之地則靜靜則止而無爲一有爲之心則非止之道矣○此章發明二卦皆所謂聖人之蘊而主靜之意矣

右周子太極圖并說一篇通書四十章世傳舊本遺文九篇遺事十五條事狀一篇熹所集次皆已校定可繕寫熹按先生之書近歲以來其傳既益廣矣然皆不能無繆誤惟長沙建安板本爲庶幾焉而猶頗有所未盡也蓋先生之學之奧其可以象告者莫備於太極之一圖若通書之言蓋皆所以發明其蘊而誠動靜理性命等章爲尤著程氏之書亦皆祖述其意而李仲通銘程邵公誌顏子好學論等篇乃或并其語而道之故清逸潘公誌先生之墓而敘其所著之書特以作太極圖爲首稱而後乃以易說易通繫之其知此矣然諸本皆附於通書之後讀者遂誤以爲書之卒章使先生立象之微旨暗而不明驟而語夫通書者亦不知其綱領之在是也長沙本既未及有所是正而通書乃因胡氏所定章次先後輒頗有所移易又刊

去章目而別以周子曰加之皆非先生之書若理性命章之類則一去其目而遂不可曉其所附見銘碣詩文視他本則詳矣然亦或不能有以發明於先生之道而徒爲重複故建安本特據潘誌置圖篇端而書之次序名章亦復其舊又卽潘誌及蒲左丞孔司封黃太史所記先生行事之實刪去重複參互攷訂合爲事狀一篇至於道學之概有諸君子所不及知者則又一以程氏及其門人之言爲正以爲先生之書之言之行於此亦略可見矣然後得臨汀楊方本以校而知其舛陋猶有未盡正者又得何君營道詩序營道春陵者之言而知事狀所叙濂溪命名之說有失其本意者覆校舊編而知筆削之際亦有當錄而誤遺之者又讀張忠定公語而知所論希夷種穆之傳亦有未盡其曲折者嘗欲別加是正以補其闕而病未能也茲乃被命假守南康遂獲嗣守先生之遺教於百有餘年之後顧德弗類慚懼已深瞻仰高山益切寤歎因取舊帙復加更定而附著其說如此錄板學宮以與同志之士共覽觀焉新安朱熹謹書

附錄

通書序略

胡宏

通書四十章周子之所述也周子名惇願字茂叔春陵人推其道學所自或曰傳太極圖於穆修傳先天圖於种放放傳於陳搏此殆其學之一師歟非其至者也希夷先生有天下之願而卒與鳳歌荷蓀長往不來者伍於聖人無可無不可之道亦似有未至者程明道先生嘗謂門弟子曰昔受學於周子令尋仲尼顏子所樂者何事而明道先生自再見周子吟風弄月以歸道學之士皆謂程顥氏續孟子不傳之學則周子豈特爲种穆之學而止者哉粵若稽古孔子述三五之道立百王經世之法孟軻氏闢楊墨推明孔子之澤以爲萬世不斬人謂孟氏功不在禹下今周子啟程氏兄弟以不傳之妙一回萬古之光明如日麗天將爲百世之利澤如水行地其功蓋在孔孟之間矣人見其書之約也而不知其道之大也見其文之質也而不知其義之精也見其言之淡也而不知其味之長也顧愚何足以知之然服膺有年矣試舉一二語爲同志者起予之益乎患人以發策決科榮

身肥家希世取寵爲事也則曰志伊尹之所志  
人以知識聞見爲得而自畫不待價而自沽也則  
曰學顏子之所學人有真能立伊尹之志修顏子  
之學者然後知通書之言包括至大而聖門之事  
業無窮矣故此一卷書皆發端以示人者宜其度  
越諸子直與易書詩春秋語孟同流行乎天下是  
以叙而藏之遇天下之善士又尚論前修而欲讀  
其書者則傳焉

通書後跋

張拭

濂溪周先生通書友人朱熹元晦以太極圖列于  
篇首而題之曰太極通書拭刻于嚴陵學宮以示  
多士嗟乎自聖學不明語道者不睹夫大全卑則  
割裂而無統高則汗漫而不精是以性命之說不  
參乎事物之際而經世之務僅出乎私意小智之  
爲豈不可歎哉惟先生生乎千有餘載之後超然  
獨得夫大易之傳所謂太極圖乃其綱領也推明  
動靜之一源以見生化之不窮天命流行之體無  
乎不在文理密察本末該貫非闡微極幽莫能識  
其指歸也然而學者若之何而可以進於是哉亦  
曰敬而已矣誠能起居食息主一而不舍則其德

性之知必有卓然不可掩於體察之際者而後生  
生之蘊可得而窮太極可得而識矣

周子全書卷之三附錄終

周子全書卷之四

雜著

明後學嘉興徐必達校正

文

養心亭說

孟子曰養心莫善於寡欲其爲人也寡欲雖有不存焉者寡矣其爲人也多欲雖有存焉者寡矣予謂養心不止於寡焉而存耳蓋寡焉以至於無無則誠立明通誠立賢也明通聖也是聖賢非性生必養心而至之養心之善有大焉如此存乎其人而已張子宗範有行有文其居背山而面水山之麓構亭甚清淨

周子全書

卷之四

雜著

一 三 五 十

愛蓮說

水陸草木之花可愛者甚蕃晉陶淵明獨愛菊自李唐來世人甚愛牡丹予獨愛蓮之出淤泥而不染濯清漣而不妖中通外直不蔓不枝香遠益清亭亭淨植可遠觀而不可褻玩焉予謂菊花之隱逸者也牡丹花之富貴者也蓮花之君子者也噫菊之愛陶後鮮有聞蓮之愛同予者何人牡丹之愛宜乎衆矣

吉州彭推官詩序

蔣實慶曆初爲洪州分寧縣主簿被外臺檄承乏袁

州廬溪鎮市征之局局鮮事袁之進士多來講學於

公齋因談及今朝江左律詩之工坐間誦吉州彭推

官篇者六七其句字信乎能覲天巧而膾炙人口矣

我聞分寧新邑宰上未踰月而才明之譽已飛數百

里有謂惇實曰邑宰太博思永卽嚮所誦之詩推官

之子也吉與袁鄰郡父兄輩皆識推官第爲善內樂

殊忘官之高卑齒之壯老以至於沒其慶將發於是

乎惇實故又知推官之德暨還邑局聞推官之詩益

多亦能記誦不忘十五年而太博爲刑部郎中直史

館益州路轉運使惇實自南昌知縣就移僉署巴川

周子全書

卷之四

雜著

二 三 五 十

郡判官廳公事益梓鄰路也泝流赴局過渝州越三

舍接巴川境間有溫泉佛寺艤舟遊覽忽覩榜詩乃

推官之作喜豁讀訖錄本納于轉運公公復書重謝

且曰願刻一石若蒙繼以短序尤荷厚意故序於詩

後而命工刻石置寺之堂焉實嘉祐二年正月十五

日云承奉郎守太子中舍僉署合州軍事判官廳公

事周惇實撰

邵州遷學釋菜文

惟夫子道高德厚教化無窮實與天地參而四時同  
上自國都下及州縣通立廟貌州守縣令春秋釋奠

維天子之尊入廟肅恭行禮其重誠與天地參焉儒  
衣冠學道業者列室於廟朝夕目瞻眸容心慕至德  
幾於顏氏之子者有之得其位施其澤及生民者代  
有之然夫子之宮可忽歟而邵置於惡地掩於衙門  
左獄右庾穢喧歷年惇願攝守州符嘗拜堂下惕汗  
流背起而議遷得地東南高明協卜用舊增新不日  
成就彩章冕服儼坐有序諸生既集率僚告成謹以  
禮幣藻蘋式陳明薦以充國公顏子配

維治平五年歲次戊申正月甲戌朔三日丙子朝奉  
郎尚書駕部員外郎通判永州軍州兼管內勸農事  
周子全書

卷之四

雜著

三十一

權發遣邵州軍州事上騎都尉賜緋魚袋周惇願敢  
昭告于先師充國公顏子爰以遷修廟學成恭修釋  
菜于先聖至聖文宣王惟子睿性通微實幾於聖明  
誠道確夫子稱賢謹以禮幣藻蘋式陳明獻從祀配  
神

賦

拙賦

或謂予曰人謂子拙予曰巧竊所耻也且患世多巧  
者喜而賦之曰巧者言拙者默巧者勞拙者逸巧者  
賊拙者德巧者凶拙者吉嗚呼天下拙刑政微上安

下順風清弊絕

詩

題門扉

有風還自掩無事晝常關開闔從方便乾坤在此間

題濂溪書堂

廬山我久愛買田山之陰田間有清水清泚出山心  
山心無塵土白石磷磷沉澗溪來數里到此始澄深  
有龍不可測岸木寒森森書堂構其上隱几看雲岑  
倚梧或歌枕風月盈中襟或吟或冥默或酒或鳴琴  
數十黃卷軸賢聖談無音牕前即疇囿外桑麻林

周子全書

雜著

四十一

芋蔬可卒歲綃布足衣衾飽煖大富貴康寧無價金  
吾樂蓋易足名濂朝暮箴

書牕夜雨

秋風拂盡熱半夜雨淋漓遠屋是芭蕉一枕高響聞  
恰似釣魚船蓬底睡覺時

石塘橋晚釣

濂溪溪上釣思歸復思歸釣魚船好睡寵辱不相隨  
肯爲爵祿重白髮猶羈縻

靜思篇

靜思歸舊隱日出半山晴醉榻雲籠潤吟窓瀑瀉清



開方爲達士忙只是勞生朝市誰頭白車輪未曉

贈譚虞部致仕

清時望郎貴白首故鄉歸有子紆藍綬將孫着綵衣  
松喬新道院鶴老舊漁磯知止自高德寧爲遁者肥

天池

斯須暮雲合白日無餘暉金波從地湧寶籟穿林飛  
僧言自雄誇俗駭無因依安知本地靈發見隨天機

遊大林

二月山房煖林花互照明路盤層頂上人在半空行  
水色雲合白禽聲谷應清天風拂襟袂縹緲覺身輕

詞子全書卷之四

雜著

五

三月二十日

宿崇聖

公程無暇日暫得宿清幽始覺空門客不生浮世愁  
溫泉喧古洞晚磬度危樓徹曉都忘寐心疑在沃州

題浩然閣

劉侯戴武弁政則心吾儒士茂先興學子賢勤讀書  
猷爲莫不善才力盖有餘西北方求帥浩然寧久居

題冠順之道院壁

一日復一日一杯復一杯青山無限好俗客不曾來  
往事一如此朱顏安在哉寄語地上客歷亂竟誰催

憶江西提刑何仲容

蘭似香爲友松何枯向春榮來天澤重歿去緇

畫作百年夢終歸一窖塵痛心雙淚下無復見賢人

劍門

劍立溪峰信險深吾皇大道正天心百年外戶都無  
閉空有關名點貢琛

春晚

花落柴門掩夕暉昏鴉數點傍林飛吟餘小立闌干  
外遙見樵漁一路歸

題太顛壁

退之自謂如夫子原道深排佛老非不識太顛何似  
者數書珍重更留衣

詞子全書卷之四

雜著

六

三月二十六

牧童

東風放牧出長坡誰識阿童樂趣多歸路轉鞭牛背  
上笛聲吹老太平歌

經古寺

琳宮金刹接林巒一徑潛通竹徑寒是處塵埃皆可  
息時清終未忍辭官

同友人遊羅巖

聞有山巖卽去尋亦躋雲外入松陰雖然未是洞中  
境且異人間名利心

題惠州羅浮山

紅塵白日無閑人况有魚緋繫此身關上羅浮目浩然心意復吾真

題鄧州仙都觀

山盤江上虬龍活殿倚雲中洞府深欽想真風杳何在偃松喬栢共蕭森

宿山房

久厭塵空樂靜元俸微猶乏買山錢徘徊真境不能去且寄雲房一榻眠

遊赤水縣龍多山書仙臺觀壁

南華金書

卷之四

雜著

七

時

到官處處須尋勝惟此合陽無勝尋赤水有山仙甚古攀躋聊足到官心

喜同費長官遊

尋山尋水侶尤難愛利愛名心少閑此亦有君吾甚樂不辭高遠共躋攀

和費君樂遊山之什

雲樹巖泉景盡奇登臨深恨訪尋遲長樓未得於何記猶有君能雅和詩

江上別石郎中

落葉蟬聲占渡頭渡頭人擁欲行舟別離情似長江

水遠亦隨公日夜流

香林別趙清獻

公暇頻陪塵外遊朝天仍得送行舟軒車更共入山脚旌旆且從留渡頭精舍泉聲清灑灑高林雲色淡悠悠談終道與愁言去明日瞻思上郡樓

同石守遊

朝市誰知世外遊杉松影裏入吟幽爭名逐利千繩縛度水登山萬事休野鳥不驚如得伴白雲無語似相留傷人莫咲凭欄久爲戀林居作退謀

任所寄鄉關故舊

南華金書

卷之四

雜著

八

時

老子生來骨性寒宦情不改舊儒酸停杯厭飲香醪味舉筋常餐淡菜盤事冗不知筋力倦官清贏得夢魂安故人欲問吾何況爲道春陵只一般

書

上二十六叔書

姪男惇願啟孟秋猶熱伏惟二十六叔三十一叔諸叔母諸兄長尊體起居萬福周興來知安樂喜無盡惇願守官於外與新婦幸如常不勞憂念來春歸鄉卽遂拜侍伏望順時倍加保愛不備姪男惇願狀上二十六叔三十一叔諸叔母諸兄長座前七月六日

夜 諸弟諸姪安樂好將息好將息

與仲章姪書

仲章夏熱計新婦男女安健我此中與叔母季老通  
老韓姐善二以下並安近通中得先公加贈官誥贈  
諫議大夫家門幸事幸事汝備酒果香茶詣墳前告  
聞先公諫議也未相見千萬好將息不具叔付仲章  
六月十四日 諸處書立使周一父子送去叔母韓  
姐傳語汝與新婦姪兒姪女各計安好將息好將息  
自一百二附兄嫂起居之間善二與新婦安安汝切  
不得來周翁夫妻安否周一父子看守墳塋小心否  
周子全書卷之四 雜著 九 三〇六十一

與傅秀才書

惇實頓首傳君茂才足下昨日飯會上草草致書不  
識已達否日惟履用休適惇實自春來郡事併多又  
新守將至諸要備辦稍有一日空暇則或過客或節  
辰或不時聚會每會卽作詩雅則雅矣形勞亦瘁故  
尚未有意思爲足下作策問勿訝勿訝遂州平紋紗  
輕細者深得好皂者告買一疋自要作夏衫并買襦  
蒲綾袴段二箇碎事煩聒愧悚愧悚急遣人探新守  
次走筆不謹暄煥加愛不宣惇實頓首傳君茂才足

慰李才元書

惇實頓首變故不常竊審尊夫人太君奄棄榮養伏  
惟號天永慕難以勝處罔極奈何孝思奈何敢冀  
哀以從中制卑情不任苦痛之至謹奉疏以慰不宣  
謹疏四月某日汝南周惇實疏上

周子全書卷之四

雜著

十

九十六

周子全書卷之五

明後學嘉興徐必達校正

年譜

山陽度正撰

真宗天禧元年丁巳是歲先生生周氏之先自帝嚳  
生后稷至太王邑于周其後遂以爲氏漢有汝南  
侯先生蓋汝南之後也初諱惇實字茂叔避英宗  
舊諱改惇願世家營道莫詳其遷徙所自族衆而  
業儒曾祖從遠祖智強智強五子長式終汀州上  
杭縣令次鐸次正皆不仕次輔成次輅輔成卽先  
生之父大中祥符八年蔡齊榜六舉以上特奏名  
賜進士出身終賀州桂嶺令累贈諫議大夫葬于  
道州營道縣營樂鄉鍾樂里樓田先娶唐氏生礪  
礪生仲章卽先生有書付之桂嶺君贈諫議大夫  
誥而使之告墓者也唐卒左侍禁鄭燦成都人有  
女先適盧郎中盧卒諫議以爲繼室是生先生  
天禧五年辛酉先生時年五歲  
乾興元年壬戌先生時年六歲  
仁宗天聖元年癸亥先生時年七歲  
天聖七年己巳先生時年十三志輒高遠濂溪舊有  
橋橋有小亭先生常釣遊其上吟風弄月至今父

老皆能言之

天聖九年辛未先生時年十五侍禁之子龍圖閣學  
士珣令先生母兄盧惇文挈之遂偕母仙居縣太  
君自營道入京師依舅氏  
明道元年壬申先生時年十六  
景祐元年甲戌先生時年十八  
景祐三年丙子先生時年二十行義名稱有聞於時  
龍圖公名子皆以惇字因以惇名先生奏補試將  
作監主簿故盧氏子亦名惇文  
景祐四年丁丑先生時年二十一七月十六日仙居  
周子全書卷之五  
縣太君鄭氏卒葬於潤州丹徒縣龍圖公之墓側  
寶元元年己卯先生時年二十二  
康定元年庚辰先生時年二十四服除從吏部調洪  
州分寧縣主簿  
慶曆元年辛巳先生時年二十五按先生序彭應求  
詩自言慶曆初爲分寧主簿當是此年時分寧縣  
有獄不決先生至一訊立辯士大夫交口稱之嘗  
被臺檄攝袁州盧溪鎮市征局鮮事袁之進士來  
講學於公齋者甚衆  
慶曆四年甲申先生時年二十八部使者以爲才奏

舉南安軍司理參軍

慶曆五年乙酉先生時年二十九南安獄有囚法不當死轉運使王達欲深治之達苛刻吏無敢相可否先生獨力爭之不聽則置手版歸取告身委之而去白如此尚可仕乎殺人以媚人吾不爲也達感悟囚得不死

慶曆六年丙戌先生時年三十大理寺寺丞知虔州興國縣程公珣假倅南安視先生氣貌非常人與語果知道者因與爲友令二子師之及爲郎每遷授當舉代輒以先生名聞二子即明道伊川也明

周子全書卷之五

年譜

王松軒手

道生於明道元年伊川生於明道二年時明道年十五伊川年十四爾故明道傳云自十五六時與弟頤聞周惇實論學遂厭科舉之習慨然有求道之志其後先生作太極圖獨手授之他莫得聞焉按程氏家傳頤知虔州興國二年就移知龔州二年覃明堂恩改殿中丞代還在途而儂智高亂陷龔州按國史皇祐二年祀明堂其明年智高叛則

前之宰興國正是年也以轉運使王達薦移郴州郴縣令長沙王民極云先生首修縣學有修學記當考

慶曆八年戊子先生時年三十二爲郴縣令知州事

職方員外郎李初平知其賢不以屬吏遇之嘗聞先生論學歎曰吾欲讀書如何先生曰公老無及矣某請得爲公言之初平遂日聽先生語二年而後有得初平兩知郴州按題名記此其再任時也皇祐元年己丑先生時年三十三李初平卒子幼先生曰吾事也爲護其喪歸葬之往來經紀其家始終不懈

皇祐二年庚寅先生時年三十四爲郴州桂陽令

皇祐五年癸巳先生時年三十七先生在郴州皆有

周子全書卷之五

年譜

四

治績諸公交薦之

至和元年甲午先生時年三十八用薦者言改大理寺丞知洪州南昌縣南昌人見先生來喜曰是初仕分寧始至能辨其疑獄者吾屬得所訴矣嘗得疾更一日夜始甦潘興嗣視其家服御之物止一敝篋錢不滿百

至和二年乙未先生時年三十九

嘉祐元年丙辰先生時年四十以太子中舍僉書合州判官事先生性好山水沂峽至秭歸聞龍昌洞之勝與廬陵蔣槩洪崖彭德純遊焉蔣記之事見

稀歸集是歲十一月至合州十日視事轉殿中丞  
賜五品服

嘉祐二年丁酉先生時年四十一正月十五日作彭  
推官宿崇勝院詩序九月回謁鄉官州司錄黃又  
回謁解元才郎今不詳其爲誰氏子當是去年鄉  
貢今年南省下第而歸者聞先生學問故來求見  
耳遂寧傳者伯成少有俊才年十四薦於鄉先生  
妻黨陸丞自小溪解官東歸過合陽爲先生言傳  
之爲人先生致書於傳傳答書云執事以濟衆爲  
懷神所勞資故得高士與施至術而心朋遠寓名  
方豈不盛哉賤子聞之弗勝喜躍書言心朋意似  
指二程後書又云遠遠高賢鄙吝復萌曩接高論  
固多餘意行思坐想默有所得不遂溺於時習失  
於古道也傳已來合陽見先生矣後書又謂蒙示  
姤說意遠而不迂詞簡而有法雜之元結集中不  
知孰爲元孰爲周也盧次山謂其詞深意密如軻  
之文鄭夫人前適盧郎中次山必郎中族黨之知  
學者味其言尤爲知先生耳是歲傳和先生席上  
酬孟翔太傅詩有異時公行已其勢不可獨前  
策疲蹇助公施蘊蓄舒張太平策散作蒼生

句

嘉祐三年戊戌先生時年四十二傳伯成請策題先  
生未暇作因遣人至遂寧探問新合州使君有書  
寄傳且託買皂紗作夏衫并樗蒲綾袴段二箇按  
先生在合州與同事者三人何涉董宗式李豐何  
涉之來在先生前李豐在四年十月惟宗式在三  
年三月此乃三月四日書則所探新合州爲宗式無疑  
耳

嘉祐四年己亥先生時年四十三左丞蒲公宗孟從  
蜀江道于合初見先生相與款語連三日夜而歎  
曰世有斯人歟乃議以其妹歸之

嘉祐五年庚子先生時年四十四六月十九日先生  
解僉判職事時呂給事陶爲銅梁令有送先生序  
并詩呂先有詩賀先生弄璋今併載集中先生初  
娶職方郎中陸參之女封緡雲縣君按嘉祐二年  
傳與先生書云封君尊候康寧又云聞封君雅甚  
平復然竟以不起又按呂和叔有詩賀其弄璋未  
知陸所出否也至是再娶常丞蒲師道女是爲左  
丞宗孟之妹左丞二姊五妹其別黎郎十娘詩云  
六娘周家婦晚方偶良姻迺是我手甥不見五六

春先生在合人心悅服事不經先生手吏不敢

苟下之人亦不從既去相與祠之南禪按劔門

先生有題劔門詩先生在合陽無因過劔門或是

嘗過閬中蒲氏聞劔門之勝因往遊耳先生東歸

時王荆公安石年三十九提點江東刑獄與先生

相遇語連日夜安石退而精思忘寢食是歲趙清

獻公朴以言事切直出知虔州

嘉祐六年辛丑先生時年四十五遷國子博士通判

虔州先生前在合陽或諧之清獻清獻臨之甚威

先生處之超然清獻疑終不釋至是熟試先生所

爲執其手嘆曰幾失君矣今日迺知周茂叔也薦

之於朝論之於士大夫終其身

嘉祐八年癸卯先生時年四十七行縣至雩都邀餘

杭錢建侯拓四明沈幾聖希顏遊羅巖正月七日

刻石四月壬申英宗登極遷虞部員外郎贈父桂

嶺君爵郎中五月作愛蓮說是歲虔州民失火焚

千餘家朝廷行遣差替先生時出行縣不自辨明

韓魏公會魯公皆知之遂對移通判永州程師孟

時知洪州以詩送行有永水自然勝瀨水浯溪廬

不謙瀛溪沙頭候吏瞻旗脚境上鄉人待馬蹄之句

英宗治平元年甲辰先生時年四十八

治平二年乙巳先生時年四十九三月十四日同宋

復古遊廬山大林寺至山巔有遊大林寺詩江南

西路轉運使成都李公大臨才元以詩謁先生于

瀛溪云簷前翠靄逼廬山門掩寒流盡日間指江

州之瀛溪也運使李公丁憂四月先生以疏慰之

清獻公自成都寄詩先生云君向瀛溪湖外行倅

藩仍喜便歸程指道州之瀛溪也按成都記清獻

以是年四月視事所寄詩當在四月以後十一月

合饗天地于圓丘先生遷比部員外郎先生在武

昌嘗以詩一軸寄蒲左丞除夕方達次年正月左

丞復成十詩答之今載清風集

治平四年丁未先生時年五十一先生素貧初入京

師鬻其產以行擇留美田十餘畝畀周興耕之以

灑掃其父郎中之墓至是自永州移文營道言之

因歸故里經澹山留題巖扁云周惇頤携二子壽

燾歸春陵展墓三月六日與鄉人蔣瓘區有鄰歐

陽麗理椽陳賡同遊含輝洞洞在今營道縣二里

刻石其陰八日營道給吏文付周興從先生之言

也神宗登極遷朝奉郎尚書駕部員外郎加贈父

諫議大夫六月十四日與其兄之子仲章手帖云  
可具酒果香茶詣墳前告聞先公諫議是也其帖  
後歸張敬夫先生在永州三年嘗作拙賦既去永  
人思之爲立祠題曰康功胡寅明仲有詩云千古  
濂溪周別駕一篇清獻錦江詩是秋攝邵州事九  
月先生自邵陽發遁以改定同人說寄傳伯成傳  
時知嘉州平羌縣明年傳復先生書云蒙寄貺同  
人說徐展熟讀較以舊本改易數字皆人意所不  
到處宜乎宗師仰慕之不暇也先是邵之學在牙  
城之中左獄右庾卑陋弗稱先生始至伏謁先聖  
祠下起而悚然乃度高明之地遷于城之東南逾  
月而成

綱目全書卷之五

年譜

九

三

神宗熙寧元年戊申先生時年五十二荆湖北路轉  
運使孔延之爲先生作邵學記書曰治平五年正  
月三日其日先生率僚吏諸生告于先聖先師亦  
書治平五年神宗卽位改治平五年爲熙寧元年  
時改年詔未到故學記及祝辭皆作治平五年耳  
後人徇尋常便利之說輒徙其學他所乾道元年  
知州事胡侯始復其舊張敬夫爲詳其事而記之  
云呂正獻公公著在侍從聞先生名力薦之

獻公在中書擢授廣東路轉運判官有啟謝正  
公云在薄宦有四方之遊於高賢無一日之雅  
熙寧三年庚戌先生時年五十四轉虞部郎中擢提  
點廣南東路刑獄

熙寧四年辛亥先生時年五十五以正月九日領提  
點刑獄職事具進退官吏得舉者自以爲不寃行  
部至潮州有題太顛堂詩時虞部郎中杜諮知端  
州禁百姓采石獨是知州古斷人號爲杜萬石幾  
爲先生發摘因此起請每官員一任只得買石硯  
二枚遂爲著令先生盡心職事務在矜恕俄得疾  
聞水齧仙居縣太君鄭氏墓遂乞南康八月朔移  
知南康軍十二月十六日改葬於江州德化縣廬  
阜清泉社三起山葬畢曰強疾而來爲葬爾今猶  
欲以病汚麾綬耶上南康印分司南京

熙寧五年壬子先生時年五十六先生平日俸祿悉  
以周宗族奉賓友及分司而歸妻子餽粥不給贖  
然不以爲意酷愛廬阜至是遂築書堂而定居焉  
正過九江必造所謂書堂者距州城十許里堂之  
左卽先生之祠有塑像三山帽紫衣方領赤舄坐  
平方床之上又左則爲光風霽月亭自州城

綱目全書卷之五

年譜

十

三



先至焉右則愛蓮亭拙堂後爲一室其前刻  
說拙賦及太極圖通書墓碣祠記圖書皆附晦  
解釋於其下不著何人書或云永嘉陳益之書之  
門外數步卽發源蓮花峰下先生寓名以爲濂溪  
者溪之外不二十里卽廬山正嘗留詩云維莫之  
春萬象都望花尋柳過溪居一源流水元清潔幾  
片浮雲自卷舒獨對高山吟景行細看芳草訂遺  
書可憐魚鳥渾無意相向欣欣總自如夔指王中  
甫嘗爲德化縣近因書道舊云好事者重修書堂  
前詩不復存矣

周子全書卷之五 年譜 十一  
熙寧六年癸丑先生時年五十七清獻公抃再尹成  
都聞先生去拜章乞留朝命及門以六月七日先  
生卒二子壽壽皆太廟齋郎以十一月二十一日  
葬先生于仙居縣太君墓左從遺命也孔文仲爲  
文以祭先生曰童蒙之歲隨宦于洪論父之執賢  
莫如公公年甚壯玉色金聲從容和毅一府皆傾  
又曰有文與學又敏政事絕吟不比伊傳自視其  
後蘇文忠公追賦濂溪詩有曰先生豈我輩造物  
乃其徒言之至此是必嘗見太極圖者故推之於  
造物以形容之也黃太史亦云人品甚高曾中

落如光風霽月非其親見先生接其辭氣則其所  
以爲言亦安能曲盡其妙惟先生東生知之異質  
加以汲汲於學故一時老師宿儒專門名家一藝  
一能有過於人有關於世者無不訪問然其所至  
皆天造自得所謂不由師傳默契道體者是爲得  
之或謂陳搏傳種放放傳穆修修傳先生今種穆  
所著存於世者古文而已然亦未絕於理觀搏與  
張忠定語及公事先後有太極動靜分陰陽之意  
然其所爲龍圖記蓋唐末五代偶麗之體與太極  
圖說絕不相似今觀太極圖說精妙微密與易大  
傳相類蓋非爲此圖者不能爲此說非爲此說者  
不能爲此圖義理混然出於一人之手決非前人  
剽襲後人從而爲之說正是以謂不由師傳默契  
道體者之爲得之也或謂無極二字出於老子先  
生之學蓋出老子然老子之言無極如列子莊子  
之言無窮無極釋氏之言無量無邊蓋指四旁爲  
義先生之言無極而太極是指中間極至之理今  
以其字之同而不察其旨之大異比而同之不惟  
不足以知先生之意恐於老子之言亦未識其指  
歸也或謂先生與胡文恭公同師潤州鶴林寺

壽涯或謂邵康節之父邂逅文恭於廬山從隱  
老浮圖遊遂同授易書所謂隱者疑卽壽涯也其  
後康節著皇極經世書以數爲宗文恭立朝論堯  
遜閔伯於商丘主辰遷實沉於大夏主參商丘爲  
宋宋火德大夏爲并并爲水古稱參辰不並火盛  
則水衰宜進辰抑參蓋亦星曆之學也先生之學  
得之者莫如明道伊川明道伊川嘗云靈山會下  
若干人皆悟道某敢道無一人悟者若果有一人  
悟道臨死時須求一尺帛裹頭蓋謂曾子以士之  
身死於大夫之簀爲非禮必易之而後卒彼斷髮  
之人不能全而歸之本之則無知先生之所不取  
也今以先嘗請問於此二人者卽謂其學本出於  
此二人者亦失之遠矣蓋孔子問禮於老聃訪樂  
於萇弘謂孔子生知未嘗師問老聃萇弘者固不  
可謂孔子之學本出於老聃萇弘者可乎此不待  
聖智知其必不然耳先生既沒之後春陵人祠之  
學宮復於里舍塑像春秋二仲有職於學官者遵  
故事宿舍中風興監薦惟謹淳熙庚子郡博士章  
頴捐俸金率士子增大之於廳之左右闢兩齋  
曰吟風弄月以處學者晦菴師長沙首遣祝

莫云維紹熙五年歲在甲寅八月己丑朔二十八  
日丙辰朝散郎秘閣修撰權發遣潭州軍兼管內  
勸農營田事主管荆湖南路安撫司公事馬步軍  
都總管借紫朱熹謹遣學生廸功郎道州寧遠縣  
尉馮允中致祭于濂溪先生周公明道先生程公  
伊川先生程公於皇道體沕穆無窮義農旣遠孔  
孟爲宗秦漢以還名崇實否文字所傳糟粕而已  
大賢起之千載一逢兩程之緒自我周翁清瀟之  
源有嚴覲象欲覲無因徒有悵望吏以毀告閔然  
于衷出金少府往佐其功爰俾諸生敬陳一酌先  
生臨之有赫無昧尚饗今刻祠中壽字李老第百  
一生於合州銅梁令呂陶以詩賀之娶鄭氏卽先  
生母黨元豐五年黃裳榜登第初任吉州司戶次  
秀州知錄終司封郎中熹字通老一字次元蒲所  
生生於虔州初授司法元祐三年李常寧榜登第  
官知成都府終朝議大夫徽猷待制二子旣顯果  
贈宣奉大夫先生之學門人弟子多矣而二程爲  
能傳之二程之學門人弟子亦多矣而謝上蔡楊  
龜山游定夫侯師聖尹彥明爲能得之龜山傳之  
羅仲素仲素傳之李延平延平傳之晦菴先生師

聖傳之胡文定公文定傳之五峰五峰傳之張  
夫敬夫及晦菴相繼稍被召用推明先生之學所  
在祠先生於學宮以興起學者而又解釋太極圖  
說及通書正學者之差繆明其心法以示後世使  
百世之下有志之士得其書而讀之如親授於先  
生聖賢事業可學而能謂孔孟之學絕而復續豈  
誣也哉然必嘗從事於此也然後知之近年以來  
蜀之推行其學講明踐修者益衆臨邛魏華甫了  
翁除潼川憲使下問於正今政令所當先者正謂  
之曰濂溪先生幸仕敎鄉下車之初宜遣祝幣委  
僉判或敎官告之導學者趨向既而華甫更思所  
以表顯之者遂具奏曰臣猥以晚學誤被簡注擢  
司詳刑于蜀之東既服攸司兼攝漕輓職分所繫  
於敎學立師崇化善俗所不當後因惟國朝盛時  
先正鉅公多在於蜀其生有顯秩沒有卹章載在  
史冊者不待贅陳如其間有道德隆重學問正大  
爲世師表而爵位弗稱至未舉易名之典臣偶職  
勸學且先賢故蹟適在所部敢憚控陳臣竊見故  
虞部郎中周願嘗爲合州僉書判官州事不經其  
手吏不敢決苟下之民不肯從傳謂蜀之賢人君

子莫不喜稱之其於流風所漸迄今未泯士競講  
學民知嚮方春秋奉嘗有承無替臣始到官遣吏  
卽其祠而用幣焉退復惟念是特願所以施諸一  
方見諸行事之一二耳蓋自周衰孔孟沒更秦漢  
魏晉隋唐學者無所宗主支離泮渙莫適與歸醇  
質者滯於佔俾訓詁雋爽者溺於記覽詞章言義  
理則流於清虛寂滅論事功則驚於權謀智巧誣  
民惑世淪於肌髓不可抹藥斯民也堯舜三代之  
所以治也涉秦而後千數百年治日常少亂日常  
多寧不以此而願獨奮乎百世之下乃始探造化  
之至蹟建圖書闢發幽秘卽斯人日用常行之  
際示學者窮理盡性之歸使誦其遺言者始得以  
曉然於洙泗之正傳而知世之所謂學者非滯於  
俗師則淪於異端蓋有不足學者於是河南程顥  
程頤親得其傳而聖學益以大振雖三人於時皆  
不及太用而嗣往聖開來哲發天理正人心使孔  
孟絕學獨盛於本朝而超出乎百代功用所繫治  
理所關誠爲不小特拘命秩未舉節忠故紹興初  
待講胡安國常有請于朝先爵程顥兄弟使得從  
食於先聖先師之廟其後乾道間太學錄魏掞之

又嘗白宰相請祠程顥兄弟於學皆不果行如  
願則又程顥兄弟親炙而師事之者安國揆之未  
及以爲言則尤爲闕典也臣愚欲望聖慈詳臣所  
陳如以爲可采乞下之禮官如先朝邵雍徐積等  
故事先將周願特賜美謚其於表章風厲誠非小  
補臣竊欲效使臣勸學之職因遂致蜀人甘棠之  
思故出位僞言冒昧及此臣之罪大矣惟陛下裁  
幸貼黃臣竊見朝廷近歲嘗因中外臣僚奏請如  
朱熹張拭之學實宗周願及程顥兄弟今錄其後  
而遺其先恐於褒崇美意猶有未盡是敢僭請所  
乞睿照朝廷方下禮官討論而了翁又奏上曰臣  
聞謚者行之迹昔人所以旌善而懲惡節惠而尊  
名也爰自後世限以品秩濟以請託於是嘗位大  
官者雖惡猶將飾之品秩之所不逮則有碩德茂  
行而不見稱於世者矣夏竦高若訥而謚文莊蔡  
卞鄭居中而謚文正鄧洵武蔡修而謚文簡呂惠  
卿而謚文敏張商英而謚文忠陸淵明而謚文獻  
林希而謚文節溫益而謚定簡汪伯彥而謚定忠  
秦檜而謚忠獻此皆名浮於行而章章在人耳目  
者自餘此類又何可勝數而舉世視爲當然未嘗

以爲訝也至於倡明正學於千百餘載之後上嗣  
去聖下開來哲如周願程顥程頤張載及一時大  
徒高第其有功於生民之類亦不爲小矣世之相  
後不爲近矣而卒未有表而出之者亦不以爲闕  
也臣自前歲誤被簡擢攝承漕寄遂因職分所關  
輒爲周願冒陳易名之請又貼黃云近歲如朱熹  
張拭皆已賜謚而熹拭之學實宗周願及程顥程  
頤今錄其後而遺其先似於褒崇美意猶有未盡  
已荷聖明亟垂俞允遂以所奏下之有司維時春  
官亦專以程顥兄弟爲請申命所屆承學之士聞  
風興起蓋學術之標準風俗之樞機所關甚不小  
也而二年于茲猶未有以易其名者豈事大體重  
未容以遽議耶抑自邇年以來謚之美者曰文曰  
宣曰成既首以用諸周程之苗裔故思所以加諸  
此者而未能也然稽諸謚法亦誠無可以加此者  
舍曰如文如宣如成者既不可得而易則師承之  
間亦不嫌於同謚也臣愚欲望聖慈申飭有司速  
加考定表而出之庶有以風厲四方示學士大夫  
趨向之的則其於崇化善俗之道無以急於此者  
臣出位犯分薦瀆聖聽伏俟斧鑕之誅貼黃臣曩

者本爲周願嘗仕本部故敢致易名之請因併及程願程願則已有僭越之嫌矣既荷聖慈悉加采納然同時如崇文殿校書同知太常禮院張載講道關中世所傳西銘正蒙理窟禮說諸書所以開警後學爲功亦不在周願及程願兄弟下而易名之議亦未有以爲言者其門人嘗欲謚爲明誠中子司馬光以爲第子誅師不合於禮今若自公朝舉行闕典使之徧及諸儒無復遺餘之憾則正學益闡善類胥奮不勝斯道之幸欲乞聖慈併下有司討論施行太常寺申上奉聖旨令禮官議撰周願程願程願賜謚文善恭詳近制臣僚請謚先下博士定議考功覆議厥爲常典今來濂溪明道伊川先生定謚事關各教議不可輕蓋先儒如韓愈不過謚文公歐陽修不過謚文忠今傳周程之學者如朱熹已謚文張栻已謚宜呂祖謙已謚成謚法之美無以踰此茲欲推崇師學加異後人見苟出於已私恐未合於公議竊考唐實應間諸請謚者先從考功判議太常定謚都省集官共議定訖然後奏上又考國朝治平編勅諸臣僚定謚太常禮院集官擬議下考功覆議判都省官卽於都堂

集合省官議定聞奏今三先生鳴道闡教爲一代儒宗所有定謚乞遵唐及國朝故事下太常寺或都省集官擬議既定仍下博士撰文庶厭服公論禮部太常寺遵從尚書省劄子同共擬定尋據承議郎太常丞兼權兵部郎中臧格議曰太哉元乎在易爲乾德之首在春秋爲始年之法天下之理蓋未嘗無其初也古者大道修明人心純一聖賢之功固無自而見不幸而渙散殫殘之餘有能復振遺響俾絕者自我而續晦者自我而明是故有元之義焉參之大易春秋之說又寧有異旨哉自孟氏沒異端滋熾重以專門於漢清談於晉至唐則文藝益工展轉沉痾以迄五季之陋幾于蠹蝕不存矣而在人心者了亡恙也宋興鉅公名人局奕後先其聞道亦不爲淺大槩更相推激終不離乎文字議論之末而挈提宗旨孰主是道淑諸人有濂溪先生焉學問淵懿超然自得特出于萬物之表而其最深切者太極有圖所以發是理之幽秘易通有書所以闡是圖之精微圖有無窮之義書有不盡之言學者潛玩而力行之如是可以探二氣五行之運如是可以見中正仁義之本如是

可以識神物動靜之別槩曰廣大高深究其歸則不外乎日用飲食之常斷斷乎其有功於斯世也蓋嘗深探其造道之所由來矣或謂得之先天先天得之龍紀其說幾於迂誕而無考又云其圖實出於穆脩脩之傳出於陳搏搏老子之學也閻端清虛之地而能統盟斯道抑有疑焉要知先生所得之奧不俟師傳匪由知索神交心契固已極其本統不然嗜溪流之絀寒愛庭草之交翠體夫子之無言窮顏淵之所以樂是果何味而獨需臍之耶故能發前聖之所未發覺斯人之所未覺使高遠者不墮於荒忽使循守者不淪於滯固私意小智何所容其巧詭經僻說何所肆其誣如密雲宿霧有日斯赫如斷港絕潢有泉斯湧當旦晝枯亡之餘而平日之復固清明也當六陰既剝之後而天地之心固生生而不息也其功用豈不偉哉近世朱文公熹張宣公拭呂成公祖謙尊敬斯學或列之篇端或記于書後或雜于註釋之詳或嚴于問對之確先生之名蓋廣大光明於時矣謹按謚法主善行德曰元先生博學力行會道有元脉終貫通上接乎洙泗條理精密下逮乎河洛以元易

名庶幾百世之下知孟氏之後觀聖道者必自廉溪始昔潘興嗣何人敢誌其墓彼其爲說曰善談名理宜不免于後人之誚也格具官博士職當議謚茲復妄論先生抽關啟鑰得吾道之正傳自謂無愧於心若夫繪畫摹寫以鄰於僭異時或與潘同諠則不敢辭既送吏部朝奉郎軍器監考功郎中樓觀復議曰理學之說隱然於唐虞三代之躬行開端於孔門洙泗之設教推廣於子思孟軻之講明駁雜於漢唐諸儒之議論而復恢於我宋濂溪先生周公願一濬其源而洗之混混益昌於今放諸百世無疑也先生亦何心於易名哉監司有請博士有議謚曰元公追尊也然而易有太極是生兩儀乾坤位焉大哉乾元萬物資始至哉坤元萬物資生凡曰元者謂其肇於此者也故以元者善之長又曰春秋以一爲元先生之於理學晦而明之窒而通之亦可謂之元乎及觀河汾王通嘗遊孔子之廟而歌曰大哉乎君君臣臣父父子子兄兄弟第夫夫婦婦夫子之力也其與太極合德蓋嘗三復斯言無極而太極太極動而生陽靜而生陰是又乾坤之元也夫子生於晚周果何與乎

太極哉春秋之際三綱淪九法斁邪誕妖異之說競起塗生民之耳目溺天下於汚濁理學亦幾乎息矣夫子出而開天理明人極扶持而封植之殆猶乾坤之再造耳謂之合德太極宜矣知夫子與太極合德則闡夫子所謂合德者於剝蝕之餘謚之以元不亦可乎於是賜謚曰元實嘉定十三年六月二十二日也

右正少時得明道伊川之書讀之始知推尊先生而先生仕吾鄉時已以文學聞於當世遂搜求其當時遺文石刻不可得又欲於架閣庫求其書判

同子全書卷之五

年譜

三十三

行事而郡當兩江之會屢遭大水無復存者始仕遂寧聞其鄉前輩故朝議大夫知漢州傅耆曾從先生遊先生嘗以姤說及同人說寄之遂訪求之僅得其目錄及長慶集載先生遺事頗詳久之又得其手書手碣二帖其後過秭歸得秭歸集之成都得李才元書臺集至嘉定得呂和叔淨德集來懷安又得蒲傳正清風集皆載先生遺事至於其他私記小說及先生當時事者皆纂而錄之一日經夔路運司帳幹楊齊賢相會成都時楊方草先生年譜且先屬以補其闕刊其誤楊先生之鄉士

同子全書卷之五

年譜

三十三

也操行甚高記覽亦極詳博意其所考訂必已精審退而閱之其載先生來吾鄉歲月頗自差舛甚者以周恭叔事爲先生事又以程師孟送行詩爲趙清獻詩於是屢欲執筆未暇也及來重慶官事稍閒遂以平日之所聞者而爲此篇然其所載於先生入蜀本末爲最詳其他亦不能保其無所遺誤正往時嘗有志遍遊先生所遊之處以訪其遺言遺行今自以衰晚莫能遂其初志有志之士儻能垂意搜羅補而修之使無遺闕實區區之志也嗚呼天之未喪斯文也故其絕于有餘年而復續續之未久復也又晦昧至近世復燦然大明小人之用事者自以爲不利於已盡力以抑絕之賴天子之聖明大明黜陟而斯文復興如日月之麗天人皆仰之有願學之志假令百世之下復有能沮毀之者其何傷於日月乎其何傷於日月乎嘉定十四年八月十九日後學山陽度正謹序

惟善兄頃在成都讀通鑑其後常患目昏不能多作字其編類濂溪世家年表蕃執筆從旁書之書至買平紋紗衫材樗蒲綾袴段蕃曰不太苛細否曰此固哲人細事如食之精膾之細魚之餒緝緱



之餘紅紫之服富者之締綌鄉黨皆備書之今讀之如生於千載之前共堂合席也豈可忽乎蕃恐觀者之不達乎此故書之以示同志云嘉定十四年九月二十有五日第蕃百拜謹跋

周子全書卷之六

明後學嘉興徐必達校正

像贊

朱子贊曰道喪千載聖遠言湮不有先覺孰開我人書不盡言圖不盡意風月無邊庭草交翠

事狀

濂溪先生墓誌銘

南豐潘興嗣

吾友周茂叔諱惇願其先營道人曾祖諱從遠祖諱智強皆不仕考諱輔成任賀州桂嶺縣令贈諫議大夫君幼孤依舅氏龍圖閣學士鄭珣以君有遠器愛之如子龍圖公名子皆用惇字因以惇名君景祐中奏補試將作監主簿授洪州分寧縣簿君博學力行遇事剛果有古人風衆口交稱之部使者以君爲有才奏舉南安軍司理叅軍轉運使王逵以苛刻蒞下吏無敢可否君與之辨事不爲屈因置手版歸取詩勅納之投効而去逵爲之改容復薦之移郴令改桂陽令皆有治績用薦者遷大理寺丞知洪州南昌縣其爲治精密嚴恕務盡道理民至今思之改太子中書爲判單恩改虞部員外郎通判永州今上卽位恩改駕部趙公朴入叅大政奏君爲廣南東路轉運判



官稱其職遷虞部郎中提點本路刑獄君盡心職事  
矜在矜恕雖瘴癘僻遠無所憚勞竟以此得疾懇請  
郡符知南康軍未幾分司南京趙公朴復奏起君而  
君疾已篤熙寧六年六月七日卒于九江郡之私第  
享年五十七君篤義氣以名節自礪柳守李初平最  
知君既薦之又調其所不給初平卒子尚幼君護其  
喪以歸塋之士大夫聞君之風識與不識皆指君曰  
是能舉主者君奉養至廉所得俸祿分給宗族其  
餘以待賓客不知者以爲好名君處之裕如也在南  
昌時得疾暴卒更一日一夜始蘇視其家服御之物  
止一敝篋錢不滿百人莫不歎服此予之親見也嘗  
過潯陽愛廬山因築室溪上名之曰濂溪書堂每從  
容爲予言可止可仕古人無所必束髮爲學將有以  
設施可澤於斯民者必不得已止未晚也此濂溪者  
異時與子相從於其上歌咏先王之道足矣此君之  
志也尤善譚名理深於易學作太極圖易說易通數  
十篇詩十卷今藏于家母鄭氏封仙居縣太君娶陸  
氏職方郎中參之女再娶蒲氏太常丞師道之女子  
二人曰壽曰壽皆補太廟齋郎以其年十一月二十  
一日薨於德化縣德化鄉清泉社母夫人墓左從遺

命也壽等次列其狀來請銘乃泣而爲之銘曰人之  
不然我獨然之義貫於中貴於自期謏謏日甚風俗  
之偷乃如伊人吾復何求志固在我壽則有命道之  
不行斯謂之病

### 濂溪先生行實

朱熹

先生姓周氏名惇實字茂叔避厚陵藩邸名改惇願  
世居道州營道父輔成大中祥符八年登蔡齊榜進  
士第嘗爲賀州桂嶺令贈諫議大夫母鄭氏封仙居  
縣太君先生少孤養外家景祐用舅氏龍圖閣學士  
鄭公珣奏試將作監主簿授洪州分寧縣主簿先生  
博學力行遇事剛果有古人風其爲政精密嚴恕務  
盡道理縣有獄久不決先生至一訊立辨衆口交稱  
之部使者薦其才爲南安軍司理獄有囚法不當死  
轉運使王逵欲深治之逵苛刻吏無敢與相可否者  
先生獨與之辨不聽則置手板歸取告身委之而去  
曰如此尚可仕乎殺人以媚人吾不爲也逵感悟囚  
得不死且賢先生薦之移郴州桂陽令皆有治績用  
薦者改大理寺丞知洪州南昌縣南昌人見先生來  
喜曰是能辨分寧獄者於是更相告語勿違教命而  
以污善政爲耻也改太子中書舍人簽書合州判官

事轉殿中丞一郡之事不經先生手吏不敢決民不肯從趙清獻公爲使者小人或讒先生趙公臨之甚威而先生處之超然也轉國子博士通判虔州趙公來爲守熟視先生所爲執其手曰今日乃知周茂叔也遷尚書虞部員外郎通判永州權發遣邵州事新學校以教其人熙寧元年用趙公及呂正獻薦爲廣南東路轉運判官三年轉虞部郎中提點刑獄先生不憚出入之勞瘴毒之侵雖荒崖絕島人跡所不至處亦必緩視徐按務以洗冤澤物爲已任設施措置未及盡其所爲而先生病矣因請南康軍以歸趙公

周子全書

卷之六

事狀

四

四二九

再尹成都復起先生朝命及門而先生卒矣熙寧六年六月七日也年五十有七葬江州德化縣清泉社娶陸氏封緡雲縣君再娶蒲氏封德清縣君子壽壽皆太廟齋郎先生所著書有太極圖易說易通數十篇詩十卷藏于家先生在南安時年甚少不爲守所知洛人程公珦攝通守事視其氣貌非常人與語知其爲學知道也因與爲友且使其子顥願受學焉及爲郎故事當舉代每一遷授輒以薦之程公二子皆倡鳴道學以繼孔孟不傳之統世所謂二程先生者其原蓋自先生發之也在柳時其守李公初平知先

生論學嘆曰吾欲讀書如何先生曰公老矣無及也惇頤請得與公言之初平遂日聽先生語蓋二年而有得王荆公提點江東刑獄時已號爲通儒先生遇之與語連日夜荆公退而精思至忘寢食先生自少信古好義以名節自砥礪其奉已甚約俸祿盡以周宗族在南昌時得疾暴卒更一日夜始甦或視其家只一敝篋錢不滿百李初平卒子幼不克葬先生護其喪歸葬之分司而歸妻子饘粥不給曠然不以爲意也廬山之麓有溪焉築室其上名之曰濂溪因語其友清逸居士潘延之曰可仕可止古人無所必束髮爲學將有以設施可澤於斯民必不得已止未晚也此濂溪者異時與子相從於其上歌咏先王之道足矣此其出處之本意也豫章黃庭堅稱之曰茂叔人品甚高胸中灑落如光風霽月好讀書雅志林壑不卑小官職思其憂論法常欲與民決訟得情而不喜其爲使者進退官吏得罪者自以不究濂溪之名雖不足以對其美然茂叔短於取名而樂於求志薄於微福而厚於得民非於奉身而蕪及惇頤陋於希世而尚友千古聞茂叔之風猶足律貪則此溪之水配茂叔以永久所得多矣識者亦或有取於其言云

周子全書

卷之六

事狀

五

四三〇

濂溪先生傳

元脫脫

周惇頤字茂叔道州營道人先名惇實避英宗舊諱改焉以舅龍圖閣學士鄭珣任爲分寧主簿有獄久不決惇頤至一訊立辨邑人驚曰老吏不如也部使者薦之調南安軍司理叅軍有囚法不當死轉運使王達欲深治之達酷悍吏也衆莫敢爭惇頤獨與之辨不聽乃委手板歸將棄官去曰如此尚可仕乎殺人以媚人吾不爲也達悟囚得免移郴之桂陽令治績尤著郡守李初平賢之語之曰吾欲讀書何如惇頤曰公老無及矣請爲公言之二年果有得徒知南昌南昌人皆曰是能辨分寧獄者吾屬得所訴矣富家大族黠吏惡少惴惴焉不獨以得罪於令爲憂而又以污穢善政爲耻歷合州判官事不經手吏不敢決雖下之民不肯從部使者趙抃惑於譖口臨之甚威惇頤處之超然通判虔州抃守虔熟視其所爲乃大悟執其手曰吾幾失君矣今而後乃知周茂叔也熙寧初知郴州用抃及呂公著薦爲廣東轉運判官提點刑獄以洗冤澤物爲已任行部不憚勞苦雖瘴癘險遠亦緩視徐按以疾求知南康軍因家廬山蓮花峰下前有溪合於湓江取營道所居濂溪以名之

升再鎮蜀將奏用之未及而卒年五十七黃庭堅稱其人品甚高胸懷灑落如光風霽月廉於取名而銳於求志薄於徼福而厚於得民非於奉身而燕及輒褻陋於希世而尚友千古博學力行著太極圖明天理之根源究萬物之終始其說曰無極而太極太極動而生陽動極而靜靜而生陰靜極復動一動一靜互爲其根分陰分陽兩儀立焉陽變陰合而生水火木金土五氣順布四時行焉五行一陰陽也陰陽一太極也太極本無極也五行之生也各一其性無極之真二五之精妙合而凝乾道成男坤道成女二氣交感化生萬物萬物生生而變化無窮焉惟人也得其秀而最靈形既生矣神發知矣五性感動而善惡分萬事出矣聖人定之以中正仁義而主靜立人極焉故聖人與天地合其德日月合其明四時合其序鬼神合其吉凶君子修之吉小人悖之凶故曰立天之道曰陰與陽立地之道曰柔與剛立人之道曰仁與義又曰原始反終故知生死之說大哉易也斯其至矣又著通書四十篇發明太極之蘊序者謂其言約而道大文質而義精得孔孟之本源大有功於學者據南安時程頤通判軍事視其貌非常人與語知

其爲學知道因與爲友使二子顥願往受業焉惇  
每令尋孔顏樂處所樂何事二程之學源流乎此矣  
故顥之言曰自再見周茂叔後吟風弄月以歸有吾  
與點也之意侯師聖學於程顥未悟訪惇願惇願曰  
吾老矣說不可不詳留對榻夜談越三日乃還顥驚  
異之曰非從周茂叔來耶其善開發人類此嘉定十  
三年賜謚曰元公淳祐元年封汝南伯從祀孔子廟  
庭子壽燾官至寶文閣待制

周子全書卷之七

明後學嘉興徐必達校正

諸儒議論

山谷黃氏曰茂叔人品甚高胸中灑落如光風霽月  
好讀書雅意林壑初不爲人窘束短於取名而樂於  
求志薄於徼福而厚於得民非於奉身而燕及婢妾  
陋於希世而尚友千古

明道程子曰昔受學於周茂叔每令尋仲尼顏子樂  
處所樂何事

又曰自再見茂叔後吟風弄月以歸有吾與點也之  
意  
周子全書卷之七

又曰茂叔聽前草不除問之云與自家意思一般

又曰顥年十六七時好田獵旣而自謂已無此好茂  
叔曰何言之易也但此心潛隱未發一日萌動復如  
初矣後十二年暮歸在田野間見獵者不覺有喜心  
乃知果未也

又曰王君貺嘗見茂叔爲興茂叔世契便受拜及坐  
間太風起說大畜卦君貺乃起曰適來不知受却公  
拜今却當請納拜茂叔走避

伊川作明道行狀曰先生自十五六時聞汝南周茂

叔論道遂厭科舉之業慨然有求道之志

又曰荀子言養心莫善於誠茂叔謂荀子元不識誠

伯淳曰既誠矣心安用養耶

邵伯溫作易學辯惑記康節先生事曰伊川同朱光庭公挾訪先君先君留之飲酒因以論道伊川指面  
前食卓曰此卓安在地上不知天地安在甚處先君  
爲極論天地萬物之理以及六合之外伊川歎曰平  
生惟見周茂叔論至此

呂本中作童蒙訓曰營道何棄仲農父自作營道齋  
詩序曰營道縣出郭二十里而近有村落曰濂溪周

南軒全集卷之七

議論

二

三

氏家焉族衆而崇儒至先生遠宦地處卑陋不能  
返故居乃結屋臨流寓濂溪之名志鄉關在目中  
蘇黃二公與之同時而所爲賦詩皆失本意文字傳  
誤吁可歎已濂溪之周至今蕃衍云

延平李氏曰黃山谷謂周子灑落如光風霽月此善  
形容有道者氣象

邢恕和叔曰茂叔聞道甚早

朱子曰濂溪在當時人見其政事精絕則以爲宦業  
過人見其有山林之志則以爲襟懷灑落有仙風道  
氣無有知其學者惟程太中知之宜其生兩程夫子

也

又曰自周衰孟軻氏沒而此道之傳不屬至宋受命  
五星集奎開文明之運而周子出焉不由師傳默契  
道體建圖屬書根極領要當時見而知之有程氏者  
遂擴大而推明之而周公孔子孟氏之傳煥然復明  
於時非天所畀其孰能與於此

又曰太極圖窮二氣之所根極萬物之所行而明主  
靜之爲本以見聖人之所以立人極而君子之所當  
修爲者由秦漢以來蓋未有臻於斯也

又曰濂溪圖書雖簡古淵深未易究測然其大指不  
周子全集卷之七

議論

三

過語諸學者講學致思以窮天地萬物之理而勝其  
私以復焉其施則善於家而達於天下其具則復古  
禮變今樂政以養民而刑以肅之也是乃所謂伊尹  
之志顏子之學而程氏傳之以覺斯人者

又曰通書中數數拈出幾字要當如此着力卽自然  
有個省力處

又曰周子從理處看邵子從數處看都只是這理

勉齋黃氏曰周子以誠爲本以欲爲戒此周子繼孔  
子不傳之緒者也至二程子則曰涵養須用敬進學  
致知又曰非明則動無所之非動則明無所用

而爲四箴以著克己之義焉此二程得統於周子者也

北溪陳氏曰粵自羲皇作易首闡渾淪神農黃帝相與繼天立極而宗統之傳有自來矣堯舜禹湯文武更相授受中天地爲三綱五常之主皐陶伊傳周召又相與輔相施諸天下爲文明之治孔子不得行道之任乃集羣聖之法作六經爲萬世師而回參伋軻實傳之上下數千年無二說也軻之後失其傳天下驚於俗學蓋千數百餘年昏昏冥冥醉生夢死不自覺也及濂溪先生與河南二程先生卓然以先知先覺之資相繼而出濂溪不由師傳獨得於天提綱啟鑰其妙具在太極一圖而通書四十章又以發圖之所未盡上與羲皇之易相表裏而下以振孔孟不傳之墜緒所謂再闡渾淪二程親受其旨又從而光大之故天理之微人倫之著事物之衆鬼神之幽與凡求道入德之方修己治人之術莫不秩然有條理備見於易傳遺書使斯世之英才志士得以探討服行而不失其所歸河南之間斯文洋洋與洙泗並聞而知者有朱文公又卽其遺言遺旨益精明而瑩白之上以達羣聖之心下以統百家而會于一蓋所謂集

羣聖之大成而嗣周程之嫡統接乎洙泗濂洛之源者也

北山陳氏曰昔夫子之道其精微在易而所以語門人者皆日用常道未嘗及易也夫子歿門人各以所聞傳道于四方者其流或少差獨曾子子思之傳得其正子思復以其學授孟軻氏斯時也曰氏之說昌矣孟軻氏歿又曠千載而泯不傳濂溪周子出始發明孔子易道之蘊提其要以授哲人既又手爲圖筆爲書然後孔氏之傳復續凡今之學知有孔氏大易之蘊大學中庸七篇之指歸者皆自先生發之先生之功在後學深長且遠者以此

西山真氏曰自荀揚以惡與混爲性而不知天命之本然堯舜祗以虛無爲道而不知天理之至實佛氏以剗滅算論爲教而不知天叙之不可易周子生平絕學之後乃獨探本源闡發幽秘二程子見而知之朱子又聞而知之述作相承本末具備自是人知性不外乎仁義禮智而惡與混非性也道不離乎日用事物而虛無非道也教必本乎君臣父子夫婦昆弟而剗滅算論非教也闡聖學之戶庭祛世人之朦瞶千載相傳之正統其不在茲乎

鶴山魏氏曰周子奮自南服超然獨得以上承孔丘氏垂絕之緒河南二程子神交心契相與疏淪闡明而聖道復著曰誠曰仁曰太極曰性命曰陰陽曰鬼神曰義利綱條彪列分限曉然學者始有所準的於是知身之貴果可以位天地育萬物果可以爲堯舜爲周公仲尼而其求端用力又不出乎暗室屋漏之隱躬行日用之近亦非若異端之虛寂百氏之支離也

萍鄉胡氏曰先師文公之言曰不言無極則太極同於一物而不足爲萬化之根本不言太極則無極淪於空寂而不能爲萬化之根本又曰無極即是無形太極即是有理今雖多爲之辭無以易此言矣

葉水心曰聖遠言湮俗淪士散求道者離乎器而不知一理二氣之互根言性者離乎氣而不知元亨變化之實理知剛柔之爲善惡不知剛不一於善柔不一於惡也知陰陽之爲動靜不知陰不一於靜陽不一於動也先生始爲圖書貫融而劈折之二程親得其傳道日以章迫胡子朱張推行究極亦幾無餘蘊矣

周子全書卷之七終

張子全書

總目

一卷

西銘 東銘

二卷至三卷

正蒙

四卷至八卷

經學理窟

九卷至十一卷

易說

張子全書目錄

十二卷

語錄抄

十三卷

文集抄

十四卷

拾遺

十五卷

附錄

張子全書

經學理窟目錄

第一

卷之四

周禮

詩書

宗法

第二

卷之五

禮樂

氣質

第三

卷之六

張子全書目錄

義理

學大原上

第四

卷之七

學大原下

自道

第五

卷之八

祭祀

月令統

張記

張子全書卷之一

宋晦翁朱熹註釋明後學徐必達校正

西銘

乾稱父坤稱母予茲藐焉乃混然中處

天陽也以至健而位乎上父道也地陰也以至順而位乎下母道也人稟氣於天賦形於地以藐然之身混合無間而位乎中子道也然不曰天地而曰乾坤者天地其形體也乾坤其性情也乾者健而無息之謂萬物之所資以始者也坤者順而有常之謂萬物之所資以生者也是乃天地之所以為天地而父母乎萬物者故指而言之

故天地之塞吾其體天地之帥吾其性

乾陽坤陰此天地之氣塞乎兩間而人物之所資以為體者也故曰天地之塞吾其體乾健坤順此天地之志為氣之帥而人物之所得以為性者也故曰天地之帥吾其性深察乎此則父乾母坤混然中處之實可見矣

民吾同胞物吾與也

人物並生於天地之間其所資以為體者皆天地之塞其所得以為性者皆天地之帥也然體有偏



正之殊故其於性也不無明暗之異惟人也得其形氣之正是以其心最靈而有以通乎性命之全體於並生之中又爲同類而最貴焉故曰同胞則其視之也皆如已之兄弟矣物則得夫形氣之偏而不能通乎性命之全故與我不同類而不若人之貴然原其體性之所自是亦本之天地而未嘗不同也故曰吾與則其視之也亦如已之儕輩矣惟同胞也故以天下爲一家中國爲一人如下文所云惟吾與也故凡有形於天地之間者若動若植有情無情莫不有以若其性遂其宜焉此儒者之道所以必至於參天地贊化育然後爲功用之全而非有所強於外也

張子全書卷之一

西

大君者吾父母宗子其大臣宗子之家相也尊高年所以長其長慈孤弱所以幼其幼聖其合德賢其秀也凡天下疲癯殘疾惻獨鰥寡皆吾兄弟之顛連而無告者也

乾父坤母而人生其中則凡天下之人皆天地之子矣然繼承天地統理人物則大君而已故爲父母之宗子輔佐大君綱紀衆事則大臣而已故爲宗子之家相

天下之老一也故凡尊天下之高年者乃所以長吾之長天下之幼一也故凡慈天下之孤弱者乃所以幼吾之幼聖人與天地合其德是兄弟之合德乎父母者也賢者才德過於常人是兄弟之秀出乎等夷者也是皆以天地之子言之則凡天下之疲癯殘疾惻獨鰥寡非吾兄弟無告者而何哉于時保之子之翼也樂且不憂純乎孝者也畏天以自保者猶其敬親之至也樂天而不憂者猶其愛親之純也

違曰悖德害仁曰賊濟惡者不才其踐形惟肖者也

張子全書卷之一

西

三

三百四十五

不循天理而徇人欲者不愛其親而愛他人也故謂之悖德戕滅天理自絕本根者賊殺其親大逆無道也故謂之賊長惡不悛不可教訓者世濟其凶增其惡名也故謂之不才若夫盡人之性而有以充人之形則與天地相似而不違矣故謂之肖知化則善述其事窮神則善繼其志

孝子善繼人之志善述人之事者也聖人知變化之道則所行者無非天地之事矣通神明之德則所存者無非天地之心矣此二者皆樂天踐形之事也

不愧屋漏爲無忝存心養性爲匪懈

孝經引詩曰無忝爾所生故事天者仰不愧俯不作則不忝乎天地矣又曰夙夜匪懈故事天者存其心養其性則不懈乎事天矣此二者畏天之事而君子所以求踐夫形者也

惡旨酒崇伯子之顧養育英才頴封人之錫類

好飲酒而不顧父母之養者不孝也故遏人欲如禹之惡旨酒則所以顧天之養者至矣性者萬物之一源非有我之得私也故育英才如頴考叔之及莊公則所以永錫爾類者廣矣

張子全書

卷之一

西銘

四

三百五十五

不弛勞而底豫舜其功也無所逃而待烹申生其恭也

舜盡事親之道而瞽叟底豫其功大矣故事天者盡事天之道而天心豫焉則亦天之舜也申生無所逃而待烹其恭至矣故事天者天壽不貳而修身以俟之則亦天之申生也

體其受而歸全者參乎勇於從而順令者伯奇也

父母全而生之子全而歸之若曾子之敬手敬足則體其所受乎親者而歸其全也况天之所以與我者無一善之不備亦全而生之也故事天者能

體其所受於天者而全歸之則亦天之曾子矣子於父母東西南北唯令之從若伯奇之履霜中野則勇於從而順令也况天之所以命我者吉凶禍福非有人欲之私故事天者能勇於從而順受其正則亦天之伯奇矣

富貴福澤將厚吾之生也貧賤憂戚庸玉女於成也富貴福澤所以大奉於我而使吾之爲善也輕貧賤憂戚所以拂亂於我而使吾之爲志也篤天地之於人父母之於子其設心豈有異哉故君子之事天也以周公之富而不至於驕以顏子之貧而不改其樂其事親也愛之則喜而弗忘惡之則懼而無怨其心亦一而已矣

張子全書

卷之一

西銘

五

三百五十六

存君順事沒吾寧也

孝子之身存則其事親者不違其志而已沒則安而無所愧於親也仁人之身存則其事天者不逆其理而已沒則安而無所愧於天也盖所謂朝聞夕死吾得正而斃焉者故張子之銘以是終焉

論曰天地之間理一而已然乾道成男坤道成女二氣交感化生萬物則其大小之分親疎之等至於十百千萬而不能齊也不有聖賢者出孰能合

其異而反其同哉西銘之作意蓋如此程子以爲  
明理一而分殊可謂一言以蔽之矣蓋以乾爲父  
以坤爲母有生之類無物不然所謂理一也而人  
物之生血脉之屬各親其親各子其子則其分亦  
安得而不殊哉一統而萬殊則雖天下一家中國  
一人而不流於兼愛之敝萬殊而一貫則雖親疎  
異情貴賤異等而不牾於爲我之私此西銘之大  
指也觀其推親親之厚以大無我之公因事親之  
誠以明事天之道蓋無適而非所謂分立而推理  
一也夫豈專以民吾同胞長長幼幼爲理一而必  
然哉

張子全書 卷之一 西銘 六

默識於言意之表然後知其分之殊哉且所謂稱  
物平施者正謂稱物之宜以平吾之施云爾若無  
稱物之義則亦何以知夫所施之平哉龜山第二  
書蓋欲發明此意然言不盡而理有餘也故愚得  
因其說而遂言之如此同志之士幸相與折衷焉  
嘉既爲此解後得尹氏書云楊中立答伊川先生  
論西銘書有釋然無惑之語先生讀之曰楊時也  
未釋然乃知此論所疑第二書之說先生蓋亦未  
之許也然龜山語錄有曰西銘理一而分殊知其  
理一所以爲仁知其分殊所以爲義所謂分殊猶

孟子言親親而仁民仁民而愛物其分不同故所  
施不能無差等耳或曰如是則體用果離而爲二  
矣曰用未嘗離體也以人觀之四肢百骸具於一  
身者體也至其用處則首不可以加履足不可以  
納冠蓋即體而言而分已在其中矣此論分別異  
同各有歸趣大非答書之比豈其年高德盛而所  
見始益精與因復表而出之以明答書之說誠有  
未釋然者而龜山所見蓋不終於此而已也乾道  
壬辰孟冬朔旦熹謹書

始予作太極西銘二解未嘗敢出以示人也近見  
儒者多議兩書之失或乃未嘗通其文義而妄肆  
詆訶予竊悼焉因出此解以示學徒使廣其傳庶  
幾讀者由辭以得意而知其未可以輕議也淳熙  
戊申二月己巳晦翁題

東銘

戲言出於思也戲動作於謀也發乎聲見乎四支謂  
非已心不明也欲人無已疑不能也過言非心也過  
動非誠也失于聲繆迷其四體謂已當然自誣也欲  
他人已從誣入也或者以出於心者歸咎爲已戲失  
於思者自誣爲已誠不知戒其出汝者歸咎其不出

汝者長傲且遂非不知孰甚焉

張子全書卷之一終

張子全書卷之一

東鈔

人

張子全書卷之二

明後學嘉興徐必達校正

正蒙一

太和篇第一

太和所謂道中涵浮沉升降動靜相感之性是生絪縕相盪勝負屈伸之始其來也幾微易簡其究也廣大堅固起知於易者乾乎效法於簡者坤乎散殊而可象爲氣清通而不可象爲神不如野馬網緼不足謂之太和語道者知此謂之知道學易者見此謂之見易不如是雖周公才美其智不足稱也已

張子全書卷之二

正蒙

卷之二

太虛無形氣之本體其聚其散變化之客形爾至靜無感性之淵源有識有知物交之客感爾客感客形與無感無形惟盡性者一之

天地之氣雖聚散攻取以塗然其爲理也順而不妄氣之爲物散入無形適得吾體聚爲有象不失吾常太虛不能無氣氣不能不聚而爲萬物萬物不能不散而爲太虛循是出入是皆不得已而然也然則聖人盡道其間兼體而不累者存神其至矣彼語寂滅者往而不反徇生執有者物而不化二者雖有間矣以言乎失道則均焉

聚亦吾體散亦吾體知死之可與言性矣

知虛空即氣則有無隱顯神化性命通一無二顧聚散出入形不形能推本所從來則深於易者也若謂虛能生氣則虛無窮氣有限體用殊絕入老氏有生於無自然之論不識所謂有無混一之常若謂萬象爲太虛中所見之物則物與虛不相資形自形性自性形性天人不相待而有陷於浮屠以山河大地爲見病之說此道不明正由懵者略知體虛空爲性不知本天道爲用反以人見之小因緣天地明有不盡則誣世界乾坤爲幻化幽明不能舉其要遂躐等妄張子全書卷之二 正蒙 二三百六十八

意而然不悟一陰一陽範圍天地通乎晝夜三極大中之矩遂使儒佛老莊混然一塗語天道性命者不罔於恍惚夢幻則定以有生於無爲窮高極微之論入德之途不知擇術而求多見其蔽於詖而陷於淫矣

氣塊然太虛升降飛揚未嘗止息易所謂絪縕莊生所謂生物以息相吹野馬者歟此虛實動靜之機陰陽剛柔之始浮而上者陽之清降而下者陰之濁其感遇聚散爲風雨爲雪霜萬品之流形山川之融結精粕煨燼無非教也

氣聚則離明得施而有形氣不聚則離明不得施而無形方其聚也安得不謂之客方其散也安得遽謂之無故聖人仰觀俯察但云知幽明之故不云知有無之故盈天地之間者法象而已文理之察非離不相親也方其形也有以知幽之因方其不形也有以知明之故

氣之聚散於太虛猶冰凝釋於水知太虛即氣則無無故聖人語性與天道之極盡於參伍之神變易而已諸子淺妄有有無之分非窮理之學也

太虛爲清清則無礙無礙故神反清爲濁濁則礙礙則形

張子全書卷之二 正蒙 二三百六十八

凡氣清則通昏則壅清極則神故聚而有間則風行而聲聞具達清之驗與不行而至通之極與由太虛有天之名由氣化有道之名合虛與氣有性之名合性與知覺有心之名

鬼神者二氣之良能也聖者至誠得天之謂神者太虛妙應之目凡天地法象皆神化之精粕爾

天道不窮寒暑已衆動不窮屈伸已鬼神之實不越二端而已矣

兩不立則一不可見一不可見則兩之用息兩體者

虛實也動靜也聚散也清濁也其究一而已

感而後有通不有兩則無一故聖人以剛柔立本乾坤毀則無以見易

游氣紛擾合而成質者生人物之萬殊其陰陽兩端循環不已者立天地之大義

日月相推而明生寒暑相推而歲成神易無方體一陰一陽陰陽不測皆所謂通乎晝夜之道也

晝夜者天之一息乎寒暑者天之晝夜乎天道春秋分而氣易猶人一寤寐而魂交魂交成夢百感紛紜對寤而言一身之晝夜也氣交為春萬物糅錯對秋

張子全書卷之二 正蒙 四 三百五十一頁

而言天之晝夜也氣本之虛則湛本無形感而生則聚而有象有象斯有對對必反其為有反斯有仇仇

必和而解故愛惡之情同出於太虛而卒歸於物欲倏而生忽而成不容有毫髮之間其神矣夫

造化所成無一物相肖者以是知萬物雖多其實一物無無陰陽者以是知天地變化二端而已

萬物形色神之精粕性與天道云者易而已矣心所以萬殊者感外物為不一也天大無外其為感者細

組二端而已 物之所以相感者利用出入莫知其鄉一萬物之妙

者與氣與志天與人有交勝之理聖人在上而下民浴氣壹之動志也鳳凰儀志壹之動氣也

### 參兩篇第二

地所以兩分剛柔男女而效之法也天所以參一太極兩儀而象之性也

一物兩體氣也一故神兩在故不測兩故化推行於一此天之所以參也

地純陰凝聚於中天浮陽運旋於外此天地之常體也恒星不動純繫乎天與浮陽運旋而不窮者也日月五星逆天而行并包乎地者也地在氣中雖順天

張子全書卷之二 正蒙 五 三百五十七頁

左旋其所繫辰象隨之稍遲則反移徙而右爾間有緩速不齊者七政之性殊也月陰精反乎陽者也故

其右行最速日為陽精然其質本陰故其右行雖緩亦不純繫乎天如恒星不動金水附日前後進退而

行者其理精深存乎物感可知矣鎮星地類然根本五行雖其行最緩亦不純繫乎地也火者亦陰質為

陽萃焉然其氣比日而微故其遲倍日惟木乃歲一盛衰故歲歷一辰辰者日月一交之次有歲之也

凡圓轉之物動必有機既謂之機則動非自外也古今謂天左旋此直至粗之論爾不考日月出沒恒星

昏曉之變愚謂在天而運者惟七曜而已恒星所以爲晝夜者直以地氣乘機左旋於中故使恒星河漢因一作北爲南日月因天隱見太虛無體則無以驗其運動於外也

天左旋處其中者順之少遲則反右矣

地物也天神也物無踰神之理顧有地斯有天若其配然爾

地有升降日有修短地雖凝聚不散之物然二氣升降其間相從而不已也陽日上地日降而下者虛也陽日降地日進而上者盈也此一歲寒暑之候也至

張子全書

卷之二

正蒙

六

三十一

於一晝夜之盈虛升降則以海水潮汐驗之爲信然間有大小之差則繫日月朔望其精相感

日質本陰月質本陽故於朔望之際精魄反交則光爲之食矣

虧盈法月於人爲近日遠在外故月受日光常在於外人視其終初如鈎之曲及其中天也如半璧然此虧盈之驗也

月所位者陽故受日之光不受日之精相望中弦則光爲之食精之不可以二也

日月雖以形相物考其道則有施受健順之差焉星

月金水受光於火日陰受而陽施也

陰陽之精互藏其宅則各得其所安故日月之形萬古不變若陰陽之氣則循環迭至聚散相盪升降相求細紐相揉蓋相兼相制欲一之而不能此其所以屈伸無方運行不息莫或使之不曰性命之理謂之何哉

日月得天得自然之理也非蒼蒼之形也

閏餘生於朔不盡周天之氣而世傳交食法與閏異術蓋有不知而作者爾

陽之德主於遂陰之德主於閉

張子全書

卷之二

正蒙

七

三十二

陰性凝聚陽性發散陰聚之陽必散之其勢均散陽爲陰累則相持爲雨而降陰爲陽得則飄揚爲雲而升故雲物班布太虛者陰爲風驅歛聚而未散者也凡陰氣凝聚陽在內者不得出則奮擊而爲雷霆陽在外者不得入則周旋不舍而爲風其聚有遠近虛實故雷風有大小暴緩和而散則爲霜雪雨露不和而散則爲戾氣暄霾陰常散緩受交於陽則風雨調寒暑正

天象者陽中之陰風霆者陰中之陽

雷電感動雖速然其所由來亦漸爾能窮神化所從

來德之盛者歟

火曰外光能直而施金水內光能闢而受受者隨材各得施者所應無窮神與形天與地之道歟

水曰曲直能既曲而反申也金曰從革一從革而不能自反也水火氣也故炎上潤下與陰陽升降土不得而制焉木金者土之華實也其性有水土之雜故水之爲物水漬則生火然而不離也蓋得土之浮華於水火之交也金之爲物得火之精於土之燥得水之精於水之濡故水火相待而不相害鏗之反流而不耗蓋得土之精實於水火之際也土者物之所以降物兼體而不遺者也

張子全書

卷之二

正蒙

八

三

冰者陰凝而陽未勝也火者陽麗而陰未盡也火之炎人之蒸有影無形能散而不能受光者其氣也陽陽陷於陰爲水附於陰爲火

天道篇第三

天道四時行百物生無非至教聖人之動無非至德夫何言哉

天體物不遺猶仁體事無不在也禮儀三百威儀三千無一物而非仁也昊天曰明及爾出王昊天曰旦

及爾游衍無一物之不體也

上天之載有感必通聖人之爲得爲而爲之也

天不言而四時行聖人神道設教而天下服誠於此動於彼神之道歟

成變化行鬼神成行陰陽之氣而已矣緯本有此一段

天不言而信神不怒而威誠故信無私故威

天之不測謂神神而有常謂天

運於無形之謂道形而下者不足以言之

鼓萬物而不與聖人同憂天道也聖不可知也無心

之妙非有心所及也

不見而章已誠而明也不動而變神而化也無爲而

張子全書

卷之二

正蒙

九

三

成爲物不貳也

已誠而明故能不見而章不動而變無爲而成

富有廣大不禦之盛與日新悠久無疆之道與

天之知物不以耳目心思然知之之理過於耳目心

思天視聽以民明威以民故詩書所謂帝天之命主

於民心而已焉

化而裁之存乎變存四時之變則周歲之化可裁存

晝夜之變則百刻之化可裁推而行之存乎通推四

時而行則能存周歲之通推晝夜而行則能存百刻

之通



神而明之存乎其人不知上天之載當存文王默而成之存乎德行學者常存德性則自然默成而信矣存文王則知天載之神存衆人則知物性之神谷之神也有限故不能通天下之聲聖人之神惟天故能周萬物而知

聖人有感無隱正猶天道之神

形而上者得意斯得名得名斯得象不得名非得象者也故語道至於不能象則名言亡矣

世人知道之自然未始識自然之爲體爾

有天德然後天地之道可一言而盡

張子全書

卷之二

正蒙

十一

三百七

正明不爲日月所眩正觀不爲天地所遷

#### 神化篇第四

神天德化天道德其體道其用一於氣而已

神無方易無體大且一而已爾

虛明

一作靜

照鑒神之明也無遠近幽深利用出入神

之充塞無間也

天下之動神鼓之也辭不鼓舞則不足以盡神

鬼神往來屈伸之義故天曰神地曰示人曰鬼

神示者歸

之始歸往者來之終

形而上者得辭斯得象矣神爲不測故緩辭不足以

盡神化爲難知故急辭不足以體化

氣有陰陽推行有漸爲化合一不測爲神其在人也知義用利則神化之事備矣德盛者窮神則知不足道知化則義不足云天之化也運諸氣人之化也順夫時非氣非時則化之名何有化之實何施中庸曰至誠爲能化孟子曰大而化之皆以其德合陰陽與天地同流而無不通也所謂氣也者非待其蒸鬱凝聚接於目而後知之苟健順動止浩然湛然之得皆皆可名之象爾然則象若非氣指何爲象時若非象指何爲時世人取釋氏銷礙入空學者含惡趨善以爲化此直可爲始學遺累者薄乎云爾豈天道神化所同語也哉

張子全書

卷之二

正蒙

十一

三百七

變則化由粗入精也化而裁之謂之變以著顯微也谷神不死故能微顯而不揜

鬼神常不死故誠不可揜人有是心在隱微必乘間而見故君子雖處幽獨防亦不懈

神化者天之良能非人能故大而位天德然後能窮神知化

大可爲也大而化不可爲也在熟而已易謂窮神知化乃德盛仁熟之致非智力能強也

大而化之能不勉而大也不已而天則不測而神先後天而不違順至理以推行知無不合也雖然得聖人之任者皆可勉而至猶不害於未化爾大幾聖矣化則位乎天德矣

大則不驕化則不吝

無我而後大大成性而後聖聖位天德不可致知謂神故神也者聖而不可知

見幾則義明動而不括則用利屈伸順理則身安而德滋窮神知化與天爲一豈有我能勉哉乃德盛而自致爾

張子全書

卷之二

正蒙

十三

三百十五

精義入神事豫吾內求利吾外也利用安身素利吾外致養吾內也窮神知化乃養盛自致非思勉之能強故崇德而外君子未或致知也

神不可致思存焉可也化不可助長順焉可也存虛明久至德順變化達時中仁之至義之盡也知微知彰不舍而繼其善然後可以成之性矣

聖不可知者乃天德良能立心求之則不可得而知之

聖不可知謂神莊生繆妄又謂有神人焉

惟神爲能變化以其一天下之動也人能知變化之

道其必知神之爲也

見易則神其幾矣

知幾其神由經正以貫之則寧用終日斷可識矣幾者象見而未形也形則涉乎明不待神而後知也吉之先見云者順性命則所先皆吉也

知神而後能饗帝饗親見易而後能知神是故不聞性與天道而能制禮作樂者未矣

精義入神豫之至也

狗物喪心人化物而滅天理者乎存神過化忘物累而順性命者乎

張子全書

卷之二

正蒙

十三

三百九十六

敦厚而不化有體而無用也化而自失焉狗物而喪已也大德敦化然後仁智一而聖人之事備性性爲能存神物物爲能過化

無我然後得正已之盡存神然後妙應物之感範圍天地之化而不過過則溺於空淪於靜既不能存夫神又不能知夫化矣

旁行不流圓神不倚也百姓日用而不知溺於流

義以反經爲本經正則精仁以敦化爲深化行則顯義入神動一靜也仁敦化靜一動也仁敦化則無體

義入神則無方

動物篇第五

動物本諸天以呼吸爲聚散之漸植物本諸地以陰陽升降爲聚散之漸物之初生氣日至而滋息物生既盈氣日反而游散至之謂神以其伸也反之爲鬼以其歸也

氣於人生而不離死而游散者謂魂聚成形質雖死而不散者謂魄

海水凝則冰浮則漚然冰之才漚之性其存其亡海

不得而與焉推是足以究死生之說伊川程子政與爲有

有息者根於天不息者根於地根於天者不滯於用

張子全書卷之二 正蒙 十四三百三十四

根於地者滯於方此動植之分也

生有先後所以爲天序小大高下相並而相形焉是

謂天秩天之生物也有序物之既形也有秩知序然

後經正知秩然後禮行

凡物能相感者鬼神施受之性也不能感者鬼神亦

體之而化矣

物無孤立之理非同異屈伸終始以發明之則雖物

非物也事有始卒乃成非同異有無相感則不見其

成不見其成則雖物非物故一屈伸相感而利馬生

獨見獨聞雖小異怪也出於疾與妄也共見共聞雖

大異誠也出陰陽之正也

賢才出國將昌子孫才族將大

人之有息蓋剛柔相摩乾坤闔闢之象也

寤形開而志交諸外也夢形閉而氣專乎內也寤所

以知新於耳目夢所以緣舊於習心賢謂饑夢取飽

夢與凡寤夢所感專語氣於五藏之變容有取焉爾

聲者形氣相軋而成兩氣者谷響雷聲之類兩形者

桴鼓叩擊之類形軋氣羽扇敲矢之類氣軋形人聲

笙簧之類是皆物感之良能人皆習之而不察爾

形也聲也臭也味也溫涼也動靜也六者莫不有五

行之別同異之變皆帝則之必察者歟張子全書卷之二 正蒙 五

誠明篇第六

誠明所知乃天德良知非聞見小知而已

天人異用不足以言誠天人異知不足以盡明所謂

誠明者性與天道不見乎小大之別也

義命合一存乎理仁智合一存乎聖動靜合一存乎

神陰陽合一存乎道性與天道合一存乎誠

天所以長久不已之道乃所謂誠仁人孝子所以事

天誠身不過不已於仁孝而已故君子誠之爲貴

誠有是物則有終有始僞實不有何終始之有故曰

不誠無物

自明誠由窮理而盡性也自誠明由盡性而窮理也

性者萬物之一源非有我之得私也惟大人爲能盡

其道是故立必俱立知必周知愛必兼愛成不獨成

彼自蔽塞而不知順吾理者則亦未如之何矣

天能爲性人謀爲能大人盡性不以天能爲能而以

人謀爲能故曰天地設位聖人成能

盡性然後知生無所得則死無所喪

未嘗無之謂體體之謂性

天所性者通極於道氣之昏明不足以蔽之天所命

者通極於性遇之吉凶不足以戕之不免乎蔽之戕

之者未之學也性通乎氣之外命行乎氣之內氣無

內外假有形而言爾故思知人不可不知天盡其性

然後能至於命

知性知天則陰陽鬼神皆吾分內爾

天性在人正猶水性之在冰凝釋雖異爲物一也受

光有小大昏明其照納不二也

天良能本吾良能顧爲有所喪爾

上達反天理下達徇人欲者與

性其總合兩也命其受有則也不極總之要則不至

受之分盡性窮理而不可變乃吾則也天所自不能

已者謂命不能無感者謂性雖然聖人猶不以所可

憂而同其無憂者有相之道存乎我也

湛一氣之本攻取氣之欲口腹於飲食鼻舌於臭味

皆攻取之性也知德者屬厭而已不以嗜欲累其心

不以小害大末喪本焉爾

心能盡性人能弘道也性不知檢其心非道弘也

盡其性能盡人物之性至於命者亦能至人物之命

莫不性諸道命諸天我體物未嘗遺物體我知其不

遺也至於命然後能成已成物不失其道

以生爲性既不通晝夜之道且人與物等故告子之

妄不可不詆

性於人無不善繫其善反不善反而已過天地之化

不善反者也命於人無不正繫其順與不順而已行

險以僥倖不順命者也

形而後有氣質之性善反之則天地之性存焉故氣

質之性君子有弗性者焉

人之剛柔緩急有才與不才氣之偏也天本參和不

偏養其氣反之本而不偏則盡性而天矣性未成則

善惡混故疊疊而繼善者斯爲善矣惡盡去則善因

以公故舍曰善而曰成之者性一

德不勝氣性命於氣德勝其氣性命於德窮理盡性則性天德命天理氣之不可變者獨死生修天而已故論死生則曰有命以言其氣也語富貴則曰在天以言其理也此大德所以必受命易簡理得而成位乎天地之中也所謂天理也者能悅諸心能通天下之志之理也能使天下悅且通則天下必歸焉不歸焉者所乘所遇之不同如仲尼與繼世之君也舜禹有天下而不與焉者正謂天理昭致非氣稟當然非志意所與也必曰舜禹云者餘非乘勢則求焉也

張子全書卷之二

正蒙

十八

三百五十五

利者為神滯者為物是故風雷有象不速於心心禦見聞不弘於性

上智下愚習與性相遠既甚而不可變者也

纖惡必除善斯成性矣察惡未盡雖善必粗矣

不識不知順帝之則有思慮知識則喪其天矣君子所性與天地同流異行而已焉

在帝左右察天理而左右也天理者時義而已君子教人舉天理以示之而已其行已也述天理而時措之也

和樂道之端乎和則可大樂則可久天地之性久大

而已矣

莫非天也陽明勝則德性用陰濁勝則物欲行領惡而全好者其必由學乎

不誠不莊可謂之盡性窮理乎性之德也未嘗偽且慢故知不免乎偽慢者未嘗知其性也

勉而後誠莊非性也不勉而誠莊所謂不言而信不怒而威者與

生直理順則吉凶莫非正也不直其生者非幸福於回則免難於苟也

屈信相感而利生感以誠也情偽相感而利害生雜

張子全書卷之二

正蒙

十九

三百五十六

之偽也至誠則順理而利偽則不循理而害順性命之理則所謂吉凶莫非正也逆理則凶為自取吉其險幸也

莫非命也順受其正順性命之理則得性命之正滅理窮欲人為之招也

### 大心篇第七

大其心則能體天下之物物有未體則心為有外世人之心止於聞見之狹聖人盡性不以見聞梏其心其視天下無一物非我孟子謂盡心則知性知天以此天大無外故有外之心不足以合天心見聞之

乃物交而知非德性所知德性所知不萌於見聞  
由象識心徇象喪心知象者心存象之心亦象而已  
謂之心可乎

人謂已有知由耳目有受也人之有受由內外之合  
也知合內外於耳目之外則其知也過人遠矣

天之明莫大於日故有目接之不知其幾萬里之高  
也天之聲莫大於雷霆故有耳屬之莫知其幾萬里

之遠也天之不禦莫大於太虛故心知廓之莫究其  
極也人病其以耳目見聞累其心而不務盡其心故

思盡其心者必知心所從來而後能

張子全書

卷之二

正蒙

二十一

耳目雖為性累然合內外之德知其為啓之之

也

成吾身者天之神也不知以性成身而自謂因身發

智貪天功為己力吾不知其知也民何知哉因物同

異相形萬變相感耳目內外之合貪天功而自謂已

知爾

體物體身道之本也身而體道其為人也大矣道能

物身故大不能物身而累於身則藐乎其卑矣

能以天體身則能體物也不疑

成心忘然後可與進於道

成心者私意也

化則無成心矣成心者意之謂與

無成心者時中而已矣

心存無盡性之理故聖不可知謂神

此章言心者指私心為言也

以我視物則我大以道體物我則道大故君子之大  
也大於道大於我者容不免狂而已

燭天理如向明萬象無所隱窮人欲如專顧影間區  
區於一物之中爾

釋氏不知天命而以心法起滅天地以小緣大以未

緣本其不能窮而謂之幻妄真所謂凝冰者歟

以其不識

釋氏妄意天性而不知範圍天用反以六根之微因

緣天地明不能盡則誣天地日月為幻妄蔽其用於

一身之小溺其志於虛空之大所以語大語小流遁

正蒙

二十一

失中其過於大也塵芥六合其蔽於小也夢幻人世

謂之窮理可乎不知窮理而謂盡性可乎謂之無不

知可乎塵芥六合謂天地為有窮也夢幻人世明不

能究所從也

中正篇第八

中正然後貫天下之道此君子之所以大居正也蓋

得正則得所止得所止則可以弘而至於大樂正子

顏淵知欲仁矣樂正子不致其學足以為善人信人



志於仁無惡而已顏子好學不倦合仁與智具體聖人獨未至聖人之止爾

學者中道而立則有位以弘之無中道而弘則窮大而失其居失其居則無地以崇其德與不及者同此顏子所以克已研幾必欲用其極也未至聖而不已故仲尼賢其進未得中而不居故惜夫未見其也

大中至正之極文必能致其用約必能感而通未至於此其視聖人恍惚前後不可爲之像此顏子之歎乎

可欲之謂善志仁則無惡也誠善於心之謂信充內義子全書卷之二 正蒙 三十一、三十四

形外之謂美塞乎天地之謂大大能成性之謂聖天地同流陰陽不測之謂神

高明不可窮博厚不可極則中道不可識蓋顏子之歎也

君子之道成身成性以爲功者也未至於聖皆行而未成之地爾

大而未化未能有其大化而後能有其大知德以大中爲極可謂知至矣擇中庸而固執之乃至之之漸也惟知學然後能勉能勉然後日進而不息可期矣

體正則不待矯而弘未正必矯矯而得中然後可大故致曲於誠者必變而後化

極其大而後中可求止其中而後大可有

大亦聖之任雖非清和一體之偏猶未忘於勉而大爾若聖人則性與天道無所勉焉

無所雜者清之極無所異者和之極勉而清非聖人之清勉而和非聖人之和所謂聖者不勉不思而至焉者也

勉蓋未能安也思蓋未能有也

不尊德性則學問從而不道不致廣大則精微無所張子全書卷之十一 正蒙 三十一、三十四

立其誠不極高明則擇乎中庸失時措之宜矣

絕四之外心可存處蓋必有事焉而聖不可知也

不得已當爲而爲之雖殺人皆義也有心爲之雖善皆意也正已而物正大人也正已而正物猶不免有

意之累也有意爲善利之也假之也無意爲善性之也由之也有意在善且爲未盡況有意於未善耶仲

尼絕四自始學至成德竭兩端之教也

不得已而後爲至於不得爲而止斯智矣夫

意有思也必有待也固不化也我有方也四者有一

焉則與天地爲不相似

天理一貫則無意必固我之鑿意必固我一物存焉  
非誠也四者盡去則直養而無害矣

妄去然後得所止得所止然後得所養而進於大矣  
無所感而起妄也感而通誠也計度而知昏也不思  
而得素也

事豫則立必有教以先之盡教之善必精義以研之  
精義入神然後立斯立動斯和矣

志道則進據者不止矣依仁則小者可游而不失和  
矣

志學然後可與適道強禮然後可與立不惑然後可

張子全書卷之二

正蒙

二十四

三三九

與權博文以集義集義以正經正經然後一以貫天  
下之道

將窮理而不順理將精義而不徙義欲資深且習察  
吾不知其智也

知仁勇天下之達德雖本之有差及所以知之成之  
則一也蓋謂仁者以生知以安行此五者智者以學

知以利行此五者勇者以困知以勉行此五者  
中心安仁無欲而好仁無畏而惡不仁天下一人而  
已惟責已一身當然爾

行之篤者敦篤云乎哉如天道不已而然篤之也

君子於天下達善達不善無物我之私循理者共  
之不循理者共改之改之者過雖在人如在己不忘

自訟共悅者善雖在己蓋取諸人而為必以與人焉  
善以天下不善以天下是謂達善達不善

善人云者志於仁而未致其學能無惡而已君子名  
之必可言也如是

善人欲仁而未致其學者也欲仁故雖不踐成法亦  
不陷於惡有諸己也不入於室由不學故無自而入  
聖人之室也

惡不仁故不善未嘗不知徒好仁而不惡不仁則習

張子全書卷之二

正蒙

五十五

三百四十七

不察行不著是故徒善未必盡義徒是未必盡仁好  
仁而惡不仁然後盡仁義之道

篤信好學篤信不好學不越為善人信士而已好德  
如好色好仁為甚矣見過而內自訟惡不仁而不使

加乎其身惡不仁為甚矣學者不如是不足以成身  
故孔子未見其人必嘆曰已矣乎思之甚也

孫其志於仁則得仁孫其志於義則得義惟其敏而  
已

博文約禮由至著入至簡故可使不得叛而去溫故  
知新多識前言往行以畜德繹舊業而知新蓋思昔



未至而今至緣舊所見聞而察來皆其義也

責已者當知天下國家無皆非之理故學至於不尤人學之至也

聞而不疑則傳言之見而不殆則學行之中人之德也聞斯行好學之徒也見而識其善而未果於行愈於不知者爾世有不知而作者蓋鑒也矣也夫子所不敢也故曰我無是也

以能問不能以多問寡私淑艾以教人隱而未見之仁也

爲山平地此仲尼所以惜顏回未至蓋與互鄉之進張子全書卷之二 正蒙 二十六 三百六十二

學者四失爲人則失多好高則失寡不察則易苦難則止

學者捨禮義則飽食終日無所猷爲與下民一致所事不踰衣食之間燕游之樂爾

以心求道正猶以已知人終不若彼自立彼爲不思而得也

考求迹合以免罪戾者畏罪之人也故曰考道以爲無失

儒者窮理故率性可以謂之道浮圖不知窮理而自

謂之性故其說不可推而行

致曲不貳則德有定體體象誠定則文節著見一曲致文則餘善兼昭明能兼照則必將徙義誠能徙義則德自通變能通其變則圓神無滯

有不知則有知無不知則無知是以鄙夫有問仲尼竭兩端而空空易無思無爲受命乃如響聖人一言盡天下之道雖鄙夫有問必竭兩端而告之然問者隨才分各足未必能兩端之盡也

教人者必知至學之難易知人之美惡當知誰可先傳此誰將後倦此若灑掃應對乃幼而遜弟之事長

後教之人必倦弊惟聖人於大德有始有卒故事無大小莫不處極今始學之人未必能繼矣以大道教之是誣也

知至學之難易知德也知其美惡知人也知其人且知德故能教人使入德仲尼所以問同而答異此

蒙以養正使蒙者不失其正教人者之功也盡其道其惟聖人乎

洪鐘未嘗有聲由扣乃有聲聖人未嘗有知由問乃有知有如時雨之化者當其可乘其間而施之不待彼有求有爲而後教之也

志常繼則罕譬而喻言易入則微而臧

凡學官先事士先志謂有官者先教之事未官者使正其志焉志者教之大倫而言也

道以德者運於物外使自化也故諭人者先其意而適其志可也蓋志意兩言則志公而意私爾

能使不仁者仁仁之施厚矣故聖人并答仁智以舉直錯諸枉

以責人之心責已則盡道所謂君子之道四丘未能

一焉者也以愛已之心愛人則盡仁所謂施諸已而不願亦勿施於人者也以衆人望人則易從所謂以

張子全書卷之二

正蒙

二八二

人治人改而止者也此君子所以責已責人愛人之

三術也

有受教之心雖蠻貊可教爲道既異雖黨類難相爲謀

大人所存蓋必以天下爲度故孟子教人雖貨色之欲親長之私達諸天下而後已

子而乎化之衆好者翼飛之則吾道行矣

張子全書卷之二

終

張子全書卷之三

明後學嘉興徐必達校正

正蒙二

至當篇第九

至當之謂德百順之謂福德者福之基福者德之致無入而非百順故君子樂得其道

循天下之理之謂道得天下之理之謂德故曰易簡之善配至德

大德敦化仁智合一厚且化也小德川流淵泉時出之也

張子全書卷之三

正蒙

一三八

大德不踰閑小德出入可也大者器則小者不

德者得也凡有性質而可有者也

日新之謂盛德過而不有不凝滯於心知之細也浩然無害則天地合德照無偏繫則日月合明天地

同流則四時合序酬酢不倚則鬼神合吉凶天地合德日月合明然後能無方體能無方體然後能

禮器則藏諸身用無不利禮運云者語其達也禮器

云者語其成也達與成體與用之道合體與用大人之事備矣禮器不泥於小者則無非禮之禮非義之

義蓋大者器則出入小者莫非時中也子夏謂大德

不踰閑小德出入可也斯之謂爾

禮器則大矣修性而非小成者歟運則化矣達順而樂亦至焉爾

萬物皆備於我言萬物皆有素於我也反身而誠謂行無不慊於心則樂莫大焉

未能如玉不足以成德未能成德不足以孚天下修己以安人修己而安人不行乎妻子況可愾於天下

正己而不求於人不願乎外之盛者與

仁道有本近譬諸身推以及人乃其方也必欲博施濟衆撫之天下施之無窮必有聖人之才能弘道其

制行以己非所以同乎人

必物之同者已則異矣必物之是者已則非矣

能通天下之志者為能感人心聖人同乎人而無我故和平天下莫盛於感人心

道遠人則不仁

易簡理得則知幾知幾然後經可正天下達道五其生民之大經乎經正則道前定事豫立不疑其所行利用安身之要莫先焉

性天經然後仁義行故曰有父子君臣上下然後禮

義有所錯

仁通極其性故能致養而靜以安義致行其知故能盡文而動以變

義仁之動也流於義者於仁或傷仁體之常也過於仁者於義或害

立不易方安於仁而已乎

安所遇而敦仁故其愛有常心有常心則物被常愛也

大海無潤因暘者有潤至仁無恩因不足者有恩樂天安土所居而安不累於物也

張子全書卷之三

主蒙

五十四

愛人然後能保其身動窮則親能保其身則不擇地而安不能有其身則不擇地而安蓋所達者大矣大

達於天則成性成身矣

上達則樂天樂天則不怨下學則治已治已則無

不知來物不足以利用不通晝夜未足以樂天聖人

成其德不私其身故乾乾自強所以成之於天爾

君子於仁聖為不厭誨不倦然且自謂不能蓋所以

為能也能不過人故與人爭能以能病人大則天地合德自不見其能也

君子之道達諸天故聖人有所不能夫婦之智消證

物故大人有所不與

匹夫匹婦非天之聰明不成其爲人聖人天聰明之盡者爾

大人者有容物無去物有愛物無徇物天之道然天以直養萬物代天而理物者曲成而不害其直斯盡道矣

志大則才大事業大故曰可大又曰富有志久則氣久德性久故曰可久又曰日新

清爲異物和爲徇物

金和而玉節之則不過知運而貞一之則不流道所以可久可大以其肖天地而不離也與天地不相似

其違道遠矣

久者一之純大者兼之富

大則直不絞方不剝故不習而無不利

易簡然後能知險阻易簡理得然後一以貫天下之道易簡故能說諸心知險阻故能研諸慮知幾爲能以屈爲伸

君子無所爭彼伸則我屈知也彼屈則吾不伸而伸矣又何爭

無不容然後盡屈伸之道至虛則無所不伸矣君子

無所爭知幾於屈伸之感而已精義入神交伸於不爭之地順莫甚焉利莫大焉

天下何思何慮明屈伸之變斯盡之矣

勝兵之勝勝在至柔明屈伸之神爾

敬斯有立有立斯有爲

敬禮之興也不敬則禮不行

恭敬樽節退讓以明禮仁之至也愛道之極也

已不勉明則人無從倡道無從弘教無從成矣

禮直斯清撓斯昏和斯利樂斯安

將致用者幾不可緩思進德者徒義必精此君子所

以立多凶多懼之地乾乾德業不少懈於趨時也

動靜不失其時義之極也義極則光明著見唯其時

物前定而不疚

有吉凶利害然後人謀作大業生若無施不宜則何

業之有

天下何思何慮行其所無事斯可矣

知崇天也形而上也通晝夜而知其知崇矣

知及之而不以禮性之非已有也故知禮成性而道

義出知天地位而易行

知德之難言知之至也孟子謂我於辭命則不能又

謂浩然之氣難言易謂不言而信存乎德行又以

辭爲聖人之道非知德達乎是哉

作者篇第十

作者七人伏羲神農黃帝堯舜禹湯制法興王之道非有述於人者也

以知人爲難故不輕去未彰之罪以安民爲難故不輕變未厭之君及舜而去之堯君德故得以厚吾終舜臣德故不敢不虔其始

稽衆舍已堯也與人爲善舜也聞善言則拜禹也用

人惟已改過不吝湯也不聞亦式不諫亦入文

別生分類孟子所謂明庶物察人倫者與

象憂喜舜亦憂喜所過者化也與人爲善也隱惡也

所覺者先也

好問好察邇言隱惡揚善與人爲善象憂亦憂象喜

亦喜皆行其所無事也過化也不藏怒也不宿

舜之孝湯武之武雖順逆不同其爲不幸均矣明庶

物察人倫然後能精義致用性其仁而行湯放桀有

德而不放赦執中之難也如是天下有道而已在人在已不見其間也立賢無方也如是

立賢無方此湯所以公天下而不疑周公所以干其

身望道而必吾見也疑問公上有坐以待旦四字

帝臣不蔽言桀有罪已不敢違天縱赦旣已克之今

天下莫非上帝之臣善惡皆不可揜惟帝擇而命之已不敢不聽

虞芮質厥成訟獄者不之紂而之文王文王之生所以縻繫于天下由多助於四友之臣爾

以杞包瓜文王事紂之道也厚下以防中潰盡人謀而聽天命者與

上天之載無聲臭可象正惟儀刑文王當其契天德而萬邦信悅故易曰神而明之存乎其人不以聲色爲政不革命而有中國嚮順帝則而天下自歸者其

惟文王乎

可願可欲雖聖人之知不越盡其才以勉焉而已故

君子之道四雖孔子自謂未能博施濟衆修己安百姓堯舜病諸是知人能有願有欲不能窮其願欲

周有八士記善人之富也

重耳婉而不直小白直而不婉

魯政之弊馭法者非其人而已齊因管仲遂併壞其

法故必再變而後至於道

孟子以智之於賢者爲有命如晏嬰知矣而獨不智於仲尼非天命耶

山秦藻悅爲藏龜之室祀爰居之義同歸於不智宜矣

使民義不害不能教愛猶衆人之母不害使之義禮樂不興僞之病與

獻子者忘其勢五人者忘人之勢不查其勢而利其有然後能忘人之勢若五人者有獻子之勢則反爲

獻子之所賤矣

顏氏王祀東蒙既祭地則是已在邦域之中矣雖非

張子全書卷之二

正義

八

訓

魯臣乃吾事社稷之臣也

三十篇第十一

三十器於禮非強立之謂也四十精義致用時措而不疑五十窮理盡性至天之命然不可自謂之至故曰知六十盡人物之性聲入心通七十與天同德不

思不勉從容中道

常人之學日益而不自知也仲尼學行習察異於他人故自十五至於七十化而知裁其德進之盛

與

窮理盡性然後至於命盡人物之性然後耳順與天地參無意必固我然後範圍天地之化從心而不踰

矩老而安死然後不夢周公

從心莫如夢夢見周公志也不夢欲不踰矩也不願乎外也順之至也老而安死也故曰吾衰也久矣

困而不知變民斯爲下矣不待困而喻賢者之常也

困之進人也爲德辨爲感速孟子謂人有德慧術知者存乎疾疾以此自古困於內無如舜困於外無如

孔子以孔子之聖而學於困則其蒙難正志聖德

日躋必有人所不及知而天獨知之者矣故曰莫知

我也夫知我者其天乎

立斯立道斯行綏斯來動斯和從欲風動神而化也

張子全書卷之三

正義

九

三

仲尼生於周從周禮故公旦法壞夢寐不忘爲東周之意使其繼周而正則其損益可知矣

滔滔忘反者天下莫不然如何變易之天下有道丘

不與易知天下無道而不隱者道不遠人且聖人之

仁不以無道必天下而棄之也

仁者先事後得先難後獲故君子事事則得食不以

事事雖有粟吾得而食諸仲尼少也國人不知委吏

乘田得而食之矣及德備道尊至是邦必聞其政雖

欲仕貧無從以得之今召我者而豈徒哉庶幾得以

事事矣而又絕之是誠繫滯如匏瓜不食之物也

不待備而勉於禮樂先進於禮樂者也備而後至於  
禮樂後進於禮樂者也仲尼以貧賤者必待文備而  
後進則於禮樂終不可得而行矣故自謂野人而必  
為所謂不願乎其外也

功業不試則人所見者藝而已

鳳至圖出文明之祥伏羲舜文之瑞不至則夫子之  
文章知其已矣

魯禮文闕失不以仲尼正之如有馬者不借人以乘  
習不曰禮文而曰史之闕文者祝史所任儀章器數  
而已舉近者而言約也

張子全書

卷之三

莊蒙

十一

三

師摯之始樂失其次繼洋洋盈耳而已焉夫子自衛  
反魯一嘗治之其後伶人賤工識樂之正及魯益下  
衰三桓僭妄自太師以下皆知散之四方逾河蹈海  
以去亂聖人俄頃之助功化如此用我者期月而可  
豈虛語哉

與與如也君或莊朝在廟容色不忘向君也君召使  
擯趨進翼如此翼如左沒階趨進翼如張拱賓不顧

矣相若送賓賓去則白曰賓不顧而去矣紆君敬

上堂如揖恭也下堂如授其容紆也

冉子請粟與原思為宰見聖人之用財也

聖人於物無畔援雖拂於南子苟以是心至教之在  
我爾不為已甚也如是

子欲居九夷不遇於中國庶遇於九夷中國之陋為  
可知欲居九夷言忠信行篤敬雖蠻貊之邦可行何  
陋之有

栖栖者依依其君而不能忘也固猶不回也

仲尼應問雖叩兩端而竭然言必因人為變化所貴  
乎聖人之詞者以其知變化也

富而可求也雖執鞭之士吾亦為之不憚卑以求富  
求之有可致之道也然得乃有命是求無益於得也

張子全書

卷之三

莊蒙

十二

三

愛人以德喻於義者常多故罕及於利盡性者方能  
至命未達之人告之無益懷不以亟言仁大難名人  
未易及故言之亦鮮

顏子於天下有不善未嘗不知知之未嘗復行故怒  
於人者不使加乎其身愧於已者不輒貳之于後也

顏子之徒隱而未見行而未成故曰吾聞其語而未  
見其人也

用則行舍則藏惟我與爾有是夫顏子龍德而隱故  
隱世不見知而不悔與聖者同

龍德聖修之極也顏子之進則欲一朝而至焉可謂

好學也已矣

回非助我者無疑問也有疑問則吾得以感通其故而達夫異同者矣

放鄭聲遠佞人顏回爲邦禮樂法度不必教之惟損益三代蓋所以告之也法立而能守則德可久業可大鄭聲佞人能使爲邦者喪所以守故放遠之

天下有道則見無道則隱君子疾沒世而名不稱蓋士而懷居不可以爲士必也去無道就有道遇有道而貧且賤君子恥之舉天下無道然後窮居獨善不見知而不悔中庸所謂惟聖者能之仲尼所以獨許顏回惟我與爾爲有是也

仲由樂善故車馬衣裘喜與賢者共敝顏子樂進故願無伐善施勞聖人樂天故合內外而成其仁

子路禮樂文章未足盡爲政之道以其重然諾言爲衆信故片言可以折獄如易所謂利用折獄利用刑人皆非爻卦盛德適能是而已焉

顏淵從師進德於孔子之門孟子命世修業於戰國之際此所以潛見之不同

犁牛之子雖無全純然使其色駢且角縱不爲大祀所取次祀小祀終必取之言大者苟立人所不棄也

有德篇第十二

有德者必有言能爲有也志于仁而無惡能爲也無也

行修言道則當爲人取不務徇物強施以引取乎人故往教妄說皆取人之弊也

言不必信行不必果志正深遠不務硜硜信其者小辭取意達則止多或反害也

君子寧言之不顧不規規於非義之信寧身被困辱不徇人以非禮之恭寧孤立無助不失親於可賤之人三者知和而能以禮節之也與上有子之言文相屬而不相蒙者凡論語孟子發明前文義各未盡者

皆挈之他皆放此

德王天下之善善原天下之一善同歸治故王心一

言必王德故王言大

言有教動有法晝有爲宵有得息有養瞬有存

君子於民導使爲德而禁其爲非不大望於愚者之道與禮謂道民以言禁民以行斯之謂爾

無徵而言取不信啓詐妄之道也杞宋不足徵吾言則不言周足徵則從之故無徵不信君子不言

便辭足恭善柔令色便佞巧言

節禮樂不使流離相勝能進反以爲文也



驕樂侈靡宴樂宴安

言形則卜如響以是知蔽固之私心不能嘿然以達於性與天道

人道知所先後則恭不勞慎不憊勇不亂直不絞民化而歸厚矣

膚受陽也其行陰也象生法必效故君子重夫

歸罪爲尤罪已爲悔言寡尤者不以言得罪於人

己所不欲勿施於人能恕己以仁人也在邦無怨在家無怨已雖不施不欲於人然人施於己能無

敬而無失與人接而當也恭而有禮不爲非禮之恭也

也

聚百順以事君親故曰孝者畜也又曰畜君者好君也

事父母先意承志故能辨志意之異然後能教人

藝者日爲之分義涉而不有過而不存故曰游

天下有道道隨身出天下無道身隨道屈

安土不懷居也有爲而重遷無爲而輕遷皆懷也

老而不死是爲賊幼不率教長無循述老不安死三

者皆賊生之道也

樂驕樂則佚欲樂宴樂則不能徙義

不僭不賊其不伎不求之謂乎

不穿窬義也謂非其有而取之曰盜亦義也惻隱仁也如天亦仁也故擴而充之不可勝用

自養薄于人私也厚于人私也稱其才隨其等無驕吝之弊斯得之矣

罪已則無尤

困辱非憂取困辱爲憂榮利非樂忘榮利爲樂

勇者不懼死且不避而反不安貧則其勇將何施耶不足稱也仁者愛人彼不仁而疾之深其仁不足稱也皆迷謬不思之甚故仲尼率歸諸亂云

也

也執不得反亦理也

克已行法爲賢樂已可法爲聖聖與賢迹相近而心

之所至有差焉辟世者依乎中庸沒世不遇而無嫌

辟地者不懷居以害仁辟色者遠恥於將形辟言者

免害於禍辱此爲士清濁淹速之殊也辟世辟地雖

聖人亦同然憂樂於中與賢者其次者爲異故曰迹

相近而心之所至者不同

進賢如不得已將使卑踰尊疏踰戚之意與表記所

謂事君難進而易退則位有序易進而難退則亂也

相表裏

弓調而後求勁焉馬服而後求良焉士必慤而後智  
能焉不慤而多能譬之豺狼不可近

谷神能象其聲而應之非謂能報以律呂之變也猶  
卜筮叩以是言則報以是物而已易所謂同聲相應  
是也王弼謂命呂者律語聲之變非此之謂也

行前定而不疚光明也大人虎變夫何疚之有  
言從作又各正其言易知人易從聖人不患為政難  
患民難喻

有司篇第十三

易學全書

正義

其

三百六十八

有司政之綱紀也始為政者未暇論其賢否必先正  
之求得賢才而後舉之

為政不以德人不附且勞

子之不欲雖賞之不竊欲生於不足則民盜能使無  
欲則民不為盜假設以子不欲之物賞子使竊其所  
不欲子必不竊故為政者在乎足民使無所不足不  
見可欲而盜必息矣

為政必身倡之且不愛其勞又益之以不俸

天子討而不伐諸侯伐而不討故雖湯武之舉不謂  
之討而謂之伐陳恒弑君孔子請討之此必因周制

鄰有弑逆諸侯當不請而討孟子又謂征者上伐下  
敵國不相征然湯十一征非賜鉄鉞則征討之名至  
周始定乎

野九一而助郊之外助也國中什一使自賦郊門之  
內通謂之國中田不井授故使什而自賦其一也  
道千乘之國不及禮樂刑政而云節用而愛人使民  
以時言能如是則法行不能如是則法不徒行禮樂  
刑政亦制數而已爾

富而不治不若貧而治大而不察不若小而察

報者天下之利率德而致善有勸不善有沮皆天下

之利也小人私已利於不治君子公物利於治

大易篇第十四

大易不言有無言有無諸子之陋也

易語天地陰陽情偽至隱顯而不可惡也諸子馳騁  
說辭窮高極幽而知德者厭其言故言為非難使君  
子樂取之為貴

易一物而三才陰陽氣也而謂之天剛柔質也而謂  
之地仁義德也而謂之人

易為君子謀不為小人謀故撰德於卦雖爻有大小  
及繫辭其爻必論之以君子之義

無其爻二字

一物而兩體其太極之謂與陰陽天道象之成也剛柔地道法之效也仁義人道性之立也三才兩之莫不有乾坤之道

陰陽剛柔仁義之本立而後知趨時應變故乾坤毀則無以見易

六爻各盡利而動所以順陰陽剛柔仁義性命之理也故曰六爻之動三極之道也

陽徧體衆陰衆陰共事一陽理也是故二君共一民一民事二君上與下皆小人之道也一君而體二民二民而宗一君上與下皆君子之道也

吉凶變化悔吝剛柔易之四象與悔吝由羸不足而生亦兩而已

尚辭則言無所苟尚變則動必精義尚象則法必致用尚占則謀必知來四者非知神之所爲孰能與於此

易非天下之至精則詞不足待天下之間非深不足通天下之志非通變極數則文不足以成物象不足以制器幾不足以成務非周知兼體則其神不能通天下之故不疾而速不行而至

示人吉凶其道顯矣知來藏往其德行神矣語著龜

之用也

顯道者危使平易使傾懼以終始其要無咎之道也神德行者寂然不動冥會於萬化之感而莫知爲之者也受命如響故可與酬酢曲盡鬼謀故可以佑神開物於幾先故曰知來明患而弭其故故曰藏往極數知來前知也前知其變有道術以通之君子所以措於民者遠矣

潔靜精微不累其迹知足而不賤則於易深矣

天下之理得元也會而通亨也說諸心利也一天下之動貞也

乾之四德終始萬物迎之隨之不見其首尾然後推本而言當父母萬物

象明萬物資始故不得不以元配乾坤其偶也故不得不以元配坤

仁統天下之善禮嘉天下之會義公天下之利信一天下之動

六爻擬議各正性命故乾德旁通不失大和而利且貞也

顏氏求龍德正中而未見其止故擇中庸得一善則拳拳服膺歎夫子之忽焉前後也

乾三四位過中重剛庸言庸行不足以濟之雖大人之盛有所不安外趨變化內正性命故其危其疑艱於見德者時不得舍也九五大人化矣天德位矣成性聖矣故既曰利見大人又曰聖人作而萬物睹亢龍以位畫爲言若聖人則不失其正何亢之有聖人用中之極不勉而中有大之極不爲其大大人望之所謂絕塵而奔峻極於天不可階而升者也乾之九五曰飛龍在天利見大人乃大人造位天德成性躋聖者爾若夫受命首出則所性不存焉故不曰位乎君位而曰位乎天德不曰大人君矣而曰大人造也

張子全書卷之六

正義

二十一

庸言庸行蓋天下經德達道大人之德施於是者薄矣天下之文明於是者著矣然非窮變化之神以時措之宜則或陷於非禮之禮非義之義此顏子所以求龍德正中乾乾進德思處其極未敢以方體之常安吾止也

惟君子爲能與時消息順性命躬天德而誠行之也精義時措故能保合太和健利且貞孟子所謂始終條理集大成於聖智者與易曰大明終始六位時成時乘六龍以御天乾道變化各正性命保合大和乃

利貞其此之謂乎

成性則躋聖而位天德乾九二正位於內卦之中有君德矣而非上治也九五言上治者言乎天之德聖人之性故捨曰君而謂之天見大人德與位之皆造也

大而得易簡之理當成位乎天地之中時舍而不受命乾九二有焉及夫化而聖矣造而位天德矣則富貴不足以言之

樂則行之憂則違之主於求吾志而已無所求於外故善世博化龍德而見者也若潛而未見則爲已而已未暇及人者也

張子全書卷之六

正義

二十一

成德爲行德成自信則不疑所行日見乎外可也乾九三修辭立誠非繼日待旦如周公不足以終其業九四以陽居陰故曰在淵能不忘於躍乃可免咎非爲邪也終其義也

至健而易至順而簡故其險其阻不可階而升不可勉而至仲尼猶天九五飛龍在天其致一也

坤至柔而動也剛乃積大勢成而然也

乾至健無體爲感速故易知坤至順不煩其施普故簡能

坤先迷不知所從故失道後能順聽則得其常矣

造化之功發乎動畢達乎順形諸明養諸容載遂乎

說潤勝乎健不匱乎勞終始乎止

健動陷止剛之象順麗入說柔之體

巽爲木萌於下滋於上爲繩直順以達也爲工巧且

順也爲白所遇而從也爲長爲高木之性也爲臭風

也入也於人爲寡髮廣顙躁人之象也

坎爲血卦周流而勞血之象也爲赤其色也

離爲乾卦於木爲科上稿附且躁也

艮爲小石堅難入也爲徑路通或寡也或一本作且字

兌爲附決內實則外附必決也爲毀折物成則上柔

者必折也

坤爲文衆色也爲衆容載廣也

乾爲大赤其正色爲冰健極而寒甚也

震爲萑葦爲蒼黃竹爲萐莆鮮也

一陷溺而不得出爲坎一附麗而不能去爲離

艮一陽爲王於兩陰之上各得其位而其勢止也易

言光明者多艮之象者則明之義也

蒙無遽亨之理由九二循循行時中之亨也

不終日貞吉言疾正則吉也仲尼以六二以陰居陰

獨無累於四故其介如石雖體柔順以其在中而靜  
何俟終日必知幾而正矣

坎維心亨故行有尚外雖積險苟處之心亨不疑則

雖難必濟而往有功也

中孚上巽施之下悅承之其中必有感化而出焉者

益孚者覆乳之象有必生之理

物因雷動雷動不妄則物亦不妄故曰物與無妄

靜之動也無休息之期故地雷爲卦言反又言復終

則有始循環無窮人指其化而裁之爾深其反也幾

其復也故曰反復其道又曰出入無疾

益長裕而不設益以實也妄加以不誠之益非也

井渫而不食強施行惻然且不售作易者之歎與

闔戶靜密也闔戶動達也形開而目睹耳聞受於陽

也

辭各指其所之聖人之情也指之以趨時盡利順性

命之理臻三極之道也能從之則不陷於凶悔矣所

謂變動以利言者也然又有攻取愛惡本情素動因

生吉凶悔吝而不可變者乃所謂吉凶以情遷者也

能深存繫辭所命則二者之動見矣又有義命當吉

當凶當否當亨者聖人不使避凶趨吉一以貞勝而

不顧如大人否亨有隕自天過涉滅頂凶无咎損

龜不克違及其命亂也之類三者情異不可不察  
因爻象之既動明吉凶於未形故曰爻象動乎內吉  
凶見乎外

富有者大無外也日新者久無窮也

顯其聚也隱其散也顯且隱幽明所以存乎象聚且  
散推蕩所以妙乎神

變化進退之象云者進退之動也微必驗之於變化  
之著故察進退之理為難察變化之象為易

憂悔吝者存乎介欲觀易象之小疵宜存志靜知所

動之幾微也  
樂器篇第十五

往之為義有已往有方往臨文者不可不察

### 樂器篇第十五

樂器有相周召之治與其有雅太公之志乎雅者正  
也直已而行正也故訊疾蹈厲者太公之事耶詩亦  
有雅亦正言而直歌之無隱諷諷諫之巧也

象武王初有天下象文王武功之舞歌維清以泰

之成童武王沒嗣王象武王之功之舞歌武以  
泰之冠者酌周公沒嗣王以武功之成由周公告其

成於宗廟之歌也十三

興已之善觀人之志群而思無邪怨而止禮義入可  
事親出可事君但言君父舉其重者也

志至詩至有象必可名有名斯有體故禮亦至焉

幽贊天地之道非聖人而能哉詩人謂后稷之穡有  
相之道贊化育之一端也

禮矯實求稱或文或質居物後而不可常也他人才  
未美故絢飾之以文莊姜才甚美乃更絢之用質素

下文繪事後素素謂其材字雖同而義施各異故設  
色之工材黃白者必繪以青赤材赤黑必絢以粉

陟降庭止上下無常非為邪也進德修業欲及時也

在帝左右所謂欲及時者與  
樂器篇第十五

江沱之勝以類行而欲喪朋故無怨嫡以類行而不  
能喪其朋故不以勝備數卒能自悔得安貞之吉乃

終有慶而其嘯也歌

采芣耳議酒食女子所以奉賓祭厚君親者足矣又  
思酌使臣之勞推及求賢審官王季文王之心豈是

過歟

音棠初能使民不忍去中能使民不忍傷卒能使民

知心敬而不瀆之以拜非善教寔明能取是於民  
振振勸使勉也歸哉歸哉序其情也

參耳念臣下小勞則思小飲之大勞則思大飲之甚則知其怨苦噓嘆婦人能此則險詖私謁害政之心知其無也

綱直如髮貧者紛紜無餘順其髮而直韜之爾

蓼蕭裳華有譽處今皆謂君接已溫厚則下情得伸讒毀不入而美名可保也

商頌顧予烝嘗湯孫之將言祖考來顧以助湯孫也

鄂不韡韡兄弟之見不致文於初本諸誠也

采芴之詩舍旃則無然爲言則求所得所譽必有所試厚之至也

卷之三

卷之三

卷之三

簡略也無所難也甚則不恭焉賢者仕祿非迫於飢寒不恭莫甚焉簡令簡兮雖刺時君不用然爲士者不能無太簡之譏故詩人陳其容色之盛善御之強與夫君子由房由教不語其材武者異矣

破我斧缺我斨言四國首亂烏能有爲徒破缺我斧斨而已周公征而安之愛人之至也

伐柯言正當加禮于周公取人以身也其終見書于

小子其新逆

九戩言王見周公當大其禮命則大人可致也

狼跋美周公不失其聖卒能感人心於和平也

甫田歲取十千一成之田九萬畝公取十千畝九一之法也

后稷之生當在堯舜之中年而詩云上帝不寧疑在堯時高辛子孫爲二王後而詩人稱帝爾

唐棣枝類棘枝隨節屈曲則其華一偏一反左右相矯因得全體均正偏喻管蔡失道反喻周公誅誣言

我豈不思兄弟之愛以權宜合義王在遠者爾唐棣本文王之詩此一章周公制作序已情而加之仲尼

以不必常存而去之

卷之三

卷之三

卷之三

得禮者也日西矣而陰生於東喻婚姻之失道也

鶴鳴而子和言出之善者與鶴鳴魚潛畏聲聞之不臧者與

駉彼晨風鬱彼北林晨風雖摯擊之鳥猶時得退而依深林而止也

漸漸之石言有豕自蹢烝涉波矣豕之負塗曳泥其常性也今豕足皆白衆與涉波而去水患之多爲可知也

君子所貴乎道者三猶王天下有三重焉言也動也行也



九疇次敘民資以生莫先天材故首曰五行君天下必先正己故次五事已正然後邦得而治故次八政政不時舉必昏故次五紀五紀明然後弊措得中故次建皇極求大中不可不知權故次三德權必有疑故次稽疑可徵然後疑決故次庶徵福極徵然後可不勞而治故九以嚮勸終焉五爲數中故皇極處之權過中而合義者也故三德處六

親親尊尊又曰親親尊尊賢義雖各施然而親均則尊  
其尊尊均則親其親爲可矣若親均尊均則齒不可  
以不先此施於有親者不疑若尊賢之等則於親尊  
之殺必有權而後行急親賢爲堯舜之道然則親之  
賢者先得之於疎之賢者爲必然克明俊德於九族  
而九族睦章俊德於百姓而萬邦協黎民雍皐陶亦  
以惇敘九族庶民勵翼爲邇可遠之道則九族勉敬  
之人固先明之然後遠者可次敘而及大學謂克明  
俊德爲自明其德不若孔氏之註愈  
義民安分之良民而已俊民俊德之民也官能則準  
牧無義民治昏則俊民用微

卜不習吉言卜官將占先決問人心有疑乃卜無疑則否朕志無疑人謀僉同故無所用卜鬼神必依龜筮必從故不必卜筮玩習其吉以瀆神也

禮不王不禘則知諸侯歲闕一祭爲不禘明矣至周以祠爲春以禴爲夏宗廟歲六享則二享四祭爲六矣諸侯不禘其四享歟夏商諸侯夏特一祫王制謂禘則不禘禘則不嘗假其名以見時祀之數爾作記者不知文之害意過矣

禘於夏周爲春夏嘗於夏商爲秋冬作記者交舉以二氣對互而言爾

享嘗云者享爲追享朝享禘亦其一爾嘗以配享亦對舉秋冬而言也夏商以禘爲時祭知追享之必在夏也然則夏商天子歲乃五享禘列四祭并祫而五也周改禘爲禴則天子享六諸侯不禘又歲闕一祭則亦四而已矣王制所謂天子植杓祫禘祫嘗祫烝旣以禘爲時祭則祫可同時而舉杓以物薄而植嘗從舊諸侯



一祫而已然則不年不禘又著見於此矣下又云嘗  
祫烝祫則烝嘗且祫無疑矣若周制亦當闕一時之  
祭則當云諸侯祠則不禘禘則不嘗

庶子不祭祖不止言王明其宗也明宗子不祭禰以

為親之極甚者明其宗也庶子不為長子斬不繼祖  
故又發此文與禰故也此以服言不以祭

庶子不祭殤與無後者註不祭殤者父之庶蓋以殤  
未足語世數特以已不祭禰故不祭之不祭無後者  
祖之庶也雖無後以其成人備世數當祔祖以祭之  
已不祭祖故不得而祭之也祖庶之殤則自祭之也

言庶孫則得祭其子之殤者以已為其祖矣無所祔

之也凡所祭殤者唯適子此據禮天子下祭殤五皆  
適子適孫之類故知凡殤非適皆不當特祭惟當從

祖祔食無後者謂昆弟諸父殤與無後者如祖廟在  
小宗之家祭之如在大宗見曾子

殷而上七廟自祖考而下五并遠廟為祧者二無不

遷之太祖廟至周有百世不毀之祖則三昭三穆四

為親廟二為文武二世室并始祖而七諸侯無二祧

故五大夫無不遷之祖則一昭一穆與祖考而三故  
以祖考通謂為太祖若祫則請於其君并高祖于祫

之干祫之不當祫孔註王制謂周制亦粗及之而不  
詳爾

鋪筵設同几疑左右几一云交鬼神異於人故夫婦  
而同几求之或於室或於祊也

祭社稷五祀百神者以百神之功報天之德爾故以  
天事鬼神事之至也理之盡也

天子因生以賜姓諸侯以字為謚蓋以尊統上卑統  
下之義

天子因生以賜姓難以命於下之人亦尊統上之道  
也

據玉藻疑天子聽朔於明堂諸侯則於大廟就藏朔

之處告祖而行  
受命祖廟作龜禰宮次序之宜

公之士及大夫之衆臣為衆臣公之卿大夫卿大夫  
之室老及家邑之士為貴臣上言公士所以別士於

公者也下言室老士所以別士於家者也衆臣不以  
杖節位疑義與庶子同

適士疑諸侯薦於天子之士及王朝爵命之通名蓋  
三命方受位天子之朝一命再命受職受服者疑官

長自辟除未有位於王朝故謂之官師而已

小事則專達蓋得自達于其君不俟聞於長者禮所謂達官者也所謂達官之長者得自達之長也所謂官師者大其長者也然則達官之長必三命而上者官師則中士而再命者庶士則一命為可知

賜官使臣其屬也

若卿大夫以室老士為貴臣未賜官則不得臣其士也

祖廟未毀教於公宮則知諸侯於有服族人亦引而親之如家人焉

下而飲者不勝者自下堂而受飲也其爭也爭為謙讓而已

君子之射以中為勝不必以貫革為勝侯以布鵠以

儀子全書卷之三

正義

三十二

三百四

革其不貫革而墜於地者中鵠為可知矣此為力不同科之一也

知死而不知生傷而不弔畏壓溺可傷尤甚故特致哀死者不弔生者以異之且如何不淑之詞無所施焉

博依善依永而歡樂之也雜服雜習於制數服近之文也

春秋大要天子之事也故曰知我者其惟春秋乎罪我者其唯春秋乎

苗而不秀者與下不足與也為一說

乾稱篇第十七

取西銘首句為篇名今與東銘自為一書不復載

凡可狀皆有也凡有皆象也凡象皆氣也氣之性本虛而神則神與性乃氣所固有此鬼神所以體物而不可遺也

至誠天性也不息天命也人能至誠則性盡而神可窮矣不息則命行而化可知矣學未至知化非真得也

舍氣有象否非象有意否

有無虛實通為一物者性也不能為一非盡性也飲食男女皆性也是為可滅然則有無皆性也是豈無對莊老浮屠為此說又矣果暢真理乎

儀子全書卷之三

正義

三十三

三百五

天包載萬物於內所感所性乾坤陰陽二端而已無內外之合無耳目之引取與人物莫然異矣人能盡性知天不為莫然遇是則幾矣

有無一內外合

同

此人心之所自來也若聖人則

不專以聞見為心故能不專以聞見為用無所不感若虛也感者合也感也以萬物不一故一能合異以

其能合異故謂之感若非有異則無合天性乾坤陰陽也二端故有二本一故能合天地生萬物所受雖

不同皆無須臾之不感所謂性即天德也感者性之神性者感之體在天在人惟屈伸動靜終其究一也

始之能一也故所以妙萬物而謂之神通萬物而謂之道體萬物而謂之性

至虛之實實而不固至靜之動動而不窮實而不固則一而動而不窮則往且來

性通極於無氣其一物爾命稟同於性過乃適然焉人一已百人十已千然有不至猶難語性可以言氣

行同報異猶難語命可以言遇

浮屠明鬼謂有識之死受生循環遂厭苦求免可謂

知鬼乎以人生爲妄可謂知人乎天人一物輒生取

舍可謂知天乎孔孟所謂天彼所謂道惑者指游竟

爲變爲輪迴未之思也大學當先知天德知天德則

知聖人知鬼神今浮屠極論要歸必謂死生轉流非

得道不免謂之悟道可乎悟則有義有命均死生一

之不自其說熾傳中國儒者未容窺聖學門墻已爲

引取淪胥其間指爲大道其俗達之天下致善惡知

愚男女臧獲人人者儒使英才間氣生則溺耳目恬

智之事長則師世儒佞蒞之言遂冥然被驅因謂聖

人可不修而至大道可不學而知故未識聖人心已

謂不必求其迹未見君子志已謂不必事其文此人

倫所以不察庸物所以不明治所以忽德所以亂異

言滿耳上無禮以防其僞下無學以稽其弊自古淫邪遁之詞翕然並興一出於佛氏之門者千五百

年自非獨立不懼精一自信有大過人之才何以正

立其間與之較是非計得失

釋氏語實際乃知道者所謂誠也天德也其語到實

際則以人生爲幻妄有爲爲疣贅以世界爲陰濁遂

厭而不有遣而弗存就使得之乃誠而惡明者也儒

者則因明致誠因誠致明故天人合一致學而可以

成聖得天而未始遺人易所謂不遺不流不過者也

彼語雖似是觀其發本要歸與吾儒二本殊歸矣道

一而已此是則彼非此非則彼是固不當同日而語

其言流遁失守窮大則淫推行則詖致曲則邪求之

一卷之中此弊數數有之大率知晝夜陰陽則能一

性命能知性命則能知聖人知鬼神彼欲直語太虛

不以晝夜陰陽累其心則是未始見易未始見易則

雖欲免陰陽晝夜之累末由也已易且不見又烏能

更語實際捨實際而談鬼神妄也所謂實際彼徒能

語之而已未始心解也

易謂原始反終故知死生之說者謂原始而知生則

求其終而知死必矣此夫子所以直季路之問而不

隱也

體不偏滯乃可謂無方無體偏滯於晝夜陰陽者物也若道則兼體而無累也以其兼體故曰一陰一陽又曰陰陽不測又曰一闔一闢又曰通乎晝夜語其推行故曰道語其不測故曰神語其生生故曰易其實一物指事異名爾

大率天之爲德虛而善應其應非思慮聰明可求故謂之神老氏况諸谷以此

太虛者氣之體氣有陰陽屈伸相感之無窮故神之應也無窮其散無數故神之應也無數雖無窮其實湛然雖無數其實一而已陰陽之氣散則萬殊人莫知其一也合則泯然人不見其殊也形聚爲物形潰反原反原者其游魂爲變與所爲變者對聚散存亡爲文非如螢雀之化指前後身而說也

益物必誠如天之生物日進日息自益必誠如川之方至日增日得施之安學之不勤欲自益且益人難矣哉易曰益長裕而不設信夫

將修已必先厚重以自持厚重知學德乃進而不固矣忠信進德惟尚友而急賢欲勝已者親無如改過之不吝

張子全書卷之三

張子全書卷之四

經學理窟一

周禮

明後學嘉興徐必達校正

周禮是的當之書然其間必有末世添入者如盟詛之屬必非周公之意蓋盟詛起於王法不行人無所取直故要之於神所謂國將亡聽於神蓋人屈抑無所伸故也如深山之人多信巫祝蓋山僻罕及多爲強有力者所制其人屈而不伸必呪詛於神其間又有偶遭禍者遂指以爲果得伸於神如戰國諸侯盟詛亦爲上無王法今山中人有疾者專使巫者視之且十人間有五人自安此皆爲神之方如周禮言十失四已爲下鑒則十人自有五人自安之理則盟詛決非周公之意亦不可以此病周公之法又不可以此病周禮詩云侯詛侯呪靡屆靡究不與民究極則必至於詛呪

治天下不由井地終無由得平周道止是均平

肉刑猶可用於死刑今大辟之罪且如傷舊王者死軍人犯逃走亦死今且以此比則足彼亦自幸得免死人觀之更不敢犯今之妄人往往輕視其死使之則足亦必懼矣此亦仁術

張子全書卷之三

正蒙

三十一

張子全書卷之四

理窟

三十一

天官之職須襟懷洪大方看得蓋其規模至大若不得此心欲事事上致曲窮究湊合此心如是之大必不能得也釋氏錙銖天地可謂至大然不啻爲大則爲事不得若畀之一錢則必亂矣至如言四句偈等其先必曰人所恐懼不可思議及在後則亦是小人所共知者事今所謂奴隸竈間豈不知皆是空彼實是小人所爲後有文士學之增飾其間或引入易中之意或更引他書文之故其書亦有文者實無所依取莊子雖其言如此實是畏歟亦爲事不得

張子全書

卷之四

理窟

二

三百九十七

居之所以平物價收滯積禁爭訟是決不可闕故市易之政非官專欲取利亦所以爲民百債亦有全不售時官則出錢以留之亦有不可買時官則出而賣之官亦不失取利民亦不失通其所滯而應其所急故市易之政止一市官之事耳非王政之事也井田至易行但朝廷出一令可以不咎一人而定蓋人無敢据土者又須使民悅從其多有田者使不失其爲富借如大原有据土千比者不過封與五十里之國則已過其所有其他隨土多少與一官使有租稅人不失故物治天下之術必自此治今以天下之

土基畫分布人受一方養民之本也後世不制其產止使其力又反以天子之貴專利公自公民自民不相爲計百姓足君孰與不足百姓不足君孰與足其術自城起首立四隅一方正矣又增一表又治一方如是百里之地不日可定何必毀民廬舍墳墓但見表足矣方既正表自無用待軍賦與治溝洫者之田各有處所不可易旁加損井地是也百里之國爲方十里者百十里爲成成出革車一乘是百乘也然開方計之百里之國南北東西各三萬步一夫之田爲方步者萬今聚南北一步之博而會東西三萬步之長則爲方步者三萬也是三夫之田也三三如九則百里之地得九萬夫也革車一乘甲士三人步卒七十二人以千乘計之凡用七萬五千人今有九萬夫故百里之國亦可言千乘也以地計之足容車千乘然取之不如是之盡其取之亦什一之法也其間有山陵林麓不在數廬而不征廬者猶今之地基錢也蓋貯物之地官必取錢不征者不稅歛之也法而不廬法者治之以市官之法而已廬與不廬亦觀臨時如何逐末者多則廬所以抑末也逐末者少不必廬也

張子全書

卷之四

理窟

三

三百九十八

既使爲采地其所得亦什一之法井取一夫之出  
然所食必不得盡必有常限其餘必歸諸天子所  
貢也諸侯卿大夫采地必有貢貢者必於時享天子  
皆廟受之是四海之內各以其職來祭之義其貢亦  
有常限食采之餘致貢外必更有餘此所謂天子幣  
餘之賦也以此觀之古者天子既不養兵財無所用  
必大殷富以此知井田行至安榮之道後世乃不肯  
行以爲至難復以天子之威而歛奪人財汲汲終歲  
亦且不足

卿大夫采地圭田皆以爲永業所謂世祿之家然古

張子全書卷之四

聖廟

四

百七十四

者世祿之家必不如今日之官戶也必有法蓋舍役  
者惟老者疾者貧者賢者能者服公事者舍此雖世  
祿之家役必不免也明矣

井田亦無他術但先以天下之地基布畫定使人受  
一方則自是均前日大有田產之家雖以田授民然  
不得如分種如租種矣所得雖差少然使之爲田官  
以掌其民使人既喻此意人亦自從雖少不願然悅  
者衆而不悅者寡矣又安能每恤人情如此其始  
雖分公田與之及一二十年猶須別立法始則因命  
爲田官自後則是擇賢欲求古法亦先須熟觀文字

使上下之意通貫大其胸懷以觀之井田卒歸於封  
建乃定封建功有大功德者然後可以封建當未封  
建前天下井邑當如何爲治必立田大夫治之今既  
未可議封建只使守令終身亦可爲也所以必要封  
建者天下之事分得簡則治之精不簡則不精故聖  
人必以天下分之於人則事無不治者聖人立法必  
計後世子孫使周公當軸雖攬天下之政治之必精  
後世安得如此且爲天下者奚爲紛紛必親天下之  
事今便封建不肖者復逐之有何害豈有以天下之  
勢不能正一百里之國使諸侯得以交結以亂天下

張子全書卷之四

聖廟

五

三百六

自非朝廷大不能治安得如此而後世乃謂秦不封  
建爲得策此不知聖人之意也

人主能行井田者須有仁心又更強明果敢又宰相  
之有才者唐太宗雖英明亦不可謂之仁王孝文雖  
有仁心然所施者淺近但能省刑罰薄稅歛不慘酷  
而已自孟軻而下無復其人楊雄擇聖人之精艱難  
而言之正止得其淺近者使之爲政又不知如何據  
此所知又不遇其時無所告訴然楊雄比董生孰優  
雄所學雖正當而德性不及董生之博大但其學差  
溺於公羊識緯而已

婦人之拜古者首低至地肅拜也因肅遂屈其膝今但屈其膝直其身失其義也

一畝城中之宅授於民者所謂廛里國中之地也百家謂之廛二十五家爲里此無征其有未授閑宅區外有占者征之什一使自賦也

五畝國宅城中授於士者五畝以其父子異宮有東宮西宮聯兄弟也亦無征城外郭內授於民者亦五畝於公無征

十畝場圃所任園地也詩十畝之間此也不獨築場納稼亦可毓草木也城在郭外征之二十而一蓋中

有五十畝之宅當受而無征者但五畝外者出稅耳

二十五畝宅田士田賈田所任近郊之地也孟子曰餘失二十五畝此也宅田士之在郊之宅田也士田

士所受圭田也兼宅田共五十畝賈田賈者所受之田孟子曰卿以下有圭田五十畝此言士者卿士通

皆之

五十畝官田牛田賞田牧田者所任遠郊之地也官

田庶人在官者之田牛田牧公家牛之田賞田賞賜

之田牧田有二牧六畜者一也授於鄉民者一也此

四者皆以五十畝爲區賞田以厚薄多寡給之

百畝鄉民所受井田不易者也此鄉田百畝兼受牧田五十畝故其征二十而三

百五十畝田百畝萊五十畝遂人職曰夫廛餘夫亦如之廛者統百畝之名也又有萊五十畝可薪者也野曰萊鄉曰牧猶民與氓之別其受田之家耕者之外猶有餘夫則受二十五畝之田萊亦半之故曰亦如之其征二十而三

二百畝田百畝萊百畝此在二十而三與十二之征之間必更有法

三百畝田百畝萊二百畝者其征十二以萊田半見

耕之田通田萊三百畝都計之得十二也惟其漆林之征二十而五者其上園地近郊遠郊甸稍縣都之

漆林也

周制受田自一畝至三百畝計九等餘夫增減猶在數外耳

國中以免者多役者少故晚征而早蠲之野以其免者少役者多故早征而晚蠲之貴者賢者能者服公

事者老疾者多居國中故免者多

電不毛者乃郭中受五畝之宅者於公則無征然其間亦可毓草木取利但於里中出布止待里中之用



也

居於田而不耕者出屋中之粟

間民轉移之餘無職事者無所貢故出夫家之征或征其力不用力則必有他征孟子所謂力役之征夫者一夫家者兼餘夫

旅師間粟野之田者有未受而間者或已受之民徙於他處或疾病死亡不能耕者其民之有力者權耕所出之粟也旅師掌而用之勸粟助貸於民之粟或元有官給之本或以屋粟間粟貸之得其興積則平頒之

張子全書卷之四

雜著

八

三百七

幣金玉齒革泉布之雜名

近郊疑亦通謂之國中十一使自賦之者蓋迫近王城未容井授故其稅十一以爲正

遠郊二十而三謂遠郊地寬雖上地猶更給萊田五十畝故其法二十而三餘夫則無萊田六遂然後餘夫有萊田故遂人職云餘夫亦如之國宅無征則遠郊之宅有征可知

勸粟興助之粟

屋粟不授田徙居之粟

間粟井田耕民不時次徙其田偶間而未歸空上

有量力者暫資以爲生者之粟

此三粟非公家正賦專以資里宰之師所謂旅者里中之養供服器之用爲賞罰之柄

廛里與園廛之別廛城中族居之名里郭內里居之稱園廛在園地其制百畝之間十家區分而衆居者詩人所謂十畝之間之田也作詩者以國地侵削外無井受之田徒有近郭園廛而已故耕者無所用其力則棄者閑閑而多也十畝之外他人亦然則削小無所容尤爲著矣

一夫藉則有十畝之收盡入於公一夫稅則計十畝

張子全書卷之四

理窟

九

三百八

中歲之收取其一畝借如十畝藉中歲十石則稅當一石而無公田矣十一而稅此必近之

夫家之征疑無過家一人者謂之夫餘夫竭作或三人或二人或二家五人此謂之家夫家之征疑但力征而已無布縷米粟之征若歲無力征則出夫布間師所謂無職者出夫布非謂常出其布不征其力則出夫布以代之也

周制上田以授食多者下田以授食少者此必天下之通制也又遂人上田萊五十畝中百畝下二百上田萊五十畝比遠郊井受牧田之民二十而稅二



無以異中萊百畝以肥瘠倍上萊下萊二百畝以肥瘠倍中萊此三等蓋折衷之均矣然授上萊者稅二十而三受下萊者乃多至十二蓋田均則食少者優不得不加之稅爾周道如砥此之謂也

周禮惟太宰之職難看蓋無許大心胸包羅記得復忘彼其混混天下之事當如捕龍蛇搏虎豹用心力看方可故議論天下之是非易處天下之事難孔子常語弟子如或知爾則何以哉其他五官便易看止一職也

守祧先公之遷主於后稷之廟疑諸侯無祧廟亦藏之於始祖之廟

謂之圭田恐是畦田若萊圃之類故授之在近又少也

### 詩書

周南召南如乾坤

上天之載無聲無臭但儀刑文王則可以取信家邦言學文王者也

歸蟻者陰氣薄而日氣見也有二者其全見者是陰氣薄處不全見者是陰氣厚處

聖人文章無定體詩書易禮春秋只隨義理如此而

言李翱有言觀詩則不知有書觀書則不知有詩亦近之

順帝之則此不失赤子之心也宜然無所思慮順天而已赤子之心人皆不可知也惟以一靜言之

言之能知詩者惟孟子為以意逆志也夫詩之志至平易不必為艱險求之今以艱險求詩則已喪其本心何由見詩人之志

文王之於天下都無所與焉文王陟降在帝左右只觀天意如何耳觀文王一篇便知文王之美有君人之大德有事君之小心

萬事只一天理舜舉十六相去四凶堯豈不能堯固知四凶之惡然民未被其虐天下未欲去之堯以安民為難遽去其君則民不安故不去必舜而後因民不堪而去之也

高宗夢傳說先見容貌此事最神夫夢不必須聖人然後夢為有理但天神不問人入得處便入也萬頃之波與汙泥之水皆足受天之光但放來平易心便神也若聖人起一欲得靈夢之心則心固已不神矣神又焉有心聖人心不艱難所以神也高宗只是正心思得聖賢是以有感

天無心心都在人之心一人私見固不足盡至於衆人之心同一則却是義理總之則却是天故曰天曰帝者皆民之情然也謳歌訟獄之不之焉人也而以爲天命武王不薦周公必知周公不失爲政尚書難看蓋難得胸臆如此之大只欲解義則無難也

書稱天應如影響其福禍果然否大抵天道不可得而見惟占之於民人所悅則天必悅之所惡則天必惡之只爲人心至公也至衆也民雖至愚無知惟於私已然後昏而不明至於事不干礙處則自是公明

張子全書卷之四

理窟

十二

大抵衆所向者必是理也理則天道存焉故欲知天者占之於人可也

稽衆舍已堯也與人爲善舜也聞言則拜禹也用人惟已改過不吝湯也不聞亦式不諫亦入文王也皆虛其心以爲天下也

欽明文思堯德也濬哲文明溫恭允塞舜德也舜之德與堯不同蓋聖人有一善之源足以兼天下之善若以字之多寡爲德之優劣則孔子溫良恭儉遜又多於堯一字至於八元八凱齊聖廣淵明允篤誠忠肅恭懿宣慈惠和則其字又甚多如是反過於聖人

如孟子言堯舜之道孝悌而已蓋知所本

今稱尚書恐當稱尚書尚奉上之義如尚衣尚食先儒稱武王觀兵於孟津後二年伐商如此則是武王兩畔也以其有此故於中庸言一戎衣而有天下解作一戎衣蓋自說作兩度也孟子稱取之而燕民不悅弗取文王是也只爲商命未改取之而燕民悅則取之武王是也此事間不容髮當日而命未絕則是君臣當日而命絕則爲獨夫故予不奉天厥罪惟均然問命絕否何以卜之只是人情而已諸侯不期而會者八百當時豈由武王哉

張子全書卷之四

理窟

十三

靈臺民始附也先儒指以爲文王受命之年此極害義理又如司馬遷稱文王自美里歸與太公行陰德以傾紂天下如此則文王是亂臣賊子也惟董仲舒以爲文王閔悼紂之不道故至於日昃不假食至於韓退之亦能識聖人作美里操有臣罪當誅兮天王聖明之語文王之於紂事之極盡道矣先儒解經如此君臣之道且不明何有義理哉如考槃之詩永矢弗過弗告解以永不復告君過君豈是賢者之言詩序必是周時所作然亦有後人添入者則極淺近自可辨也如言不肯飲食教載之只見詩中云飲之

食之教之誨之命彼後車謂之載之便云教載絕  
成言語也

文如高子曰靈星之尸分明是高子言更何疑也  
七月之詩計古人之爲天下國家只是豫而已  
堯夫解他山之石可以攻玉玉者溫潤之物若兩玉  
相攻則無所成必石以磨之譬如君子與小人處爲  
小人侵凌則修省畏避動心忍性增益其所不能如  
此便道理出來

### 宗法

管攝天下人心收宗族厚風俗使人不忘本須是明  
諸係世族與立宗子法宗法不立則人不知統系來  
處古人亦鮮有不知來處者宗子法廢後世尚譜牒  
猶有遺風譜牒又廢人家不知來處無百年之家骨  
肉無統雖至親恩亦薄

宗子之法不立則朝廷無世臣且如公卿一日崛起  
於貧賤之中以至公相宗法不立既歿遂族散其家  
不傳宗法若立則人人各知來處朝廷大有所益或  
問朝廷何所益公卿各保其家忠義豈有不立忠義  
既立朝廷之本豈有不固今驟得富貴者止能爲三  
四十年之計造宅一區及其所有既歿則衆子分裂

未幾蕩盡則家遂不存如此則家且不能保又安能  
保國家

夫所謂宗者以已之旁親兄弟來宗已所以得宗之  
名是人來宗已非已宗於人也所以繼稱則謂之繼  
稱之宗繼祖則謂之繼祖之宗曾高亦然

言宗子者謂宗主祭祀宗子爲士庶子爲大夫以上  
牲祭於宗子之家非獨宗子之爲士爲庶人亦然

宗子之母在不爲宗子之妻服非也宗子之妻與宗  
子共事宗廟之祭者豈可夫婦異服故宗子雖母在  
亦當爲宗子之妻服也東酌犧象西酌鬯尊須夫婦

共事豈可母子共事也未娶而歿則難立後爲其無  
母也如不得已須當立後又須并其妾母與之太不  
得已也未娶而歿有妾之子則自是妾母也

天子建國諸侯建宗亦天理也譬之於木其上下挺  
立者本也若是旁枝大段茂盛則本自是須低摧又  
譬之於河其正流者河身若是涇流泛濫則自然後  
河身轉而隨涇流也宗之相承固理也及旁支昌大  
則須是却爲宗主至如伯邑考又不聞有罪只爲武  
王之聖顧伯邑考不足以承太王之緒故須立武王  
所以然者與其使祖先享卿大夫之祭不若享人君

之禮

至如人有數子長者至微賤不立其間一子仕宦則更不問長少須是士人承祭祀

古所謂支子不祭也者惟使宗子立廟王之而已支子雖不得祭至於齋戒致其誠意則與祭者不異與則以身執事不可與則以物助之但不別立廟為位行事而已後世如欲立宗子當從此義雖不與祭情亦可安若不立宗子徒欲廢祭適足長惰慢之志不若使之祭猶愈於已也今日大臣之家且可方宗子法譬如一人數子且以適長為大宗須據所有家計

張子全書卷之四

理窟

十六

三

厚給以養宗子宗子勢重即願得之供宗子外乃將所有均給族人宗子須專直教授宗子之得失責在教授其他族人別立教授仍乞朝廷立條族人須管遵依祖先立法仍許族人將已合轉官恩澤乞回授宗子不理選限官及許將奏薦子弟恩澤與宗子且要王張門戶宗子不善則別擇其次賢者立之

後來朝廷有制曾任兩府則宅舍不許分意欲後世尚存某官之宅或存一影堂知嘗有是人然宗法不立則此亦不濟事唐狄人傑顏杲卿真卿後朝廷盡與官其所以旌別之意甚善然亦處之未是若此一

人灰遂却絕嗣不若各就墳冢給與田五七頃與一

閑名目使之世守其祿不惟可以為天下忠義之勸亦是為忠義者實受其報又如先代帝王陵寢其下多有閑田每處與十畝田與一閑官世守之

禮言祭畢然後敢私祭為如父有二子幼子欲祭父來兄家祭之此是私祭祖有諸孫適長孫已祭諸孫來祭者祭於長孫之家是為公祭

王制言大夫之廟一昭一穆與太祖之廟而三若諸侯則以有國指始封之君為太祖若大夫安得有太祖

祖

張子全書卷之四

理窟

十七

三

宗子既廟其祖禰支子不得別祭所以嚴宗廟合族屬故曰庶子不祭祖禰明其宗也

宗子為士立二廟支子為大夫當立三廟是曾祖之廟為大夫立不為宗子立然不可二宗別統故其廟亦立於宗子之家

明後學嘉興徐必達校正

禮樂

禮反其所自生樂樂其所自成禮別異不忘本而後能推本爲之節文樂統同樂吾分而已禮天生自有分別人須推原其自然故言反其所自生樂則得其所以樂即是樂也更何所待是樂其所自成

周樂有象有大武有酌象是武王爲文王廟所作下武繼文也武功本於文王武王繼之故武王歸功於文王以作此樂象文王也大武必是武王既崩國家所作之樂奏之於武王之廟酌必是周公七年之後制禮作樂時於大武有增添也故酌言告成大武也其後必是酌以祀周公

治亂以相爲周召作詠疾以雅爲太公作

入門而縣興金奏此言兩君相見凡樂皆作必肆夏也至升堂之後其樂必不皆作奏必有品次大合樂猶今之合曲也必無金石止用匏竹之類也八音克諧堂上堂下盡作也明矣

古樂不可見蓋爲今人求古樂太深始以古樂爲不可知只此虞書詩言志歌永言聲依永律和聲求之

得樂之意蓋盡於是詩只是言志歌只是永其言而已只要轉其聲令人可聽今日歌者亦以轉聲而不變字爲善歌長言後却要入於律律則知音者知之知此聲入得何律古樂所以養人德性中和之氣後之言樂者止以求哀故晉平公曰音無哀於此乎哀則止以感人不善之心歌亦不可以太高亦不可以太下太高則入於噍殺太下則入於嘽緩蓋窮本知變樂之情也

周禮言樂六變而致物各異此恐非周公之制作本意事亦不能如是確然若謂天神降地祇出人鬼可得而禮則庸有此理

問角徵羽皆有主出於唇齒喉舌獨官聲全出於口以兼五聲也徵恐只是徵或避諱爲徵如是則清濁平仄不同矣齒舌之音異矣

今尺長於古尺尺度權衡之正必起於律律本黃鐘黃鐘之聲以理亦可定古法律管當實千有二百粒黍黍後人以羊頭山黍用三等篩子透之取中等者用此特未爲定也此尺只是器所定更有因人而制如言深衣之袂一尺二寸以古人之身若止用一尺二寸豈可運肘即知因身而定羊頭山老子說一秤

三米秬黍直是天氣和十分豐熟山上便有山下亦或有之

律呂有可求之理德性深厚者必能知之

後之言曆數者言律一寸而萬數千分之細此但有其數而無其象耳

聲音之道與天地同和與政通蠶吐絲而商絃絕正與天地相應方蠶吐絲木之氣極盛之時商金之氣衰如言律中大簇律中林鍾於此盛則彼必衰方春木當盛却金氣不衰便是不和不與天地之氣相應

先王之樂必須律以考其聲今律既不可求人耳又

律呂全書卷之五

聖賢

王

言

不可全信正惟此爲難求中聲須得律律不得則中聲無由見律者自然之至此等物雖出於自然亦須人爲之但古人爲之得其自然至如爲規矩則極盡天下之方圓矣

鄭衛之音自古以爲邪淫之樂何也蓋鄭衛之地濱大河涉地土不厚其間人自然氣輕浮其地土苦不實耕耨物亦能生故其人偷脫怠墮弛慢頹靡其人情如此其聲音同之故聞其樂使人如此懈慢其地卑下其間人自然意氣柔弱怠墮其土足以生古所謂息土之民不才者此也若四夷則皆据高山谿谷

故其氣剛勁此四夷常勝中國者此也

移人者莫甚於鄭衛未成性者皆能移之所以夫子戒顏回也今之琴亦不遠鄭衛古音必不如是古音只是長言聲依於永於聲之轉處過得聲和婉決無預前定下腔子

禮所以持性蓋本出於性持性反本也凡未成性須禮以持之能守禮已不畔道矣

禮卽天地之德也如顏子者方勉勉於非禮勿言非禮勿動勉勉者勉勉以成性也

禮非止著見於外亦有無體之禮蓋禮之原在心禮者聖人之成法也除了禮天下更無道矣欲養民當

自井田始治民則教化刑罰俱不出於禮外五常出於凡人之常情五典人日日爲但不知耳

今之人自少見其父祖從仕或見其鄉間仕者其心正欲得利祿縱欲於義理更不留意有天生性美則或能孝友廉節者不美者縱惡而已性元不曾識磨礪

磨礪之宜便是禮禮卽時措時中見之事業者非禮之禮非義之義但非時中者皆是也非禮之禮非義之義又不可一槩言如孔子喪出母子思守禮爲非

也又如制禮以小功不稅使曾子制禮又不知如何以此不可易言時中之義甚大須是精義入神以致用觀其會通以行典禮此則具義理也行其典禮而不達會通則有非時中者矣禮亦有不須變者如天叙天秩如何可變禮不必皆出於人至如無人天地之禮自然而有何假於人天之生物便有尊卑大小之象人順之而已此所以爲禮也學者有專以禮出於人而不知禮本天之自然告子專以義爲外而不知所以行義由內也皆非也當合內外之道

能答曾子之問能教孺悲之學斯可以言知禮矣進

張子全書卷之五

理窟

五

言字二

人之速無如禮學

學之行而復疑之此習矣而不察者也故學禮所以求不疑仁守之者在學禮也

學者行禮時人不過以爲迂彼以爲迂在我乃是徑捷此則從吾所好文則要審察心則要洪放如天地自然從容中禮者盛德之至也

古人無椅卓智非不能及也聖人之才豈不如今人但席地則體恭可以拜伏今坐椅卓至有坐到起不識動者主人始親一酌已是非常之欽蓋後世一切取便安也

### 氣質

變化氣質孟子曰居移氣養移體況居天下之大居者乎居仁由義自然心和而體正更要約時但拂去舊日所爲使動作皆中禮則氣質自然全好禮曰心大體胖心既弘大則自然舒大而樂也若心但能弘大不謹敬則不立若但能謹敬而心不弘大則入於隘須寬而敬大抵有諸中者必形諸外故君子心和則氣和心正則氣正其始也固亦須矜持古之爲冠者以重其首爲履以重其足至於盤盂几杖爲銘皆所以慎戒之

張子全書卷之五

理窟

六

言字九

人之氣質美惡與貴賤夭壽之理皆其所受定分如氣質惡者學即能移今人所以多爲氣所使而不得爲賢者蓋爲不知學古之人在鄉間之中其師長朋友日相教訓則自然賢者多但學至於成性則氣無由勝孟子謂氣壹則動志動猶言移易若志壹亦能動氣必學至於如天則能成性

誠意而不以禮則無徵蓋誠非禮無以見也誠意與行禮無有先後須兼修之誠謂誠有是心有尊敬之者則當有所尊敬之心有養愛之者則當有所撫字之意此心苟息則禮不備文不當故成就其身者須



在禮而成就禮則須至誠也

天本無心及其生成萬物則須歸功於天曰此天地之仁也仁人則須索做始則須勉勉終則復自然人須當存此心及用得熟却恐忘了若事有汨沒則此心旋失失而復求之則才得如舊耳若能常存而不失則就上日進立得此心方是學不錯然後要學此心之約到無去處也立本以此心多識前言往行以畜其德是亦從此而辨非亦從此而辨矣以此存心則無有不善

古人耕且學則能之後人耕且學則爲奔迫反動其

心何者古人安分至一簞食一豆羹易衣而出只如此其分也後人則多欲故難能然此事均是人情之難故以爲貴

所謂勉勉者謂繼之者善也成之者性也繼續不已乃善而能至於成性也今聞說到中道無去處不守定又上面更求則過中也過則猶不及也不以學爲行室則有與而不居反之他而求位猶此也是處不守定則終復狂亂其不是亦將莫之辨矣譬之指鹿爲馬始未嘗識馬今指鹿爲之則亦無猶識鹿也學釋者之說得便爲聖人而其行則小人也只聞知便

爲了學者深宜以此爲戒

孔子文王堯舜皆則是在此立志此中道也更分聖人於此上別有心情所以不立非才之罪也善取善者雖於不若已采取亦有益心苟不求益則雖與仲尼處何益君子於不善見之猶求益况朋友交相取益乎人於異端但有一事存之於心便不能至理其可取者亦耳可取者不害爲忠臣孝子

如是心不能存德虛牢固操則存捨則亡道義無由得生如地之安靜不動然後可以載物生長以出萬物若今學者之心出入無時記得時存記不得時即休如此則道義從何而生

於不賢者猶有所取者觀已所問何事欲問耕則君子不如農夫問織則君子不如婦人問夷狄不如問夷人問財利不如問商賈但臨時已所問學者舉一隅必數隅反

後生可畏有異於古則雖科舉不能害其志然不如絕利一源

學者有息時一如木隅人捧搖則動舍之則息一日而萬生萬死學者有息時亦與死無異是心死也身雖生身亦物也天下之物多矣學者本以道爲生



息則死也終是偽物當以木隅人為譬以自戒知息為大不善因設惡譬如此只欲不息

欲事立須是心立心不欽則怠墮事無由立况聖人誠立故事無不立也道義之功甚大又極是尊貴之事

苟能屈於長者便是問學之次第云爾

整齊卽是如切如磋也鞭後乃能齊也人須偏有不至處鞭所不至處乃得齊爾不知疑者只是不便實作既實作則須有疑必有不行處是疑也譬之通身會得一邊或理會一節未全則須有疑是問是學處也無則只是未嘗思慮來也

孟子全書卷之五

理窟

九

三百三十一

君子不必避他人之言以爲太柔太弱至於瞻視亦有節視有上下視高則氣高視下則心柔故視國君者不離紳帶之中學者先須去客氣其爲人剛行則終不肯進堂堂乎張也難與竝爲仁矣蓋目者人之所常用且心常記之視之上下且試之已之敬傲必見於視所以欲下其視者欲柔其心也柔其心則聽言敬且信人之有朋友不爲燕安所以輔佐其仁今之朋友擇其善柔以相與拍肩執袂以爲氣合一言不合怒氣相加朋友之際欲其相下不倦故於朋友

之間主其敬者日相親與得效最速仲尼嘗曰吾其居於位也與先生竝行也非求益者也欲速成者也則學者先須溫柔溫柔則可以進於學詩曰溫柔恭人惟德之基蓋其所益之多

多聞見適足以長小人之氣君子莊敬日強始則須拳拳服膺出於牽勉至於中禮却從容如此方是爲已之學鄉黨說孔子之形色之謹亦是敬此皆變化氣質之道也

道要平曠中求其是虛中求出實而又轉之以文則謂之轉誠不得文無由行得誠文亦有時有庸敬有斯須之敬皆歸於是而已存心之始須明知天德天德卽是虛虛上更有何說也

孟子全書卷之五

理窟

十

三百三十二

求養之道心只求是而已蓋心弘則是不弘則不是心大則百物皆通心小則百物皆病悟後心常弘觸理皆在吾術內覩一物又敲點着此心臨一事又記念着此心常不爲物所牽引去視燈燭亦足以警道大率因一事長一智只爲持得術博凡物常不能出博大之中

求心之始如有所得久思則茫然復失何也夫求心不得其要鑽研大甚則惑心之要只是欲平曠然後

無心如天簡易不已今有心以求其虛則是已起一  
心無由得虛切不得令心煩求之太切則反昏惑孟  
子所謂助長也孟子亦只言存養而已此非可以聰  
明思慮力所能致也然而得博學於文以求義理則  
亦動其心乎夫思慮不違是心而已尺蠖之屈以求  
伸也龍蛇之蟄以存身也精義入神以致用也利用  
安身以崇德也此交相養之道夫屈者所以求伸也  
勤學所以修身也博文所以崇德也惟博文則可以  
力致人平居又不可以全無思慮須是考前言往行  
觀昔人制節如此以行其事而已故動焉而無不中

孟子全書

卷之五

聖賢

十二

三

理  
學者既知此心且擇所安而行之已不愧疑則闕之  
更多識前言往行以養其德多聞闕疑多見闕殆而  
今方要從頭整理將前言往行常合爲一有不合自  
是非也

人能不疑便是德進蓋已於大本處不惑雖未加工  
思慮必常在此積久自覺漸變學者惡其自足足則  
不復進

立本既正然後修持修持之道既須虛心又須得體  
內外發明此合內外之道也當是畏聖人之言考前

言往行以畜其德度義擇善而行之致文於事業而  
能盡義者只是要學曉夕參詳比較所以盡義惟博  
學然後有可得以參較琢磨學博則轉密察鑽之彌  
堅於實處轉爲實轉誠轉信故只是要博學學愈博  
則義愈精微舜好問好察邇言皆所以盡精微也舜  
與仲尼心則同至於密察處料得未如孔子大抵人  
君則有輔弼疑丞中守至正而已若學者則事必欲  
皆自能又將道輔於人舜爲人君猶起於側微  
學者所志至大猶恐所得淺况可便志其小苟志其  
小志在行一節而已若欲行信亦未必能信自古有  
多少要如仲尼者然未有如仲尼者顏淵學仲尼不

孟子全書

卷之五

聖賢

十二

三

幸短命孟子志仲尼亦不如仲尼至如樂正子爲信  
人爲善人其學亦全得道之大體方能如此又如漆  
雕開言吾斯之未能信亦未說信甚事只是謂於道  
未信也

慎喜怒哀此只矯其未而不知治其本宜矯輕警惰若  
天祺公之弟氣重也亦有矯情過實處

人多言安於貧賤其實只是計窮力屈才短不能管  
畫耳若稍動得恐未肯安之須是誠知義理之樂於  
利欲也乃能

天資美不足爲功惟矯惡爲善矯情爲勤方是爲功  
人必不能便無是心須使思慮但使常游心於義理  
之間立本處以易簡爲是接物處以時中爲是易簡  
而天下之理得時中則要博學素備

張子全書卷之五終

張子全書卷之五

理窟

十三

論

張子全書卷之六

經學理窟三

明後學嘉興徐必達校正

義理

學未至而好語變者必知終有患蓋變不可輕議若  
驟然語變則知操術已不正

吾徒飽食終日不圖義理則大非也工商之輩猶能  
晏寐夙興以有爲焉知之而不信而行之愈於不知  
矣學者須得中道乃可守

人到向道後俄頃不捨豈暇安寢然君子向晦入燕  
處君子隨物而止故入燕處然其仁義功業之心未  
嘗忘但以其物之皆息吾兀然而坐無以爲接無以  
爲功業須亦入息

此學以爲絕耶何因復有此議論以爲與耶然而學  
者不博孟子曰無有乎爾則亦無有乎爾孔子曰天  
之未喪斯文也匡人其如予何今欲功及天下故必  
多栽培學則道可傳矣

人不知學其任智自以爲人莫及以理觀之其用智  
乃癡耳碁酒書畫其術固均無益也坐寢息其術同  
差近有益也惟與朋友燕會議論良益也然大義大  
節須要知若細微亦必知也

凡人爲上則易爲下則難然不能爲下亦未能使下  
不盡其情僞也大抵使人常在其前已嘗爲之則能  
使人

凡事蔽蓋不見底只是不求益有人不肯言其道義  
所得所至不得見底又非於吾言無所不說

人雖有功不及於學心亦不宜忘心苟不忘則雖接  
人事卽是實行莫非道也心若忘之則終身由之只  
是俗事

今人自強自是樂已之同惡已之異便是有固必意  
我無由得虛學者理會到此虛心處則教者不須言

求之書合者卽是聖言不合者則後儒添入也

要見聖人無如論孟爲要論孟二書於學者大足只  
是須涵泳

以有限之心止可求有限之事欲以致博大之事則  
當以博大求之知周乎萬物而道濟天下也

尊其所聞則高明行其所知則光大凡未理會至實  
處如空中立終不會踏着實地性剛者易立和者易  
達人只有立與達已欲立而立人已欲達而達人然  
則剛與和猶是一偏惟大達則必立大立則必達  
學者欲其進須欽其事欽其事則有立有立則有成

未有不欽而能立不立則安可望有成

人若志趣不遠心不在焉雖學無成人情於進道無  
自得達自非成德君子必勉勉至從心所欲不踰矩  
方可放下德薄者終學不成也

聞見之善者謂之學則可謂之道則不可須是自求  
已能尋見義理則自有肯趣自得之則居之安矣

合内外平物我此見道之大端

道德性命是長在不灰之物也已身則灰此則

常在

耳目役於外攬外事者其實是自墮不肯自治只言  
短長不能反躬者也

天地之道要一言而道盡亦可有終日善言而只在

一物者當識其要總其大體一言而乃盡爾

釋氏之學言以心役物使物不役心周孔之道豈是  
物能役心虛室生白

今之性滅天理而窮人欲今復反歸其天理古之學  
者便立天理孔孟而後其心不傳如荀楊皆不能

知

義理之學亦須深沉方有造非淺易輕浮之可得也  
蓋惟深則能通天下之志只欲說得便似聖人若此  
則是釋氏之所謂祖師之類也

此道自孟子後千有餘歲今日復有知者若此道天

不欲明則不使今日人有知者既使人知之似有復明之理志於道者能自出義理則是成器

人一能之已百之人十能之已千之曰能者是今日不能而能之若以聖人之能而為不能則狂者矣終身而莫能得也

學貴心悟守舊無功

知德斯知言已嘗自知其德然後能識言也人雖言之已未嘗知其德豈識其言須是已知是德然後能識是言猶曰知孝之德則知孝之言也

三代時人自幼聞見莫非義理文章學者易為力今須自作

為學大益在自能變化氣質不爾卒無所發明不得見聖人之奧故學者先須變化氣質變化氣質與虛心相表裏

大中天地之道也得大中陰陽鬼神莫不盡之矣仁不得義則不行不得禮則不立不得智則不知不得信則不能守此致一之道也

犬率玩心未熟可求之平易勿迂也若始求太深恐自茲愈遠

學不能推究事理只是心粗至如顏子未至於聖人

處猶是心粗

觀書必總其言而求作者之意

學者言不能識得盡多相違戾是為無天德今舉眉以思已失其心也蓋心本至神如此則已將不神害其至神矣

能亂吾所守

有言經義須人人說得別此不然天下義理只容有一箇是無兩箇是

且滋養其明明則求經義將自見矣又不可徒養有觀他前言徃行便畜得已德若要成德須是速行之

當自立說以明性不可以遺言附會解之若孟子言不成章不達及四體不言而喻此非孔子曾言而孟子言之此是心解也

讀書少則無由考校得義精蓋書以維持此心一時放下則一時德性有懈讀書則此心常在不讀書則終看義理不見書須成誦精思多在夜中或靜坐得之不記則思不起但通貫得大原後書亦易記所以觀書者釋已之疑明已之未達每見每知所益則學進矣於不疑處有疑方是進矣

學者潛心畧有所得即且誌之紙筆以其易忘失其

良心若所得是充大之以養其心立數千題旋注釋  
常改之改得一字卽是進得一字始作文字須當多  
其詞以包羅意思

常人教小童亦可取益絳已不出一益也授人數  
次已亦了此文義二益也對之必正衣冠尊瞻視三  
益也嘗以因已而壞人之才爲之憂則不敢墮四益  
也

有急求義理復不得於閒暇有時得益意樂則易見  
急而不樂則失之矣蓋所以求義理莫非天地禮樂  
鬼神至大之事心不洪則無由得見

張子全書

理窟

六

語道不簡易蓋心未簡易須實有是德則言自歸約  
蓋趣向自是居簡久則至於簡也  
聞之知之得之有之

孔子適周誠有訪樂於萇弘問禮於老聃老聃未必  
是今老子觀老子薄禮恐非其人然不害爲兩老子  
猶左丘明別有作傳者也

家語國語雖於古事有所證明然皆亂世之事不可  
以證先王之法

觀書且勿觀史學理會急處亦無暇觀也然觀史又  
勝於游山水林石之趣始似可愛終無益不如游心

經籍義理之間

心解則求義自明不必字字相校譬之目明者萬物  
紛錯於前不足爲害若目昏者雖枯木朽株皆足爲  
梗

觀書且不宜急迫了意思則都不見須是大體上求  
之言則指也指則所視者遠矣若只泥文而不求大  
體則失之是小兒視指之類也常引小兒以手指物  
示之而不能求物以視焉只視於手及無物則加怒  
耳

博大之心未明觀書見一言大一言小不從博大中

張子全書

理窟

七

來皆未識盡既聞中道不易處且休會歸諸經義已  
未能盡天下之理如何盡天下之言聞一句語則起  
一重心所以處得心煩此是心小則百物皆病也今  
既聞師言此理是不易雖掩卷守吾此心可矣凡經  
義不過取證明而已故雖有不識字者何害爲善易  
曰一致而百慮既得一致之理雖不百慮亦何妨既  
得此心復因狂亂而失之譬諸亡羊者挾策讀書與  
飲酒博塞其亡羊則一也可不鑒

人之迷經者蓋已所守未明故常爲語言可以移動  
已守既定雖孔孟之言有紛錯亦不須思而改之復

鋤去其繁使詞簡而意備

經籍亦須記得雖有舜禹之智吟而不言不如龍耳育之指麾故記得便說得說得便行得故始學亦不可無誦記

某觀中庸義二十年每觀每有義已長得一格六經循環年欲一觀觀書以靜為心但只是物不入心然人豈能長靜須以制其亂

發源端本處既不誤則義可以自求

學者信書且須信論語孟子詩書無舛雜雖雜出諸儒亦若無害義處如中庸大學出於聖門無可疑

張子全書

卷之六

聖賢

八

者禮記則是諸儒雜記至如禮文不可不信已之言禮未必勝如諸儒如有前後所出不同且闕之記有疑議亦且闕之就有道而正焉

嘗謂文字若史書歷過見得無可取則可放下如此則一日之力可以了六七卷書又學史不為為人對人耻有所不知意只在相勝醫書雖聖人存此亦不須大段學不會亦不甚害事會得不過惠及骨肉間延得頃刻之生決無長生之理若窮理盡性則自會得如文集文選之類看得數篇無所取便可放下如道藏釋典不看亦無害既如此則無可得看唯是有

義理也故唯六經則須着循環能使晝夜不息理會得六七年則自無可得看若義理則儘無窮待自家長得一格則又見得別

語道斷自仲尼不知仲尼以前更有古可稽雖文字不能傳然義理不滅則須有此言語不到得絕

由學者至顏子一節由顏子至仲尼一節是至難進也二節猶二關然而得仲尼地位亦少詩禮不得孔子謂學詩學禮以言以立不止謂學者聖人既到後直知須要此不可闕不學詩直是無可道除是穿鑿任已知詩禮易春秋書六經直是少一不得

張子全書

卷之六

聖賢

九

大凡說義理命字為難看形器處尚易至要妙處本自博以語言復小却義理差之毫釐繆以千里從此學者苟非將大有為必有所甚不得已也

### 學大原上

學者且須觀禮蓋禮者滋養人德性又使人有常業守得定又可學便可行又可集得義養浩然之氣須是集義集義然後可以得浩然之氣養正剛大必須書多閱而好忘者只為理未精耳理精則須記了無去處也仲尼一以貫之蓋只着一義理都貫却學者但養心識明靜自然可見外生存亡皆知所從來胸

瑩然無疑止此理爾孔子言未知生焉知死蓋界言之外之事只生是也更無別理

下學而上達者兩得之人謀又得天道又盡人私意以求是未必是虛心以求是方為是夫道仁與不仁是與不是而已

既學而先有以功業為意者於學便相害既有必穿鑿創意作起事也德未成而先以功業為事是代大匠斲希不傷手也

為學須是要進有以異於人若無以異於人則是鄉人雖貴為公卿若所為無以異於人未免為鄉人

孟子全集

卷之六

十一

富貴之得不得天也至於道德則在已求之而無不得者也

漢儒極有知仁義者但心與迹異

戲謔直是大無益出於無敬心戲謔不已不惟害事志亦為氣所流不戲謔亦是持氣之一端善戲謔之事雖不為無傷

聖人於文章不講而學蓋講者有可否之疑須問辨而後明學者有所不知問而知之則可否自決不待講論如孔子之盛德惟官名禮文有所未知故其問老子剡子既知則遂行而更不須講

忠信所以進德者何也閑邪則誠白存誠自存斯為忠信也如何是閑邪非禮而勿視聽言動邪斯為

日月星辰之事聖人不言必是顏子輩皆已理會得更不須言也

學者不可謂少年自緩便是四十五十二程從十四歲時便銳然欲學聖人今盡及四十未能及顏閔之徒小程可如顏子然恐未如顏子之無我

心既虛則公平公平則是非較然易見當為不當為之事自知

正心之始當以已心為嚴師凡所動作則知所懼如此一二年間守得牢固則自然心正矣

孟子全集

卷之六

十一

其始且須道體用分別以執守至熟後只一也道初亦須一意慮參較比量至已得之則非思慮所能

古者惟國家則有有司士庶人皆子弟執事又古人於提孩時已教之禮今世學不講男女從幼便驕惰壞了到長益凶狠只為未嘗為子弟之事則於其親

已有物我不肯屈下病根常在近來思慮大率少不中處今則利在閑閑得數日便

意思長遠觀書到無可推考處顏子所謂有不善者必只是以常意有迹處便為不



善而知之此知幾也於聖人則無之矣

耳不可以聞道夫子之言性與天道子貢以爲不問是耳之聞未可以爲聞也

愛道則凡爲貧者皆道憂貧則凡爲道者皆貧

道理今日却見分明雖仲尼復生亦只如此今學者下達處行禮下面又見性與天道他日須勝孟子門人如子夏子貢等人必有之乎

氣質猶人言性氣氣有剛柔緩速清濁之氣也質才也氣質是一物若草木之生亦可言氣質惟其能克已則爲能變化却習俗之氣性制得習俗之氣所以

養浩然之氣是

集義

積善也

義須

是常集勿使有息故能生浩然道德之氣其舊多使氣後來殊減更期一年庶幾無之如太和中容萬物任其自然

人早起未嘗交物須意銳精健平正故要得整頓一早晨及接物日中須汨沒到夜則自求息反靜

仁之難成久矣人人失其所好蓋人人有利欲之心與學正相背馳故學者要寡欲孔子曰梟也慾焉得剛

樂則生矣學至於樂則自不已故進也生猶進有知

乃德性之知也吾曹於窮神知化之事不能緣義禮使人來悅已則可已不可以妄悅於人

婢僕始至者本懷勉勉敬心若到所提掇更謹則加謹慢則棄其本心便習以性成故任者入治朝則德日進入亂朝則德日退只觀在上者有可學無可學爾

學得周禮他日有爲却做得些實事以某且求必復出制只得一色用法若許試其所學則周禮由中之制皆可舉行使民相趨如骨肉上之人保之如赤子謀人如己謀衆如家則民自信

養浩然之氣是

集義

積善也

義須

以燎原野彌天地有本者如是也

孔子謂柴也愚參也魯亦是不得已須當語之如正甫之隨牒之多疑須當告使知其病則病上偏治莊子謂牧羊者止鞭其後人亦有不須驅策處則治其所不足某只是大直無隱凡某人有不善卽面舉之

張子全書卷之七

經學理窟四

明後學嘉興徐必達校正

學大原下

天下之富貴假外者皆有窮已蓋人欲無饜而外物有限惟道義則無爵而貴取之無窮矣

聖人設教便是人人可以至此人皆可以爲堯舜若是言且要設教在有所不可到則聖人之語虛設耳

慕學之始猶聞都會紛華盛麗未見其美而知其有美不疑步步進則漸到畫則自棄也觀書解大義非

聞也必以了悟爲聞

理窟

卷之七

人之好強者以其所知少也所知多則不自強滿學然後知不足有若無實若虛此顏子之所以進也

某與人論學二三十年所恨不能到人有得是人人各自體認至如明道行狀後語亦甚鋪陳若人體認儘可以發明道理若不體認亦是一場閑言長語

今人爲學如登山麓方其迤邐之時莫不濶步大走及到峭峻之處便止須是要剛決果敢以進

學之不動者正猶七年之病不蓄三年之艾今之於學加工數年自是享之無窮人多是耻於問人假使

今日問於人明日勝於人有何不可如是則孔子問

於老聃長弘鄉子賓牟賈有甚不得聚天下衆人之

善者是聖人也豈有得其一端而便勝於聖人也

心且寧守之其發明却是末事只常體義理不須思

更無足疑天下有事其何思何慮自來只以多思爲

害今且寧守之以攻其惡也處得安且久自然文章

出解義明寧者無事也只要行其所無事

心清時常少亂時常多其清時即視明聰四體不

待羈束而自然恭謹其亂時反是如此者何也蓋用

心未熟客慮多而常心少也習俗之心未去而實心

未全也有時如失者只爲心生若熟後自不然心不

可勞當存其大者存之熟後小者可略

人言必善聽乃能取益知德斯知言

所以難命辭者只爲道義是無形體之事今名者已

是實之於外於名也命之又差則繆益達矣

人相聚得言皆有益也則此甚善計天下之言一日

之間百可取一其餘皆不用也

答問者命字爲難已則講習慣聽者往往致惑學者

用心未熟以中庸文字輩直須句句理會過使其言

互相發明縱其間有命字未安處亦不足爲學者之

病

草書不必近代有之必自筆札已來便有之但寫得不謹便成草書其傳已久只是法備於右軍附以已書爲說既有草書則經中之字傳寫失其真者多矣以此詩書之中字儘有不可通者

靜有言得大處有小處如仁者靜大也靜而能慮則小也始學者亦要靜以入德至成德亦只是靜

學不長者無他術惟是與朋友講治多識前言往行以畜其德非禮勿言非禮勿動卽是養心之術也苟以前言爲無益自謂不能明辨是非則是不能居仁

由義自棄者也決矣

聖賢

三十五

人欲得正已而物正大抵道義雖不可緩又不欲急迫在人固須求之有漸於已亦然蓋精思潔慮以求大功則其心隘惟是得心洪放得如天地易簡易簡然後能應物皆平正博學於文者只要得習坎心亨蓋人經歷險阻艱難然後其心亨通捷文者皆是小德應物不學則無由知之故中庸之欲前定將所如應物也

人當平物我合内外如是以身鑒物便偏見以天理中鑒則人與已皆見猶持鏡在此但可鑒彼於已莫

能見也以鏡居中則盡照只爲天理常在身與物均

見則自不私已亦是一物人常脫去已身則自明然身與心常相隨無奈何有此身假以接物則舉措須要是今見人意我固必以爲當絕於已乃不能絕卽是私已是以大人正已而物正須待自己者皆是著見於人物自然而正以誠而明者既實而行之明也明則民斯信矣已未正而正人便是有意我固必鑒已與物皆見則自然心洪而公平意我固必只爲有身便有此至如恐懼憂患忿懣好樂亦只是爲其身虛亦欲忘其身賊害而不顧只是兩公平不私於已

無適無莫義之與比也

聖賢

四

勿謂小兒無記性所歷事皆能不忘故善養子者當其嬰孩鞠之使得所養令其和氣乃至長而性美教之示以好惡有常至如不欲大之升堂則時其升堂而扑之若既扑其升堂又復食之於堂則使就適從雖日撻而求其不升堂不可得也

教之而不受雖強告之無益譬之以水投石必不納也今夫石田雖水潤沃其乾可立待者以其不納故也出莊子言內無受者不入外無王者不出學者不論天資美惡亦不專在勤苦但觀其趨嚮着

心處如何

學者以堯舜之事須刻日月要得之猶恐不至有何媿而不爲此始學之良術也

義理有疑則濯去舊見以來新意心中苟有所開卽便劄記不思則還塞之矣更須得朋友之助日間朋友論着則一日間意思差別須日日如此講論久則自覺進也

在可疑而不疑者不曾學學則須疑譬之行道者將之南山須問道路之出自若安坐則何嘗有疑

學者只是於義理中求譬如農夫是穰是莠雖在饑

饑必有豐年蓋求之則須有所得

聖賢

五

道理須義從理生集義又須是博文博文則利用又集義則自是經典已除去了多少掛意精其義直至於入神義則一種是義只是尤精雖曰義然有一意必固我便是緊礙動輒不可須是無倚百種病痛除盡下頭有一不犯手勢自然道理如此是快活方真是義也孟子所謂必有事焉謂下頭必有此道理但起一意必固我便是助長也浩然之氣本來是集義所生故下頭却說義氣須是集義以生義不集如何得生行有不慊於心則餒矣義集須是博文博文則

用利用利卽身安到身安處却要得資養此得精義者脫然在物我之外無意必固我是精義也然立則道義從何而生灑掃應對是誠心所爲亦是義理所當爲也

凡所當爲一事意不過則推類如此善也一事意得過以爲且休則百事廢其病常在謂之病者爲其不能安灑掃應對在朋友則不能下朋友有官長不能下官長爲宰相不能下天下之賢甚則至於徇私意義理都喪也只爲病根不去隨所居所接而長人須一事事消了病則常勝故要克己克己下學也下學上達交相培養蓋不行則成何德行哉

大抵人能洪道舉一字無不透徹如義者謂合宜也以合宜推之仁禮信皆合宜之事惟智則最處先不智則不知不知則安能爲故要知及之仁能守之仁道至大但隨人所取如何學者之仁如此更進則又至聖人之仁皆可言仁有能一日用其力於仁猶可謂之仁又如不穿箭已爲義結義入神亦是義只在人所洪

在始學者得一義須固執從麤入精也如孝事親忠

事君一種是義然其中有多少義理也

學者大不宜志小氣輕志小則易足易足則無由進氣輕則虛而爲盈約而爲泰亡而爲有以未知爲已知未學爲已學人之有耻於就問便謂我好勝於人只是病在不知求是爲心故學者當無我

聖人無隱者也聖人天也天隱乎及有得處便若日月有明容光必照焉但通得處則到只恐深厚人所不能見處以顏子觀孔子猶有看不盡處所謂顯諸仁藏諸用者不謂以用藏之但人不能見也虛則事物皆在其中身亦物也治身以道與治物以道同是治物也然治身當在先然後物乃從由此便有親疎遠近先後之次入禮義處

只有責已無責人人豈不欲有所能已安可責之須求其有漸

世儒之學正惟灑掃應對便是從基本一節節實行去然後制度文章從此而出

### 自道

某學來三十年自來作文字說義理無限其有是者皆只是億則屢中譬之穿窬之盜將竊取室中之物而未知物之所藏處或探知於外人或隔牆聽人之

言終不能自到說得皆未是實觀古人之書如探知於外人聞朋友之論如聞隔牆之言皆未得其門而不見宗廟之美家室之好比歲方似入至其中知其中是美是善不肯復出天下之議論莫能易此譬如既鑿一穴已有見又若既至其中却無燭未能盡室中之有須索移動方有所見言移動者謂逐事要思譬之昏者觀一物必貯目於一不如明者舉目皆見此某不敢自欺亦不敢自謙所言皆實事學者又譬之知有物而不肯捨去者有之以爲難入不濟事而去者有之

祭祀用分至四時正祭也其禮特牲行三獻之禮朔望用一獻之禮取時之新物因薦以是日無食味也死日用一獻之禮不特殺有食寒食十月朔日皆一獻之禮喪自齊衰以下不可廢祭

某何時謾說以爲已成今觀之全未也然而得一門庭知聖人可以學而至更自期一年如何今且專與聖人爲學開書未用閱開書者蓋不知學之不足

思慮要簡省煩則所存都昏惑中夜因思慮不寐則驚悸不安某近來雖終夕不寐亦能安靜却求不寐

此其驗也

家中有孔子眞嘗欲置於左右對而坐又不可焚香又不可拜而瞻禮皆不可無以爲容思之不若卷而藏之尊其若召伯之甘棠始也勿伐及教益明於南國則至於不敢伐

近作十詩信知不濟事然不敢決道不濟事若孔子於石門是信其不可爲然且爲之者何也仁術也如周禮救日之弓救月之矢豈不知無益於救但不可坐視其薄蝕而不救意不安也

凡忌日必告廟爲設諸位不可獨享故迎出廟設於

張子全書

卷之七

九

他次既出則當告諸位雖尊者之忌亦迎出此雖無

古可以意推薦用酒食不焚楮幣其子孫食素

書啟稱台候或以此言無義理衆人皆台安得

上曰慕堯舜者不必慕堯舜之迹有是心則有是迹

如是則豈可無其迹上又曰嘗謂孝宣能總人君之

權繩漢之弊曰但觀陛下志在甚處假使孝宣能盡

其力亦不過整齊得漢法漢法出於秦法而已

祭用分至取其陰陽往來又取其氣之中又貴其時

之均寒食者周禮四時變火惟季春最嚴以其大火

心星其時太高故先禁火以防其太盛既禁火須爲

數日根既有食復思其祖先祭祀寒食與十月朔日展墓亦可爲草木初生初成

某自今日欲正經爲事不柰何須着從此去自古聖賢莫不由此始也況如今達者大者又難及得惟於家庭間行之庶可見也今左右前後無尊長可事欲經之正故不免須責於家人輩家人輩須不喜亦不柰何或以爲自尊大亦不柰何蓋不如此則經不明若便行之不徒其身之有益亦爲其子孫之益也者今衣服以朝燕齊祭四等分之朝則朝服也燕則尋常衣服也齊則深衣祭則緇帛通裁寬袖須是教不可使用

張子全書

卷之七

十一

某既閑居橫渠說此義理自有橫渠未嘗如此如此

地又非會衆教化之所或有賢者經過若此則似繫

着在此某雖欲去此自是未有一道理去得如諸葛

孔明在南陽便逢先主相召入蜀居了許多時日作

得許多功業又如周家發迹於邠遷於岐遷於鎬春

耕南畝冬漢積漸入秦皆是氣使之然大凡能發見

即是氣至若仲尼在洙泗之間修仁義興教化歷後

千有餘年用之不已今倡此道不知如何自來元不

有人說着如楊雄王通又皆不見韓愈又只尚閑

言詞今則此道亦有與聞者其已乎其有遇乎

某始持期喪恐人非笑已亦自若羞耻自後雖大功小功亦服之人亦以爲熟已亦熟之天下事大患只是畏人非笑不養車馬食麤衣惡居貧賤皆恐人非笑不知當生則生當死則死今日萬鐘明日棄之今日富貴明日饑餓亦不卹惟義所在

人在外姻於其婦氏之廟朔望當拜古者雖無服之人同爨猶總蓋同爨則有恩重於朋友也故壻之同居者當拜以其門內之事異居則否

人而不爲周南召南其猶正牆面而立近使家人爲之世學泯沒久矣今試力推行之

祭堂後作一室都藏位板如朔望薦新只設於室惟分至之祭設於堂位板正世與配位宜有差

日無事夜未深便寢中夜已覺心中平曠思慮逮曉如我數年六十道行於家人足矣

某平生於公勇於私怯於公道有義真是無所懼大凡事不惟於法有不得更有義之不可尤所當避

思月變服爲曾祖祖皆布冠而素帶麻衣爲曾祖祖之妣皆素冠布帶麻衣爲父布冠帶麻衣麻履爲母素冠布帶麻衣麻履爲伯叔父皆素冠帶麻衣爲伯

叔母麻衣素帶爲兄麻衣素帶爲弟姪易褐不肉爲庶母及嫂亦不肉

張子全書卷之七終

張子全書卷之七

聖鑑

十三

四十六



明後學嘉興徐必達校正

祭祀

無後者必祭借如有伯祖至孫而絕則伯祖不得言無後蓋有子也至從父然後可以言無後也夫祭者必是正統相承然後祭禮正有所統屬今既宗法不正則無緣得祭祀正故且須參酌古今順人情而爲之今爲士者而其廟設三世凡筵士當一廟而設三世似是只於禰廟而設祖與曾祖位也有人又有伯祖與伯祖之子者當如何爲祭伯祖則自當與祖爲一

張子全書卷之八 聖賢 二

列從父則自當與父爲列苟不如此使死者有知以人情言之必不安禮於親疎遠近則禮自有煩簡或月祭之或享嘗乃止故拜朔之禮施於三世伯祖之祭止可施於享嘗平日藏其位版於牖中至祭時則取而裕之其位則自如尊卑只欲尊祖豈有逆祀之禮若使伯祖設於他所則似不得裕祭皆人情所不安便使庶人亦須祭及三代大夫士有大事省於其君子裕及其高祖

近世亦有祭禮於男子之位禮物皆同而於其配皆有降殺凡器皿俎豆筵席純緣之類莫不異也此意

亦近得之其從食者必又有降雖古人必須有此降殺以明尊卑親疎故今設附位雖以其班亦須少退其禮物當少損其主祭者於附食者若其尊也則不必親執其禮必使有司或子弟爲之

祭接鬼神合宗族施德惠行教化其爲備須是豫故至時受福也羞無他物則雖羞一品足矣既曰庶矣則惟恐其不多有則共載一器中薄正之外多無妨

古者既爲孟月之祭又爲仲月之薦薦者祭之略今之祭不若仲月祭之大抵仲月爲薦新今將新物便可仲月祭之蓋物之成不如仲月因時感念之深又

張子全書卷之八

聖賢

二

不如仲月祭必卜日若不卜日則時同時同則大宗小宗之家無由相助今之士大夫主旣在一堂何不合祭之分而作夏秋特祭則無義天子七廟一日而行則力不給故禮有一特一裕之說仲特則祭一裕則偏祭如春祭享祖夏祭羣廟秋祭曾冬又裕來春祭祖夏又裕秋祭禰冬又裕

鋪筵設同几只設一位以其精神合也後又見合葬孔子善之知道有此義然不知一人數娶設同几之道又如何此未易處

奠酒奠安置也若言奠奠枕是也謂汪之於地非



七

祭則香茶非古也香必燔柴之意茶用生人意事之胾骨升首今已用之所以達臭也

古人因祭祀大事飲食禮樂以會賓客親族重專殺必因重事

今人之祭但致其事生之禮陳其數而已其於接鬼神之道則未也祭祀之禮所總者博其理甚深今人所知者其數猶不足又安能達聖人致祭之義

凡薦如有司執事者在外庖爲之則男子薦之又如遘豆之類本婦人所爲者復婦人薦之

儀禮

卷之八

三

禮義之家雖奴婢出而之他必能笑人之喪祭無理者賢者之效不爲細也

五更而祭非禮也

庶羞不踰牲不豐於牲也傳者以品之不踰非也豈有牲體少而羞掩豆是謂之踰牲

尸惟虞則男女皆有是初祔廟時也至於吉祭則唯見男尸而不見女尸則必女無尸也當初祔時則不可以無尸節服氏言郊祀而送逆尸車則祀天有尸

也天地山川之類非人鬼者恐皆難有尸節服氏言郊祀有亦不害后稷配天而有尸也詩序有言靈星

之尸此說似不可取絲衣之詩正是既祭之明日才神於門其始必有祭其實所以賓禮尸也天子既以臣爲尸不可祭罷便使出門而就臣位故其退尸也皆有漸言絲衣已是不着冕服言弁已是不冠冕也漸有從便之禮至於燕尸必極醉飽所謂不吳不敖胡考之休吳敖猶言娛樂也不娛樂何以成其休考祭所以有尸也蓋以示教若接鬼神則室中之事足矣至於事尸分明以孫行反以子道事之則事親之道可以喻矣

抱孫不抱子父於子主尊嚴故不抱孫自有其父故在祖則可抱非謂尸而抱也

儀禮

卷之八

四

七廟之主聚於太祖者此蓋有意以其當有祧者且祧者當易檐故盡用出之因而祧之用意婉轉古者言遷主不見所以安置之所若祭器祭服則有焚埋之說木主不知置之何地又公出疆及大夫出聘皆載遷廟之主而行以此觀之則是主常存也然則當其祧時必皆取而合祭也庶人當祭五世以恩須當及也然其祧也止可謂之合食

祧祭既不見男女異廟之文今以人情推之且不若男從東方女從西方而太祖居南面男祔其祖婦祔

升始雖一人數娶猶不妨東方虛其位以應西方  
數其次世則復對西方之配也

凡人家正廳似所謂廟也猶天子之受正朔之殿人  
不可常居以爲祭祀吉凶冠婚之事於此行之廳後  
謂之寢又有適寢是下室所居之室也

去壇爲墀去鬼從廟數以至壇墀皆有等差定數至  
於鬼只是鬼饗之又非孝經所謂鬼饗也此言鬼饗  
既不在廟與壇墀之數卽并合上世一齊饗之而已  
非更有位次分別直共一饗之耳只是懷精神也鬼  
者只是歸之太虛故共饗之也既曰鬼饗之又分別

張子全書卷之八 聖賢 五

三百五十五

世數位次則後將有百世之鬼也  
既是壇墀則其禮必不如宗廟但鬼饗之耳鬼饗之  
者血毛以爲尚也孝經言爲之宗廟而鬼饗之又  
與此意同彼之謂鬼者只以人死爲鬼猶周禮言天  
神地祇人鬼

山川之祀止是其如此巍然而高淵然而深蒸潤而  
足以興雲致雨必報之故祀之視三公諸侯何嘗有  
此人像聖人爲政必去之

八蜡先嗇一也給治稼穡者據易則神農是也司嗇  
是修此職者二也農三也郵表嘷四也猫虎五也坊

六也水庸七也百種八也百種百穀之種舊說以昆  
虫爲八昆虫是爲害者不當祭此歲終大報也

龍見而雩當以孟夏爲百穀祈甘雨也水旱旣其氣  
使然祈禱復何用意也民患若此不可坐視聖人憂  
民而已如人之疾其子祈禱不過卒歸無益也故曰  
丘之禱久矣

### 月令統

秦爲月令必取先王之法以成文字未必實行之道  
千乘之國敬事而信節用而愛人使民以時此皆法  
外之意秦苟有愛民爲惠之心方能行徒法不以行

張子全書卷之八 聖賢 六

聖賢

六十三

須實有其心也有其心而無其法則是雖有仁心仁  
聞不行先王之道不能爲政於天下

古者諸侯之建繼世以立此象賢也雖有不賢者象  
之而已天子使吏治其國彼不得暴其民如舜封象  
是不得已用禮建國大小必參相得益皆建大國其  
勢不能相下皆小國則無紀以小事大莫不有法  
秦社王爲羣姓所立必在國外也民各有社不害爲  
秦社王社王自立爲社必在城內在漢猶有秦社在  
唐只見一社

車旒之數自九降至五皆降差以兩奇數有君之象

四以下恐是諸侯卿大夫之服

井田而不封建猶能養而不能教封建而不井田不能教而不能養封建井田而不肉刑猶能教養而不能使然此未可遽行之

四時蒐狩田獵教師行於草莽之法行於草莽則潛師潛師夜戰聲相聞易曰伏戎於莽

### 喪紀

喪不慮居也非無薪也必毀屋扉明於灰者無所愛惜所以趨其急也

鄭氏之說恐非喪須三年而祔若卒哭而祔則三年

都無事禮卒哭猶存朝夕哭若無祭於殯官則哭於

何處古者君薨三年喪畢吉禘然後祔因其祫祧主藏於夾室新王遂自殯宮入於廟國語言日祭月享

禮中豈有日祭之禮此正謂三年之中不徹几筵故有日祭朝夕之饋猶定省之禮如其親之存也至於

祔祭須是三年喪終乃可祔也

卒哭者卒去非常之時哭非不哭也故伯魚暮而猶哭也

古人於忌日不為薦奠之禮持致哀示變而已古人亦不為影像繪畫不真世達則棄不免於褻慢也於

不如用王古人猶以王為藏之於槨設之於位亦然

褻慢故始無設為重傷以為王道其形制甚陋止用

章幾為之又設於中庭則是敬鬼神而遠之之義重

主建也士大夫得其重應當有王既埋重不可一日

無王故設直及其已作王即不用直

重王也謂人所嗜者飲食故灰以飲食衣之既葬

然後為王未葬之時棺柩尚存未可為王故以重為

王今人之喪既設魂帛又設重則是兩王道也

古之槨言井槨以大木自下排上來非如今日之籠

棺也故其四隅有隙可以置物也

初昏未嘗約再配是夫只合一娶婦只是合一嫁今

婦入夫家而不可再嫁如天地之大義然夫豈得而再娶然以重者計之養親承家祭祀繼續不可無也

故有再娶之理然其葬其祔雖為同穴同筵凡然譬之人情一室中豈容二妻以義斷之須祔以首娶繼室則為一所可也

須此首各於其穴安美婦之位坐於堂上則男東而女西臥於室中則男外而女內也

葬法有風水山岡此全無義理不足取南方用青囊猶或得之西方人用一行尤無義理南人試葬地將五色帛埋於地下經年而取觀之地美則采色不變地氣惡則色變矣又以器貯水養小魚埋經年以死生下地美惡取草木之榮枯亦可卜地之美惡

韓退之以少孤養於嫂故為嫂服加等大抵族屬之喪不可有加若為嫂養便以有恩而加服則是待兄之恩至薄大抵無母不養於嫂更何處可養若為族屬之親有恩而加等則待已無恩者可不服乎哉昔有士人少養於嫂生事之如母歿自處以齊衰或告之非先王之禮聞而遂除之惟持心喪遂不復應舉人以為得體

禮云大功之末可以冠子可以嫁子父小功之末可以冠子可以嫁子何以娶婦疑大功之末已下十二字為衍宜直云父大功之末云云父大功之末則是已小功之末也而已之子總麻之末也故可以冠娶也蓋冠娶者固已無服矣凡卒哭之後皆是末也所以言終者以上十二年義無所附着已雖小功既卒

哭可與冠取妻是已自冠取妻也

子上之母歿而不喪門人問諸子思曰昔者先君子喪出母乎曰然子之不使白也喪之何也子思曰昔先君子無所失道道隆則從而隆道汙則從而汙則安能出妻不當使子喪之禮子於母則不忘喪若父不使子喪之為子固不可違父當默特心喪亦禮也若父使之喪而喪之亦禮也子思以我未至於聖孔子聖人處權我循禮而已

聖人不制師之服師無定體如何是師見彼之善而已效之便是師也故有得其一言一義如朋友者有相親愛而如兄弟者有成就已身而恩如天地父母者豈可一槩服之故聖人不制其服心喪之可也孔子歿弔服如麻亦是服也却不得謂無服也

禮稱母為長子斬三年此理未安父存子為母期母如何却服斬此為父只一子歿則世絕莫大之戚故服斬不如此豈可服斬

父在母服三年之喪則家有一尊有所嫌也處今之宜但可服齊衰一年外可以墨衰從事可以合古之禮全今之制

同母異父之兄弟小功服之可也或云未之前聞當

古之時又豈有此事

三年之喪二十五月而畢又兩月爲禫共二十七月禮鑽燧改火天道一變其期已矣情不可以已於是再期再期又不可以已於是加之三月是二十七月也

大功以下算閏月期已上以朞斷不算閏月三年之喪禫祥閏月亦算之

古者爲舅姑齊衰期正服也今斬衰三年從夫也

孔子惡哭諸野者謂其有服之喪不哭諸家而哭諸野者也

張子全書

卷之八

理窟

十一

三、二十九

師不立服不可立也當以情之厚薄事之大小處之如顏閔於孔子雖斬衰三年可也其成已之功與君父並其次各有淺深稱其情而已下至曲藝莫不有師豈可一槩制服

受祥日食肉彈琴恐不是聖人舉動使其哀未忘則子於是日哭不飲酒食肉以全哀况彈琴可乎使其哀已忘何必彈琴

爲人後者爲其父母不論其族遠近並以期服服之據今之律五服之內方許爲後以禮文言又無此文若五服之內無人使後絕可乎必須以疎屬爲之後

也

有適母在其所生母歿禮雖服總亦當心喪難以求仕

祭器祭服以其嘗用於鬼神不敢褻用故具埋焚之禮至於衰經冠履不見所以毀之文惟杖則言棄諸隱者棄諸隱者不免有時而褻何不卽焚埋之常謂喪服非爲歿者已所以致哀也不須道敬喪服也禮云齊衰不以邊坐大功不以服勤皆言主在哀也非是爲敬喪服不邊坐專席而坐禮云有憂者側席而坐有喪者專席而坐有憂則意不安故側席而坐側

張子全書

卷之八

理窟

十二

三、六十六

席者坐不安也有喪者則專在於哀不爲容也故專席而坐得席則坐更無所遜於前後是以無容也大功不以服勤不以服勤勞之事皆是不二事之義也毀喪服者必於除日毀以散諸貧者或諸守墓者皆可也蓋古人不惡凶事而今人以爲嫌畱之家人情不悅不若散之焚埋之又似惡喪服

練亦謂之功衰蓋練其功衰而衣之爾據曾子問三年之喪不弔又雜記三年之喪雖功衰不以弔又服三年之喪既練矣有明之喪既葬矣則服其功衰又雜記有父母之喪尚功衰此云尚功衰蓋未祥之前

尚承輕練之功衰耳知既練猶謂之功衰者以下  
云則練冠三年之喪禮不當弔而雜記又云雖功衰  
不以弔兼服之服重者以易輕者舊注不可用此爲  
三年之喪以上而言故作記者以斬齊及大功明之  
若斬衰既練齊衰既卒哭則首帶皆葛又有大功新  
衰之麻則與齊之首經麻葛兩施之既不敢易斬葛  
之輕以斬葛大於大功之麻又不敢易齊首之重輕者方敢易去則重者固  
存故麻葛之經兩施於首若大功既葬則當服齊首  
之葛不服大功之葛所謂兼服之服重者則變輕者  
正謂此爾若齊麻未葛則大功之麻亦止當免則經  
之而已如此喪變雖多一用此制前後禮文不相乖

張子全書

卷之八

理窟

十三

庚

練衣必煅煉大功之布以爲衣故有言功衰功衰上  
之衣也以其著衰於上故通謂之衰必著受服之上  
禰受者以此得名受蓋受始喪斬疏之衰而著之變  
服其意以喪久變輕不欲摧割之心亟忘於內也

此說

晉書與學者言之今

二年始獲二人同矣

吉之冠也縮縫古之吉冠縮縫也今之冠也衡縫今  
之吉冠衡縫也吉冠當縮縫喪冠當衡縫今喪反吉  
非吉也

小功大功言未恐止是以卒哭之後爲未齊衰不  
未謂其無是禮也

小祥乃練其功衰而衣之則練與功衰非二物也  
有父母之喪尚功衰此尚功衰謂未祥猶衣所練之  
功衰未衣麻衣也

持牲少牢饋食一出孺悲之學不勝欽歎父母

張子全書卷之八終

張子全書

卷之八

理窟

十四

張子全書卷之九

明後學嘉興徐必達校正

易說上

乾

乾元亨利貞

乾之四德終始萬物迎之不見其首隨之不見其後然推本而言當父母萬物

明萬物資始故不得不以元配乾坤其偶也故不得不以元配坤

天下理得元也會而通亨也說諸心術也一天下

張子全書卷之九

易說

一

三百三十三

之動正也

貞者專靜也

不曰天地而曰乾坤言天地則有體言乾坤則无

形故性也者雖乾坤亦在其中

初九潛龍勿用九二見龍在田利見大人

大而得易簡之理當成位乎天地之中時舍而不

受命乾九二有焉及夫化而聖矣造而位天德矣

則富貴不足以言之

九三君子終日乾乾夕惕若厲无咎九四或躍在淵

无咎

處陰故曰在淵

九五飛龍在天利見大人上九亢龍有悔用九見羣

龍无首言彖曰大哉乾元萬物資始乃統天雲行雨

施品物流形大明終始六位時成時乘六龍以御天

乾道變化各正性命保合大和乃利貞

雲行雨施散而无不之也言乾發揮徧被於六十

四卦各使成象變言其著化言其漸萬物皆始故

性命之各正惟君子為能與時消息順性命躬天

德而誠之行也精義時措故能保合大和健利且

正孟子所謂終始條理集大成於聖智者歟易曰

張子全書卷之九

易說

二

三百三十四

大明終始六位時成時乘六龍以御天乾道變化

各正性命保合大和乃利貞其此之謂乎

乾道變化各正性命此謂六爻言天道變化趨時

者六爻各隨時自正其性命謂六位隨時正性命

各有一道理蓋為時各不同

首出庶物萬國咸寧

不一則垂競

象曰天行健君子以自強不息潛龍勿用陽在下也

見龍在田德施普也終日乾乾反復道也

道行也所行即是道易亦言天行健天道也

或躍在淵進无咎也

或躍進退皆可在淵者性退也故指其極而言也  
飛龍在天大人造也

乾之九五曰飛龍在天利見大人乃大人造位天  
德成性躋聖者耳若夫受命首出則所性不存焉  
故不曰位乎君位而曰位乎天德不曰大人君矣  
而曰大人造也

成性則躋聖而位天德乾九二正位於內卦之中  
有君德矣而非上治也九五言上治者通言乎聖  
人之德聖人之性捨曰君而謂之天見大人德與

張子全書

卷之九

易說

二三百八 李方

位之者皆造也

至健而易至順而簡故其險其阻不可階而升不  
可逸而至仲尼猶天九五飛龍在天其致一也

亢龍有悔盈不可久也用九天德不可爲首也文言  
曰元者善之長也亨者嘉之會也利者義之和也貞  
者事之幹也君子體仁足以長人嘉會足以合禮利  
物足以和義貞固足以幹事君子行此四德者故曰  
乾元亨利貞

仁統天下之善禮嘉天下之會義公天下之利信  
天下之動

初九曰潛龍勿用何謂也子曰龍德而隱者也不易  
乎世不成乎名遯世无悶不見是而无悶樂則行之  
憂則違之確乎其不可拔潛龍也

孔子喜弟子之不仕蓋爲德未成則不可以仕是  
行而未成者也故潛勿用龍德而未顯者也不成  
名不求聞也養實而已樂行憂違不可與德者語  
也用則行舍則藏惟我與爾有是夫顏子龍德而  
隱故遯世不見知而不悔聖與聖者同能

遯世不見知而不悔聖人不爲沽激之行以求時  
知依乎中庸人莫能知以此自信不知悔也大而

張子全書

卷之九

易說

四三百八 李方

得簡易之理當成位乎天地之中時舍而不受命  
乾九二有焉及夫化而聖矣造而位天德矣則富  
貴不足以言之

樂則行之憂則違之主於吾志而已无所求於外  
故善世溥化龍德而見也潛而未見則爲已而已  
不暇及夫人者也

孟子不得已而用潛龍者也顏子不用潛龍者也  
孟子主教故須說予豈好辯哉予不得已也

九二曰見龍在田利見大人何謂也子曰龍德而正  
中者也庸言之信庸行之謹閑邪存其誠善世而不



伐德溥而化易曰見龍在田利見大人君德也

庸言庸行蓋天下經德達道大人之德施於是者  
溥矣天下之文明於是著矣然非窮變化之神以  
時措之宜則或陷於非禮之禮非義之義此顏子  
所以求龍德而正中乾乾進德思處其極未敢以  
方體之常安吾止也

顏氏求龍德正中而未見其止故擇中庸得一善  
則拳拳服膺歎夫子忽焉前後也乾三四位過中  
重剛時不可舍庸言庸行不足以濟之雖大人之  
盛有所不安外趨變化內正性命故其危其疑艱

張子全書

卷之九

易說

五

三

於見德者時不得舍也九五大入化矣天德位矣  
成性聖矣故既曰利見大人又曰聖人作而萬物  
覩亢龍以位畫爲言若聖人則不失其正何亢之  
有德溥而化言化物也以其善世卽是化也善其  
身自化也兼善天下則是化物也知化則是德化  
聖人自化也化之况味在學者未易見焉但有此  
次序

九三曰君子終日乾乾夕惕若厲无咎何謂也子曰  
君子進德修業忠信所以進德也修辭立其誠所以  
居業也知至至之可與幾也知終終之可與存義也

是故居上位而不驕在下位而不憂故乾乾因其時  
而惕雖危无咎矣

乾九三修辭立誠非繼日待旦如周公不足以終  
其業

忠信所以進德學者止是一誠意耳若不忠信如  
何進德不驕德當至也不憂業當終也  
適在不安之位故曰因其時

求致用者幾不可緩將進德者涉義必精此君子  
所以立多凶多懼之地乾乾德業不少懈於趨時  
也知至極盡其所知也

張子全書

卷之九

易說

六

二

九四曰或躍在淵无咎何謂也子曰上下无常非爲  
邪也進退无恒非離羣也君子進德修業欲及時也  
故无咎

以陽居陰故曰在淵位非所安故或以躍德非爲  
邪故進退上下惟義所適惟時所合故曰欲及時  
也能如此擇義則无咎也

九四以陽居陰故曰在淵能不忘於躍乃可免咎  
非爲邪也終其義也

九五曰飛龍在天利見大人何謂也子曰同聲相應  
同氣相求水流濕火就燥雲從龍風從虎聖人作而

萬物觀本乎天者親上本乎地者親下則各從其類也

谷神能象其聲而應之非謂能報以律呂之變也猶卜筮叩以是言則報以是物而已易謂聞聲相應是也王弼謂命呂者律語聲之變非此之謂也聖人作萬物觀故利見大人

本乎天者親上本乎地者親下此一章止爲飛龍在天而發龍虎水火之喻蓋明各逐一類去本在上者却上去本在下者却逐下德性本得乎天者今復在天是各從其類也

張子全書

卷之九

易說

七

三

上九曰亢龍有悔何謂也子曰貴而无位高而无民賢人在下位而无輔是以動而有悔也亢而自喪之也

潛龍勿用下也見龍在田時舍也終日乾乾行事也或躍在淵自試也飛龍在天上治也亢龍有悔窮之災也乾元用九天下治也

居大中安止之地至于三四則不得所安也

聖人神其德不私其身故乾乾自強所以成之於天耳

潛龍勿用陽氣潛藏見龍在田天下文明終日乾

與時偕行或躍在淵乾道乃革飛龍在天乃位乎天德亢龍有悔與時偕極

顏子未成性是爲潛龍亦未肯止于見龍蓋以其德其時則須當潛顏子與孟子時異顏子有孔子在可以不顯孟子則處師道亦是已老故不得不顯耳九二九三九四至上九皆是時也九四曰上下无常非爲邪也進退无常非離羣也君子進德修業欲及時也此時可上可下可進可退非爲邪也卽是直也天道不越乎直直方大則不須習行之自无不利非爲邪則是陟降庭止也進德修業

張子全書

卷之九

易說

八

三

欲及時卽是無然畔援無然歆羨誕先登于岸也言无畔去亦无援引亦无歆向亦无羨而不爲誕知登于岸耳岸所處地位也此與進无咎同意惟志在位天德而已位天德大人成性也九三九四大體相似此二時處危難之大聖人則事天愛民不恤其他誕先登于岸九五大人造也造成就也或謂造爲至義亦可太人成性則聖也教化則純是天德也聖猶天也故不可階而升聖人之教未嘗以性化責人若大人則學可至也位天德則神神則天也故不可以神屬人而言莊子言神人不

識義理也又謂至人真人其辭險窄皆无可取孟子六等至於神則不可言人也上九亢龍緣卦畫而言須分初終終則自是亢極言君位則易有極之理聖人之分則安有過亢

易雖以六爻爲次序而言如此則是以典要求也乾初以其在初處下况聖修而未成者可也上以居極位畫爲亢聖人則何亢之有若二與三皆大人之事非謂四勝於三三勝於二五又勝於四如此則是聖可階也三四與二皆言所遇之時二之時平和見龍在田者則是可止之處也時舍時止

張學全書

卷之九

易說

九

也以時之和平故利見不至於有害三四則皆時爲難危又重剛又不中至九五則是聖人極致處不論時也飛龍在天况聖人之至若天之不可階而升也大人與聖人自是一節妙處精義入神以致用也利用安身以崇德也以理計之如崇德之事尚可勉勉修而至若大人以上事則无修故曰過此以往未之或知言不可得而知也直待已實到窮神知化是德之極盛處也然而人爲者不過大人之事但德盛處惟已知之默而成之不言而信不怒而威如此方是成就吾之所行大人之事

張學全書

卷之九

易說

十

而已故於此爻却說大人者與天地合其德與日月合其明與四時合其序與鬼神合其吉凶如此則是全與天地一體然不過是大人之事惟是心化也故嘗謂大可爲也大而化不可爲也在熟而已蓋大人之事修而可至化則不可加功加功則是助長也要在乎仁熟而已然而至於大以上自是住不得言在熟極有意大與聖難於分別大以上之事如禹稷臯陶輩猶未必能知然須當皆謂之聖人蓋爲所以接人者與聖同但已自知不足不肯自以爲聖如禹之德斯可謂之大矣其心以天下爲已任規模如此又克已若禹則與聖人直无間別孔子亦謂禹於吾无間然矣久則須至堯舜有人於此敦厚君子无少異聖人之言行然其心與真仲尼須自覺有殊在他人則安能分別當時至有以子貢爲賢於仲尼者惟子貢則自知之人能以大爲心常以聖人之規模爲已任久於其道則須化而至聖人理之必然如此其大卽是天也又要細密處行之并暗隙不欺若心化處則誠未易至孔子猶自謂若聖與仁則吾豈敢儻曰吾聖矣則人亦誰能知故曰知我者其天乎然則必

九五言乃位乎天德蓋是成聖實到也不言首出所性不存焉其實天地也不曰天地而曰天德言德則德位皆造故曰大人造也至此乃是大人之事畢矣五乾之極盛處故以此當聖人之成德言乃位卽是實到爲已有也若由思慮勉勉而至者止可言知不可言位也乃位則實在其所矣大抵語勉勉者則是大人之分也勉勉則猶或有退少不勉勉斯退矣所以須學問進德修業欲成性也成性則縱心皆天也所以成性則謂之聖者如夷之清惠之和不必勉勉彼一節而成性若聖人則

張子全書卷之九

易說

十三  
三百五

於大以成性

剛健故應乎天文明故時行

乾二五皆正中之德五則曰大人造也又曰聖人作而萬物覩大人而升聖乃位乎天德也不言帝王而言天德位不足道也所性不存焉潛龍自是聖人之德備具但未發見

見龍成性至飛龍則位天德

乾元用九乃見天則乾元者始而亨者也利貞者性情也

利貞者性情也以利解性以貞解情利流通之義

貞者實也利快利也貞實也利性也貞情也情儘在氣之外其發見莫非性之自然快利盡性所以神也情則是實事喜怒哀樂之謂也欲喜者如此喜之欲怒者如此怒之欲哀欲樂者如此樂之哀之莫非性中發出實事也

乾始能以美利利天下不言所利大矣哉大哉乾乎剛健中正純粹精也六爻發揮旁通情也

剛健中正中爻之德

剛健中正純粹精也主以中正爲精也六爻發揮言時各異旁通情也情猶言用也六爻擬議各正

張子全書卷之九

易說

十三  
三百四十七

性命其乾德旁通不失大和而和且正也

時乘六龍以御天也雲行雨施天下平也君子以成德爲行日可見之行也

成德爲行德成自信而不疑所以日見于外可也潛之爲言也隱而未見行而未成是以君子弗用也君子學以聚之問以辯之寬以居之仁以行之

君子之道成身成性以爲功者也未至於聖皆行未成之地耳顏子之徒隱而未見行而未成故曰吾聞其語矣未見其人也龍德而隱聖修而未成者也非如學者之未成凡言龍喻聖也若顏子可

以當之雖伯夷之學猶不可言龍龍卽聖人之德  
顏子則術正也

易曰見龍在田利見大人君德也九三重剛而不中  
上不在天下不在田故乾乾因其時而惕雖危无咎  
矣九四重剛而不中上不在天下不在田中不在人  
故或之或之者疑之也故无咎

此以六畫分三才也以下二畫屬地則四遠於地  
故言中不在人若三則止言不在天在田而已

夫大人者與天地合其德與日月合其明與四時合  
其序與鬼神合其吉凶先天而天弗違後天而奉天

張子全書

卷之九

易說

十三

三

時天且弗違而況於人乎況於鬼神乎亢之爲言也  
知進而不知退知存而不知亡知得而不知喪其唯  
聖人乎知進退存亡而不失其正者其唯聖人乎  
浩然无間則天地合德照无偏係則日月合明天  
地同流則四時合序酬酢不倚則鬼神合吉凶  
天地合德日月合明然後能无方无體然後无我  
先後天而不違順至理以推行知无不合也雖然  
得聖人之任皆可勉而至猶不害於未化爾

坤

坤元亨利牝馬之貞君子有攸往先迷後得主利西

南得朋東北喪朋安貞吉

以西南爲得朋乃安貞之德也以東北爲喪朋雖  
得主有慶而不可懷也西南土之位東北木之位  
也

西南得朋東北喪朋江沱之間有嫡不以其媵備  
數是不能喪朋也媵遇勞而无怨却是能喪朋者  
其卒嘯也歌是乃終有慶也此婦人之教大者也  
西南致養之地東北反西南者也陰陽正合則陰  
相對者必陽也西南得朋是始以類相從而來也  
東北喪朋喪朋相忘之義聽其自治不責人不望

張子全書

卷之九

易說

十四

三

人是喪其朋也喪朋則有慶矣江有沱有汜有渚  
皆是始離而終合之象也有嫡不以其媵備數是  
不能喪朋媵遇勞而无怨是能喪朋也以其能喪  
朋故能始離而終合之子歸自嫡也不我以不我  
與不我過皆言其始之不均一也其後也悔嫡自  
悔也處既安既處之處也始離而終既處也歌是  
乃終有慶慶則同有慶

彖曰至哉坤元萬物資生乃順承天坤厚載物德合  
无疆含弘光大品物咸亨牝馬地類行地无疆柔順  
利貞君子攸行先迷失道後順得常

坤先迷不知所從故失道後能順聽則得其常矣  
西南得朋乃與類行東北喪朋乃終有慶安貞之吉  
應地无疆象曰地勢坤君子以厚德載物初六履霜  
堅冰至象曰履霜堅冰陰始凝也馴致其道至堅冰  
也六二直方大不習无不利象曰六二之動直以方  
也不習无不利地道光也

地道之有孚者故曰光也

六三含章可貞或從王事无成有終象曰含章可貞  
以時發也或從王事知光大也

六三以陰居陽不獨有柔順之德其知光大含蘊

張子全書

卷之九

易說

十五

三原書

文明可從王事者也然不可動以躁妄故可靜一  
以俟時不可有其成功故无成乃有終也

六四括囊无咎无譽象曰括囊无咎慎不害也六五

黃裳元吉象曰黃裳元吉文在中也上六龍戰于野  
其血玄黃象曰龍戰于野其道窮也用六利永貞象

曰用六永貞以大中也文言曰坤至柔而動也剛至  
靜而德方後得主而有常含萬物而化光坤道其順

乎承天而時行

效法故光

屈申動靜終始各自別今以剛柔言之剛何嘗元

靜柔何嘗无動坤至柔而動也剛則柔亦有剛靜  
亦有動但舉一體則有屈申動靜終始乾行不妄  
則坤順必時也

積善之家必有余慶積不善之家必有余殃

餘慶餘殃百祥百殃與中庸必得之義同善者有  
後不善者无後理當然其不然者亦恐遲晚中間  
譬之瘠之或秀腹之或不秀然而不直之生也幸  
而免遇外物大抵適然耳君子則不恤惟知有義  
理

臣弑其君子弑其父非一朝一夕之故其所由來者

張子全書

卷之九

易說

十六

三原書

漸矣由辯之不早辯也易曰履霜堅冰至蓋言順也  
直其正也方其義也君子敬以直內義以方外

敬以直內則不失於物義以方外則得已敬義一  
道也敬所以成仁也蓋敬則實爲之實爲之故成

其仁

敬義立而德不孤直方大不習无不利則不疑其所  
行也陰雖有美含之以從王事弗敢成也地道也妻  
道也臣道也地道无成而代有終也天地變化草木  
蕃天地閉賢人隱易曰括囊无咎无譽蓋言謹也君  
子黃中通理正位居體美在其中而暢於四支

事業美之至也陰疑於陽必戰爲其嫌於无陽也故稱龍焉猶未離其類也故稱血焉夫玄黃者天地之雜也天玄而地黃

正位居體所以應黃裳之美

屯

屯元亨利貞勿用有攸往利建侯彖曰屯剛柔始交而難生動乎險中大亨貞雷雨之動滿盈天造草昧宜建侯而不寧

往則失其居矣

象曰雲雷屯君子以經綸

張子全書卷之九

易說

十一三百七十四

雲雷皆是氣之聚處屯聚也

初九磐桓利居貞利建侯象曰雖磐桓志行正也以貴下賤大得民也

磐桓猶言柱石磐磐石也桓桓柱也謂利建侯如柱石在下不可以動然志在行正也

六二屯如遭如乘馬班如匪寇婚媾女子貞不字十年乃字象曰六二之難乘剛也十年乃字反常也

班布不進之貌

六三卽鹿无虞惟入于林中君子幾不如舍往吝象曰卽鹿无虞以從禽也君子舍之往吝窮也

處非其地故曰入于林中虞防禁也二以乘寇故五若可親五屯其膏故不若捨之

六四乘馬班如求婚媾往吉无不利象曰求而往明也九五屯其膏小貞吉大貞凶象曰屯其膏施未光也上六乘馬班如泣血漣如象曰泣血漣如何可長也

待求而往

蒙

蒙亨匪我求童蒙童蒙求我初筮告再三瀆瀆則不告利貞

張子全書卷之九

易說

十八三百六十五

禮聞取道義於人不聞取其人之身來之爲言屬有道義者謂之來來學者就道義而學之往教者致其人而取教也童蒙求我匪我求童蒙是也教人當以次守得定不妄施易曰初筮告再三瀆瀆則不告是剛中之德也

象曰蒙山下有險險而止蒙

險而止蒙蒙亨以亨行時中也夫險而不止則入于坎入于蹇不止則是安其危之類也以其知險而止也故成蒙之義方以有求童蒙求我匪我求童蒙以蒙而求故能時中所以亨也

人心多則无由光明蒙雜而著著古着字雜着於物所以爲蒙蒙昏蒙也

蒙亨以亨行時中也匪我求童蒙童蒙求我志應也初筮告以剛中也再三瀆瀆則不告瀆蒙也蒙以養正聖功也象曰山下出泉蒙君子以果行育德

時之義甚大如蒙亨以亨行時中也者蒙何嘗有亨以九二之亨行蒙者之時中故蒙所以得亨也蒙无遽亨之理以九二循循行時中之亨也蒙卦之義主之者全在九二彖之所論皆二之義教者但觀蒙者時之所及則道之此是亨行時也此時也正所謂如時雨化之如既引之中道而不使之通則是教者之過當時而道之使不失其正則是教者之功養其蒙使正者聖人之功也

初六發蒙利用刑人用說桎梏以往吝象曰利用刑人以正法也

以柔下賢居於坎陷然无所私系用心存公雖不能諭人於道以辨曲直正法可也善行法者多說於任刑道非弘矣故以往吝故君子哀矜而勿喜也一作終

九二包蒙吉納婦吉子克家象曰子克家剛柔接也

擇婦而納之則吉

九二以下卦之中主卦德故曰子克蒙以子任家必剛柔得中乃濟不可嚴厲也

六三勿用取女見金夫不有躬无攸利

金夫二也不有躬履非正則不能固於一也

象曰勿用取女行不順也六四困蒙吝象曰困蒙之吝獨遠實也六五童蒙吉象曰童蒙之吉順以巽也不愿不信蒙之失正者也故蒙正如童吉與夫彖之義同

上九擊蒙不利爲寇利禦寇象曰利用禦寇上下順也張子全書卷之九 易說 十九 三十一 三

蒙暗犯寇禦之可也以剛明極顯而寇蒙暗則傷義而衆不率也九二以剛居中故能包蒙而吉

需

需有孚光亨貞吉利涉大川

剛健而不陷而能俟時故有孚於光亨也

訟需坎皆言有孚必然之理也又如未濟飲酒濡首亦言有孚義同此

象曰需須也險在前也剛健而不陷其義不困窮矣需有孚光亨貞吉位乎天位以正中也利涉大川往



有功也象曰雲上於天需君子以飲食宴樂

雲上於天需君子以飲食宴樂九五需于酒食

吉未濟亦有孚于飲酒以陰在前无所施為惟於

飲食而已

初九需于郊利用恒无咎象曰需于郊不犯難行也

利用恒无咎未失常也九二需于沙小有言終吉象

曰需于沙衍在中也雖小有言以吉終也九三需于

泥致寇至象曰需于泥災在外也自我致寇敬慎不

敗也六四需于血出自穴象曰需于血順以聽也

以柔居陰不能禦強來則聽順而辟其路

張子全書

卷之九

易說

二十三

九五需于酒食貞吉象曰酒食貞吉以中正也上六

入于穴有不速之客三人來敬之終吉象曰不速之

客來敬之終吉雖不當位未大失也

上无所出故降入自穴恭以納之雖處極上不至

於失

訟

訟有孚窒惕中吉終凶利見大人不利涉大川象曰

訟上剛下險險而健訟訟有孚窒惕中吉剛來而得

中也終凶訟不可成也利見大人尚中正也不利涉

大川入于淵也象曰天與水違行訟君子以作事謀

始初六不承所事小有言終吉象曰不承所事訟不

可長也雖小有言其辨明也

初於正應中有陰陽之間不无訟但以陰居下體

為柔順履險方初不承所事其理辨直故小有言

終吉直一作正

九二不克訟歸而逋其邑人三百无眚象曰不克

訟歸逋竄也自下訟上患至掇也

處險體剛好訟者也上下二陰俱非已應理為不

直故不訟歸而逋竄使其邑人之眾无辜被禍故

曰邑人无眚

從上吉也

六三食舊德貞厲終吉或從王事无成象曰食舊德

履非其位處險之極若能不為他累專應上九則

雖危終吉故曰舊德以陰居陽又處成功必有悔

吝故曰无成

九四不克訟復即命渝安貞吉象曰復即命渝安貞

不失也九五訟元吉象曰訟元吉以中正也上九或

錫之鞶帶終朝三褫之象曰以訟受服亦不足敬也

體健而比於三理為不直故不克訟

師

師貞丈人吉无咎

丈人剛過太公近之剛正剛中則是大人聖人得中道也太公則必待誅紂時雖鷹揚所以爲剛過不得稱大人

象曰師衆也貞正也能以衆正可以王矣剛中而應行險而順以此毒天下而民從之吉又何咎矣象曰地中有水師君子以容民畜衆初六師出以律否臧凶象曰師出以律失律凶也

師出以律師之始也體柔居賤不善用律故凶

九二在師中吉无咎王三錫命象曰在師中吉承天寵也王三錫命懷萬邦也

懷愛萬邦故所以重將帥

六三師或輿尸凶象曰師或輿尸大无功也

陰柔之質履不以正以此帥衆固不能一師丈人

吉非陰柔所禦

六四師左次无咎象曰左次无咎未失常也

次之不戰之地則不失其常

六五田有禽利執言无咎長子帥師弟子輿尸貞凶象曰長子帥師以中行也弟子輿尸使不當也

柔居盛位見犯乃較故无咎任寄非一行師之凶

也

上六大君有命開國承家小人勿用象曰大君有命以正功也小人勿用必亂邦也

師終必推賞然小人雖有功不可胙之以土長亂也承猶繼世之承也

比

比吉原筮元永貞无咎不寧方來後夫凶象曰比吉也比輔也下順從也原筮元永貞无咎以剛中也不寧方來上下應也後夫凶其道窮也象曰地上有水比先王以建萬國親諸侯

必原筮者慎所與也

初六有孚比之无咎有孚盈缶終來有它吉象曰比之初六有它吉也

柔而无應能擇有信者親之已之誠素著顯終有它吉比好先也

六二比之自內貞吉象曰比之自內不自失也

愛自親始人道之正故曰貞吉

六三比之匪人象曰比之匪人不亦傷乎

履非其正比之必匪其人故可傷

六四外比之貞吉象曰外比於賢以從上也九五顯

比王用三驅失前禽邑人不誠吉象曰顯比之吉位  
正中也舍逆取順失前禽也邑人不誠士使中也上  
六比之无首凶象曰比之无首无所終也

失前禽謂三面而驅意在緩逸之不務殺也順奔  
然後取之故被傷者少也

以剛居中而顯明比道伐止有罪不為濫刑故邑  
人不誠為上用中此之謂也不比者不懲非用中  
也故比必顯之然殺不可務也一云上使中者付  
得其人也

### 小畜

小畜亨密雲不雨自我西郊象曰小畜柔得位而上  
下應之曰小畜健而巽剛中而志行乃亨密雲不雨  
尚往也自我西郊施未行也象曰風行天上小畜君  
子以懿文德

自我西郊剛陽之氣進而不已也

初九復自道何其咎吉象曰復自道其義吉也  
以理而升進之於應也

九二牽復吉象曰牽復在中亦不自失也

初反自道三為說輻二以彙征在中故未為失

九三輿說輻夫妻反目象曰夫妻反目不能正室也

近而相比故說輻而不能進反為柔制故曰反目  
非其偶也故不能正其室

太四有孚血去惕出无咎象曰有孚惕出上合志也  
以陰居陰其體不躁故曰有孚能上比於五與之  
合志雖為羣下所侵被傷而去懷懼而出於義无  
咎

九五有孚攣如富以其鄰象曰有孚攣如不獨富也  
上九既雨既處尚德載婦貞厲月幾望君子征凶象  
曰既雨既處德積載也君子征凶有所疑也

六四為眾陽之主已能接之以信學如不疑則亦  
為眾所歸故曰富以其鄰

### 履

履虎尾不咥人亨象曰履柔履剛也說而應乎乾是  
以履虎尾不咥人亨

說雖應乾而二不累五也

剛中正履帝位而不疚光明也

无陰柔之累故不疚此所以正一卦之德也

象曰上天下澤履君子以辯上下定民志初九素履  
往无咎象曰素履之往獨行願也

陰累不干无應於上故其履潔素

九二履道坦坦幽人貞吉象曰幽人貞吉中不自亂也

中正不累无援於上故中不自亂得幽人之正

六三眇能視跛能履履虎尾咥人凶武人爲于大君象曰眇能視不足以有明也跛能履不足以與行也咥人之凶位不當也武人爲于大君志剛也

大君者爲衆父之主也武人者剛而不德也

九四履虎尾愬愬終吉象曰愬愬終吉志行也

三五不累於已處多懼之地近比於三能常自危則志願終吉陽居陰故不自肆常自危也

張子全書卷之五

易說

卷之五

九五夫履貞厲象曰夫履貞厲位正當也上九視履考祥其旋元吉象曰元吉在上大有慶也

視所履以考求其吉莫如旋而反下則獲應而有喜也

乘剛未安其進也寧旋

泰

泰小往大來吉亨象曰泰小往大來吉亨則是天地交而萬物通也上下交而其志同也內陽而外陰內健而外順內君子而外小人君子道長小人道消也象曰天地交泰后以財成天地之道輔相天地之宜

以左右民初九拔茅茹以其彙征吉象曰拔茅征吉志在外也九二包荒用馮河不遐遺朋亡得尚于中行象曰包荒得尚于中行以光大也

中行中立之行也若朋比則未足尚也舜文之大不是過也

九三无平不陂无往不復艱貞无咎勿恤其孚于食有福象曰无往不復天地際也

因交與之際以著戒能艱貞則享福可必

六四翩翩不富以其鄰不戒以孚象曰翩翩不富皆失實也不戒以孚中心願也

張子全書

卷之五

易說

卷之五

陰陽皆未安其分故家不富志不寧

六五帝乙歸妹以祉元吉象曰以祉元吉中以行願也

雖陰陽義反取交際爲大義

上六城復于隍勿用師自邑告命貞吝象曰城復于隍其命亂也

泰極則否非力所支故不可以師其勢愈亂正以命令諭衆然終吝道也故知者先幾艱貞无咎著戒未然也

否

否之匪人不利君子貞大往小來象曰否之匪人不  
利君子貞大往小來則是天地不交而萬物不通也  
上下不交而天下无邦也内陰而外陽内柔而外剛  
内小人而外君子小人道長君子道消也象曰天地  
不交否君子以險德辟難不可榮以祿

蓋言上下不交便天下无邦有邦而與无邦同以  
不成國體也在天下他國皆无道只一邦治亦不  
可言天下无道湏是都不治然後是天下无道也  
於否之時則天下无邦也古之人一邦不治別之  
一邦直至天下皆无邦可之則止有隱耳无道而  
隱則惟是有朋友之樂而已子欲居九夷未敢必  
天下之无邦或夷狄有道於今海上之國儘有仁  
厚之治者

初六拔茅茹以其彙貞吉亨象曰拔茅貞吉志在君  
也

柔順處下居否以靜者也能以類正吉而必亨不  
事苟合志在得主者歟

六二包承小人吉大人否亨象曰大人否亨不亂羣  
也

處二陰之間上順下容衆不可異故其道否乃亨

六三包羞象曰包羞位不當也

處否而進履非其位非知耻者也

九四有命无咎疇離祉象曰有命无咎志行也

居否之世以陽處陰有應於下故雖有所命无咎  
也

九五休否大人吉其亡其亡繫于苞桑象曰大人之  
吉位正當也上九傾否先否後喜象曰否終則傾何  
可長也

以亡爲懼故能休其否

包桑從下叢生之桑叢生則其根牢書云厥草惟  
張子全書卷之九 易說 三十一

包如竹叢蘆葦之類河朔之桑多從根斬條取葉  
其生叢然

同人

同人于野亨利涉大川利君子貞象曰同人柔得位  
得中而應乎乾曰同人同人曰同人于野亨利涉大  
川乾行也文明以健中正而應君子正也唯君子爲  
能通天下之志象曰天與火同人君子以類族辨物  
不能與人同未足爲正也

天下之心天下之志自是一物天何常有如此間  
別

初九同人于門无咎象曰出門同人又誰咎也六二  
同人于宗吝象曰同人于宗吝道也九三伏戎于莽  
升其高陵三歲不興象曰伏戎于莽敵剛也三歲不  
興安行也九四乘其墉弗克攻吉象曰乘其墉義弗  
克也其吉則困而反則也九五同人先號咷而後笑  
大師克相遇象曰同人之先以中直也大師相遇言  
相克也上九同人于郊无悔象曰同人于郊志未得  
也

二與五應而為佗間已直人曲望之必深故號咷  
也師直而壯義同必克故遇而後笑

張子全書

卷之九

易說

三十三百三

大有

大有元亨象曰大有柔得尊位大中而上下應之曰  
大有其德剛健而文明應乎天而時行是以元亨

柔得盛位非所固有故曰大有

剛健故應乎天文明故時行

象曰火在天上大有君子以遇惡揚善順天休命

柔能大有非天道也乃天命也故曰順天休命遇

惡揚善勉也

初九无交害匪咎艱則无咎象曰大有初九无交害  
也

二應於五三能自通四匪其旁惟初无交故有害  
然非其咎

九二大車以載有攸往无咎象曰大車以載積中不  
敗也九三公用亨于天子小人弗克象曰公用亨于  
天子小人害也

非柔中文明之主不能察非剛健不私之臣不能  
通故曰小人弗克

九四匪其彭无咎象曰匪其彭无咎明辯哲也六五  
厥孚交如威如吉象曰厥孚交如信以發志也威如  
之吉易而無備也

張子全書

卷之九

易說

三十三百六

人威重有德望則人自畏服易曰厥孚交如威如  
吉君子以至誠交人然後有威重威如之吉易而  
無備也君子至平易有何關防擬備惟以抑抑威  
儀為德之隅儼然人望而畏之既易而無備則威  
如乃吉也

上九自天祐之吉无不利象曰大有上吉自天祐也  
以剛而下柔居上而志應於中故曰履信思順又  
以尚賢蓋五陽一陰又無物以間焉耳剛柔相求  
情也信也

謙

謙亨君子有終彖曰謙亨天道下濟而光明

止於下故光明

地道卑而上行天道虧盈而益謙地道變盈而流謙鬼神害盈而福謙人道惡盈而好謙謙尊而光卑而不可踰君子之終也

人樂尊之故光而不揜志下於人故人不能加天以廣大自然取貴人自要尊大須意我固必欲順已尊已又悅已之情此所以取辱取怒也謙尊而光卑而不可踰夫尊者謙則更光卑者已謙又何踰之此天德至虛者焉以其能謙故尊而益光卑又無人可踰蓋已謙矣復如何踰越也謙天下之良德

彖曰地中有山謙君子以裒多益寡稱物平施隱高於卑謙之象也

易大象皆是實事卦爻小象則容有寓意而已言風自火出家人家人之道必自烹飪始風風也教也蓋言教家人之道必自此始也又如言木上有水井則明言井之實事也又言地中有山謙夫山者崇高之物非謙而何又如言雲雷屯雲雷皆是氣之聚處屯聚也

多者寡者皆量宜下之

初六謙謙君子用涉大川吉彖曰謙謙君子卑以自牧也

牧逸也

六二鳴謙貞吉象曰鳴謙貞吉中心得也

體柔居正故以謙獲譽與上六之鳴異矣故曰正吉

九三勞謙君子有終吉象曰勞謙君子萬民服也

中心安之也有終則吉人所難能

六四无不利撝謙象曰无不利撝謙不遠則也

哀多益寡无不盡道舉措皆謙

六五不富以其鄰利用侵伐无不利象曰利用侵伐征不服也上六鳴謙利用行師征邑國象曰鳴謙志未得也可用行師征邑國也

下應於三其迹顯聞故曰鳴謙最上用謙爲衆所服故利用行師然聲鳴其謙必志有求焉非如六二之正也三止於下如邑國之未賓也一云鳴謙則師有名

豫

豫利建侯行師彖曰豫剛應而志行順以動豫

以動故天地如之而況建侯行師乎

上動而下不順非建侯行師之利也

天地以順動故日月不過而四時不忒聖人以順動則刑罰清而民服豫之時義大矣哉象曰雷出地奮豫先王以作樂崇德殷薦之上帝以配祖考

王者之樂莫大於是

初六鳴豫凶象曰初六鳴豫志窮凶也

知幾者上交不諂今得應於上豫獨著聞終凶之道也故凡豫之理莫若安其分動以義也

六二介于石不終日貞吉象曰不終日貞吉以中正

張子全書

易說

三十五

也六三盱豫悔遲有悔象曰盱豫有悔位不當也九四由豫大有得勿疑朋盍簪象曰由豫大有得志大行也六五貞疾恒不死象曰六五貞疾乘剛也恒不死中未亡也上六冥豫成有渝无咎象曰冥豫在上何可長也

不終日貞吉言疾正則吉也六二以陰居陰獨无

累於四故其介如石雖體柔順以其在中而靜何俟終日必知幾而正矣體順用中以陰居陰堅介如石故在理則悟為豫之吉莫甚焉不以悅豫而流也

### 隨

隨元亨利貞无咎象曰隨剛來而下柔動而說隨大亨貞无咎而天下隨時隨時之義大矣哉象曰澤中有雷隨君子以嚮晦入宴息

上九下居於初也故曰剛來下柔

初九官有渝貞吉出門交有功象曰官有渝從正吉也出門交有功不失也

言凡所治務能變而任正不膠柱也處隨之初為動之主心无私係故能動必擇義善與人同者也

六二係小子失丈夫象曰係小子弗兼與也六三係

張子全書

易說

三十五

丈夫失小子隨有求得利居貞象曰係丈夫志舍下也

舍小隨大所求可得必守正不邪乃吉

四隨有獲貞凶有孚在道以明何咎象曰隨有獲其義凶也有孚在道明功也

以陽居陰利於比三則凶也處隨之世為眾所附

苟利其獲凶之道也能以信存道則功業可明无所咎矣

九五孚于嘉吉位正中也上六拘係之乃從維之王用亨于西山象曰拘係之上窮也



處隨之世而剛正宅尊善為衆信故吉或曰孚於二則吉

蠱

蠱元亨利涉大川

元亨然後利涉大川

先甲三日後甲三日象曰蠱剛上而柔下巽而止蠱憂患內萌蠱之謂也泰終反否蠱之體也弱而止待能之時也

蠱元亨而天下治也利涉大川往有事也先甲三日後甲三日終則有始天行也象曰山下有風蠱君子

張子全書卷之九  
以振民而德

易說

三十三 三十七

後甲三日成前事之終先甲三日善後事之始也

剛上柔下故可為之唱是故先甲三日以蠲其法

後甲三日以重其初明終而復始通變不窮也至

於巽之九五以其上下皆柔故必无初有終是故

先庚後庚不為物首也於甲取應物而動順乎民

心也一本為事之唱法一作治

初六幹父之蠱有子考无咎厲終吉象曰幹父之蠱

意承考也

處下不係應於上如子之專制雖意在承考然亦

危厲以其柔巽故終吉

九二幹母之蠱不可貞象曰幹母之蠱得中道也

處中用巽以剛係柔幹母之蠱得剛柔之中也

九三幹父之蠱小有悔无大咎象曰幹父之蠱終无

咎也

義如初六小有悔者以其剛也

六四裕父之蠱往見吝象曰裕父之蠱往未得也

裕父之蠱不能為父除患能寬裕和緩之而已以

柔居陰失之太柔故吝正固乃可幹事以柔致遠

往未得也

張子全書卷之九

易說

三十八

六五幹父之蠱用譽象曰幹父用譽承以德也

雖天子必有繼也故亦云幹父之蠱

上九不事王侯高尚其事象曰不事王侯志可則也

隱居以求其志故可則也

臨

臨元亨利貞至于八月有凶象曰臨剛浸而長說而

順剛中而應大亨以正天之道也至于八月有凶消

不久也象曰澤上有地臨君子以教思无窮容保民

无疆

臨言有凶者大抵易之於爻變陽至二便為之戒

恐有過滿之萌未過中已戒猶履霜堅冰之美

泰之三曰无平不陂无往不復皆過中之戒也

初九咸臨貞吉象曰咸臨貞吉志行正也

臨為剛長已志應上故雖感而行正也

九二咸臨吉无不利象曰咸臨吉无不利未順命也

非咸則有上下之疑有所不利

六三甘臨无攸利既憂之无咎象曰甘臨位不當也

既憂之咎不長也

體說乘剛故甘邪說求容而以臨物安有所利能

自憂懼庶可免咎

六四至臨无咎象曰至臨无咎位當也

以陰居陰體順應正盡臨之道雖在剛長可以无

咎

六五知臨大君之宜吉象曰大君之宜行之謂也

順命行中天子之宜

上六敦臨吉无咎象曰敦臨之吉志在内也

體順則无所遺極上則无所進不以无應而志在

於臨故曰敦臨志在内也

觀

觀盟而不薦有孚顒若

盟求神而薦褻也

彖曰大觀在上順而巽中正以觀天下觀盟而不薦

有孚顒若下觀而化也觀天之神道而四時不忒聖

人以神道設教而天下服矣象曰風行地上觀先王

以省方觀民設教

內順外巽示民以順而外從巽此祭所以為教之

本故盟而不薦中正以觀天下又曰大觀在上皆

謂五也凡言觀我生亦皆謂五也天不言藏其用

而四時行神道如盟而不薦之類盟簡潔而神薦

褻近而煩也

有兩則須有感然天之感有何思慮莫非自然聖

人則能用感何謂用感凡教化設施皆是用感也

作於此化於彼者皆感之道聖人以神道設教是

也

天不言而四時行聖人設教而天下服誠於此動

於彼神之道歟

初六童觀小人无咎君子吝象曰初六童觀小人道

也

所覲者末小人之道施於君子則吝

六二闚觀利女貞象曰闚觀女貞亦可醜也

六二闚觀利女貞象曰闚觀女貞亦可醜也

得婦人之道雖正可羞

六三觀我生進退象曰觀我生進退未失道也

觀上所施而進退雖以陰居陽於道未失以其在下卦之體而應於上故曰進退

六四觀國之光利用賓于王象曰觀國之光尚賓也

體柔巽而以陰居下賓之必無過也故利下一作陰

九五觀我生君子无咎象曰觀我生觀民也

觀我所自出者

上九觀其生君子无咎象曰觀其生志未平也

以剛陽極上之德居不臣不任之位以觀國家之

張子全書

卷之九

易說

聖

三百文

政志有所未平也有君子循理之心則可免咎俯視九五之爲故曰觀其生

噬嗑

噬嗑亨利用獄象曰頤中有物曰噬嗑噬嗑而亨

子路禮樂文章未足盡爲政之道以其重然諾言

爲衆信故片言可以折獄如易利用獄利用刑人

皆非卦爻盛德適能是而已焉

剛柔分動而明雷電合而章

九五分而下初六分而上故曰剛柔分合而章合

而戕

柔得中而上行雖不當位利用獄也象曰雷電噬嗑先王以明罰勅法

六自初而進之於五故曰上行

初九履校滅趾无咎象曰履校滅趾不行也

戒之在初小懲可止故无咎

六二噬膚滅鼻无咎象曰噬膚滅鼻乘剛也

六三居有過之地而已噬之乘剛而動爲力不勞

動未過中故无咎

六三噬腊肉遇毒小吝无咎象曰遇毒位不當也

所間在四四爲剛陽故曰腊肉非禮傷義故曰遇

張子全書

卷之九

易說

四十三

三百文

毒能以爲毒而舍之雖近不相得小有吝而无咎也

九四噬乾肺得金矢利艱貞吉象曰利艱貞吉未光也

五爲陰柔故喻乾肺能守正得剛直之義故艱正

吉其德光大則其正非艱也

六五噬乾肉得黃金貞厲无咎象曰貞厲无咎得當

也上九何校滅耳凶象曰何校滅耳聰不明也

九四上九難於屈服故曰乾肉得居中持堅之義

了危則得无咎也

賁

賁亨小利有攸往彖曰賁亨柔來而文剛故亨分剛上而文柔故小利有攸往天文也文明以止人文也觀乎天文以察時變觀乎人文以化成天下象曰山下有火賁君子以明庶政无敢折獄

无敢折獄者明不兼於下民未孚也故止可明政以示民耳

初九賁其趾舍車而徒象曰舍車而徒義弗乘也

文明之德以貴居賤修飾於下故曰賁其趾義非苟進故曰舍車而徒

賁亨全書

易說

四十一

六二賁其須象曰賁其須與上興也

賁其須起意在上也

九三賁如濡如永貞吉象曰永貞之吉終莫之陵也

上下皆柔无物陵犯然不可邪妄自肆故永貞然

後終保无悔

六四賁如皤如白馬翰如匪寇婚媾象曰六四當位疑也匪寇婚媾終无尤也

以陰居陰性爲艮止故志堅行潔終无尤累

六五賁于丘園束帛戔戔吝終吉象曰六五之吉有喜也

陰陽相因物所阜生柔中之德比於上九上九敦

素因可恃而致富雖爲悔吝然獲其吉也其道上行故曰丘園悔一作勝

上九白賁无咎象曰白賁无咎上得志也

上而居高潔无所累爲物所貴故曰上得志也上一作止

剝

剝不利有攸往彖曰剝剝也柔變剛也不利有攸往小人長也順而止之觀象也君子尚消息盈虛天行也象曰山附於地剝上以厚下安宅

處剝之時順上以觀天理之消息盈虛

剝亨全書

易說

四十二

初六剝牀以足蔑貞凶象曰剝牀以足以滅下也六

二剝牀以辨蔑貞凶象曰剝牀以辨未有與也

三雖陰類然志應在上二不能進剝陽爻徒用口

舌閤說力未能勝故象曰未有與也然志在滅陽

故亦云蔑貞凶

六三剝之无咎象曰剝之无咎失上下也

獨應於陽故反爲衆陰所剝然无所咎

六四剝牀以膚凶象曰剝牀以膚切近災也

迫近君位猶自下剝牀至牀之膚將及於人也不言蔑正剝道成矣一云五於陰陽之際義必上比

故以喻膚

六五貫魚以宮人寵无不利象曰以宮人寵终无尤也

六五爲上九之膚能下寵衆陰則陽獲安而无不利矣異於六三者以其居尊制裁爲卦之主故不云剝之也終无尤怨者以小人之心不過圖寵利而已不以宮人見畜爲耻也陰陽之際近必相比六五能上附於陽反制羣陰不使進逼方得處剝之善下无剝之之憂上得陽功之庇故曰无不利上九碩果不食君子得與小人剝廬象曰君子得與民所載也小人剝廬終不可用也

處剝之世有美實而不見採然其德備猶爲民所載小人處下則剝牀處上則反傷於下是終不可用之也

復

復亨出入无疾朋來无咎反復其道七日來復利有攸往

靜之動也无休息之期故地雷爲卦言反又言復終則有始循環无窮人指其化而裁之耳深其反也幾其復也故曰反復其道又曰出入无疾

象曰復亨剛反動而以順行是以出入无疾朋來无咎反復其道七日來復天行也利有攸往剛長也復其見天地之心乎

復言天地之心咸恒大壯言天地之情心内也其原在内時則有形見情則見於事也故可得而名狀自姤而剝至於上九其數六也剝之與復不容線須臾不復則乾坤之道息也故適盡卽生更无先後之次也此義最大臨卦至于八月有凶此言七日來復何也剛長之時豫戒以陰長之事故言至于八月有凶若復則不可須臾斷故言七日

七日者晝夜相繼元无斷續之時也大抵言天地之心者天地之大德曰生則以生物爲本者乃天地之心也地雷見天地之心者天地之心惟是生物天地之大德曰生也雷復於地中却是生物象曰終則有始天行也天行何嘗有息正以靜有何期程此動是靜中之動靜中之動動而不窮又有甚首尾起滅自有天地以來以迄于今蓋爲靜而動天則无心无爲无所主宰恒然如此有何休歇人之德性亦與此合乃是已有苟心中造作安排而靜則安能久然必從此去蓋靜者進德之基也

象曰雷在地中復先王以至日閉關商旅不行后不省方

凡言后者大率謂繼體守成之主也復言先王以至日閉關商旅不行后不省方以此校之則后爲繼承之主明矣先王以至日閉關者先王所重於至日以其順陰陽往來閉關者取其靜也閉關則商旅不行先王无放過事順時以示法亦以示民后不省方如言富庶優暇不甚省事又明是繼文之主

初九不遠復无祇悔元吉象曰不遠之復以修身也

張其全書

易說

卷之九

三

祇猶承也受也一云祇悔作神祇之祇祇之爲義示也効也見也言悔可使亡不可使成而形也

六二休復吉象曰休復之吉以下仁也

下比於陽故樂行其善

六三頻復厲无咎象曰頻復之厲義无咎也

所處非位非頻感自危不能无吝

吝一作咎

六四中行獨復象曰中行獨復以從道也

柔危之世以中道合正應故不與羣爻同

六五敦復无悔象曰敦復无悔中以自考也

性順位中无宅應援以敦實自求而已剛長柔危

之世能以中道自考故可无悔不然取悔必矣

上六迷復凶有災眚用行師終有大敗以其國君凶

至于十年不克征象曰迷復之凶反君道也

君道過亢反常无施而可故天災人害師敗君凶

久衰而不可振也

无妄

无妄元亨利貞其匪正有眚不利有攸往象曰无妄

剛自外來而爲主於內動而健剛中而應大亨以正

天之命也其匪正有眚不利有攸往无妄之往何之

矣天命不祐行矣哉

張其全書

易說

卷之九

三

无妄四德无妄而後具四德也其曰匪正有眚對

无妄雷行天動也天動不妄故曰无妄天動不妄

則物亦无妄乾道變化各正性命也

象曰天下雷行物與无妄先王以茂對時育萬物

物因雷動雷動不妄則物亦不妄故曰物與无妄

育不以時害莫甚焉

初九无妄往吉象曰无妄之往得志也

易所謂得志者聖賢獲其願欲者也得臣无家堯

之志也貞吉升階舜之志也

六二不耕穫不菑畲則利有攸往象曰不耕穫未富

也

柔之爲道不利遠者能遠利不爲物首則可乘剛處實則凶

六三无妄之災或繫之牛行人之得邑人之災象曰行人得牛邑人災也

妄災之大莫大於妄誅於人以陰居陽體躁而動遷怒肆暴災之甚者繫牛爲說緣耕穫生詞

九四可貞无咎象曰可貞无咎固有之也九五无妄之疾勿藥有喜象曰无妄之藥不可試也

體健居尊得行其志故以无妄爲疾

張子全書

卷之九

易說

四九

三〇四

无妄之疾疾无妄之謂也欲妄動而不敢妄是則以无妄爲疾者也如孟子言有法家拂士是疾无妄者也以无妄爲病而醫之則妄之意遂矣故曰勿藥有喜又曰不可試也言不可用藥治之

上九无妄行有眚无攸利象曰无妄之行窮之災也進而過中是无妄而行也

大畜

大畜利貞不家食吉利涉大川象曰大畜剛健篤實輝光日新其德剛上而尚賢能止健大正也不家食吉養賢也利涉大川應乎天也象曰天在山中大畜

君子以多識前言往行以畜其德

剛健篤實日新其德乃天德也

陽卦在上而上九又在其上故曰剛上而尚賢強學者往往心多好勝必无心處一乃善也定然後始有光明惟能定已是光明矣若常移易不定何求光明易大抵以艮爲止止乃光明時止時行動靜不失其時其道光明謙天道下濟而光明天在山中大畜君子以剛健篤實輝光日新其德定則自光明故大學定而至於能慮人心多則无由光明蒙雜而著

張子全書

卷之九

易說

三

三〇七

初九有厲利已象曰有厲利已不犯災也

趨其應則有二三之阻故不若已也

九二輿說輟象曰輿說輟中无尤也

不阻於三則見童於四不躁進者位中也

九三良馬逐利艱貞日閑輿衛利有攸往象曰利有攸往上合志也

不防輿衛而進歷二陰則或有童牯說輟之害不利其往也本乎天者親上故上合志也

六四童牛之牯元吉象曰六四元吉有喜也六五積豕之牙吉象曰六五之吉有慶也上九何天之衢亨

象曰何天之衢道大行也

其道大行也升於天何待衢路而進言无所不通也衢字當爲絕句艮爲止止二陰也不以止其類也故亨

頤

頤貞吉觀頤自求口實象曰頤貞吉養正則吉也觀頤觀其所養也自求口實觀其自養也天地養萬物聖人養賢以及萬民頤之時大矣哉

觀頤辨養道得失欲觀人處已之方

象曰山下有雷頤君子以慎言語節飲食

張子全書卷之九

易說

五十二

山下有雷畜養之象

初九舍爾靈龜觀我朵頤凶象曰觀我朵頤亦不足貴也

體躁應上觀我而朵其頤求養而无耻者也

六二顛頤拂經于丘頤征凶象曰六二征凶行失類也

凡頤之正以貴養賤以陽養陰所謂經也頤卦羣陰皆當聽養於上六二違之反比於初以陰養陽顛頤者也羣陰上所聚養者也六二亂經於聚養之義失陰類之常故以進則凶

六三拂頤貞凶十年勿用无攸利象曰十年勿用道大悖也

履邪好動係說於上不但拂經而已害頤之正莫甚焉故凶

係說於上一作係而說上

六四顛頤吉虎視眈眈其欲逐逐无咎象曰顛頤之吉上施光也

體順位陰得頤之正以貴養賤而得賢者雖反陽爻養陰之義以上養下其施光矣然以柔養剛非嚴重其德廣大其志則未免於咎

六五拂經居貞吉不可涉大川象曰居貞之吉順以

張子全書卷之九

易說

五十三

從上也

聽養於上正也以陰居頤卦之尊拂經也

上九由頤厲吉利涉大川象曰由頤厲吉大有慶也

由頤自危然後乃吉者下有衆陰順從之慶驕則有它吝此卦得養之正者方利涉大川蓋養然後可動耳

大過

大過棟桷利有攸往亨象曰大過大者過也棟桷本末弱也剛過而中巽而說行利有攸往乃亨大過之時大矣哉象曰澤滅木大過君子以獨立不懼



无悶

陽剛過實於中本未過弱於外故當過矯相與也  
初六藉用白茅无咎象曰藉用白茅柔在下也九二  
枯楊生稊老夫得其幼妻无不利象曰老夫女妻過  
以相與也

扶衰於上使枯木生稊拯弱於下使微陰獲助此  
剛中下濟之功亦自獲助於物也

九三棟桡凶象曰棟桡之凶不可以有輔也九四棟  
隆吉有它吝象曰棟隆之吉不桡乎下也

志在拯弱則棟隆而吉若私應爲心則桡乎下吝  
也  
張子全書 卷之九 易說 五十五 三百六十九頁

九五枯楊生華老婦得其士夫无咎无譽象曰枯楊  
生華何可久也老婦士夫亦可醜也

九五上係上六故不能下濟大事徒益其未耳无  
拯物之心所施者狹老婦士夫所與者不足道枯  
楊生華勢不能久故无譽未至長亂故无咎

上六過涉滅頂凶无咎象曰過涉之凶不可咎也  
陰居上極雖過而不足涉難故凶大過之極故滅  
頂而无咎也

習坎

習坎有孚維心亨行有尚

習坎重襲之義八純卦惟此加習者餘皆一字可  
盡其義坎取其險故重之而其險乃著也

色以離見聲以震聞臭以巽知味以坎達

坎離者天地之中二氣之正交然離本陰卦坎本  
陽卦以此見二氣其本如此而交性也非此二物  
則无易

彖曰習坎重險也水流而不盈行險而不失其信維  
心亨乃以剛中也行有尚往有功也天險不可升也  
地險山川丘陵也王公設險以守其國險之時用大

矣哉象曰水洊至習坎君子以常德行習教事  
可盈則非謂重險也中柔則心无常何能亨也內  
外皆險義不可止故行有尚也

坎維心亨故行有尚外雖積險苟處之心亨不疑  
則雖難必濟而往有功也  
今水臨萬仞之山要下卽下无復凝滯人在前惟  
知有義理而已則復何迴避所以心通

初六習坎入于坎窞凶象曰習坎入坎失道凶也  
比於二无出險之志故云入于坎窞也

九二坎有險求小得象曰求小得未出中也

險難之際弱必附強上下俱陰求必見從故求則必小得然二居險中而未出也

六三來之坎坎險且枕入于坎窞勿用象曰來之坎坎終无功也

前之入險退來枕險入窞與初六同

六四樽酒簋贰用缶納約自牖終无咎象曰樽酒簋贰剛柔際也

四五俱得陰陽之正險阻之際近而相得誠素既接雖簡略於禮无咎也上比於五有進出之漸故无凶

張子全書

卷之九

易說

五十五

三百九十一

九五坎不盈祗既平无咎象曰坎不盈中未大也

險難垂出而下比於四不能勉成其功光大其志故聖人憚之曰只既平无咎而已矣不能往有功也

一本云坎盈則進而往有尚矣

上六係用徽纆寘于叢棘三歲不得凶象曰上六失道凶三歲也

上六過中逃險而失道者也不附比陽中幾於迷復之凶故爲所係累也

陰柔不能附比於陽處險之極乘剛宜其爲所拘載也

離

離利貞亨畜牝牛吉

以柔麗乎中正故利貞

彖曰離麗也日月麗乎天百穀草木麗乎土重明以麗乎正乃化成天下柔麗乎中正故亨是以畜牝牛吉也

日月草木麗天地麗附著也

象曰明兩作離大人以繼明照于四方

明目達聰繼明之道也人患慥於博覽惟大人能勉而繼之

初九履錯然敬之无咎象曰履錯之敬以辟咎也

張子全書

卷之九

易說

五十六

三百九十一

履錯然與之者多也无應於上无所朋附以剛處下物所願交非矜慎之其何以免咎

六二黃離元吉象曰黃離元吉得中道也九三日昃之離不鼓缶而歌則大耋之嗟凶象曰日昃之離何可久也

明正將老離過於中故哀樂之不常其德凡人不能久也故君子爲德天壽不貳

人向衰暮則尤樂聽聲音蓋雷連光景視桑榆之暮景不足則貪於爲樂惟鄭衛之音能令人生此意易謂不鼓缶而歌則大耋之嗟凶悲衰暮故爲

樂不爲則復嗟年景之不足也

九四突如其來如焚如死如棄如象曰突如其來如无所容也

處多懼之地而以乘剛故其來也遽其處也危无所容安如見棄遂皆所麗之失中也三剛而不可乘五正而不見容

六五出涕沱若戚嗟若吉象曰六五之吉離王公也言王公之貴人之所附下以剛進已雖憂危終以得衆而吉者柔麗中正也

上九王用出征有嘉折首獲匪其醜无咎象曰王用出征以正邦也

有嘉折首服而善之也獲匪其醜執訊弗宥不威以正邦而已離道已成然後不附可征

張子全書卷之十

明後學嘉興徐必達校正

易說中

咸

咸亨利貞取女吉

咸之爲道以虛受爲本有意於中則滯於方體而隘矣拇腓股肱輔以一卦通體高下爲言

彖曰咸感也柔上而剛下二氣感應以相與止而說男下女是以亨利貞取女吉也天地感而萬物化生聖人感人心而天下和平觀其所感而天地萬物之情可見矣

張子全書卷之十

易說

一

三百四

咸感也其爻雖相應而詞多不吉顧其時如何耳說者多以咸恒配天地殊不知咸自可配天地故於序卦獨不言咸咸旣可以配天地則恒亦可以配天地皆夫婦之道也咸之爲言皆也故語咸則非事咸感也不可止以夫婦之道謂之咸此一事耳男女相配故爲咸也感之道不一或以同而感聖人感人心以道此是以同也或以異而應男女是也二女同居則无感也或以相悅而感或以相畏而感如虎先見犬犬自不能去犬若見虎則能

避之又如磁石引針相應而感也若以愛心而來者自相親以害心而來者相見容色自別聖人感人心而天下和平是風動之也聖人老吾老以及人之老而人欲老其老此是以事相感也感如影響无復先後有動必感感而應故曰咸速也象曰山上有澤咸君子以虛受人

山上有澤非交感不能也感物之善莫若以虛受人有所係慕皆非正吉故六爻皆以有應不盡卦義而有所譏也

初六咸其拇象曰咸其拇志在外也六二咸其腓凶

居吉象曰雖凶居吉順不害也

居則吉趨則凶以男下女爲正咸之道也

九三咸其股執其隨往吝象曰咸其股亦不處也志在隨人所執下也

心寧靜於此一向定疊前縱有何事亦不恤也休將閑細碎在思慮易曰何思何慮天下殊塗而同歸一致而百慮天地之道惟有日月寒暑之往來屈伸動靜兩端而已在我精義入神以致用則細碎皆不能出其間在於術內已過未來著事著在心畢竟何益浮思游想盡去之惟圖向去日新可

也孔子以富不可求則曰從吾所好以思爲无益則曰不如學也故於咸三以見此義

九四貞吉悔亡憧憧往來朋從爾思象曰貞吉悔亡未感害也憧憧往來未光大也

釋氏以感爲幻妄又有憧憧思以求朋者皆不足道也

以陽居陰非躁感於物者也然體兌性悅未免乎思以求朋之累也蓋體悅之初應止之始已勞於上朋止於下故憧憧得朋未爲光大不持以正則有諂瀆之悔

感非有意咸三思以求朋此則不足道

聖人惟於屈伸有感能有屈伸所以得天下之物何用憧憧以思而求朋大抵咸卦六爻皆以有應不盡咸道故君子欲得虛受人能容以虛受人之道也苟曉屈伸心儘安泰寬裕蓋爲不與物校待彼伸則已屈然而屈時少伸時多假使亂橫逆亦猶屈少伸多我尚何傷日月寒暑往來正以相屈伸故不相害尺蠖之屈以求伸龍蛇之蟄以存身又精義入神以致用利用安身以崇德九五咸其脢志末也

九五處悅之中未免偏係之弊故不能感人心而  
曰咸其脢惟聖人然後能感人心也一五目字  
上六咸其輔頰舌象曰咸其輔頰舌滕口說也

恒

恒亨无咎利貞利有攸往彖曰恒久也剛上而柔下  
雷風相與巽而動剛柔皆應恒恒亨无咎利貞久於  
其道也天地之道恒久而不已也利有攸往終則有  
始也日月得天而能久照四時變化而能久成聖人  
久於其道而天下化成觀其所恒而天地萬物之情  
可見矣象曰雷風恒君子以立不易方

張子全書卷之十

易說

四三百二十

觀書當不以文害辭如云義者出於思慮忖度易  
言天地之大義則天地固无思慮天地之情天地  
之心皆放此

初六浚恒貞凶无攸利象曰浚恒之凶始求深也

柔巽在下以應於上持用爲常求之過深也故人

道之交貴乎中禮且久漸而成也持一作特

九二悔亡象曰九二悔亡能久中也

以陽係陰用以爲常不能无悔以其久中故免

九三不恒其德或承之羞貞吝象曰不恒其德无所  
容也

進則犯上退則乘剛故勅則招悔取辱惟常守一  
德庶幾取容故曰不恒其德則无所容也一有維然貞吝

九四田无禽象曰久非其位安得禽也

田以時至則禽或可得處常非位則功无以致故  
君子降志辱身不可常也

六五恒其德貞婦人吉夫子凶象曰婦人貞吉從一  
而終也夫子制義從婦凶也上六振恒凶象曰振恒  
在上大无功也

卦例於上爻多處之以貴而无位高而无民至恒  
張子全書卷之十

易說

五三百三十

又不可以此處但見其不常在上故大无功也易  
道灼然義理分明自存乎卦惟要人玩之乃得

遯

遯亨小利貞彖曰遯亨遯而亨也剛當位而應與時  
行也小利貞浸而長也遯之時義大矣哉

當位而應理不當遯以陰長故遯故曰與時行又

曰小利貞又曰遯而亨也

象曰天下有山遯君子以遠小人不惡而嚴

遠小人不惡而嚴惡讀爲憎惡之惡遠小人不可  
示此惡也惡則患及之又焉能遠嚴之爲言敬小

人而遠之之義也

初六遯尾厲勿用有攸往象曰遯尾之厲不往何災也

危而不往何也遯既後時往則取災故知者違難在乎先幾

六二執之用黃牛之革莫之勝說象曰執用黃牛固志也

黃牛中順也陰邪浸長二居君臣正合之位戡難救時莫若中順固志使姦不能干不然小人易間矣

張子全書

卷之一

易說

九三係遯有疾厲畜臣妾吉象曰係遯之厲有疾憊也畜臣妾吉不可大事也

爲內之主得位之正立愛其下畜臣妾之道盡矣然以斯處遯危疾宜焉

九四好遯君子吉小人否象曰君子好遯小人否也有應於陰不惡而嚴故曰好遯小人暗於事幾不忿怒成仇則私溺爲累矣

九五嘉遯貞吉象曰嘉遯貞吉以正志也

嘉好義同然五居正處中能正其志故獲正吉上九肥遯无不利象曰肥遯无不利无所疑也

大壯

天壯利貞象曰大壯大者壯也剛以動故壯大壯利貞大者正也正大而天地之情可見矣象曰雷在天上大壯君子以非禮弗履

克已反禮壯莫甚焉故易於大壯見之

克已下學上達交相養也下學則必達達則必上蓋不行則終何以成德明則誠矣誠則明矣克已要當以理義戰退私已蓋理乃天德克已者必有剛強壯健之德乃勝已雷在天上大壯君子以非禮弗履夫酒清人渴而不敢飲肴乾人飢而不敢

張子全書

卷之十

易說

食非強有力者不能人所不能人所以不能行已者於其所難者則情其異俗者雖易而羞縮惟心弘則不顧人之非笑所趨義理耳視天下莫能移其道然爲之人亦未必怪正以在已者義理不勝情與羞縮之病消則有長不消則病常在消盡則是大而化之之謂聖意思醒醒无由作事在古氣節之士冒死以有爲於義未必中然非有志槩者莫能況吾於義理已明何爲不爲正以不剛惟大壯乃能克已蓋君子欲身行之爲事業以教天下今天爲長者折枝非不能也但耻以爲屈而不爲

耳不顧義理之若何

初九壯于趾征凶有孚象曰壯于趾其孚窮也九二貞吉象曰九二貞吉以中也九三小人用壯君子用罔貞厲羝羊觸藩羸其角象曰小人用壯君子罔也以陽居陽正也然乘下之剛故危小人用此而進如羝羊觸藩以爲壯故多見困君子知幾則否藩以喻四三有應所之在進而位正理直小人處之必以剛動

九四貞吉悔亡藩決不羸壯于大興之輓象曰藩決不羸尚往也

張子全書卷之十

易說

八三十五

乘剛本有悔不用其壯故正吉三以四爲藩九四上无陽爻故曰藩決壯輿之輓往无咎也四能不爲陰累守已以正則吉而无乘剛之悔且得衆陽之助以銷陰慝

六五喪羊于易无悔象曰喪羊于易位不當也

羊外柔而內很六五以陰處陽羊喪之象也能去其內剛不拒來者則无悔故曰喪羊于易无悔履柔危之地乘壯動之剛固之必悔者位非其所堪也

上六羝羊觸藩不能退不能遂无攸利艱則吉象曰

不能退不能遂不詳也艱則吉咎不長也

剛競用觸則進退皆凶危懼求全則咎有時而息也然上六以陰居上不詳事宜用壯而觸故進退不能

晉

晉康侯用錫馬蕃庶晝日三接象曰晉進也明出地上順而麗乎大明柔進而上行是以康侯用錫馬蕃庶晝日三接也象曰明出地上晉君子以自昭明德初六晉如摧如貞吉罔孚裕无咎象曰晉如摧如獨行正也裕无咎未受命也

張子全書卷之十

易說

九三〇二

居晉之初正必見摧故摧如不害於正吉也未孚於人或未見聽寬以居之乃无咎然初六有應在四居下援上未安其分故曰未受命也

六二晉如愁如貞吉受茲介福于其王母象曰受茲介福以中正也

進而无撓多失於肆故愁如乃吉六五以陰居尊故稱王母俱以柔中故受福可必也

六三衆允悔亡象曰衆允之志上行也

上歷九四不爲衆信則取悔可必若志應在上晉爲衆允則悔亡

九四晉如鼫鼠貞厲象曰鼫鼠貞厲位不當也

鼫鼠爲物貪而畏人體陽在進反據陰位故動止皆失與六三之義爲相反矣

六五悔亡失得勿恤往吉无不利象曰失得勿恤往有慶也

進而遇陽故失得不恤而吉也位不當必有悔獲吉則悔亡

上九晉其角維用伐邑厲吉无咎貞吝象曰維用伐邑道未光也

窮无所往故曰角居明之極其施未光而應尚狹持此以進伐邑討叛而邑危而幸吉以得无咎然終吝道也无可進而進不已惟伐邑於內而可矣如君子則知止也

### 明夷

明夷利艱貞象曰明入地中明夷內文明而外柔順以蒙大難文王以之利艱貞晦其明也內難而能正其志箕子以之

文王體一卦之用箕子以六五一爻之德文王難在外箕子難在內也

象曰明入地中明夷君子以莅衆用晦而明

不任察而不失其治也

初九明夷于飛垂其翼君子于行三日不食有攸往主人有言象曰君子于行義不食也

進應於上爲三所困故曰于飛垂翼君子避患當速勢不與抗退而遠行不遑暇食靜以自守非有所往之時也

六二明夷夷于左股用拯馬壯吉象曰六二之吉順以則也

與三同體三爲六應故曰夷于左股居中履順難不能及故曰用拯馬壯吉馬謂初九亦爲已用故

欲拯闇同

九三明夷于南狩得其大首不可疾貞象曰南狩之志乃大得也

九三進獲明夷之主故曰南狩得其大首

六四入于左腹獲明夷之心于出門庭象曰入于左腹獲心意也

與上六同爲一體故曰入于左腹與五親比故曰出門獲明夷之心蓋用柔履中其志相得故曰獲心意也

六五箕子之明夷利貞象曰箕子之貞明不可息也



雖近於闇然柔順履中間不能掩箕子之正也

上六不明晦初登于天後入于地象曰初登于天照四國也後入于地失則也

### 家人

家人利女貞象曰家人女正位乎內男正位乎外男女正天地之大義也家人有嚴君焉父母之謂也父父子子兄兄弟弟夫夫婦婦而家道正正家而天下定矣象曰風自火出家人君子以言有物而行有恒

家道之始始諸飲食烹飪故曰風自火出

家人道在於烹爨一家之政樂不樂平不平皆繫

張子全書卷之十

易說

十三

乎此

初九閑有家悔亡象曰閑有家志未變也

男處女下悔也

六二无攸遂在中饋貞吉象曰六二之吉順以巽也

九三家人嗃嗃悔厲吉婦人嘻嘻終吝象曰家人嗃

嗃未失也婦子嘻嘻失家節也

位爲過中則履非得宜與其慢也寧嚴

六四富家大吉象曰富家大吉順在位也

柔順在位故能長保其富

九五王假有家勿恤吉象曰王假有家交相愛也

有應在二得男女內外家道大正足以化成天下故王假之

上九有孚威如終吉象曰威如之吉反身之謂也以陽居尊故威如身修而家齊故終吉

### 睽

睽小事吉象曰睽火動而上澤動而下二女同居其志不同行說而麗乎明柔進而上行得中而應乎剛是以小事吉天地睽而其事同也男女睽而其志通也萬物睽而其事類也睽之時用大矣哉象曰上火下澤睽君子以同而異

張子全書卷之十

易說

十三

一於異則乖而不合故和而不同

初九悔亡喪馬勿逐自復見惡人无咎象曰見惡人以辟咎也

履睽之始悔也能以貴下賤故悔亡馬復屈下惡人能免於咎

九二遇主於巷无咎象曰遇主於巷未夫道也

守正居中故能求主於乖蹇之際不失其道乖睽

主有不可顯遇之時

六三見輿曳其牛掣其人天且劓无初有終象曰見輿曳位不當也无初有終遇剛也

輿曳位不當也无初有終遇剛也

乘剛遇敵與衛皆困

九四睽孤遇元夫交孚厲无咎象曰交孚无咎也  
也六五悔亡厥宗噬膚往何咎象曰厥宗噬膚往有  
慶也

二能勝三如噬膚耳何間已往

上九睽孤見豕負塗載鬼一車先張之弧後說之弧  
匪寇婚媾往遇雨則吉象曰遇雨之吉羣疑亡也

蹇

蹇利西南不利東北利見大人貞吉

蹇之世大人乃能成功

象曰蹇難也險在前也見險而能止知矣哉蹇利西

易說

十四

南往得中也不利東北其道窮也利見大人往有功  
也當位貞吉以正邦也蹇之時用大矣哉象曰山上  
有水蹇君子以反身脩德

見險能止然不可終止而已當見大人之德進之  
坤順致養之地則得其中若更退守艮止則難无  
時而解也故曰不利東北其道窮也至于解卦則  
曰其來復吉乃得中也與此互見矣蓋難在內外  
與震艮之動止則相反爾

初六往蹇來譽象曰往蹇來譽宜待也

蹇難之際用心存公无所偏係故舉美可獲

六二王臣蹇蹇匪躬之故象曰王臣蹇蹇終无尤也  
九三往蹇來反象曰往蹇來反內喜之也六四往蹇  
來連象曰往蹇來連當位實也

連順也序也蹇反當位正吉六四未能出險故可  
止而順序以俟難之解當位處陰之實

九五大蹇朋來象曰大蹇朋來以中節也

剛中之德為物所歸

上六往蹇來碩吉利見大人象曰往蹇來碩志在內  
也利見大人以從貴也

象曰蹇利西南

易說

十五

與解繇同義

解

解利西南无所往其來復吉有攸往夙吉象曰解險  
以動動而免乎險解解利西南往得衆也其來復吉  
乃得中也有攸往夙吉往有功也天地解而雷雨作  
雷雨作而百果草木皆甲拆解之時大矣哉象曰雷  
雨作解君子以赦過宥罪

難免人患散則得衆者吉往而不返則生他變有  
所往而不速將後于時也故无所往則靜吉有所  
往則速吉

初六无咎象曰剛柔之際義无咎也

險難方解未獲所安近比於二非其咎也

九二田獲三狐得黃矢貞吉象曰九二貞吉得中道也

險亂方解不正自疑之陰皆自歸附而順聽也故曰田獲三狐不以三狐自累上合于五則得黃矢之象也

六三負且乘致寇至貞吝象曰負且乘亦可醜也自我致戎又誰咎也

不正而近比二剛不能致一故有小人負乘之象

張子全書卷之十

易說

十六

貪以致寇也

九四解而拇朋至斯孚象曰解而拇未當位也

位不當則所履者邪故失位之陰因得駢附險亂即解解之則朋信當一作正

六五君子惟有解吉有孚于小人象曰君子有解小人退也

君子道亨則邪類之退必矣

上六公用射隼于高墉之上獲之无不利象曰公用射隼以解悖也

忘義而貪故以喻隼

損

損有孚元吉无咎可貞利有攸往曷之用二簋可用享象曰損損下益上其道上行損而有孚元吉无咎可貞利有攸往曷之用二簋可用享二簋應有時損剛益柔有時損益盈虛與時偕行象曰山下有澤損君子以懲忿窒欲

損下益上損剛益柔非可常行必有孚元吉无咎可貞然後利有所進故下云有時

初九已事遄往无咎酌損之象曰已事遄往尚合志也

張子全書卷之十

易說

十七

損剛益柔有時損不可過抑而居下有爲而然故事已則當速反於上與四合志損不以中未免於咎也

九二利貞征凶弗損益之象曰九二利貞中以爲志也

以陽居陰剛德已損故以征則凶能志於正則雖損非損其實受益

六三三人行則損一人一人行則得其友象曰一人行三則疑也

六三本爲上六與坤同體若連茹彙征三人並行

則反非益上之道也

六四損其疾使遄有喜无咎象曰損其疾亦可喜  
六三志應於上近不相得不固其路使速應於上  
則初九之應无所間阻故曰損其疾使彼有喜故  
已亦可喜而无咎也

六五或益之十朋之龜弗克遄元吉象曰六五元吉  
自上祐也

龜弗能違言受益之可必信然不疑也或益之上  
九自外來而比之况其下者乎

上九弗損益之无咎貞吉利有攸往得臣无家象曰

弗損益之大得志也

上九本爲九三雖爲損下其實上行故云弗損益  
之損終反益反如益卦損上而益下則可大得志  
至于得臣无家咎所有之多也以剛在上受下之  
益多矣故大川施損當反益於下故曰弗損益之  
益

益利有攸往利涉大川象曰益損上益下民說无疆  
自上下下其道大光利有攸往中正有慶利涉大川  
木道乃行益動而巽日進无疆天施地生其益无方  
凡益之道與時偕行象曰風雷益君子以見善則遷

有過則改

上巽下動者損上益下之道木以動而巽故利涉  
大川否卦九四下而爲初九故曰天施地生又曰  
損上益下又曰自上下下

初九利用爲大作元吉无咎象曰元吉无咎下不厚  
事也

以剛陽之德施益於下故利用大作然必元吉乃  
无咎也

六二或益之十朋之龜弗克遄永貞吉王用享于帝  
吉象曰或益之自外來也

或益之十朋之龜弗克遄言損上益下之道理不  
可易人皆信之雖十朋之龜亦不能違此道也往  
見損九五居中體柔蒙上之益修報於下亨帝之  
美莫盛此焉或益之必有自外來而益之者也  
六三益之用凶事无咎有孚中行告公用圭象曰益  
用凶事固有之也

中行者不私於應无所偏係也用心不私以拯凶  
難雖非王者之佐可以用之牧伯以爲藩屏之臣  
矣體躁居陽上有剛應持此施益用拯凶難乃其  
固能也故无咎可必然亦須執禮告上公而行方

合中道其曰告公者未足專進爲王者之志也  
六四中行告公從利用爲依遷國象曰告公從以益

志也  
以陰居陰體巽應卑持此施益可以爲依遷之國  
純用卑柔仍告上公見從方可用事无剛故也不  
足告王故曰告公

本爲初六寄位於四居陰體巽所趨在下以爲依  
遷之國人所容信然必中行不私然後可告必見  
從蓋上以益下爲心也

九五有孚惠心勿問元吉有孚惠我德象曰有孚惠  
心勿問之矣惠我德大得志也上九莫益之或擊之

立心勿恒凶象曰莫益之偏辭也或擊之自外來也  
體剛質巽志應在下位亢於上故立心勿恒或擊  
之反或益之之義爲文故又云自外來也

未嘗損已而云莫益之作易者因益卦而言爾

夬

夬揚于王庭孚號有厲告自邑不利即戎利有攸往  
益而不已必決故受之以夬

象曰夬決也剛決柔也健而說決而和揚于王庭柔  
乘五剛也孚號有厲其危乃光也告自邑不利即戎

所尚乃窮也利有攸往剛長乃終也

不可以必勝而忽慢故能矜慎則愈光也  
除惡務本故利有所進而後爲德乃終

象曰澤上於天夬君子以施祿及下居德則忌  
君子道長故非德之禁可以必行然不可恃令之  
行无恩以及下也

初九壯于前趾往不勝爲咎象曰不勝而往咎也  
言能慮勝而往則无咎

九二惕號莫夜有戎勿恤象曰有戎勿恤得中道也  
警懼申號能孚號而有厲也以必勝之剛決至危

之柔能自危慮雖有戎何恤能得中道故剛而不  
暴

九三壯于頄有凶君子夬夬獨行遇雨若濡有愠无  
咎象曰君子夬夬終无咎也

九三以陽居陽進決於上是壯于頄也不得中道  
過壯或凶故曰有凶君子明於事幾能夬於用夬  
進而緩之以善其終不假用衆故曰獨行使之悅

從故曰遇雨若濡君子之心終  
雖其有愠於正无害故无咎  
餘裕終不爲咎也  
故必有愠  
君子之道綽然

九四臂无膚其行次且牽羊悔亡聞言不信象曰其行次且位不當也聞言不信聰不明也

一陰在上衆陽爭趨三其正應已獨乘之故行止皆凶牽羊者必讓而先之則力也易溺於所趨必不能用故曰聞言不信溺於心者聽必不聰九五莧陸夬夬中行无咎象曰中行无咎中未光也陽近於陰不能无累故必正其行然後免咎上六无號終有凶象曰无號之凶終不可長也

姤

姤女壯勿用取女象曰姤遇也柔遇剛也勿用取女不可與長也天地相遇品物咸章也剛遇中正天下大行也姤之時大矣哉

非中爻不能備卦德故曰剛遇中正

象曰天下有風姤后以施命誥四方

上所以用柔於下者誥令莫大焉

初六繫于金柅貞吉有攸往見凶羸豕孚蹢躅象曰繫于金柅柔道牽也

金柅二物也處姤之時不牽於近則所往皆凶孚信也豕方羸時力未能動然至誠在於蹢躅得申則申矣如李德裕處置閹宦徒知其帖息威伏而

忽於志不忘逞照察之不至則失其幾也

九二包有魚无咎不利賓象曰包有魚義不及賓也九三臂无膚其行次且厲无大咎象曰其行次且行未牽也

行而无所與遇故曰行未牽也進退无所係也九四包无魚起凶象曰无魚之凶遠民也九五以杞包瓜含章有隕自天象曰九五含章中正也有隕自天志不舍命也

杞之爲物根固於下瓜之爲實潰必自內九五以中正剛健含章宅尊而遇陰柔浸長之時厚下安宅潰亂是防盡其人謀而聽天命者也以杞包瓜文王事紂之道厚下以防中潰盡人謀而聽天命者歟

上九姤其角吝无咎象曰姤其角上窮吝也

窮不知變吝之道也

萃

萃亨王假有廟利見大人亨利貞用大牲吉利有攸往

姤者遇也物相遇而後聚故受之以萃與渙卦義同故繇詞互見

萃而不見大人之德吝道也

彖曰萃聚也順以說剛中而應故聚也王假有廟致孝享也利見大人亨聚以正也用大牲吉利有攸往順天命也觀其所聚而天地萬物之情可見矣象曰澤上於地萃君子以除戎器戒不虞

聚而致享必有廟乃盡其實

聚而不見大人之德吝道也

聚不以正私邪勝也

富聚之世順天之命用大牲有所進爲宜

散而通之順天命而不凝於物也

張子全書卷之十

易說

三五三

初六有孚不終乃亂乃萃若號一握爲笑勿恤往无咎象曰乃亂乃萃其志亂也

萃聚之世物各以近相求所處遠者雖有其應不能專一初六履不以中萃而志亂故爲衆輕侮若能啼號齋咨專一其守不恤衆侮則往而无咎

六二引吉无咎孚乃利用禴象曰引吉无咎中未變也

物思其聚之時能自持不變引而後往吉乃无咎凡言利用禴皆誠素著白於幽明之際未孚而略禮則神怒而民怨

六三萃如嗟如无攸利往无咎小吝象曰往无咎上巽也九四大吉无咎象曰大吉无咎位不當也

位非極顯而有物之萃非大吉則悔吝必矣

九五萃有位无咎匪孚元永貞悔亡象曰萃有位志未光也

居得盛位不能見以大人之德係應於二故曰有位履非不正故无咎然非君人之大信爲德非厚不能无悔故元永貞而後悔亡

上六齋咨涕洟无咎象曰齋咨涕洟未安上也

以陰居上極物之萃非所堪也

張子全書卷之十

易說

三五五

升

升元亨用見大人勿恤南征吉象曰柔以時升巽而順剛中而應是以大亨用見大人勿恤有慶也南征吉志行也象曰地中生木升君子以順德積小以高大

萃者聚也聚而上者謂之升故受之以升

乾之九二利見大人而以時之止升之九二有六五配合之慶故可見大人之德南征而勿恤也

初六允升大吉象曰允升大吉上合志也允信也自信於已與上合志而升

九二孚乃利用禴无咎象曰九二之孚有喜也

與萃六二同

九三升虛邑象曰升虛邑无所疑也

上皆陰柔往无所疑

六四王用亨于岐山吉无咎象曰王用亨于岐山順事也六五貞吉升階象曰貞吉升階大得志也

柔中極尊不拒來者使物皆階已而升正而且吉志宜大獲也易所謂得志者聖賢獲其願欲得臣无家堯之志也貞吉升階舜之志也

上六冥升利于不息之貞象曰冥升在上消不富也

張子全書卷之十

易說

三六

困

困亨貞大人吉无咎有言不信象曰困剛揜也險以說困而不失其所亨其唯君子乎貞大人吉以剛中也言不信尚口乃窮也象曰澤无水困君子以致命遂志

升而不已必困故受之以困困於險下柔不自振非窮而能亨致命遂志者也

初六臀困于株木入于幽谷三歲不覿象曰入于幽谷幽不明也

處困者正乃无咎居非得中故幽而不明

九二困于酒食朱紱方來利用享祀征凶无咎象曰困于酒食中有慶也

困危之際物思所附九二以剛居中正大人之吉上下交說不施聰明美物方至然未可有為故以祭則吉以征則凶征雖或凶於義无咎際一作世

六三困于石據于蒺藜入于其宮不見其妻凶象曰據于蒺藜乘剛也入于其宮不見其妻不祥也九四來徐徐困于金車吝有終象曰來徐徐志在下也雖不當位有與也

心有偏係吝也以陽履柔故有終

張子全書卷之十

易說

三十三

九五劓刖困于赤紱乃徐有說利用祭祀象曰劓刖志未得也乃徐有說以中直也利用祭祀受福也

以陽居陽處困以剛威怒以求物之來是反為赤紱所困者也與九二之義反矣苟能徐以俟之乃心有說故曰乃徐有說物既自至以事鬼神然後福可致焉處困用中可以不失其守而已故言利用祭祀然非有為之時也

上六困于葛藟于臲臲曰動悔有悔征吉象曰困于葛藟未當也動悔有悔吉行也

處困之極重剛在下不得其肆居非所安舉則招



悔取捨皆咎故行然後吉一云動悔有悔猶云動悔之悔也

### 井

井改邑不改井无喪无得往來井井汜至亦未繙井羸其瓶凶彖曰巽乎水而上水井井養而不窮也改邑不改井乃以剛中也汜至亦未繙井未有功也羸其瓶是以凶也象曰木上有水井君子以勞民勸相養而不窮莫若勞民而勸相也

初六井泥不食舊井无禽象曰井泥不食下也舊井无禽時舍也九二井谷射鮒甕敝漏象曰井谷射鮒

張子全書

卷之十

易說

天

三百三十四

无與也九三井渫不食爲我心恻可用汲王明並受其福象曰井渫不食行恻也求王明受福也

井以既出爲功井道之成在於上六三其正應而又以陽居陽克滿可汲爲五所間功不上施故爲我心惻然若上六明於照物則上下遠邇皆獲其利井渫不食強施行惻然且不售作易者之歎歎六四井甃无咎象曰井甃无咎修井也

无應於上无敝漏於下故但免咎而已

九五井冽寒泉食象曰寒泉之食中正也

井冽寒泉美而可汲者也剛中之德爲衆所利

### 革

上六井收勿幕有孚元吉象曰元吉在上大成也

革已日乃孚元亨利貞悔亡彖曰革水火相息二女同居其志不相得曰革已日乃孚革而信之文明以說大亨以正革而當其悔乃亡天地革而四時成湯武革命順乎天而應乎人革之時大矣哉象曰澤中有火革君子以治歷明時初九鞶用黃牛之革象曰鞶用黃牛不可以有爲也

賤而无應非大亨以正之德中堅自守不可有爲六二已日乃革之征吉无咎象曰已日革之行可嘉也

張子全書

卷之十

易說

天

三百三十五

俟上之唱革而往應柔中之德所之乃吉

九三征凶貞厲革言三就有孚象曰革言三就又何之矣

以文明炎上剛陽之德進而之兌兌內柔外剛勢窮必反故以征則凶能守正戒懼文命告之此三革言彼三從命必然可信之理也一云征則雖正而危

九四悔亡有孚改命吉象曰改命之吉信志也約已居陰心无私係革而必當見孚於衆改命

始信已可行故吉

九五大人虎變未占有孚象曰大人虎變其文炳也  
以剛居尊說而唱下爲衆所覩其文炳然不卜而  
孚望而可信下觀而化革著盛焉

大人虎變夫何疾之有

虎變文章大故明豹變文章小故蔚

上六君子豹變小人革面征凶居貞吉象曰君子豹  
變其文蔚也小人革面順以從君也

以柔爲德不及九五剛中炳明故但文章蔚縟能  
使小人改觀而從也

張子全書

卷之十

易說

三十

三言子

盛德之容顏孟以上始可以觀若顏子變則必大  
變卽大人虎變虎變則其文至也如此則不待占  
而有信君子所至之分以致文則足以爲班班之  
縟革面而聽命已不敢犯此所謂盡飾之道斯行  
者遠矣然猶是就小成上以致其文顏子地位於  
豹變已爲褻就未必肯於此發見此所以如愚愚  
雖是於吾言无所不說然必夫子省其私始知不  
愚察其人焉惟是徇內尚質爾然發則不小發大  
抵止乃有光明艮曰時止則止時行則行其道光  
明形則著著則明必能止則有光明今作事特未

決蓋非止也止乃決爲然後就其上文章顏子曰  
其進未見其止未止故未發見其所止又必欲如  
所期蓋未見夫子着心處故未肯止是之謂隱而  
未見行而未成是以勿用學者至此地位亦必如  
愚然顏子學舉措亦无不致文中節處自是謂博  
我以文則文豈不足但顏子不以爲意所謂有若  
无實若虛也有顏子之心則不爲顏子之文可也

鼎

鼎元吉亨象曰鼎象也以木巽火亨飪也聖人亨以  
享上帝而大亨以養聖賢巽而耳目聰明柔進而上

張子全書

卷之十

易說

三十

三言子

行得中而應乎剛是以元亨象曰木上有火鼎君子  
以正位凝命

正始而取新莫先於正位而定命也

初六鼎顛趾利出否得妾以其子无咎象曰鼎顛趾  
未悖也利出否以從貴也

柔牽於上必有義乃可鼎顛趾必出否妾從子貴  
必以有子乃不悖於義也

九二鼎有實我仇有疾不我能卽吉象曰鼎有實慎  
所之也我仇有疾終无尤也

以陽居中故有實實而與物競則所害多矣故所

之不可不慎也我仇謂三也三爲革爲塞固已路而爲患者也使其有疾而不能加我則美實可保而吉可致也然四亦惡三三常懼焉是有疾而无尤也

九三鼎耳革其行塞雉膏不食方雨虧悔終吉象曰鼎耳革失其義也

耳革行塞處二陽之間上下俱實也上下革塞則雖有美實而不見取若二使應五四使應初則其悔可虧故曰方雨虧悔能終不固塞其路則吉可召也革塞之則失其義矣以陽居陽承乘皆剛悔

也有九四之革其行不得上通此鼎耳之失義也

九四鼎折足覆公餗其形渥凶象曰覆公餗如何也六五鼎黃耳金鉉利貞象曰鼎黃耳中以爲實也

居中故其耳黃體柔故其鉉金柔故利於貞一作利於

正勁

上九鼎玉鉉大吉无不利象曰玉鉉在上剛柔節也

以剛居上能貞潔如玉以成鼎道不牽陰柔以固其節則吉无不利鼎象也足陰腹陽耳虛鉉剛故

曰剛柔節也

震

震亨震來虩虩笑言啞啞震驚百里不喪七鬯象曰震亨震來虩虩恐致福也笑言啞啞後有則也震驚百里驚遠而懼邇也出可以守宗廟社稷以爲祭主也象曰洊雷震君子以恐懼修省

此卦純以君出子在而言則震之體全而用顯故曰出可以守宗廟社稷不雜言君父共國之時也初九震來虩虩後笑言啞啞吉象曰震來虩虩恐致福也笑言啞啞後有則也六二震來厲億喪貝躋于九陵勿逐七日得象曰震來厲乘剛也

初動而之上故曰躋于九陵億必也

六三震蘇蘇震行无眚象曰震蘇蘇位不當也蘇蘇亦索索之義處非其地故危困不一能懼而改行則无眚矣

九四震遂泥象曰震遂泥未光也

處衆陰之中爲衆附比剛陽之德而以位陰故泥而未光也

六五震往來厲億无喪有事象曰震往來厲危行也其事在中大无喪也

懼往亦厲懼來亦厲能行已以危則富貴可保故曰无喪有事猶云不失其所有也以其乘剛故危

以其在中故无喪禍至與不至皆懼則无喪有事

一有云懼陰之中

上六震索索視矍矍征凶震不于其躬于其鄰无咎  
婚媾有言象曰震索索中未得也雖凶无咎畏鄰戒也

危以動懼以語无交而求則民弗與也故以征則凶能以鄰爲懼則可免咎鄰謂五也五既附四已或與焉則招悔而有言矣能以鄰爲戒不待及身而戒則无咎

艮

艮其背不獲其身行其庭不見其人无咎

易說

三五

雖處喧闐亦无害於爲學有人於此或日月而至焉亦有終日而不至者及其久也去者常少若居於家聞嬰孩之啼則有不忍之心聞奴婢喧戾則猶有不容之意至於市井紛囂一不與我事何傷於存誠養志易曰艮其背不獲其身行其庭不見其人无咎夫入他人之庭不見其人可止也艮其背至近於人也然且不見以其上下无應也時止則止時行則行動靜不失其時其道光明學者必時其動靜則其道乃不蔽昧而明白今人從學之

久不見進長正以莫識動靜見他人擾擾非關已事而所修亦廢由聖學觀之冥冥悠悠以是終身謂之光明可乎

象曰艮止也時止則止時行則行動靜不失其時其道光明艮其止止其所也上下敵應不相與也是以不獲其身行其庭不見其人无咎也

易言光明者多艮之象著則明之義也

象曰兼山艮君子以思不出其位

位所安之分也如素夷狄行乎夷狄素患難行乎患難

患難

艮其趾无咎利永貞象曰艮其趾未失正也六

易說

三五

二艮其腓不拯其隨其心不快象曰不拯其隨未退聽也

腓體之隨也不能禁其趾而徒止其腓腓所未聽

故心不能快

九三艮其限列其夤厲薰心象曰艮其限危薰心也

一身而動止中列危至薰心

六四艮其身无咎象曰艮其身止諸躬也

止於心故能艮其身咸之九四朋從爾思義近之

六五艮其輔言有序悔亡象曰艮其輔以中正也

不能施止於心而能止其言故悔可亡也

上九敦艮吉象曰敦艮之吉以厚終也

漸

漸女歸吉利貞象曰漸之進也女歸吉也進得位往有功也進以正可以正邦也其位剛得中也止而巽動不窮也

漸者天地之施交女歸吉進得位皆指六四施一作始

象曰山上有木漸君子以居賢德善俗

居可久之德難從无徵之德君子不以責人君子以賢德自居不強率人待其心回故善俗自然作

張子全書卷之十

易說

三五七

不可推行无微難從之德

初六鴻漸于干小子厲有言无咎象曰小子之厲義无咎也

鴻爲水鳥漸進之始出至于干鴻鵠之志非小子所量見其出陸爭欲危之且疑其所處非君子信已而行義无咎也

六二鴻漸于磐飲食衎衎吉象曰飲食衎衎不素飽也

衎衎和樂貌飲食和樂不徒飽而已言獲志之多也

九三鴻漸于陸夫征不復婦孕不育凶利禦寇象曰夫征不復離羣醜也婦孕不育失其道也利用禦寇順相保也

漸卦九三六四易位而居三離上卦四離下體故曰夫征不復婦孕不育然相與之固物莫能間故利用禦寇也征不復者變爲艮且得位也如六四之得桷三四非正合故曰失其道也

六四鴻漸于木或得其桷无咎象曰或得其桷順以巽也

木非鴻所居如四之易位而在上也然本坤之爻進而爲巽故或得其桷居之可安也順巽則衆所與也故得所安

九五鴻漸于陵婦三歲不孕終莫之勝吉象曰終莫之勝吉得所願也上九鴻漸于陸其羽可用爲儀吉象曰其羽可用爲儀吉不可亂也

无應於下羽繁无汗且處於高故曰漸陸

歸妹

歸妹征凶无攸利象曰歸妹天地之大義也天地不交而萬物不興歸妹人之終始也說以動所歸妹也征凶位不當也无攸利柔乘剛也

泰之九三進而在四六四降而在三故曰天地之大義也然泰道將終征將爲否故曰凶

三五皆乘剛必退反乃吉

歸妹與革均是澤爲大卦義不相干故革具四德而歸妹初不言德也妹者是少女之稱也對長男而言之故言少女先儒爲姪娣之義於卦不見於爻辭則有君與娣之稱長男而與長女是人之常也少女而與少男是人之感也說以動湏是歸妹聖人直是盡人情

象曰澤上有雷歸妹君子以永終知敝

張子全書卷之十

易說

三十八三百五

永常禮之終知人情之敝

初九歸妹以娣跛能履征吉象曰歸妹以娣以恒也跛能履吉相承也

陽處於上不可不隨故征吉以兌應震合卦之義常道也爻爲陽故能履非匹故跛

九二眇能視利幽人之貞象曰利幽人之貞未變常也

震動乎上雖匹而不至所以眇陽中故能視不援上幽人之正也

六三歸妹以湏反歸以娣象曰歸妹以湏未當也

三陰本彙征在上今六三反下而爲兌故曰歸妹以湏反歸以娣女當待年于家今待年夫家而反歸故曰未當

九四歸妹愆期遲歸有時象曰愆期之志有待而行也

九四當速交而爲泰今獨後者三有所待也故曰愆期

六五帝乙歸妹其君之袂不如其娣之袂良月幾望吉象曰帝乙歸妹不如其娣之袂良也其位在中以貴行也

張子全書卷之十

易說

三十九三百四十七

歸妹交泰之事備矣與泰六五同又於此見爲之戒也以其貴行故戒其滿以幾望一作又於此見新故

上六女承筐无實士刲羊无血无攸利象曰上六无實承虛筐也

上六與六三皆陰故士女无實

豐亨王假之勿憂宜日中

象曰豐大也明以動故豐王假之尚大也勿憂宜日

中宜照天下也日中則昃月盈則食天地盈虛與時消息而況於人乎況於鬼神乎

月盈則食中弦盈之極也此人鬼所以惡盈禍盈也

象曰雷電皆至豐君子以折獄致刑

盛明如天大之至也動於上而明於下故折獄致

刑民不惑矣

初九遇其配主雖旬无咎往有尚象曰雖旬无咎過旬災也

所之在進光大其宜也故往而有尚非均是陽爻

則部暗之災與六二疑疾无以異也

六二豐其蔀日中見斗往得疑疾有孚發若吉象曰有孚發若信以發志也

凡言往者皆進而之上也初進而上則遇陽而有

尚二既以陰居陰而又所應亦陰故往无所發愈增疑疾能不私於累信然接物乃吉宜日中而所

應得陰故曰見斗五在君位故以斗喻夜見之象

九三豐其沛日中見沬折其右肱无咎象曰豐其沛不可大事也折其右肱終不可用也

所應在陰故曰豐沛能折其右肱絕去上六而不

累其明則可免咎也光大之上陰柔之終不可用也

九四豐其蔀日中見斗遇其夷主吉象曰豐其蔀位不當也日中見斗幽不明也遇其夷主吉行也

无應於下近比於五故亦云見斗正應亦陽故云夷主

夷主

六五來章有慶譽吉象曰六五之吉有慶也

來章反比陽則明也有慶得配於四也

上六豐其屋蔀其家闕其戶聞其无人三歲不覿凶象曰豐其屋天際翔也闕其戶聞其无人自藏也

豐屋蔀家自蔽之甚猶大明之世而夷墨其行窮大而失居者也處上之極不交於下而居動之末

故曰天際翔也

旅

旅小亨旅貞吉象曰旅小亨柔得中乎外而順乎剛

止而麗乎明是以小亨旅貞吉也旅之時義大矣哉

象曰山上有火旅君子以明慎用刑而不留獄初六旅瑣瑣斯其所取災象曰旅瑣瑣志窮災也

瑣瑣不能致命遂志身窮而志卑也冗細其所為

取災之道也

六二旅即次懷其資得童僕貞象曰得童僕貞終元尤也

居得位即次之義得三之助故曰懷其資下有一陰无所係累故曰得童僕貞

九三旅焚其次喪其童僕貞厲象曰旅焚其次亦以傷矣以旅與下其義喪也

以陽居陽其志亢也旅而驕亢焚次宜也下比二陰喪其御下之正危厲之道

九四旅于處得其資斧我心不快象曰旅于處未得位也得其資斧心未快也

張子全書

卷之一

易說

四三言。三

以陽居陰旅于處也所應在初初爲瑣瑣志窮卑下不能大助於已但得其資斧之用而已志未有所得故其心不快

六五射雉一矢亡終以譽命象曰終以譽命上逮也四處陰應下堅介難致雉之象也以力致之徒喪其矢喪矢喪其直也文明居中必不失其直當終得譽美

上九鳥焚其巢旅人先笑後號咷喪牛于易凶象曰以旅在上其義焚也喪牛于易終莫之聞也

以陽極上旅而驕肆者也失柔順之正故曰喪牛

于易易肆也肆怒而忤物雖有凶危其誰告之故曰終莫之聞也

巽

巽小亨利有攸往利見大人彖曰重巽以申命剛巽乎中正而志行柔皆順乎剛是以小亨利有攸往利見大人象曰隨風巽君子以申命行事初六進退利武人之貞象曰進退志疑也利武人之貞志治也體柔居下在巽之始謙抑過中故施于武人之貞則適得其宜進退者柔不自決之象也

九二巽在牀下用史巫紛若吉无咎象曰紛若之吉得中也

張子全書

卷之十

易說

四三言。三

以陽居陰其志下比无應於上故曰巽在牀下然不失中道下爲之用故史巫紛若樂爲之使吉而无咎非如上九喪其資斧史巫論虛華過實者言不失中道則樂盡其誠者衆矣

九二頻巽吝象曰頻巽之吝志窮也

三處陽剛失巽之道乘剛而動頻吝所宜志在比物故吝如復之六三志窮也

六四悔亡田獲三品象曰田獲三品有功也

柔順之德以陰居位雖或乘剛悔終可亡近比於



五不爲諂妄而又二三并爲所獲不私其累而樂爲已用田獲之類也使三陽見獲四之功也

九五貞吉悔亡无不利无初有終先庚三日後庚三日吉象曰九五之吉位正中也

解見蠱卦志不以正則將有悔先庚三日讓始也後庚三日有終也雖體陽居尊无應於下故不可爲事之唱乃吉不著於繇辭者巽非憂患之時故也

上九巽在牀下喪其資斧貞凶象曰巽在牀下上窮也喪其資斧正乎凶也

柔巽過極難爲之下物不爲用故曰喪其資斧凶資斧尚喪餘用殫矣

兌

兌亨利貞象曰兌說也剛中而柔外說以利貞是以順乎天而應乎人說以先民民忘其勞說以犯難民忘其死說之大民勸矣哉象曰麗澤兌君子以朋友講習初九和兌吉象曰和兌之吉行未疑也

以陽居下无所比附出門同人行自信者也

九二孚兌吉悔亡象曰孚兌之吉信志也

私係於近悔也誠於接物信而不妄吉且悔亡

六三來兌凶象曰來兌之凶位不當也九四商兌未寧介疾有喜象曰九四之喜有慶也

通其邪佞使進而上則小人道長而不寧以諂爲疾而拒外之則終不失其得偶之慶也

九五孚于剝有厲象曰孚于剝位正當也

說六三之進則是孚于剝近危之道也故處乎盛位者佞不可親也當正位而進小人信乎剝之道也

上六引兌象曰上六引兌未光也

與三爲類而引升之雖不傷類然未足多也

渙

渙亨王假有廟渙然後聚道乃久故王假有廟互見

萃王假有廟渙然後聚道乃久故王假有廟互見於此凡言有廟者聚道之極也

象曰渙亨剛來而不窮柔得位乎外而上同王假有廟王乃在中也利涉大川乘木有功也象曰風行水上渙先王以享于帝立廟

財散則民聚王乃在渙中之一也

初六用拯馬壯吉象曰初六之吉順也

處險之下故必用拯无應於上順比九二之剛拯

而馬壯其吉宜也

九二渙奔其机悔凶象曰渙奔其机得願也

奮於險中進而之前則難解悔凶故曰奔其机三四皆險故曰得願若退累於初則險不能出其悔終存

六三渙其躬无悔象曰渙其躬志在外也

援上而進惟求自脫于險无悔而已非能及物者也

六四渙其群元吉渙有丘匪夷所思象曰渙其群元吉光大也

張子全書

卷之十

易說

四十六三百六十五

已處險外无私其應常以拯衆爲心則其志光大獲吉若志在所歸之地近累于五則非能平均其慮者也

九五渙汗其大號渙王居无咎象曰王居无咎正位也

爲渙之主使物徧被其澤正位凝命可以免咎不私於應故能均布其大號也渙然廓大以王道自居乃无咎

上九渙其血去逖出无咎象曰渙其血遠害也乘剛在上若係于三害不可免能絕棄陰類遠去

其難則可免咎

節

節亨苦節不可貞象曰節亨剛柔分而剛得中苦節不可貞其道窮也說以行險當位以節中正以通天地節而四時成節以制度不傷財不害民象曰澤上有水節君子以制數度議德行

以苦節爲貞其道之窮必矣

初九不出戶庭无咎象曰不出戶庭知通塞也

見塞於九二故不出

九二不出門庭凶象曰不出門庭凶失時極也

張子全書

卷之十

易說

四十七

三百六十六

體柔位陰故不出門庭凶

六三不節若則嗟若无咎象曰不節之嗟又誰咎也處非其位失節也然能居不自安則人將容之故无咎兌說也故能嗟咨取容

王弼於此无咎又別立一例只舊例亦可推行但能嗟其不節有過之心則亦无咎也若武帝下罪已之詔而天下悅大人過既改則復何咎之有六四安節亨象曰安節之亨承上道也九五甘節吉往有尚象曰甘節之吉居位中也

以剛居中得乎盛位優爲其節者也守之不懈富

貴常保故曰往有尚

上六苦節貞凶悔亡象曰苦節貞凶其道窮也

處險之極故曰苦節苦節而不正悔也必正而凶則道雖窮而悔亡苦節反若獲吉取悔必多

中孚

中孚豚魚吉利涉大川利貞象曰中孚柔在内而剛得中說而巽孚乃化邦也豚魚吉信及豚魚也利涉大川乘木舟虛也中孚以利貞乃應乎天也象曰澤上有風中孚君子以議獄緩死

中孚上巽施之下悅承之其中必有感化而出焉

張子全書

卷之十

易說

四

三

者蓋孚者覆乳之象有必生之理信且正天之道也

初九虞吉有他不燕象曰初九虞吉志未變也

爲信之始其信未孚而志應在四進有二三剛柔

之間非以禮自防使爲衆所信取悔之道也故必

防其萌使志不亂孚交如則威如乃吉

九二鳴鶴在陰其子和之我有好爵吾與爾靡之象

曰其子和之中心願也

居中體巽无所私係德必有鄰物願所歸位以德

致爲五所任故曰與爾靡之靡偃也順從之也

六三得敵或鼓或罷或泣或歌象曰或鼓或罷位不當也

處非所安物之所惡剛而乘之柔不相比進退之

際惟敵是求不恒其德莫非已致一作惟敵是得故求之云云

六四月幾望馬匹亡无咎象曰馬匹亡絕類上也

誠以接物體巽居柔陰德之盛美者也陰德盛美

物所願交故必一其所應絕類於上使陰不疑陽

如月近望而不過於盈可以无咎一作免咎

九五有孚攣如无咎象曰有孚攣如位正當也

處乎盛位而信不交物未免於咎也

張子全書

卷之十

易說

四

三

上九翰音登于天貞凶象曰翰音登于天何可長也

處信之極好居物上信而无實窮上必凶一云將變而爲小過也

小過

小過亨利貞可小事不可大事飛鳥遺之音不宜上

宜下大吉象曰小過小者過而亨也過以利貞與時

行也柔得中是以小事吉也剛失位而不中是以不

可大事也有飛鳥之象焉飛鳥遺之音不宜上宜下

大吉上逆而下順也

時宜用過雖過正也

失其所安者必矯其所爲以求安過於自大其勢必危過於自損可以獲吉故曰上逆而下順飛鳥之象

象曰山上有雷小過君子以行過乎恭喪過乎哀用過乎儉

過恭哀儉皆宜下之義

初六飛鳥以凶象曰飛鳥以凶不可如何也六二過其祖遇其妣不及其君遇其臣无咎象曰不及其君臣不可過也

與其上比於陽不若下過於陰與其上合於五不

張子全書

卷之十

易說

五十一

若退附於初宜下之義也无應於上故能免咎臣

居已下猶不可過况其它乎

九三弗過防之從或戕之凶象曰從或戕之凶如何也

居陽以剛而應於上爲衆所疾非過爲防慎人或戕之凶之甚也

九四无咎弗過遇之往厲必戒勿用永貞象曰弗過遇之位不當也往厲必戒終不可長也

道非剛亢故无咎有應於下故曰弗過遇之過此以往難无以除故危而必戒不可常然故勿用永

貞一云九四以陽居陰而乘九三之剛非其過也乃適與之遇爾故无咎若率是而往必危以爲戒終不可久故勿用永正當思奮爾

六五密雲不雨自我西郊公弋取彼在穴象曰密雲不雨已上也

不能畜剛止健凡言自我西郊進而不已也柔得中小事吉故曰公弋取彼在穴非及物之功且不

能摧敵止暴也三止於下隱伏之象故曰在穴小過有飛鳥之象故因曰取彼在穴雨必蒸聚自下

而上則其潤澤周普今日西而東趨其所應其施

張子全書

卷之十

易說

五十二

未光也已上亦尚往之義

上六弗過過之飛鳥離之凶是謂災眚象曰弗遇過之已亢也

不宜上而上乃自取之災也

既濟

既濟亨小利貞初吉終亂象曰既濟亨小者亨也利貞剛柔正而位當也初吉柔得中也終止則亂其道窮也象曰水在火上既濟君子以思患而豫防之

逼其變然後可久故止則亂也初九曳其輪濡其尾无咎象曰曳其輪義无咎也六

二婦喪其弗勿逐七日得象曰七日得以中道也九三高宗伐鬼方三年克之小八勿用象曰三年克之德也

上六險而應此處卦之未濟以終亂者也故以比鬼方九三以陽居陽文明而正故用師雖久困而必克小人用之取亡之道也

六四繻有衣袽終日戒象曰終日戒有所疑也九五東鄰殺牛不如西鄰之禴祭實受其福象曰東鄰殺牛不如西鄰之時也實受其福吉大來也

東鄰上六也西鄰六四也過於濟厚也幾於中時也濟而合禮雖薄受福九五既濟之主舉上與下其義之得不言而著也

上六濡其首厲象曰濡其首厲何可久也

### 未濟

未濟亨小狐汔濟濡其尾无攸利象曰未濟亨柔得中也小狐汔濟未出中也濡其尾无攸利不續終也雖不當位剛柔應也象曰火在水上未濟君子以慎辨物居方初六濡其尾吝象曰濡其尾亦不知極也九二曳其輪貞吉象曰九二貞吉中以行正也六三未濟征凶利涉大川象曰未濟征凶位不當也

有強援於上故利涉大川非義與進凶之道也九四貞吉悔亡震用伐邑方三年有賞于大國象曰貞吉悔亡志行也

剛陽之德迫近至尊非正而吉悔所招也初處險中叛而未一奮動討伐其勢必克堪上之任是以有賞

六五貞吉无悔君子之光有孚吉象曰君子之光其暉吉也上九有孚于飲酒无咎濡其首有孚失是象曰飲酒濡首亦不知節也

飲酒而至於濡首不節之甚也其必失此樂也有

原缺

張子全書卷之十一

方後學嘉興徐必達校正

易說下

繫辭上

天尊地卑乾坤定矣卑高以陳貴賤位矣

先分天地之位乾坤立則方見易故其事无非易也所以先言天地乾坤易之門戶也不言高卑而曰卑高者亦有義高以下為基亦是人先見卑處然後見高也

不見兩則不見易

物物象天地

張子全書卷之十一

易說

一

不曰天地而乾坤云者言其用也乾坤亦何形猶言神也人鮮識天天竟不可方體姑指日月星辰處視以為天陰陽言其實乾坤言其用如言剛柔也乾坤則所包者廣

動靜有常剛柔斷矣

動靜陰陽性也剛柔其體未必形

靜專動直不為物累則其動靜有常不牽制於物也然則乾為剛果斷然不疑矣一作著

天地動靜之理天圓須動轉地方則須安靜

在天成象在地成形變化見矣

有形有象然後知變化之驗是故剛柔相摩

以人言之喘息是剛柔相摩氣一出一入上下相摩錯也於鼻息見之人自鼻息相摩以蕩於腹中物既消燂氣復升騰

乾知大始坤作成物乾以易知坤以簡能

天地雖一物理須從分別大始者語物之始乾全體之而不遺故无不知也知之先者蓋莫如乾成物者物既形矣故言作已入於形氣也初未嘗有地而乾漸形不謂知作謂之何哉然而乾以不求

張子全書卷之十一

易說

二

知而知故其知也速坤以不為而為故其成也廣易則易知簡則易從易知則有親易從則有功有親則可久有功則可大可久則賢人之德可大則賢人之業易簡而天下之理得矣天下之理得而成位乎其中矣此皆言人體天地之德然也可久者以久遠推行可大者其得體也大凡語道理之徒道達不已竟亦何所求推行及民故以賢人措諸事業而言易簡理得而成乎天地之中蓋盡人道並立乎天地以成三才則是與天地參矣但盡人道理自當耳不必受命仲尼之道豈不可以參

天地

言知者知而已言能者涉於形氣能成物也易則易知易知則有親今夫虎豹之爲物豢之雖馴人亦不敢遂以親狎爲其難測惟其平易則易知易信信則人任焉以其可信人斯委任故易以有功矣道體至廣所以有言易有言小有言大无乎不在

坤至柔而動也剛乃積大勢成而然爾乾至健无體爲感速故易知坤至順不煩其施普故簡能志大則才大事業大故曰可大又曰富有志久則氣久德性久故曰可久又曰日新德業不可久不可大不足謂之賢况可謂之聖乎

易簡理得則知幾知幾然後經可正天下達道五其生民之大經乎經正則道前定事豫立不疑其所行利用安身之要莫先焉

成位乎其中與天地合其德

聖人設卦觀象繫辭焉而明吉凶剛柔相推而生變化是故吉凶者失得之象也悔吝者憂虞之象也變化者進退之象也剛柔者晝夜之象也六爻之動三極之道也

吉凶者失得之著也變化者進退之著也設卦繫辭所以示其著也吉凶變化悔吝剛柔易之四象歟悔吝由羸不足而生亦兩而已變化進退之象云者進退之動也微必驗之於變化之著故察進退之理爲難察變化之象爲易六爻盡利而動所以順陰陽剛柔仁義性命之理也故曰六爻之動三極之道也

是故君子所居而安者易之序也

序猶言分也易之中有貴有賤有吉有凶皆其自然之分也所居皆安之君子安分也

所樂而玩者爻之辭也

言君子未嘗須臾學不在易玩玩習也每讀則每有益所以可樂

動則觀其變而玩其占

占非卜筮之謂但事在外可以占驗也觀乎事變斯可以占矣蓋居則觀其象而玩其辭此所以動則觀其變而玩其占也

象者言乎其象也

象謂一卦之質

齊小大者存乎卦

卦有稱名至小而與諸卦均齊者各著其義也  
稱名小而取類大也

辨吉凶者存乎辭

欲見小疵者必存乎辭

憂悔吝者存乎介

悔吝吉凶之萌惟介於石者能見幾而作

憂悔吝者存乎介欲觀易象之小疵宜存志靜知  
所動之幾微也靜知一作靜志

震无咎者存乎悔

凡言无咎者必求其始皆有悔今能改之也有咎

張子全書卷之十一

易說

五三十五

而免者善震而補也

易與天地準故能彌綸天地之道

易與天地準此言易之書也易行乎其中造化之

謂也言彌綸範圍此語必夫子所造彌者彌縫補

綴之義綸者往來經營之義易之爲書與天地準

易卽天道獨入于爻位繫之以辭者此則歸於人

事蓋卦本天道三陰三陽一升一降而變成八卦

錯綜爲六十四分而有三百八十四爻也因爻有

吉凶動靜故繫之以辭存乎教誠使人動則觀其

變而玩其占其出入以度内外使知懼又明於憂

患與故无有師保如臨父母聖人與人撰出一法  
律之書使人知所向避易之義也

仰以觀於天文俯以察於地理是故知幽明之故原  
始反終故知死生之說

天文地理皆因明而知之非明則皆幽也此所以  
知幽明之故萬物相見乎離非離不相見也見者  
由明而不見非无物也乃是天之至處彼異學則  
皆歸之空虛蓋徒知乎明而已不察夫幽所見一  
邊耳

氣聚則離明得施而有形氣不聚則離明不得施  
而无形方聚也安得不謂之有方其散也安得遽

張子全書卷之十一

易說

六三〇六五

謂之无故聖人仰觀俯察但云知幽明之故不云  
知有无之故

盈天地之間者法象而已文理之察非離不相觀

也方其形也有以知幽之故方其不形也有以知

明之故

與天地相似故不遠知周乎萬物而道濟天下故不  
過而行之而不流

如天地无私則於道不離然遺物而獨化又過乎  
大中之表也故下文曰範圍天地之化而不過曲



成萬物而不遺通乎晝夜之道而知

未能周萬物則必有過過失也君子立法必其智周天下之利害而其道又足以濟天下然後不過過失也知周萬物道濟天下然後不錯若不如此或得於彼則或失於此也天惟運動一氣鼓萬物而生无心以恤物聖人則有憂患不得似天天地設位聖人成能聖人主天地之物又智周乎萬物而道濟天下必也爲之經營不可以有愛付之无憂

旁行不流圓神不倚也

張子全書卷之十一

易說

七

三百六十五

安土敦乎仁故能愛

安土樂其所自生

忠厚之道也

範圍天地之化而不過

過則溺於空淪於靜既不能存其神又不能知夫化矣大抵過則不是着有則是着无聖人自不言有无諸子乃以有无爲說說有无斯言之陋也在易則惟曰神則可以兼統

通乎晝夜之道而知

不偏滯於晝夜之道故曰通知

故神无方而易无體

繫辭言易大槩是語易書制作之意其言易无體

之類則是天易也神易雖是一事方與體雖是一義以其不測故言无方以其生生故言无體然則易近於化

一陰一陽之謂道

一陰一陽是道也能繼繼體此而不已者善也善之猶言能繼此者也其成就之者則必俟見性是之謂聖仁者不已其仁始謂之仁知者不已其知方謂之知此是致曲曲能有誠也誠則有變化必仁智會合乃爲聖人也前謂聖者於一節上成性也夷惠所以亦得稱聖人然行在一節而已百姓日用而不知蓋所用莫非在道飲食男女皆性也但已不自察由旦至暮凡百舉動莫非感而不之知今夫心又不求感又不求所以醉而生夢而死者衆也

繼之者善也成之者性也

言繼繼不已者善也其成就者性也仁智各以成性猶仁禮以成性

勉勉而不息可謂善成而存存在乎性仁知見之所謂曲能有誠者也不能見道其仁知終非性之

有也

性未成則善惡混故疊疊而繼善者斯爲善矣

盡去則善因以亡故舍曰善而曰成之者性神不可致思存焉可也化不可助長順焉可也存虛名久至德順變化達時中仁之至義之盡也知微知彰不舍而繼其善然後可以成之性矣

仁者見之謂之仁知者見之謂之知

聞見不足以爲已有仁者見之謂之仁知者見之謂之知心各有本性始爲已有苟未見性須當勉勉今學者既知趨向殊不費力何謂不勉勉

張子全書卷之十一  
百姓日用而不知

易說

九  
三百七十四

百姓日用不知溺於流也

鼓萬物而不與聖人同憂

老子言天地不仁以萬物爲芻狗此是也聖人不仁以百姓爲芻狗此則異矣聖人豈有不仁所患者不仁也天地則何意於仁鼓萬物而已聖人則仁耳此其爲能弘道也天不能皆生善人政以天无意也鼓萬物而不與聖人同憂聖人之於天下法則无不善也然古者治世多而後世不治何也人徒見文字所記自唐虞以上幾治幾亂須歸之

運數有大運有小運故孟子曰天之生民久矣一

治一亂

系之爲言或說易書或說天或說人卒歸一道蓋不異術故其參錯而理則同也鼓萬物而不與聖人同憂則於是分出入之道不可混天鼓萬物而與聖人同憂此言天德之至也與天同憂樂垂法於後世雖是聖人之事亦猶聖人之未流耳

神則不屈无復回易鼓萬物而不與聖人同憂者此直謂天也天则无心神故可以不詘聖人則豈忘思慮憂患雖聖人耳焉得遂欲如天之神庸

張子全書卷之十一

易說

十  
三百七十五

不害於其事聖人苟不用思慮憂患以經世則何用聖人天治自足矣

聖人所以有憂者聖人之仁也不可以憂言者天也蓋聖人成能所以異於天地

富有之謂大業日新之謂盛德

富有廣大不禦之盛歟日新悠久无疆之道歟富有者大无外也日新者久无窮也顯其聚也隱其散也顯且隱幽明所以存乎象聚且散推盪所以妙乎神日新之謂盛德過而不有不凝滯於心知之細也非盛德日新惟日新是謂盛德義理一貫

然後日新

生生之謂易

生生猶言進進也

極數知來之謂占

極數之來前知也前知其變有道術以通之君子所以措於民者遠矣

通變之謂事

能通其變而措於民聖人之事業也

易簡之善配至德

循天下之理之謂道得天下之理之謂德故曰易簡之善配至德

知崇禮卑崇効天卑法地天地設位而易行乎其中

矣成性存存道義之門

非知德不崇非禮業不廣

崇天也形而上也通晝夜之道而知其知崇矣知及之而不以禮性之非已有也故知禮成性而道出如天地位而易行天地位定而易行其中知禮成而道義出夫易聖人所以崇德廣業以知爲德以禮爲業也蓋知崇則德崇矣此論易書之道而聖人亦以教人天地設位而易行乎其中比下文

成性存存道義之門而言也天地設位故易行乎

其中知禮成性則道義自此而出也道義之門者

由仁義行也聖人亦必知禮成性然後道義從此

出譬之天地設位則造化行於其中知則務崇禮

則惟欲乎卑成性須是知禮存存則是長存知禮

亦如天地設位

何以致不息成性則不息誠成也誠爲能成性也

仁人孝子所以成身柳下惠不息其和也伯夷不

息其清也於清和以成其性故亦得爲聖人也然

清和猶是一端不得完正不若知禮以成性卽道

義從此出

智極其高故効天禮着實處故法地人必禮以立

失禮則孰爲道天地設位而易行乎其中成性存

存道義之門得知禮以成性性乃存然後道義從

此出

學不能自信而明者患在不勉耳當守道不回如

川之流源泉混混不捨晝夜无復回却則自明自

得之也易曰繼之者善也惟能相繼而不已者道

之善也至于成性則不勉而中不思而得從容中

道矣易曰成性存存道義之門

繫辭焉以斷其吉凶是故謂之爻言天下之至賾而不可惡也

易語天地陰陽情偽至隱賾而不可惡也諸子馳騁說辭窮高極幽而知德者厭其言故言爲非艱使君子樂取之爲貴

易之爲書有君子小人之雜道有陰陽爻有吉凶之戒使人先事決疑避凶就吉

擬之而後言議之而後動擬議以成其變化

凡一言動是非不可隨之而生所以要慎言動擬之而後言議之而後動不越求是而已

張子全書

卷之十一

易說

十三

三百五十五

自此以下皆著爻象之詞所以成變化之道擬議以教人也凡有一迹出則便有无限人議論處至如天之生物亦甚有不齊處然天則无心不恤此所以要慎易曰擬之而後言議之而後動只是要求是也

子曰君子之道或出或處或默或語二人同心其利斷金同心之言其臭如蘭

君子自知自信了然不惑又於出處語默之際獲與人同則其志決然利可斷金惟仁者能聽盡言已不欲爲善則已苟欲爲善惟恐人之不言二人

同心其利斷金夫一人固自明矣又有一人言而同心其爲利也知金鐵之可斷

義理必至于出處語默之不可易如此其同也已固自信又得一人與之同故利可斷金

大衍之數五十其用四十有九

大衍之數五十其用四十有九天地之數也一固不爲用天一地二天三地四天五地六天七地八天九地十夫混然一物无有終始首尾其中何數之有然言者特示有漸耳理須先數天又須先言一次乃至於十也且天下之數止於十窮則自十而反一又數當止於九其言十者九之耦也楊雄亦曰五復守於五行者蓋地數无過天數之理孰有地大於天乎故知數止於九九是陽極也十也者姑爲五之耦焉耳

張子全書

卷之十一

易說

十四

三百五十五

分而爲二以象兩掛一以象三揲之以四以象四時歸奇於扚以象閏五歲再閏故再扚而後掛天數五地數五五位相得而各有合天數二十有五地數三十凡天地之數五十有五此所以成變化而行鬼神也乾之策二百一十有六坤之策百四十有四凡三百有六十當期之日二篇之策萬有一千五百二十

萬物之數也

極兩是謂天參數雖三其實一也象成而未形也

兩地兩效剛七離九  
兩柔之注也六坎八

參天兩地此但天地之質也通其數為五乾坤正合為坎離之數當六七精為日月粗為水火坎離合而後萬物生得天地最靈為人故人亦參為性兩為體推其次序數當八九八九而下土其終也故土之為數終於地十過此以往萬億無窮不越十終反一而已陽極於九陰終於十數乃成五行奇耦乃備過此周而反始滋至无筭不越於是陽用其極陰不用極而用六者十者數之終九之配也地无踰天之理終於其終而已焉參天兩地五也

一地兩一也三地兩六也坤用五地兩十也  
一天三三也三天三九也故用五天三十五也  
凡三五乘天地之數總四十有五并參天兩地者  
數之五共五十虛太極之一故其用四十有九  
掛一象三象天地之三也揲象四時四時揲之數不過十十時乃三歲半舉三揲多之餘也直云五歲再閏者盡遇多之極也揲餘九則揲者四十而已四十乃時之數也

六七八九十一  
五四三二一此相間循環之數也

五位相得而各有合一二相間是相得也各有合以對相合也如一六二七三八四九各有合神也位相得化也

奇所掛之一也扚左右手四揲之餘也再扚後掛者每成一爻而後掛也謂第二第三揲不掛也閏常不及三歲而再至故曰五歲再閏此歸奇必俟於再扚者象閏之中間再歲也

成變化行鬼神成行陰陽之氣而已矣

是故四營而成易十有八變而成卦八卦而小成引而伸之觸類而長之天下之能事畢矣顯道神德行是故可與酬酢可與祐神矣

張子全書卷之十一 易說 十六 三百四十四

示人吉凶其道顯陰陽不測其德神顯故可與酬酢神故可與祐神受命如響故可與酬酢知來藏往故可與祐神示人吉凶其道顯矣知來藏往其德行神矣語著龜之用也

顯道者危使平易使傾懼以終始其要无咎之道也神德行者寂然不動冥會於萬化之感而莫知為之者也受命如響故可與酬酢曲盡鬼謀故可與祐神顯道神德行此言著龜之行也

子曰知變化之道者其知神之所為乎

化之於已須臾之化則知須臾之頃必顯一日之化則知一日之化有殊易知變化之道則知神之所爲又曰知幾其神乎

惟神爲能變化以其一天下之動也人能知變化之道其必知神之爲也聖人之進豈不自見今在學者區別是非有化於神者猶能知之况聖人乎易言窮神知化又言知變化之道安得不知

易有聖人之道四焉以言者尚其辭以動者尚其變以制器者尚其象以卜筮者尚其占

辭變象占皆聖人之所務也易道具焉一本無易道具焉四

張子全書卷之十一 易說 十一 三十四

尚辭則言无所苟尚變則動必精義尚象則法必致用尚占則謀必知來四者非知神之所爲孰能與於此知德之難言知之至也孟子謂我於辭命則不能又謂浩然之氣難言易謂不言而信存乎德行又以尚辭爲聖人之道非知德達乎是哉學未至于知德語皆有病形而上者得辭斯得象矣故變化之理須存乎辭言所以顯變化也易有聖人之道而曰以言者尚其辭辭者聖人之所以人言命字極難辭之盡理而无害者須出於精義

易有聖人之道四曰以言者尚其辭必至於聖人然後其言乃能无蔽蓋由精義所自出也故辭不可以不修

是以君子將有爲也將有行也問焉而以言其受命也如響无有遠近幽深遂知來物非天下之至精其孰能與於此參伍以變錯綜其數通其變遂成天地之文極其數遂定天下之象非天下之至變其孰能與於此易无思也无爲也寂然不動感而遂通天下之故非天下之至神其孰能與於此夫易聖人之所以極深而研幾也唯深也故能通天下之志唯幾也故能成天下之務唯神也故不疾而速不行而至子曰易有聖人之道四焉者此之謂也

有不知則有知无不知則无知是以鄙夫有問仲尼竭兩端而空易受命乃如響无有遠近幽深遂知來物非天下之至精孰能與於此言易之爲書也至精者謂聖人窮理極盡精微處中庸所謂至矣天下之理斯盡因易之三百八十四爻變動以寓之人事告人以當如何時如何事如何則吉如何則凶宜動宜靜丁寧以爲告戒所以因貳以濟民行也

既言參伍矣參伍而上復如何分別

氣之聚散於太虛猶水凝釋於水知太虛即氣神

變易而已諸子淺妄有有無之分非窮理之學也

易非天下之至精則辭不足待天下之問非深不

足通天下之志非通變極數則文不足以成物象

不足以制器幾不足以成務非周知兼體則其神

不能通天下之故故不疾而速不行而至也

非至精至變至神不能與故曰神而明之存乎其

人无知者以其无不知也若言有知則有所不知

也惟其无知故能竭兩端易所謂寂然不動感而

幾平全書卷之十一 易說 十九

遂通也无知則神矣苟能知此則於神為近无知

者亦以其術素備也道前定則不窮一故神譬之

人身四體皆一物故觸之而无不覺不待心使至

此而後覺也此所謂感而遂通不行而至不疾而

速也物形乃有小大精粗神則无精粗神即神而

已不必言作用譬之三十輻共一轂則為車若无

轂與輻亦何以見車之用感皆出於性性之流也

惟是君子上達小人下達之為別

易言感而遂通者蓋語神也雖指暴者謂之神然

暴亦固有漸是亦化也

聖人通天下之志雖愚人與禽獸猶能識其意有

所感則化感亦有難專以化言感而遂通者神

又難專謂之化也

天一地二天三地四天五地六天七地八天九地十

此語恐在天數五地數五處然聖人之於書亦有

不欲併一說盡慮易知後則不復研究故有易有

難或在此說或在彼說然要終必見但俾學者潛

心

子曰夫易何為者也夫易開物成務冒天下之道如

斯而已者也

張平全書卷之十一 易說 二十

開物成務物凡物也務事也開明之也成處之也

事无大小不能明何由能處雖至麤至小之事亦

莫非開物成務譬如不深耕易耨則稼穡烏得而

立惟深也故能通天下之志惟幾也故能成天下

之務是則開物成務者必也有濟時之才

是故聖人以通天下之志以定天下之業以斷天下

之疑是故著之德圓而神卦之德方以知

圓神故能通天下之志方知故能定天下之業爻

貢所以斷天下之疑易書成三者備民患明聖人

得以洗濯其心而退藏於密矣

能通天下之志者爲能感人心

吉凶與民同患

吉凶可以正勝非聖人之患也

神以知來知以藏往

非神不能顯諸仁非知不知藏諸用

開物於幾先故曰知來明憂患而弭其故故曰藏

往

古之聰明叡知神武而不殺者夫

神武不殺神知之大者使知懼而不犯神武者也

是以明於天之道而察於民之故是興神物以前民

用

言天之變遷禍福之道由民之逆順取捨之故故

作易以先之

聖人以此齊戒以神明其德夫

民患除憂疑亡用利身安故可退藏於密窮神知

化以崇高其德也自此而下又歷言其德之出而

異名也

是故闔戶謂之坤闢戶謂之乾一闔一闢謂之變

闔戶靜密也闢戶動達也形開而目覩耳聞受於

陽也一動一靜是道之常專於動靜則偏也一闔

一闔謂之變人之有息蓋剛柔相摩乾坤闔闢之象也

制而用之謂之法

因其變而裁制之以教天下聖人之法也

利用出入民咸用之謂之神

用之不窮莫知其鄉故名之曰神

是故易有大極是生兩儀兩儀生四象四象生八卦

八卦定吉凶吉凶生大業

四象卽乾之四德四時之象故下文云變通莫大

乎四時盡吉凶之理則能盡天人之助而成位乎

其中矣故下文云崇高莫大乎富貴有吉凶利害然

後人謀作大業生若无施不宜則何業之有

天生神物聖人則之

天生著龜聖人則之以占兆 一云占之以兆

天地變化聖人效之

天地變化聖人作易以著效之故曰聖人效之

天垂象見吉凶聖人象之

作易以示人猶天垂象見吉凶

河出圖洛出書聖人則之

作書契效法猶地出圖書 一云猶河洛



易曰自天祐之吉无不利子曰祐者助也天之所助者順也

自易曰自天祐之此篇宜在立心勿恒凶下蓋上言莫益之故此言多助也

變而通之以盡利

理勢既變不能與時順通非盡利之道

鼓之舞之以盡神

鼓天下之動者存乎神神一作詞

天下之動神鼓之也神則主於動故天下之動皆

神爲之也詞不鼓舞則不足以盡神詞謂易之詞

也於象固有此意矣又繫之以詞因而篤說使人

向之極盡動之義也歌舞爲巫風言鼓舞之盡神

者與巫之爲人无心若風狂然主於動而已故以

好歌舞爲巫風猶之如巫也巫主於動以至于鼓

舞之極也故曰盡神因說鼓舞之義故取巫以爲

言語其動而已

乾坤其易之緼邪乾坤成列而易立乎其中矣乾坤

毀則无以見易易不可見則乾坤或幾乎息矣

陰陽剛柔仁義之本立而後知趨時應變故乾坤

毀則无以見易感而後有通不有兩則无一故聖

人以剛柔立本乾坤毀則无以見易

乾坤既列則其間六十四卦爻位錯綜以爲變易

苟乾坤不列則何以見易易不見則是无乾坤乾

坤天地也易造化也聖人之意莫先乎要識造化

既識造化然後有理可窮彼惟不識造化以爲幻

妄也不見易則何以知天道不知道則何以語性

是故形而上者謂之道形而下者謂之器化而裁之

謂之變推而行之謂之通舉而錯之天下之民謂之

事業

一陰一陽不可以形器拘故謂之道乾坤成列而

下皆易之器乾坤交變因約裁其變而別之故謂

之變推而行其變盡利而不遺可謂通矣舉盡利

之道而錯諸天下之民以行其典禮易之事業也

作置

約裁其化而指別之則名體各殊故謂之變

變於无形之謂道形而下者不足以言之鼓萬物

而不與聖人同憂天道也聖不可知也无心之妙

非有心所及也

形而上是无形體者也故形以上者謂之道也形

而下是有形體者故形以下者謂之器无形迹者

卽道也如大德敦化是也有形迹者卽器也見於事實如禮義是也

聖人因天地之化裁節而立法使民知寒暑之變故謂之春夏秋冬亦化而裁之一端耳

凡不形以上者皆謂之道惟是有无相接與形不形處知之爲難須知氣從此首蓋爲氣能一有无則氣自然生是道也是易也

化而裁之存乎變推而行之存乎通

變則化由粗入精也化而裁之謂之變以著顯微也化而裁之存乎變存四時之變則周歲之化可

張子全書卷之十一

易說

三

三

裁存晝夜之變則百刻之化可裁推四時而行則能存周歲之通推晝夜而行則能存百刻之通

神而明之存乎其人默而成之不言而信存乎德行

上天之載无聲臭可象惟儀刑文王當冥契天德

而萬邦信說故易曰神而明之存乎其人不知上

天之載當存文王默成存德德則自然默成而信

矣

神而明之存乎其人道至有難明處而能明之此

則在人也凡言神亦必待形然後著不得形神何

以見神而明之存乎其人然則亦須待人而後能

明乎神

繫辭下

八卦成列象在其中矣因而重之爻在其中矣剛柔相推變在其中矣繫辭焉而命之動在其中矣吉凶悔吝者生乎動者也剛柔者立本者也變通者趨時者也吉凶者貞勝者也

變其勢也動其情也情有邪正故吉凶生變能通

之則盡利能正夫一則吉凶可勝而天地不能藏

其迹日月不能眩其明辭各指其所之聖人之情

也指之使趨時盡利順性命之理臻三極之道也

張子全書卷之十一

易說

三

三

能從之則不陷於凶悔矣所謂變動以利言者也

然爻有攻取愛惡本情素動因生吉凶悔吝而不

可變者乃所謂吉凶以情遷者也能深存繫辭所

命則二者之動見矣又有義命當吉當凶當否當

亨者聖人不使避凶趨吉一以貞勝而不顧如大

人否亨有隕自天過涉滅頂凶无咎損益龜不克

違及其命亂也之類三者異情不可不察

也之道貞觀者也日月之道貞明者也天下之動

貞夫一者也

著天地日月以剛柔立其本也其變雖大蓋不能

遷夫正者也

一本下有剛柔立本故又著見之

正明不爲日月所

眩正觀不爲天地所遷貞正也本也不眩不惑不倚之謂也天地之道至廣至大貞乃能觀也日月之明貞乃能明也天下之動貞乃能一也蓋言天地之道不眩惑者始能觀之日月之明不眩惑者始能明之天下之動不眩惑者始能見夫一者也所以不眩惑者何正以是本也本立則不爲聞見所轉其見其聞須透徹所從來乃不眩惑此蓋謂人以貞而觀天地明日月一天下之動也

正明不爲日月之所眩正觀不爲天地之所遷正

張子全書

卷之十一

易說

三十一

三十一

觀正明是已以正而明日月觀天地也爲日月之明與天地變化所眩惑故必已以正道觀之能如是不越乎窮理豈惟耳目所聞見必從一德見其大源至於盡處則可以不惑也存嘿識實有信有此苟不自信則終爲物役

交象動乎內吉凶見乎外

因交象之既動明吉凶於未形故曰交象動乎內吉凶見乎外

功業見乎變

隨交象之變以通其利故功業見也

聖人之情見乎辭

聖人之情存乎教人而已

天地之大德曰生

將陳理財養物於下故先叙天地生物

聖人之大寶曰位何以守位曰仁

失位則无以參天地而措諸民也

昔者包犧氏之王天下也仰則觀象於天俯則觀法於地觀鳥獸之文與地之宜

張子全書

卷之十一

易說

三十一

三十一

此皆是聖人取之於糟粕也

地之宜如爲黑爲剛鹵爲大塗

以通神明之德以類萬物之情

神明之德通於萬殊萬物之情類於形器

作結繩而爲罔罟以佃以漁蓋取諸離

柔附於物飲血茹毛之教古所先有

包犧氏沒神農氏作斲木爲耜耨木爲耒耨耨之利

以教天下蓋取諸益

天施地生損上益下播種次之

日中爲市致天下之民聚天下之貨交易而退冬

其所蓋取諸噬嗑

聚而通交相有无次之

神農氏沒黃帝堯舜氏作通其變使民不倦神而化之使民宜之

鴻荒之世食足而用未備堯舜而下通其變而教之也神而化之使不知所以然運之无形以通其變不類革之使民宜之也

立法須是過人者乃能之若常人安能立法凡變法須是通通其變使民不倦豈有聖人變法而不通也

黃帝堯舜垂衣裳而天下治蓋取諸乾坤

君逸臣勞

上古无君臣尊卑勞逸之別故制以禮垂衣裳而天下治必是前世未得如此其文章禮樂簡易朴略至堯則煥乎其有文章然傳上世者止是伏羲神農此仲尼道古也猶據聞見而言以上則不可得而知所傳上世者未必有自從來如此而已安知其間固嘗有禮文一時磨滅耳又安知上世无不如三代之文章者乎然而知周禮則不過矣可謂周盡今言治世且指堯舜而言可得傳者也歷

代文章自夫子而損益之見其禮而知其政聞其樂而知其德不可加損矣

剡木爲舟剡木爲楫舟楫之利以濟不通致遠以利天下蓋取諸渙

舟車之作舟易車難故舟先於車

服牛乘馬引重致遠以利天下蓋取諸隨

不勞而得其欲故動而悅

重門擊柝以待暴客蓋取諸豫

有備則无患故豫

斷木爲杵掘地爲臼曰杵之利萬民以濟蓋取諸小

過

備物致用過以養物

弦木爲弧剡木爲矢弧矢之利以威天下蓋取諸睽

養道雖至禁網尚疎但懲其垂亂而已

上古穴居而野處後世聖人易之以宮室上棟下宇以待風雨蓋取諸大壯

剛以承上柔以覆下上其棟下其宇之象

棟屋脊標也宇椽也若指第二標爲棟則其間已有宇不得上棟也若指椽爲棟又益遠矣宇垂而下故言下宇

上古結繩而治後世聖人易之以書契百官以治萬民以察蓋取諸夬

禮成教備養道足而後刑可行政可明明而不疑易說制作之意蓋取諸某卦止是取義與象契非必見卦而後始有爲也然則是言夫子之言耳一作修

陽一君而二民君子之道也陰二君而一民小人之道也

一其歸者君子之道多以御者小人之理御一作陽

遍體衆陰衆陰共事一陽理也是故二君共一民

易說 三王 三百二十五

一民事二君上與下皆小人之道也一君而體二民二民而宗一君上與下皆君子之道也

易曰憧憧往來朋從爾思子曰天下何思何慮天下同歸而殊塗一致而百慮天下何思何慮日往則月來月往則日來日月相推而明生焉寒往則暑來暑往則寒來寒暑相推而歲成焉往者屈也來者信也屈信相感而利生焉尺蠖之屈以求信也龍蛇之蟄以存身也精義入神以致用也利用安身以崇德也正惟存神爾不能利用使不思不勉執多以御故憧憧之心勞而德喪矣將陳恬智交養故序日月

寒暑屈伸相感之義也

君子行義以達其道精一於義使不思而得不勉而中如介于石故能見幾而作天下何思何慮明屈伸之變斯盡之矣日月相推而明生焉寒暑相推而歲成焉神易无方體一陰一陽不測皆所謂通乎晝夜之道也

屈伸相感而利生感以誠也情僞相感而利害生雜之僞也精義入神事豫吾內求利吾外也利用安身索利吾外致養吾內也窮神知化乃養成自然非思勉之能強故崇德而外君子未或致知也

易說 三王 三百二十五

精義入神養之至也義以經爲本經正則精仁以敦化爲深化行則顯義入神動一靜也仁敦化靜一動也仁敦化則无體義入神則无方

何思何慮行其所无事而已下文皆是一意行其所无事惟務崇德但妄意有意即非行其所无事行其所无事則是意必固我已絕今天下无窮動靜情僞止一屈伸而已在我先行其所无事則復何事之有日月寒暑之往來尺蠖之屈龍蛇之蟄莫非行其所无事是以惡其鑿也百慮而一致先

得此一致之理則何用百慮慮雖百卒歸乎理而已此章憧憧往來要其有心至於德之盛也率本此意咸之九四有應在初思其朋是咸其心也不言心而言心之事不能虛以受人乃憧憧而致其思咸道失矣憧憧往來心之往來也不能虛以接物而有所系着非行其所无事也精義入神豫而已學者求聖人之學以備所行之事今日先撰次來日所行必要作事如此若事在一月前則自一月前栽培揆排則是時有備言前定事前定皆在於此積累乃能有功天下九經自是行之者也惟豫而已譔次豫備乃擇義之精若是則何患乎物至事來精義入神須從此去豫則事无備備則用利用利則身安凡人應物无節則徃徃自失故要在利用安身益以養德也若夫窮神知化則是德之盛故云未之或知蓋大則猶可勉而至大而化則必熟化即達也精義入神以致用謂貫穿天下義理有以待之故可推用窮神是窮盡其神也入神是僅能入於神也言入如自外而入義固有

茂深

精義入神要得盡思慮臨事无疑

精義入神固不待接物然君子何嘗不接物人則見君子閑坐獨處不知君子接物在其中睡雖不與物接然睡猶是成熟者

知幾其神精義入神皆豫之至也豫者見事於未萌豫即神也精義入神利用安身此大人之事大人之事則在思勉力行可以擴而至之未之或知以上事是聖人德盛自致非思勉可得猶大而化之大則人爲可勉也化則待利用安身以崇德然後德盛仁熟自然而致也故曰窮神知化德之盛也自是別隔爲一節義有精麤窮理則至于精義若精義盡性則是入神蓋爲一故神通天下爲一物在已惟是要精義入神所存能靜而不能動者此則存博學則利用利用利則身安身安所以崇其德也所應皆善應過則所存者復神窮神知化德之盛也

德盛者神化可以窮盡故君子崇之

一作窮理盡性

化事之變也

大可化也大而化不可爲也在熟而已易謂窮神知化乃德盛仁熟之致非智力能強也

形而上者得辭幾得象矣神爲不測故綏謂不足

以盡神化爲難知故急詞不足以體化

易所以明道窮神則无易矣

見幾則義明動而不括則用利屈申順理則身安而德滋窮神知化與天爲一有我能勉哉乃能炤物須放心寬快公平以求之乃可見道况德性自廣大易曰窮神知化德之盛也豈淺心可得

易曰困于后據于蒺藜入于其宮不見其妻凶子曰非所困而困焉名必辱非所據而據焉身必危既辱且危死期將至妻其可得見邪

此明不能利其用者寡助之至親戚畔之

張子全書卷之十一 易說 三五

易曰公用射隼于高墉之上獲之无不利子曰隼者禽也弓矢者器也射之者人也君子藏器於身待時而動何不利之有動而不括是以出而有獲語成器而後動者也

此明能精義以致用者

子曰小人不耻不仁不畏不義不見利不勸不威不懲小懲而大誡此小人之福也

暗於事變者

子曰危者安其位者也亾者保其存者也亂者有其治者也是故君子安而不忘危存而不忘亡治而不

忘亂是以身安而國家可保也

明君子之見幾

子曰德薄而位尊知小而謀大力少而任重鮮不及矣

不知利用以安身者

子曰知幾其神乎君子上交不諂下交不瀆其知幾乎

人道之用盡於接人而已諂瀆召禍理勢必然故君子俯仰之際直而好義知幾莫大焉

知幾者爲能以屈爲申

張子全書卷之十一 易說 三五

幾者動之微吉之先見者也

幾知象見而未形也形則涉乎明不待神而後知也吉之先見云者順性命則所先皆吉也

君子見幾而作不俟終日易曰介于石不終留貞吉介如石焉寧用終日斷可識矣

知幾其神由經正以貫之則寧用終日而斷可識矣

君子見其幾則隨有所處不可過也豈俟終日幾者動之微吉之先見者也夫幾則吉凶皆見時言吉者不作則已作則所求乎向吉

不終日貞吉言速正則吉也六二以陰居陰獨无累於四故其介如石雖體柔順以其在中而靜何俟終日必知幾而正矣常易故知險常簡故知阻君子見常不動故能得動之微君子見幾而作不俟終日苟見其幾則時處置不欲過何俟終日幾者動之微吉之先見特言吉者事則直須求向吉也

豫之六二常不動故能得動之微

君子知微知彰知柔知剛萬夫之望

未嘗不得其中故動止爲衆人之表

張子全書

卷之十一

易說

三

三

三

知崇禮卑叩其兩端而竭也崇既做天卑必法地

易曰原始要終故知死生之說死生止是人之終

始也學必知幾造微知微之顯知風之自知遠之

近可以入德由微則遂能知其顯由未卽至於本

皆知微知彰知柔知剛之道也

子曰顏氏之子其殆庶幾乎有不善未嘗不知知之

未嘗復行也

知不善未嘗復行不貳過也

盛德之士然後知化如顏子庶乎知化也有不善

未嘗不知已得善者辨善與不善也易有不善未

嘗不知顏子所謂有不善者必只是以常意有

處便爲不善而知之此知幾也於聖人則无

知德爲至當而不忘至之可見吉於微也蓋欲善

不捨則善雖微必知之不誠於善者惡能爲有爲

无雖終身由之不知其道烏足與幾乎顏子心不

違仁故不善未嘗不知其致一也

孔子稱顏子不善未嘗不知知之未嘗復行其知

不善非獨知已凡天下不善皆知之不善則固未

嘗復行也又曰吾未見能見其過而內自訟亦是

非獨自見其過乃見人之過而自訟其殆庶幾言

張子全書

卷之十一

易說

三

三

三

於知幾

天地絪縕萬物化醇男女構精萬物化生

始陳上下交以盡接人之道卒具男女致一之戒

而人道畢矣氣塊然太虛升降飛揚未嘗止息易

所謂絪縕莊生所謂生物以息相吹野馬者歟此

虛實動靜之機陰陽剛柔之始浮而上者陽之清

降而下者陰之濁其感遇聚結爲風雨爲霜雪萬

品之流形山川之融結糟粕煨燼无非教也心所

以萬殊者感外物而不一也天大无外其爲感者

絪縕二端而已焉物之所以相感者利用出入莫



知其鄉一萬物之妙者歟

子曰君子安其身而後動易其心而後語定其交而後求君子修此三者故全也危以動則民不與也懼以語則民不應也無交而求則民不與也莫之與則傷之者至矣易曰莫益之或擊之立心勿恒凶

此又終以昧於致用之戒

子曰乾坤其易之門邪乾陽物也坤陰物也陰陽合德而剛柔有體

推而行之存乎通所謂合德賁然確然所謂有體

乾於天爲陽於地爲剛於人爲仁坤於天則陰於

地則柔於人則義先立乾坤以爲易之門戶既定

剛柔之體極其變動以盡其時至于六十四此易

之所以教人也

其稱名也雖而不越

其文詞錯綜而條理不雜

於稽其類其衰世之意邪

世衰則天人交勝其道不一易之情也人一作理

夫易彰往而察來而微顯闡幽

如坤初六驗履霜於已然察堅冰於將至之類一

云數往知來其義一也

其事肆而隱

顯者則微之使求其原幽者則闡之使見其用故

曰其事肆而隱

因貳以濟民行

无有遠近幽深遂知來物非天下之至精孰能與

於此此言易之爲書也至精者謂聖人窮理以至

于極盡精微處也天下之理既已思盡思易之三

百八十四爻變動以寓之人事告人以當如何特

如何事若其應也如何則吉如何則凶宜動宜靜

丁寧以爲告戒此因貳以濟民行也

易之興也其於中古乎作易者其有憂患乎

諳識情僞吉凶之變故能體盡性命

異德之制也

量宜接物故曰制也

履和而至

和必以禮節之注意極佳

益長裕而不說

益必實爲有益如天之生物長必裕之非虛設也

益物必誠如天之生物日息必誠如川之方至施

之妄學之不勤欲自益且不足益人難哉易曰益

長裕而不設信夫益長裕而不設益以實也妄加以不誠之益非益也

巽稱而隱

順以達志故事舉而意隱

井以辯義

稱物平施隨所求小大與之此辯義也

巽以行權

不巽則失其宜也

易之爲書也不可遠爲道也屢遷

心不存之是遠也不觀其書亦是遠也蓋其爲道

屢遷

易之爲書也原始要終以爲質也六爻相雜唯其時

物也

於一卦之義原始要終究兩端以求其中六爻則

各指所之非卦之質也故吉凶各類其情指其所

之

其初難知其上易知本末也初辭擬之卒成之終若

夫雜物撰德辯是與非則非其中爻不備噫亦要存

凶吉凶則居可知矣知者觀其彖辭則思過半矣

初上終始三四非貴要之用非内外之主中爻以

要存凶吉凶如困卦正大人吉无咎蓋以剛中也

小過小事吉大事凶以柔得中之類

柔之爲道不利遠者

柔之用近也

道有變動故曰爻爻有等故曰物物相雜故曰文

爻者交雜之義

易之興也其當殷之末世周之盛德邪當文王與紂

之事邪

剛柔錯雜美惡渾淆文王與紂當之矣

是故其辭危危者使平易者使傾其道甚大百物不

廢懼以終始其要无咎此之謂易之道也

不齋戒其心則雜而著也

百物不廢巨細无不察也

夫乾天下之至健也德行恒易以知險夫坤天下之

至順也德行恒簡以知阻能說諸心能研諸侯之慮

擬議云爲非乾坤簡易以立本則易不可得而見

也簡易故能悅諸心險阻故能研諸慮

簡易然後能知險阻簡易理得然後一以貫天下

之道繫辭言能研諸慮止是剩侯之二字說者就

而解諸侯有爲之主若是者卽是隨文耳太虛之

氣陰陽一物也然而有兩健順而已又不可謂天  
无意陽之健不耳何以發散

陰之性常順然而地體重濁不能隨則不能順則  
有變矣有則有象如乾健坤順有此氣則有此象  
可得而言若无則直无而已謂之何而可是无可  
得名故形而上者得詞斯得象但於不形中得以  
措詞者已是得象可狀也今雷風有動之象須謂  
天爲健雖未嘗見然而成象故以天道言及其發  
則是效也著則是成形成形則是道也若以耳目  
所及求理則安得盡如言寂然湛然亦須有此象  
有氣方有象雖未形不害象在其中  
定天下之吉凶成天下之亹亹者是故變化云爲吉  
事有祥象事知器占事知來天地設位聖人成能人  
謀鬼謀百姓與能

言易於人事終始悉備行善事者易有祥應之理  
萌兆之事而易具著見之器疑慮而占則易示將  
來之驗有以見天地之間成能者聖人而已能長  
信於易者雖百姓之愚能盡人鬼幽明之助  
天能爲性人謀爲能大人盡性不以天能爲能而  
以人謀爲能故曰天地設位聖人成能

天人不須強分易言天道則與人事一袞論之  
分別則是薄乎云耳自然人謀合蓋一體也人謀  
之所經畫亦莫非天理耳

八卦以象告爻象以情言

八卦有體故象在其中錯綜爲六十四爻象所趨  
各異故曰情言

變動以利言吉凶以情遷

能變通則盡利累於其情則陷於吉凶矣

情偽相感而利害生

凡卦之所利與爻之所利皆變通之宜也如利建

侯利艱貞誠則順理而利偽則不循理而害易言

情偽相感而利害生則是專以人事言故有情偽

利害也屈申相感而利生此則是理也惟以利言

### 說卦

昔者聖人之作易也幽贊於神明而生蓍

方其將有謀也將有問也命於蓍此所謂生蓍非

謂在野而生蓍也事在未來之前吉凶在書策上

著在手中卒歸三處一時合豈非幽贊於神明而

得兩也起其用也

參天兩地而倚數觀變於陰陽而立卦

地所以兩分剛柔男女而效之法也天所以參一太極兩儀而象之性也

一物兩體氣也一故神兩在故不測兩故化推行於一此天

之所以參也兩不立則一不可見一不可見則兩之用息

兩體者虛實也動靜也聚散也清濁也其究一而已

有兩則有一是太極也若一則有兩亦在無兩亦一在然無兩則安用一不以太極空虛而已非天

參也

和順於道德而理於義

理義即是天道也易言理於義一也求是即爲理義言理義不如且言求是易曉求是之心俄頃不

可忘理於義此理云者猶人言語之間常所謂理者非同窮理之理凡觀書不可以相類而泥其義

不爾則字字相梗觀其文勢上下如克實之美與詩之言美輕重不同

窮理盡性以至於命

性盡其道則命至其源也一作至於原也

致與至爲道殊遠盡性然後至於命不可謂一不

窮理盡性即是成賊不可至於命者止能保全天所稟賦本分者且不可以有加也既言窮理盡性則不容有不知

天道即性也故思知人不可不知天能知天斯知人矣知人與窮理盡性以至於命同意

釋氏无天用故不取理彼以性爲无吾儒以參爲性故先窮理而後盡性

凡人剛柔緩急趨識无有同者此乾道變化各正性命也及盡性則皆忘之

窮理亦富有漸見物多窮理多從此就約盡人之

性盡物之性天下之理无窮立天理乃各有區處窮盡性言性已是近人言也既窮理又盡性然後

能至於命命則又就已而言之也

昔者聖人之作易也將以順性命之理是以立天之道曰陰與陽立地之道曰柔與剛立人之道曰仁與

義

陰陽剛柔仁義所謂性命之理易一物而三才備

陰陽氣也而謂之天剛柔質也而謂之地仁義德

也而謂之人

一物而兩體其太極之謂歟陰陽天道象之成也

剛柔地道法之效也仁義人道性之立也三才兩之莫不有乾坤之道也易一物而合三才天人

陰陽其氣剛柔其形仁義其性

數往者順知來者逆是故易逆數也

如孟子曰苟求其故則千歲之日至可坐而致也

神也者妙萬物而為言者也

全備天理則其體孰大於此是謂大人以其道變

通無窮故謂之聖聖人心術之運固有不疾而速

不行而至默而識之處故謂之神

動萬物者莫疾乎雷撓萬物者莫疾乎風燥萬物者

莫熯乎火說萬物者莫說乎澤潤萬物者莫潤乎水

終萬物始萬物者莫盛乎艮

造化之功發乎動畢達乎順形諸明養諸容載遂

乎悅潤勝之健不匱乎勞始終乎止

乾健也坤順也震動也巽入也坎陷也離麗也艮止

也兌說也

健動陷止剛之象順麗入說柔之體

巽為鷄

飛遷躁動不能致遠鷄之象

乾為寒為冰為大赤

乾為大赤其正色也為冰健極而寒甚也

自此而下皆所以明萬物之情明一作類

坤為文為衆

坤為文衆色也為衆容載廣也

震為專為蒼莖竹為萑為萑

震為萑萑為蒼莖竹為萑皆蕃鮮也

巽為木為風為長女為繩直為工為白為長為高為

進退為不果為臭其於人也為寡髮為廣顙為多白

眼為近利市三倍其究為躁卦

巽為木萌於下滋於上也為繩直順以達也為工

巧且順也為白因所遇而從也為長為高木之性

也為臭風也入也於人為寡髮廣顙躁人之象也

坎為血卦為赤

坎為血卦周流而勞血之象也為赤其色也

離為乾卦其於木也為科上槁

離為乾卦於木為科上槁附其燥也一作且躁也

艮為徑路為小石

艮為小石堅難入也為徑路通或寡也或一作且

兌為毀折為附決

兌為附決內實則外附必決也為毀折物成則止

柔者必折也

序卦

序卦相受聖人作易須有次序 序卦无足疑序  
卦不可謂非聖人之緼今欲安置一物猶求審虛  
况聖人之於易其間雖无極至精義大槩皆有意  
思觀聖人之書須布遍細密如是大匠豈以一斧  
可知哉

有天地然後萬物生焉盈天地之間者爲萬物故受  
之以屯

聚而不得出故盈雖雷亦然

物生必蒙

蒙冒未肆

一作蒙穉者  
蒙昧未肆

需者飲食之道也

雲上於天物皆有待之象

比必有所畜故受之以小畜物畜然後有禮故受之  
以履

德積則行必有方物積則散必有道

坎者陷也離者麗也

一陷溺而不得出爲坎一附麗而不能去爲離

夷者傷也傷於外者必反於家故受之以家人

傷於外必反於家萬物之理自然

雜卦

屯見而不失其居

險在外故不失其居與渙解義反故曰緩必有所  
失

蒙雜而著

蒙雜而著

著古  
着字

雜著於物所以爲蒙蒙昏蒙也

兌見而巽伏也

兌說在外巽入在隱

井通而困相遇也

澤无水理勢適然故曰相遇

小過過也

過而未顛也

履不處也

危者安其位者也故履以不處爲吉

大過顛也

過至於顛故曰大

歸妹女之終也

妹歸而長女之終也

一作歸妹

繫辭所舉易義是聖人議論到此因舉易義以成之

亦是人道之大且要者也

繫辭反復惟在明易所以爲易撮聚衆意以爲辭欲  
曉後人也化不可言難知可以言難見如日景之行  
則可知之其所以行難見也人於龜策无情之物不  
知其將如何惟是自然莫或使之然者陰陽不測之  
類也已方虛心以鄉之卦成於爻以占之其辭如何  
取以爲占聖人則又於陰陽不測處以爲占或於夢  
寐或於人事卜之然聖人於卜筮亦鮮蓋其爲疑少  
故也

不見易則不識造化不識造化則不知性命既不識  
造化則將何謂之性命也太易不言有无言有无諸  
子之陋也人雖信此說然不知能以何爲有以何謂  
之无如人之言曰自然而鮮有識自然之爲體觀其  
幾者善之幾也惡不可謂之幾如曰幾者動之微吉  
之先見亦止言吉耳上交不諂下交不瀆人事不過  
於上下之交此可盡人道也且如孝弟仁之本亦可  
以言幾造端乎夫婦亦可以言幾親親而尊賢亦可  
以爲幾就親親尊賢而求之又有幾焉又如言不誠  
其身不悅於親亦是幾處苟要入德必始於知幾  
欲觀易先當玩辭蓋所以說易象也不先盡繫辭則

其觀於易也或遠或近或太艱難不知繫辭而求易  
正猶不知禮而學春秋也繫辭所以論易之道既知  
易之道則易象在其中故觀易必由繫辭繫辭獨說  
九卦之德者蓋九卦爲德切於人事

有謂心卽是易造化也心又焉能盡易之道

易象繫之以辭者於卦既已具其意象矣又切於人  
事言之以示勸戒釋氏之言性不識易識易然後盡  
性蓋易則有无動靜可以兼而不偏舉也无則氣自  
然生氣之生卽是道是易

乾不居正位是乾理自然惟人推之使然邪

主應物不能固知此行而流也入德處不移則是道  
不進重滯者也動靜不失其時是時措之宜也集義  
也集義久則自有光明靜則无見必動乃見其道光  
明以其本之光明故其發也光明學行之乃見至其  
疑處始是實疑於是有學險而止蒙夫於不當止而  
止是險也如告子之不動心必以義爲外是險而止  
也蒙險在內是蒙昧之義蒙方始務求學而得之始  
是得所止也若蹇則是險在外者也  
易乃是性與天道其字日月爲易易之義包天道變  
化

易非止數春秋大義不止在元  
在易則是至理在孟子則是氣

張子全書卷之十一終

張子全書卷之十一

易說

五十三

張子全書卷之十二

語錄抄

明後學嘉興徐必達校正

上智下愚不移克其德性則爲上智安於見聞則爲下愚不移者安於所執而不移也

子貢謂夫子之言性與天道不可得而聞既云夫子之言則是居常語之矣聖門學者以仁爲己任不以苟知爲得必以了悟爲聞因有是說明賢思之

舜好問仲尼每事問德同矣學亦同否

仲尼自志學至老德進何晚竊意仲尼自志學固已明道其立固已成性就上益進蓋由天之不已爲天已定而所以爲天不窮如有成性則止則舜何必孜孜仲尼何必不知老之將至且歎其衰不復夢見周公由此觀之學之進德可知矣

聖之時當其可之謂時取時中也可以行可以止此

聖處之時也至於言語動作皆有時也

舜三十而徵庸是有關於一朝也成聖之速自古無

如舜也舜爲仁之大端也

學者至子與孟子之心同然後能盡其義而不疑

實人爲天下知聖人當受命雖不受知不受命然爲

聖爲賢乃吾性分當勉耳



負者在堯舜之世亦有不得遇者亦有甚不幸者是亦有命也卽智之於賢者不獲知也

窮理亦當有漸見物多窮理多如此可盡物之性

天地之道可以一言而盡也凡言道皆能盡天地但不得其理至如可欲皆可以至聖神但不當得聖神滋味天地之道以術知者却是矣

大凡禮不可大段駭俗不知者以爲怪且難之甚者至于怒之疾之故禮亦當有漸於不可知者少行之已爲多矣但不出戶庭親行之可也毋強其人爲之已德性克實人自化矣正已而物正也

孟子全書

卷之十一

語錄抄

二三百五十三

人之出處則出而足以利天下亦可出爲免死之仕亦可出

今人過憂盜賊禍難妄動避之多自致傷者又禍未必然而自禍者此惡溺而投河之類也

訂頑之作只爲學者而言是所以訂頑天地更分甚父母用欲學者心於天道若語道則不須如是言

人言不信怪湏是於實事上不信又曉其理方是了當苟不然方才却之以不測又畢竟信也

質疑非遁辭之比也遁辭者無情只是他自信元無所執守見人說有已卽說無反入於太高見人說無

已則說有反入於至下或太高或太下只在外而元不會入中道此釋老之類故遁辭者本無情自信如此而已若質疑者則有情實遂其罪也

知之爲用甚大若知則以下來都了只爲知包着心性識知者一知心性之關轄然也今學者正惟知心性識不知如何安可言知知及仁守只是心到處便謂之知守者守其所知知有所極而人知則有限故所謂知及只言心到處

某比來所得義理儘彌久而不能變必是屢中於其間只是昔日所難今日所易昔日見得心煩今日見得心約到近上更約必是精處尤更約也

孟子全書

卷之十二

語錄抄

二三百五十四

孔子三人行必得我師焉此聖人取善顏子亦在此術中然猶着心以取益比聖人差別聖人則所見足益

作者七人伏羲也神農也黃帝也堯也舜也禹也湯也所謂作者上世未有作而作之者也伏羲始服牛乘馬者也神農始教民稼穡者也黃帝始正名百物者也堯始推位舜始封禪者也堯以德禹以功故別數之湯始革命者也若謂武王爲作則武王已是述湯事也若以伊尹爲作則當數周公恐不肯以人臣

謂之作若孔子自數爲作則自古以來實未有如孔子者然孔子已是言述而不作也

學者當須立人之性仁者人也當辨其人之所謂人學者學所以爲人

爲學大益在自求變化氣質不爾皆爲人之弊卒無所發明不得見聖人之奧

義理有礙則消去舊見以來新意

多求新意以開昏蒙吾學不振非強有力者不能自奮足下信篤持謹何患不至正惟求一作來自粹美得之最近

張子全書卷之十二 語錄抄

四

萬物皆有理若不知窮理如夢過一生釋氏便不窮理皆以爲見病所致莊生儘能明理及至窮極亦以爲夢故稱孔子與顏淵語曰吾與爾皆夢也蓋不如易之窮理也

有志於學者都更不論氣之美惡只看志如何匹夫不可奪志也惟患學者不能堅勇

學須以三年爲期孔子曰期月可也三年有成大凡事如此亦是一時節期月是一歲之事舉偏也至三年事大綱慣熟學者又須以自朝及晝至夜爲三節積累功夫更有勤學則於時又以爲限

人與動植之類已是大分不齊於其類中又極有不齊某嘗謂天下之物無兩箇有相似者雖一件物亦有陰陽左右臂之人一身中兩手爲相似然而有左右一手之中五指而復有長短直至於毛髮之類亦無有一相似至如同父母之兄弟不惟其心之不相似以至聲音形狀亦莫有同者以此見直無一同者

人一人已百人十已千如此不至者猶難罪性語氣可也同行報異猶難語命語遇可也氣與遇性與命切近矣猶未易言也

凡觀書不可以相類泥其義不爾則字字相梗當觀其文勢上下之意如充實之謂美與詩之言美輕重不同近思作程語

鄉原徇欲而畏人其心乃穿窬之心也苟徇欲而不畏人方明盜耳遁辭乃鄉原之辭也無執守故其辭妄

當自立說以明性不可以遺言附會解之若孟子言不成章不達及所性四體不亘而論此非孔子曾言而孟子言之此是心解也

世學不明千五百年大丞相言之於書吾輩治之於已聖人之言庶可期乎顧所學謀之太迫則心勞而

不虛質之大煩則泥文而滋弊此僕所以未置懷於學者也

誠淫邪道之辭古語執近誠辭苟難近於並耕為我淫辭放侈近於兼愛齊物邪辭離正近於隘與不恭遁辭無守近於揣摩說難四者可以盡天下之言孟子之言性情皆一也亦觀其文勢如何情未必為惡哀樂喜怒發而皆中節謂之和和中節則為惡釋氏之說所以陷者以其待天下萬物之性為一猶告子生之謂性今之言性者汗漫無所執守所以臨事不精學者先須立本

孟子全書卷之十二 語錄抄 六

陰陽者天之氣也亦可謂道剛柔緩速人之氣也亦可謂性生

成覆憐天之道也亦可謂理仁義禮智人之道也亦可謂性損

益盈虛天之理也亦可謂道壽夭貧賤人之理也亦可謂命天

授於人則為命亦可謂性人受於天則為性亦可謂命形得之

備不必盡然氣得之偏不必盡然道得之同理得之異亦可見此

非學造不約不能區別故互相發明貴不碌碌也

大率玩心未發可求之平易勿迂也若始求太深恐

自茲愈遠

子夏未盡反身處可更求之題不動告子所止到已

言所不及處孟子所止到已所難名處然則告子所

見所言與孟子所守所見可知矣上同不知命則大無信故命立而後心誠題盡誠則實也太虛者天之寔也萬物取足於太虛人亦出於太虛太虛者心之寔也

虛者仁之原忠恕者與仁俱生禮義者仁之用

敦厚虛靜仁之本敬和接物仁之用

太虛者自然之道行之要在思故曰思誠

虛心然後能盡心

虛則生仁仁在理以成之

虛心則無外以為累

人生國有天道人事當行不行則無誠不誠則無物

故須行實事惟聖人踐形為實之至得人之形可離

非道也

與天同原謂之虛須得事實故謂之實此叩其兩端

而竭焉更無去處

天地之道無非以至虛為實人須於虛中求出實聖

人虛之至故擇善自精心之不能虛者有物榛礙金

鐵有時而腐山嶽有時而摧凡有形之物即易壞惟

太虛無動搖故為至實詩云德猶如毛毛猶有倫上

天也載無聲無臭至矣

靜者善之本虛者靜之本猶對動虛則至一

氣之蒼蒼目之所止也日月星辰象之著也當以心求天之虛大人不失其赤子之心赤子之心今可知也以其虛也

天地以虛為德至善者虛也虛者天地之祖天地從虛中來

中宮土寄王之說於理非也大率五行之氣分王四時土固多於四者然其運行之氣則均施錯見金木水火皆分主四時獨不見土之所主是以有寄王之說然於中來在季夏之末者且以易言之八卦之作

張子全書卷之十二 語錄抄 八 三言手

坤在西南西南致養之地在離兌之間離兌即金火

也是以在季夏之末

五緯五行之精氣也所以知者以天之星辰獨此五

星動以色言之又有驗以心取之亦有此理

禮文參校是非去取不待已自了當蓋禮者理也須

是學窮理禮則所以行其義知理則能制禮然則禮

出於理之後今在上者未能窮則在後者烏能盡今

禮文殘缺湏是先求得禮之意然後觀禮合此理者

即是聖人之制不合者即是諸儒添人可以去取今

學所以宜先觀禮者類聚一處他日得理以意求

校

知之於賢者知人之謂知賢者當能知人有於此而

不受知於賢者知不施於賢者也晏嬰之賢亦不知

仲尼於仲尼猶吹毛直欲陷害孔子如歸女樂之事

時中之義甚大蒙亨以亨行時中也蒙何以有亨以

九二之亨行蒙者之時中此所以蒙得亨也蒙無遽

亨之理以九二循循行時中之亨也蒙卦之義主者

全在九二象之所論言之義教者但只看蒙者時之

之所及則導之是以亨行時中也此時也正所謂如

時雨化之若既引之中道而不使之通教者之過也

當時而引之使不失其正此教者之功也蒙以養正

聖功也是養其蒙以正聖人之功也

孟子言水之有本無本者以况學者有所止也大學

之道在止於至善此是有本也思天下之善無不自

此始然後定止於此發源立本樂正子有本者也日

月而至焉是亦有本者也聲聞過情是無本而有聲

聞者也向後偽迹俱辨則都無也

某比年所思慮事漸不可易動歲年間只得變得些

文字亦未可謂辭有巧拙其實是有過若是達者其

言自然別寬而約沒病痛者不是到了是不知如一

物則說得仔細必實聖人之道以言者尚其辭辭不  
容易只爲到其間知得詳然後言得不錯譬之到長  
安極有知長安仔細者然某近來思慮義理大率億  
度屢中可用既是億度屢中可用則以大受某冒此  
絕學亦輒欲成一次第但患學者寡少故貪於學者  
今之學者大率爲應舉壞之入仕則事官業無暇及  
此由此觀之則呂范過人遠矣呂與叔資美但向學  
差緩惜乎求思也福求思雖似福臨然福不害於明  
福是氣也明者所學也明何以謂之學明者言所見  
也大凡寬福者是所稟之氣也氣者自萬物散殊時  
各有所得之氣習者自胎胞中以至於嬰孩時皆是  
習也及其長而有所立自所學者方謂之學性則分  
明在外故曰氣其一物爾氣者在性習之間性猶有  
氣之惡者爲病氣又有習以害之此所以要鞭辟至  
於齊強學以勝其氣習其間則更有緩急精麤則是  
人之性雖同氣則有異天下無兩物一般是以不同  
孔子曰性相近也習相遠也性則寬福昏明名不得  
是性莫不同也至于習之異斯遠矣雖則氣之稟福  
者未至於成性時則暫或有暴發然而所學則却是  
正當其如此其一則漸寬容苟志于學則可以勝其

氣與習此所以福不害於明也須知自誠明與明誠  
者有異自誠明者先盡性以至於窮理也謂先自其  
性理會來以至行理自明誠者先窮理以至於盡性  
也謂先從學問理以推達於天性也某自是以仲尼  
爲學而知者某今亦竊希於明誠所以勉勉安於不  
退孔子稱顏淵曰惜乎吾見其進也未見其止也苟  
惟未止則可以竊冀一誠就自明誠者須是要窮理  
窮即是學也所觀所求皆學也長而學固所謂之學  
其幼時豈可不謂之學直自在胞胎保母之教已雖  
不知謂之學然人作之而已變以化於其教則豈不  
謂之學學與教皆學也惟其受教即是學也只是長  
而學庸有不待教習便謂之學只習有善惡只一作某  
所以使學者先學禮者只爲學禮則便除去了世俗  
一副當習熟纏繞譬之延蔓之物解纏繞即上去上  
去即是理明矣又何求苟能除去了一副當世習便  
自然脫灑也又學禮則可以守得定所謂長而學謂  
之學者謂有所立自能知向學如孔子十五而志於  
學是學也如謂有所成立則十五以前庸有不志於  
學時一本云如孔子五十而學是學也如謂  
學時有所成立則五十以前庸有不志於學若夫今  
學者所欲富貴聲譽博聞繼承是志也某只爲少小

時不學至今日勉強有太甚則反害欲速不達亦須待歲月至始得

湯征未至而怨者非史氏之溢辭是實怨今郡縣素困弊政亦望一良吏莫非至誠平居亦不至甚有事當其時則願望其上之來是其心若解倒懸也天下之望湯是實如父母願耕願出莫非實如此至朋來而樂方講道義進是實可樂也

武成取二三策言有取則是有不取也孟子真知武王故不信漂杵之說知德斯知言故言使不動從心莫如夢夢見周公志也不夢欲不踰矩也

顏子知當至而至焉故見其進也不極善則不處焉

故未見其止也知必至者如志於道致廣大極高明此則儘遠大所處則直是精約顏子方止求而未得故未見其止也極善者須以中道方謂極善故大中謂之皇極蓋過則便非善不及亦非善此極善是顏子所求也所以瞻之在前忽焉在後夫子高遠處又要求精約處又要至顏子之分必是入神處又未能精義處又未至然顏子雅意則直要做聖人學者須是學顏子發意便要至聖人猶不得况便自謂不能雅意則然非宜見於議論

性美而不好學者無之好學而性不美者有之蓋向善惡便是性美也性不美則學得亦轉了故孔子要好仁而惡不仁者只好仁則忽小者只惡不仁則免過而已故好惡兩端並進好仁則難遽見功惡不仁則有近效日見功若顏子是好仁而惡不仁者也云未見者或此道在顏子後言見善如不及此好仁者也見不善如探湯此惡不仁者也無欲而好仁無畏而惡不仁同此義

盡得天下之物方要窮理窮得理又須要實到孟子曰萬物皆備於我矣反身而誠樂莫大焉實到其間方可言知未知者方且言識之而已既知之又行之惟難萬物皆備於我矣又却要強恕而行求仁爲近禮自外作故又與孟子義內之說如相違孟子方辨道故言自得深造作記者必不知內且據掠淺知知之於賢者彼此均賢也我不知彼是我所患彼不知我是命也均聖人也舜禹受命受祿舜禹亦無患焉

顏子樂正子皆到可欲之地但一人向學緊一人向學慢言盡物者據其大總也今言盡物者未說到窮理但

恐以聞見爲心則不足以盡心人本無心因物爲心  
若只以聞見爲心但恐小却心今盈天地之間者皆  
物也如只據已之聞見所接幾何安能盡天下之物  
所以欲其盡心也窮理則細微甚有分別至如作樂  
其始亦但知其大總更去其間比較方盡其細理若  
便謂推類以窮理爲盡物則是亦但據聞見上推類  
却見聞見安能盡物今所言盡物蓋欲其盡心耳  
坎惟心亨故行有尚外雖積險苟處之心亨不疑則  
雖難必濟而往有功也今水臨萬仞之山要下卽下  
無復凝滯險在前惟知有義理而已則復何回避所  
以心通

人所以不能行已者於其所難者則情其異俗者雖  
易而羞縮惟心弘則不顧人之非笑所趨義理耳視  
天下莫能移其道然爲之人亦未必怪正以在已者  
義理不勝情與羞縮之病消則有長不消則病常在  
意思醒醒無由作事在古氣節之士冒死以有爲於  
義未必中然非有志槩者莫能况吾於義理已明何  
爲不爲

垢初六羸豕孚蹢躅豕方羸時力未能動然至誠在  
於蹢躅得伸則伸矣如李德裕處置閹宦徒知其帖

息威伏而忽於志不妄遲照察少不至則失其其  
人教小童亦可取益絳已不出入一益也授人數數  
已亦了此文義二益也對之必正衣冠瞻視三益  
也常以因已而壞人之才爲憂則不敢墮四益也  
學記曰進而不顧其安使人不由其誠教人不盡其  
材人未安之又進之未喻之又告之徒使人生此節  
目不盡材不顧安不由誠皆是施之安也教人至難  
必盡人之材乃不誤人觀可及處然後告之聖人之  
明直若庖丁之解牛皆知其隙及按餘地無全牛矣  
人之才足以有爲但以其不由於誠則不盡其才若  
曰勉率而爲之則豈有由誠哉

古之小兒便能敬事長者與之提携則兩手奉長者  
之手問之掩口而對蓋稍不敬事便不忠信故教小  
兒且先安詳恭敬

孟子曰人不足與適也政不足與間也唯大人爲能  
格君心之非非惟君心至於朋游學者之際彼雖議  
論異同未欲深較惟整理其心使歸之正豈小補哉

張子全書卷之十二終



張子全書卷之十三

文集抄

明後學嘉興徐必達校正

答范異之書第一

所訪物怪神姦此非難說顧語未必信耳孟子所論知性知天學至於知天則物所從出當源源自見知所從出則物之當有當無莫不心喻亦不待語而知諸公所論但守之不失不爲異端所劫進進不已則物怪不須辨異端不必攻不逾期年吾道勝矣若欲委之無窮付之以不可知則學爲疑撓智爲物昏交來無間卒無以自存而溺於怪妄必矣

張子全書卷之十三

文集

朝廷以道學政術爲二事此正自古之可憂者異之謂孔孟可作將推其所得而施諸天下邪將以其所不爲而強施之於天下歟大都君相以父母天下爲王道不能推父母之心於百姓謂之王道可乎所謂父母之心非徒見於言必須視四海之民如己之子設使四海之內皆爲己之子則講治之術必不爲秦漢之少恩必不爲五伯之假名異之爲朝廷言人不足於適政不足與間能使吾君愛天下之人如赤子則治德必日新人之進者必良士帝王之道不必改遷而成學與政不殊心而得矣

慶州大順城記第二

慶曆二年某月日經畧元帥范公仲淹鎮役總若干建城於柔遠寨東北四十里故大順川越某月日城成汴人張載謹次其事爲之文以記其功詞曰兵久不用文張武縱天警我宋羗蠢而動恃地之疆謂兵之衆傲侮中原如撫而弄天子曰嘻是不可捨養姦縱殘何以令下講謨于朝講士于野鏖刑斧誅選付能者皇皇范侯開府慶北方之師坐立以聽公曰彼羗地武兵勁我士未練宜勿與競當避其彊徐以計勝吾視塞口有田其中賊騎未迹卯橫午縱余欲連壁以禦其衝保兵儲糧以俟其窮將走曹軍師卒走交口同辭樂贊公命月良日吉將奮其旅出卒于營出器于府出幣于帑出糧于庾公曰戒哉無敗我舉汝礪汝戈汝盞汝斧汝于汝誅汝勤汝與旣旣旣言遂及城所索木箕土編繩奮杵胡虜之來百千其至自朝及辰衆積我倍公曰無譁是亦何害彼姦我乘及我未備勢雖不敵吾有以恃爰募彊弩其衆累百依城而陣以堅以格戒曰謹之無闕以力去則勿追往終我役賊之逼城傷歟無數謨不我加因潰而去公曰可矣我功汝全無怠無遽城之惟堅勞不



累日池畔以完深矣如泉高焉如山百萬雄師莫可  
以前公曰濟矣吾議其旋擇士以守擇民而遷書勞  
賞才以飫以筵圖到而止薦聞于天天子曰嗟我嘉  
汝賢錫號大順因名其川于金于湯保之萬年

### 女戒第三

婦道之常順惟厥正婦止是曰天明天之是其帝命

命女嘉爾婉婉克安爾親往之爾家呂氏克施克勤

使順爾順惟何無違夫子夫子無然皐皐皐皐與言也

無然訛訛訛訛與事也彼是而違爾焉作非則非彼舊而

革爾焉作儀安正惟非惟儀女生則戒斯在詩

王姬肅雍酒食是議周王之貽爾五物以銘爾心錫

爾佩巾墨子誨言銅爾提匱謹爾賓薦賓客玉爾奩

具素爾藻綯藻綯枕爾文竹席爾吳莞念爾書

訓因枕文思爾退安安爾退彼實有室男當爾勿從

室不得從而遜爾提提提提爾生引逸引長也

### 賀蔡密學第四

絃審顧被眷圖擢陞要近寵輝之渙雖儒者至榮付  
任所期蓋朝廷有待薦傳中外孰不欣愉竊以篤實  
輝光日新而不可掩者德之修禍福吉凶人力所不  
能移者命之正今天下謀明守固功累治勤浮議不

能拒強力不能破未有若明公之盛也上知之民信

之所不知獨未施於廟堂之上耳頃慶卒內嚮惶駭

全陝府郡晝閉莫知所為士民失措室家相弔繼聞

為渭師所敗潰遁而東其氣沮摧十亾八九雖非盛

舉然應機敏捷使大患遽銷明識之士知有望焉今

戎毒日深而邊兵日弛後患可懼而國力既殫將臣

之重豈特司命士卒惟是三秦生齒存亾舒慘之本

莫不繫之旌旆在秦正猶長城巨防利兵堅甲幸少

選未召乃西陲不貲之福載投迹山荒所有特一家

之衆擔石之儲方且仰依兵庇有恃而生誠願明公

置懷安危推風昔自信之心日升不息以攘患保民

為已任蓋知浮議強力不足以勝人心奪天命則舍

識之徒不勝至幸引跂門仞無任歡欣祈俟之極

### 策問第五

問三代道失而民散民散浸淫而盜不勝誅矣魯之

衰也季康子患盜孔子謂荀子之不欲雖賞之不竊

夫制產厚生昭節儉賤貨財使人安其分宜若可為

也今欲使舉世之民厚賞焉不竊如夫子之言其亦

有道乎

問世祿之榮王者所以錄有功尊有德愛之厚之示

恩遇之不窮也爲人後者所宜樂職勸功以昭勳事  
任長廉遠利以嗣述世風而近世公卿子孫方且下  
比布衣工聲病售有司爲不得已爲貧之仕誠何心  
哉蓋孤秦以戰力竊攘滅學法壞田制使儒者風義  
寢弊不傳而士流困窮有至糟糲不厭自非學至於  
不動心之固不惑之明莫不降志辱身起皇皇而爲  
利矣求口實而朶其願爲身謀而屈其道習久風變  
固不知求仕非義而反羞循理爲不能不知廢襲爲  
榮而反以虛名爲善繼今欲舉三王教習之法使英  
才知勸而志行修阜四方養士之財使寒賤有歸而

邊議第六

城中之民既得以依城自郊外百姓朝廷不豫爲慮  
非潰亡失生則殺戮就死縱或免焉則其老幼孳畜  
屋廬積聚莫不爲之驅除蕩焚於死亡均矣欲爲之  
計莫如選吏行邊爲講族間隣里之法問其所謀論  
之休戚使之樂羣以相聚協力以相資聽其依山林  
據險阻自爲之計官不拘制一從其宜則積聚

幼老得以先自爲謀而處之有素寇雖深入野無所  
資而民免誅掠此爲計之當先者也 右清野  
師爲虜致則表陷之患多城不自完則應援之兵急  
凡今近城邊邑尤當募善守之人計定兵力庶使勢  
可必全不假外救足以技撝踰月應援之師不爲倉  
皇牽制則守必力而師不勞此禦患之尤急者也然  
所謂善守者要以省兵爲能假設一城之小千夫可  
完不才者十倍之而未必固善守者加損之而尚可  
全則守城乘障之人必也力與之計而省吾兵厚賞  
其功而示之信 右固守

戊而費財豈善善戍之計欲不費必也計民以守不足  
然後益之以兵如是則爲守之力在民居多而用兵  
無幾守旣在民則今日守兵凡城有餘皆得以移用  
他所或乘間可戰以自解其圍矣竊計關內守餘之  
兵無慮十萬四帥之城各餘萬人爲備 其多少之  
也則舉中大數有移使之卒常不減六七萬人義勇  
旣練則六七萬人從而省去亦攻守爲有餘矣兵省  
費輕就使戎壘對峙用日雖多而吾計常足顧朝廷  
未嘗資守於民以兵多爲患耳种世衡守環州吏士  
有罪射中則釋之僧道飲酒犯禁能射則縱之百姓

繫者以能射則必免租稅逋負以能射必寬當是時  
環之內外莫不人人樂射一州之地可不用一卒而  
守以此觀之省戍豈甚難之計哉

右省戍

計民以守必先相視城池大小夫家衆寡爲力難易  
爲地緩急周圍步尺莫不盡知然後括以保法萃以  
什伯形以圖繪稽以文籍便其居處正其分位平時  
使之知所守識所向習登降時繕完賊至則授甲付  
兵人各謹備老幼供餉婦女守室如是則民心素安  
伎藝素講寇不能恐吏不能侵無倉卒之變無顛亂  
之憂民力不足然後濟之以兵此三代法制雖萬世

可行不止利今日之民

右四民

城池之實欲其牢不可破田盾之實欲其堅不可攻  
營陣之實欲其虜不可搖士卒之實欲其人致死力  
講訓之實欲其伎無不精兵矢之實欲其中無不穀  
今衆物備具而事不可期蓋實未始講而講不致實  
今朝廷未假塞外之功徒欲自固然尚且憂形廟堂  
而民不安土則講實之說豈容一日而緩蓋億萬矢  
之利其致利也必自一矢而積億萬人之能其盡能  
也必自一人而求千里之防必由一錘而致堅江河  
之廣必由一勺而浸至今欲物均一作求其實而闊步

高視謂小事無一有傷字而忽之恐卒不見其成

作小無事

也本朝之論雖必以大計爲言至於講治之精亦不  
可不思慮而至思可至而力不容緩則授補之方當  
知未易輕議趨今之急急在治兵矢舉聞射种世衡  
守環州吏士有罪能射則釋之胥徒請告能射則給  
之僧道飲酒犯禁能射則置之百姓輕繫者能射則  
縱之租稅逋負者能射則緩之當是時環之士民人  
人樂射一州之地可不煩一卒而守然則得一臣如  
种世衡則朝廷不問其細而一城守矣宜推世衡之  
術於四方

右講實

擇帥之重非議者得言本朝以武臣典強藩輕戰忌

患故選用文臣節制爲計得矣然寇讎入境則舉數  
萬之甲付一武人驅之於必戰之地前後取敗非一  
二而已然則副總管之任繫安危勝負之速甚於元  
帥而大率以資任官秩次遷而得竊爲朝廷危之  
帥得其人則守邊之守聽帥擇爲宜帥不可知則守  
之廢置一從內也不爲過矣御大體極邊之郡攻守  
兼固須精選異才方稱其任其次邊及腹心州軍利  
於滋穀食教民戰爲持久取勝之策爲守必擇愛民  
謹事精審之人愛民則雖亟使之而不匱精密謹事

則大小必舉事無不舉則雖深入不能乘間於腹心  
民不置則戰精而食足 右擇守

養兵之費在天下十居七八今邊患作矣將謹防於  
外修實於內為持久之計而不愛用吾財則患日增

而力日不足豈善為計議者哉今關內諸城誠能因

民固守以省戍教義勇知一作習戰以省兵則每歲省

實不啻二百餘萬不踰數年粟實財豐而不可勝用

矢不如是恐財匱力殫虜乘吾敝將無從而制也右足

警敗者以中國取敗戎虜古今相繼而莫知所以

致敗之端此言敗一作警之由一作欲既知此弊則免為

所敗故曰警敗其不以制勝為言者以戎虜用兵習

知此利今吾亦得之適與之勢均法同故止可以免

為所敗而已制勝之法當他圖矣凡用兵於山必能

制人於原用兵於水一作原必能制人於川除高下逆

順之利餘利皆得以一無繼此而言矣屋瓦將墜人

居其下則不安巖壁有罅人過其下則必走女子乘

城勇夫不敢出其前寇讎據勝地苟不計利而後進

為一作則暗於戰而必敗也不疑問或獲全者非將

之才智殊絕不侔則天耳大凡居高瞰下無可遁之

情使之知所守識所向習登降時繕完賊至則授甲

衍兵云云 右警敗

### 與蔡帥邊事畫一第七

近日傳聞諒祚身死已有朝旨令接引告哀人使過  
界足見朝廷含容之意務在息民隨物應機達於事  
變雖元凶巨惡尚不欲乘其憂患別議討除使四夷  
知中國為一無仁義為計甚善然諒祚猖狂罪在不

赦邊陲釁隙已動干戈君臣之義既虧約束之令不

守今其嗣子始立遣介告哀事同初附理必精思若

不以丁寧指揮提耳告諭的確事節當面叙陳將恐

羽翼既成却論舊怨志懷稍適輒踵前非謀之不臧

張全書卷之十三 文集 十一

亂靡有定某今有人使到關朝廷合降指揮畫一事

件伏望少賜裁擇具如後當面一作當回

一乞降朝旨令館伴臣僚分明說與西界人使自种

諤等及沿邊得力使臣所以建議開納橫山人戶為

見汝主諒祚招納過沿邊逃亡罪人景珣之徒信其

狂謀公然任用僭擬官名制度及諸般妄動不臣之

狀一一指實事言與自來內外臣僚多議與兵問罪

朝廷不欲煩民致使沿邊忠臣義士不勝憤怒遂有

今日專輒之舉

一乙降朝旨說與西人言种諤等所以專擅修築綏

州安存崑名山等投來人口爲見汝主有從來招收  
下本朝逃亡軍人百姓作樂官工匠及僭創作簇馬  
御龍直名目諸般占使是致邊臣久一作憤

一乞降朝旨令說與西人令先縛送取景珣并其家  
屬及前後諒祚所存洎逃走軍人百姓盡還漢界朝  
廷當與汝國別定兩界約束事件各常遵守

一乞降朝旨說與西人汝主諒祚違拒朝命不納詔  
使前後逆節不一今來朝廷以汝主諒祚既死不欲  
乘汝國凶穢饑旱便謀剪戮愛惜兩地百姓須仰汝  
主將取知恩改過結罪文字進來朝廷更待觀汝主  
誠意禮節如何別有指揮

一乞說與西界人使言爲諒祚猖狂及今來汝主幼  
小竊慮主張本國事體不定常萌僭逆今來欲將本  
國歲賜分減一半與汝國近上主兵用事臣僚十數  
人正令受朝廷官祿主持國事安存汝幼主不令妄  
動及爲朝廷保守封疆不擾百姓令本國君臣具利  
害文字進來

一乞將上件五事揀擇中外有心智詞筆臣僚令作  
詔書付夏國新主以觀其謀以奪其心以正其初使  
知過惡在彼不敢妄動及宣示陝西一路及沿邊蕃

漢軍民令自今後更不得亂出一人一騎妄生事節  
聽候夏國新主奏報如何別聽處分

### 涇原路經畧司論邊事狀第八

當司據今月二十一日西路先鋒巡檢王寧狀探報  
候得西界已議遣人詣保安軍進奉及界首斬戮誘  
殺楊知軍賊人納誓表請和觀西賊意度委實是爲  
國內饑凶厭苦兵革思欲却通舊好苟假安息故凡  
百婉順一如朝旨有以見朝廷德澤之盛威畧之遠  
上千天心下副人望其備職邊帥不勝慶幸然某竊  
以安危之幾必通其變誓約之信在正其初今日諒  
祚已亡其子方立遣使告哀納款詞禮恭順義同初  
附事必正名若不得丁寧指揮提耳告諭的當事節  
當面指陳乘其求也要之以誓書及其衰也啗之以  
厚利將恐志懷稍適却踵前非羽翼既成輒修舊怨  
某今有時幾所見條一如右

一訪聞傳西界有意縛送景珣并母妻却出一作漢  
界交付此雖未知虛的然聞景珣於諒祚在日特見  
信任以是西界內外臣僚莫不側目憎惡視如寇讎  
今諒祚已死其國中主議之人却欲送還未足深怪  
然慮西人既還景珣之殺必却有繫送崑名山之請

竊恐朝廷未能決從轉滋嫌怨况景珣才識鄙下無足觀取畱之賊中決不能爲邊陲大患伏乞朝廷示之以優游閒暇特賜詔書褒嘉夏國臣主奉詔官守誓約之心及引用登極赦恩免景珣一家死刑更不令送歸漢界置之度外聽其用捨以示朝廷涵濡之廣赦令之信仍仰就問景珣更有無親屬兄弟尚在中國悉令遣送與之以愧快其心亦屏之遠方終身不齒之義使四夷知朝廷天包海蓄之度無以窺測且免日後有難從之請委得允當

一勘會陝西一路射入之饒商市之富自來亦賴戎夷博易之便自興兵以來鹽弊虧損議者皆知由邊市不通商旅不行所致從來西人只知本國利中原

張全書卷之十三

文集

十三

物貨願欲稍通博買但苦朝廷未嘗許與故已各定一作安分不敢妄有求請治平元年中施昌言在本路嘗因誘引過景珣公事斷絕私下博買西界點集壓境欲謀奔衝令德順運通判劉忱靜邊塞監押党武與之說話開示意度却許令民間暗行些小博易西人樂聞此言即時唱喏遣罷兵衆此足見西界願欲通行博買之意然不知此事若行尤繫朝廷大利今來西人若再議通和竊恐主計臣僚爲見卽目課利

頻虧遽陳此說不務艱難其事因以成功爲拓土息兵豐財制虜之計伏望朝廷愛惜此事重惜之無爲輕發必候擘畫得長久大計十分祥順西人凡百聽命然後與之商量

一竊見古渭州一帶生熟蕃戶據地數百里兵數十萬土壤肥沃本漢唐名郡自來以頭項不一無所統屬厭苦西賊侵陵樂聞內附但以朝廷避引惹未甚開納今爲西賊貪噬歲被驅劫往往不戰就降甘爲臣制然西賊所以不能舉兵跨有者良由道路差遠恐延慶涇原之乘其虛也銳意攻侵而不能捨者貪其富利其弱且欲漸有之通右臂以爲秦蜀之患也今朝廷每欲修一城築一堡未嘗不點兵侵占以誅討順蕃熟戶爲名只緣分未定而貪未息也朝廷誠能先使敏幹才辨之人誘得一方人心盡皆歸順擇一能臣賢將使之都護一隅開府塞外橫絕古渭西南一帶分疆塹山盡爲漢界使人一面曉諭夏國應係今日以前順漢蕃戶不能妄有侵害則許令延慶涇原三路議定推場通市之法著於誓書垂爲永久某以爲平夏之人必將捨遠取未成之謀就近便樂越之利欣然聽命而邊患消矣縱彼不能盡從所議

張全書卷之十三

文集

十四

然秦鳳事宜兵備亦可十去六七至若經界之規畫行移之辭令則在巧者爲之此不容悉也

經畧司畫一第九

今據隣路開報及諸處城寨探到西界見有黃河裏外點集人馬深慮乘此秋熟妄行寇抄及蹂踐緣邊苗稼未見得本路州軍至時如何禦捍邀殺須當預行指揮審問逐處畫一合行事件如後

一要見本州從將來果若西賊大段入寇本州除堅壁清野不失防守外更有如何畫策可以立功勝取

一要見本州從來准擬下是何將校緩急賊至令帶

最寄全書卷之十三 文集 十五 十一  
領甚色額甲兵多少人數更令與甚人同心共力會合出入不至落賊姦便

一要見本州如是賊衆深入有幾處可以伏截邀擊山川道路及除見戰城壁外更有幾處須索戰守要害地方

一要見本州自來有幾人官員將佐有心力膽量逐人宜合將領藩兵或弓箭手或馬軍步人及約量逐人才力可以將領得多少人數

一要見本州得力官員將校從來如何訓練得手下人馬武藝精強及各人手下的實揀練得多少來堪

戰人數有無籍記定姓名及逐人所長事藝

一要見本州官員將校一本有幾人二字或遇事宜出入各願在甚人名下及與甚人從來孰分至時可與同謀共力相助立功

一要見本州據所有兵馬相度將校材力各人勝銷人數合作幾頭項使喚

一要見本州如是西賊入寇隣路或隣州至時有甚人可令將兵策應及銷多少人馬可以必然立功仍

令各自供析斟量已力可將人數不得妄有張皇務令當司可以應副其間若係素有材量之人必是擘

最寄全書卷之十三 文集 十六 十一  
畫布置便見方畧如何

一本州一州利害盡委自知州通判及主將官員通同商量揀擇聚議所長預先準擬下逐節合行應敵事件各擇有心力官員一二人一本中更知州及各有心力官員三人

尋委恭詳可否密切實封供申不得看徇人情務要公當不悞臨時邊事

一本州舉內如有素負膽勇才武有心計敢戰不係正兵諸色人委本州勸誘招募令各自推擇首領預先赴官投狀情願團結面分相得材勇之人令各自團結除遞相委保自備弓馬衣糧候西賊果是入寇



先經逐近官司驗呈過處領人數任便各取勝地邀殺立功如委有顯效別無諸般情弊當議比附正兵功勞倍加酬賞仍更量其功大小特與敷奏不湏廣求人數及夾帶微倖無用之人在內準備當司勾抽試驗

一本州知州將校如有急速合行事件委是難以文字陳述湏索親到本司商量便仰權交割職事與以次官員徑馬赴當司取稟

一本州不拘僧道舉人公人百姓弓箭手如有拽硬及八九斗以上一本有射有膽氣可使之人並仰召

張子全書卷之十三

文集

十一

來試驗如委是上等事藝當議勾赴當司特與相度安排或納與請受令各自團結取情願處使用一本州諸軍下如有似此上項弓箭事藝並仰籍記姓名供申當司準備緩急勾來試驗

### 雜詩第十

### 鞠歌行

鞠歌胡然兮邈余樂之不猶宵耿耿其尚寐今日孜孜焉繼予手厥修井行憫兮王收曰曷賈不售兮阻德音其幽幽述空文以繼志兮庶感通乎來古寒昔爲之純美兮又申申其以告鼓弗躍兮麾弗前千五

百年寥哉寂焉謂天實爲今則吾豈敢惟審已今

### 君子行

君子防未然見幾天地先開物象未形弭災憂患前公且立無方不恤流言喧將聖見亂人天厭懲孤偏竊攘豈予思瓜李安足論

### 送蘇修撰赴闕四首

秦弊于今未息肩高蕭從此法相沿生無定業田疆壞赤子存亡任自然

道大寧容小不同顛愚何敢與機通并疆師律三王事請議成功器業中

張子全書卷之十三

文集

十一

閭闔天機未始休衿衣胝足兩何求巍巍只爲蒼生事彼美何嘗與九州

出異歸同禹與顏未分黃閣與青山事機爽忽秋毫上聊驗天心語默間

### 別館中諸公

九天宮殿鬱蒼蒼碧瓦參差逼絳霄藜藿野心雖萬里不無忠戀向清朝

### 聖心

聖心難用淺心求聖學湏專禮法修千五百年無孔子盡因通變少傳游



老大

老大心思久退消個中終日面岩堯六年無限詩書  
樂一種難忘是本朝

有喪

有喪不免道中非少爲親嫌老爲衰舉世只知隆考  
妣切思不見我心悲

土牀

土牀煙足紬衾暖瓦釜泉乾豆粥新萬事不思溫飽  
外漫然清世一閑人

芭蕉

張子全書卷之十三 文集 十九  
芭蕉心盡展新枝新卷新心暗已隨願學新心養新  
德旋隨新葉起新知

貝母

貝母階前蔓百尋雙桐盤遶葉森森剛強顧我蹉跎  
甚時欲低柔警寸心

題解詩後

置心平易始通詩逆志從容自解頤文害可嗟高叟  
固十年聊用勉經師

詩上堯夫先生兼寄伯淳正叔

先生高臥洛城中洛邑

上並遊無侶又春風

病肺支離恰十春病深樽俎久埃塵人憐舊病新年  
減不道新添別病深

張子全書卷之十三終

張子全書卷之十三

文集

二十

張子全書卷之十四

明後學嘉興徐必達輯

性理拾遺

橫渠言日月五星亦隨天轉如二十八宿隨天而定皆有光芒五星逆行而動無光芒

張子曰天地變化至著至速者目爲鬼神所謂吉凶害福誅殛窺伺豈天所不能耶必有耳目口鼻之象而後能之耶

張子曰范巽之嘗言神姦物怪某以言難之謂天地之雷霆草木至怪也以其有定形故不怪人之陶

張子全書卷之十四

拾遺

一

冶舟車亦至怪也以其有定理故不怪今言鬼者不可見其形或云有見者且不定一難信又以無形而移變有形之物此不可以理推二難信又嘗推天地之雷霆草木人莫能爲之人之陶冶舟車天地亦莫能爲之今之言鬼神以其無形則如天地言其動作則不異于人豈謂人死之鬼反能兼天人之能乎○今更就世俗之言評之如人死皆有知則慈母有深愛其子者一旦化去獨不日日憑人言語託人夢寐存恤之耶言能福善禍淫則或小惡反遭重罰而大慙反享厚福不可勝數又

謂人之精明者能爲厲秦皇獨不異趙高唐太宗獨不罰武后耶又謂衆人所傳不可全非自古聖人獨不傳一言耶聖人或容不言自孔孟而下荀況楊雄王仲淹韓愈學亦未能及聖人亦不見略言者以爲有數子又或偶不言今世之稍信實亦未嘗有言親見者

張子曰所謂山川門雷之神與郊社天地陰陽之神有以異乎易謂天且不違而況於鬼神乎仲尼以何道而異其稱耶又謂游魂爲變魂果何物其游也情狀何如試求之使無疑然後可以拒恠神之

張子全書卷之十四

拾遺

二

說知凶者之歸此外學素所援據以質成其論者不可不察以自祛其疑耳

張子曰天下凡謂之性者如言金性剛火性熱牛之性馬之性也莫非固有○凡物莫不有是性由通蔽開塞所以有人物之別由蔽有厚薄故有智愚之別塞者牢不可開厚者可以開而開之也難薄者開之也易開則達於天道與聖人一

張子曰富貴貧賤者皆命也今有人均爲勤苦有富貴者有終身窮餓者其富貴者固是幸會也求而有不得則是求無益於得也道義則不可言命是

求在我者也○問智愚之識殊疑於有性善惡之報差疑於有命曰性通極於無氣其一物爾命稟同於性遇乃適然爾

張子曰心統性情者也○有形則有體有性則有情○發於性則見于情發于情則見于色以類而應也

張子曰道所以可久可大以其肖天地而不雜也與天地不相似其違道也遠矣○事無大小皆有道在其間能安分則謂之道不能安分謂之非道顯諸仁天地生萬物之功則人可得而見也所以造

萬物則人不可得而見是藏諸用也

接物處皆是小德統會處便是大德

洪鐘未嘗有聲由扣乃有聲聖人未嘗有知由問乃有知或謂聖人無知則當不問之時其猶木石乎曰有不知則有知無不知則無知故曰聖人未嘗有知由問乃有知也聖人無私無我故功高天下而無一介累於其心蓋有一介存焉未免乎私已也

張子曰孟子於聖人猶是麓者為學所急在於正心求益若求之不已無有不獲惟

勉勉不忘為要耳○人若志趣不遠心不在焉唯學無成人情於進道無自得達自非成德君子必勉勉至從心所欲不踰矩方可放下德薄者終學不成也

明善為本固執之乃立擴充之則大易視之則小在人能弘之而已

利利於民則可謂利利於身利於國皆非利也利之言利猶言美之為美利誠難言不可一槩而言

教之而不受則雖強告之無益莊子謂內無受者不入外無正者不行

張子曰近臣守和平也和其心以備顧對不可徇其喜怒好惡

井田而不封建猶能養而不能教封建而不井田猶能教而不能養封建井田而不肉刑猶能教養而不能使然此未可遽行之

禮但去其不可者其也取力能為之者

近思錄拾遺

橫渠先生謂范巽之曰吾輩不及古人病源何在巽之請問先生曰此非難悟設此語者蓋欲學者存意之不忘庶游心浸熟有一日脫然如大寐之得

醒耳

未知立心惡思多之致疑既知所立惡講治之不精  
講治之思莫非術內雖勤而何厭所以急於可欲  
者求立吾心於不疑之地然後若決江河以利吾  
往遂此志務時敏厥修乃來故雖仲尼之才之美  
然且敏以求之今持不逮之資而欲徐徐以聽其  
自適非所聞也

今且只將尊德性而道問學為心日自求於問學者  
有所背否於德性有所懈否此義亦是博文約禮  
下學上達以此警策一年安得不長每日須求多

張子全書卷之十四

拾遺

五

少為益知所亡改得少不善此德性上之益讀書  
求義理編書須理會有所歸著勿徒寫過又多識  
前言往行此學問上益也勿使有俄頃閒度逐日  
似此三年庶幾有進

為天地立心為生民立道為去聖繼絕學為萬世開

太平

人多以老成則不肯下問故終身不知又為人以道  
義先覺處之不可復謂有所不知故亦不肯下問  
從不肯問遂生百端欺妄人我寧終身不知論語  
多聞不足以盡天下之故苟以多聞而待天下之變

則道足以酬其所嘗知若劫之不測則遂窮矣

說

竊嘗病孔孟既沒諸儒囂然不知反約窮源勇於苟  
作持不逮之資而急知後世明者一覽如見肺肝  
然多見其不知量也方且創艾其弊賦養吾誠顧  
所患日力不足而未果他為也

博學于文者只要得習坎心亨蓋人經歷險阻艱難  
然後其心亨通

凡致思到說不得處始復審思明辨乃為善學也若  
告子則到說不得處遂已更不復求

張子全書卷之十四

拾遺

六

春秋之書在古無有乃仲尼所自作惟孟子能知之  
非理明義精殆未可學先儒未及此而治之故其  
說多鑿

橫渠先生曰始學之要當知三月不違與日月至焉

內外賓主之辨使心意勉循循而不能已過此  
幾非在我者

文集

人又要得剛太柔則入於不立亦有人生無喜怒哀  
則又要得剛剛則守得定不回進道勇敢載則比  
他人自是勇處多

五

敦篤溫靜者仁之本不輕妄則是敦厚也無所繫

昏塞則是虛靜也此難以頓悟苟知之須久於道  
實體之方知其味夫仁亦在乎熟之而已

孟子

有潛心於道忽忽爲他慮引去者此氣也舊習纏繞  
未能脫灑畢竟無益但樂於舊習耳古人欲得朋  
友與琴瑟簡編常使心在於此惟聖人知朋友之  
取益爲多故樂得朋友之來

論語

舜之事親有不悅者爲父頑母嚚不近人情若中人  
之性其愛惡略無害理姑必順之親之故舊所喜  
者當極力招致以悅其親凡於父母賓客之奉必  
極力營辦亦不計家之有無然爲養又須使不知  
其勉強勞苦苟使見其爲而不易則亦不安矣

說記

斯干詩言兄及弟矣式相好矣無相猶矣言兄弟宜

相好不要廝學猶似也人情大抵患在施之不見  
報則輟故恩不能終不要相學已施之而已

詩說

人不爲周南召南其猶正牆面而立常深思此言誠  
是不從此行甚隔著事向前推不去蓋至親至近  
莫甚於此故須從此始

橫渠先生曰兵謀師律聖人不得已而用之其術見  
三王方策歷代簡書惟志士仁人爲能識其遠者  
大者素求預備而不敢忽忘

文集

肉辟於今世死刑中取之亦足寬民之死過此當令  
其散之之久

橫渠先生曰古者有東宮有西宮有南宮有北宮異  
宮而同財此禮亦可行古人慮遠目下雖似相疎  
其實如此乃能久相親蓋數十百口之家自是飲  
食衣服難爲得一又異宮乃容子得伸其私所以  
避子之私也子不私其父則不成爲子古之人曲  
盡人情必也同宮有叔父伯父則爲子者何以獨  
厚於其父爲父者又烏得而當之父子異宮爲命  
士以上愈貴則愈嚴故異宮猶今世有逐位非如  
異居也

樂說

鄭衛之音悲哀令人意思畱連又生怠惰之意從而

致驕淫之心雖珍玩奇貨其始感人也亦不如是  
切從而生無限嗜好故孔子曰必放之亦是聖人

經歷過但聖人能不爲物所移耳

禮樂

孟子言反經者特於鄉原之後者以鄉原大者不先  
立心中初無作惟是左右看順人情不欲違一生  
如此

孟子

二程書拾遺

橫渠於墓祭合一分食而祭之故告墓之文有曰

走荆棘殺亂杯盤之列

觀秦中氣艷衰邊事所困累歲不稔昨來餽邊喪亡  
今日事未可知大有可憂者以至士人相繼淪喪  
爲足粧點關中者則遂化去吁可怪也凡言王氣  
者實有此理生一物須有此氣不論美惡須有許  
大氣艷故生是人至如關里有許多氣艷故此道  
之流以至今日昔橫渠說出此道理至此幾乎衰  
矣只介父一箇氣艷大小大

理則須窮性則須盡命則不可言窮與盡只是至於  
命也橫渠昔常譬命是源窮理與盡性如穿渠引  
源然則渠與源是兩物後來此議必改來

張子全書卷之十四

拾遺

九

三

正叔謂子厚越獄以謂卿監已上不追攝之者以其  
貴朝廷有旨追攝可也又請枷項非也不已太辱  
矣貴貴以其近於君子厚謂若終不伏則將奈何  
正叔謂寧使公事勘不成則休朝廷大義不可虧  
也子厚以爲然

橫渠墓祭爲一位恐難推同凡之義

同凡唯設一位祭之謂夫嬭同

半而

禮言惟天地之祭爲越紼而行事此事難行旣言越  
紼則是猶在殯宮于時無由致得祭又安能脫喪

服衣祭服此皆難行縱天地之祀爲不可廢只

使冢宰攝爾昔者英宗初卽位有人以此問先生

答曰古人居喪百事皆

此有

如常特於祭祀廢之

則不若無廢爲愈也子厚正之曰父在爲母喪則

不敢見其父不敢以非禮見也今天子爲父之喪

以此見上帝是以非禮見上帝也故不如無祭

張橫渠謂范文正才氣老成

笑指揮趙俞

恭而安

張兄十五年學

伯淳謂天下之士亦有其志在朝廷而才不足才可

以爲而誠不足今日正須才與至誠合一方有濟

張子全書卷之十四

拾遺

十一

三

子厚謂才與誠渾一物只是一物伯淳言才而不

誠猶不是也若非至誠雖有忠義功業亦出於事

爲浮氣幾何時而不盡也

一本無只是物四字

二程謂地形不必謂寬平可以畫方只可用筭法折

計地畝授民子厚謂必先正經界經界不正則法

終不定地有坳堙處不管只觀四標竿中間地雖

不平饒與民無害就一夫之間所爭亦不多又側

峻處田亦不甚美又經界必須正南北假使地形

有寬狹尖斜經界則不避山河之曲其田則就得

井處爲井不能就成處或五七或三四或一夫其

實田數則在又或就不成一夫處亦可計百畝之數而授之無不可行者如此則經界隨山隨河皆不害於畫之也苟如此畫定雖便使暴君汙吏亦數百年壞不得經界之壞亦非專在秦時其來亦遠漸有壞矣正叔云至如魯二吾猶不足如何得至十一也子厚言百畝而徹言徹取之徹則無義是透徹之徹透徹而耕則功力均且相驅率無一家得情者及已收穫則計畝數哀分之以哀分之數取十一之數亦可或謂并議不可輕示人恐致笑及有議論子厚謂有笑有議論則方有益也若有人聞其說取之以爲已功先生云如有能者則已願受一廛而爲氓亦幸也伯淳言井田今取民田使貧富均則願者衆不願者寡正叔言亦未可言民情怨怒止論可不可爾須使上下都無此怨怒方可行正叔言議法既大備却在所以行之之道子厚言豈敢某止欲成書庶有取之者正叔言不行於當時行於後世一也子厚曰徒善不足以爲政徒法不能以自行須是行之之道又雖有仁心仁聞而政不行者不由先王之道也須是法先王正叔言子於此善爲言只極目力焉能盡方

圓平直須是要規矩

正叔說堯夫對上之詞言陛下富國彊兵後待做法一以爲非是此言安足諭人主如周禮豈不是富國之術存焉子厚言堯夫抑上富強之說正猶爲漢武帝言神仙之學長年不足惜言豈可入聖賢之曉人不如此之拙如梁惠王問何以利國則說利不可言之理極言之以至不奪不饜

正叔言人志於王道是天下之公議反以爲私說何也子厚言只爲心不大心大則做得大正叔言只是做一喜好之事爲之不知只是合做

伯淳言邵堯夫病革且言試與觀化一遭子厚言觀化他人便觀得自家自家又如何觀得化嘗觀堯夫詩意纔做得識道理却於儒術未見所得

正叔言蜥蜴含水隨雨震起子厚言未必然電儘有大者豈盡蜥蜴所致也今以蜥蜴求雨枉求他他又何道致雨

正叔言昏禮結髮無義欲去久矣不能言結髮爲夫婦者只是指其少小也如言結髮事君李廣言結髮事匈奴只言初上頭也豈謂合髻子子厚云絕非禮義便當去之古人凡禮講修已定家家行之

皆得如此今無定制每家各定此所謂家殊然  
至如朝廷之禮皆不中節

有人言郭璞以鳩關占吉凶子厚言此爲他誠實信  
之所以就而占得吉凶正叔言但有意向此便可  
以兆也非鳩可以占吉凶耳

正叔言郭達新貴時衆論喧然未知其人如何後聞  
人言欲買韓王宅更不問可知也如韓王者當代  
功臣一宅已致而欲有之大煞不識好惡子厚言  
昔年有人欲爲范希文買綠野堂希文不肯識道  
理自不然在唐如晉公者是可尊也一旦取其物  
而有之如何得安在他人猶可如王維莊之類獨  
有晉公則不可寧使耕壤及他有力者致之已則  
不可取

正叔謂今唱名何不使伊儒冠徐步進見何用二人  
把見趨走得不得使殿上大臣有愧色子厚言只先  
出榜使之見其先後何用旋開卷呼名

伯淳謂才與誠一物則周天下之治子厚因謂此何  
事於仁必也聖乎

子厚言十詩之作止是欲驗天心於語默間耳正叔  
謂若有他言語又烏得已也子厚言十篇次叙因

張子全集

卷之十四

拾遺

十三

子厚

自有先後

二程解窮理盡性以至於命只窮理便是至於命  
子厚謂亦是失於大快此義儘有次序須是窮理便  
能盡得已之性則推類又盡人之性既盡得人之  
性須是并萬物之性一齊盡得如此然後至於天  
道也其間煞有事豈有當下理會了學者須是窮  
理爲先如此則方有學今言知命與至於命儘有  
近遠豈可以知便謂之至也

正叔謂洛俗恐難化於秦人子厚謂秦俗之化亦先  
自和叔有力焉亦是士人敦厚東方亦恐難肯向  
風

張子全集

卷之十四

拾遺

十四

子厚

子厚謂昔嘗謂伯淳優於正叔今見之果然其救世  
之志甚誠切亦於今日天下之事儘記得熟

二程言人不易知子厚言人誠知之爲難然至於伎  
術能否人情善惡便可知惟似秦武陽殺人於市  
見秦始皇懼此則不可知

世人之學博聞強識者豈少其終無有不入禪學者  
就其間特立不惑無如子厚堯夫然其說之流恐  
未免此敝

蘇軾錄橫渠語云和叔言香聲橫渠云香與聲猶是



有形隨風往來可以斷續猶爲麤耳不如清水今以清冷水置之銀器中隔外便見水珠曾何漏之可通此至清之神也先生云此亦見不盡却不说此是水之清銀之清若云是水因甚置甕中不如此

中庸之說其本至於無聲無臭其用至於禮儀三百

威儀三千自禮儀三百威儀三千復歸於無聲無

臭此言聖人心要處與佛家之言相反儘教說無

形迹無色其實不過無聲無臭必竟有甚見處大

抵語論間不難見如人論黃金曰黃色此人必是

張子全書卷之十四 拾遺 十五

不識金若是識金者更不言設或言時別自有道

理張子厚嘗謂佛如大富貧子橫渠論此一事甚

當以上遺書

或問維摩詰云火中生蓮花是可謂希有在欲而行

禪希有亦如是此豈非儒者事子曰此所以與儒

者異也人倫者天理也彼將其妻子當作何等物

看望望然以爲累者文王不如是也有生者必有

死有始者必有終此所以爲常也爲釋氏者以成

壞爲無常是獨不知無常乃所以爲常也今夫人

生百年者常也一有百年而不死者非所謂常也

釋氏推其私智所及而言之至以天地爲妄何其陋也張子厚尤所切齒者此耳

以上外書

張子全書卷之十四 終

張子全書卷之十四

拾遺

十六

張子全書卷之十五

附錄

明後學嘉興徐必達輯校

程子曰訂頑之言極純無雜秦漢以來學者所

訂頑一篇意極完備乃仁之體也學者其體此意令

有諸已其地位已高到此地位自別有見處不可

窮高極遠恐於道無補也

訂頑立心便可達天德

學者須先識仁仁者渾然與物同體義禮知信皆仁

也識得此理以誠敬存之而已不須防檢不須窮

索若心懈則有防心若不懈何防之有理有未得

張子全書卷之十五

附錄

故須窮索存久自明安待窮索此道與物無對大

不足以名之天地之用皆我之用孟子言萬物皆

備於我須反身而誠乃為大樂若反身未誠則猶

是二物有對以已合彼終未有之又安得樂訂頑

意思乃備言此體以此意存之更有何事必有事

焉而勿正心勿忘勿助長未嘗致纖毫之力此其

存之道若存得便合有得蓋良知良能元不喪

失以昔日習心未除却須存養此心久則可奪舊

習此理至約惟患不能守既能體之而樂亦不患

不能守也

西銘某得此意只是須得子厚如此筆力他人無緣

做得孟子以後未有人及此得此文字省多少言

語要之仁孝之理備乎此須臾而不於此則便不

仁不孝也

游酢於西銘讀之已能不逆於心言語外立得箇意

思便能道中庸矣

孟子之後只有原道一篇其間言語固多病然大要

儘近理若西銘則是原道之宗祖也原道却只說

道元未到西銘意思據子厚之文醇然無出此文

也自孟子後蓋未見此書

張子全書卷之十五

附錄

問西銘如何曰此橫渠文之粹者也曰充得盡時如

何曰聖人也橫渠能充盡否曰言有兩端有有德

之言有造道之言有德之言說自己事如聖人言

聖人事也造道之言則知足以知此如賢人說聖

人事也橫渠道儘高言儘醇自孟子後儒者都無

他見識

西銘明理一而分殊

弘而不毅則難立毅而不弘則無以居之西銘言弘

之道觀張子厚所作西銘能養浩然之氣者也

見性

子厚高才其學更先從雜博中過來

張子厚聞生皇子喜甚見餓莩者食便不美

明

正叔謂某接人治經論道者亦甚多昔言及治體者

誠未有如子厚

子厚以禮教學者最善使學者先有所據守

問橫渠言由明以至誠由誠以至明此言恐過當曰

由明以至誠此句却是由誠以至明則不然誠即

明也孟子曰我知言我善養吾浩然之氣只我知

言一句已盡橫渠之言不能無失類若此若西銘

一篇誰說得到此今以管窺天固是見北斗別處

張子全集卷之五

附錄

二二

雖不得見然見北斗不可謂不是也

正

問橫渠之書有迫切處否曰子厚謹嚴纔謹嚴便有

迫切氣象無寬舒之氣

立清虛一大為萬物之源恐未安湏兼清濁虛實乃

可言神道體物不遺不應有方所

橫渠教人本只是謂世學膠固故說一箇清虛一大

只圖得人稍損得沒去就道理來然而人又更別

走今日且只道敬

伯淳嘗與子厚在興國寺曾講論終日而曰不知舊

日曾有甚人於此處講此事

子厚言關中學者用禮漸成俗正叔言自是關中人

剛勁敢為子厚言亦是自家規矩寬大

關中學者以今日觀之師死而遂倍之却未見其人

只是更不復講

張子厚罷太常禮院歸關中過洛而見程子子曰比

太常禮院所議可得聞乎子厚曰大事皆為禮房

檢正所奪所議惟小事爾子曰小事謂何子厚曰

如定謚及龍女衣冠子曰龍女衣冠如何子厚曰

當依夫人品秩蓋龍女本封善濟夫人子曰其則

不然既曰龍則不當被人衣冠矧大河之塞本上

張子全集卷之五

附錄

四

天降祐宗廟之靈朝廷之德而吏士之勞也龍何

功之有又聞龍有五十三廟皆曰三娘子一龍邪

五十三龍邪一龍則不當有五十三廟五十三龍

則不應盡為三娘子也子厚默然

正

子厚言今日之往來俱無益不如閒居與學者講論

資養後生却成得事正叔言何必然義當來則來

當往則往爾

子厚謂程卿夙興幹事良由人氣清則勤閒不得正

叔謂不可若此則是專為氣所使子厚謂此則自

然也伯淳言雖然且欲凡事皆不恤以恬養則好

子厚謂此則在學者也

或云尋常觀人出辭氣便可知人先生曰亦安可盡  
昔橫渠常以此觀人未嘗不中然某不與他如此  
後來其弟戢亦學他如此觀人皆不中此安可學  
藻鑑人物自是人才有通悟處學不得也張子厚善

鑑裁其弟天祺學之便錯

以上見程氏遺書

橫渠昔在京師坐虎皮說周易聽從甚衆一夕二程

先生至論易次日橫渠撤去虎皮曰吾平日爲諸

公說者皆亂道有二程近到深明易道吾所弗及

汝輩可師之

逐口虎皮出是日更不出虎皮也

橫渠乃歸陝西

張子厚書

卷之十五

附錄

五

張橫渠著正蒙時處處置筆硯得意即書伯醇云子

厚却如此不熟

張子正蒙云水之融釋海不得而與焉伊川改與

有

橫渠學堂雙牖右書訂頑左書疑愚伊川曰是起爭

端改之曰東銘西銘

橫渠嘗言吾十五年學箇恭而安不成明道曰可知

是學不成有多少病在

神宗問明道以張載邢恕之學奏云張載臣所畏邢

恕從臣游

呂與叔作橫渠行狀有見二程盡棄其學之語尹子

言之先生曰表叔平生議論謂願兄弟有同處

可若謂學於願兄弟則無是事頃年屬與叔刪去

不謂尚存斯言幾於無忌憚

按行狀今有兩本一本云盡棄其學而學

焉一本云於是盡棄異學

淳如也恐是後來所改

以上見程氏外書

橫渠言氣自是橫渠作用立標以明道

楊時致書伊川先生曰西銘言體而不及用恐其流

遂至於兼愛先生答之曰橫渠立言誠有過者乃

在正蒙西銘之爲書推理以存義擴前聖所未發

與孟子性善養氣之論同功豈墨氏之比哉西銘

明理一而分殊墨氏則二本而無分子比而同之

張子全書

卷之十

附錄

六

過矣且謂言體而不及用彼欲使人推而行之本

爲用也反謂不及不亦異乎

見程氏文集下同

伊川先生答先生書曰觀吾叔之見志正而謹嚴如

虛無即氣則無無之語深探遠賸豈後世學者所

嘗慮及也然此語未能無過餘所論以大槩氣象

言之則有苦心極力之象而無寬裕溫厚

一作和

氣非明睿所照而考索至此故意屢偏而言多窒

小出入時有之明所照者如目所覩纖微盡識之

矣考索至者如揣料於物約見髮髣耳能無差乎

更望完養思慮涵泳義理他日當自修暢

橫渠教人以禮爲先大要欲得正容謹節其意謂世人汗漫無守便當以禮爲地教他就上面做工夫然其門人下稍頭溺於刑名度數之間行得來因無所見處如喫木札相似更沒滋味遂生厭倦故其學無傳之者明道先生則不然先使學者有知識窮得物理却從敬上涵養出來自然是別

朱子曰西銘前一段如碁盤後一段如入下棋

西銘一篇首三句似人破義題天地之帥之塞兩句恰似做原題乃一篇緊要處民吾同胞至顛連而

無告者也乃統論如此於時保之以下是做工夫

張子全書卷之十五 附錄 主

西銘有箇直劈下底道理又有箇橫截斷底道理

問西銘仁孝之理曰他不是說孝是將這孝來形容

這仁事親底道理便是事天底樣子

西銘之書指吾體性之所自來以明父乾母坤之實

極樂天踐形窮神知化之妙以至於無一行之不

慊而沒身焉故伊川先生以爲充得盡時便是聖

人恐非專爲始學者一時所見而發也

橫渠之意直借此以明彼以見天地之間隨大隨小

此理未嘗不同耳其言則固爲學者而設若大賢

以上又豈須說耶伊川嘗言若是聖人則乾坤一卦亦不消得正謂此也

所論西銘名虛而理實此語甚善名雖假借然其理則未嘗有少異也若本無此理則又如之何而可強假耶

橫渠西銘初看有許多節却似狹充其量是甚麼樣

大合下便有箇乾健坤順意思自家身已便如此

形體便是這箇物事性便是這箇物事同胞是如

此吾與是如此王腦便是如此尊高年所以長其

長慈孤弱所以幼其幼又是做工夫處後面節節

張子全書卷之十五 附錄 主

如此於時保之子之翼也樂且不憂純乎孝者也

其品節次第又如此橫渠說這般話體用兼備豈

似他人只說得一邊問自其節目言之便是各正

性命充其量而言之便是流行不息曰然

又語林夔孫曰公既久在此可將一件文字與衆人

共理會夔孫請所看文字曰且將西銘看及看畢

夔孫依先生所解說過先生曰而今解得分曉了

便易看

又曰橫渠云吾學既得於心則修其辭命辭無差然

後斷事斷事無失吾乃沛然看來理會道理須是

說得出一字不穩便無下落所以橫渠中夜便筆之於紙只要有下落而今理會得下落底臨事尚脚忙手亂況不會理會得下落橫渠如此若論道理他却未熟然他地位却要如此高明底則不必如此

橫渠之學是苦心得之乃是致曲與伊川異以孔子爲非生知渠蓋執好古敏以求之故有此說不知好古敏以求之非孔子做不得

又曰橫渠教人道夜間自不合睡只爲無可應接他人皆睡了已不得不睡他做正蒙時或夜裏默坐

集子全書卷之十五

附錄

光緒二十九年

徹曉他直是恁地勇方做得因舉會子任重道遠一段曰子思會子直恁地方被他打得透○問程張之門於六經多指說道之精微學之要領與夫下手處雖甚精切易見然被他開了四至便覺規模狹了曰橫渠最親切程氏規模廣大學者少有能如橫渠輩用功者近看得橫渠用工最難切直是可畏○問橫渠似孟子否曰橫渠嚴密處子宏闊又問孟子平正橫渠高處太高僻處太僻曰是又曰橫渠之於程子猶伯夷伊尹之於孔子○或云諸先生說話皆不及小程先生雖大程亦不及

曰不然明道說話儘高邵張說得端的處儘好已

如伊川說仁者天下之公善之本也大段寬而不

切如橫渠說心統性情這般所在說得的當又如

伊川謂鬼神者造化之迹却不如橫渠所謂二氣

之良能也○明道之學從容涵泳之味洽橫渠之

學苦心力索之功深○會子剛毅立得牆壁在而

後可傳之子思孟子伊川橫渠甚嚴游楊之門倒

塌了若天資大段高則學明道若不及明道則且

學伊川橫渠○贊先生像曰早悅孫吳晚逃佛老

勇撤阜比一變至道精思力踐妙契疾書訂頑之

訓示我廣居

附錄

十三百九十九

和靖尹氏曰見伊川後半年方得大學西銘看

人本與天地一般大只爲人自小了若能自處以天

地之心爲心便是與天地同體西銘備載此意顏

子克己便是能盡此道

龜山楊氏曰西銘只是發明一箇事天底道理所謂

事天者循天理而已

西銘會古人用心要處爲文正如杜順作法界觀樣

西銘只是要學者求仁而祀

南軒張氏曰西銘謂以乾爲父坤爲母有生之類無

不皆然所謂理一也而人物之生血脉之屬各親其親各子其子則其分亦安得而不殊哉是則然矣然卽其理一之中乾則爲父坤則爲母民則爲同胞物則爲吾與若此之類分固未嘗不具焉龜山所謂用未嘗離體者蓋有見於此也似更須說破耳

人之有是身也則易以私私則失其正理矣西銘之作唯患夫私勝之流也故推明理之一以示人理則一而其分森然自不可易惟識夫理一乃見其分之殊明其分殊則所謂理之一者斯周流而無敵矣此仁義之道所以常相須也學者存此意涵泳體察求仁之要也

天地位而萬物散殊其親疎皆有一定之勢然不知理一則私意將勝而其流敵將至於不相管攝而害夫仁故西銘因其分之立而明其理之本一所謂以止私勝之流仁之方也雖推其理之一而其分森然者自不可亂義蓋所以存也大抵儒者之道爲仁之至義之盡者仁立則義存義精而後仁之體爲無敵也

如以民爲同胞謂尊高年爲老其老慈孤弱爲幼其

幼是推其理一而其分殊固自在也故曰分立而推理一以止私勝之流仁之方也若龜山以無事乎推爲理一且引聖人老者安之少者懷之爲說恐未知西銘推理一之旨也

雙峰饒氏曰西銘一書規模宏大而條理精密有非片言之所能盡然其大指不過中分爲兩節前一節明人爲天地之子後一節言人事天地當如子之事父母何謂人爲天地之子蓋人受天地之氣以生而有是性猶子受父母之氣以生而有是身父母之氣卽天地之氣也分而言之人各一父母也合而言之舉天下同一父母也人知父母之爲父母而不知天地之爲大父母故以人而視天地常漠然與已如不相關人於天地既漠然如不相關則其所存所發宜乎無適而非已私而欲其順天理遏人欲以全天地賦予之本然亦難矣此西銘之作所以首因人之良知而推廣之言天以至健而始萬物則父之道也地以至順而成萬物則母之道也吾以藐然之身生於其間稟天地之氣以爲形而懷天地之理以爲性豈非子之道乎其下繼之以民吾同胞物吾黨與而同胞之中復推

其大君者爲宗子大臣者爲宗子之家相高年者爲兄孤弱者爲弟聖者爲兄弟之合德乎父母賢者爲兄弟之秀出乎等夷疲癯殘疾獨鰥寡者爲兄弟之顛連而無告者則皆所以著夫並生天地之間而與我同類者雖有貴賤貧富長幼賢愚之不齊而均之爲天地之子也知並生天地之間而與我同類者均之爲天地之子則天地爲吾之父母也豈不昭昭矣乎故曰前一節明人爲天地之子何謂人事天地當如子之事父母蓋子受父母之氣以生則子之身卽父母之身人受天地之氣以生則人之性亦卽天地之性子之身卽父母之身故事親者不可不知所以保愛其身人之性卽天地之性則事天者亦豈可不知所以保養其性邪此西銘之作所以旣明人爲天地之子而復因事親之孝以明事天之道也樂天者不思不勉而順行乎此性猶人子愛親之純而能愛其身者也畏天者戰戰兢兢以保持乎此性猶人子敬親之至而能敬其身者也若夫徇私以違乎理縱欲以害其仁無能改於氣稟之惡而復增益之則是反此性而爲天地悖德賊親不才之子矣盡此性

張子全書卷之廿五

附錄一

十三

三十八

而能踐其形者其惟天地克肖之子乎窮神知化樂天踐形者之事也存心養性而不愧屋漏畏天以求踐乎形者之事也以此修身則爲顧養以此及人則爲錫類以此處常而盡其道則爲底豫爲歸全以此處變而不失其道則爲待烹爲順今愛惡逆順處之若一生順死安兩無所憾事親而至於是則可以爲孝子事天而至於是豈不可以爲仁人乎故曰後一節言人之事天地當如子之事父母此篇之指大略如此朱夫子所謂推親親之厚以大無我之公因事親之誠以明事天之道亦此意也嗚呼繼志述事孝子之所以事親也存心養性君子之所以事天也事親事天雖若兩事然事親者卽所以爲事天之推而善事天者乃所以爲善事其親者也

張子全書卷之廿五

附錄一

十四

三十八



自然順吾父母之理非孝之極純者乎不愛其  
而愛他人者謂之悖德天理者父母所以與我者  
也而乃違之是不愛其親也賊仁者謂之賊仁者  
父母所以與我之心德也而乃害之是戕其親也  
世濟其惡增其惡名則是父母之不才子矣若能  
踐其所以得五行秀為萬物靈者之形則是與天  
地相似而克肖乎父母矣知者聖人踐形惟肖有  
以默契乎是理非但聞見之知也化則天地化育  
之事乾道變化發育萬物各正性命者知得天地  
化育之事則吾亦能為天地之事是善述吾父母  
張子全書卷之十五 附錄 十五  
所為之事矣窮者聖人窮理盡性有以究極乎是  
理而知之無不盡也神則天地神妙之心純天之  
命至誠無息於穆不已者窮得天地神妙之心則  
吾亦能心天地之心是善繼吾父母所存之志矣  
此造聖之終事踐形惟肖者之盛德所謂樂且不  
憂純乎孝者也不愧屋漏者已私克盡心自然存  
性得其養雖於屋漏之奧尚無愧作之事夫其無  
愧於天則是無忝辱所生之父母也存心養性者  
用力克己惕然惟恐有愧於天操而不舍其王  
身之心順而不害其具於心之理存心養性所

事天夫其不怠於存養此天理則是不懈怠於事  
父母也此作聖之始事學踐形惟肖者之工夫所  
謂於時保之子之翼也然知化者必能窮神窮神  
然後能知化不愧屋漏者必能存心養性存心養  
性然後能不愧屋漏善述事者必能繼志善繼志  
者然後能述事無忝者必能匪懈匪懈然後能無  
忝存心養性然後有以不愧屋漏不愧屋漏然後  
可以至於窮神窮神然後有以知化匪懈然後有  
以無忝無忝然後可以至於善繼志善繼志者然  
後可以善述事也  
張子全書卷之十五 附錄 十六  
游氏曰子厚學成德尊與孟子比然猶秘其學明道  
曰處今之時當隨其資教之雖識有明暗亦各有  
得焉子厚用其言故關中學者躬行之多與洛  
呂晦叔薦先生于朝曰張載學有本原西方之學者  
皆宗之神宗即命召見問治道皆以復三代為對  
他日見執政執政語之曰新政之更懼不能任事  
求助於子何如先生曰朝廷將大有為天下士願  
與下風若與人為善則孰敢不盡如教玉人追琢  
則人亦故有不能執政嘿然以上見性理  
邵氏聞見錄曰橫渠再移疾西歸過洛見二程先生

曰載病不起尚可及長安也行至臨潼沐浴更衣而寢及旦視之亡矣門生衰經挽車以塋

行狀

呂大臨

先生諱載字子厚世大梁人曾祖某生唐末歷五代不仕以子貴贈禮部侍郎祖復仕真宗朝爲給事中集賢院學士贈司空父迪仕仁宗朝終於殿中丞知涪州事贈尚書都官郎中涪州卒于西官諸孤皆幼不克歸僑寓於鳳翔郿縣橫渠鎮之南大振谷口因徙而家焉先生嘉祐二年登進士第始仕祁州司法泰軍遷丹州雲巖縣令又遷著作佐郎簽書涪州軍判官公事熙寧二年冬被召入對除崇文院校書明年移疾十年春復召還館同知太常禮院是年冬調告西歸十有二月乙亥行次臨潼卒于館舍享年五十有八是月以其喪歸殯於家卜以元豐元年八月癸酉塋于涪州墓南之兆先生娶南陽郭氏有子曰因尚幼先生始就外傳志氣不羣知虔奉父命守不可奪涪州器之少孤自立無所不學與邠人焦寅游寅喜談兵先生說其言當康定用兵時年十八慨然以功名自許上書謁范文正公公一見知其遠器欲成就之乃責之曰儒者自有名教何事於兵因勸

讀中庸先生讀其書雖愛之猶未以爲足也於是又訪諸釋老之書累年盡究其說知無所得反而求之六經嘉祐初見洛陽程伯淳正叔昆弟于京師共語道學之要先生渙然自信曰吾道自足何事旁求乃盡棄異學淳如也間起從仕日益久學益明方未第時文潞公以故相判長安聞先生名行之美聘以東帛延之學宮異其禮際士于矜式焉其在雲巖政事大抵以敦本善俗爲先每以月吉具酒食召鄉人高年會于縣庭親爲勸酬使人知養老事長之義因問民疾苦及告所以訓戒子弟之意有所告教常患文檄之出不能盡達于民每召鄉長于庭諄諄口諭使往告其閭里間有民因事至庭或行過于道必問某時命某告某事聞否聞卽已否則罪其受命者故一言之出雖愚夫孺子無不預聞知京兆王公樂道嘗延致郡學先生多教人以德從容語學者曰孰能少置意科舉相從于堯舜之域否學者聞法語亦多有從之者在渭渭帥蔡公子正特所尊禮軍府之政小太吝之先生夙夜從事所以贊助之力爲多並塞之民常苦乏食而貧于官帑不能足又屬霜旱先生力言于府取軍儲數十萬以救之又言戍兵徒往來不

可爲用不若損數以募土人爲便上嗣位之二年登用大臣思有變更御史中丞呂晦叔薦先生于朝曰張載學有本原四方之學者皆宗之可以召對訪問上卽命召旣入見上問治道皆以漸復三代爲對上說之曰卿宜日見二府議事朕且將大用卿先生謝曰臣自外官赴召未測朝廷新政所安願徐觀旬月繼有所獻上然之他日見執政執政嘗語曰新政之更懼不能任事求助于子何如先生對曰朝廷將大有爲天下之士願與下風若與人爲善則孰敢不盡如教玉人追琢則人亦故有不能執政默然所語多不合寢不悅旣命校書崇文先生辭未得謝復命案獄浙東或有爲之言曰張載以道德進不宜使之治獄執政曰淑問如皋陶猶且獻囚此庸何傷獄成還朝會弟天祺以言得罪先生益不安乃謁告西歸居于橫渠故居遂移疾不起橫渠至僻陋有田數百畝以供歲計約而不足人不堪其憂而先生處之益安終日危坐一室左右簡編俯而讀仰而思有得則識之或中夜起坐取燭以書其志道精思未始須臾息亦未嘗須臾忘也學者有問多告以知禮成性變化氣質之道學必如聖人而後已聞者莫不動心有進

張子全書

卷之十五

附錄

十九

四

又以爲教之必能養之然後信故雖貧不能自給苟門人之無貲者雖糲蔬亦共之其自得之者窮神化一天人立大本斥異學自孟子以來未之有也嘗謂門人曰吾學旣得于心則修其辭命辭無差然後斷事斷事無失吾乃沛然精義入神者豫而已矣近世喪祭無法喪惟致隆三年自期以下未始有衰麻之變祭先之禮一用流俗節序燕褻不嚴先生繼遭期功之喪始治喪服輕重如禮家祭始行四時之薦曲盡誠潔聞者始或疑笑終乃信而從之一變從古者甚衆皆先生倡之先生氣質剛毅德盛貌嚴然與人居久而日親其治家接物大要正己以感人未之信反躬自治不以語人雖有未諭安行而無悔故識與不識聞風而畏非其義也不敢以一毫及之其家童子必使洒掃應對給侍長者女子之未嫁者必使親祭祀納酒漿皆所以養孫弟就成德嘗曰事親奉祭豈可使人爲之聞人之善喜見顏色答問學者雖多不倦有不能者未嘗不開其端其所至必訪人才有可語者必丁寧以誨之惟恐其成就之晚歲適大歎至人相食家人惡米不鑿將春之先生亟止之曰飢殍盈野雖蔬食且自愧又安忍有擇乎甚或咨嗟

張子全書

卷之十五

附錄

二十一

對案不食者數四熙寧九年秋先生感異夢忽以書屬門人乃集所立言謂之正蒙出示門人曰此書予歷年致思之所得其言殆于前聖合與大要發端示人而已其觸類廣之則吾將有待于學者正如老木之株枝別固多所少者潤澤華葉爾又嘗謂春秋之爲書在古無有乃聖人所自作唯孟子爲能知之非理明義精殆未可學先儒未及此而治之故其說多穿鑿及詩書禮樂之言多不能平易其心以意逆志方且條舉大例考察文理與學者緒正其說先生慨然有意三代之治望道而欲見論治人先務未始不以經界爲急講求法制粲然備具要之可以行于今如有用我者舉而措之爾嘗曰仁政必自經界始貧富不均教養無法雖欲言治皆苟而已世之病難行者未始不以亟奪富人之田爲辭然茲法之行悅之者衆苟處之有術期以數年不刑一人而可復所病者特上未之行爾乃言曰縱不能行之天下猶可驗之一鄉方與學者議古之法共買田一方畫爲數井上不失公家之賦役退以其私正經界分宅里立飲法廣儲蓄興學校成禮俗救災恤患敵本抑末足以推先王之遺法明當今之可行此皆有志未就者

張子全書卷之十五

附錄

二五

鳳帥呂公薦之曰張載之學善發聖人之遺意其術略可措之以復古乞召還舊職訪以治體詔從之先生曰吾是行也不敢以疾辭庶幾有遇焉及至都公卿聞風慕之然未有深知先生者以所欲言嘗試于人多未之信會有言者欲講行冠婚喪祭之禮詔下禮官禮官安習故常以古今異俗爲說先生獨以爲可行且謂稱不可非儒生博士所宜衆莫能奪然議卒不決郊廟之禮禮官預焉先生見禮不致嚴亟欲正之而衆莫之助先生益不悅會有疾謁告以歸如道之難行欲與門人成其初志不幸告終不卒其願沒之日唯一甥在側囊中索然明日門人之在長安者繼來奔哭之賻襚始克斂遂奉柩歸殯以塋又卜以三月而塋其治喪禮一用古以終先生之志某惟先生之學之至備存于書略述于謚議矣然欲求文以表其墓必得行事之迹敢次以書

哭于厚先生詩

明道先生

歎息斯文約共修如何夫子便長休東山無復蒼生望西土誰供後學求千古聲名聯棟夢二年零落去山丘寢門慟哭知何恨豈獨交親念舊遊

論謚書

司馬光

橫渠之沒門人欲謚為明誠夫子負於明道  
先生先生疑之訪于溫公以為不可此帖不  
見于文集今藏  
龜山楊公家

光啓昨日承問張子厚謚倉卒奉對以漢魏以來此  
例甚多無不可者退而思之有所未盡竊惟子厚平  
生用心欲率今世之人復三代之禮者也漢魏以下  
蓋不足法郊特牲曰古者生無爵死無謚爵謂大夫  
以上也檀弓記禮所由失以為士之有誄自縣責父  
始子厚官比諸侯之大夫則已貴宜有謚矣然曾子  
問曰賤不誄貴幼不誄長禮也惟天子稱天以誄之  
諸侯相誄非禮也諸侯相誄猶為非禮况弟子而誄  
其師乎孔子之沒哀公誄之不聞弟子復為之謚也  
子路欲使門人為臣孔子以為欺天門人厚塋顏淵  
孔子歎不得視猶子也君子愛人以禮今關中諸君  
欲謚子厚而不合于古禮非子厚之志與其以陳文  
範陶靖節王文中孟貞曜為比其尊之也曷若以孔  
子為比乎承關中諸君決疑于伯淳而伯淳謙遜情  
謀及于淺陋不敢不盡所聞而獻之以備萬一惟伯  
淳擇而折衷之光再拜

張子全書卷之十五 終

周張全書二十二卷 內府藏本

明徐必達編周子書自太極圖說通書而外僅得  
詩文尺牘數首附以年譜傳誌及諸儒之論為七  
卷張子書正蒙理窟易說而外兼載語錄文集其  
散見於性理近思錄二程書者蒐輯蒼粹別為拾  
遺附錄通十五卷

朱子註釋濂關三書不分卷

〔清〕王植輯

中國科學院圖書館藏清雍正元年刻本

附《四庫全書總目·濂關三書無卷數》提要

朱子註釋濂關三書

濂溪太極圖說一篇通書四十章橫渠西銘一篇皆朱子手所注釋表章於世者也蓋朱子於此三書既爲之註復詳爲之說闡發不遺餘力尊之與語孟五經等而後儒顯微抉幽以暢其意旨之未盡者亦幾釐然備矣後學或且病之曰擇焉弗精語焉弗詳也夫謂其弗精則考亭微言具在於是謂其弗詳則一言而千百其詞

序

尙何以加焉乃猶不足厭賢哲之心而驟而讀之亦有難得其端緒之所在者言未循其序而理未衷於一也夫言多而擇之無術雖微詞渺義尙汨沒於繁雜紛囂之中矧新安未定之言諸賢未醇之論如涇渭同流而丹雘雜陳能無惘惘哉余嘗從事於此思爲訂正乃爲二法例之一曰以傳從經說之發明大文者卽依大文爲序次使條分縷析皆按次而列一曰以疏通

注意之發明注義者卽以注義爲標準使經直  
緯橫皆從一而定若作室然彼始其事者堂構  
垣墉棟桷榑礎階砌既無一不具矣取資  
用宏或未暇細爲經理吾欲去其龐雜奠其机  
隄無俟另闢門庭而改作之第於位置未善者  
爲之調方向通戶牖界墻垣觀者自見夷然一  
新余於是書志此物也若夫悟太極無極之妙  
念乾父坤母之原體仁義中正之實求踐形惟

序

肖之旨心研力追有非言詮所可樂者余有志  
焉而未之逮也將伯之呼所望於二三同志何  
如哉雍正元年秋七月深澤王植序

太極圖說總論

愚按圖說總論舊附篇末然提綱挈領固宜揭之於前以攝  
全書之旨

朱子曰太極圖只是一箇實理一以貫之○濂溪太極圖首尾  
相因脉絡貫通首言陰陽變化之原其後卽以人所禀受明之  
惟人也得其秀而最靈此粹至善之性也是所謂太極也形生  
神發則陽動陰靜之爲也五性感動則陽變陰合而生水火木  
金土之性也善惡分則成男成女之象也萬事出則萬物化生  
之象也聖人定之以中正仁義而主靜立人極焉則又有得  
乎太極之全體而與天地混合無間矣故下文又言天地日月

四時鬼神四者無不合也○問太極圖曰以人身言之呼吸之  
氣便是陰陽經絡血肉便是五行其性便是理○太極之旨周  
子立象於前爲說於後互相發明平正洞達絕無毫髮可疑而  
舊傳圖說皆有謬誤幸其失於此者猶或有存於彼是以向來  
得以參互考証改而正之凡所更改皆有據依非出於己意之  
私也○先生之精因圖以示先生之蘊因圖以發而其所謂無  
極而太極云者又一圖之綱領所以明夫道之未始有物而實  
爲萬物之根柢也夫豈以爲太極之上復有所謂無極哉近世  
讀者不足以識此而或妄議之既以爲先生病史氏之傳先生  
者乃增其語曰自無極而爲太極則又無所依據而重以病夫

先生○戊申六月在玉山。邂逅洪景廬內翰。借得下脩圖史中。有濂溪張程等傳。盡載太極圖說。蓋濂溪於是始得正傳。作史者於此為有功矣。然此說本語首句。但云無極而太極。不知其何所據。而增此自為二字也。夫以本文之意。親切渾全明白。如此而淺見之士。猶或妄有譏議。若增此字。其為前修之累。故後學之疑。益以甚矣。謂當請而改之。而或者以為不可。奇獲二客。特以為父辨謗之故。請刊國史。所記草頭木脚之語。神祖猶俯從之。況此乃百世道術淵源之所繫耶。正當援此為創。則無不可改之理矣。○周子吃緊為人。特著太極之書。以明道體之極。致而其所說用工夫處。只說定之以中正仁義而主靜。君子脩

之吉而已。未嘗使人日用之間。必求見此無極之真。而固守之也。蓋原此理之所自來。雖極微妙。萬事萬化皆自此中流出。而實無形象之可指。故曰無極耳。若論工夫。則只中正仁義便是。理會此事處。非是別有一段根源工夫。又在講學應事之外也。○凡看道理。要見大頭腦處。分明下面節。只是此理散為萬殊。如孔子教人。雖是逐事說箇道理。未嘗說出大頭腦處。然四面八方合聚湊來。也有見得箇大頭腦。若孟子便已指出教人。周子說出太極。又是大段分明指出矣。且如惻隱之端。從此處推將去。則是此心之仁。仁即四德之元。元即太極動處。如此節節推將去。亦自見得大頭腦處。若看得太極處分明。則盡見得

天下許多道理。條條皆自此出事。事物上皆有此箇道。聖元無虧欠也。○太極圖某若不分別許多節次出來。如何看得。但未知後人果能如此仔細去看否。○周子太極圖經許多人不與他思量。出自其逐一與他思索。方得他如此精密。○今人多疑濂溪之學。出於希夷。某曰。濂溪書具存。如太極圖希夷如何有此說。

愚按以上共十一條。首四條總論一篇之意。次二條論首句妄增自為二字之失。次一條於圖說中舉其所言用功處。次三條論看太極圖法。末一條辨圖之非出於陳希夷也。朱子答陸子靜書曰。來書反覆其於太極無極之辨。詳矣。然以

某觀之。伏羲作易。自一畫以下。文王演易。自乾元以下。皆未嘗言太極也。而孔子言之。孔子贊易自太極以下。未嘗言無極也。而周子言之。夫先聖後聖。豈不同條而共貫哉。若於此有以然。實見太極之真體。則知不言者不為少。而言之者不為多矣。何至若此之紛紛哉。今既不然。則吾之所謂理者。恐其未足以為群言之折衷。又況於人之言。有所不盡者。又非一二而已乎。夫大傳之太極者何也。即兩儀四象八卦之理。具於三者之先。而蘊於三者之內者也。聖人之意。正以其究竟主極。無名可名。故特謂之太極。猶曰舉天下之至極。無以加此云爾。初不以其中而命之也。如北極之極。屋極之極。皇極之極。民極之極。諸儒



雖有解為中者。蓋以此物之極。常在此物之中。非指極字而訓之。以中至於太極。則又初無形象。方所之可言。但以此理至極而謂之極耳。今乃以中名之。則是所謂理有未明。而不能盡乎人言之意者一也。通書理性命章。所謂靈。所謂一者。乃為太極。而所謂中者。乃氣稟之得中。與劉善則惡。柔善柔惡者。為五性。初屬乎五行。初未嘗以是為太極也。且曰中焉止矣。而又下屬于二氣五行。化生萬物之云。是亦復成何等文字。義理乎。今來論乃指其中者為太極。而屬之下文。則又理有未明。而不能盡乎人言之意者二也。若論無極二字。乃是周子灼見道體。迥出常情。不顧旁人是非。不計自己得失。勇往直前。說出人不敢說

的道理。今後之學者。曉然見得太極之妙。不偏有無。不落方體。若于此看得破。方見得此老真得千聖以來不傳之秘。非但祭屋上之屋。疊床之上床而已也。今必以為未然。是又理有未明。而不能盡乎人言之意者三也。至于太極。既曰形而上者謂之道矣。而又曰一陰一陽之謂道。此豈真以陰陽為形而上者哉。正所以見一陰一陽。雖屬形氣。然其所以一陰而一陽者。是乃道體之所為也。故語道體之至極。則謂之太極。語太極之流行。則謂之道。雖有二名。初無兩體。周子所以謂之無極。正以其無方所無形狀。以為在無物之前。而未嘗不立于有物之後。以為在陰陽之外。而未嘗不行乎陰陽之中。以為通貫全體。無乎不

在。則又初無聲臭影響之可言也。今乃深詆無極之不然。此又理有未明。而不能盡乎人言之意者四也。至其前書所謂不言無極。則太極同于一物。而不足為萬化根本。不言太極。則無極論于空寂。而不能為萬化根本。乃是推本周子之意。以為當時若不如如此兩下說破。則讀者錯認語意。必有偏見之病。聞人說有。即謂之實有。見人說無。即謂之真無耳。請以某書上下文意詳之。豈謂太極可以入言。而為加損者哉。是又理有未明。而不能盡乎人言之意者五也。來書又謂大傳明言易有太極。今乃言無。老兄且謂大傳之所謂有。果如兩儀四象八卦之有定位。天地五行萬物之有常形耶。周子之所謂無。是果虛空斷滅。初

無生物之理。耶。此又理有未明。而不能盡乎人言之意者六也。老子復歸于無極。無極乃無窮之義。如莊生入無窮之門。以遊無極之野云爾。非若周子所言之意也。今乃引之。而謂周子之言實出乎彼。此又理又未明。而不能盡乎人言之意者七也。

愚按此朱陸不同之一端。故特錄全文以備考云。

朱子曰。伏羲畫卦。只就陰陽以下。孔子又就陰陽上發出太極。康節又道。洞信畫前原有易。濂溪太極圖。又有許多詳備。問太極圖。自一而二。自二而五。即推至於萬物。易則自一而二。自二而四。自四而八。自八而十六。自十六而三十二。自三十二而六十四。然後萬物之理備。而銘則止言陰陽。洪範則止言五行。

或辭或事皆不即何也。曰理一也。人亦見有詳畧耳。然通理未始不相值也。○問先天太極二圖曰先天乃伏羲本圖。非康節所作。雖無言語。而所該甚廣。凡今易中一字一義。無不自其中流出者。太極却是濂溪自作。發明易中大概。經領意思。而已。故論其格局。則太極不如先天之大。而詳論其義理。則先天不如太極之精。而約。蓋合下規模不同。而太極終在先天範圍之內。又不若彼之自然。不假思慮安排也。若以數言之。則先天之數自一而二。自二而四。自四而八。以爲八卦。太極之數亦自一而二。自二而四。自四而八。以爲五行。○自注。劉宗素自二而四。自四而八。以爲五行。而遂下及於萬物。蓋物理本同。而象數亦無二致。但推得有大

六

六

小詳畧耳。○先天之說。亦是太極散爲六十四卦。三百八十四爻。而一卦一爻。莫不具一太極。其各具一太極處。又有許多道理。須虛心平氣就事觀理。不可只就圖想像思維也。○問劉子所謂天地之中。即周子所謂太極否。曰只一般。但名不同。中只是恰好處。惟皇上帝降衷於下民。亦只是恰好處。極不是中。極之爲物。只是在中。如這燭臺中央。簪處便是極。從這裏比到那裏也。恰好。不曾加些。從那裏比到這裏也。恰好。不曾減些。○問濂溪作太極圖。發明造化之原。橫渠作西銘。揭示造爲之方。然二先生之學。不知所造爲孰深。曰此未易窺測。然亦非學者所當輕議也。○問近思錄載橫渠論氣二章。其說與太極圖動

靜陰陽之說相出入。然橫渠立論不一而足。似不若周子之說。有本末次第也。曰橫渠論氣與西銘太極各是發明一事。不可以外而廢彼。優劣亦不當輕議也。○問明道濂溪俱高。不如伊川精切。曰明道說話超邁。不如伊川說得的確。濂溪也精密。不如其他書如何。但今所說這些子。無一字差錯。○問康節所謂一陽初動處。萬物未生時。曰某嘗謂康節之學。與周子程子所說小有不同。康節於那陰陽相接處。看得分曉。故多舉此處爲說。不如周子說無極而太極。與五行一陰陽。陰陽一太極。如此周偏若如周子程子之說。則康節所說在其中矣。康節是指貞元之間言之。不似周子程子說得活。體用一原。顯微無間。

六

六

愚按以上共九條。朱子所論太極圖與諸書同異也。首四條以圖與易並論。次一條以極字與劉子受中之中並論。次二條以圖說與張子西銘正蒙並論。次一條與程子並論。末條與邵子一陽初動處二語並論。○南軒張氏曰。先生崛起千載之後。獨得微指於幾編衍簡之中。惟本太極。以及乎陰陽五行之流布。人物之所以生化。於是知人之爲至靈而性之爲至善。萬物有其宗萬事循其則。舉而措之。可見先王之所以爲治者。非私智之所出。孔孟之意。於以復明。○小陽度氏曰。正始讀晦庵先生所釋太極圖說。莫得其義。然時

時覽而思之不敢廢其後十有餘年讀之既久然後始知所謂上之一圖者太極本然之妙也及其動靜既分陰陽既形而其所謂上之一圖者常在乎其中蓋本然之妙未始相離也至於陰陽變合而生五行水火木金土各具一圖者所謂分而言之。一物一太極也水而木而火而土而金復會於一圖者所謂合而言之五行一太極也然其指五行之合也總水火木金而不及土者蓋上行四氣舉是四者以該之兩儀生四象之義也其下一圖為乾男坤女者所謂男女一太極也又其下一圖為萬物化生者所謂萬物一太極也以見太極之妙流行于天地之間者無乎不在而無物不然也然太極本然之妙初

圖說總論

無方所之可名無鼓與之可議學者之求之其將何以求之哉亦求之於心而已矣學者誠能自識其心反而求之日用之間則將有可得而言者夫寂然不動喜怒哀樂之未發者此心之體而太極本然之妙于是乎在也感而遂通喜怒哀樂之既發者此心之用而太極本然之妙於是而流行也然已發者可見而未發者不可見已發者可聞而未發者不可聞學者於此深察而默識之因其可見以推其不可見因其可聞以推其不可聞然乎融會貫通太極本然之妙可求而心極亦庶乎可立矣或者不知致察乎此而於所謂無極云者真以為無而以為周子立言之病失之遠矣先生嘗語正曰萬物生於五行五行生

於陰陽陰陽生於太極其理至此而極正當時聞之心中釋然若有以見夫理之所以然名之所以立者先生又曰乾道成男坤道成女何也此程子所謂海上無人之境而人忽生乎其間者此天地生物之始禮家所謂感生之道也又曰生天生地成兔成帝即太極動靜生陰陽之義蓋先生晚年表裏洞然事理俱融凡諸子百家一言一行之合於道者亦無不察況聖門之要旨哉遂寧傅氏伯成未第時崇從周子遊而接其議論先生聞之嘗令正訪其子孫而求其遺文焉在吾鄉時傅崇有書謝其所寄姑說其後在永州又有書謝其所寄同人說但傅之書蕪無恙而周子之易說則不可復見耳聞之先生今之通書本

圖說總論

名易通則六十四卦疑皆有其說今考其書獨有乾損益家人睽復死安蒙艮等說而亦無所謂姑說同人說者則其書之散逸亦多矣可不惜哉夫太極者可以發明此心之妙用也然其言詞之高深義理之微密有非後學可以驟而窺者今先生既已反覆論辨究極其說章通句解無復可疑者其所以望於後之學者至矣正也輒不自量併以其聞之先生者附之于此學者若其亦熟復而深味之哉謝氏方叔曰道之大原出於天而具於人心其大無外其小無內蓋混然一太極也自伏羲繼天立極因河圖以畫八卦天地定位而乾坤列小澤通氣而民氣列雷風相薄而震巽列水火

不相射而坎離列自震而乾為數往自巽而坤為知來八倍為十六十六倍為三十二三十二倍為六十四天地鬼神之與萬事萬物之理森然畢備此伏羲先天之易所以為萬世斯文之鼻祖也神農氏之取益噬嗑者以是黃帝堯舜之取乾坤至夫者以是夏連山商歸藏亦以是雖其作用不同其窠同一太極也降及中古文王繫卦周公繫爻易于是乎有辨孔子生于周末晚作十翼先天後天互相發明其紀載于詩書其發揮於禮樂其筆削於春秋大木大原曾不外此去聖浸遠世之諸儒或汨於訓詁詞章之末或溺於權謀功利之習甚至薄剝於虛無寂滅之教其斷喪天理滋甚更千百年至我國朝天啟斯道始

國說總論

十

有濂溪周先生獨傳千載不傳之秘上祖先天之易著太極一圖所謂太極云者蓋本於易有太極而陰陽五行人物由此而生即太極生兩儀兩儀生四象四象生八卦之謂也自太極分陰陽陰陽分五行五行分四時皆指太極之在造化者自無極二五之妙合而推萬物之化生自人物之並生而列乎天地之最聖有五性之感動而明聖人之立極此皆指太極之在品彙者自其在造化者言之則即天地可以推太極動靜之妙故曰立天之道曰陰與陽立地之道曰柔與剛自其在品彙者言之惟聖人會太極動靜之全故曰立人之道曰仁與義終始不窮流行今古此所謂六爻之動三極之道也六爻之中五上為天三

西為人初二為地統而言之三極同一太極析而言之三極各一太極故周子於圖說之終斷之曰大哉易也斯其至矣此周子作圖之本意也至于易通之書則又與此圖相為表裏伊洛道喪傳者多失其真中興以來復有考亭朱先生上據聖賢相傳之道統著書立言私淑後學其本義放蒙諸書皆所以闡揚乎太極之理言造化之樞紐所以明陰陽五行一太極言品彙之根柢所以明男女萬物一太極其曰上天之載無聲無臭則周子無極而太極之意非駕空鑿虛之說也又曰非太極而外復有無極則周子太極本無極之意非疊床架屋之說也太極得朱子表章而益明可謂大有造于萬世學者矣

國說總論

士

愚按此段於首句注內造化樞紐二句極其明徹雖總論書言實闡發註意黃氏瑞節曰朱子於書無不緒正而周子二書解在乾道九年已脫稿至淳熙十五年始出以授學者慶元五年三月將終之前五日猶為諸生講太極圖至夜分則其於是書蓋終身焉然與陸氏兄弟往復爭辯以此與林作即栗論不合得効以此最後臺臣排擊偽學有張貴謨者指論太極圖說之非遂決去以終其身亦以此嗚呼先生講授一意分更分滿開示學者惟恐一毫之不明且盡也而人之好異亦可畏哉後之讀是書者其知先生苦心云

元劉因記太極圖後略云太極圖朱子發謂周子得於穆伯長而胡仁仲因之遂亦謂穆特周子學之一師陸子靜因之遂亦以朱錄為有考而潘誌之不足據也其寔則穆死於明道元年而周子時年十四矣是朱氏胡氏陸氏不惟不考乎潘誌而亦不審乎此之過也朱子見潘誌知圖為周子所自作而非有所受于人也見張詠事有陰陽之語與圖意頗合以詠學於希夷者也故謂是說之傳固有端緒及為圖書法釋則復云莫或知其師傳所自豈亦不考乎此故其說之不决於一與夫周子邵子先天太極之圖雖不必所傳之出於一而其理未嘗不一其理之出于河圖者則又未嘗不一也

圖說總論

主一

河圖之中宮則先天圖之所謂太極所謂道與心者也亦即太極之所謂無極而太極所謂太極本無極所謂人心之靈者也河圖之東北陽之二生數統夫陰之二成數則先天圖之左方震一離兌二乾三者也亦即太極圖之左方陽動者也其氣雖之為陽中之陰即陽動中之為陰靜之根者也河圖之西南陰之二生數統夫陽之二成數則先天圖之右方巽四坎艮五坤六者也亦即太極圖之右方陰靜者也其坎艮之為陰中之陽即陰靜中之為陽動之根者也河圖之奇耦即先天太極圖之所謂陰陽而凡陽皆乾凡陰皆坤也河圖水大居南北之極先天圖坎離列左右之門太極圖陽變

陰合即生水火一也  
冉永光氏太極本河圖論略曰昔人疑周子之學傳自陳希夷朱子以為太極圖非希夷所有然則何由而得之曰由河圖太極生兩儀易言之矣易圖已標太極一圖周子心畫之妙不在最上一圖而在第二層陽動陰靜之圖中涵太極陽陰各半陽中有陰中有陽以著陰陽動靜互為其根之義今觀河圖五位乎中以象太極分十包五五陽十陰此即太極內一層之陰陽也下一左三一三皆陽上二右四二四皆陰是半為陽半為陰也一之外六三之外八六皆陰二之外七四之外九七皆陽是亦半為陽半為陰也以一三之

圖說總論

主一

陽外環以六八之陰二四之陰外環以七九之陽且內陽外陰內陰外陽與太極圖之互根者不相同歟圖說陽變陰合而生水火木金土所言五行之序與天一地二天三地四天五無不符而其為圖水居右之上火居左之上木居左之下金居右之下土位乎中起水左旋而火而木而金而土順乎序也其相生則起左之下終右之上其相克則起右之下終左之上可謂錯綜盡致矣五行各一太極又總一太極則非河圖所有而周子所推以發天地之秘者也第四五圖又以男女萬物之不可勝紀但為二圖括之見男女總一太極萬物總一太極而男女萬物有無數太極乃圖畫所不盡者寓

於二圖中。此亦非河圖。所有而用。子所推以發天地之秘者。也。同者自可為因。不同者無嫌於創。皆由反覆河圖而得。謂太極演河圖。說費易可也。謂太極即河圖。說即易無不可也。

李厚菴氏榕村劄記一條曰。太極圖首之以太極。太極者。渾然一體。而不見其有餘。榮然萬分。而不見其不足。是故圖以員象之。所以目其渾淪一理之妙也。其次為陰陽動靜互根。神之所以不測也。動靜一本於極道之。所以不貳也。圖之陰中有陽。陽中有陰。而陰陽之中。共涵太極。以此也。又其次為五行圖之五行。交系乎上。猶之陰陽之互根也。其總會於一。

圖說總論

古

猶之陰陽之中。涵太極也。又其次為萬物萬物之極。可以兩之者。蓋人自生於父母以後。而離本也愈遠。其視天地也。邈乎其不相屬。故周子分別男女萬物言之。以為所以受之於父母者。與天地同自天地而生。此也。自父母而生。亦此也。人之生於天地。父母通乎一理。而全受而歸之。天地父母也。同乎一道。嗚呼。此即百銘之指。意根本也。惟時正學方興。群賢授受不約。而合有如此。○西銘恰似圖說第二篇。愚按太極圖為圖者五。第一圖即在下數圖中。非數圖之上。別有此圖也。下數圖中各有最上一圖。非一圖止為一圖也。且陰陽為一圖。而太極一圖在內。五行為一圖。而太極陰陽

在內。人物氣化形化總為二圖。而太極陰陽五行之三圖俱在內。是又當於畫不盡處。尋出圖外之意。非五圖各為一圖也。圖說惟人也。得其秀以下見人之一身。便是一太極圖。聖人定之以中正仁義以下見聖人渾然一太極圖。上半言天之所以生人。下半言人之所以合天也。要之太極一圖。從造化上有人物未生之始言之。而玩此圖者。須從人身體驗方有所得。人性太極也。性有形乎。是無極而太極也。人心已發。即動而生陽也。未發即靜而生陰也。心有動靜。而性之理隨之以見。即所乘之機也。性與心不相離。亦不相雜。性不可見。即心而指其動靜之理。以為性。猶太極不可見。即陰陽而指

圖說總論

十五

其動靜之理為太極也。人身上下前後左右。俱分陰陽。如天地東南西北。分之一定而不移也。若動而復靜。語而復默。呼而復吸。無一息之停。亦如日月寒暑循環代謝。命之流行而不已也。五性五官亦陽變陰合而生水火木金土也。人身太極陰陽五行皆自天地來。故無一息不與天地相肖。於此求之。思過半矣。○圖說一篇。朱子分十節看。覺脈絡分明。

朱子曰。太極圖者。濂溪先生之所作也。先生姓周氏。名惇。實字茂叔。後避英宗舊名改惇。顧家世道州營道縣濂溪之上。博學力行。開道甚早。遇事剴果。有古人風。為政精密。履恕務盡道理。嘗作太極圖通書易通數十篇。襟懷飄灑。雅有高趣。尤樂佳山水。廬山之麓有溪焉。先生濯纓而樂之。因寓以濂溪之號。而築書堂於其上。又曰。先生之學其妙具於太極一圖通書之言。亦皆此圖之蘊。而程先生兄弟語及性命之際。亦未嘗不因其說。觀通書之誠。動靜。理性命等章。及程氏書李仲通銘。程邵公誥。顏子好學論等篇。則可見矣。潛清逸誌先生之墓。叙所著書。

六

特以作太極圖為稱首。然則此圖當為先生書首無疑也。然先生既手以授二程。本固附書後。傳者見其如此。遂誤以圖為書之卒章。不復整正。使先生立象盡意之微指。暗而不明。而驟讀通書者。亦復不知有所總攝。此則諸本之失也。又嘗讀朱內翰震遠易說。表置此圖之傳。自陳搏种放穆修而來。而五峯胡氏作序。又以為先生非止為种穆之學者。此特其學之一師耳。非其至者也。夫以先生之學之妙。不出此圖。以為得之於人。則決非种穆所及。以為非其至者。則先生之學。又何以加於此圖哉。是以竊嘗疑之。及得此文考之。然後知其果先生所自作。而非有受於人者。二公蓋亦未嘗見此誌而云云耳。

注○太極此所謂無極而太極也。所以動而陽靜而陰之本體也。然非有以離乎陰陽也。即陰陽而指其本體不離乎陰陽而為言耳。

陽動

陰靜

坤道成女

乾道成男

萬物化生

七

陽者陽之動也○大之用所以行也○陰者陰之靜也○太極之體所以立也○陰陽者陽之根也○陰陽者陰之根也○陽者陽之變也○陰者陰之變也○陽者陽之合也○陰者陰之合也○陽盛故居右○陰盛故居左○陽稱故次火○陰稱故次水○沖氣故居中而水火之合交系乎上○陰根陽之根陰也水而木上而火下而土下而金下而復水如環無端五氣布四時行也○太極陽動陰靜合五行一陰陽五殊二實無餘欠也陰陽一大極精粗本末無彼此也太極本無極上天之載無教與也五行之生各一其性氣殊質異各一其○無假借也○真精妙合此無極二五所以妙合而無間也

○乾道成男。乾男坤女。以氣化者言也。各一其性。而男女一太極也。○坤道成女。坤女乾男。以形化者言也。各一其性。而萬物一太極也。○化生萬物。化生以形化者言也。各一其性。而萬物一太極也。○自法此以上。引說解。則惟人也。得其秀而最靈。則所謂人。○極者。於此乎。在矣。然形。陰。陽。之為也。神。陽。之發也。五性。○五者。於此乎。在矣。然形。陰。陽。之為也。神。陽。之發也。五性。○動。所以紛綸交錯。而吉凶悔吝。所由以生也。惟聖人者。又得夫秀之精。一而有以全乎。○極。太。之體用者。也是以一動一靜。各臻其極。而天下之故。常感通乎寂然不動之中。蓋中也。仁也。感也。所謂。陽。也。○極。太。之用。所以行也。正也。義也。寂也。所謂。陰。也。○極。太。之體。所以立也。中正仁義。渾然全體。而靜者常為主焉。則

太極圖說

六

人。○極。於是乎立。而。○極。太。陰。陽。五行。天地日月四時鬼神。有不能達矣。君子之戒慎恐懼。所以修此而吉也。小人之放僻邪侈。所以悖此而凶也。天地人之道。各一。○極。也。陽也。剛也。仁也。所謂。陽。也。物之始也。陰也。柔也。義也。所謂。陰。也。物之終也。此所謂易也。而三極之道。立焉。實則一。○極。太。也。故曰。易有太極。○陰。之謂也。

愚按文內小註。未詳出於何人。或曰。山陽度氏所注也。

問。即陰陽而指其本體。不離乎陰陽而言之。是於道有定位處。指之。○朱子曰。然一陰一陽之謂道。亦是此意。○問。孟子言性。與伊川如何。曰。孟子是剔出言性之本。伊川是兼氣質而言。要

之不可離也。所以程子云。論性不論氣。不備。論氣不論性。不明。而某於太極圖解。亦云。所謂太極者。不離乎陰陽而為言。亦不離乎陰陽而為言。○太極。自是涵動靜之理。却不可以動靜分體用。蓋靜即太極之體也。動即太極之用也。○問。南軒云。太極之體。至靜如何。曰。不是問。又曰。所謂至靜者。實乎已發未發而言如何。曰。如此。却成一不正當。尖斜太極。○問。陰盛何以居右。陽盛何以居左。曰。左右。但以陰陽之分耳。又問。木陽。稱故。次火。金陰。稱故。次水。豈以水生木。土生金。耶。曰。以四時之序推之。可見。○問。仁義禮智之四德。又添信字。謂之五性。如何。曰。信是誠。實。此四者。實有此仁。實有此義。與禮智。如五行之有土。非土則

太極圖說

九

不足以載四者。又如上于四時。各寄旺十八日。或謂旺于戊己。然。季夏乃土之本宮。故先旺。夏末月。令載中央土者。以此故也。○仁義禮智信之性。即水火金木上之理。木仁。金義。火礼。水智。各有主。獨土無位。又為四行之寔。故信亦無位。而為四德之寔也。○金木水火土。各一其性。則為仁義礼智信之理。五行各端。其一人。則兼備此性。而無不善。及其感動。則中節者為善。不中節者為不善也。○天地之間。陰陽而已。以人分之。則男女也。以事言之。則善惡也。何適而不得其類哉。○或以善惡為男女之分。或以為陰陽之事。凡此兩件。相對說者。無非陰陽之理。分陰陽而言之。或說善惡。或說男女。看他如何。使故善惡可以言



陰陽亦可。以言男女。問中也。仁也。感也。所謂陽者。太極之用。所以行正也。義也。寂也。所謂陰者。太極之體。所以立或疑如。分配漸至於支離穿鑿。曰但虛心味之。久當自見。問周子言。仁義中正亦甚大。今乃自偏言止。是屬於陰陽動靜。曰不可如此。看反覆皆可。仁義自分體用。是一般說。仁義中正分體用。又是一般說。偏言專言者。只說仁便是。體統說義便是。用就中分出一箇道理。如人家有兄弟。只說戶頭止言兄足矣。終說弟便更別有一人。仁義中正只屬五行。為其配元亨利貞也。元是亨之始。亨是元之盡。利是貞之始。貞是利之盡。故曰元亨利貞。是通利貞誠之役。問仁義禮智體用之別。曰自陰陽上着下來。

太極圖說

子

仁禮屬陽。義智屬陰。仁是用。義是體。春夏是陽。秋冬是陰。只將仁義說則春作夏長。仁也。秋收冬藏。義也。若將仁義禮智說則春仁也。夏禮也。秋義也。冬智也。仁禮是敦施出來。底義是肅殺果斷。底智便是收藏底。問太極解何以先動而後靜。先用而後體。先感而後寂。曰在陰陽言則用在陽而體在陰。然動靜無端。陰陽無始。不可分先後。今此只是就起處言之。畢竟動前又是靜。用前又是休。感前又是寂。陽前又是陰。而寂前又是感。靜前又是動。將何者為先後。不可只道今日動便為始。而昨日靜便不說也。如鼻息言呼吸則辭順。不可道吸呼畢竟呼前人是吸。前又是呼。

愚按以上共十五條。首二條。疏圖解非有以離平陰陽。一。次二條。疏用之行體之立。二。向南軒之說。若無以甚異於朱子。然朱子即動靜而分言之。則靜者太極之體。所以立動者太極之用。所以行也。南軒主太極而實指之以為其體至靜。則於本然之妙所乘之機未免混而為一失之遠矣。次一條。疏水陰盛四句。次三條。疏五性五行之德。句。次二條。疏善惡男女之分。句。次一條。總疏寂感體用數句。次三條。疏仁義中正分屬動靜體用之故。次一條。疏先言用後言體之故。以上五條。所疏之義。說見篇末總注。此溪陳氏曰。五者謂之五常。亦謂之五性。然造化上推原來。只

太極圖說

二

是五行之德。仁在五行為木之神。在人性為仁。義在五行為金之神。在人性為義。禮在五行為火之神。在人性為禮。智在五行為水之神。在人性為智。人性中只有仁義禮智四位。却無信位。如五行木位東。金位西。火位南。水位北。而土無定位。只寄處於四位之中。木屬春。火屬夏。金屬秋。水屬冬。而土無專氣。只分王於四季之間。四行無土。便都無所該載。猶仁義禮智無信。便都不定了。則仁義禮智之實理便是信。却易曉。仁義禮智須逐件看得分明。又要合聚看得脈絡不亂。問智是知的確定。在五行何以屬水。曰水清明可鑒。似智又是造化之根本。凡天地間萬物皆得水土方生。只着地下泉脈滋潤。何物不資之以生。亦

猶萬事非智不可。須知得確定方能成此水千萬物。所以成始而成終。而智亦萬事之所以成終而成始也。

愚按此溪二條皆就圖解五性五行之德句。

無極而太極

注上天之載無教無臭而實造化之樞紐品彙之根抵也故曰無極而太極非太極之上復有無極也

朱子曰太極一圖便是一畫只是撇開了引教長一畫○無極而太極此五字添減一字不得○無極而太極不是太極之外別有無極無中自有其理○不言無極則太極同於一物而不足為萬化之根不言太極則無極淪于空寂而不能為萬物之

太極圖說

三

根只此一句便見其下語精密微妙無窮而向下所說許多道理條貫脈絡井井不亂只今便在目前而亘古亘今撫摸不破○原極之所以得名蓋取樞極之義聖人謂之太極者所以指夫天地萬物之根也周子固之而又謂之無極者所以著夫無絀無臭之妙也○無極而太極不是說有箇物事先輝一地在耶裏只是說當初皆無一物只有此理而已既有此理便有此氣既有此氣便分陰陽以此生許多物事惟其理有許多故物亦有許多○無極而太極只是說無形而有理所謂太極者只二氣五行之理非別有物為太極也○無極而太極正恐人將太極做一箇有形象底看故又說無極言只是此理也○問無

極而太極固是一物有積漸否曰無積漸曰上言無極下言太極竊疑上言無窮無極下言至此方極曰無極者無形太極者有理也周子恐人把作一物看故云無極曰太極既無形氣象如何曰只是理○問明道言人生而靜以上不容說則周子之所謂無極也不可容言也若太極則性之謂也太極固然是善自無極而言則只可謂之總明道之言所以發明周子之意也曰周子所謂無極而太極非謂太極之上別有無極也但言太極非有物耳如云上天之載無教無臭故下文云無極之真二五之精既言無極則不復別舉太極也若如今說則此處豈不欠一太極字耶○問無極而太極是極至無餘之謂無極是

太極圖說

三

無之至○無之中乃至有存焉故云無極而太極曰本只是箇太極只為這本來都無物事故說無極而太極如公說無極應地說都好但太極說不去曰有字便是太字地位曰將有字訓太字不得太極只是箇理曰至無之中乃萬理之至有也曰亦得○無極二字乃周子灼見道体迫出常情勇往直前說出人不敢說底道理令後之學者曉然見得太極之妙不屬有無不露方休詳見總論內答陸子靜書○問既曰易有太極則不可謂之無滯滯乃有無極之說何也曰有太極是有此理無極是無形器方休可求兩儀有象太極則無象○易有太極便是下而儀四象八卦自三百八十四爻總為六十四有六十四總

為八卦自八卦總為四象。自四象總為兩儀。自兩儀總為太極。以物論之。易之有太極。如木之根。浮圖之頂。是有形之極。太極却不是一物。無方所。類放是無形之極。故周子曰。無極而太極。是他說得有功處。夫太極之所以為太極。却不離乎兩儀。四象。八卦。如一陰一陽之謂道。指一陰一陽為道。則不可。而道則不離乎陰陽也。○問邵先生說無極之前。無極如何說。前曰。邵子就圖上說循環之意。自始至坤。是陰含陽。自復至乾。是陽分陰。復坤之間。乃無極。自坤反始。是無極之前。大凡讀書。不要般涉。但溫尋舊底。不妨不可。將新底來探。○太極只是天地萬物之理。在天地則天地中有太極。在萬物則萬物中有太極。○太極

太極圖說

二四

非是別為一物。即陰陽而在陰陽。即五行而在五行。即萬物而在萬物。只是一箇理而已。因其極至。故名曰太極。○問太極便是人心之至理。曰。事。物。皆有箇極。是道理之極。至或曰。如君之仁。臣之敬。便是極。曰。此是一事一物之極。總天地萬物之理。便是太極。○無極而太極。此而字輕。無次序故也。○問無極而太極。因何而字。故生陸氏議論。曰。而字自分明。下云動而生陽。靜而生陰。說一生字。便見其有太極來。今日而則只是一理。○問太極解引上天之載。無散無集。此上天之載。只是太極否。曰。若。者。是上天理在載字上。○上天之載。無散無集。是就有中說無。極而太極。是就無中說有。若定見得說有說無。或先或

後都無妨礙

愚按以上共二十二條。首六條。總解本句大意。次三條。明其為無形而有理之義。次二條。辨以太極為總善之誤。及解為極有極無之失。次四條。解無極之義。而其第二三條。皆論易言有周子言無。立言不同之故也。次三條。解太極之義。次二條。解而字。末二條。疏注所引諸上天之載二句也。○大全舊本於圖解及大文各節。分載小注。各數條。數十條不等。讀者瞻前顧後。多覺未洽。故為類彙其說。而次之如此。然朱子立言。既不厭其詳。而及門所記錄。又各以所聞為異同。故前後各節。多誤出錯見。而意實相發。讀者當會其大意。所在無徒

太極圖說

三五

拘於一節一句之間可也

勉齋黃氏曰。極之得名。以屋之脊棟為一屋之中。居高處。盡為衆木之總會。四方之尊仰。而舉一屋之木。莫能加焉。故極之義。雖訓為至。而實則以有方所形狀而指名也。如北極星極爾。極民極之類。皆取諸此。然皆以物之有方所形狀。達似於極。而具極之義。故以極名之。以物喻物。蓋無難曉。惟大傳以易之至理。在易之中。為衆理之總會。萬化之本原。而舉天下之理。莫能加焉。其義莫可得名。而有類於極。於是取極名之。而繫以太。則其尊而無對。又非他極之比也。然則太極者。特假是物以名。是理。雖因其有方所形狀。以名。而非有方所形狀之可求。雖與他書

所用極字。取義畧同。而以實喻虛。以有喻無。所喻在於言外。其意則異。周子有見於此。恐夫人以他書極字之例求之。則或未免滯於方所形狀。而失聖人取喻之意。故為之言曰。無極而太極。蓋其措詞之法。猶曰。無形而至形。無方而大方。欲人知夫非有是極。而謂之太極。亦特托於極以明理耳。又曰。太極本無極也。蓋謂之極。則有方所形狀矣。故又反而言之。謂無極云耳。本非有極之實。欲人不以方所形狀求。而當以意會於此。其反覆推本聖人所以言太極之意。最為明白。後之讀者。字義不明。而以中訓極。已為失之。然又不知極字。但為取喻。而遽以理言。故不惟理不可無。於周子無極之語。有所難通。且太極之為至理。

太極圖說

二

其辭已足。而加以無極。則誠有似於贅者矣。因見象山論無極書。正應不能察此。而輒肆於粗辨。為之竊歎。因著其說如此云。愚按。勉齋此條。因陸子論無極書。而發觀此。則朱子答書之說。益明。而子靜之失。益見矣。此漢陳氏曰。所謂無極而太極。而字只輕接過。不可就此句中。間截作兩截看。無極只是說理無形狀。無方体。正猶言無數無臭之類。太之為言甚也。太極是極至之甚。無可得而形容。故以太名之。三極之道。三極云者。只是三才極至之理。其謂之三極者。以是三才之中。各具一太極。而太極之妙。無不流行於三才之中也。外此百家諸子。都說屬氣形去。若了如漢志謂太極。

幽三為一。乃是指做天地人三箇氣形。已具。而渾淪未判。底物老子說有物渾淪成。先天地生。此正是指太極。莊子謂道在太極之先。所謂太極。亦是指二才未判。渾淪底物。而道又別是一箇懸空底物。在太極之先。則道與太極。分為二矣。不知道即是太極。道是以理之通行者而言。太極是以理之極至者而言。何嘗有二理耶。○無極之說。始於誰乎。柳子曰。無極之極。康節先天圖說。亦曰。無極之前。陰含陽也。有極之後。陽分陰也。是周子以前。已有無極之說矣。但其主意各不同。柳子康節。是以氣言。周子則專以理言之耳。○理雖無形狀。方体。萬化無不以之為根。祇極紐以其渾淪。正之甚。故謂之太極。文公解此句。所謂上。

太極圖說

三

天之載無極。無臭。是解無極二字。所謂萬化之極。紐品彙之根。祇是解太極二字。又解以非太極之外。復有無極也。多少是分明。愚按。此漢四條。皆條總解本句大意。次條解太極之義。而即易辭三極之道。以發明之。次一條解無極之義。末條則疏文公注語也。雙峯饒氏曰。或問所謂無極而太極者。亦可得而聞其說之詳乎。曰。難言也。姑以名義推之。所謂太極者。蓋天理之尊號云爾。極者。至極之義。極紐根柢之名。世之常言。所謂極極根柢是也。聖人以陰陽五行闡闢不窮。而此理為闡闢之主。如少之有極。

純男女萬物生。不息而此理為生。之本如木之有根。根至其在人則萬事之所以生。萬事之所以定者。亦莫非此理為之根。根為之樞紐。是故謂之極。太者大無以加之。稱言其為天下之大樞紐。大根抵也。然凡謂之極者。如南極北極。屋極。商邑四方之極。之類。皆有形狀之可見。方所之可指。而此極獨無形狀。無方所。故周子復加無極二字。以明之。以其無樞紐根抵之形。而實為天下之大樞紐。大根抵也。故曰無極。而太極以其為天下之大樞紐。大根抵。而初非有樞紐根抵之形也。故曰太極。本無極也。此雖名義之粗。然先儒嘗云。讀書之法。當先曉其文義。文義既通。然後可以求其意。學者苟知此義。而於日用之間。

太極圖說

二

為莊靜。一以養之於未發之時。而驗之於已發之際。則是理之妙。或者亦可以默識矣乎。

愚按此注本句大意。而詳疏注中造化之樞紐。品彙之根抵。與總論謝氏方叔所疏宜參看。

西山真氏曰。無極而太極。豈太極之上。別有所謂無極哉。不過謂無形無象。而至理存焉耳。蓋極者至極之理也。窮天下之物。可尊可貴。孰有加於此者。故曰太極也。世之人。以此辰為天極。以屋脊為屋極。此皆有形。而可見者。周子恐人亦以太極為一物。故以無極二字。加於其上。猶言本無一物。只有此理也。自陰陽以下。則麗乎形氣矣。陽未動之前。則只是此理。豈有物之。

可名耶。即吾一心而觀之。方喜怒憂樂之未發也。渾然一性而已。無形無象之中。萬理畢具。非所謂無極而太極乎。

愚按此亦總解本句大意。

薛鄉胡氏曰。先師文公有云。無極即是無形。太極即是有理。今雖多為之詞。無以易此言矣。然則邵子所謂道為太極。心為太極。何耶。曰。先師所釋。以名義言之也。邵子道為太極。以流行者言之也。心為太極。以統會者言之也。流行者。萬物各具一理。統會者。萬物同出一原。不知統會。無以操存。不識流行。無以處物。愚按此述朱子解太極無極之說。而並論邵子道為太極二語。

太極圖說

元

華注。極字可以零細說。至小之物。俱有之。是心德。川流太極二字。統休說。今天地萬物之理。而言之。是大德敦化。○河汾薛氏曰。太極圖上面大圈子。即陰陽中小圈子。在陰陽中見其不離。在上見其不雜。其實一而已矣。

愚按此句乃圖之第一圖也。易繫辭上傳之十一章。易有太極。是生兩儀。兩儀生四象。四象生八卦。周子本此。而以無極足其義。專以理言。若橫渠合太極兩儀而象之性。則兼氣言之矣。○嘗為之論曰。太極之名。何昉乎。自孔子之贊易始也。何以謂之極。曰。北極之在天也。屋極之在室也。比類而各之以名。無名而各可立也。何以謂之太極。曰。至矣盡矣。復以。

加矣。以無可名者而為之。名非常名。所可名也。自未有天地之先。遠天地生物以後。皆斯理為之根。抵統貫於其間。出之不已。而未嘗有所加損焉。渾然爾。渾然爾。此其所以極也。然則何以言無極而太極。曰。極本無名。而極之為名。既以有名名矣。猶恐拘虛者。不知名之可以名無名也。仍於非常名之中。示以本無可名之義。而後不執於無。亦不滯於有。蓋無在而無乎不在者也。然則實而驗之。將何如。曰。道為太極。心為太極。康節之言。即濂溪之意。故無極之說立。而性可知也。太極無形。而乘氣機為動靜。人性渾然。而以心之存發為體用。性本無對。而心其動靜以傳性者也。故無極之說立。而心之

太極圖說

三

於性可知也。故蒙論筮之旨。以心為太極。而兩手應之。以所虛一著為太極。而分二樞。四應之。惟類以求。用者有形。而應用者無形。者有方。而無形者靡盡。無極之說立。而天下之萬事萬物盡可知也。乃史之傳周子也。以圖說。而有自為二字之失。象山之疑周子也。以無極。而扭於皇極大中。之義是皆蔽於名。而不得其所以名。惑於無。而不得其無名之者。也。然則太始太素太玄之紛紜。與夫非空非色。未始有無之冥渺。又何異其家自立說。以為吾道之翳也哉。太極動而生陽。動極而靜。靜而生陰。靜極復動。一動一靜。互為其根。分陰分陽。兩儀立焉。

注。太極之有動靜。是天命之流行也。所謂一陰一陽之謂道。誠者。聖人之本。物之終始。而命之道也。其動也。誠之通也。總之者。善萬物之所資以始也。其靜也。誠之復也。成之者。性萬物各正其性命也。動極而靜。靜極復動。一動一靜。互為其根。命之所以流行而不已也。動而生陽。靜而生陰。分陰分陽。兩儀立焉。分之所以一定而不移也。蓋太極者。本然之妙也。動靜者。所乘之機也。太極形而上之道也。陰陽形而下之器也。是以自其著者而觀之。則動靜不同。時陰陽不同。位而太極無不在焉。自其微者而觀之。則沖漠無朕。而動靜陰陽之理。已悉具於其中矣。雖然。推之於前而不見其始。之合引之於後而不見其終。之離也。故

太極圖說

三

程子曰。動靜無端。陰陽無始。非知道者。孰能識之。朱子曰。天地之間。只有動靜兩端。循環不已。更無餘事。此之謂易。而其動其靜。則必有所以動靜之理。是則所謂太極者也。周子說太極和陰陽家說。易中便拾起說。周子言太極動而生陽。靜而生陰。動時便是陽之太極。靜時便是陰之太極。蓋太極即在陰陽裏。如易有太極。是生兩儀。則先從理說。若論其生。則俱生。太極依舊在陰陽裏。但言其次序。須有這理。方始有陰陽也。其理則一。○無極而太極。人都想象有箇光明閃爍底物。在那裏。却不知本是說無這物事。只是有箇理。能如此動靜而已。○問太極理也。理如何動靜。有形則有動靜。太極無形。恐

不可以動靜言。曰理有動靜。故氣有動靜。若理無動靜。則氣何自而有動靜乎。或問太極曰未發是理。已發是情。如動而生陽。便是情。未發之前太極之靜而陰也已發之後太極之動而陽也。其未發也。教為之主而義已具。其已發也。必主于義而敬行焉。則何間斷之有哉。問太極動而生陽。是有這動之理。便能動而生陽否。曰有這動之理。便是動而生陽。有這靜之理。便是靜而生陰。既動則理又在動之中。既靜則理又在靜之中。曰動靜是氣也。有這理為氣之主。氣便能如此否。曰是也。既有理便有氣。既有氣則理又在乎氣之中。動而生陽。靜而生陰。動即太極之動。靜即太極之靜。動而後生陽。靜而後生陰。此陰

太極圖說

三一

陽之氣謂之動而生。靜而生則有漸次也。太極生陰。陽理生氣也。陰陽既生。則太極在其中。理從生氣之內也。問有此理然後有氣。然必推其所從來。則須說先有此理。然理又非別是一物。即存乎是氣之中。無是氣。則是理亦無掛搭處。太極只是天地萬物之理。未有天地之先。畢竟先有此理。動而生陽。亦只是理靜而生陰。亦只是理。問先有理抑先有氣。曰理未嘗離乎氣。然理形而上者。氣形而下者。自形而上言。豈無先後。理無形。氣便有渣滓。問理在先。氣在先。曰理與氣本無先後之可言。但推上去時。却如理在先。氣在後。相似。又問理在氣中。發見處如何。曰如陰陽五行錯綜。不失端緒。便是理。若氣不

結。此時理亦無所附着。問太極動而生陽。靜而生陰。見得理先而氣後。曰二者有則俱有。又問未有一物之時。如何曰是有天下公共之理。未有一物。所具之理。所謂太極者。便只在陰陽裏。所謂陰陽者。便只在太極裏。今人說是陰陽上別有一箇無形無影底。是太極非也。無極只是無形狀。太極只是至理。理不外乎氣。若說截然在陰陽五行之先。及在陰陽五行之中。便是理與氣判而為二物矣。性猶太極也。心猶陰陽也。太極只在陰陽之中。非能離陰陽也。然至論太極。則太極自是太極。陰陽自是陰陽。惟性與心亦然。所謂一而二。二而一者也。緣說太極。便帶着陰陽。緣說性。便帶着氣。不帶陰陽與氣。太極與

太極圖說

三一

性。那裏又附然。要得分明。不可不拆開說。動靜非太極。而所以動靜者。乃太極也。故謂非動靜。外別有太極。則可謂動靜便是太極之逆。則不可。謂太極涵動靜。以本体而言也。謂太極有動靜。以流行而言也。若謂太極便是動靜。則是形而上下者。不可分。而易有太極之言。亦贅矣。太極動而生陽。靜而生陰。不是動後方生陽。蓋終動便為陽。終靜便為陰。動而生陽。其初本是靜。之上。又須動矣。所謂動靜無端。今且自動而生陽處。看去。太極動而生陽。只是如一長物。不免就中間截斷。說其定動之前。未嘗無靜。之前。又未嘗無動。如德之者。德也。是就此說起。譬之俗語。謂今日為頭。已前底。更不管理意思。問動

然後生陽。則是以動為主矣。曰終動便生陽。不是動了而後生。這箇只得且從動上說去。其實此之所以動。又生於靜上面之靜。又生於動。此理只循環生去。○動極復靜。極復動。還當把那箇做劈頭。始得。今說太極動而生陽。是且把眼前即今箇動。斬截便說起。其寔那動以前。又是靜。以前又是動。如今日一晝過了。便是夜。夜過了。又是明日。晝即今晝以前。又有夜了。昨夜以前。又有晝了。即今要說時。日起也。只是把今日建子說起。其實這箇子以前。豈是無子。○問太極始於陽動乎。曰陰靜是太極之本。然陰靜又自陽動而生。一動一靜。便是一箇圓關之大者。推而上之。更無窮極。不可以本始言。○靜者性之所以

太極圖說

三

立也。動者分之所以行也。然其寔則靜亦動之息耳。故一動一靜。皆命之行。而行乎動靜者。乃性之真也。故曰天命之謂性。○陰陽運通者。氣也。其理則所謂道。○問一陰一陽之謂道。是太極否。曰陰陽只是陰陽。道是太極。蓋所以一陰一陽者也。○一陰一陽之謂道。則陰陽是氣。不是道。所以為陰陽者。乃道也。若只言陰陽之謂道。則陰陽是道。今日一陰一陽。則是一陰了。又一陽。往來循環不已者。乃道也。○大傳既曰形而上者。謂之道矣。而又曰一陰一陽之謂道。此豈直以陰陽為形而上者哉。正所以見一陰一陽。雖屬形器。然其所以一陰而一陽者。是乃道休之所為也。故語道休之至極。則謂之太極。語太極之流行。則

謂之道。詳見總論。答陸子書。○問誠者聖人之本。曰此言本領之本。聖人之所以聖者。誠而已。○有外理則有此物。徹頭徹尾。皆是此理。所謂未有無此理而有此物也。○問誠者物之終始。而命之道也。曰誠是寔理。徹上徹下。只是這箇生物都從那上做來。萬物流行天地之間。都是那底做。○誠之通是造化流行。未有成立之初。所謂總之者。善誠之復是萬物既得此理。而皆有有所歸藏之時。所謂成之者。性在人則感而遂通者。誠之通寂然不動者。誠之復。○問太極圖解曰動而生陽。誠之道也。總之者。善萬物之所資以始也。靜而生陰。誠之復也。成之者。性萬物各正其性命也。夫無極之真誠也。動而生陽。靜而生陰。動靜不

太極圖說

三

息而萬物總此以出。與因此以成者。皆誠之著。固無有不善者。亦無非性也。似不可分陰陽而為辭。如以資始為繫於陽。以正性命為繫於陰。則若有獨陽而生。獨陰而成者矣。詳究先生之意。必謂陽根於陰。根於陽。陰陽原不相離如此。而非得於言表者。不能喻此也。曰總善成性。分屬陰陽。乃通書首章之意。但熟讀之。自可見矣。蓋天地變化。不為無陰。然物之未形。則屬乎陽。物正其性。不為無陽。然形器已定。則屬乎陰。嘗謂張忠定公語云。公事未著字以前。屬陽。著字以後。屬陰。似亦窺見其意。○流行造化處。是善。凝成于我處。是性。總是接續綿綿之意。成是凝成有主之意。○總之者。善。總之為義。接續之意。言既有此道



理其接續此道理以生萬物者莫非善而物之成形即各具此理而為性也。太極動而生陽元未有物且是如動盪所謂化育流行也便是總之者善靜而生陰主凝結然後萬物各正性命方是成之者性。問總之者善也成之者性也竊謂妙合之始便是總乾道成男坤道成女便是成曰動而生陽之時便有總底意及至靜而生陰方是成六十四卦之序至復而總。問總之者善之時此所謂性善至成之者性然後氣質各異方說得善惡曰既謂之性則終是未可分善惡。總字便是動之頭若只一開一闔而無總便是闔然了。問總是動靜之間否曰是靜之終動之始也且如四時到得冬月萬物都歸藏了

太極圖說

三

善不會生來年便都息了。是貞復生元無窮如此。○兩邊生者即是陰根陽根陰這箇有對從中出者無對。陰陽只是一氣陰氣流行即為陽上氣凝聚即為陰非真有二物相對也。其理甚明。○當初原無一物只有此理有此理便會動而生陽靜而生陰靜極復動極復靜循環流轉其理無窮氣亦與之無窮自有天地便有這物事在這裏流轉一日有一日之運一月有一月之運一歲有一歲之運只是這箇物事滾上將去如水車相似一箇起一箇倒一箇上一箇下其動也便是仁是中其靜也便是義不動則靜不靜則動如人不語則嘿不嘿則語中間更無空缺處。問太極之有動靜是靜先動後否

曰一動一靜循環無端無終不成動無動不成靜譬如鼻息無時不噓無時不吸噓盡則生吸盡則生噓理自如此。問必至于互為其根方分陰陽曰從動靜便分問分陰分陽是帶上句曰然。問太極動而生陽靜而生陰靜極復動則動復生陽靜復生陰不知分陰陽以立兩儀在靜極復動之前為復在後曰動而生陽靜而生陰則陰陽分而兩儀立矣靜極復動以後所以明混闔不窮之妙。問太極圖兩儀中有地五行中又有土如何分別曰地言其大概土是地之形質。一動一靜互為其根動而靜上而動闔闢往來更無休息分陰分陽兩儀立焉兩儀是天地與畫卦兩儀意思又別動靜如晝夜陰陽如東西

太極圖說

三

南北分從四方去一動一靜以時言分陰分陽以位言方澤論未判陰陽之氣混合幽暗及其既分中間放得寬濶光明而兩儀始立邵康節以十二萬九千六百年為一元則是十二萬九千六百年之清又是一箇大闔闔更以上亦復如此直是動靜無窮陰陽無始小者大之影只晝夜便可見五峰所謂一氣太息震蕩無涯海宇變動小渤川湮人物消盡舊跡大滅是謂洪荒之世嘗見高山有螺蚌殼或生石中此石即舊日之土螺蚌即水中之物下者却變而為高柔者却變而為剛此事思之至深有所驗者。陰陽有箇流行底有箇定位底一動一靜互為其根是流行底寒暑往來是也分陰分陽兩儀立焉是定位底

天地四方是也。易有兩儀。一曰變易。便是流行底。一曰交易。便是對峙底。陰陽作一箇看。亦得。作兩箇看。亦得。若論流行底。則只一箇消長而已。如一動一靜。互為其根是也。若對峙底。則有兩箇分陰分陽。兩儀立焉。是也。若論對立底。無一物無陰陽。如至微之物。也有箇背面。若說流行處。却只是一氣。程子所謂無截然為陰為陽之理。即周子所謂互為其根也。程子所謂升降生殺之大分。即周子所謂分陰分陽也。二句相須。其義始備。問分陰分陽。兩儀立焉。分之所以一定而不可移也。不知名分之分。性分之分。曰分。猶定位。問如何是所乘之機。曰理。搭於氣而行。圖解云。動靜者所乘之機。識者謂此語最精。

太極圖說

三

蓋太極是理。陰陽是氣。理無形而氣有迹。氣既有動靜。則所載之理。又安得無動靜。陰陽動靜。非太極動靜。只是理有動靜。理不可見。因陰陽而後知。理搭在陰陽上。如人跨馬。相似馬所以載人。人所以乘馬。之一出一入。人亦與之一出一入。蓋一動一靜。而太極之妙。未嘗不在焉。此所謂所乘之機。無極二五。所以妙合而凝也。天地之間。有理有氣。理也者。形而上之道也。生物之本也。氣也者。形而下之器也。生物之具也。形而上者。無形無影。是理形而下者。有形有狀。是器。然有此器。則有此理。有此理。則有此器。未嘗相離。却不是於形器之外。別有所謂理。形而上者。謂之道。形而下者。謂之器。這箇在人看。始得推。

器為道固不得。器於道亦不得。且如此火是器。自有道在裏。形而上者是理。總有作用。便是形而下者。問陰陽如何是形而下者。曰。一物便有陰陽。寒暖生殺。皆見得事物。雖大是形而下者。理雖小。是形而上者。問形而上下如何以形言。曰。此言最的當。設若以有形無形言之。便是物與理相間斷了。所以程子謂欄截得分明者。只是上下之間。分別得一箇界止。分明器亦道。亦器。有分別而不相離也。問明道云。陰陽亦形而下者。而曰道。只此兩句。截得上下分明。截字莫作斷字誤。曰。正是截字。形而上形而下。只就形處離合分明。此正是界至處。若只說作在上在下。便成兩截矣。問伊川言形而上者。謂之道。形

太極圖說

元

而下者。謂之器。須著如此說。曰。這是伊川見得分明。故云。須著如此說。形而上者是理。形而下者是物。如此開說。方見分明。如此說。方說得道不離乎器。不遠乎道。處如人君。須止於仁。為人臣。止于敬。為人子。止於孝。為人父。止於慈。這是道理合如此。今人不解。恁地說。更不索性兩邊說。恁生說得通。動靜無端。陰陽無始。今以太極觀之。雅曰。動而生陽。靜而生陰。動之前。須靜。靜之前。又須動。推而上之。何自而見其端與始。動之前。有靜。靜之前。又有動。推而上之。其始無端。推而下之。以至未來之際。其卒無終。陰陽本無始。但以陽動陰靜相對言。則陽為先。陰為後。陽為始。陰為終。猶一歲以正月為更端。其寔始於此。其

歲首以前非截然別為一段事。則是其循環錯綜不可以先後始終言亦可見矣。

愚按以上共六十七條。首六條統論太極動靜之理。而其後二條則借人心之已發未發以明之也。大全舊載延平所論一條。謂動而生陽只是理。不可以已發言。所論雖精。而於太極動靜為理為氣之分。未得於氣以為動靜之義。猶未推究入細。終不若朱子未然之妙。所乘之機二語為最精。故僭為箋之一。以朱子之說為主。次二條言生陰生陽之義。曰有動之理。便是動而生陽。又曰動而後生陽。二說若有所不同。蓋太極理也。陰陽氣也。二者未嘗相離。然必有此理而後有此

太極圖說

四

氣則理在上一層。無非氣則理亦無所附以存。故理又即在氣之中。而非各為一物也。二說意實相足。次六條正明太極陰陽理氣先後之分。皆不外上二條之義。次二條明太極陰陽之非二。即圖解不離乎陰陽意。次四條明太極陰陽之非一。即圖解不離乎陰陽意。次五條明先言陽動之意。次一條疏注天禽之流行。句次四條疏注所引易一陰一陽之謂道。句次一條疏注所引通書誠者聖人之本。句但通書言本領之本。外似作本根之義。不無微異。次二條疏注物之終始而命之道。句次二條疏注所引通書誠通誠復總善成性四語。次五條疏注所引易總善成性。次二條疏總之者善也。至總

善成性所以分陰陽。說見篇末總注。次四條明動靜相生。陰陽互根之義。次三條明分陰分陽兩儀立焉之義。次四條並解陰陽互根分陰分陽之義。次一條疏注分之一定。句次三條疏注所乘之機。句次七條疏注所引易形上之道二句。而共後三條併及程子所論形上形下立言之妙也。至太極陰陽所以分道器。亦見篇末總注。末三條疏注所引程子動靜無端二語。

龜齋黃氏曰太極動而生陽。靜而生陰。太極不是會動靜底物。動靜陰陽也。所以圖解云動靜者所乘之機也。所乘之機四字最難看。舊蔡季通問朱先生所乘之機如何下得恁地好。先生

太極圖說

四

微笑。大抵只言太極乘著甚麼機。乘著動機便動。乘著靜機便靜。那太極卻不自會動靜。既是陰陽如何又說生陰生陽。亦猶陽生於太極。陰陽而為動靜。陰陽則於動靜而見其生。不是太極在這邊動陽在那邊生。譬如蟻在磨盤上一般。磨動則蟻隨他動。磨止則蟻隨他止。蟻隨磨轉。而因蟻之動靜可以見磨之動靜。一陰便是靜。一陽便是動。道是太極。誠是太極。其動也其靜也。二條上合動靜說。此分動靜說。動極而靜。以下又換形。下一箇說流行底。一箇說分定底。蓋太極而下上文解圖周匝。此下文又滾說箇太極與陰陽自其著而觀之。著是陰陽自其微而觀之。微是太極。問既太極陰陽不是二物。如何又有

程有書曰。須看觀字。是我去他裏面。拆看却非他。有兩箇頭面。斗既言氣與理合。雖然以下言。雖是性。地却那裏見他入頭處。所以不見他合。不見他離。正以其動靜無端。陰陽無始。下面若有縫。這太極也湏漏去了。

愚按。此條前明本節大意。後疏注一陰一陽之謂道以下之意。

北溪陳氏曰。以造化言之。如天地間生成萬物。自古及今。無一物之不變。散殊上下。自古有足。到今亦有足。非古有而今無。皆之定理之所為大。而觀之自太始。而至今。莫不皆然。若就物言之。其微始微終。亦只是定理如此。始以一株花論來。春氣

太極圖說

流注剝則萌。萌生花者。氣盡則花亦盡。又單就一花論。氣運行到此。則花便開。氣消則花便謝。亦盡了。方其花萌蘖。其定理之初也。至到謝而盡處。其定理之終也。誠者本就天道論。維天之命。於穆不已。只是一箇誠。天道流行。自古及今。無一毫之妄。暑往則寒來。日往則月來。春生了便夏長。秋殺了便冬藏。元亨利貞。始終循環。萬古常如此。皆是其定理為主宰。如天行一日一夜一周。而又過一度。與日月星辰之運行。雖度萬古不差。然是其定理如此。又就果木觀之。甜者萬古常甜。苦者萬古常苦。青者萬古常青。白者萬古常白。紅者萬古常紅。紫者萬古常紫。國者萬古常國。缺者萬古常缺。一花一葉。文煥相等。

對萬古常然。無一毫差錯。便待人十分安排。撰作。未終不相似。都是其定理自然。而然。

愚按。北溪二條。疏注誠者物之終始句。

節齋蔡氏曰。主太極而言。則太極在陰陽之先。主陰陽而言。則太極在陰陽之內。蓋自陰陽未生之時而言。則所謂太極者。其理已具。自陰陽既生之時而言。則所謂太極者。即在乎陰陽之中也。謂陰陽之上。別有太極。常為陰陽主者。固為陷於列子不生不化之謬。而獨執夫太極只在陰陽之中之說者。則又失其根柢。樞紐之所為。而大本有所不識。其害有不可勝言者。前謂太極形而上之道也。陰陽形而下之器也。此分道器而言也。

太極圖說

四一

後謂動靜不同時。陰陽不同位。而太極無不在焉。此乃所謂即道也。又謂沖漠無朕。而動靜陰陽之理已悉具於中矣。此乃所謂道即器也。蓋不分上下。則恐人惟以可見者為始。不合道器則恐人陷老氏精粗之謬。故須著如此說耳。程子之意。恐亦不過如此。為惟以為太極只在陰陽中而已。則器亦道也。一句已足。又何必重複耶。

愚按。節齋二條。皆疏自其著者而觀之。二段之意。

臨川吳氏曰。太極無動靜。動靜者氣機也。氣機一動。則太極亦動。氣機一靜。則太極亦靜。故朱子釋太極圖曰。太極之有動靜。是天命之流行也。此是為周子分解太極不當言動靜以天命。

之有流行故只得動靜言之也。又曰太極者本然之妙也。動靜者所乘之機也。機猶弩牙。弩弦乘此機如乘馬之乘機動則弦發機靜則弦不發氣動則太極亦動氣靜則太極亦靜太極之乘此氣猶弩弦之乘機也。故曰動靜者所乘之機謂其所乘之氣機有動靜而太極本然之妙無動靜也。然弩弦與弩機都是兩物太極與此氣非有兩物只是主宰此氣者便是非別有一物在氣中而主宰之也。機字是借物為喻不可以辭客意。愚按吳氏此條疏注中天命流行所乘之機意。章注太極是理本無動靜然非太極則無動靜猶之人心有仁便有惻隱之心惻隱固是情不可即謂之仁然非仁安有

太極圖說

四四

此則隱乎。太極動而生陽八句。包下文兩儀五行萬物在內。正發明太極全体大用不專主天地說。所以注云萬物之所資以始也。萬物各正其性命也。此萬物亦乘兩儀五行言。若以生陽生陰竟作生天地看則中間動極而靜等句于天地分上通不去矣。周子於分陰分陽下方說兩儀立焉。朱子於動靜下即注曰天命之流行者何也。蓋兩儀之天以位言天命之天以理言曰天命曰誠即太極也與首節注上天之載四字相應。太極者本然之妙也。動靜者所乘之機也。就太極言之性有此妙故有此機就陰陽言之本然之妙即在所乘之機內。所云不離乎陰陽而亦不離乎陰陽也。

愚按此太極之第二圖也。圖中陰陽互根各有三層以明其義。竊意陰陽之流行者相生不窮不止三層。若日月水火之類或陰質陽體或陽質陰體又有不至三層者。至其生剋代謝之故則亦不止於三層也。宜審會圖中之義而以理求之。執者則謬矣。注首二句提起所謂以下引成語以釋太極動靜動極而靜以下正解本圖蓋太極者以下推其所以然自其著者數句明陰陽中涵太極乃第二圖正意自其微者數句明太極中有陰陽又推原第一圖也。雖然以下又言陰陽動靜於穆不已之妙須知生陰生陽動靜互根雖在造化之初而實貫乎天地人物之後故注以總善成性資始各正

太極圖說

四五

為說蓋造化之初生天地人物者以此而萬物化生以後所謂動陽陰靜互為其根者此理固無一息而停也。此正朱子微始微終明白示人處。注萬物乘兩儀五行萬物言之蓋兩儀以天地定位言動靜以氣化混開言其其大分耳。然細分之則天地之浮降東南西北之分位人物之男女面背皆分陰分陽者也。天地之混開四時晝夜之運運人物之生息動止皆動靜互根者也。未有天地之先如斯即今所以為天地人物者便是如此故物不專以有生之物言也。陽變陰合而生水火木金土五氣順布四時行焉。注有太極則一動一靜而兩儀分有陰陽則一變一合而五行

具然五行者。質具於地而氣行於天者也。以質而語其生之序。則曰水。火。木。金。土。而水。木。陽也。火。金。陰也。以氣而語其行之序。則曰木。火。土。金。水。而木。火。陽也。金。水。陰也。又統而言之。則氣。陽而質。陰也。又錯而言之。則動。陽而靜。陰也。蓋五行之變。至於不可窮。然無遠而非陰。陽之道。至其所以為陰。陽者。則又無遠而非太極之本然也。夫豈有所虧欠間隔哉。

問。陽何以言變。陰何以言合。朱子曰。陽動而陰隨之。故言變。合。陰陽氣也。生於五行之質。天地生物。五行獨先地。即是土。土便包容許多金。木之類。天地之間。何事而非五行。五行陰陽七者。聚合便是生物。底材料。五氣順布。四時生焉。金。木。水。火。分屬。

太極圖說

四

春夏秋冬。土則寄旺四季。如春屬木。而清明後十八日。即是土寄旺之時。每季寄旺十八日。共七十二日。惟夏季十八日。土氣為最旺。故能生秋金也。以圖象考之。木生火。火生土。土生金。金生水。水之類。各有小畫相牽。聯而火生土。土生金。獨穿乎土之內。餘則從旁而過。為可見矣。○一片底便是分作兩片。底兩片底便是分作五片。底做這萬物。四時五行。只是從那太極生來。太極只是一箇理。志運分做兩箇氣。裏面動底是陽。靜底是陰。又分做五氣。又散為萬物。○陽變陰合。初生水。火。水。火。氣也。流動閃爍。其體尚虛。其成形猶未定。次生木。金。則確然有定形矣。水火初是。自生木。金。則資於土。五行之屬。皆從土中旋生出來。○天地生物。先其。

輕清。以及重濁。天一生水。地二生火。二物在五行之中。最輕清。金。木。又重於水。火。土。又重於金。木。○就原頭定體上說。則未分五行時。只謂之陰。陽未分。五性時。只謂之健。順。及分而言之。則陽為木。火。陰為金。水。健為仁。禮。順為義。智。○總而言之。只是陰陽分而言之。有五。○問。聖人所以因陰陽說出許多道理。而所說之理。皆不離乎陰陽者。蓋緣所以為陰。陽者。元本於寔然之理。曰陰。陽是氣。緣有外理。便有外氣。緣有外氣。便有外理。天下萬事萬物。何者不出乎外理。何者不有外氣。○陰陽動靜。以大休言。春夏是動。屬陽。秋冬是靜。屬陰。就一日言之。晝陽而動。夜陰而靜。就一時刻言之。無時而不動。靜。無時而不陰。陽。曰。

太極圖說

五

陰陽無處無之。橫看。豎看。皆可見。橫看。則左陽而右陰。豎看。則上陽而下陰。仰手為陽。覆手則為陰。向明處為陽。背明處則為陰。正蒙云。陰陽之氣。循環至聚散相盪。升降相求。絪縕相揉。相兼相制。欲一之而不能。蓋謂是也。○陰陽雖是兩字。然只是一氣之消息。一進一退。一消一長。進處便是陽。退處便是陰。長處便是陽。消處便是陰。只是這一氣之消長。做出古今天地。無限事。所以陰陽做一箇說。亦得。做兩箇說。亦得。○陰陽二氣。更無停息。如金。木。水。火。土。是五行。分了。又三屬陽。二屬陰。然而各又有一陰一陽。如甲便是木之陽。乙便是木之陰。丙便是火之陽。丁便是火之陰。只是這箇陰陽。更無休息。形質屬陰。其氣。

廚陽金銀坑有金礦銀礦便是陰。其光氣為陽。○統言陰陽。只  
有兩端。而陰中自分陰陽。中亦有陰陽。乾道成男。坤道成女。  
男雖屬陽。而不可謂其無陰。女雖屬陰。亦不可謂其無陽。人身  
氣屬陽。而氣有陰陽。血屬陰。而血有陰陽。至如五行。天一生水。  
陽生陰也。而壬癸屬水。壬是陽。癸是陰。地二生火。陰生陽也。而  
丙丁屬火。丙是陽。丁是陰。○五行之生。非有先後。如數一二三  
四。五自然有先後次序。○水質陰。而性本陽。火質陽。而性本陰。  
水外暗而內明。以其根於陽也。火外明而內暗。以其根於陰也。  
太極圖陽動之中有黑底。陰靜之中有白底。是也。橫渠言陰陽  
之精互藏其宅。正此意也。○火中有黑陽中陰也。水外黑而中

太極圖說

四

却明者。陰中陽也。故水謂之陽。亦得。火謂之陰。亦得。○氣是初  
稟底。質是成這模樣子底。○問以質而語其生之序。豈就圖  
而指其序耶。而水木何以謂之陽。火金何以謂之陰。曰。天一生  
水。地二生火。天三生木。地四生金。一三陽也。二四陰也。問以氣  
而語其行之序。豈即其運行處而言之耶。而木火何以謂之  
陽。金水何以謂之陰。曰。此以四時而言。春夏為陽。秋冬為陰。○  
問以質而語其生之序。不是相生否。只是陽變而助陰。故生水。  
陰合而陽盛。故生火。木金各從其類。故在左右。曰。水陰根陽。火  
陽根陰。錯綜而生。其端只是天一生水。地二生火。天三生木。地  
四生金。到得運行處。便水生木。木生火。火生土。土生金。又生

水。又生木。循環相生。又如甲乙丙丁戊己庚辛壬癸。都是這  
箇物事。

愚按以上共十八條。第一條解變合之義。次二條統論陰陽  
五行四時。次四條統論陰陽五行。而其前二條則天地生五  
行之序也。次五條論陰陽。其二三條分對待流行而言。其四  
五條則言陰陽中又各有陰陽也。次一條論五行。次二條專  
論水火。次三條疏注以質而語其生之序。以氣而語其行之  
序。二段。

勉齋黃氏曰。未有五行。只得與做陰陽。既有五行。則陰陽在五  
行之中矣。○問陽變陰合而生水。火木金土。次序如何。曰。水與

太極圖說

四

火對生。木與金對生。因云。這裏有兩項看。如作建寅看時。則木  
火是陽。金水是陰。此以行之序論。如作建子看時。則水木是陽。  
火金是陰。此以生之序論。大概冬春夏可以謂之陽。夏秋冬可  
以謂之陰。因云。太極圖解有一處可疑。圖以水陰盛故居右。火  
陽盛故居左。金陰稱故次水。木陽稱故次火。此是說生之序。下  
文却說水木陽也。火金陰也。却以此為陽。彼為陰。論來物之初  
生。自是幼嫩。如陽始生為水。尚柔弱。到生木已強盛。陰始生火  
尚微。到生金已成。煩如此。則水為陽。稱木為陽。盛火為陰。稱金  
為陰。盛。不知圖解所指是如何。後請問云。圖解所分。恐是解剥  
圖。體言其居左居右之位。次否。晦菴先生云。舊也如此看。只是

水而木。而火以下。畢竟是說行之序。這畢竟是說生之序。畢竟是可疑。五行之序。以質之所生而言。則水本是陽之濕氣。以其初動為陰所隔而不得達。故水陰勝火本是陰之燥氣。以其初動為陽所掩而不得達。故火陽勝水。蓋生之者微成之者盛。生之者形之始成之者形之終也。然各以偏勝也。故雖有形而未成質。以氣升降。土不得而制。為木則陽之濕氣寢多。以感於陰而舒。故發而為木。其質柔。其性暖。金則陰之燥氣居多。以感於陽而縮。故結而為金。其質剛。其性寒。土則陰陽之氣各盛。相交相搏。凝而成質。以氣之行而言。則一陰一陽往來相代。木火金水云者。各就其中而分老少耳。故其序各由少而老。土則分

太極圖說

五

旺四季而位居中者也。此五者序若參差而造化所以為發育之具。寔並行而不相悖。蓋質則陰陽交錯。凝合而成。氣則陰陽兩端循環不已。質曰水火木金。蓋以陰陽相間言。猶曰東西南北。所謂對待者也。氣曰木火金水。蓋以陰陽相因言。猶曰東南西北。所謂流行者也。質雖一定而不易。氣則變化而無窮。所謂易也。五行生之序。則曰水火木金土行之序。則曰木火土金水。何故造物却有此兩樣。看來只是一理。生之序便是行之序。元初只是一箇水。燠後便成火。此兩箇是母。木者水之子。金者火之子。冬是太陰。春是少陽。夏是太陽。秋是少陰。從冬起來。故水木火金自成次序。以水止木。以火生金。故生之序便是行

之序也。孔子言精氣為物。精便是水。氣便是火。子產曰。物生始化曰魄。陽曰魂。魄便是精之靈。魂便是氣之靈。水便生木。火便生金。在人一身。初只是生腎水。又生心火。腎水上生肝木。心火上生肺金。造化只是如此。何嘗有兩樣來。天一生水。地二生火。天三生木。地四生金。此便是造化本原。其後流行亦只如此。四時之序。不過二天二地而已。所以洪範亦只說水火木金土。謂之五行。則行之序亦是如此也。以此可見造化之端倪。物本生之始。五行有生數。有行數。不知何故初生是一樣。流行又是一樣。其為物不貳。則其生物不測。易簡之義。恐不如此。故嘗疑其只是一樣。及以造化之本原。參之人物之生育。初無兩樣。

太極圖說

五

只是水火木金土。便是次序。古人欲分別陰陽造化之殊。故以水火木金土為言耳。自一至十之數。特言奇耦多寡耳。非謂次第如一。二。三。四。五。六。七。八。九。十之數。非次第之數也。天得奇而為水。故曰一生。一之後而為三。故曰三生。木一極為三。以一運之圓而生。三故一為三也。地得耦而為火。故曰二生。二之極而為四。故曰四生。金二極為四。以二周之方而生。四故二為四也。水三為生之陽。木者極盛之陽。土極而生陰。故但當以水木火金土為次序也。自初生至流行。皆是如此。若要看陰陽奇耦。一初一盛。則當曰水火木金土。非謂次序如此也。今以為第一生水。第二生火。第三生木。第四生金。以為次序。則誤矣。水木火金土。



五行之序也。水火木金土。分其奇耦。初盛而為言也。以此觀之。只是一樣。初無兩樣也。所謂一二三四。但言一多一少多之極少之極也。初非以次序而言。猶人言一文兩文。非謂第一名第二名也。果以次序而言之。則一生水而未成水。必至五行俱足。猶待第六而後成水。二生火而未成火。必待五行俱足。又成就了。然後第七而後成火耶。如此則全不成造化。亦不成義理矣。六之成水也。猶坎之為卦也。一陽居中。天一生水也。地六包於外。陽少陰多。而水始成。七之成火也。猶離之為卦也。一陰居中。地二生火也。天七包於外。陰少陽多。而火始成。坎屬陽而離屬陰。以其在內者為生。在外者成之也。若以次序言。全不成義

太極圖說

五

理矣。又曰。五行之序。某設作三句斷之曰。論得數奇耦多寡。則曰水火木金土。論始生之序。則曰水木火金土。論相生之序。則曰木火土金水。如其庶幾乎。

愚按。免齋之說。凡五條。首條統論陰陽五行。次一條辨圖解水陰盛五句。與注水木陽火金陰二語之異。而及陰陽盛稱之說。末三條。疏注生之序。行之二語。謂五行次序。當以行之序為主。所云生之序。但以一稱一盛。陰陽相對為說。非確有次序也。竊謂圖解水陰盛五句。即注所謂生之序也。又云水而木。而火。如環無端。即注所謂行之序也。圖解言生之序。既以金水屬陰。木火屬陽。而此注又以水木為陽。火金為

陰。二者若有不同。然合二說觀之。木之為陽。金之為陰。此二說皆同者也。惟水火之為物。象坎離。故水質陰而性陽。火質陽而性陰。以為水陰盛。火陽盛者。即其質而言也。以為水陽火陰者。即其性而言也。蓋錯舉為說。而意自不相悖也。故朱子曰。火陽中陰。水陰中陽。水謂之陽。亦得。火謂之陰。亦得。天一生水。地二生火之云。不見於經。蓋緯書之說也。而易之本義。被蒙及此書。朱子屢引為說。當必有所見矣。免齋謂一二三四之數。但以奇耦多寡為言。理近是。而寔亦未盡。元儒李氏希濂崇辨之矣。免齋又疑物由稱而盛。則火水當云稱金木當云盛。據唐孔氏解洪範五行。謂萬物成形。以微著為漸。

太極圖說

五

五行先後。亦以微著為次。五行之體。水最微為一。火漸著為二。木形寔為三。金體固為四。上質大為五。此與免齋之說合。然水火氣也。金木之質得是而生。有母子相生之義。豈非母為子。而子為稱乎。水冬太陰。金秋少陰。火夏太陽。木春少陽。豈非太為而少為稱乎。大抵圖中位置。皆有至理。而據圖作說。幾無旁及。至於其變不勝窮。則朱子固言之矣。學者因圖解所及。以通其變。又非可執一說以概其餘也。○元儒李氏希濂曰。近見免齋黃氏論五行。多所未解。其曰生之序。便是行之序。而以太極圖解氣質之說為不。以洪範五行一曰二曰為非有次第。但言其得數之多寡。以夏後繼以秋。為

火能生金。惟其能生。是以能克。夫五行一也。而以爲有生與行之異。則誠若近于支離者。然天地之間。未有不以兩而成化者也。以二氣言。則互爲其根者氣也。分陰分陽者質也。以五行言。則有形體而分峙於昭之之間者。其質也。無形質而默運於冥之之表者。其氣也。夫豈混然而無別哉。故就質而原其生出之始。則水火以陰陽之盛而居先。木金以陰陽之稱而居後。此質之序然也。就氣而探其運行之常。則木火以陽而居先。金水以陰而居後。此氣之序然也。質雖以氣而成。然其體一定而不可易。氣雖行乎質之內而其用則循環而不可窮。二者相須以成造化。今必混而一之。則是天地之間。

太極圖說

五

不過輪一死局。而無經緯糾綜之妙。其爲造化亦小矣。此其一也。五行之生。同出於陰陽。有則俱有。誠若不可以次第言。然水火者。陰陽變合之初氣之至精且盛者也。故爲五行之先。水陰而居於陽火陽而居於陰。故水又爲火之先也。有火而木金生焉。木蕪而疎金寔而固。故木金次於水火而木又爲金之先也。上則四者之所成終而成始也。故次五焉。易大傳自天一至地十。以爲五位相得而各有合。正指五行生成之數而言。按之河圖可見。而洪範五行亦以是爲公。此河圖洛書所以相爲經緯也。今必削其次第。而但以得數爲實。爲說。則是以五行之質。水木皆陽之所爲。而無與乎陰。火金

皆陰之所爲。而無與乎陽。既乖生成之序。復夾變合之旨。所謂五行一陰陽者。皆爲虛語矣。然勉齋亦云。初只是一箇水。水暖後便成火。此兩箇是母。木是水之子。金是火之子。是四者之序。亦未嘗無。但所謂水暖後便是火。與金是火之子。亦未詳其義。而恐其未安耳。此其二也。若火生金之說。則尤不可曉。若以相生者爲序。則曰木火土金水。若以相尅爲序。則當云水火金木土。未有其四以生相受。而其一獨以尅相生也。禮運曰。播五行於四時。周子亦曰。五氣順布。四時行焉。是四時之內。固備五行之氣也。惟土無定位。寄旺於四季。辰未戌丑之月。土之所旺也。土旺則皆可以生金矣。然辰未陽也。

太極圖說

五

成。是陰也。陽則生。陰則成。辰未固皆陽也。春木之氣盛。則土爲之尪。夏火之氣盛。則土爲之息。故季夏本土旺之月。而又加之。以火。則爲亢旺。故能生金。而爲秋。此其相生之序。豈不瞭然甚明也。哉。今但見夏後便總以秋思。而不得其說。遽斷之曰。火能生金。竊恐其爲疎矣。平巖葉氏曰。水火木金土者。陰陽生五行之序也。木火土金水者。五行自相生之序也。問五行之生。與五行之相生。其序不同何也。曰。五行之生也。蓋二氣之交。變合而成。天一生水。地二生火。天三生木。地四生金。天五生土。所謂陽變陰合。而生水火木金土是也。五行之相生也。蓋一氣之推。循環相因。木生火。火生

土土生金。水生木。復生木。所謂五氣順布。四時行焉是也。曰。其所以有是二端何也。曰。二氣變合而生者。原於對待之體也。一氣循環而生者。本於流行之用也。

愚按此亦疏註生之序行之序二段意。華注五行有氣有質。氣是人物未生時化育底材料。質是人物既生後資用底材料。

愚按此太極之第三圖也。注氣行於天。只有其象。如日月五星是也。質具於地。則有形矣。此二句總論以下分論然無遠而非以下又收繳到第一圖第二圖上。

五行一陰陽也。陰陽一太極也。太極本無極也。五行之生也各一

太極圖說

五

其性。

注五行具則造化發育之具無不備矣。故又即此而推本之以明其渾然一體莫非無極之妙。而無極之妙亦未嘗不各具於一物之中也。蓋五行異質。四時異氣。而皆不能外乎陰陽。陰陽異位。動靜異時。而皆不能離乎太極。至於所以為太極者。又初無絀與之可言。是性之本體然也。天下豈有性外之物哉。然五行之生。隨其氣質而所稟不同。所謂各一其性也。各一其性則渾然太極之全體無不各具於一物之中。而性之無所不在。又可見矣。

朱子曰。五行一陰陽也。舍五行無別討論陰陽處。如甲乙屬木。甲

便是陽。乙便是陰。丙丁屬火。丙便是陽。丁便是陰。不須更說陰陽而陰陽在其中矣。陰陽是氣。五行是質。有這質所以做得物事出來。五行雖是質。他又五行之氣。做這物事方自然。都是陰陽二氣。做這五箇。不是陰陽外別有五行。自見在事物而觀之。則陰陽涵太極。推原其本。則太極生陰陽。太極云者。合天地萬物之理而一之。耳。以其無器與形。而天地萬物之理無不在是。故曰無極而太極。以其具天地萬物之理。而無器與形。故曰太極本無極。是豈離乎生民日用之常。而自為一。○問無極太極。本非二物。曰無極而太極。則無極之中。萬象森列。不可謂之無矣。太極本無極。則太極之體。冲漠無朕。不

太極圖說

五

可謂之有矣。○五行一陰陽。陰陽一太極。則非太極之後。別生二五。而二五之上。先有太極也。無極而太極。太極本無極。則非無極之後。別生太極。而太極之上。先有無極也。○五行一陰陽也。陰陽一太極也。太極本無極也。此當思無有陰陽而無太極。底時節。若以為止。是陰陽陰陽都是形。而下者若專以理言。則太極又不曾與陰陽相離。正當沉潛玩索。將因象意思。抽開細看。又復合而觀之。某解卦云。非有離乎陰陽也。即陰陽而指其本體。不離乎陰陽而為言也。卦句自有三節意思。更宜深考。通書云。靜而無動。而無靜物也。動而無動。靜而無靜。神也。當即此無着。○太極陰陽五行。只將元亨利貞看。正好。太極是元亨

利貞都在上面。陰陽是利貞是陰。元亨是陽。五行是元是木。實是火。利是金。貞是水。○問五行之生各一其性。理同否。曰。同而氣質異。曰。既說氣質異。則理不相通。曰。固然。仁作義不得。義作仁不得。○問五行之生各一其性。五性感動而善惡分。此性字是兼氣質言之否。曰。性離氣質不得。有氣質性方存在。裏面無氣質性。便無所寄搭了。稟得氣清者。性便在清氣之中。這清氣不隔蔽那善。稟得氣濁者。性又在濁氣之中。為濁氣所蔽。五行之生各一其性。這又隨物各去了。○問五行皆得大極否。曰。均。曰。人具五行。物只得一行。曰。物亦具有五行。只是得五行之偏者耳。○氣質之性只是此理。墮在氣質之中。故隨氣質而自

太極圖說

五

為一性也。周子所謂各一其性者。向使元無本然之性。則氣質之性從何處得來。○問各一其性。固指五行之氣質。然水之潤下。火之炎上。木之曲直。金之從革。土之稼穡。此但可見其氣質之性。所稟不同。却如何見得大極之全体無不各具於一物之中。而性之無不在也。曰。氣質是陰陽五行所為性。即大極之全体。但論氣質之性。則此全体墮在氣質之中。非別為一性也。又問。反復思之。誠非別有一性。然觀聖賢說性。有是指義理而言者。有是指氣質而言者。都不容無分別。敬謹誦誦。謂陰陽五行所為性。即大極之全体。始悟周子所謂各一其性。專是主理而言。蓋五行之氣質不同。人所共知也。而大極之理無乎不具。人

所未必知也。今傳文云。五行之生隨其氣質。而所稟不同。所謂各一其性也。這性字當指氣而言。各一其性。則渾然大極之全体無不具於一物之中。而性之無所不在。又可見矣。這性字當指理而言。一段之間。文義頗相合。恐讀者莫知所適。從曰。陰陽五行之為性。各是一氣所稟。而性則一也。○問先生答書言。陰陽五行之為性。各是一氣所稟。而性則一也。兩性字同否。曰。一般。又曰。同者理也。不同者氣也。又曰。他所以道五行之生各一其性。又問。莫是木自是木。火自是火。而其理則一。曰。且如這光也有在硯上底。也有在墨上底。其光則一也。○天下無性外之物。有此物。即有此性。無此物。則無此性。○問枯槁之物亦有

太極圖說

五

性。是如何。曰。是他令下有此理。故云。天下無性外之物。愚按。以上共十六條。首二條解五行。一陰陽。句。次一條解陰陽。一太極。句。次二條解太極。本無極句。次三條合解三句之義。次四條解五行之生各一其性。次二條疏注隨其氣質所稟不同。以下之意。末二條疏注所引程子。天下無性外之物句。華注性者。於頂上指其本然之名。本是一太極。在天地謂之理。至五行既成。質故得云性。○各一是氣質所為。然所云性者。即太極之全体理。一即在分殊之中也。愚按此節。總上三圖而合言之。見陰陽中之一小圖與五行

之各一小圈。即最上之一大圈。而三圈雖分三層。三層只是  
一理也。各一其性。固指理。却指理之實於氣質中者。言朱  
子所謂性。維氣質不得者。約而盡矣。注隨其氣質。而所稟不  
同。所稟即指理。一物各具之太極也。下各一其性。五句。又補  
出萬物統體之太極。注物與性字。所指各不同。未嘗不各  
具一物之中。物以陰陽五行言。豈有性外之物。兼陰陽五  
行人物言。無不各具一物之中。物專以五行言。性之本體。性  
外之物。性之無不在性。俱以萬物統體之太極言。各一其性。  
性以五行各具之太極言。  
無極之真。二五之精。妙合而凝。乾道成男。坤道成女。二氣交感。化

太極圖說

三

生萬物。萬物生。而變化無窮焉。  
注。天下無性外之物。而性無不在。此無極二五。所以渾融而無  
間者也。所謂妙合者也。真以理言。無妄之謂也。精以氣言。不  
二之名也。凝聚也。氣聚而成形也。蓋性為主。而陰陽五行。為之  
經緯錯綜。又各以類凝聚而成形焉。陽而健者。成男。則父之道  
也。陰而順者。成女。則母之道也。是人物之始。以氣化而生者也。  
氣化成形。則形交氣感。遂以形化。而人物生。變化無窮矣。自  
男女而觀之。則男女各一其性。而男女一太極也。自萬物而觀  
之。則萬物各一其性。而萬物一太極也。蓋合而言之。萬物統體  
一太極也。分而言之。一物各具一太極也。所謂天下無性外之

物。而性無不在者。於此尤可以見其全矣。子思子曰。君子語大  
天下莫能載焉。語小天下莫能破焉。此之謂也。  
問周子言無極之真。却又不言太極。如何。朱子曰。無極之真。已  
說得太極在其中。真字便是太極。問氣之所聚。理亦聚焉。然  
理終為主。此即所謂妙合也。曰然。真者理也。精者氣也。理與  
氣合。故能成形。天道流行。發育萬物。其所以為造化者。陰陽  
五行而已。而所謂陰陽五行者。又必有是理。而後有是氣。及  
其生物。則又因是氣之聚。而後有是形。故人物之生。必得是理。  
然後可以為健順仁義禮智之性。必得是氣。然後有以為魂魄  
五藏百骸之身。周子所謂二五之精。妙合而凝。正謂是也。無

太極圖說

三

極是理。二五是氣。無極之理。便是性。為主。而二氣五行。經  
緯錯綜於其間也。疑只是此氣凝聚。自然生物。若不如此。結聚  
亦何由造化得萬物出來。先有理。後有氣。先有氣。後有理。皆  
不可得。而推究以意度之。則疑此氣是依傍這理行。及此氣之  
聚。則理亦在焉。蓋氣則能凝聚。造作理。却無情意。無計度。無造  
作。即此氣凝聚處。理便在其中。乾道成男。坤道成女。通人物  
言之。在物如此。壯之類。在植物亦有男女。如有牝麻。及竹有雌  
雄之類。皆離陰陽。割黍不得。氣化是當初一箇人。無種後。自  
生出來。底形化。却是有此一箇人。後乃生。不窮底。問易言  
有萬物。然後有男女。此同却先言乾成男。坤成女。方始萬物化

生如何曰太極所說乃生物之初陰陽之精自凝結成兩箇。是氣化而生如穀子自然爆出來既有此兩箇一化一壯後來却從種子漸生去便是以形化萬物皆然故曰二五之精妙合而凝天地之初如何討箇種自是氣蒸結成兩箇人後方生許多物事所以先說乾道成男坤道成女後方說化生萬物當初若無那兩箇人如今如何有許多人那兩箇人便似而今人身上風自然變化出來天地生物其序固如此遺書言氣化處可見。成男成女萬物化生而無極之妙未嘗不在是焉。問萬物各具一太極此是以理言以氣言曰以理言。愚按以上共十三條首條明無極之真次一條明妙合而凝。

太極圖說

三

次四條總解無極之真三句次一條解乾道成男二句次五條明氣化形化之理玩朱子之意氣化即指當初兩箇無種而生為一牝一牡者兼人物言形化則指既有此兩箇後牝牡相交而生者故於凝字即云成形而於二氣交感云形交氣感氣即一男一女之氣也南軒謂乾道成男坤道成女乃天地所以施生之本男女所以為男女者非指男女之身而言與考亭說異竊謂男女所以為男女者已在上陰陽內不待妙合而凝之後方有是也末條疏注萬物各具一太極說亦見篇末總註。此溪陳氏曰總而言之只是渾淪一箇理是一箇太極分而言。

之則天地萬物各具此理是各有一太極又都渾淪無欠缺處。處有其分而言成許多此道理似散了就萬物上總論則萬物統體渾淪又只是一箇太極人得此理聚於吾心則心為太極所以邵子曰道為太極又曰心為太極謂道為太極者言道即太極無二理也謂心為太極者只是萬物總會於吾心此心渾淪是一箇理耳只這道理流行出而應事接物千條萬緒各得其理之當然則是又各一太極就萬物總言其定依舊只是一理是渾淪一太極也譬如一大塊水銀恁地圓散而為萬小塊箇箇皆圓合萬小塊復為一大塊依舊又恁地圓陳幾叟月落萬川處皆圓之譬亦止如此太極所以立乎天地萬

太極圖說

三

物之表而行乎天地萬物之中在萬古無極之前而貫乎萬古無極之後自萬古而上極萬古而下看來又只是渾淪一箇理總為一太極耳此理流行處皆圓無一處欠缺終有一處欠缺便偏了不得謂之太極太極本體本自圓也。西山真氏曰萬物各具一理萬理同出一原所謂萬理一原者太極也太極者乃萬理總會之名有理即有氣分而二則為陰陽分而五則為五行萬事萬物皆原於此入與物得之則為性性者即太極也仁義即陰陽仁義禮智信即五行也萬物各具一理是物一太極也萬理同出一原是萬物統體一太極也。愚按此二條皆疏注萬物統體一太極一物各具一太極。

黃氏藏孫曰。程子云。隕石無種。種於氣。麟亦無種。亦氣化。厥初生民亦如是。至如海濱露出沙灘。便有百蟲禽獸草木。無種而生。此猶是人所見。若海中島嶼。稍大。人不及者。安知其無種之人。不生於其間。若已有人類。則必無氣化之人。或問人初生時。遂以氣化否。曰。此必燭理。當徐論之。且如海上忽露出一沙島。便有草木生。有土而生草木。不足怪。既有草木。自然禽獸生焉。問先生語錄中云。為知海島無氣化之人。如何。曰。是近人處。固無須是極遠處。有不可知。曰。今天下未有無父母之人。古有氣化何也。曰。有兩般。有全是氣化而生者。若腐草化為螢。是也。既是氣化。則合化時。自化有氣化之後。而種生者。且如人身上著

太極圖說

高

新衣服。過幾日。便有蟻虱生其間。此氣化也。氣既化後。便不化。便以種生去。此理甚明。又云。萬物之始。氣化而生。既形氣相裨。則形化長而氣化消。

愚按此引程子數條。即朱子所云遺書言氣化處也。

華注無極之真。即在二五之精。內故曰妙合而凝。非本為二物。而至其始合也。二氣交感。乃動靜互根。陰陽相資。自然之理。一陰一陽之謂道。太極之全。於此亦可見矣。

愚按此太極之第四五圖也。其精妙合而成男女。屬第四圖。二氣交感而生萬物。屬第五圖。妙合者自然而合也。玩注形交氣感。則二氣交感。以一男一女之相感而言。非指陰陽。但

須知男女之交感。即陰陽施受之理。所在故張子曰。凡物能相感者。鬼神施受之性也。不能相感者。鬼神亦休之而化矣。○注於上節及其皆云。天下無性外之物。而性無不在。蓋性者太極也。形而上者也。物者陰陽五行萬物皆是也。形而下者也。以太極對陰陽五行言。則太極之性。貫乎陰陽五行之中。以太極二五對萬物言。則太極共於二五之中。以生人物而人物又無不各具一太極之性也。此皆於陰陽五行萬物中。提出太極言之。又以太極貫入陰陽五行萬物言之。其理精矣。○易上傳之一章。乾道成男。坤道成女。下傳之五章。天地絪縕。萬物化醇。男女構精。萬物化生。本義絪縕化醇。言氣

太極圖說

六五

化者也。化生形化者也。

惟人也。得其秀而最靈。形既生矣。神發知矣。五性感動而善惡分。萬事出矣。

注此言衆人具動靜之理。而常失之於動也。蓋人物之生。莫不有太極之道焉。然陰陽五行氣質交運。而人之所稟。獨得其秀。故其心為最靈。而有以不失其性之全。所謂天地之心而人之極也。然形生於陰。神發於陽。五常之性感物而動。而陽善陰惡。人以類分。而五性之殊。散為萬事。蓋二氣五行化生萬物。其在人者。又如此。自非聖人。全体太極。有以定之。則欲動情勝利害。相攻人極。不立而違禽獸不遠矣。

問。靈處是心抑是性。朱子曰。靈處只是心。不是性。只是理。得五行之秀者為人。只說五行而不言陰陽者。蓋做這人。須是五行方做得成。然陰陽便在五行中。所以周子云。五行一陰陽也。舍五行無別討陰陽處。如甲乙屬木。甲便是陽。乙便是陰。丙丁屬火。丙便是陽。丁便是陰。不須更說陰陽。而陰陽在其中矣。或曰。如言四時而不言寒暑耳。曰。然。二氣五行。交感萬變。故人物之生。有精粗之不同。自一氣而言。則人物皆受是氣而生。自精粗而言。則人得其氣之正。且通者。物得其氣之偏。且塞者。惟人得其正。故是理通而無所塞。物得其偏。故是理塞而無所通。且如人頭圓象天。足方象地。平正端直。以其受天地之正氣。

太極圖說

卷

所以識道理。有知識。物受天地之偏氣。所以禽獸橫生。草木頭生。向下尾反。在上物之間。有知者。不過只通得一路。如鳥之知孝。獺之知祭。犬但能守禦。牛但能耕而已。人則無不知。無不能。人所以與物異者。所學者此耳。問。先生云。論萬物之一原則。理同而氣異。觀萬物之異。則氣猶相近。而理絕不同。曰。氣相近。如知寒知暖。識飽識飢。好生惡死。趨利避害。人與物都一般。理不同。如蜂蟻之君臣。只是他義上有一點子明。虎狼之父子。只是他仁上有一點子明。其他更推不去。問。人物皆稟天地之理。以為性。皆受天地之氣。以為形。若人稟之不同。因是氣有昏明厚薄之異。若在物言之。不知是所稟之理。便有不全耶。亦

是緣氣稟之昏蔽。故如此耶。曰。惟其所受之氣。只有許多。故其理亦只有許多。如犬馬形氣如此。故只會得如此事。又問。物各一太極。則是理無不全也。曰。以理言之。則無不全。以氣言之。則不能無偏。得其氣之精英者為人。得其渣滓者為物。生氣流行一滾而出。初不通付其全氣與人。減下一等與物也。但稟受隨其所得。物既昏塞矣。而昏塞之中。亦有輕重昏塞尤甚者。於氣之渣滓中。又復稟得渣滓之甚者耳。只一箇陰陽五行之氣。聚在天地中。精英者為人。渣滓者為物。精英之中。又精英者為聖。為賢。精英之中。渣滓者為愚。為不肖。有血氣知覺者禽獸是也。有無血氣知覺。而但有生氣者。草木是也。有生氣既

太極圖說

卷

絕。而但有形質臭味者。枯槁是也。雖其分之殊。而其理則未嘗不同。但以其分之殊。則其理之在是者。不能不異。故人為最靈。而備有五常之性。禽獸則昏而不能備。草木枯槁。則又併與其知覺者而無焉。但其所以為是物之理。則未嘗不具耳。形既生矣。形體陰之為也。神發知矣。神知陽之為也。蓋陰主翕。凡致聚成者。陰為之也。陽主闢。凡發暢揮散者。皆陽為之也。問。五行感動而善惡分。曰。天地之性是理也。稟到有陰陽五行處。便有氣稟之性。於此便有昏明厚薄之殊。得其秀而最靈。乃氣質以後之事。問。自太極一動而為陰陽。以至於五行。為萬物無有不善。在人則緣動便差。是如何。曰。造化亦有差處。如



冬。熱。夏。寒。所。生。人。有。厚。薄。有。善。惡。不。知。自。甚。處。差。將。來。便。沒。理。會。了。又。問。惟。人。終。動。便。有。差。故。聖。人。主。靜。以。立。人。極。然。曰。然。問。通。書。多。說。幾。太。極。圖。却。無。此。意。曰。五。性。感。動。善。惡。未。分。處。便。是。問。陰。陽。都。將。做。好。說。也。得。以。陽。為。善。陰。為。惡。亦。得。曰。陽。善。陰。惡。聖。賢。如。此。說。處。極。多。以。陰。陽。善。惡。論。之。則。陰。陽。之。正。皆。善。也。其。陰。皆。惡。也。以。象。類。言。之。則。陽。善。而。陰。惡。問。孟。子。言。乃。若。其。情。則。可。以。為。善。而。周。子。有。五。性。感。動。而。善。惡。分。以。善。惡。於。動。處。並。言。不。同。如。何。曰。情。未。必。皆。善。然。本。則。可。以。為。善。而。不。可。以。為。惡。孟。子。言。其。正。周。子。則。兼。其。正。與。反。者。而。言。也。或。問。有。陰。陽。便。有。善。惡。曰。陰。陽。五。行。皆。善。又。曰。陰。陽。之。理。皆。善。又。曰。合。下。

太極圖說

說

只有善惡是後一截事。又曰。豎起看皆善。橫看後一截方有惡。又曰。氣有善惡。理却皆善。太極便是性動靜。陰陽是心。金木水火土是仁義禮智信。化生萬物是萬事。

愚按以上共十六條。首條解靈字。次七條解得其秀而最靈。句首條已見五行一陰陽下。而此較詳。其第二條以下皆詳論人物理氣之異同也。次一條解形既生矣。二句。次六條解五性感動而善惡分。而其後三條並疏注陽善陰惡句。末一條統明一節大意。見人身各具一太極圖也。

此漢陳氏曰。太極只是理。本圖故太極之理本渾淪。理無形狀。無界限。間隔。故萬物無不各具得太極。而太極之本体各。

無不渾淪。惟人氣正且通。為萬物之靈。能通得渾淪之体。物氣偏且塞。不如人之靈。雖有渾淪之体。不能通耳。然人類中亦性聖人大賢。然後真能通得渾淪之体。一種下愚底人。其昏頑却與物無異。則又正中之偏。通中之塞者。一種靈禽仁獸。其性與人道甚相近。則又偏中之正。塞中之通者。細推之。有不能以言盡。若就人品類論。則上天所付皆一般。而人隨所值。又各有清濁厚薄之不一。齊如聖人禀氣至清。所以合下便能生知。賦質至粹。所以合下便能安行。如堯舜既得其至精至粹。為聰明神聖。又得氣之清高而寬厚者。所以貴為天子。富有四海。至於享國皆百餘歲。是又得氣之最長者。如夫子亦得至精至粹。合下。

太極圖說

說

便生知安行。然天地大氣到那時已衰微。所以夫子稟得不高不厚止極。為一旅人。而其所得之氣。又不甚長。僅得中壽七十餘歲。不如堯舜之高。有聖人而下各有分數。顏子亦清明純粹。亞於聖人。只緣氣稟得不長。所以夭死。大抵得氣之清者。不隔蔽那義理。便呈露昭著。如銀盞中滿貯清水。自然透見盞底銀花。甚分明。若未嘗有水。然賢人得清氣多。濁氣少。清中微有此渣滓。在。未便能昏蔽得他。所以聰明也。易開發。自大賢而下。或清濁相半。或清底少。濁底多。昏蔽得厚了。如盞底銀花。子看不見。欲見得。須十分加澄治之功。若能力學者。解變化氣。煩轉昏為明。有一般人。禀氣清明。於理義止處。看得出。而行為不為。

不能乘載得道理。多難說。是又賦。不粹。如井泉甚清。貯在銀釜裏面。亦透底清徹。但泉脈從於土。惡木根中穿過來。味不純。甘以之煮白米。則成赤飯。煎白水。則成赤湯。煎茶。則酸澀。是有惡味夾雜了。又有一般人。生下來。於世味一切簡淡。所為甚醇正。但與說到道理處。全發不來。是又賦。質純粹。而真氣不。清。如井泉。味純甘。絕佳。而有泥土渾濁了。終不透瑩。如溫公恭儉力行。篤信好古。是甚。歷子正大。資質只緣少。那至清之氣。識見不高明。二程屢將理義發他。一向偏執固滯。更發不上。甚為二程所不滿。又有一般人。甚好說道理。只是執拘。自立一家意見。是稟氣清中被箇一條戾氣。來衝拘了。如泉脈出來。甚

太極圖說

七

清。却被一條別水。橫衝破了。及或遭巖石。頭橫截。衝激。不帖順了。反成險惡之流。看來。人生氣稟。是有多少般樣。或相倍。或相什伯。或相千萬。不可以一律齊。畢竟清明純粹。恰好底。極為難得。所以聖賢少。而愚不肖者多。問感物而動。或發於理義之公。或發於血氣之私。這裏便分善惡。曰非發於血氣之私。便為惡。乃發後流而為惡耳。

愚按北溪三條。前二條明惟人最靈。而極論古今人稟氣賦。質有清濁純雜之不齊。後一條明五性感動而善惡分。句。華注外性字。兼氣質言。下文中正仁義聖人。却從氣質中洗刷出理義之性來。

愚按外節。又於人身指出。一小太極圖。乃人生之本然也。前朱子圖解云。人得其秀而最靈。所謂人。者。於是乎在矣。形之為也。神之發也。五性之德也。善惡男女之分也。萬事萬物之象也。其義精矣。然一而二。二而五。五而十。百千萬隨處皆具。外象即一舉一動。無時不見。此理衍得外意。又可隨時盡。許多小太極圖也。神發知矣。言神之發。而為知神對形言。禮運篇人者五行之秀氣也。韓退之原性。所以為性者五。曰仁曰禮曰信曰義曰智。樂記篇人生而靜。天之性也。感於物而動。性之欲也。心性之義。從圖說看。去最明。竊崇此而論之。曰世之語心性者。或言心。而不言性。或言

太極圖說

七

心。而即以性為性。是二者皆非也。夫性無形而有理。猶所謂無極而太極。其寂然不動。感而遂通。天下之故者。皆心之為之。而性則乘是以見焉耳。心之未發也。中涵喜怒哀樂之用。非猶所謂靜而生陰者乎。其已發也。形為惻隱羞惡辭讓是非之情。非猶所謂動而生陽者乎。心有動靜。而性之理隨之。故即心而指其動靜之理。以為性。非性有動靜也。非猶太極之乘陰陽為動靜故。即陰陽而指其動靜之理。以為太極者乎。蓋當其未發也。性則寂然。以其寂然也。因為性之體。猶夫以靜為太極之體也。當其既發也。性乃感通。以其感通也。因為性之用。猶夫以動為太極之用也。故朱子言太極曰動

靜者所乘之機而言心亦曰出入乘氣機又曰性猶太極也必猶陰陽也蓋離氣不可以見理而不可以氣為理離心不可以言性而不可即謂心為性又奚疑哉然則心有人道之分何也曰心之為虛靈知覺者皆氣之為也氣之發而出於氣者為人心氣之發而出於理者為道心其道心之發也則為中節之和故心存而性存其人心之發也則好惡憂懼不得其正當正心以復性此心性之義也

聖人定之以中正仁義自注聖人之道仁而主靜欲故體立人極焉故聖人與天地合其德日月合其明四時合其序鬼神合其吉凶

太極圖說

七二

注此言聖人全動靜之德而常本之於靜也蓋人乘陰陽五行之秀氣以生而聖人之生又得其秀之秀者是以其行之也中其處之也正其發之也仁其裁之也義蓋一動一靜莫不有以全夫太極之道而無所虧焉則何之所謂欲動情勝利害相攻者於此乎定矣然靜者誠之復而性之真也苟非此心寂然無欲而靜則又何以酬酢萬事之變而一天下之動哉故聖人中正仁義動靜周流而其動也必主乎靜此其所以成位乎中而天地日月四時鬼神有所不能違也蓋必体立而後用有以行若程子論乾坤動靜而曰不專一則不能直遂不翕聚則不能發散亦此意耳

問聖人定之以仁義中正而主靜朱子曰此是聖人修道之謂教處○問聖人定之以中正仁義而主靜是聖人自定是定天下之人曰此承上文惟人也得其秀而最靈言之形生神發五性感動而善惡分故定之以中正仁義而主靜以立人極○象人所以失之者以其不能全得仁義中正之極而聖人全体太極無所虧缺故其定之也乃所以一天下之動而為之教化制其情慾使之有所檢束相率而歸于善也○問聖人定之以中正仁義而主靜曰中正仁義皆謂發用處正者中之實義者仁之箇中則無過不及隨時以取中正則當然之定理仁則惻隱慈愛之處義則裁制斷決之事主靜者主正與義也正義便是

太極圖說

七三

利貞中是亨仁是元○問聖人定之以中正仁義曰本無先後此四字配金木水火而言中有禮底道理正有智底道理如乾之元亨利貞元即仁亨即中利即義貞即正皆是此理至于主靜是以正與義為体中與仁為用聖人只是主靜自有動底道理譬如人說話也須是沉默然後可以說話蓋沉默中便有簡言語底意思○中正仁義分屬動靜而聖人則主于靜蓋正所以能中義所以能仁克己復禮義也義故能仁易言利貞者性情也元乾是發用處必至于利貞乃見乾之寔体萬物到秋冬收藏成寔方見得他本領故曰性情此亦主靜之說也○中正仁義這四箇物事常在這裏流轉然常靠著簡靜底做本若無

夜則做盡不分曉。無秋冬則做得春夏不長茂。且如人終日應接歸家歇寧時却出去。則便分外精神。如春夏生長若一向恁地。去却有甚了期。元氣也須解竭。所謂役其見天地之心乎。又曰。中仁是動。正義是靜。通書都是恁地說。如云。禮先而樂後之類。皆是。主靜二字。乃言聖人之事。蓋承上文定之以中正仁義而言。以明四者之中。又自有賓主耳。觀此則學者用功。固有次序。須先有箇立腳處。方可省察。就此進步。非謂靜處全不用力。但須如此方可省得力耳。聖人立人極。不說仁義禮智。却說仁義中正。正即禮智中正。尤親切。中是禮之得宜處。正是智之得當處。自氣化一節以下。又節。應前面圖說仁義中。

太極圖說

七

正應五行也。問周子不言禮智而言中正如何。曰。禮智說得備。寬中正則切而寔矣。且謂之禮。尚或有不中節處。若謂之中則無過不及。無非禮之。乃節文恰好處也。謂之智。尚有正不正。若謂之正。則是非端的分明。乃智之寔也。問何以不言禮智而言中正。莫非此圖本為發明易道。故但言中正。是否。曰。亦不知是如何。但中正二字。較有力。問智者動。仁者靜。如太極圖說。則智為靜。仁為動。如何。曰。自體當到不相礙處。方是。夫曰。這物事。直看一樣。橫看一樣。子說學不厭為智。教不倦為仁。子思却言成己為仁。成物為智。仁固有安靜意思。然施行却有運用之意。智是潛伏深潛底道理。至發出則有運用。然至

于運用各當其理。而不可易處。又不窮于動。問智與正何以相契。曰。只是真見得是非。便是正。不正便不與做智了。又問。只是真見得是非。真見得非。若以是為非。以非為是。便不是。正否。曰。是。問處之也。正義之也。義處與裁二字。義頗相近。曰。然處是居之裁。是就事上裁度。又曰。處字作居字。即分曉。中正仁義。言生之序。以配水火木金也。又曰。仁義中正而已矣。以聖人之心言之。猶孟子言仁義禮智也。動則此理行。此動中之太極也。靜則此理存。此靜中之太極也。人雖不能不動而立人極者。必主乎靜。惟主乎靜。則其著于動也。無不中節而不失其本然之體矣。主靜云者。以其相資之勢言之。則動有資於靜而

太極圖說

七

靜無資於動。如乾不專一。則不能直遂。坤不翕聚。則不能發舒。龍蛇不蟄。則無以奮。尺蠖不屈。則無以伸。亦天理之必然也。問聖人定之以中正仁義。所以主靜者。以其本靜。極而動。極復靜。也者。物之終始也。萬物始乎靜。終乎靜。故聖人主靜。曰。若如此。則倚於一偏矣。伊川云。動靜無端。陰陽無始。動靜理。均。但靜字勢重耳。更宜深玩之。主靜者。夜氣一章可見。大凡入湏是沉靜。周先生所以有主靜之說。如蒙艮一卦。皆有靜止之體。問無欲故靜。曰。欲動情勝。則不能靜。元亨利貞之道。動也。利貞誠之復靜也。言動之端也。本乎靜。貞者靜之復也。若乎動。一動一靜循環無端而貞也者。萬物之所以成終而成

始也。○問中正仁義而主靜。中仁是動。正義是靜。如先生解曰。此非心無欲而靜。則何以酬酢萬事之變。而一天下之動哉。今於此心寂然無欲而靜處。見所謂正義者。何以見曰。見理之定。便是一。○程子言。休用一源者。自理而觀。則理為體。象為用。而理中有象。是一源也。顯微無間者。自象而觀。則象為顯。理為微。而象中有理。是無間也。且既曰有理。而後有象。則理象便非一物。故伊川但言其一源。與無間耳。其定休用顯微之分。則不能無也。

愚按以上共二十五條。首三條。統明首句大意。次五條。就中正仁義明主靜之義。次三條。解不言礼智而言中正之故。次

太極圖說

卷一

一條。明仁智分動靜之義。次一條。常明正字。次一條。疏注處之也。正義之也。義。次一條。疏注自注聖人之道。仁義中正而已矣。次一條。疏注一動一靜。莫不有以全乎太極之道。次五條。明所以主靜之義。次一條。疏注自注無欲故靜。次一條。疏注誠之後句。次一條。疏注非心無欲而靜。二句。末條疏注休立而後用。有以行。詳亦見篇末總註。

問聖人定之以中正仁義而主靜。解云。正義是靜。正義如何謂之靜。勉齋黃氏曰。是向這裏裁一截。便住。又問。此是聖人主靜工夫。學者要上靜時。莫是向事物上各得箇當然之則。便是主靜否。曰。上靜下小註云。無欲故靜。須就裏面下工夫。令人終日

紛擾。心不定。靜也。須着几時去。那裏靜坐。收這心。不專一。則不能直遂。不翕聚。則不能發散。但看天地之間。冬間。陰溫。陽氣發洩。得盡了。來歲。生物。必不十分暢茂。也。多有疲癘之氣。若是。癘肅。藏閉。太寒。太凍。方藏得許多氣。一發出。便自充塞。萬物自是。箇上長茂。人亦如此。孟子言。夜氣亦是如此。日間固不可不存。若於早晨。清明未振。物時。終存養得日間也。自別。或問。定之以中正仁義而主靜。雙峰饒氏曰。中正仁義。性之四德。中即禮。正即智也。然不曰礼智。而曰中正者。蓋仁義礼智。專以性之未發者言。如孟子之所云。而中正仁義。則以性之周流乎動靜者言。若乾坤之元亨利貞也。以未發者言。則四者各專

太極圖說

卷一

一德。而其發也。為四。以周流動靜者言。則名雖有四。而實則一。太極之流行也。故中者。動而無過不及之名。極之用也。正者。靜而不偏不倚之謂。極之體也。中見於事。正主乎中。確乎其不可移。易若戶之有樞。車之有管轄。天之有南北。極也。定萬事以立人極。莫先乎此。仁者主於生育。所以流通乎物。我而發揮其功用。故由靜而應於動。由休而達於用。者仁之事也。義者主於收斂。所以裁成夫事物。而斷割乎彼我。故動極而歸於靜。用畢而反其休者。義之事也。二者中正之機括。而極之妙用也。四者之在吾心。動靜周流。如環無端。亦猶天地之五氣。順布而四時行也。然是極之理。根於所性。其休本真而靜。苟有一毫之私欲。

難乎其中。則利害相攻。思慮錯擾。而本然之體已失其正。其何  
以能泛應曲當。而使用之各得其中哉。惟聖人之心。天理渾然。  
無少私欲。故能寂然不動。以為感而遂通之本。此定之以中正  
仁義而主靜之說也。學者不學聖人。則已。欲學聖人。可不於此  
而用力哉。陰陽分而五行具。男女交而萬物生。而太極之理  
無乎不在。及乎形神感而五性動。善惡分而萬事出。非聖人定  
之以中正仁義。則人極有所不立矣。何則。蓋立天之道曰陰與  
陽。立地之道曰柔與剛。立人之道曰仁與義。陰陽氣也。柔剛質  
也。形而下者也。仁義性也。形而上者也。故自天地言之。則器即  
道。即器本無精粗之間。善惡之殊。而陰陽五行之運。男女萬

太極圖說

七

物之生。隨其氣質之所在。莫不各具一太極。至於人。則稟氣有  
昏明賦質有淑慝。而人欲之私。或得以害其天理之正。苟非有  
盡性者。出乎其間。以為天下之標的。而使凡氣質之不齊者。有  
所取則焉。則人欲勝而天理滅矣。此人極之立。所以惟盡其性  
以盡人之性。者能之。而氣質有所不與。故元公周先生生於聖  
道。不傳千五百年之後。一旦建圖屬書。剖發幽秘。直指無極太  
極。以明道体。而天地之所以運化。人物之所以生育者。莫不森  
然畢具於其中。至於人極之立。則蔽之以中正仁義。而主靜之  
一言。而天下之動。亦得以貞夫。一此其發明三極之蘊。以上繼  
洙泗之統。下啓河洛之傳。使天下後世。復見天地萬物之大全。

復聞聖賢修己治人之心法者。幾與伏羲始畫八卦同功。可謂  
盛矣。

愚按勉齋一條雙峰二條。皆明聖人定之以中正仁義而主  
靜。

此溪陳氏曰。聖人一心渾論太極之全体。而酬酢萬變無非太  
極流行之用。學問功夫。須從萬事萬物中。過。湊合成一渾論  
大本中散為萬事萬物。使無少窒礙。然後定体得渾論至極者  
在我。而大用不差矣。禮者心之敬。而天理之節文也。心中有  
簡敬。油然而生。便是禮。見於應接。便自然有簡節文。節則無太  
過。文則無不及。如作事太煩。無文來。是失之不及。末節繁文太

太極圖說

七

盛是流於太過。天理之節文。乃恰好。恰好處便是合當。如此  
更無太過更無不及。當然而然。便是中。故太極圖說仁義中  
正。以中字代礼字。尤見親切。圖說中正仁義。而注脚又言仁  
義中正。互而言之。以見此理之循環無端。不可執定。以孰為先  
孰為後也。亦猶四時之春夏秋冬。或言秋冬春夏。以此見氣之  
動靜無端。陰陽無始也。

愚按此溪三條。首條明聖人所以立極。中條明礼之為中。末  
條疏有注。又言仁義中正之意。

西山真氏曰。大凡有体而後有用。如天地造化。發生於春夏。而  
斂藏於秋冬。發生是用。斂藏是体。自日月純坤。陽氣既盡。不知

者謂生氣已熄。不知藏者乃所以為發生之根。自此霜雪凝。固草木凋落。蟲蛇伏藏。微陽雖生於下。隱而未露。一年造化。寔基於此。惟冬間微藏凝固。然後春來發生有力。所以冬暖無霜。重則來歲五谷不登。正以陽氣發洩故也。人之一心。亦是如此。須是平居湛然虛靜。如秋冬之秘藏。皆不發露。渾然一理。無所徧倚。然後應事方不差錯。如春夏之發生物。得所若靜時先已紛擾。則動時豈能中節。故周子以主靜為本。程子以主敬為本。皆此理也。

愚按此亦明主靜之理。

華注中正仁義即五行之性也。五行有順有理。順有善惡。而

太極圖說

个

理則至善。聖人定之以中正仁義。不任五行之氣。而專任五行之理也。主靜。字正對上文感動。字說。象心所以不能無。夫者。只為妄動。聖人主靜立人極。故不動則已。動即太極之動。猶之兩儀立四時。行五氣。亦同一自然之理。故云動天也。合德云云。  
愚按此見聖人之身。渾然一太極圖也。聖人之自然而然者。也。朱子同解。以中與仁貼動。正與義貼靜。是以陰陽五行。分配而言。蓋論理之体。用宜以仁為義之体。中為正之質。以陰陽五行分配言之。則中與仁皆統於用。施行處言。故屬之動。義雖因物化裁。而斷制之意。多正。雖變通不滯。而堅確之意。

多。故屬之靜。聖人以主靜立極。非謂主乎正。義以為中。與仁之本也。蓋聖人之心。湛然靜正。事物未至。則寂然不動。而無所意。必與物相感。則因物付物。而無所固我。及事物已過。而湛然靜正者。自若也。故其此應曲當。固仁至礼全。無不造極。而所制之体。堅確之性。有不因物而移者。此所以動靜無間。而常主乎靜也。然聖人則無欲故靜。學者用功當時。收攝此心。而又去其意。必固我之私。以為應務之本。亦曰去欲以求靜而已。非却動為靜。如釋老之虛寂。亦非專從事於正義。而謂仁與中可緩也。須善會之。易乾卦文言。夫大人者。與天地合其德。與日月合其明。與四時合其序。與鬼神合其吉。

太極圖說

个

君子修之吉。小人悖之凶。  
注。聖人太極之全体。一動一靜無違。而非中正仁義之極。蓋不假修為。而自然者也。未至此而修之。君子之所以吉也。不知此而悖之。小人之所以凶也。修之悖之。亦在乎敬肆之間而已矣。敬則寡欲。而理明。寡之又寡。以至於無。則靜虛動直。而聖可學矣。  
朱子曰。太極首言性命之源。用力處。却在修吉悖凶。其本則主於靜。小而言之。飲食渴飲。出入息大而言之。君臣父子夫婦朋友。無非是天地之事。只是這一箇道理。所以君子修之便。

吉。小人恃之便。這物事機關一下撥轉後。便攔他不住。如水車相似。才踏發這機。便住不得。所以聖賢一日二日。萬幾兢業。如臨深淵。如履薄冰。只是大化恁地流行。隨得是便。好隨得。不是便。過他不住。存心養性。所以事天也。天壽不貳。修身以俟之。所以立命也。○以事言之。則有動有靜。以心言之。則周旋貫徹。其工夫初無間斷也。但以靜為本耳。周子所謂主靜者。亦此意。但言靜。則偏。故程子以說教。○濂溪言主靜。字只好作敬字看。故又言無欲。故靜若以為虛靜。則恐入釋老去。

愚按以上四條。前二條解本節。後二條說注言敬之意。

西山真氏曰。朱子嘗謂聖人定之以中正仁義而主靜。要人靜。

太極圖說

八二

定其心。自作主宰。程子又恐只管靜去。與事物不相交涉。却說箇敬者。日用先生說。靜與程先生說。敬義同。而意異。否。曰。程子是箇人。不曾化靜字意。便似入禪坐定。周子之說。只是無欲。故程子又上底。以靜為主。朱子發明二先生意。如此。至其為論。有云。明道先生靜坐。李先生亦教人靜坐。須靜坐始能收斂。又云。始學工夫。須是靜坐。則本原定。又云。心於未遇事時。須是靜。臨事方用。便當氣力。如當靜時。不靜。思慮散亂。及至臨事。已先倦了。伊川解靜專處。云。不專一。則不能直透。閑時。須是收斂。做事便有精神。又云。心要精。一方靜時。便湛然在此。不得困頓。如鏡樣。遇事時。方好。又云。為學工夫。須要靜。多不妨。才靜事都見。

得然。總是一箇敬。又云。主靜。所以養其動。又云。靜者。養動之根。又云。主靜。夜氣一章。可見以上數條。蓋祖周子主靜之說也。至其門人。以靜坐功夫與役。應接不同。為問。則答之云。不必如此。反成坐馳。但收斂勿令放逸。到窮理精後。自然思量不至妄動。此所云為。莫非至理。亦何必兀然靜坐。然後為持敬。又云。明道說。靜坐可以為學。上蔡亦言。多著靜不妨。此說終是少偏。才偏。便做病。道理自有動時。自有靜時。學者只是敬。以直內。義以方外。見得世間無處不是道理。不必專於靜處求。所以伊川謂只用敬。不用靜。便說得平。又云。不可特地將靜坐做一件工夫。但著一敬字。通貫動靜。則於二者之間。自無間斷處。又云。存養。

太極圖說

八三

之功。不專在靜坐時。須於日用動靜之間。無處不下工夫。乃無間斷耳。又云。無事靜坐。有事應酬。隨時隨處。無非自己身心運用。但常有提撕。勿與俱往。便是工夫。事物之來。豈以漠然不應為是耶。其答南軒書云。來教謂言靜。則溺於虛無。然此二字。如佛老之論。則誠有此患。若以天理觀之。則動之不能無靜。猶靜之不能無動也。靜之不可不養。猶動之不可不察也。但見得一動一靜。互為其根。敬義夾持。無容間斷之意。則雖下靜字。元非死物。至靜之中。自有動之端焉。是乃所以見天地之心者。而先王之所以至日閉關。蓋當此之時。則安靜以養乎此耳。固非遠事絕物。閉目兀坐。而偏於靜之謂。但未接物時。便有敬以主乎。



中則事至物未華端昭著。所以察之者益精明耳。未教又謂其言以靜為本。不若遂言以敬為本。今若遂易為敬。雖若完全。然却不見敬之所施。有先有後。則亦未得為的當也。至於來教所謂要須靜以涵動之所本。察夫動以見靜之所存。動靜相須。體用不離。而後為無滲漏也。此教言卓然意語俱到。謹以書之。左席出入觀省以上數條。則又本程子主敬之說。而不專主於靜也。

愚按此條。應引朱子所論主靜主敬之旨。亦疏注言敬之意也。

華注修之者。修其中正仁義也。至其下手工夫。周子言主靜也。

太極圖說

八四

朱子言主敬。蓋聖人全體純粹。即靜即敬。君子則必由敬以主靜。敬字比靜字較有力。

愚按此言。修之者乃學者之所當然。而小人反之也。○周子

言主靜。似不若程子之言主敬。理為渾全。然世人擾攘於愛

惡。攻取之中昏。惛。日若不給。無一時寧靜之意。所以理

義日昏。志氣日靡。則靜之一字。正所以為持敬之要。過敬之

本。如三伏極暑。汗蒸氣促。得片刻清涼。便覺快爽無限。豈可

以二氏之虛靜。遂因噎而廢食乎。

故曰立天之道曰陰與陽。立地之道曰柔與剛。立人之道曰仁與義。又曰原始反終。故知死生之說。

注陰陽成象。天道之所以立也。○劉柔成質。地道之所以立也。仁義成德。人道之所以立也。道一而已。隨事著見。故有三才之別。而於其中又各有體用之分。為其寔則一太極也。陽也。○劉也。仁也。物之始也。陰也。○柔也。義也。物之終也。能原其始而知所以生。則反其終而知所以死矣。此天地之間。網紀造化流行古今。不言之妙。聖人作易。其大意蓋不出此。故引之以証其說。

朱子曰。立天之道曰陰與陽。是以氣言。立地之道曰柔與剛。是以質言。立人之道曰仁與義。是以理言。○陰陽以氣言。○劉柔則有形質可見矣。至仁與義。則又合氣與形而理具焉。然亦一而已矣。蓋陰陽者陽中之陰。陽柔劉者陰中之陰。陽也。仁義者陰

太極圖說

八五

陽合氣。○劉柔成質。而是理始為人道之極也。然仁為陽。○劉義為陰。○柔仁主發生。義主收斂。故其分屬如此。或問楊子雲云。君子於仁也柔。於義也剛。蓋取其相濟而相為用之意。曰仁。○劉而用柔。義。○劉而用剛。○問立天之道曰陰與陽。立地之道曰柔與剛。立人之道曰仁與義。則仁當屬陰。曰仁何嘗屬陰。袁機仲力爭。要以仁屬陰。引楊子之言為証。殊不知仁之定。自是屬陽。至論君子所學。則又就那地位上說。如何拘得。○陽主進而陰主退。陽主息而陰主消。進而息者其氣強。消而退者其氣弱。此陰陽之所以為柔剛也。陽剛滋厚。居東南。主春夏。而以作長為事。陰柔凝結。居西北。主秋冬。而以斂藏為事。作長為生。斂藏

為殺此則柔之所以為仁義也。以此觀之。則陰陽則柔仁義。位豈不曉然而彼楊子所謂於仁也。柔於義也。則乃自其用處。未流言之。蓋亦所謂陽中之陰。中之陽。固不妨自為一義。但不可離乎此而論之耳。問仁是柔如何。屬到義是到如何。却屬柔曰。仁到陽是一樣意思。義到陰是一樣意思。蓋仁本是柔。底物事發出却到但看萬物發生時。便恁地奮迅出來。有到底意思。義本是到底物事發出來。却柔但看萬物消殺時。便恁地收斂憔悴。有柔底意思。又問楊子云。於仁也。到於義也。柔如何。曰。仁係柔而用到義。體到而用柔。曰。此豈所謂陽根陰。根陽耶。曰。然。陰陽則柔仁義。看來當曰。義與仁。而以仁對陽。若不

太極圖說

六

是陽到如何。做得許多造化。義雖到却主收斂。仁却主舒達。是陽中之陰。中之陽。互為其根之意。且如今日用賞罰。到陽子人。自是無疑。便做將去。若是刑殺時。便遲疑不肯果決。做這見得陽舒陰斂。仁屬陽。義屬陰。處。仁義。禮智四者之中。仁義是箇對立底。閑健。益仁也。而禮則仁之著義也。而智則義之藏。猶春夏秋冬。雖為四時。然春夏皆陽之屬也。秋冬皆陰之屬也。故曰。立天之道曰陰與陽。立地之道曰柔與剛。立人之道曰仁與義。是知天地之道。不兩則不能以立。故端雖有四。而立之者則兩耳。問仁為用。義為體。若以休統論之。仁都是休。義却是用。曰。是仁為體。義為用。大抵仁義中。又各有休用。仁有

說心性之所以為體也。義制乎事性之所以為用也。然又有說焉。以其性而言之。則皆體也。以其情而言之。則皆用也。以陰陽言之。則義體而仁用也。以存心制事言之。則仁體而義用也。錯為交羅。惟其所當而莫不各有條理存焉。且如造化周流未形。形便是形。而上者屬陽。終應於形。質為人物為金木水火。便轉動不得。便是形而下者屬陰。若是陽時。自有多少流行變動。在及至成物一成而不反。謂如人之初生。屬陽。只管有長及至長成。便只有衰。此氣逐漸衰減。至於衰盡。則死矣。周子所謂原始反終。只於衰盡處。可見反終之理。周子太極之書。如易六十四卦。一一有定理。毫髮不差。自首至尾。不出陰陽二端

太極圖說

六

而已。始處是有生之初。終處是已定之理。始有處。說生已定處。說死不復變動矣。問原始反終之反。曰。反如招轉來。謂方推原其始。招轉來看其終。原字反字皆就人說。反如回頭之意。○問原始反終。故知死生之說。曰。人未死。如何知得死之說。只是原其始之理。將後面招轉來看。便見得以此之有知彼之無。○問天地之化。雖則生生不窮。然而有必。有必者。有生必有死。能原始而知其聚而生。則必知其終必散而死。然知其生也。得於氣化之自然。初無精神寄寓於太虛之中。則知其死也。與氣而俱散。無復更有形象寄於冥漠之內。曰死便是都散無了。愚按以上十四條。首條通解立天之道三句。次五條。明仁屬

陽剛義屬陰柔之義。而其第四條與第一條詞意互異。據楊子法言。君子篇問君子之系。曰。君子於仁也。系於義也。劉此第四條。反言仁。劉義系。其為記錄之誤無疑。次三條合論仁義之理。末五條解原始反終二句之意。而其後二條。但以詮解易文。非通書引用之義也。  
平廉葉氏曰。一陰一陽之謂道。即太極也。在天以氣言。曰陰陽。在地以形言。曰剛柔。在人以德言。曰仁義。此太極之體。所以立也。死生者。物之終始也。知死生之說。則盡二氣流行之妙矣。此太極之用。所以行也。凡此二端。發明太極之全体大用。故引以結証一圖之義。

太極圖說

八

愚按此解本節大意。又按此引易二段。總結通篇之義。上段以對待處見天人之不外陰陽。下段以流行處見陰陽之非有二理。重在下段。蓋上文所謂太極二五。其在天地者也。所謂中正仁義。其在聖人者也。故於此合天地人而言之。見天之陰陽。地之柔剛。人之仁義。皆不外一陰一陽之理。生死開闔。人物以生死為終始。而天地即以人物之終始為開闔。人物之生也。是天地之陽之方。舒氣之方。剛而見生。仁也。其死也。是天地之陰之收斂。反剛為柔。而見斂藏之義也。故注以陰陽剛柔仁義分配終始而言。以見引易二段。所以相承之意。然大意

不重在明人物之終始。而重在明天地之混開。故注又云。此天地之間。網紀造化。流行古今。不言之妙。此乃總結通篇之本意也。如此則所云終始。亦祇一陰一陽之理。而太極無乎不在。宜與通書混今。闡今二語。參看南軒所言反始之義。似以無極太極為始。恐太極二五。難以分屬終始。勉齋謂中無極。而太極太極本無極之義。亦似謂人死仍歸於無極。有若橫渠之意者。皆與注意微異。北溪止以人之終始為言。又於注網紀造化以下之意。似未有見焉者。其諸說所以皆不若注意之細也。原始反終。言外固有全受全歸。始完其妙。合之本休意。然此重在明太極陰陽之妙。以結通篇之旨。玩上

太極圖說

八

下文意自見

大哉易也。斯其至矣。注易之為書。廣大悉備。然語其至極。則此圖盡之。其指豈不深哉。抑崇聞之。程子昆弟之學。於周子也。周子手是圖以授之。程子之言性與天道。多出於此。然卒未嘗明以此圖示人。是則必有微意焉。學者亦不可不知也。論曰。愚既為此說。讀者病其分裂已甚。辨詰紛然。至於應酬之不給也。故繼而論之大抵難者。或謂不當以總成性分。陰陽或謂不當以太極陰陽分道。器或謂不當以仁義分休用。或謂不當言一物各具一太極。又有謂休用一源。不可言休立而後用行者。又有謂仁為統體。不

可偏指為陽動者。又有謂仁義中正之分。不當反其類者。是發者之說。亦皆有理。然惜其於聖賢之意。皆得其一而遺其二也。夫道體之全。渾然一致。而精粗本末。內外賓主之分。粲然於其中。有不可以毫釐差者。此聖賢之言。所以或離或合。或異或同。而乃所以為道體之全也。今徒知所謂渾然者。之為大而兼言之。而不知夫所謂粲焉者。之未始相離也。是以信同疑異。喜合惡離。其論每陷於一偏。卒為無星之稱。無寸之尺而已。豈不誤哉。夫善之與性。不可謂有二物明矣。然總之皆善。自其陰陽變化而言也。成之者性。自夫人物稟受而言也。陰陽變化流行而未始有窮陽之動也。人物稟受一定而不可復易。陰之靜也。以

太極圖說

卷一

此辨之。則亦安得無二者之分哉。然性善形而上者也。陰陽形而下者也。周子之意。亦豈直指善為陽而性為陰哉。但語其分。則以為善為之。其耳。陰陽太極。不可謂有二理必矣。然太極無形。而陰陽有氣。則亦安得而無上下之殊哉。此其所以為道器之別也。故周子曰。形而上為道。形而下為器。渾渾著如此說。然器亦道也。道亦器也。得此意而推之。則庶乎其不偏矣。仁義中正。同乎一理者也。而析為体用。誠若有未安者。然仁者善之長也。中者善之會也。義者利之宜也。正者貞之休也。而元亨者誠之通也。利貞者誠之復也。是則安得為無体用之分哉。萬物之生。同一太極者也。而謂其各具。則亦有可疑者。然一物之中。天理

完具。不相假借。不相凌奪。此統之所以有宗。會之所以有元也。是則安得不日各具一理哉。若夫所謂体用一源者。程子之言。蓋已密矣。其曰体用一源者。以至微之理言之。則冲漠無朕。而萬象昭然。已具也。其曰顯微無門者。以至著之象言之。則即事即物。而此理無乎不在也。言理則先体而後用。蓋舉体而用之。理已具。是所以為一源也。言事則先顯而後微。蓋即事而理之。体可見。是所以為無間也。然則所謂一源者。是豈漫無精粗先後之可言哉。况既曰体立而後用行。則亦不嫌於先有此而後有彼矣。所謂仁為統体者。則程子所謂專言之。而包四者是也。然其言蓋曰。四德之元。猶五常之仁。偏言則一事。專言則包四

太極圖說

卷一

者。則是仁之所以包六四者。固未嘗離乎偏言之一事。亦未有不識夫偏言之一事。而可以驟語夫專言之統体者也。況此圖以仁配義。而復以中正參焉。又與陰陽剖柔為類。則亦不得為專言之矣。安得遽以夫統体者言之。而昧夫陰陽動靜之別哉。至於中之為用。則以無過不及者言之。而非指所謂未發之中也。仁之為体。則亦以偏言一事者言之。而非指所謂專言之仁也。對此而言。則正者所以為中之幹。而義者所以為仁之質。又可知矣。其為体用。亦豈為無說哉。大抵周子之為是書。語意峻潔。而混成條理。精密而疎闊。讀者誠能虛心一意。反復潛玩。而毋以先入之說。亂焉。則庶幾其有得乎周子之心。而無疑於紛

紛之說矣。○蓋既為此說。錄以寄張敬夫。敬夫以書來曰。先生所與門人講論問答之言。見於書者詳矣。其於西銘。蓋屢言之。至此圖則未嘗一言及也。謂其必有微意。是則固然。所謂微意者。果何謂耶。蓋竊謂以為此圖立象盡意。剖析幽微。周子蓋不得已而作也。觀其手授之意。蓋以為惟程子為能當之。至程子而不言。疑其未有能受之者耳。夫說未能默識於意言之表。則馳心空妙。入耳出口。其弊必有不勝言者。自注近年已覺頗有此弊矣。視其答張園中論易傳成書深惠無受之者。及東見錄中論橫渠清虛一大之說。使人向別處走。不若且只道敬則其意亦可見矣。若西銘則推人以之天。即近以明遠。於學者日用最為

太極圖說

九

親切。非若此書詳於性命之原。而專於進為之目。有不可以驟而語者也。○子雅言詩書執禮。而於易則鮮及焉。其意亦猶此耳。韓子曰。堯舜之利民也。大禹之慮民也深。蓋於周子程子亦云。既以復於敬夫。因記其說於此。乾道癸巳四月既望。嘉議書。愚按總註中所謂不當以總善成性分陰陽與謂不當以太極陰陽分道器者。指太極動而生陽。靜而生陰也。所謂不當以仁義分。用指圖解用之行休之立二段也。所謂不當言一物各具一大極者。指無極之真節注也。所謂休用一源不當言体立而後用行者。指定之以中正仁義節注也。又謂仁為統法不當偏指為陽動與謂中正仁義之分不當反其類者。亦

指圖解用之行休之立二段也。大全舊本前後各見數條。今亦悉附前各節之下。而于此不復贅及云。

朱子曰。大哉易也。只是言陰陽剛柔仁義及言京師。始及終。故知死生之說而止。人之生死。亦只陰陽之氣屈伸往來耳。○問太極圖周先生手授二程先生者也。今二程先生之所講論問答。獨未嘗及此圖何也。曰。二程先生雖不及此圖。然其說固多本之矣。嘗試考之。當自可見也。○問程氏未嘗明以是圖示人。今乃遽為之說以傳之。是豈先生之意耶。曰。當時此書未行。故可隱今日流布既廣。若不說破。却令後生枉生疑惑。故不得已而為之說耳。○太極圖未嘗隱於人。然人之識太極者。只是於禪

太極圖說

九

學中認得箇理。靈。能作用底。便謂此是太極。而不知所謂太極。乃天地萬物自然之理。亘古亘今。攬撲不破者也。○問伊川因何而見道。曰。他說求之六經而得。但也是於濂溪處見得箇大道理。占地位了。○太極圖說陰陽五行之變。不齊二程因此始推出氣質之性。○周子太極圖却有氣質底意思。程子之論。又有太極圖中見出來也。○或言二程之於濂溪。亦猶橫渠之於范文正耳。先覺相傳之秘。非後學所能窺測。誦其詩讀其書。則周范之迹。諸固殊。而程張之契。悟亦異。如曰。仲尼顏子所樂吟風咏月。以歸。皆是當時口傳心授的當親切處。後來二先生來。似後學。亦不將作第二義看。然則行欲所謂反求之六經。

然後得之者。特語夫功用之大全耳。至其入處。則自濂溪不可  
誣也。若橫渠之於文正。則異於是。蓋當時粗發其端而已。受學  
乃先生自言此。豈有誣者耶。汪端明嘗言二程之學。非全資  
於周先生。蓋通書人多忽焉。不曾考究。今觀通書。皆是發明太  
極書。雖不多。而統紀已盡。二程蓋得其傳。但二程之業廣耳。  
問明道之學。後來固別。但其本自濂溪發之。只是此理推廣之  
耳。但不如後來程門受業之多。曰當時既未有人知無人往。復  
只得如此。

愚按以上十條。首條解本節之意。次一條疏注未嘗明以此  
圖示人。次二條明程子不以示人而已。所以作解之意。末六

太極圖說

九

條見二程子之實學於周子也。

黃氏森孫曰。尹和靖問易傳序云。至微者理也。至著者象也。体  
用一源。顯微無間。莫太淺露。天機否。程子曰。如此分明說破。猶  
自人不解悟。又朱子云。冲漠無朕。萬象森然。已具。未應不是。先  
就應不是。後正說体用一源之意。張閔中以書問程伊川先  
生。易傳不傳。先生答云。易傳有重精力未衰。尚與有少進耳。然  
亦不必直待身後。覺老髦則傳矣。書雖未出。學未嘗不傳也。第  
愚無受之者耳。又呂與叔東見程先生。先生語之曰。橫渠教人  
本只是謂世學膠固。故說一箇清虛一大。只問得人。稍損得後  
去。就道理。然而人又更別處走。今日且只道敬。

愚按此二條。前疏總注所引程子體用一源。句後疏注中所  
引程子答閔中及東見錄中語。

又按此節注斯字。似指圖而言。若自贊其圖之妙者。前圖解  
則云。陽也。剛也。仁也。所謂也。物之始也。陰也。柔也。義也。所  
謂也。物之終也。此所謂易也。又曰。易有太極。之謂也。此  
節小注云。大哉易也。只是言陰陽剛柔仁義。及言原始反終。  
故知死生之說。據此則斯字。似指上二條所引易辭。與注意  
若非一說。竊意易有二義。交易即對待之意也。交易即流行  
之意也。陰陽剛柔仁義分說。則為對待。原始反終。則為流行。  
三才一理。始終一理。則可以見太極之無乎不在。而陰陽之

太極圖說

五

非有二也。正以此一條。總結通篇所言太極陰陽之理。故贊  
之曰。斯其至。是贊易辭。非自贊其圖之妙也。然引易辭正  
以証圖說。則贊易即以贊圖。故曰此圖盡之云爾。

太極圖說卷之終

通書本序

通書者濂溪夫子之所作也。夫子姓周氏名惇順字茂叔。自少即以學行有聞於世。而莫或知其師傳之所自。獨河南兩程夫子嘗受學焉。而得孔孟不傳之正統。則其淵源因可概見。然所以指夫仲尼顏子之樂。而發其吟風弄月之趣者。亦不可得而悉聞矣。所著之書。又多散失。獨此一篇本號易通。與太極圖說並小程氏以傳於世。而其為說實相表裏。大抵推一理二氣五行之分。令以紀綱道體之精微。決道義文辭利祿之取舍。以振起俗學之卑陋。至論所以入德之方。經世之具。又皆親切簡要。不為空言。顧其宏綱大用。既非秦漢以來諸儒所及。而其條理

通書本序

之意味之深。又非今世學者所能驟而窺也。是以程氏既沒。而傳者鮮焉。其知之者。不過以為用意高遠而已。蓋自早歲。即幸得其遺編。而伏讀之初。蓋茫然不知其所謂。而甚或不能以句北歲。獲遊延平先生之門。然後始得聞其說之一二。比年以來。潛玩既久。乃若粗有得焉。雖其宏綱大用。所不敢知。然於其章句文字之間。則有以實見其條理之愈密。意味之愈深。而不我欺也。顧自始讀。以至於今。歲月幾何。俟焉三紀。慨前哲之遠。懼妙旨之無傳。竊不自量。輒為注釋。雖知凡近。不足以發夫子之精蘊。然創通大義。以俟後之君子。則萬一其庶幾焉。淳熙丁未九月甲辰。後學朱熹謹記。

總論

五峯胡氏曰。通書四十一章。周子之所述也。粵若稽古孔子。述三五之道。立百王繼世之法。孟軻氏闢楊墨。推明孔子之澤。以為萬世不斬。人謂孟氏功不在禹下。今周子啟程氏兄弟以千古不傳之妙。其功蓋在孔孟之間矣。人見其書之約也。而不知其道之大也。見其文之質也。而不知其義之精也。見其言之淡也。而不知其味之長也。此書皆發端以示人者。度越諸子。直與易書詩春秋語孟同流行乎天下。朱子曰。通書文雖高簡。而體實淵慈。且其所論。不出乎修己治人之術。未嘗劇談無極之先文字之外也。問通書便可以上

通書總論

接語。孟子曰。此語孟較分曉精深。結構得密。語孟較說得濶。周子通書。此近世道學之原也。而其言簡質如此。與世之指天畫地。喝風罵雨者。氣象不侔。河圖出而八卦畫洛書。而九疇序。孔子於斯文興衰。未嘗不推之於天。若濂溪先生者。其天之所界。而得乎斯道之傳者。豈不由師傳默契。道體建圖。屬書根極。領要當時見而知之。有程氏者。遂擴大而推明之。使夫天理之微。人情之著。事物之象。鬼神之幽。莫不洞然畢貫於一。而周公孔子孟子之傳。煥然復明於世。先生之言。高極乎無極。太極之妙。而其寔不離乎日用之間。幽探乎陰陽五行之廣。而其寔不離乎仁義禮智剛柔善惡之際。其體用之一源。顯微之無

開秦漢以來。誠未有臻斯理者。而其定則不外乎六經論語中。庸大學七篇之所傳也。○濂溪先生。奮乎百世之下。深探聖賢之奧。統觀造化之源。而獨心得之。立象著書。闡發幽秘。辭義雖約。而天人性命之微。修己治人之要。莫不畢舉。二程先生。既親見之。而得其傳。於是其學遂行於世。○濂溪之圖與書。雖其簡古淵微。未易究測。然其大指。則不過語諸學者。講學致思。以窮天地萬物之理。而勝其私。以復焉其施。則善始於家。而達之天下。其共則復古。禮變今。樂政以養民。而刑以肅之。也是乃所謂伊尹之志。顏子之學。而程氏傳之以覺斯人者。亦豈有以外乎日用之間哉。○周子之言。稱得輕重極是合宜。○通書一部。皆

通書總論

三

是解太極。說這道理。有一而二。二而五。如誠無為。幾善惡。德以下。便記著太極陰陽五行。須是仔細看。○通書太極之旨。更宜虛心熟玩。乃見節說一字。不可易處。故使濂溪復生。亦必莞爾而笑也。○五峯刻通書。却去了所有篇名。而於每篇首加一周子曰字。有去了本篇名。如理性命章者。然不可理會。蓋殷彭厥微。非實弗瑩。是說理。則善則惡。亦如之中焉止矣。是說性。自此以下。却說命。章內全無此三字。及所加周子曰三字。又却是本所無者。問五峯於通書。何故輒以己意加損。曰他病痛多。○近世如濂溪其淺。如呂氏童蒙訓。記其嘗通書。而用意高遠。夫通書太極之說。所以明天理之根源。究萬物之終始。肯用意

而求之。又何高下遠近之可道哉。

西山真氏曰。自湯誥論降衷。詩人賦物。則人知性之出於天。而未知其為善也。繼善成性。見於繫易。性無不善。述於七篇。人知性之善。而未知其所以善也。周子因群聖之已言。而推其所未言者。於圖發無極二五之妙。於書闡誠源誠立之旨。昔也太極自為太極。今知吾身有太極矣。昔也乾元自為乾元。今知吾心即乾元矣。有一性則有五。常有五。常則有百。善循環而流。不似人力道之全體。煥然復明者。周子之功也。

黃氏瑞節曰。周子二書。真所謂止辭為經者。朱子之解是書也。亦如解經然。蓋朱子之追事周子也。猶周子之追事吾孔孟也。

通書總論

四

無一字不服膺焉耳。崇禎求其易說。而不可得。僅令門人度正訪周子之友傳者之子孫。求所寄。如說同人說。亦已不可見矣。世之相去。百有餘年。而其散逸難合如此哉。或謂無極二字。出於老到。或謂圖得之穆修。或謂當時指畫以示二程。而未嘗有所為書。或謂二程言論文字至多。未嘗一及無極字。疑非周子所為。或謂周子陸說婚也。說見司馬溫公涑水記聞。一篤寔長厚人也。安知無所傳授。或謂周子與胡文定公同師鶴林寺僧壽涯。是皆強求其所自出。而於二書未知深信者。朱子一言以斷之曰。不由師傳。熟契道體。於是周子上承孔孟之說。遂定而二書與語孟並行矣。



李厚菴氏曰。通書四十章。皆錯綜以闡太極之蘊。然其義各有攸常。而前後諸章。蓋互相發首兩章言誠。即太極也。所謂無極之真也。無極之真有善無惡。首章言其在天者。故一通一復。而為四時之紀。萬物之命。次章言其在人者。故一動一靜。而為五常之本。百行之源也。三章四章兼誠幾言之。三章言凡人之幾。有善有惡。所謂五性感動而善惡分者也。四章言聖人之幾。有善無惡。所謂無欲主靜而天下之故常感通於寂然不動之中者也。五章又以凡人言之。以明五性感動之旨也。六章又以聖人言之。以明定之以中正仁義之意也。此後凡九章皆言為學變化氣質。以至乎聖賢之道。第七

通書總論

五

章言人生有氣質之性。故師教不可不立也。八章則言必聞過知耻。以為受教之地。九章則言必窮理知幾。以為入聖之門。十章則遂言學聖之準。必如伊尹。類淵而後可也。十一章十二章十三章。所謂志伊尹之所志也。十四章十五章。所謂學顏淵之所學也。第十六章中太極前半篇之意。動靜者陰陽也。化也動而無動。靜而無靜者。陰陽互根也。神也神之所以不二者。以其理之一也。混之斯為一。關之斯為萬。神理之於萬物。而不可窮也。第十七章十八章十九章言樂者。樂也。性情之極也。其本亦在於淡而已。此中庸尚綱圖說主靜之指。故第二十章遂言無欲靜虛。以中太極後半篇之義。

第二十一章又言公明。以中明通公溥之說也。第二十二章總理性命言之。寔太極一圖之體要。與肯微言至此。盡矣。以後諸章。雖申前文之意而已。第二十三章中志學也。二十四章二十五章。申師也。二十六章中幸也。二十七章中思也。二十八章二十九章。申務寔也。三十章三十一章三十二章。皆言易以中者。章性命之源之意。性命之源。誠而已矣。乾損益動章言存誠以慎其動也。家人睽復无妄章言慎動以歸於誠也。此蓋易忠信立誠之道。敬義夾持之要。而首教章言誠幾道德慎動者。皆舉之矣。三十三章又申顏子也。三十四章又申文辭也。三十五章所謂蘊之為德行也。三十六章所謂

通書總論

六

行之為事業也。三十七章又見公能生明。以申上章之意。及二十一章之說也。三十八章三十九章言孔子者。立人極之人也。四十章言蒙艮者。自童蒙至聖賢。皆以主靜為學之本也。通書四十章。豈徒發明圖說之蘊。蓋學語庸孟四子不傳之絕學存焉。

上第一

愚按誠者聖人之本。為一篇之綱。大哉二節分兩脚以發明之。純粹至善。又足誠字之義。大旨已盡矣。故曰以下特引易之言陰陽善性者。以明其義。元亨二語。又即易之言元亨利貞者。以實其理。皆不外前四節之意。末言易為性命之源。易之理即誠。非有二也。

誠者聖人之本

注誠者至實而無妄之謂。天所賦物所受之正理也。人皆有之。而聖人之所以聖者。無他焉。以其獨能全此而已。此書與太極圖相表裏。誠即所謂天極也。

朱子曰。誠是實理。自然不假修為者也。此本本領之本。聖人所以聖者誠而已。

龜齋黃氏曰。誠即是實。如一箇物看頭透尾裏而充足。無一毫空處。

陳氏曰。誠字後世都說差了。到程子方云。無妄之謂誠。字義始明。至朱子又增兩字曰。真實無妄。之謂誠。尤見分曉。

華注此與下章聖誠而已矣。有別此。重在論誠下。重在論聖大哉乾元。萬物資始。誠之源也。

注此上二句引易以明之。乾者純陽之卦。其義為健。乃天德之別名也。元始也。資取也。言乾道之元。萬物所取以為始者。乃實

理。所以賦於人之本。如水之有源。即圖之陽動也。

乾道變化各正性命。誠斯立焉。

注此上二句亦易文。天所賦為命。物所受為性。言乾道變化而萬物各得受其所賦之正。則實理於是而各為一物之主矣。即圖之陰靜也。

朱子曰。大哉乾元。萬物資始。乃總之者。善也。乾道變化。各正性命。乃成之者。性也。這段是說天地生成萬物之意。却不是說人性上事。大哉乾元。萬物資始。誠之源也。此統言一箇流行本。源乾道變化各正性命。誠之流行出來。各自有箇安頓處。如為人也是這箇誠為物也是這箇誠。故曰誠斯立焉。譬如水其出

只是一源。及其流出來。千派萬別也。只是這箇水。

問朱先生。謂此書與太極圖相表裏。誠即所謂太極也。大哉乾元。萬物資始。誠之源也。即圖之陽動。乾道變化。各正性命。誠斯立焉。即圖之陰靜。如何。龜齋黃氏曰。陰陽有以對待而言者。一上一下。一東一西。此以對待言也。有以流行言者。一晝一夜。一春一夏。此以流行言也。太極圖之言陰陽。其以流行而言者。數故曰誠之源。又曰圖之陽動。曰誠之立。又曰圖之陰靜。誠理也。陰陽氣也。理與氣未嘗相離。故言誠而又言陰陽也。他這話是看得易精實後。故說出許多道理。華注此與上節統說天地間性命源流是物。各具一太極。

之意。不是。紛。說。人。性。上。事。然。人。亦。在。其。內。  
純粹至善者也。

注。純。不。雜。也。粹。無。疵。也。此。言。天。之。所。賦。物。之。所。受。皆。實。理。之。本。然。無。不。善。之。雜。也。

問。純。雜。至。善。者。也。與。總。之。者。善。同。否。朱。子。曰。此。是。繳。上。二。句。却。與。總。之。者。善。不。同。問。純。粹。至。善。者。也。至。善。二。字。與。大。學。中。至。善。同。否。曰。純。粹。至。善。猶。曰。純。粹。而。至。善。云。爾。至。善。字。與。大。學。理。同。

華。注。純。粹。至。善。四。字。正。摹。擬。一。誠。字。純。者。無。不。誠。以。雜。之。也。粹。者。無。不。誠。以。累。之。也。

誠上

九

故曰一陰一陽之謂道。總之者善也。成之者性也。

注。此。亦。易。文。陰。陽。氣。也。形。而。下。者。也。所。以。一。陰。一。陽。者。理。也。形。而。上。者。也。道。即。理。之。謂。也。總。之。者。氣。之。方。出。而。未。有。所。成。之。謂。也。善。則。理。之。方。行。而。未。有。所。立。之。名。也。陽。之。屬。也。誠。之。源。也。成。則。易。之。已。成。性。則。理。之。已。立。者。也。陰。之。屬。也。誠。之。立。也。

問。誠。上。篇。舉。一。陰。一。陽。之。謂。道。三。句。是。証。上。文。不。朱。子。曰。固。是。一。陰。一。陽。之。謂。道。一。句。通。証。誠。之。源。誠。上。篇。一。節。一。陰。一。陽。又。証。誠。之。源。一。節。成。之。者。性。又。証。誠。斯。立。焉。一。節。一。陰。一。陽。之。謂。道。三。句。也。總。之。者。善。生。不。已。之。意。如。陽。成。之。者。性。各。正。其。命。之。意。屬。陰。此。書。第。一。章。可。見。一。問。一。陰。一。陽。之。謂。道。總。之。

者。善。也。成。之。者。性。也。曰。以。一。日。言。之。則。晝。陽。而。夜。陰。以。一。月。言。之。則。望。前。為。陽。望。後。為。陰。以。一。歲。言。之。則。春。夏。為。陽。秋。冬。為。陰。自。古。至。今。恁。地。滾。將。去。只。是。這。箇。陰。陽。是。孰。使。之。然。也。乃。道。也。從。此。句。下。又。分。兩。腳。此。氣。之。動。為。人。為。物。渾。是。一。箇。道。理。故。未。生。人。物。以。前。此。理。本。善。所。以。謂。總。之。者。善。此。則。屬。陽。氣。質。既。定。為。人。為。物。所。以。謂。成。之。者。性。此。則。屬。陰。問。總。之。者。善。屬。陽。成。之。者。性。屬。陰。曰。方。造。化。周。流。未。著。形。質。便。是。屬。陽。才。麗。形。質。為。人。物。為。金。木。水。火。土。轉。動。不。得。便。是。屬。陰。若。是。陽。時。自。有。多。少。流。行。變。動。在。及。至。成。物。一。成。而。不。至。問。總。之。者。善。成。之。者。性。注。中。何。以。分。總。善。成。性。為。四。截。曰。總。成。屬。氣。善。性。屬。理。性。已。兼。

誠上

十

理。氣。善。則。專。屬。理。受。於。太。極。氣。受。於。陰。陽。五。行。問。此。章。舉。易。一。陰。一。陽。之。謂。道。總。之。者。善。也。成。之。者。性。也。三。句。曰。總。成。二。字。皆。接。那。氣。底。意。思。說。善。性。二。字。皆。只。說。理。但。總。之。者。善。方。是。天。理。流。行。處。成。之。者。性。便。是。已。成。形。有。分。段。了。

愚。按。以。上。六。條。首。條。明。所。以。引。此。三。言。之。意。次。二。條。統。明。三。句。之。義。次。一。條。疏。注。以。總。善。成。性。分。陰。陽。之。故。末。二。條。疏。注。以。總。善。成。性。分。為。四。截。之。故。

問。總。善。成。性。解。云。陽。之。屬。陰。之。屬。如。何。勉。齊。黃。氏。曰。此。言。陰。之。分。陽。之。分。未。說。陰。陽。又。問。總。之。者。善。是。未。有。成。立。時。於。圖。上。見。得。否。曰。這。裏。本。無。時。節。只。是。要。與。人。看。便。須。如。此。其。定。動。靜。

無端陰陽無始。那裏有箇時節。如一日之間。晝是陽。夜是陰。如子時前四刻是總善。後四刻是成性。如陽前陰後少間。又陰在前。陽在後。這箇變化無窮。所以伊川云。天地之間。只有箇感與應。更有甚事。且如自家亦恁地。而今見箇事。自家起念去做。時這是總之者。善少間做後十分結裏得他了。這是成之者。性又便即是天。體物而不遺。猶仁休事而無不在。體物是為物之骨子。一箇物裏都有一箇天人之於事。無一箇事裏無一箇仁天之所以成萬物人之所以成萬事。都一樣。○問總善成性。朱先生以善有理之方行為陽之流。成則物之已成。為陰之屬。不知所謂。曰。但以四序觀之。則可見矣。夫哉乾元萬物資始。春夏之

誠上

士

謂也。乾道變化。各正性命。秋冬之謂也。春夏理之方生。故為陽之屬。秋冬物之已成。故為陰之屬。

愚按此二條皆疏注以總善成性分屬陰陽之故。不當以造化生成言。而其理乃更為瑩白。

北溪陳氏曰。孟子道性善。從何而來。夫子繫易曰。一陰一陽之謂道。總之者善也。成之者性也。所以一陰一陽之理者為道。止是統說箇太極之本體。總此者為善。乃是就其間說造化流行生育賦予。更無別物。只是箇善而已。此是太極之動而陽時。所謂善者。以理言。即道之方行者也。至成此者為性。是說一物受得此善底道理去。各成箇性耳。是太極之靜而陰時。此性字

與善字相對。是即所謂善而理之。定者也。總成字與陰陽字相應。是指氣而言。善性字與道字相應。是指理而言。此夫子所謂善是就一物未生之前造化源頭處說。善乃重字為寔物。若孟子所謂性善。則是就成之者性處說。是生以後事。善乃輕字。言此性之純粹至善耳。其寔由造化源頭處有是總之者。善然後成之者。性時方能如此之善。則孟子之所謂善寔淵源於夫子所謂善而非有二本也。

愚按此以易辭總善成性之言。推孟子性善之旨。雖不專明通善。而其理寔互相發。

元亨誠之通。利貞誠之復。

誠上

士

注。元始亨通。利遂貞正。乾之四德也。通者方出而賦於物。善之總也。復者各得而藏於己。性之成也。此於圖已為五行之性矣。朱子曰。誠之通是造化流行未有成立之初。所謂總之者。善誠之後是萬物已得此理而皆有歸藏之時。所謂成之者。性。乾元者始而亨是生出去。利貞是收斂凝聚方見性情。所以周子言元亨誠之通。利貞誠之復。○問元亨誠之通。利貞誠之復。元亨是春。利貞是秋。冬生氣既散。何以謂之收斂。曰。其氣既散。收斂者乃其理耳。曰。冬間地下氣暖。便也是氣收斂在內。曰。上面氣自散了。下面暖底乃自是生來。却不是已散之氣復為生氣也。○總之者善也。元亨是氣之方行而未著於物也。是上

一截事成之者性也。利貞是氣之能成一物也。是下一截事。元亨誠之通。即發用利貞誠之復。即本体也。元亨利貞。理也有這四段氣。也有這四段。若是說時。則有那未涉於氣底。四德。要就于氣上看也。得所以伊川說。元者物之始。亨者物之長。利者物之寔。貞者物之成。這雖是就氣上說。然理便在其中。伊川這說話。改不得。謂有是氣。則理便具。所以伊川只恁地說。便可見得物裏面。便有這理。若要親切。莫若只就自家身上看。惻隱。須有惻隱底根子。羞惡。須有羞惡底根子。這便是仁義禮智。便是元亨利貞。所以孟子只得恁地說。更無說處。仁義禮智。似一箇包子裏面。合下都具了一理。渾然非有先後。元亨利貞。

誠上

三

便是如此。不是道有元之時。有亨之時。元字便是生物之仁。到得亨便是彰著利便是結聚貞便是收斂。既無形迹。又須復生。至如半夜子時。此物雖存。猶未動。到寅卯便生。已午便著。申酉便結。亥子丑便寒。及至寅又生也。那箇只昏運轉。一歲有一歲之運。一月有一月之運。一日有一日之運。一時有一時之運。雖一時之微。亦有四箇段。子恁地運轉。但元只是始。初未至於著。如所謂怵惕惻隱存於人心。自恁惻惻。地未至大段發出。元亨利貞無間。新處貞了。又元。今日子時前便是昨日亥時。物有春夏秋冬生底。是到這裏方感得生氣。他自有箇小。元亨利貞無始無終。且從元處說起。元之前又是貞了。問利。

貞誠之復。如先生注下言。復如伏藏曰復。只是四來。這箇是周先生添這一句。孔子只說乾道變化。各正性命。又曰。這箇物事。流行到這裏。歸着便立在這裏。既立在這裏。則又從這裏做起。○濂溪與伊川說復字。差不多。濂溪就歸處說。如云利貞誠之復。誠心復其不善之動而已矣。皆是就歸處說。伊川却就動處說。如元亨利貞。濂溪就利貞上說。從字。伊川就元字頭說。從字。二說只是所指地頭不同。道理只一般。○問元亨誠之通。便是陽動利貞誠之復。便是陰靜。注却云。此已是五行之性。如何曰五行便是陰陽。但此處已分作四。○總之者。善造化流行萬物。方資以始而未寔也。成之者。性物生已定。造化與物各藏其用。

誠上

古

而無所為也。在人則感物而動者通也。寂然不動者復也。以此推之。國象隱然不言而喻矣。四德則陰陽各二。而誠無不貫。安得不謂五行之性乎。

愚按以上十二條者。五條統明二句之義。次三條明元亨利貞之理。次二條解復字。末二條疏注五行之性句。

此溪陳氏曰。善造化上論。則天命之大目。只是元亨利貞。此四字。就氣上論也。得就理上論也。得就氣上論。則物之初生處。為元。於時為春。物之發達處。為亨。於時為夏。物之成遂處。為利。於時為秋。物之斂藏處。為貞。於時為冬。貞者正而固也。自其生意之已定。而後謂之正。自其斂藏者而言。故謂之固。就理上。

論則元者生理之始。亨者生理之通。利者生理之遂。貞者生理之固。

大哉易也。性命之源乎。

注。易者交錯代換之名。卦爻之立。由是而已。天地之間。陰陽交錯。而實理流行。一賦一受。於其中。亦猶是也。

朱子曰。易字有二義。有交易。有交易。問交易。交易之義如何。曰。交易是陽交於陰。交於陽。是卦圖上底。如天地定位。山澤通氣云。是也。交易是陽交陰。交陽。老陽變為少陰。老陰變為少陽。如晝夜寒暑。屈伸往來。是也。易有兩義。一是交易。便是流行底。一是交易。便是對待底。說卦云。窮理盡性。以至於命。

誠上

主

言聖人作易。窮天下之理。盡人物之性。而合於天道。所以說性命之源。

愚按以上三條。首二條解易字。後一條解性命之源。

勉齋黃氏曰。故曰以下三句。是引易來說。結上三節。向後乃贊易之語。又曰。而今讀書。須以身体之。不可徒泥紙上語。如此篇說。只是實誠者聖人之本。是言聖人之所以為聖。以其全是實理而已。下文又不說聖人。只說箇實理。大哉乾元。以下只把春夏秋冬來看。春夏之時。萬物都有生意。蕃育長茂。這是那實理流出之源。秋冬間。萬物成實。箇物裏面。都是這實理。各正性命。是一箇物。正一箇性命。去如柑成柑。橘成橘。箇都裏元。

亨誠之通。是春夏生長意思。利貞誠之復。是秋冬成實意思。一陰一陽之謂道。陰便是秋冬。陽便是春夏。只這箇便是道。陰陽流行。道便在其中。不成別有箇道。惡之者。善則是那誠之通。未有成。立只喚做善。成之者。性則是那誠之復。已有成。立方喚做性。大哉易也。性命之源乎。易便是一陰一陽。命則是總之者。性則是成之者。看來總善成性。只是箇頭尾。

愚按此條。統解全章之義。以春夏秋冬為說。蓋取其易見者。然實理流行。在造化之初。如此在。即今所以為造化者。亦如此。無時不然。無物不有。執一而言。則非矣。又按大哉乾元二句。乾道變化二句。俱乾卦象辭。一陰一陽。

誠上

主

三句。俱繫辭上傳之五章。又乾卦象辭。乾元亨利貞。文言純粹精也。大哉易也。以易之理。言不以書言。注交錯代換三句。只借書作陪說。下天地之間二語。乃易字正位。實理流行二語。乃言其為性命之源也。

誠下第二

愚按此篇自誠則無事句截以上言聖人之誠以下言求誠之方

聖誠而已矣

注聖人之所以聖不過全此寔理而已即所謂天極者也

朱子曰天無不寔寔便是寒暑便是晝夜更不待使他恁地聖人仁便真箇是仁義便真箇是義無不寔處聖人氣質清純渾然天理初無人欲之私以病之是以仁則表裏皆仁而無一毫之不仁義則表裏皆義而無一毫之不義誠之為言寔也然經傳用之各有所指周子所謂誠者聖人之本蓋指寔理而言

誠下

七

之也所謂聖誠而已矣即中庸所謂惟天下至誠者指人之寔有此理而言也

誠五常之本百行之源也

注五常仁義禮智信五行之性也百行孝弟忠信之屬萬物之象也寔理全則五行不虧而百行修矣

問誠是五常之本朱子曰誠是通地盤

華洋誠立而五常百行由此出是本忠以行恕之意誠立而五常百行皆不虛是忠即貫乎恕之中兼二說方盡得源本

二字之義

靜無而動有至正而明達也

法方靜而陰誠固未嘗無也以其未形而謂之無耳及動而陽誠非至此而後有也以其可見而謂之有耳靜無則至正而已動有然後明與達者可見也

問心本是箇動物不審未發之前還是寂然而靜還是靜中有動意朱子曰不是靜中有動意周子謂靜無而動有不是無以其未形而謂之無非因動而後有以其可見而謂之有耳方其靜時動之理已在伊川謂當中時耳無聞目無見但見聞之理在始得及動時又只是這靜底耳人自有生即有知識事物交來應接不暇其間初無頃刻停息舉世皆然也然所謂未發之中寂然不動者豈以日用流行者為已發而指夫暫與休息

誠下

六

不與事接為未發時耶嘗試求之泯然無覺之中似非虛明應物之體而幾微之際一有覺焉則又便為已發而非寂然不動之謂於是退而驗之日用之間凡感之而通觸之而覺蓋有渾然全体應物而不窮者是乃天命流行生不已之機雖一日之間常起常滅而其寂然之本体則未嘗不寂然也所謂未發如是而已夫豈別有一物限於一時拘於一處而可以謂之中哉周子論至誠則曰靜無而動有亦足以驗大本之無所不在矣○某近看中庸鬼神一章竊謂此章正是發明顯微無間只是一理處且如鬼神有甚形迹然人却有自然有畏敬之心以承祭祀便如真有一物在上下左右此理亦有甚形迹然人却有

然存養之性才。有主於中。裏面自見得許多道理。參詳條條。雖欲頃刻離而道之。而不可得。只為至誠貫徹。實有是理。無端無方。無二無雜。方其未感寂然不動。及其既感。無所不通。濂溪翁所謂靜無而動有。至正而明達者。於此亦可以見之。

華注靜無。即一理渾然。動有。即泛應曲當。至正則雖寂然不動之時。而自有存主。當主直上直下之理。明達則雖深微之理。而寔開眼便見得。舉足便踏得。王文錦曰。靜無至正。即未發之中。動有明達。即已發之和。

五常百行非誠非也。邪暗塞也。

注非誠則五常百行皆非其寔。所謂不誠無物者也。靜而不正。

誠下

九

故邪動而不明不達。故暗且塞。

朱子曰。誠苟不存。則非正而邪。非明而暗。非達而塞。學聖希天。惟在存誠。存則五常百行皆自然。無一不備也。理一也。以其寔有故。謂之誠。以其体言。則有仁義禮智之寔。以其用言。則有惻隱羞惡恭敬是非之寔。故曰五常百行非誠非也。蓋無其寔矣。人安得有是名乎。

華注誠則萬理裁然。各安其分。故正不誠則私欲雜出。不已。故邪雖有光明顯易之理。却看不見。是暗也。本有坦夷平易之路。却不肯踏。是塞也。不循天理。故暗。不順人情。故塞。

故誠則無事矣。

注誠則衆理自然。無一不備。不待思勉而從容中道矣。北溪陳氏曰。聖人純是天理。合下無欠缺處。渾然無變動。盡內外本末皆是寔。無一毫之妄。不待思而自得。此生知也不待勉而自中。此安行也。且如人行路。須是照管。方行出路中。不然則蹉向邊去。聖人如不看路。自然在路中。間行所謂從容無不中道。此天道也。

至易而行難。

注寔理自然。故易。人偽奪之故難。

愚按至易。猶言極易也。本然之寔理。不待學而能。故易。一說至之易行之難。誠為人所有。固有恐不當言至之也。

誠下

十

果而確無難焉。

注果者陽之決。確者陰之守。決之勇。守之固。則人偽不能奪之矣。

朱子曰。德輔如民。然元舉之。孔子所謂克己最難也。周子亦曰。至易而行難。果而確無難焉。蓋輕故易。重故難。知其易故行之必果。知其難則守之宜確。能果且確。則又何難之有。問果而確者。陽決確者。陰守曰此是一事。而首尾相應。果而不確。即無所守。確而不果。則無所決。二者不可偏廢。猶陰陽不可相無也。又因論良心與私欲交戰。須立定腳跟。戰退他。因舉濂溪說。果而確無難焉。須是果敢。勝得私欲。方確然守得這道理。不



運乘

故曰一日克己復禮天下歸仁焉。  
注克去己私復由天理天下之至難也。然其機可一日而決其  
效至於天下歸仁果確之無難如此。

誠下

誠幾德第三

華注首句言人心本體無不善。次句言人心之發用者有善  
惡之分。德愛五句是於用之中指其合乎本體者而言。性焉  
安焉以下。是品其等第。欲人希聖以復其本體。而有善無惡

誠無為

注。寔理自然。何為之有。即太極也。

幾善惡

注。幾者動之微。善惡之所由分也。蓋動於人心之微。則天理固  
當發見。而人欲亦已萌乎其間矣。此陰陽之象也。

誠幾德

三

問誠無為。幾善惡。如何。朱子曰。誠是當然。合有這道理。所謂寂  
然不動者。幾便是動了。或向善。或向惡。○誠無為。誠寔理也。無  
為猶寂然不動。寔理該貫動靜。而其本體則無為也。幾善惡  
幾者動之微。動則有為。而善惡形矣。誠無為則善而已。動而有  
為。則有善有惡。○幾是動之微。是欲動未動之間。便有善惡。須  
就這處。理會。若至於發著之甚。則亦不濟事矣。所以聖賢說戒  
慎乎其所不睹。恐懼乎其所不聞。又說慎其獨。都是要就這處  
理會。蓋幾微之際。大是切要。○天理人欲之分。只平此。子故周  
子只嘗說幾字。然辨之。不可不早。故橫渠每說豫字。○周子  
極力說箇幾字。儘有幾人處。近則公私邪正。遠則廢興存亡。

只於此處看破便轉了。此是日用第一親切。其精粗隱顯一時穿透。堯舜所謂惟精惟一。孔子所謂克己復禮。便是此事。○周注云。動於人心之微。則天理固當發見。而人欲亦已萌。天理便是道心。人欲便是人心。否曰然。○問周子曰。誠無為幾善惡。此明人心未發之体。而指其將發之端。蓋教學者致察於萌動之微。知所決擇而去取之。以不失乎本心之体而已。或疑以謂有類於胡子同体異用之云者。遂妄以意揣量。為圖如後。


此明周子之意



誠幾

三

此證胡子之失



○善○惡○雖○相○對○當○分○賓○主○天○理○人○欲○雖○分○派○必○省○宗○尊○自○誠○之○動○而○之○善○則○如○木○之○自○本○而○幹○自○幹○而○末○上○下○相○連○則○道○心○之○發○見○天○理○之○流○行○此○心○之○本○主○而○誠○之○正○宗○也○其○或○旁○榮○側○秀○若○寄○生○流○贅○者○此○雖○亦○誠○之○動○而○人○心○之○發○見○私○欲○之○流○行○所○謂○惡○也○非○心○之○固○有○蓋○客○寓○也○非○誠○之○正○宗○蓋○庶○孽○也○者○辨○之○不○早○擇○之○不○精○則○客○或○乘○主○孽○或○代○宗○榮○學者○係○於○萌○動○幾○微○之○間○而○察○其○所○發○之○向○背○凡○其○直○出○者○為○天○理○旁○出○者○為○人○欲○直

出者為善。旁出者為惡。直出者固有。旁出者橫生。直出者有本。旁出者無源。直出者順。旁出者逆。直出者正。旁出者邪。而吾於直出者利導之。旁出者遏絕之。功力既至。則此心之發自然出於一途。而保有天命矣。於此可以見未發之前。有善無惡。而程子所謂不是性中元有此兩物相對而生。又云。凡言善惡。皆先善而後惡。蓋謂此也。若以善惡為東西相對。彼此角立。則天理人欲同出一源。未發之前。已具此兩端。所謂天命之謂性。亦甚汗雜矣。此胡子同体異用之意也。曰此說得之。

愚按以上共七條。首二條統明二句之意。次三條解幾字。又一條疏注動於人心之微三句。末一條辨周子與胡子所言

誠幾

四

之異

或問誠無為幾。善惡誠為太極。幾之動為陰陽。為善陰如何。便是惡。潛室陳氏曰。陽大陰小。陽貴陰賤。陽明陰暗。陽清陰濁。有善惡之類焉。周子此言。是以人心說太極。當其誠定無妄。此定理即為太極。緣動使善惡生焉。幾者動之微。蓋欲於其萌動而早辨之。使之有善而無惡也。

德愛曰。仁宜曰義。理曰禮。通曰智。守曰信。

注道之得於心者。謂之德。其別有是五者之用。而因以名其体焉。即五行之性也。

問以誠配太極。以善惡配陰陽。以五常配五行。此固然。但陽

陰合而生水火木金土。則五常必不可謂其出於善惡也。此似只是說得善之一脚。朱子曰。此書從頭是配合。但此處却不甚似所謂善則惡。惡則善。惡則確然是也。元來誠幾德便是太極二五。此老些子活計盡在裏許。前後知他讀了幾遍。都不曾見此意思。於此益知讀書之難也。幾善惡便是心之所發。處有箇善有箇惡了。德便是善底。為聖為賢。只是這材料做。問誠無為。至守曰信。曰誠是定理。無所作。為便是天命之謂性。喜怒哀樂未發謂之中。幾者動之微。動之初是非善惡。於此可見一念之生。不是善便是惡。孟子曰。道二。仁與不仁而已矣。是也。德者人之得於身。有此五者而已。仁義禮智信者德之

誠幾德

五

體愛。宜理。通守者。德之用。理謂有條理。通謂通達。守謂確塞。此三句就人身而言。誠性也。幾情也。德兼情性而言也。當寂然不動時。便是誠無為有感而動。即有善惡。幾是動處。大凡人性不能不動。但要頻放得。是於其所動處。頻放得是時。便是德愛曰仁。宜曰義。頻放得不是時。便一切反是。人性豈有不動。但須於中分得天理人欲時方是。愚按以上五條。有二條明與圖說分配之義。後三條則合上二節而明其義也。問誠幾德。朱子解以誠無為。比太極幾善惡。配陰陽之象。德則曰即五行之性。如此觀之。理却貫通。勉齋黃氏曰。以誠幾德配

太極陰陽五行。此亦要看得活。則處處皆通。不活則處處皆死。做不是不得。喚做是亦不得。在人自曉會耳。

性焉安焉之謂聖。

注性者。獨得於天。安者。本全於己。聖者。大而化之。稱此不待學問。勉強而誠。無不立。幾無不明。德無不備者也。

從焉執焉之謂賢。

注後者。友而至之。執者。保而持之。賢者。才德過人之稱。此思誠研幾以成其德而有以守之者也。

問性者。獨得於天。如何言獨得。朱子曰。此言聖人合下清明完具。無所虧欠。此是人所獨得者。此對了後字說。後者已失而反

誠幾德

五

其初便與聖人獨得處不同。安字對了執字說。執是執持。安是自然。性此理而安焉者。聖也。復此理而執焉者。賢也。

發微不可見。充周不可窮之謂神。

注發之微。妙而不可見。充之周。徧而不可窮。則聖人之妙用而不可知者也。

朱子曰。發微不可見。充周不可窮之謂神。言其發也微妙。而不

可見其克也。周徧而不可窮。發字充字。就人看。如性焉安焉。後焉執焉。皆是。人如此微。不可見。周不可窮。却是理如此神。只是

聖之事。非聖外。又有一箇神。別是箇地位也。神即聖人之德。妙而不可測者也。非聖人之上。復有所謂神人也。發動也。微幽

也。言其不疾而速。一念方萌而至理已具。所以微而不可見也。克廣也。周徧也。言其不行而至。蓋隨其所寓而理無不到。所以周而不可窮也。此三句就人所到地位而言。即盡夫上三句之理。而所到有淺深也。性為安焉之謂聖。是就聖人性分上說。發微不可見。克周不可窮之謂神。是他人見其不可測耳。

勉齋黃氏曰。誠幾德。此一。段文理。衆然只把体用二箇字來讀。他便見誠是体。幾是用。仁義禮智信是体。安宜理通守是用。誠幾只是德。勞來做在誠為仁。則在幾為愛。在誠為義。則在幾為宜。性為復。為終。微不可見。是体。安焉。執焉。克周不可窮。是用。性如堯舜性之也。復如湯武反之也。是既失了却。再復得安而行。

誠幾德

元

之不恁地辛苦。執則擇善而固執。這恁地把捉。發是源頭底。充是流出底。其發也微而不可見。其充也周而不可窮。是謂神。指聖而不可知者也。問誠者。定然之理。仁義禮智信五者。皆實理也。自然至善。無所謂惡。幾者。動之微。於是始有善惡之分。善則得是五者之理。惡則失是五者之理。所謂德者是理之得於心者也。以定理言之。無聖賢衆人之異。幾有善惡。然後有聖賢衆人之分。德者。惟聖賢有之。故於此下只言聖賢。而不及衆人。至於發之微。充之用。則又惟聖者能之。故於此下只言聖人之神。而不及賢人也。目所說大概得之。但其間曲折更有合細講處。誠性也。未發也。幾情也。已發也。仁義禮智信性也。愛宜理通。

守情也。曰者。因情以明性也。復也。發微也。主性而言安也。執也。克周也。主情而言重。賢體是德於性情之間。淺深之分。如呼周子之言。簡寒精要。非知道者孰能言之。問之謂聖。之謂賢。之謂神。三句曰聖賢神三字。自是就所到之地位而言。若曰此聖人。此賢人。此神人也。

誠幾德

元

聖第四

愚按首節大概說誠神幾之理。人皆有之。非獨聖人也。後二節方見精明應妙而知幾者。惟聖人耳。末句出聖人乃倒裝文法。

寂然不動者誠也。感而遂通者神也。動而未形有無之間者幾也。注本然而未發者。寔理之體。善應而不測者。寔理之用。動靜休用之間。介然有頃之際。則寔理發見之端。而衆事吉凶之兆也。朱子曰。幾雖已感。却是方感之初。通則直到末稍。皆是通也。如推其極。則協和萬邦。黎民於變時雍。亦只是通也。幾只在起頭一些子。幾善惡者。言衆人者也。動而未形有無之間者。言聖

聖

二九

人志。應發動處。此理無不見。寂然不動者誠也。至其微動處。即是幾。在誠神之間。

勉齋黃氏曰。太極圖中只說動而生陽。靜而生陰。此又說箇幾。此是動靜之間。又有一項。

節齋蔡氏曰。誠寂也。靜也。而具動靜之理。神感也。動也。而妙動靜之機。蓋誠為神本。神為誠用。本不動而用動。故誠則靜意多。神則動意多。要其寔則各兼動靜陰陽也。幾者誠將發而為神之始也。在靜無動有之間。雅動而微。亦未可見。寔為神之端也。華注寂然不動。寔理中涵無虧無欠。故曰誠也。及其感而遂通。寔理流行。神妙不測。故曰神也。朱子以未發已發分屬誠

神非以誠為未發。神為已發。蓋於未發之時。見其誠已發之時。見其神耳。○羅整菴曰。太極之本体動亦定。靜亦定。神則動而能靜。而能動者也。按寂然不動者誠也。朱子以未發解之。似不動。只就人心靜時說。整菴說微有不同。及細玩注中本然而未發五字。方知本然是言理未發。是言心就理而言。雖此心萬起萬滅。而其理只是寂然不動。此則其本然之妙也。就心而言。止有未發一刻。此理中涵可以窺見誠體。故合而言之。○河汾薛氏曰。上篇幾字。兼善惡言。此端指善幾而言。

愚按易繫辭上傳之十章。寂然不動。感而遂通天下之故。非

聖

三

天下之至理。孰能與於此。周子則以寂然不動屬之誠。感而遂通屬之神。蓋周子一書。皆與太極圖說相表裏。故以誠為神体。神為誠用。又特拈出幾字。示人朱子分動靜体用。亦照太極圖說作解耳。然此理橫豎看來。高下皆圓。節齋誠具動靜之理。神妙動靜之機。整菴太極動亦定。靜亦定。神則動不能靜。而能動。與注正未嘗相背。蓋就誠言誠。就神言神。者兼動靜而以誠與神對。則誠靜意多。而神動意多也。誠精故明。神應故妙。幾微故幽。注清明在躬。志氣如神。精而明也。不疾而速。不行而至。應而妙也。理雖已萌。事則未著。微而幽也。

問誠精故明先生引清明在躬志氣如神釋之却是自明而誠  
朱子曰便是看得文字籠疎周子說精字最好誠精者直是無  
此夾雜如一塊銀更無銅鉛便是通透好銀故只當以清明釋  
之志氣如神即是至誠之道可以前知之意○問言神者五其  
義同否曰當隨所在看曰神只是以妙言之否曰是且說感而  
遂通者神也橫渠謂一故神兩在故不測因指造化而言曰忽  
然在這裏又忽然在那裏便是神曰在人言之則如何曰知覺  
便是神觸其手則手知痛觸其足則足知痛便是神應故妙  
華注王文得曰精故明者誠之至而無一毫之偽妄則靜虛  
而融微應故妙者應之速而無一毫之凝滯則迅捷而莫測

聖

三

慎動

三

微故幽者有其端而無朕兆之可尋則隱深而難見  
神幾曰聖人  
注性焉安焉則精明應妙而有以洞其幽微矣  
問誠神幾在學者則當如何朱子曰隨處做工夫然本在誠着  
力在幾存主處是誠發用處是神幾則在二者之間哉最緊要  
華注王文得曰人上有此誠神幾之理而惟聖人能全其妙  
故三 有屬之聖

慎動第五

動而正曰道

注動之所以正以其合乎衆所共由之道也

用而和曰德

注用之所以和以其得道於身而無所待於外也

朱子曰動而正曰道言動而必正曰道否則非也用而和曰德  
德有熟而不喫力之意○問動而不正不可謂道用而不和不可  
謂德曰此兩句緊要在正字和字上○正是理動而得其正  
理便是道若動而不正便不是道和亦只是順理用而和順便  
是得此理於身若用而不和順則不得此理於身故下云匪仁

匪義匪禮匪智匪信悉邪也只是此理故又曰君子慎動○問

動而正曰道用而和曰德却是自動用言曰者猶言合也若看  
做道德題目却難通曰然是自人身上說

愚按注所以其四字似以曰道曰德作推原語氣考小注

四條則微有不同竊意事物當然之理曰道人之由是理亦

曰道仁義禮智之理曰德行道而有得於必亦曰德此則皆

以理之在人身者發明道德之目也蓋人知有道之為貴矣

而不知動無不正方謂之道為不休之於身道與我無與也

人知有德之為貴矣而不知行道有得方謂之德為不得之

於己德與我無與也如此似合周子語意節齋蔡氏謂道即

太極流行之德。即五性之德。非其吉矣。

匪仁匪義匪禮匪智匪信。悉邪也。

注。所謂道者。五常而已。非此則其動也邪矣。

邪動。辱也。甚焉害也。

注。無得於道。則其用不和矣。

故君子慎動。

注。動必以正。則和在其中矣。

問。動而正。曰道。用而和。曰德。匪仁匪義匪禮匪智匪信。悉邪也。以太極圖配之。五常配五行。則道德配陰陽。德陰而道陽也。朱子曰。亦有此理。

慎動

三

勉齋黃氏曰。主靜密幾慎動。三者循環。與孟子夜氣。平旦之氣。旦晝所為相似。

愚按。動而正大。樂言用而和則熟矣。和有左右逢原。漸近自然。意和則自無不正者。未必即和。故第三節但言邪動而不及和。蓋邪則不能正。和不待言也。辱與害者。不仁不義。無恥無智無信之人。輕則取辱。重則害己。以害人也。惟君子慎動。从之。當無不和矣。故曰和在其中。

道第六

聖人之道。仁義中正而已矣。

注。中即禮。正即智。圖解前矣。

守之貴。

注。天德在我。何貴如之。

行之利。

注。順理而行。何往不利。

廓之配天地。

注。究其本然。並立之全體而已矣。

豈不易簡。豈為難知。

通

三

注。道休本然。故易簡。人亦固有。故易知。不守不行。不廓耳。

注。言為之則是。而歎學者自失其幾也。愚按。守之於身。而天爵在我。故責行之於世。而動無不宜。此利。廓其於盡人物之性。以贊化育。故配天地。四者皆性德。而各具於心。豈不易簡而易知乎。總見人之當用力於道也。

師第七

或問曰何謂天下善曰師曰何謂也曰性者則柔善惡中而已矣  
注此所謂性以氣稟而言也

問性者則柔善惡中而已朱子曰此性便是言氣質之性四者  
之中去却則惡柔惡都於柔二善中擇中而主焉○所謂天  
命之謂性者是就人身中指出這箇是天命之性不雜氣質者  
而言耳吾纔說性時便是夾氣稟而言所以程子云終說性時  
便已不是性也濂溪說性者則柔善惡中而已矣濂溪說性只  
是此五者他又自有說仁義禮智底性時若論氣稟之性則不  
出五者然氣稟底性便只是那四端底性非別有一種性也所

五

五

謂則柔善惡中者天下之性固不出此五者然細推之極多般  
般百種不可窮究但不離此五者耳○人之氣稟有偏而  
所見亦不同如氣稟剛疾人則見事到處多而處事失之太剛  
柔底人見事柔處多而處事失之太柔須先克治氣稟偏處○  
問濂溪論性自氣稟言却是上面已說太極誠不妨如孔子云  
性相近習相遠不成是不識如荀楊便不可曰然他已說純粹  
至善○問氣質之性曰性譬之水木皆清也以淨器盛之則清  
以汙濁之器盛之則臭濁然本然之清未嘗不在但既臭濁卒  
然也難得他便清故難惡必明難柔必強也然用氣力然後可  
至外○問惡是氣稟如何云亦不可不謂之性曰既是氣稟惡

便牽引那性不好蓋性只是搭附在氣稟上○問天地之性既  
善則氣稟之性如何不善曰理固無不善終賦於氣質便有清  
濁偏正則柔緩急不同蓋氣強而理弱管攝他不得

愚按以上七條前三條明周子言則柔善惡中之義次三條  
疏注所謂氣質之性末條論天地與氣質之性

北溪陳氏曰天所命於人是以理本有善而無惡故人所受以  
為性亦本善而無惡孟子道性善是專就大本上說來說得極  
親切只是不曾發得氣稟一段所以起後世紛紛之論蓋人之  
所以有萬殊不齊只緣氣稟不同這氣只是陰陽五行之氣如  
陽性剛陰性柔火性燥水性潤金性寒木性溫土性厚七者夾

五

五

雜便參差不齊所以人隨所值便有許多般樣然這氣運來運  
去參差不齊之時多真元會合之時少如一歲之間極寒極暑  
陰晦之時多不寒不暑光風霽月之時少最難值好時節人生  
值此不齊之氣有一等人非常剛烈是值陽氣多有一等人極  
是軟弱是值陰氣多有人躁暴忿疾是又值陽氣之惡者有人  
狡猾奸險是又值陰氣之惡者有人性圓一撥便轉也有一等  
極惡拘難一句善言亦說不入都是氣稟如此陽氣中有善惡  
陰氣中亦有善惡如此書論則善則惡柔善柔惡之類不是陰  
陽氣本惡只是分合轉移齊不齊中便自然成粹駁善惡耳因  
氣有粹駁便有賢愚氣雖不齊而大本則一雖下愚亦可變而



為善然工夫最難非百倍其功者不能故子思曰人一能之己百之人十能之己千之果能此道雖愚必明雖柔必強正為此耳

華注為天下善猶言何道而天下同歸於善也曰師者猶言頌師然也人具太極之全体性本善而無不善而亦不能無陰陽雜揉之渣滓於是氣質之性遂不能無善惡之殊要之亦止有劉柔善惡中而已矣所以得師而天下善也不達曰劉善為義為直為斷為嚴教為幹固惡為猛為隘為強梁柔為順為和為弱為無為為依注劉柔固陰陽之大分而其中又各有陰陽以為善惡之分焉

惡者為非正而善者亦未必皆得乎中也朱子曰二氣五行始何嘗不正只滾來滾去便有不正如陽為劉陰除為重濁之類問人有劉柔過於中如何曰只為見彼善於此則柔勝柔故一向劉周子曰劉善為義為直為斷為嚴殺為幹固惡為猛為隘為強梁頃如此別方可問何以制之使歸於中曰頃於中求之

華注義者有裁制直者無隱匿斷者有決斷嚴殺者外莊重而內強忍幹固者才足樹立而節有執持皆是善處然頃知皆是氣質之美未加學問之功要與中字對照柔善之慈順與亦然慈者仁愛為心順者和順無忤與者謙收善入猛與

強梁相似而實不同猛不過性格暴戾是無涵養強梁直是不安分不服理好勇鬪狠全無忌憚隘是過窄不能容物卒暴不能耐事懦弱是才氣少無斷是主見少邪佞是專在暗地裏害人不能顯然為難是陰柔小人之事故亦列於柔惡

惟中也者和也中節也天下之達道也聖人之事也注此以得性之正而言也然其以和為中與中庸不合蓋就已發無過不及者而言之如書所謂允執厥中者也朱子曰中庸之中是兼以其發而中節無過不及者得名故周子曰惟中也者和也中節也天下之達道也若不識得此理則周子之言更解不得所以程子謂中者天下之正道中庸章句

以中庸之中字與中和之義論語集注以中者不偏不倚無過不及之名也此意也或問子思子言中和如此而周子之言則曰中也者和也中節也天下之達道也乃舉中而合之於和然則又將何以為天下之大本耶曰子思之所謂中以未發而言也周子之所謂中以時中而言也學者涵泳而別識之見其並行而不相悖焉者可也問注中字處引允執厥中曰此只是無過不及之中書傳中所言皆如此只有喜怒哀樂未發之中一處是以休言到中庸字亦非專言休便有無過不及之意北溪陳氏曰中有二義有已發之中有未發之中未發是就性上說已發是就事上說已發之中當喜而喜當怒而怒那恰好

處無過不及便是中。此中即所謂和也。所以周子亦曰：中也者和也。是指已發之中而言也。

華注中也者。對上劉柔善惡而言。似不過氣質中和之人。非極至之詣。然既云聖人之事。則須是聖人。然稟得這等性。王文緝曰：得所稟之清厚。而陰陽合德。不剛不柔。乃能如此。愚按上言劉柔善惡。中是言氣質之性。而所稟義直以下與中節之和。皆就發用言之。蓋即發用處。以見氣質之本然也。故聖人立教。俾人自易其惡。自至其中而止矣。

注易其惡。則劉柔皆善。有嚴毅慈順之德。而無強梁懦弱之病矣。至其中。則其或為嚴毅。或為慈順也。又皆中節而無太過不

及之偏矣。

朱子曰：人性本善。然有生下來善底。有生下來便惡底。此是氣質不同。人之為學。却是要變化那氣質。然極難變化。如氣質偏於剛。則一向剛暴。偏於柔。則一向柔弱。之類。人一向推托道：氣稟不好。不向前。又不得。一向不察這氣質之害。只昏了地。又不得。須知氣質之要害。力去用功。充治裁其勝。而歸於中。乃可。

華注上二節。明所以待教之故。此與下節明所以所由起。

故先覺。後覺。聞者求於明。而師道立矣。

注師者。所以攻人之惡。正人之不中而已矣。

師道立。則善人多。善人多。則朝廷正。而天下治矣。

注此所以為天下善也。此章所言劉柔。即易之兩儀。各加善惡。即易之四象。易又加倍。以為八卦。而此書及圖。則止於四象。以為水火金木。而即其中。以為土。蓋遺體則一。而人之所見詳畧不同。但於本休不差。則並行而不悖矣。

問解云：劉柔。即易之兩儀。各加善惡。即易之四象。易又加倍。以為八卦。而此書及圖。則止於四象。疑善惡二字。是虛字。如易八卦之吉凶也。今先生解。以善惡配四象。如何。朱子曰：凡物具兩端。如此扇。便有面有背。凡物皆然。自一人之心言之。則有善惡在其中。便是兩物。周子只說到五行。其理亦只消如此說。自多說不得。包括萬有。舉歸於此。康節却推到八卦。太陽太陰。少

師

四

陽少陰。太陽太陰。各有一陰一陽。少陽少陰。亦有一陰一陽。是分為八卦也。觀此則此書所說可知矣。問解云：止於四象。以為水火木金。如何。曰：周子只推到五行。如邵康節又從一分為二。極推之。至於八萬四千縱橫變動。無所不可。如漢儒將十二辟卦。分十二月。康節推又別。前輩所見各異。邵康節。須是二四八。周子只是二四中添一。以為五行。如劉柔添善惡。又添中於其間是也。

華注王文緝曰：師道立。而教化行。教化行。而強梁者變。而為嚴毅懦弱者。變而為慈順。至慈順者。亦濟之以嚴毅。嚴毅者。亦濟之以慈順。所以易其惡。至其中。而同歸於善人也。善人

多則序序皆成材而國家收實用上以轉燕下以化民而天下猶有不治者未之前聞



幸第

人之生不幸不聞過大不幸無耻

注不聞過人不告也無耻我不仁也

幸注無耻本是無羞惡之心而曰不仁者有惻隱而後能羞惡也無耻則其心冥頑不靈矣故曰我不仁必有耻則可教聞過則可賢

注有耻則能發憤而受教聞過則知可改而為賢然不可教則雖聞過而未必能改矣以是見無耻之不幸為尤大也

朱子曰人之生不幸不聞過大不幸無耻此兩句只是一項事知耻是由內心以生聞過是得之於外人須知耻方能聞過而

改故耻為重

思第九

愚按此章言思。只重層以作聖。引洪範是本意。無思節乃是從上一層言之。見天下無思而無不通者。惟聖人下此則不思。即不能層而通。微不通。微即不能聖而無不通。聖生於層。層生於思。故思為作聖之本。而吉凶之機。亦不外是焉。易所云見幾居之事也。知幾而神。則聖之事也。此二幾字。即承上吉凶之機言。故朱子謂二字無異義。

洪範曰思曰睿。睿作聖。

注。睿通也。

無思本也。思通用也。幾動於彼。誠動於此。無思而無不通為聖人。

思

思

注。無思誠也。思通神也。所謂誠神幾曰聖人。

問。無思本也。思通用也。無思而無不通為聖人。不知聖人是有思耶。無思耶。朱子曰。無思而無不通。是聖人必思而後無不通。是睿又問。聖人寂然不動。是無思。終感便通。特應之耳。曰。聖人也不是塊然。由人撥後。方動如莊子云。推而行。曳而止之類。只是緣思便動。不待大故。地思索耳。又問。如此則是無事時都無所思。事至時緣思而便通耳。曰。然。

華注。王文緝曰。聖人之無思。與異端之無思不同。異端之無思。塊然一物耳。聖人則無思以立。思通之。休思通。益見無思之妙。即所謂誠則明也。

不思則不能通微。不慮則不能無不通。是則無不通。生於通微。通微生於思。

注。通微。睿也。無不通。聖也。

華注。凡事有顯有微。顯者。事各有理。物各有則。推究到微處。則事同一理。物同一則。而豁然貫通矣。故無不通。生於通微。○王文緝曰。此節承上反言一路。遂推到思上。見思之所係甚重。起下節意。

故思者聖功之本。而吉凶之機也。

注。思之至。可以作聖。而無不通。其次亦可以見幾通微。而不陷於凶咎。

思

思

朱子曰。我是事之端緒。有端緒。方有討頭處。這方是用得思。

易曰。君子見幾而作。不俟終日。

注。睿也。

又曰。知幾其神乎。

注。聖也。

朱子曰。思一章。幾機二字。無異義。泰易二句者。特節章取義。以解上文。

節齋蔡氏曰。無思本也。言聖人無思。則自然幾動。而至於神。故曰。不思通用也。言學聖人者。則當思誠。然後知幾。而至於神。故曰。幾動於彼。誠動於此。無思而無不通。為聖人。言聖之幾。自

然而動不待思而無不通所謂神也。通微幾也。無不通神也。此言君子思誠然後見幾。動方能至神。故思者作聖之功也。言作聖之功全在幾神。故舉易合幾與神結之。上兩句說幾字下一句說幾而神也。

愚按首節注無思誠也。思通神也。所謂誠神我曰聖人也。明以無思。通俱言聖人之事。至下節注乃云通微。微也。無不通聖也。蓋無不通即上節所謂無不通為聖人。聖人思之即通。故曰思通下此。必思而後通。微故曰通微。生於思也。節齋之說以無思言聖人以思通言學聖人者。與注不令引易二節不明共為曆與聖之義。而以通微為我與神對言。亦未安。

○洪範周書篇名見幾而作。知幾其神。俱見易繫辭下傳之五章。

志學第十

華注此章教學者志須廣大。學須切實。緊要只在志。伊尹之所志。學須淵之。所學二語。希賢希聖希天。總是此中等級。故曰過則聖及則賢。

聖希天。賢希聖。士希賢。

注希聖也。字本作希。

門聖希天。若論聖人自是與天相似了。得非聖人未嘗自以為聖。雖已至聖處。而猶戒慎恐懼。未嘗頃刻忘所法。則否。朱子曰。天自是天。聖自是聖。人終是人。如何得似天。自是用法。天明王泰若。天道無味。法天者。大事大法。天小事小法。天。

志學

四

伊尹。顏淵。大賢也。伊尹耻其君不為堯舜。一夫不得其所。若撻於市。顏淵不遷怒。不貳過。三月不違仁。注說見書及論語。皆賢人之事也。

華注伊尹顏淵雖是賢者之事。然耻其君不為堯舜。與一夫之不獲。即天之包涵。通覆聖人上下同流之量也。不遷怒。不貳過。三月不違仁。即天之健行不息。聖人純亦不已之學也。由賢而聖。而天一條坦路。只有安勉之分。更無差殊之別。愚按書說命下。乃曰。子弗克俾服。后惟堯舜。其心愧耻。若撻於市。一夫不獲。則曰。時子之事。此以若撻於市。屬一夫不獲。與書文小異。

志伊尹之所志學顏子之所學

此言士希賢也

問志伊尹之所志學顏子之所學所謂志者便是志於行道否  
朱子曰志伊尹之所志不是志於私大抵古人之學本是欲行  
伊尹耕於有莘之野樂先舜之道凡所以治國平天下者無不  
理會但方處畝畝之時不敢言必於大用耳及三聘幡然便一  
向如此做去此是先舜事業看二典之書先舜所以卷舒作用  
直如此熟固問向曾說用之則行舍之則藏惟我與爾有是夫  
此非專為用舍行藏凡所謂治國平天下之具惟夫子顏子有  
之用之則抱持而往不用卷而懷之曰不敢如此說若如此說

志學

聖

則是孔顏賢矣無些洒落底氣象只是學得許多骨董將去治  
天下又如龜山說伊尹樂先舜之道只是出入息飢食渴飲  
而已即是伊尹在莘野時全無些能解及至伐夏救民遂旋教  
興起來皆說得一邊事今世又有一般人只是飽食暖衣無外  
慕便如此涵養去頭是一一理會去問志伊尹之志乃是志  
於行日只是不志於私今人作官只為祿伊尹却祿之天下弗  
顧繫馬千駟弗視也又曰雖志於行道看自家所學原未本  
領如何便能舉而措之天下又頭有那地位若身處貧賤又如  
何行然亦必自修身始修身齊家然後達之天下也又曰此箇  
道理緣為家分得一分不是一人所獨得而專者經世濟物

古人有這箇心若只是我自理會得自泰而懷之却是私○志

伊尹之所志學顏子之所學志固是要立得大然其中又有先  
後緩急之序致廣大而盡精微若曰未到伊尹田地做未得不  
成塊然都不思量天下之事若是見州郡所行事有不可人意  
或民遭酷虐自家寧不惻然動心若是朝夕憂慮以天下國家  
為念又那裏教你恁地來或曰聖賢憂世之志樂天之誠蓋有  
並行而不相悖者如此方得曰然今人若不塊然不以天下為  
念便又切然理會不干己事如世間一樣學問專理會典故  
事務便是如此古之欲明德於天下者令下學便是學此事  
既曰欲明德於天下不成只恁地空說裏面有幾多功夫○

志學

聖

問學顏子之所學一本作顏淵孰是曰顏淵底頭是

愚按以上四條前三條明伊尹之志後條以顏子當作顏淵  
也天下有視民生利病漠然無與于己而塊然自安此無  
志之士本領空疎者也有逐于天下之事而不能自忍者  
此妄託有志有心賣弄者也空疎者必為嚴治之成散賣弄  
者必為安石之學術前三條語意重疊大要發明此義耳  
勉齋黃氏曰總說為學便以伊尹顏子並言若非為已務寔之  
論蓋人之心量自是有許多事不然則偏狹了然又不可不知  
輕重先後故伊尹則曰志顏子則曰學大學既言明德便言新  
民聖賢無一偏之學又曰顏子是明德伊尹是新民本非二事

也

華注。伊尹以業顯。顏子以學見。然遇合在天。不必有其業。而不可不存其心。故曰志學問在己。直須依樣做去。亦步亦趨。方是篤信好學之人。故曰學要之伊尹。顏淵只是一箇求仁之學。伊尹所志者萬物一體之量仁之用也。顏淵所學者去私存理之功仁之體也。有萬物一體胸襟。其去私存理之功。方克得廣有教盡理全之學。其萬物一體之業。亦得深。王文緝曰。士以王佐自期。則富貴功名不足道。區區小補亦不足言矣。士以為仁自願。則異端邪徑不為惑。即兢謹亦不屑為矣。

志學

兄

過則聖。不及則亦不失於名。

注。三者隨其所用之淺深。以為所至之近遠。不失名。以其有為善之定也。胡氏曰。周子志人以發策決科。樂身肥。希世取寵為事也。故曰志伊尹之志。志愚人以廣聞見。工文詞。能空寂寂為事也。故曰學顏子之學。人能志其志而學其事。則知此書之包括至大。而其用無窮矣。問則聖。及則賢。若過於顏子。則工夫又更純細。此固易見。不知過伊尹時。如何說。朱子曰。只是更加些從容而已。過之便似孔子。伊尹終是有擔當底意思。

順化第十一

天以陽生萬物。以陰成萬物。生仁也。成義也。注。陰陽以氣言。仁義以道言。詳已見圖解矣。朱子曰。仁義如陰陽。只是一氣。陽是正長底。氣陰是方消底。氣仁便是方長底。義便是收斂底。仁。華注。陰陽只是就生成二字對舉言之。生則方長而不可過。成則一定而不可移。故以分屬陰陽。若論天地之化。獨陽不生。獨陰不成。分開不得。故聖人在上。以仁育萬物。以義正萬民。注。所謂定之以仁義。

順化

至

華注。王文緝曰。物棄人物。民則專指人而言。以人物均有待於養而教則但可施之人也。

天道行而萬物順。聖德修而萬民化。大順大化。不見其迹。莫知其然之謂神。

注。天地聖人其道一也。

華注。仁義聖德也。萬物育萬民正所謂化也。故天下之舉本在一人道。豈遠乎哉。術豈多乎哉。注。天下之本在君之道。在心之術。在仁義。

治第十二

華注此章論治。須求其端於心。以為用賢之本。而末以心賢。雙收。見主輔之並重。天下之廣。兆民之衆。即上章萬民也。仁義禮智。即上章聖德也。語意相承。但上章說得自然。此章說得著力。

十室之邑。人。提耳而教。且不及。况天下之廣。兆民之衆哉。故曰。純其心而已矣。

注。純者不雜之謂。心謂人君之心。

北溪陳氏曰。凡物一色謂之純。

仁義禮智四者。動靜言貌視聽無違之謂純。

治

五

注。仁義禮智。五行之德也。動靜言貌。五行之用。而言貌視聽。五行之事也。德不言信。事不言思。欲其不違。則固以思為主。而必求。是四者之實矣。

華注。王文緝曰。人君之心。即太極也。純其心。即全其太極。以為千變萬化之本也。動靜敬者。不專在心。而所以無違之本。在心。即陰陽五行同歸太極之旨也。○動靜心也。言貌視聽。身也。身心相得。內外一致。合來方見得心之至純。而無雜。愚按。仁義禮智四者。句頓住。動靜言貌視聽無違。即謂無違於仁義禮智也。動靜無間。內外相符。故謂心之純。

心純則賢才輔。

注。君取人以身。臣道合而從也。

賢才輔則天下治。

注。衆賢各任其職。則不待人。提耳而教矣。

華注。王道本末具舉。純其心者。端其本也。要之。禮樂政刑。利用厚生等件。俱欠缺不得。非如黃老家以虛無寂靜為主。言一心字便足也。賢才輔則天下治。其中舍與教化。修政刑。許多意在內。

純心要矣。用賢急焉。

注。心不純。則不能用賢。不用賢。則無以宣化。

治

五



禮樂第十三

華注王文緝曰此章重理而後和意欲人因禮而求樂不可舍禮而論樂也

禮理也樂和也

注禮陰也樂陽也

黃氏嚴孫曰禮記云樂由陽來者也禮由陰作者也即此意

陰陽理而後和君臣父子兄弟夫婦萬物各得其理然後和故礼先而樂後

得其理然後和故礼先而樂後

注此定之以中正仁義而主靜之意程子論敬則自然和樂亦此理也學者不知持敬而務為和樂鮮不流於慢者

禮樂

五

朱子曰禮樂必相須然所謂樂者亦不過胸中無事而自和樂耳非是著意放開一路欲其和樂也然欲胸中無事非敬不能故程子曰敬則自然和樂而周子亦以為礼先而樂後外可見也○問周子礼樂說如何曰也須先是嚴敬方有和若真是盡得敬不會不和如臣子入朝自然極其恭敬也自和這不待勉強如此只是他情願如此便自和君臣父子夫婦朋友各得其位這自然和若君失其所以為君臣失其所以為臣這如何會和如諸公在此坐都恁地收斂這便是和若過去自放肆或乖爭便是不和此章說得最好

北溪陳氏曰礼樂不是判然兩物不相干涉礼只是箇序樂只

是箇和緣有序便順而和失序便乖戾而不和如父子君臣夫婦兄弟所以相戾相賊相怨相仇如彼其不和者都緣先無箇

父子君臣兄弟夫婦之礼無親義序別便如此○礼樂無所不在所謂明則有礼樂幽則有鬼神如何難得如盜賊至無道亦

須上下有統屬此便是礼底意緣有統屬便有相聽從這便是

樂底意又如行路兩箇同行人存長少次序長先少後便相和

順而無爭其所以有爭鬭處皆緣無箇少長之序於此却見礼

先而樂後

華注王文緝曰此只論礼樂之寔不指三千三百之礼五音

六律之樂理字中含敬字意和字中含樂字意陰陽理而後

禮樂

五

和而後化言君臣上下方是人事

愚按禮理也樂和也本禮仲尼燕居禮也者理也樂也者節也

而倡以發明已意

務實第十四

實勝也。名勝耻也。故君子進德修業。學不息。務實勝也。德業有未著。則恐。然畏人知遠耻也。小人則偽而已。故君子曰。休小人日憂。

注。定修而無名勝之耻。故伏名勝而無定修之善。故憂。

程子曰。學者須是務實。不要近名。有意近名。則為偽也。大本已失。更學何事。為名與。為利清濁。雖不同。然其利心則一也。又曰。有定則有名。一物也。若夫好名者。則徇名為虛。矣。如君子疾沒世而名不稱。謂無善可稱耳。非徇名也。

華注。務實者只是常用。力於已分所當為。初不消掩護文飾。

潛定

至一

之力。故曰。休小人。專在外面修飾。遮蓋。故曰。憂。休與憂俱在心上說。

愛敬第十五

華注。孔子思齊。內省。傳言。成己之功。此言學其善而勸其不善。是成己成物之學。其善則人益鼓舞於為善。勸其不善。則人罷免於改過。即孟子與人為善之意。王文縉曰。有善五節。但說善不善之得諸親見者。有語簡單。言不善之得諸耳聞者。恕以責人之過。誠以望人之改。其人能改。大慰吾厚望之心。其人不能改。在我原不失為忠厚之道。

有善不及。

注。設問人或有善而我不能及。則如之何。

曰。不及則學焉。

愛敬

至一

注。答言。當學其善而已。

問曰。有不善。

注。問人有不善。則何以處之。

曰。不善則告之。不善且勸。曰。庶幾有改乎。斯為君子。

注。答言。人有不善。則告之以不善。而勸其改。告之者。恐其不知。此事之為不善也。勸之者。恐其不知不善之可改而為善也。

有善一不善二。則學其一而勸其二。

注。亦答詞也。言人有善惡之雜。則學其善而勸其惡。

有語曰。斯人有是之不善。非大惡也。則曰。就無過焉。知其不能改。則為君子矣。不改為惡。若天惡之。彼豈無畏耶。鳥知其不能改。

改

注此亦答言。聞人有過。雖不得見而告勸之。亦當答之以其美。其或聞而自改也。有心悖理謂之惡。惡無心失理謂之過。西山真氏曰。過雖聖賢不能無。知其為過而速改。則無矣。蓋無心而誤。則謂之過。有心而為。則謂之惡。不待別為不善方謂之惡。只知過不改。是有心便謂之惡。

華注非大惡也。語意含蓄。見大惡不在此。例令人凜然。惟恐或陷於不可改之大惡。

愚按非大惡也。句當屬下答者。蓋答者意中。揣度其不善之輕重者也。

受教

毛

故君子惡有象。惡有象。無弗愛且敬焉。

注。苦無不學。故惡有象。善惡無不勸。故不棄一人於惡。不棄一人於惡。則無所不用其愛敬矣。

愚按無弗愛且敬。以君子待人言。不棄人於惡。即是無不愛敬。

動靜第十六

華注此章明太極之妙。神即太極之流行。分為陰陽之氣。合為五行。散為萬物。所以神妙不可測者也。

動而無靜。靜而無動。物也。

注。有形則滯於一偏。

動而無動。靜而無靜。神也。

注。神則不離於形。而不圓於形矣。

動而無動。靜而無靜。非不動不靜也。

注。動中有靜。靜中有動。

物則不通。神妙萬物。

動靜

毛

注。結上文起下意。

朱子曰。此章動而無靜。而無動物也。此言形而下之器也。形而下者。則不能通。故方其動時。則無了那靜。方其靜時。則無了那動。如水只是水。火只是火。就人言之。語則不然。則不語以物言之。飛則不植。則不飛是也。動而無動。靜而無靜。非不動不靜。此言形而上之理也。理則神而莫測。方其動時。未嘗不靜。故曰無動。方其靜時。未嘗不動。故曰無靜。中有動。中有靜。靜而能動。而能靜。陽中有陰。中有陽。錯綜無窮是也。下曰。水陰根陽。火陽根陰。水陰火陽。物也。形而下者也。所以根陰根陽。理也。形而上者也。黃幹云。無兩意。言此方脩言理之動靜。則

靜中有動。中有靜。其體也。而能動。而能靜。其用也。物之動靜。則動者無靜。靜者無動。其體也。動者則不能靜。靜者則不能動。其用也。問動而無靜。而無動物也。動而無靜。而無靜神也。所謂物者。人在其中。否曰。人在其中。問所謂神者。是天地之造化。否曰。神者。即此理也。問物則拘於有形。人則動而有靜。而有動。如何。却同萬物而言曰。人固是動中靜。中動亦謂之物。凡言物者。指形氣有定。休而言。然自有一箇交通底在其中。湏是知器即道。即器莫離道而言。器可也。凡物皆有此理。且如這竹椅。固是一器。到其運用處。便有箇道在其中。問動而無動。靜而無靜。神也。此理如何。曰。此說動而生陽。動極

動靜

九

而靜。而生陰。靜極復動。此自有箇神在其中。問不屬陰。不屬陽。故曰。陰陽不測之謂神。且如晝動夜靜。晝固是屬動。然在晝間。神不與之俱動。夜固是屬靜。然在夜間。神不與之俱靜。神又自有是神。神却管得晝夜。晝夜却管不得神。蓋神妙萬物。自是超然於形器之表。貴動靜而言其體。常如是而已矣。如說水陰根。陽火陽根。陰已是有形象。底是說粗底了。動靜二字相對。不能相無。乃天理之自然。非人力之所能為也。若不與動對。則不能為靜。不與靜對。亦不名為動矣。但衆人之動。則流於動。而無靜。衆人之靜。則淪於靜。而無動。此周子所謂物則不通也。惟聖人無人欲之私。而全乎天理。是以其動也。靜之理未嘗亡。其靜

也。動之機未嘗息。此周子所謂神妙萬物也。愚按以上四條。首三條明物之所以滯於形理之所以妙於神末條。又借聖人之神以明之。華法神乃太極之所為。而神非太極也。理有常而神不測。惟其有常。是以不測。及其不測。而有常者。在乎其中。以人言之。太極乃性之體。神乃心之妙也。神妙萬物之物。即上物字。但專就物言。則不通。神乃所以妙於其間者也。愚按兩間。凡成象者。皆屬形氣。則所以運此形者也。神又所以妙此氣者也。妙此氣而至寔無妄。自然無為者。理也。理與神分而為二。不可故朱子曰。神即此理也。合而為一。亦不可

動靜

字

故下節注以五行陰陽。陰陽太極為神妙萬物之體。此如中庸言鬼神而又言誠。不在鬼神之外。而以鬼神即為誠。又不可也。水陰根。陽火陽根。陰注水陰也。而生於一。則本乎陽也。火陽也。而生於二。則本乎陰也。所謂神妙萬物者。如此五行陰陽。陰陽太極。注此即所謂五行一陰陽。陰陽太極者。以神妙萬物之體而言也。一云承上文而言。自五以一也。四時運行萬物終始

注此即所謂五氣順布。四時行焉。無極二五妙合而凝者。以神妙萬物之用而言也。一云四時即五行也。反上文而言有五而萬也。

朱子曰。四時行焉。萬物終始。若道有箇物時。又無形骸。若道無箇物時。又怎生會恁地。

混兮。今其無窮兮。

注體本則一。故曰混。用散而殊。故曰開。一動一靜。其運如循環之無窮。非兼舉其休用而言也。一云混合也。自五而一。動而靜。陽而陰。也。開也。自五而萬。靜而動。陰而陽也。一合一開。如循環之無端。而天地之造化無窮矣。此章發明圖意。更宜參。

動靜

六

考

朱子曰。混言太極。開言為陰陽五行。以後故末句曰。其無窮兮。言既開之後。為陰陽五行。以後為萬物。無窮盡也。

愚按。混開無窮。即注動靜循環之義。此條止以既開之後。言無窮。恐是未定之論。

或問。周子之語言。合胡不自萬。而一言開。胡不自一。而萬。勉齋黃氏曰。周子之言。造化至五行處。是一開。隔自五行而上。屬乎造化。自五行而下。屬乎人物。所以太極圖說。到四時行焉。却說轉從五行說太極。又從五行之生。說各一其性。說出至變化無窮。蓋天地造化。分陰分陽。至五行而止。五行既具。則由是而生。

人物之有。本極便有陰陽。有陰陽便有五行。三者初無斷際。至此若不說合。却恐將作三件物。事認了。所以合而謂之妙。合非皆開。而今合莫之合。而合也。至於五行既凝。而後有男女。男女既交。而後生萬物。此都是有次第。故自五行而下。節節開說。然其理氣未嘗有異。則恐未嘗不合也。

愚按。滯於形者。皆謂之物。如天運而地處。山峙而水流。春生而秋歛。晝明而夜晦。以及人物之動作而休息。皆是也。理之寓於形。而不囿於形者。則為神。即太極之妙用。自未有天地。人物之先。以及既有天地。人物之後。所以生天地。生人物。而貫乎其中者。皆是也。前四節以物引起。神下方指神妙萬。

動靜

三

物之寔。言之水陰根陽二句。即神之運於一物之中。而妙不測者。言五行以下。即陰陽之大動靜。而妙萬物者。言運於一物者。未嘗非神。而所以有限。故小注謂根陰根陽。已是說粗底。妙萬物者。非異於妙一物之神。而混開無窮。故注分休用言之。休即太極用。即陰陽五行。言其休則太極之乘二五。以為動靜。言其用則二五之本太極。以生萬物者也。

樂上第十七

朱子曰。此章極可觀。有條理。只是淡與不淡。和與不和。前輩所見各異。

華注王文緝曰。此篇首推制禮為作樂之本。總言樂教之善。及作樂功化之盛。後言禮不修則樂不作。見樂之必本於禮也。

古者聖王制禮法。修教化。三綱正。九疇叙。百姓太和。萬物咸若。注。綱。總上大綱也。三綱者。夫為妻。經。父為子。經。君為臣。經也。疇。類也。九疇。見洪範。若順也。此所謂理而後和也。

華注王文緝曰。修教化。即承制禮法來。三綱正等。又從制禮

樂上

三

修教來。總重制。禮法。意制。禮以修教。則經正。疇叙。而民和。物若矣。

乃作樂以宣八風之氣。以平天下之情。

注。八音以宣八方之風。見國語。宣。所以達其理之。分。平。所以節其和之流。

黃氏瑞節曰。東北方條風。東方明庶風。東南方清明風。南方景風。西南方涼風。西方闔闔風。西北方不周風。北方廣莫風。

愚按。八風之氣。無不和。而樂以宣之。天下之情。罔不節。而樂以平之。見樂之為道大也。○易緯。立春東北風曰條。謂萬物至是條達而出也。春分東風曰明庶。謂風之生物。明見者衆也。

也。立夏東南風曰清明。謂生物清潔明淨也。夏至南風曰景

景大也。謂長。大。萬物也。○秋。西南風曰涼。謂陰氣至而涼也。

秋分西風曰闔闔。謂陽隨而入。陰隨而出。如門之啟閉也。立

冬。西北風曰不周。謂天道廣被。無不周徧也。冬至北風曰廣

莫廣大也。莫虛無也。此八節之風也。竊意風乃氣之神。而共

見者。八風猶言四時。宣八風之氣。猶言宣四時之氣也。各以

義起。不必過泥。

故樂散淡而不傷。和而不淫。入其耳。感其心。莫不淡且和。焉淡則

欲心平。和則躁心釋。

注。淡者。理之發。和者。和之為。先淡後和。亦主靜之意也。然古聖

樂上

古

賢之論樂曰。和而已。此所謂淡。蓋以今樂形之。而後見其本於

注。正齊肅之意耳。

朱子曰。欲於齊肅之意下。添故希簡而寂寥六字。

優柔平中。德之盛也。天下化中。治之至也。是謂道配天地。古之極

也。注。欲心平。故平中。緣心釋。故優柔。言聖人作樂。功化之盛。如

或云。化中當作化成。

朱子曰。優柔平中。中字於動用上。說明道云。惟精惟一。所以至

之允。執厥中。所以行之。即此意。然只云於動用上。說却覺未

不若云。於動用上。該本體說。

華注。天下化中。即在優柔平中。上見在一人身上說。曰德之盛。統天下而言。曰治之至。

愚按。優者不迫切。柔者不強梗。躁心釋而氣平也。平者不陰怪。中者不偏倚。敬心平而德美也。德之盛。即指所感之人言。猶中庸所謂動變化。孟子所謂遷善不知者。非謂聖人之至德也。天下化中。即指優柔平中言。而見其為至治也。樂之功。化至於如此。是作樂之道。配乎天地。而非近今所有。故曰古之極也。

後世禮法不修。政刑苛素。縱欲敗度。下民困苦。謂古樂不足聽也。代變新聲。妖淫怨道。欲增悲。不能自止。故有賊君棄父。輕生敗

樂上

六五

倫不可禁言矣。

注。廢禮敗度。故其教不淡而妖淫。政苛民困。故其教不和而愁怨。妖淫故黨欲。而至於輕生敗倫。愁怨故增悲。而至於賊君棄父。

華注。縱欲敗度。頂禮法不修來。與上文三經正九疇叙對。下民困苦。頂政刑苛素來。與上文太和威若對。因縱欲敗度。故其教妖淫而黨欲。其流極於輕生敗倫。因下民困苦。故其教愁怨而增悲。其流極於賊君棄父。黨欲與欲心平。對增悲與躁心釋對賊君棄父。輕生敗倫。則與優柔平中。天下化中。相反極矣。

嗚呼。樂者古以平心。今以助歡。古以宣化。今以長怨。注。古人之異。淡與不淡。和與不和而已。

愚按。平心即平天下之情。宣化即宣八風之氣。不復古禮。不變今樂。而欲至治者遠矣。

注。復古禮然後可以變今樂。

愚按。此篇首節。由禮及樂。亦重複。禮以變樂。首尾相應。制禮修教。樂之本也。宣化平情。樂之道也。淡且和。樂之教之善也。教平躁釋。優柔平中。天下化中。樂之功用之大也。功用之大。由其教之善。教之善。由其本得也。

樂上

六六

樂中第十八

樂者本乎政也。政善民安。則天下之心和。故聖人作樂。以宣暢其和。心達於天地。天地之氣感而太和焉。天地和。則萬物順。故神祇格。鳥獸馴。

注。聖人之樂。既非無因而強作。而其制作之妙。又能真得其散氣之元。故其志氣天人交相感動。而其效至妙。

問。散氣之元。朱子曰。律曆家最重這元。散元散定。向下都定。元散。纔差。向下都差。古人制度。今皆無復存者。只這些道理。人尚說得去。法度即杜撰不得。且如樂。今皆不可復考。今人只會說得。凡音之生。由人心也。人心之動物。使之然也。到得制度。便說

樂中

卷一

不去。問。注云。制作之妙。真。有以得其散氣之元。不知今時尚可尋究否。曰。今所爭。只是黃鐘一宮耳。這裏高。則都高。這裏低。則都低。蓋難得其中耳。

愚按。此與上章意大同。皆見聖人作樂之有本。而功化又甚大也。上章言樂本於礼。此言樂本於政。上章言樂之盛。足以感人心。此言樂之盛。足以感天地。而及萬物。神祇格。承天地和。鳥獸馴。承萬物順。書言神人以和。又曰。祖考來格。言鳳凰來儀。又曰。百獸率舞。格與馴之明驗也。

樂下第十九

華注。此篇專在散音。文辭上論樂。欲變今樂者。宜加意於此也。

樂。散淡。則聽心平。樂。辭善。則歌者慕。故風移而俗易矣。妖散。艷辭之化也。亦然。

朱子曰。聖王為政。以寬為本。而今反欲其嚴。正如古樂以和為主。而周子反欲其淡。蓋今之所謂寬者。乃縱弛。所謂和者。乃哇淫。非古之所謂寬與和者。故必以是矯之。乃得其平耳。

愚按。樂。散淡。亦自樂上章來。而此又無辭言之。聽心平。即所謂欲心平也。妖散。艷辭之化。即上章。道欲增惡之類也。上所

樂下

卷一

化曰。風下所習曰俗。



聖可學乎。曰。可。曰。有要乎。曰。有。請聞焉。曰。一為要。一者無欲也。無欲則靜。虛動直靜。虛則明。則通。動直則公。則溥。明通公溥。庶矣乎。

注此章之指。最為切要。然其辭義明白。不煩訓解。學者能深玩而力行之。則有以知無極之真。兩儀四象之本。皆不外乎此心。而日用間。自無別用力處矣。朱子曰。一即所謂太極靜虛。即陰靜動直。即陽動明通。公溥。即是五行大抵。周子之書。終說起。便都貫串。太極許多道理。周子只說一者無欲也。這話頭。高卒急難。湊泊常人。如何便得無

欲。故伊川說簡敬字。教人只就敬上。雖去惡幾。執提得定。有箇下手處。問周子云。一為要。一者無欲也。如何。曰。一者無欲。一便是無欲。今試看無欲之時。心豈不一。又問。此程子主一之謂敬。如何。曰。無欲與敬字。一般。比敬字。分外分明。要之持敬。頗似費力。不如無欲。撇脫人。只為有欲。此心便千頭萬緒。此章之言。甚為切要。問。一是純一。靜虛是此心。如明鑑止水。無一毫私欲。填於中。故其動也。無非從天理流行。無一毫私欲。抗之。靜虛是體。動直是用。曰。也是如此。靜虛易看。動直難看。靜虛只是伊川云。中有主則虛。則邪不能入。是也。若物來奪之。則塞。則暗。則塞動直。則是其動也。更無千頭萬緒。若少有私欲。便礙便

曲。要恁地做。又不恁地做。便自有窒礙。便不是直。曲則私。則狹。又曰。無繫累。故虛無委曲。故直。問。明通公溥。於四象何所配。曰。只是春夏秋冬模樣。明是配冬。否曰。似是就動處說。便似元。否曰。是然。這處亦是偶然相合。不是正恁地說。明通者。靜而動。公溥者。動而靜。在人言之。則明是曉得事物通是透。微無窒礙。公是正無偏陂。溥是溥徧萬事。又曰。所謂誠立。明通意。又別彼處。以明字為重。立如三十而立。通則不感知天命耳。順也。

愚按以上七條。首條與圖說配言。次二條明無欲句。而與程子主敬之語並論。一言敬字之善。一言無欲之要。二說相輔

而行。次一條。明靜虛動直之義。末三條。解明通公溥四字。所云配春夏秋冬者。以明而後通。明通而後公。且溥猶由春而夏。由夏而秋。而冬。大意相似耳。若必屑。此附恐亦刻舟之見。余誠立明通。詳見後錄。養心亭說。

動靜並曰。一為要。一字有數樣。如作左右看。則一為純一之。一如作前後看。則一為專一之一。此所謂一。是純一不雜之謂也。譬如一物。恁地光潔。更無些物塵汙了。他。但看下文。言無欲。是一靜虛。也是一動直。也是一何謂無欲。只是純然。是簡天理。無一點私欲。外須作兩路看。莫非欲也。飲食男女。人之大欲。此不待說。須看面前許多物。為有一念掛着底。都是欲。如一

切嗜好之類。此是一路。又須識得。欲不待沉溺其中。而後謂之欲。程子云。纔有所向。便是欲。這箇甚微。纔起念處。便是欲。譬如止水上打一動相似。若到酒池肉林。已狼當了。無欲則自湛然。一物不啻。故靜便虛。未發時。這虛靈知覺。如明鏡止水。恁地虛動。便直做事時。只有一路直出。那裏有偏曲路徑。緣虛便明。則見道理透徹。故通直便公。自是無物。我故薄。又曰。通者明之極。薄者公之極。靜虛動直。動字當就念慮之萌上看。不可就視聽言動上看。念慮之萌。既立。則視聽言動。自無非私。今以視聽言動為動直。則念慮之萌。處有所界矣。故動靜當以心言也。虛直兩字。亦當子細體認。虛者。此心湛然。外物不能入。故虛。

聖學

二

直者。循理而發。外邪不能撓。故直。教則靜寧。亦能動直。教該動靜者也。今但言靜虛。則偏矣。心在則動。皆直。心不在則動。皆邪。此兩句却得之。

北溪陳氏曰。一者是表裏俱一。此徹無二。少有纖毫私欲。便二矣。內一則靜虛。外一則動直。而明通公溥。則又無時不一也。一者。此心渾然太極之體。無欲者。心體粹然無極之真。靜虛者。體之未發。豁然絕無一物之累。陰之性也。動直者。用之流行。坦然由中道而出。陽之情也。

公明第二十一

華注此。欲人克己私。以應物。復靈明。以決疑。

公於己者。公於人。未有不公於己。而能公於人也。

注此為不勝己私。而欲任法以裁物者。發。

明不至則疑生。明無疑也。謂能疑為明。何啻千里。

注此為不能先覺。而欲以逆詐億不信為明。有發然明與疑正相商。此何啻千里之不相及乎。

愚按此亦承上章公明而言。公於己。心之無私也。公於人事。

之無私也。如與衆勿施。民胞物與。皆公於人之事也。然較上章亦言有內外體用精粗之別。亦不必一一比附。

公明

理性命第二十二

朱子曰。周子此章。其首二句言理。次三句言性。次八句言命。故其章內無此三字。而特以三字名其章。以表之。則章內之言。固已各有所屬矣。蓋其所謂靈。所謂一者。乃為太極。而所謂中者。乃氣稟之得中。與劉善則惡。惡者為五性。而屬乎五行。初未嘗以是為太極也。

厥彰厥微。匪靈弗肇。

洋此言理也。陽明陰勝非人心。太極之至靈。孰能明之。朱子曰。彰言道之顯微。言道之隱。匪靈弗肇。言彰與微。須靈乃能了然。照見無端倪也。此二句是言理。一本靈作虛。義短。厥

理性命

二

彰厥微。只是說理。有大小精粗。如人事中。自有難曉底道理。如君仁臣忠。父慈子孝。此理甚顯。然若陰陽性命鬼神往來。不亦微乎。

愚按彰與微。言理盡於此矣。而又曰非靈弗肇。蓋靈者吾心之太極。即吾心之理也。惟吾心有此理。而後可以窮天下之理。天下無窮之理。無非吾心自具之理也。故兼內外言之。乃盡理字之義。

劉善則惡。亦如之中焉止矣。

注此言性也。說見第七篇。即五行之理也。

二氣五行化生萬物。五殊二實。二本則一。是萬為一。一實萬分。萬

一各正小大有定

注此言命也。二氣五行。天之所以賦受萬物而生之者也。自其末以緣本。則五行之異。本二氣之實。二氣之實。又本一理之極。是合萬物而言之。為一太極而已也。自其本而之末。則一理之實。而萬物分之。以為體。故萬物之中。各有一太極。而小大之物。莫不各有一定之分也。此與十六章意同。

朱子曰。自下推而上。去五行只是二氣。二氣又只是一理。自上推而下。只是這一箇理。萬物分之。以為體。萬物之中。又各具一理。所以範道變化。各正性命。然總又是一箇理。此理處。皆渾淪如一。粒粟生為苗。便生花。便結實。又還復本形。一穗

理性命

三

有百粒。每粒箇一完全。又將這百粒去種。每粒又各成百粒。生只管不已。初間只是這一粒分去物。各有理。總只是一理。○夫陰陽五行化生萬物。五殊二實。二本則一。如千部文字。字如此好。而如此好。人道是聖人。逐一寫得如此。聖人告之曰。不如我。只是一箇印板印將去。問五殊二實。曰。分而言之。有五。總而言之。只是陰陽。中庸曰。如天之無不覆。蓋如地之無不持載。此是一箇大底。包在中間。又有四時錯行。日月代明。自有細小去處。道並行而不相悖。萬物並育而不相害。並行並育。便是那天地之覆載底。不相悖不相害。便是那錯行代明底。小德川流。是說那細小底。大德敦化。是說那大底。大底包小

底小底分大底千五百年間。不知人如何讀書都似不理會得這箇道理。又曰一寔萬分萬一各正便是理一分殊處。問此章何以下分字曰不是割成片去只如月映萬川相似。問注云自其本以之末則一理之寔而萬物分之以為體故萬物各具一太極如此說則是太極有分裂乎曰本只是一太極而萬物各有稟受又自各全具一太極耳如月在天只一而已及散在江湖則隨處而見不可謂月分也。萬一各正小大有定言萬箇是一箇一箇是萬箇蓋統體一太極然又一物各具一太極所謂萬一各正猶言各正性命也。問五殊二寔一寔萬分二謂陰陽一謂太極然否曰二氣一理而皆以寔目之者蓋曰

理性命

四

此皆寔有之理而強為之名耳五二一萬皆寔字殊寔分皆虛字以此推之則所謂二寔一寔者不相礙也

愚按以上八條首條統明一節之意次一條明二氣五行四句次一條明五殊二寔次二條明一寔萬分次一條疏注自其本以之末數句次一條明是萬為一四句末條明二寔字之義

又按自一而二自二而五推之於萬周子所以言太極者以此言命者以此程朱言理多本之此竊崇於此得一貫之謂焉論曰末之歧出者本必同流之散見者源則合是故至道之妙渾然無名曰太極其在道則萬化之源其在性則衆

理之窟也。同本異體乃曰四德一之分為四也。德雖異名。然於中因物妙應。乃有百行一之廣而廣也是故殺為五倫。列為五事。別為九經。達之四國。五禮六樂三物八典一物一理。繁然不可紀極。然理本四德。具性始故傳曰萬物皆備於我。又曰中者天下之大本。性豈有不一者哉。願性善一理而人道異心。故夫理汨于氣者。衆人之所以不能一也。感而必通者。聖人之所以無不貫也。當其至性內涵。淵然無朕。空如也。及夫物感之紛乘也。時而接之以仁。即吾性之藹然者。為之時而行之。以義。即吾性之秩然者。為之時而應之以禮。以智。即吾性之中且正者。為之時而呈於手足之容。施於

理性命

五

民物之衆散於百為之著無非吾性之藹然。備具者分而應之。稱量而予之。如絕之約。如珠之聯。以是為貫之而已。蓋未發之中湛然無累。故因應不窮。而在我不變。反身之誠。純亦不已。故感應曲當。而在我不勞。從心所欲而不踰。亦取之左右而皆達。夫豈於吾性之外別有所謂一於一事一物之間。遂物而求其貫哉。然而不格不通不積不化一皆有對非守寂之為一而貫者不一非憑虛以為貫也。故學孔子者必自曾子子貢始。○易乾卦文言各正性命

顏子第二十三

顏子一簞食一瓢飲在陋巷人不堪其憂而不改其樂

注說見論語

夫富貴人所愛也顏子不愛不求而樂乎貧者獨何心哉

注設問以發其端

天地間有至貴至愛可求而異乎彼者見其大而忘其小焉耳

注至愛之間當有富可二字所謂至貴至富可愛可求者即周

子之教程子每令尋仲尼顏子樂處所樂何事者也然學者當

深思而寔修之不可但以言語解會而已

問顏子不改其樂是私欲既去一心之中便是天理流行無有

顏子

六

止息此乃至富至貴之理舉天下之物無以尚之豈不大有可

樂朱子曰周子所謂至貴至富乃是對貧賤而言今引此說恐

是私欲未去如口之於味耳之於聲皆是欲得其欲即是

私欲反為所累何足樂若不得其欲只管求之其心亦不樂惟

是私欲既去天理流行動靜語默日用之間無非天理胸中廓

然豈不可樂此與貪饕自不相干故不以此而害其樂○問顏

子之樂只是天地間至富至貴底道理樂去未之否曰非也此

一下未可便知須是窮究萬理要極微又曰程子謂將這身來

放在萬物中一個看大小快活又謂人於天地間生無室最

處大小快活此便是顏子樂處這道理在天地間須是直窮

到底至樂至善十分透徹無不盡則與萬物為一無所礙

胸中泰然豈有不樂○顏子之樂其處却只是平日許多工夫

到此成就見處通達無隔礙行處純熟無阻礙便自然快活不

是別有一項工夫理會其事也○問周子令程子尋顏子所樂

何事而周子程子終不言先生以為所樂何事曰人之所以不

樂者有私意耳克己之私則樂矣故程子云人能克己則心廣

體胖仰不愧俯不怍其樂可知有息則餒矣○顏子胸中自有

樂地雖貧窶不以累其心不是將那不以貧窶累心底做樂○

問顏子不改其樂莫是樂箇貧否曰顏子私欲克己故樂却不

是專樂箇貧須知他不干貧事元自有箇樂始得○問程子云

顏子

七

使顏子以道為樂則非顏子矣然而此章又却言以道為樂曰

顏子之樂非是自家有箇道至富至貴只管把弄後樂見得這

道理後自然與故曰見其大則心泰心泰則無不足無不足則

富貴貧賤處之一也○程子之言但謂聖賢之心與道為一故

無造而不樂若以道為一物而樂之則心與道二非所以為顏

子耳○問顏子樂處曰未到他地位如何便能知對他樂處且

要得就他處下工夫處做下稍亦須會到他樂時節○問孔顏

所樂何事曰不要去孔顏身上問只去自家身上討○問尋孔

顏樂處曰先賢到樂處已自成就向上了非幼學所能求况今

師非淵溪友非二程所以說此事却似養虛不如且就聖賢著

實用功處求之如克己復禮致謹于視聽言動之間必於當  
純熟充達向上處。問學者看文字如何對曰。吾思量顏子樂  
處。曰。不用思量。他只是博我以文。約我以禮。然後見得天理分  
明。日用間。禮義純熟。不被人欲來着。楚自恁地快活。如今且去  
博文。約禮。便自見得。若只索之冥杳之際。何益。只要着實用功。  
愚按。以上十二條。皆四條明顏子所以能樂之故。次二條。明  
其非樂。貧次二條。明其亦非樂。道次二條。明學者當定用工  
夫。而無遽求其樂。末二條。明用功當如顏子之克復與博約。  
華注。上文。緝曰。至貴至富。即指所樂之道言。天爵之尊。不軒  
冕而榮。何貴如之。富有之藏。取無用。不竭何富如之。顏子

顏子

此時已愛之而得求之而至矣。不但愛之求之而已也。  
愚按。孔顏樂處。程朱隱而未發。至有道可樂。使非顏子之語。  
學者又或泥而不得其意。竊謂以道為樂。猶與道二者。固非。  
顏子然雖道以言樂。又何以見顏子。嘗為之論曰。孔子樂在  
其中。顏子不改其樂。一聖一賢。所樂者果何事。次曰。孔顏之  
樂。非七情中事。樂之謂。吾心天理流行之趣也。今天夫天之  
發而不已也。孰為運之水之逝而不舍也。孰為推之物之生  
而不窮也。孰為亭之安之益。天地無情而天道無息。自有流  
行洋溢。絢繡暢滿者。不啻見天地之情。為聖人之樂。亦猶是  
耳。豈惟聖人。吾心亦有之。孩提之知。愛少長之知。敬樂之倪

也。不見之惻惻。平旦之清明。樂之機也。如火始然。如泉始達。  
樂之發於微也。手之舞之。足之蹈之。樂之呈於著也。然而理  
緣氣偏。性因情繫。小人惑。長痿痺。而不仁。賢士執節。亦矜  
持。而不化。怒焉。踴躍。何樂之有。聖人之得天也。渾然無朕。涵  
養。飛魚躍之機。悠然有懷。具時行物生之妙。其道心之發。皇  
而天機之活潑者。浩。茫。無。時。而。息。即。此。之。謂。樂。而。豈。若  
七情之樂。因物而生。因物而息者哉。傳言意識之寒心。廣休  
胖。詩述君子之心。屋漏不愧。在中之樂。於此可識。雖然。人則  
往矣。樂斯歌矣。何述可尋。求之吾心而已。夫宅心以誠。飭身  
以禮。立德以敬。居業以貞。學之大端也。動靜語默之間。出處

顏子

取舍之故。子臣弟友之節。不見不聞之地。道之至要也。無忘  
無助。怡然渙然。亦將浩。茫。無。時。而。非。天。理。之。流。行。矣。富  
貴貧賤。於我何有。而足以易此中。天理之趣也。哉。故謂有道  
可樂。即非顏子者。亦特語夫內外安勉之別耳。不求之道。而  
別尋一曠然無累者。自為樂地。此則乘風化蝶之所以異於  
流水。草蟲也。君子又何所取。指。  
見其大則心泰。心泰則無不足。無不足則富貴貧賤處之一也。處  
之一則能化而齊。故顏子亞聖。  
注。齊字。意複。恐或有誤。或曰。化大而化也。齊。於聖也。亞。則將  
齊而未至之名也。

問見其大則心泰。周子何故就見上說。朱子曰。見便是識。此味  
○問。類子能化而齊。曰。此與大而化之。化異。但言消化却貧  
賤富貴之念。方能齊。亦一之意。大而化之。只是謂理與已  
一。其未化者。如人操尺度。量物用之。尚未免有差。若至於化者。  
則已便是尺度。尺度便是已。類子止在此。若化則便是仲尼也。  
愚按。註有二說。前一說作消化之化。則齊即一之義。故謂齊  
字意。後一說乃作大化之化。小注三條。首條明見字。後二  
條一即注之前說。一即注之後說也。玩注意是姑從後說。

師友上第二十四

天地間至尊者道。至貴者德而已矣。至難得者人。而至難得者  
道。德有於身而已矣。  
注。此略承上章之意。其理雖明。然人心蔽於物欲。鮮克知之。故  
周子每言之詳焉。  
求人至難得者。有於身。非師友則不可得也。  
注。是以君子必隆師而親友。

師友下第二十五

道義者身有之則貴且尊。

注周子於此一意而屢言之。非複出也。其下字之意切矣。

人生而蒙長無師友則愚。是道義由師友有之。

注此處恐更有由師友字屬下句。

而得貴且尊。其義不亦重乎。其聚不亦樂乎。

注此重此樂人亦少知之者。

師友下

士

過第二十六

仲由喜聞過。令名無窮焉。令人有過。不喜人規。如護疾而忌醫。寧

滅其身而無悟也。噫。

程子曰。子路亦百世之師也。人告之以有過則喜。

華注。王文緝曰。子路之喜聞過。原為改過。非以博名。而令名

自歸之。令人護過。非惟敗名。且以長惡。如護疾者之滅身而

無悟也。

過

士



勢第二十七

天下勢而已矣。勢輕重也。

注。一輕一重。則勢必趨於重。而輕愈輕。重愈重矣。

問。太王剪商。是有此事否。朱子曰。此不可考矣。要之。周自日前積累以來。其勢日大。文常商家無道之時。天下趨周。其勢自爾。

周子曰。天下勢而已矣。勢輕重也。周家基業日大。其勢已重。民又趨之。其勢愈重。此重則彼輕。勢也。

極重不可反。識其重而亟反之可也。

注。重未極而識之。則猶可反也。

問。極重下可反。識其重而亟反之何也。朱子曰。是說天下之勢。

上南

如秦至始皇強大。六國便不可敵。東漢之末。宦官權重。便不可

除。紹興初。秦斬陳少陽。便成江左之勢。極重則反之也。雖識其

重之機。而反之則易。

反之力也。識不早。力不易也。

注。反之在於人力。而力之難易。又在識之早晚。

力而不競。天也不識。不力人也。

注。不識則不知用力。不力則雖識無補。

天乎人也何尤。

注。問勢之不可反者。果天之所為乎。若非天而出於人之所為。

則亦無所罪矣。

愚按此章。識力並言。尤重識之早。識其重而亟反之。無使至極重之地。此中有修德行政。用賢除奸。防微解過。多少定事。在此。可以尋常人力挽回也。

勢

圭

文辭第二十八

朱子曰此章大意輪轅飾而人弗庸徒飾也言有載道之實而人弗用也况虛車乎此不載道之文也自駕其寔至行之不遠則是輪轅飾而人之庸之者也自不賢者至強之不從也是勿庸者也自不知務道德至藝焉而已則虛車也

文所以載道也輪轅飾而人弗庸徒飾也况虛車乎

注文所以載道猶車所以載物故為車者必飾其輪轅為文者必善其辭說皆欲人之愛而用之然我飾之而人不用則猶為虛飾而無益於寔况不載物之車不載道之文雖美其飾亦何為乎

文辭

六

愚按庸以天下後世之學與不學言非謂君相之用之也徒飾本不足為憾然果寔至而為文未有不傳於世者所慮但以文辭為能而不知道耳

文辭藝也道德實也篤其寔而藝者書之美則愛之則傳焉賢者得以學而至之是為教故曰言之無文行之不遠

注此猶車載物而輪轅飾也

華注可愛可傳飾也學而至之庸也

然不賢者雖父兄臨之師傳勉之不學也強之不從也

注此猶車已飾而人不用也

不知務道德而第以文辭為能者其為而已噫弊也久矣

注此猶車不載物而徒美其飾也○或疑有德者必有言則不待藝而後可傳矣周子此章似猶別以文辭為一事而用力焉何也曰人之才德偏有長短其或意中了而言不足以發之則亦不能傳於遠矣故孔子曰辭達而已矣程子亦言西銘吾得其意但無子厚筆力不能作耳正謂此也然言或可少而德不可無有德而有言者常多有德而不能言者常少學者先務亦勉於德而已矣

或問作文害道否程子曰凡為文不專意則不工若專意則志局於此又安能與天地同其大也書曰玩物喪志為文亦玩物也呂與叔有詩曰學如元凱方成癖文似相如始類俳獨立孔

文辭

七

門無一事只輪類子得心齋此詩甚好古之學者惟務養情性其他則不學今為文者專務章句悅人耳目既務悅人非俳優而何問古者學為文否曰人見六經便謂聖人亦作文不知聖人亦據發胸中之蘊自成文耳亦謂有德者必有言也曰游夏稱文學何也曰游夏亦何嘗兼筆為詞章也且如觀乎天文以察時變觀乎人文以化成天下此豈詞章之文也

聖德第二十九

不憤不啓。不悱不發。舉一隅不以三隅反。則不復也。  
注。說見論語。言聖人之教。必當其可。而不輕發也。  
子曰。予欲無言。天何言哉。四時行焉。百物生焉。

注。說亦見論語。言聖人之道。有不待言而顯者。故其言如也。  
華。注。首節言聖人不輕以言語示人。次節言聖人之道。本不待言而顯。故不輕言也。然論語開示小子何述之意。重在無行而不與。此形容聖德同天之妙。重在無述之可窺。各不同。然則聖人之蘊微。顏子始不可見。發聖人之蘊。教萬世無窮者。顏子也。聖同天。不亦深乎。

注。蘊中所蓄之名也。仲尼無述。顏子微有述。故孔子之教。既不輕發。又未嘗自言其道之蘊。而學者惟顏子為得其全。故因其進修之迹。而後孔子之蘊可見。猶天不言。而四時行。百物生也。朱子曰。夫子之道。如天惟顏子得之。夫子許多大意。思及在顏子身上發見。譬如天地生一瑞物。即此物上。盡可以見天地純粹之氣。謂之發者。乃亦足以發之。發不必待顏子言。而後謂之發也。顏子所以發聖人之蘊。恐不可以一事言。蓋聖人全体大用。無不一一於顏子身上發見也。

華。注。顏子發聖人之蘊。只肯論語便見。博文約禮。是其進為之方。克己復禮。是其用功之實。若無若虛。是其心體之空。華。

聖德第二十九  
聖人有一聞知。惡人不速知其有也。惡人知而名也。薄亦甚矣。  
注。聖人與品高下懸絕。有不待校而明者。其言此者。正以深厚

之極。密夫淺薄之尤耳。然於聖人言深。常人言薄者。深則厚。淺則薄。上言首下言尾。互文以明之也。

聖人之精畫卦以示聖人之蘊。因卦以發。卦不盡聖人之精。不可得。而見微卦聖人之蘊。殆不可悉得。而開。

注精者精微之意。畫前之易。至約之理也。伏羲畫卦。專以明此而已。蘊謂凡卦中之所有。如吉凶消長之理。進退存亡之道。至廣之業也。有卦則因以形矣。

朱子曰。聖人之精畫卦。以示聖人之蘊。因卦以發。濂溪易。如看得活。○精是聖人本意。蘊是偏旁帶來道理。如春秋聖人本意。只是載那事。要見世交。祀樂征伐。自諸侯出。臣弑其君。子弑其父。如此而已。就那事上。見得是非美惡曲折。便是因卦以發。

精義

示

底如易有太極。是生兩儀。兩儀生四象。四象生八卦。皆是因陰陽之自然。如此畫出。全無安排。此是聖人本意。底如象辭。文字繁辭等。孔子之言。皆是因卦而發。底不可一例作重看。○精謂心之精微也。蘊謂德所蘊蓄也。○精與蘊字不同。精是精微之意。蘊是包許多道理。問伏羲始畫。而其蘊已發見於此否。曰。謂之已具於此。則可。謂之已發見於此。則不可。方其初畫也。未有乾四德意思。到文王始推出來。然文王孔子雖能推出意思。而其道理亦不出伏羲始畫之中。故謂之蘊。如衣敝緼袍之緼。是包得在裡面。○問序卦以為非聖人之蘊。信乎。曰。先儒亦以為非聖人之蘊。某以為非聖人之精。則可。謂之非聖人之蘊。則不可。

不可。周子分精與蘊字。甚分明。序卦却是易之蘊。事。文雜

都在裏面。問何謂易之精。曰。如易有太極。是生兩儀。兩儀生四象。四象生八卦。便是易之精。問如序卦中亦見消長進退之義。

與作不是精。不得。曰。此正是事。文雜有在裏面。正是蘊。須是有一箇生出來。以至於無窮。便是精。○易未有許多道理。因有此卦。遂將許多道理搭在上面。所謂因卦以發者也。

易何止五經之源。其天地鬼神之與乎。

注陰陽有自然之變。卦畫有自然之休。此易之為書。所以為文字之祖。義理之宗也。然不止此。蓋凡管於陰陽者。雖天地之太鬼神之幽。其理莫不具於卦畫之中。為此聖人之精蘊。所以必

精義

示

於此而寄之也。朱子曰。天地是神。神是用。鬼神只是陰陽二氣屈伸。如春夏是神。秋冬是鬼。晝是神。夜是鬼。息底是神。消底是鬼。生是神。死是鬼。鼻息呼是神。吸是鬼。語是神。默是鬼。

耳按益動第三十一

華注此章合乾損益三卦以明君子思誠之方要在慎動蓋存誠是靜時事去惡進善是動時事動處有善即累其本體而靜中之所存者亦失矣故周子本以主靜為主而此獨教人於動處着力末節慎動即德念室欲遷善改過之功非有兩層

君子乾：不怠於誠然必德念室慾遷善改過而後至乾之用其善是損益之大莫是過聖人之旨深哉

注此以乾卦爻詞損益大象發明思誠之方蓋乾：不怠者體也去惡進善者用也無休則用無以行無用則休無所措故以

乾損益動

三卦合而言之或曰其字亦是莫字

朱子曰此章第一句言乾：不怠而第二句言損第三句言益者蓋以解第一句若要不息須著去念慾而有所遷改中間乾之用其善是其字疑是莫字若只是其字則無義理說不通○損益之義大矣聖人獨有取於德念室慾遷善改過何哉蓋正心修身者學問之大端而齊家治國平天下之本也古之學者無一念不在身心之中後之學者無一念不在身心之外此賢愚之所由分而聖賢之所為深戒也○德念如推小室慾如填壑○遷善當如風之速改過當如電之決○遷善改過是修德中緊要事蓋只修德而不遷善改過亦不能得長進君子乾：

不息於誠便是脩德底事下面便是接說遷善改過底事與論語德之不脩章意正相類又曰遷善改過又是兩項遷善便是有六七分是了遷而就教十分是者改過則是十分不是全然要改此遷善改過之別

愚按以上五條首條明一節大意次一條明德念室慾二語次一條明德念室慾次二條明遷善改過

華注王文鮮曰乾卦九三爻詞止言乾：大象止言不息此則合言之而繫之於誠正見君子存誠之功為脩德之本也愚按易乾卦九三爻君子終日乾：象曰君子以自強不息損卦象曰君子以懲忿窒慾益卦象曰君子以見善則遷有

乾損益動

三

過則改慾四項當分貼損益○語氣重德室遷改乾：不怠者君子立誠之心也德室遷改者君子思誠之事也有是心而後有是事無是事則是心亦不能見之定矣故注以休用言之

古凶悔吝生乎動噫吉一而已動可不慎乎

注四者一善而三惡故人之所值福常少而禍常多不可不謹

○此章論易所謂聖人之慈

問此章前面德念室慾遷善改過皆是自脩底事後面忽說動者何故朱子曰所謂德念室慾遷善改過皆是動上有過般過失須於方動之前審之方無悔吝所以再說箇動

愚按易繫詞下傳之一章吉凶悔吝者生乎動者也謂因卦爻之動而後見此則以人之動言也

說易卷一

二

家人睽復无妄第三十二

華注此篇論治天下親於家治家親於身而欲人去妄存誠以端其本故合四卦而約之於无妄意亦承上章慎動二字來

治天下有本身之謂也治天下有則家之謂也

注則謂物之可視以為法者猶俗言則例則樣也

本必端上本誠心而已矣則必善上則和親而已矣

注心不誠則身不可正親不和則家不可齊

家難而天下易家親而天下疎也

注親者難處疎者易裁然不先其難亦未有能其易者

家人睽復无妄

三

華注王文緝曰疎者可以法制故易親者每以情牽故難

家人離必起於婦人故睽次家人以二女同居而志不同行也

注睽次家人易卦之序二女以下睽象傳文二女謂睽卦兌下

離上兌少女離中女也陰柔之性外和悅而內猜嫌故同居而

異志

先所以覆降二女於媯汭舜可禪乎吾茲試矣

注覆理也降下也媯水名汭水北舜所居也堯理治下嫁二女

於媯汭將以試舜而授之天下也

華注此二節明家之所以最親而尤難之故然親於統之試

舜之利干便見身範既端最難之事初無難處故下文接

以治天下觀於家治家觀於身

是治天下觀於家治家觀身而已矣身端心誠之謂也誠心復其不善之動而已矣

注不善之動息於外則善心之生於內者無不寔矣

華注禪大事也而卜之於二女治天下觀於家也舜聖人也

而止誠之以二女治家觀於身也復其不善之動亦不外上

章懲忿窒慾改過遷善此思誠之事也至妄復則死妄便是

誠者之事王文綸曰復字只作反字看

不善之動妄也妄復則死妄矣死妄則誠矣

注程子曰死妄之謂誠

家人象復无妄

云

故无妄次復而曰先王以茂對時育萬物深哉

注无妄次復亦卦之序先王以下引无妄卦大象以明對時育

物惟至誠者能之而贊其旨之深也此章發明四卦亦皆所

謂聖人之象

西山真氏曰心不誠則私意邪念紛々交作欲身之修得乎親

不和則閨門乖戾情意隔絕欲家之正得乎夫治家之難所以

甚於治國者門內尚思易於掩義世之人固有勉於治外者矣

至其處家則或徂於妻妾之私或牽於骨肉之愛鮮克以正自

檢者而人君尤甚焉漢高帝能誅秦楚項而不能制戚姬如意

之寵唐太宗能取狄隋擢群豪而閨門慙德頤不免為蓋疎則

公道易行親則私情易溺此其所以難也不先其難未有能其

易者漢唐之君立本作則既已如斯何怪其治天下不及三代

哉夫女子陰柔之性鮮不妬忌而險諷者故二女同居則猜間

易生先欲武舜必降以二女者能處二女則能處天下矣舜之

身正而型家如此故先禪以天下而不疑也身之所以正者由

其心之誠上者無他不善之萌動於中則至反之而已誠者天

理之真妄者人心之偽妄去則誠存矣誠存則身正身正則家

治推之天下猶運之掌也

華注茂對時育萬物與華首治天下三字相應无妄則心誠

身端家之難者且齊矣况治天下之易乎對時育物有家

家人象復无妄

云

者育家有天下者育天下分有廣濶理無大小

愚按易睽卦象火動而上澤動而下二女同處其志不同行

書堯典帝曰我其試哉女於時親厥型於二女慶隆二女於

嬌汭易无妄象曰先王以茂對時育萬物此篇先由治天

下及家引起家人卦而言睽次家人之義引書言慶隆者慶

謂治裝降謂天子之女下嫁有虞也舜可禪乎原所以慶隆

之惠也復其不善之動又從上文引到復卦而言无妄次復

之義末從无妄見聖人順天時以養萬物仍歸治天下意首

尾相應易序卦傳下篇云家道窮必乖故受之以睽上者

能也上篇云復則不妄矣故受之以无妄周子說家人睽與

易小異而義各有當宜並參之

家人睽復无妄

二八

富貴第三十三

君子以道充為貴。身安為富。故常泰無不足。而銖視軒冕。塵視金玉。其重無加焉耳。

注。此理易明。而屢言之。欲人有以其知道義之重。而不為外物所移也。

朱子曰。周先生言道至貴者。不一而足。蓋是見世間愚輩。為外物所搖動。如墮在火坑中。不忍見他。故如是說。不一世人心。不在教子裏面。如發狂相似。只是自不覺也。

華注。此章言君子內重而外輕也。道充則身安。若道不充。則十事中九件吉。一件便不能無凶悔吝。亦有不安處矣。聖人

富貴

元

處亢而無悔。亦為充之極。故能爾。富貴二字。以流俗之見。相對而言。故曰為貴為富。其寔君子並無富貴二字於胸中也。○天爵在我。故曰貴無入不得。故曰富。



陋第三十四

聖人之道入乎耳存乎心。蘊之為德。行之為事業。彼以文辭而已者。陋矣。

法意同上章。欲人真知道德之重。而不溺於文辭之陋也。

程子曰。聖人之言。不得已也。蓋有是言。則是理明。無是言。則天下之理有闕焉。如彼耒耜陶冶之器。一不制。則生人之道有不足矣。聖賢之言。雖欲已得乎然。其包涵天下之理。亦甚約也。後之人。始執卷。則以文章為先。而其所為。動多於聖人。然有之。無所補。無之。無所缺。乃無用之贅言也。不止贅而已。既不得其要。則雖真失正。反害於道。必矣。

朱子曰。古之聖賢。其文可謂盛矣。然初豈有意學為如是之文哉。有是寔於中。則必有是文於外。如天有是氣。則必有日月星辰之光曜。地有是形。則必有山川草木之行列。聖賢之心。既有是精明純粹之寔。以磅礴充塞乎其內。則其著見於外者。亦必自然條理分明。光輝發越。而不可掩。蓋不必托於言語。著於簡冊。而後謂之文。但自一身接於萬事。凡其語默人所可得而見者。無遠而非文也。姑舉其最而言。則易之卦畫。書之記言。詩之詠歌。春秋之述事。與夫礼之威儀。樂之節奏。皆已到為六經。而垂萬世。其文之盛。後世固莫能及。然其所以盛而不可及者。豈其無所自來。而世亦莫之識已。又嘗答學者曰。諸詩固佳。但

此等亦是枉費功夫。不切自己底事。莫論為學。治己。治人有事。少事在如天文地理。礼樂制度。軍旅刑法。皆是著寔有用事業。無非自己本分內事。古人六藝之教。所以游其心者。正在於此。其與空言以較工拙於篇牘之間者。其損益相萬矣。

黃氏嚴孫曰。此章當與文辭章參觀。

華注。聖人之道四字。只說學者於聖人之道。當如是。非言聖人之於道也。德行之行去聲。德是仁義礼智之性。行是孝弟忠信之寔。行已是發出於外。然尚是身心上事。故曰蘊。直至事業方說行。

擬議第三十五

華注此章言思誠者當於言動上着力而後變化可成。至誠則動則變則化故曰擬之而後言議之而後動擬議以成其變化。

注中庸易大傳所指不同今合而言之未詳其義或曰至誠者究理之自然擬議者所以誠之也事也。朱子曰這變化是就人動作處說問擬之而後言議之而後動是一言一行皆即易而擬之否曰然。

華注中庸動變化是就人物感化處說此處動變化是就一身動作處說至誠通身是易其變化亦自然而不煩擬議。

擬議

三

一天道也思誠者須擬之於易而言議之於易而動。卦爻之變化以成一己之變化。

愚按擬之而後言三句見繫辭上傳之八章然此似不必執之言蓋至誠無息自能變化不窮誠之小人則必擬議而動以至於能變化變化即言動之妙於不拘者耳玩注自見小注不心泥也。

擬議第三十六

華注此章明刑亦法天治民之一端必得中正明達果斷之人而後可任。

天以春生萬物止之以秋物之生也既成矣不止則過焉故得秋以成聖人之法天以政養萬民肅之以刑民之盛也欲動情勝利害相攻不止則賊滅無倫焉故得刑以治。

注意與十一章畧同。

朱子曰聖人之心涵養發生直與天地同德品物或自遂於理以干天誅則夫輕重取舍之間亦有有決然不易之理如天地四時之運寒涼肅殺常居其半而涵育發生之心未始不流行。

乎其間。

愚按此與十一章雖大意畧同然十一章陰陽仁義並言此則重在秋與刑。

情偽微賤其變千狀易非中正明達果斷者不能治也。訟卦曰利見大人以剛得中也噬嗑曰利用熒以動而明也。

注中正本也明斷用也然非明則斷無所施非斷則明無所用二者又自有先後也訟之中無乎正噬嗑之明兼乎達訟之用。

噬嗑之動即果斷之謂也。

華注王文綽曰治獄之道中則聽不偏正則斷合理明而達則灼知情偽舉而斷則一成不移。

愚按情偽微暖者情與偽對微暖皆不情之屬微者隱而不顯暖者昧而不明也易訟卦三三象辭訟有孚窒惕中吉終利見大人象傳訟有孚窒惕中吉則來而得中也蓋則來得中言九二也其於卦變自遯三三而來則來居二當下卦之中有孚而見窒能慎而得中之象利見大人言九五也九五剛健中正以居尊位有大人之象周子錯舉為說不拘本旨噬嗑三三象辭噬嗑利用獄象傳則系分動而明雷電合而章柔得中而上行蓋以卦体卦德卦象卦變釋利用獄之詞周子但舉卦德言之而意自該也

嗚呼天下之廣主刑者民之司命也任用可不慎乎

愚按司命謂生民之命操之其人也孫武子作戰篇知兵之將民之司命周禮大宗伯之職以類燎祀司中司命

公第三十七

華注此章明公足以盡聖人推之天地不過見公之為道大也

聖人之道至公而已矣或曰何謂也曰天地至公而已矣華注公字本是仁之用然必心純乎天理而無一毫人欲之私方能因物付物而不以纖毫已見參於其際亦兼体用在內非止推已及人也○中無意必固我之見物來順應各予以應得之道而已不勞如化工造物各正性命然方是聖人至公分量

孔子上第三十八

華注此章專就春秋一書見孔子有功萬世又於正王道明

大法中由出誅亂賊一項以見其思深而慮遠

春秋正王道明大法也孔子為後世王旨而修也亂臣賊子誅死者於前所以懼生者於後也宜乎萬世無窮王祀夫子報德報功之無盡焉

愚按言孔子專舉春秋亦猶孟子歷叙群聖專舉春秋之義

孔子上

五

孔子下第三十九

華注王文緯曰此統夫子一生之道德教化而贊美之

道德高厚教化無窮定與天地參而四時同其惟孔子乎

注道高如天者陽也德厚如地者陰也教化無窮如四時者五

行也孔子其大極乎

黃氏熹孫曰按周子邵州新遷學釋菜祝詞曰惟夫子道德高厚教化無窮定與天地參而四時同與此章全同

毛

蒙第四十

童蒙求我。我正果行。如筮焉。筮叩神也。再三則瀆。泉瀆則不告也。  
 注。此通下三節。雜引蒙卦。象泉而釋其義。童稚也。蒙昧也。我謂  
 師也。筮。擇著以決吉凶也。言童蒙之人。求求於我。以發其蒙。而  
 我以正道果決彼之所行。如筮者叩神以決疑。而神告之吉否。  
 以果決其所行也。叩神求師。專一則明。如初筮則告。二三則惑。  
 故神不告。以言師亦不當決其所行也。  
 華注。王文綽曰。童蒙之志。患其多岐。故責示之以正。惠其易  
 弛。故責作之以果。  
 山下出泉。靜而清也。汨則亂。不決也。

蒙

天

注。山下出泉。大象文山。靜泉清。有以全其未發之善。故其行可  
 果。汨再三也。亂。責也。不決不告也。蓋汨則不靜。亂則不清。既不  
 能保其未發之善。則告之不足。以果其所行。而反滋其惑。不如  
 不告之為愈也。

朱子曰。泉水之始出者。必行而有漸也。

華注。山下出泉。蒙求之象也。汨則亂。再三瀆之。象也。靜者求  
 之。念無所消。清者求之。念無所雜。故其行可果。汨則本  
 質已離。亂則志趨不定。故不決也。

愚按。汨者。靜之反。亂者。清之反。仍以水言。以此再三瀆之意。  
 注。愈宜善會。

慎其始也。中乎。

注。時中者。象傳文。教當其可之謂也。初則告。瀆則不告。靜而清  
 則決之。汨而亂則不決。皆時中也。  
 華注。王文綽曰。時中之道甚大。而教當其可。亦時中之一節。  
 也可教而不教。與不可教而亦教。皆非時。即皆非中。  
 愚按。蒙卦。象辭。蒙亨。匪我求童蒙。童蒙求我。初筮告。再三瀆。  
 瀆則不告。利貞。象傳。蒙亨。以亨行。時中也。又云。蒙以養正。聖  
 功也。象曰。山下出泉。蒙。君子以果行育德。周子錯舉成文。  
 反其背。非見也。靜則止。非為也。為不止矣。其道也深乎。  
 注。此一節。引艮卦之象。而釋之。艮止也。背非有見之地也。艮其

蒙

元

背者。止於不見之地也。止於不見之地。則靜。止而無為。一  
 有為之。上心則非止之道矣。此章發明二卦。皆所謂聖人之  
 蘊而主靜之意也。

問。艮其背。非見也。朱子曰。只如非礼勿視。非謂耳無所聞。目  
 無所見也。妄殺亂色。不番聰明。淫樂惡礼。不接心術。艮其背者。  
 只如此耳。程子解艮其背。謂止於其所不見。恐如此說。費力所  
 謂背者。只是所當止也。看下文。艮其止。字解背字。所以謂之  
 止。其背艮其背。只是止於其所當止。如人君止於仁。人臣止於  
 敬。之類。人之四肢皆能動。惟背不動。有止之象。艮其背。是止於  
 其所當止之地。不獲其身。行其庭不見其人。萬物各止其所了。

便都統是理。也不見有已。也不見有人。都只是箇理。問止非為也。為不止矣。何謂也。曰止便是不作為。便不是止。曰止是以心言。否。曰是又曰易傳內欲不萌。外物不接。亦即是這止。問蒙學書之事始之之意也。良成德之事終之之意也。曰周子之意。當是如此。然於此亦可見主靜之意。靜者為主。故以蒙艮終焉。

愚按以上四條。首二條解本節。後二條疏注言主靜之意。華注動以天為無妄動。以人欲則妄矣。此程子之言。非見非為。即動以天之謂。非收視返聽。虛無寂滅也。愚按非見。謂見之所不及。當止之地也。此借背以明當止之

蒙艮

早

意。靜則止。以下不必寔貼背言。靜則止者。日用行事之間。以靜為主。而常止於其所也。止故人為不得而參之。若參以人為。即非止之義矣。或欲復粘背言。恐不免拘泥。艮卦彖辭。艮其背。不獲其身。周子說蒙卦曰。靜而消說。艮卦曰。靜則止。蒙始艮終。皆不外此。故注曰主靜之意。

總述右周子太極圖并說一篇。通書四十章。世傳舊本遺文九篇。遺事十五條。事狀一篇。無所集。皆已校定。可繕寫。其按先生之書。近歲以來。其傳既益廣矣。然皆不能無繆誤。惟長沙建安板本。為庶幾焉。而猶頗有所未盡也。蓋先生之學之與其可。以象告者。莫備於太極之一圖。若通書之言。蓋皆所以發明其蘊。而誠動靜理性命等章。為尤著。程氏之書。亦皆祖述其意。而朱仲通銘程邵公誌。頗子好學論等。乃或並其語而道之。故時逸潘公誌先生之墓。而敘其所著。亦特以作太極圖為首。稱而後乃以易通易說繫之。其知此矣。

按漢上朱震子發言陳搏以太極圖傳種放。故傳穆脩。上傳

愚注

四

先生衡山胡宏仁仲。則以種穆之傳。特先生所學之一師。而非其至者。武當祁寬居之。又謂圖象乃先生指畫以語二程。而未嘗有所為書。此蓋皆未見諸誌而言。若胡氏之說。則又未考乎先生之學之與始。卒不外乎此圖也。先生易說。久矣不傳於世。向見兩本。皆非是。其一卦說。乃陳忠肅公所著。其一繫辭說。又皆佛老陳腐之談。其甚陋而可笑者。若曰易之冒天下之道也。猶狙公之罔象狙也。觀此則其決非先生所為。可知矣。易通疑即通書。蓋易說既依經以解義。此則通論其大旨。而不繫於經者也。特不知其去易而為令名。始於何時耳。

然諸本皆附於通書之後。讀者遂誤以為書之卒章。使先生立象之微旨。暗而不明。驟而語夫通書者。亦不知其結領之在是也。長沙本既未及有所是正。而通書乃因胡氏所定章次先後。輒頗有所移易。又刊去章目。而別以周子曰加之。皆非先生之舊。若理性命之類。則一去其目。而遂不可曉。其所謂見銘碣詩文。視他本則詳矣。然亦或不能。有以發明於先生之道。而徒為重複。故建安本特據潘誌。置圖篇端。而舊之次序名章。亦復其舊。又即潘誌。及蒲左丞孔司封黃太史所記先生行事之實。刪去重複。參互考訂。合為事狀一篇。

其大者如蒲碣云。磨好剪。如快刀健斧。而潘誌云。精案嚴

錄注

四

恕務盡道理。蒲碣但云。毋未。而潘公所謂鄭夫人誌。乃為水齋其墓而改葬。若此之類。皆從潘誌。而蒲碣又云。慨然欲有所施。以見於世。又云。益思以奇自名。又云。以朝廷瓊等見用。奮發感厲。皆非知先生者之言。又載先生稱頌新政。反覆數十言。恐亦非實。若此之類。今皆削去。

至於通學之微。有諸君子所不及知者。則又一以程氏及其門人之言為正。以為先生之書之言之行。於此亦畧可見矣。然後得臨汀楊方本以校。而知其舛陋猶有未盡正者。

如系如之。當作系亦如之。師友一章。當為二章之類。又得何君管道詩序。及諸皆遊春陵者之言。而知事狀所敘。雖

淡命名之說。有失其本意者。

何君序見遺事篇內。又按廣漢張栻所跋先生手帖。據先生家譜云。瀟溪隱居在營道縣。榮樂鄉。鍾貴里。石塘橋西。瀟溪之舊名。先生寓之。廬阜以示不忘其本之意。而邵武鄉。寧為兼言。崇至其處。溪之原委。自為上下保。先生故居在下保。其地又別自號為溪日。而瀟溪之為字。則疑其出於唐刺史元結七泉之遺俗也。今按江州陳後之。亦有石塘橋。見於陳令舉廬山記。疑亦先生所寓。

覆按舊編而知筆削之際。亦有當而誤遺之者。如蒲碣自言。初見先生於合州。相語三日。夜退而嘆曰。世乃

錄注

四

有斯人耶。而孔文仲亦有祭文。序先生洪州時事。曰。公時甚少。玉色金聲。從容和藹。一府盡傾之。語。蒲碣又稱其孤風遠操。寓懷於塵埃之外。常有高棲遐遁之意。亦足以證其前所謂以奇自見等語之謬。

又讀張忠定公語。而知所論希夷種穆之傳。亦有未盡其曲折者。

按張忠定公嘗從希夷學。而其論公事之有陰陽。頗與國說意令竊疑是說之傳。固有端緒。至於先生而後得之於心。而天地萬物之理。鉅細兩明。高下精粗。無所不貫。於是始為此圖。以發其秘耳。

嘗欲別加是正。以補其闕。而病未能也。遂乃被命假守南康。遂  
獲嗣守先王之遺教。於有餘年之後。願德弗類。慙愧已深。瞻  
仰高山。益切密歡。因取舊帙。復加更定。而附著其說如此。綴板  
學官。以與同志之士。共覽觀焉。新安朱熹謹書。

通書後錄

愚按通書後錄者。朱子於通書後所錄周子及諸儒之說。以  
證通書者也。周子之說二條。皆與太極通書相表裏。諸儒所  
以論周子者六條。言之本乎周子者四條。皆以附於通書之  
後。而朱子為之註者凡四條。讀者亦可因以識濂溪之人與  
言矣。

先生名張宗範之亭曰養心。而為之說曰。孟子曰。養心莫善於寡  
欲。其為人也寡欲。雖有不存焉者寡矣。其為人也多欲。雖有存焉  
者寡矣。子謂養心不止於寡而存耳。蓋寡焉以至於無。則誠立  
明通誠立賢也。明通聖也。是聖賢非性生。必養心而至之。養心之

通書後錄

四

善有大焉如此。存乎其人而已。

注。誠立謂寔体安固。明通則寔用流行。立如三十而立之立。通  
則不惑知命而鄉乎耳順矣。

朱子曰。周子恐人以寡欲為便了。故言不止於寡欲而已。必至  
於無而後可耳。然無底工夫。則由於能寡欲。到無欲非聖人不  
能也。或問欲字如何。曰不同。此寡欲則是全不當如此者。如私  
欲之類。若是飢而欲食。渴而欲飲。則此欲亦豈能無。但亦是合  
當如此者。

荀子曰。養心莫善於誠。先生曰。荀子元不識誠。明道程先生曰。既  
誠矣。心安用養耶。



朱子曰誠實也。到這裏已成就了。此心統一於理。徹底皆實。無  
夾雜。亦無虛偽。決定恁地。又何用養耶。

明道先生曰。昔受學於周茂叔。每令尋仲尼。顏子。樂處。所樂何事。  
明道先生曰。自再見周茂叔。後。吟風弄月。以歸。有吾與點也之意。  
明道先生曰。吾年十六七時。好田獵。既見茂叔。則自謂已無此好  
矣。茂叔曰。何言之易也。但此心潛隱未發。一日萌動。復如初矣。後  
十二年。復見獵者。不覺有喜心。乃知果未也。

明道先生曰。周茂叔。窓前草不除去。問之云。與自家意思一般。子  
厚親驢鳴。亦謂如此。

通書後錄

四

伊川程先生見康節邵先生。伊川指食卓而問曰。此卓安在地上。  
不知天地安在何處。康節為之極論其理。以至六合之外。伊川嘆  
曰。平生惟見周茂叔論至此。

注此康節之子伯溫所記。但云極論。而不言其所謂云何。今按  
康節之書。有曰。天何依。曰。依乎地。曰。地何附。曰。附乎天。曰。天地  
何所依附。曰。自相依附。天依形地。地附氣其形也。有涯。其氣也。無  
涯。竊恐當時康節所論。與伊川所聞於周先生者。亦當如此。因  
附見之云。

太史黃公庭堅曰。春陵周茂叔。人品甚高。胸中灑落。如光風霽月。  
注延平先生每誦此言。以為善形容有道者氣象。

明道先生識其子端慈之墳曰。夫動靜者。陰陽之本。况五氣交運。

則益參差不齊矣。賦生之類。宜其難操者衆。而精一者間或值焉。  
以其間值之難。則其數或不能長。亦宜矣。

注此一節全用太極圖及通書中意。故以附之。後三節做此。  
明道先生銘其友李仲通之墓曰。二氣交運。今五行順施。劉柔雜  
孫兮。美惡不齊。稟生之類。今偏駁其宜。有鍾粹美兮。會元之期。聖  
雖學作兮。所貴者資。便倣皎厲兮。去道遠不。  
伊川先生作顏子所好何學論曰。天地儲精。五行之粹者為人。  
其本也。真而靜。其未發也。五性具焉。曰。仁義禮智信。形既生矣。外  
物觸其形而動於中矣。其中動而七情必焉。曰。喜怒哀懼愛惡欲。  
情既熾而益。其性鑿矣。故覺者約其情。使合於中。正其心。養其

通書後錄

四

性而已。然必明諸心。知所往。然後力行以求至焉。若顏子之非礼  
勿視。聽言動不遷怒。貳過。則其好之。篤學之。道也。

朱子曰。本是本體。真是不雜人為。靜言其初未感物時。五性使  
是真。未發便是靜。又曰。性固不可鑿。但人不循理。去傷了他。  
又曰。這一段最緊要處。只在先明諸心。知所往。窮理之事。力行  
求至踐履之事。知所往。如識路。力行求至。如行路。

黃氏瑞節曰。此論乃程夫子十八歲時所作。

程先生曰。二氣五行。劉柔雜。聖人所由。惟一理。人須要復其初。

程子曰。訂頑之言。極純無雜。秦漢以來。學者所未到。又曰。訂頑一篇。意極完備。乃仁之體也。學者其體此意。令有諸已。其位地已高。到此地位。自別有見處。不可窮高極遠。恐於道無補也。

問。訂頑意極完備。乃仁之體。此篇只發明萬物為一之意。如何見得仁體。北溪陳氏曰。非指與萬物為一處。為仁之體。乃言天理流行無間。為仁之體也。又問。此下云。寔有諸已。其地位已高。到此地位。自別有見處。不可窮高極遠。曰。見得此理。渾然無間。寔有諸已。後日用酬酢。無往而非此理。更有何事。

更何用窮高極遠。

愚按此言仁之體者。猶論語朱註。以敬立敬達。為狀仁之體。蓋舉其體段而言之也。仁者天地之元氣。萬物之生機。渾淪包育。無所不備。而其發動充盈。周通徧滿。無時而息。其在人則含萬有于性。始者心之德至全也。親之仁民愛物。而天下一家萬物。一体者。愛之理至大也。西銘備發此意。故曰。仁之體。比溪之說。似未明徹。至龜山謂其言體而不及用。程子又曰。後教使人推而行之本。為用也。何謂不及。又以見理一之中。自有分殊之義。一篇之中。体用兼該。仁存義立。未嘗有偏與此段固並行而不悖矣。

又曰。學者須先識仁。仁者渾然與物同体。義礼智信皆仁也。識得此理。以誠敬存之而已。不須防檢。不須窮索。若心懈則有防心。若不懈。何防之有。理有未得。故須窮索。存久自明。安待窮索。此道與物無對。大不足以明之。天地之用。皆我之用。孟子言萬物皆備於我。須反身而誠。乃為大樂。若反身未誠。則猶是二物有對。以己合彼。終未有之。又安得樂。訂頑意思。乃備言此体。以此意存之。更有何事。必有事焉。而勿正心。勿忘勿助。長未嘗致纖毫之力。此其存之道。若存得便。合有得。蓋良知良能。元不喪失。以昔日習心未除。却須存養此心。久則可奪舊習。此理至約。惟患不能守。既能体之。而樂亦不患不能守也。

朱子曰。明道學者。須先識仁一段。說得極好。只是說得太廣。學者難入。

北溪陳氏曰。明道此一段說話。乃地位高者之事。學者取此甚遠。在學者工夫。只從克己復礼入為最要。此工夫徹上徹下。無所不宜。問物字。是人物是事物。曰。仁者與物同体。只是言其理之一耳。人物與事物。非判然絕異。事物只自人物而出。凡已與人物。接方有許多事物出來。若於已獨立時。初無甚多事。此物字皆可以包言。所謂訂頑備言此体者。亦只是言其理之一耳。

又曰。訂頑立心。便可達天德。

又曰西銘某得此意只是源得子厚如此筆力他人無緣做得孟子以後未有人及此得此文字省多少言語要之仁孝之理備乎此源更而不於此則便不仁不孝也問西銘仁孝之理朱子曰他不是說孝是將這孝來形容這仁事親底道理便是事天底樣子○又曰因事親之誠以明事天之道只是譬喻出來下面一句事親一句事天如匪懈無忝是事親不愧屋漏存心養性是事天下而說事親兼常變而言如曾子是常舜伯奇之徒皆是變此在人事言者如此天道則不然直是順之無有不合者又曰游酢於西銘讀之已能透於心言語外立得簡意思便

西銘總論

平

能道中庸矣

西山真氏曰昔游先生見西銘即渙然不逆於心曰此中庸之理也明道先生稱其能求之語言之外近世學者或未喻其旨愚謂中庸經領在性道教三言而終篇之義無非教人以全天命之性西銘經領亦只在其体其性之二言而終篇反覆推明亦教人不失乾父坤母之所賦予者為天地克肖之子而已故游先生以為即中庸之理也豈不信哉又曰孟子之後只有原道一篇其間言語固多病然大要儘近理若西銘則是原道之宗祖也原道却只說道元未到西銘意思據子厚之文醇然無出此文也自孟子後蓋未見此書

或問伊川謂西銘原道之宗祖如何朱子曰西銘更從上而說求原道言率性之謂道西銘連天命之謂性說了○問原道上數句如何曰首句極不是定名虛位却不妨有仁之道義之道仁之德義之德故曰虛位大要未說到上頭故伊川言西銘原道之宗祖

問西銘如何曰此橫渠文之粹者也曰充得盡時如曰聖人也橫渠能充及否曰言有兩端有上德之言有造道之言有德之言說自己事如聖人言聖人事也造道之言則智人以此知此如賢人說聖人事也橫渠道儘高言儘醇自孟子後儒者都無他見識

西銘總論

五

朱子曰西銘之書指吾体性之所自來以明乾母坤之塞極樂天踐形窮神知化之妙以至於無一行之不慊而後身焉故伊川先生以為充得及時便是聖人恐非為始學者一時所見而發也又曰西銘理一而分殊

朱子曰西銘本不曾說理一分殊因人疑後方說此一句○西銘通体是一箇理一分殊一句是一箇理一分殊只先看乾稱父三字一篇中錯綜此意○問西銘理一而分殊若大君宗子大臣家相與民物等皆是分殊廣否曰也是如此但這有兩種看這是一直看下更須橫截看若只恁地看怕淺

了。且如乾稱父。坤稱母。道是父母。固是天氣而地。地與自家父母。自是有箇親疎。從這處便理一分殊了。等而下之。以至為大君。為宗子。為大臣。為家相。其理則一。其分未嘗不殊。民吾同胞。同胞裏面。便有理一分殊底意。物吾與也。吾與裏面。也有理一分殊底意。無不如此。看見伊川說這意較多。龜山便是疑同胞吾與。為近於墨氏之兼愛。不知他同胞吾與裏面。便自分箇理一分殊了。如公所說。慈地分別分殊。得也不多。這處若不細分別。直是與墨氏兼愛一般。○問西銘句。是理一分殊。亦只是事。天事親分否。曰。是乾稱父。坤稱母。只下稱字。便別這箇有直說底意思。有橫說底意思。理

西銘總論

五

一而分殊。龜山說得又別。他只是以民吾同胞。物吾與。及長長幼。為理一分殊。曰。龜山是直說底意思。否。曰。是然。龜山只說得頭一小截。伊川意則闊大。統一篇言之。曰。何謂橫說底意思。曰。乾稱父。坤稱母。便是這箇。不是即那事親底。便是事天底。曰。橫渠只是借那事親底。來形容事天底。做箇樣子。否。曰。是。○問西銘言理一處。某頗見之。言分殊處。却未見。曰。有父有母。有宗子家相。此即分殊也。○問西銘理一而分殊。曰。今人只說得中間五六句。理一而分殊。據某看時。乾稱父。坤稱母。直至存吾順事。沒吾寧也。句。皆是理一分殊。喚做乾稱坤稱。便是分殊。如云。知化則善述其事。是我述其事。寧

神則善總其志。是我總其志。又如存吾順事。沒吾寧也。以自家父母言之。生當順事之。死當安寧之。以天地言之。生能順事而無所違拂。死則安寧也。此皆是分殊處。逐句渾淪看。便見理一。當中橫截斷者。便見分殊。因問如先生後論云。推親親之厚。以大無我之公。固事親之誠。以明事天之道。看此二句。足以包括西銘之統體。可見得理一分殊處分曉。曰。然。○西銘一篇。始末皆是理一分殊。以乾為父。坤為母。便是理一。而分殊。子孫藐焉。乃混然中處。便是分殊。而理一。天地之塞吾其體。天地之帥吾其性。分殊而理一。民吾同胞。物吾與也。理一而分殊。逐句推之。莫不皆然。某於篇末。亦嘗發此意。乾

西銘總論

五

父坤母。皆是以天地之大。喻一家之小。乾坤是天地之大。父母是一家之小。大君大臣是大。宗子家相是小。類皆如此。推之舊嘗看此。寫作旁通圖。子分為二截。上下推布。亦甚分明。○西銘之書。橫渠先生之所以示人。至為深切。而伊川先生又以理一而分殊者贊之。言雖至約。而理則無餘矣。蓋乾之為父。坤之為母。所謂理一者也。然乾坤者。天下之父母也。父母者。一身之父母也。則其分不得不殊矣。故以民為同胞。物為吾與。此自其天下之父母言之。所謂理一者也。然謂之民。則非真以為吾之同胞。謂之物。則非真以為吾之同類矣。此自其一身之父母言之。所謂分殊者也。又況其曰同

應曰吾與日宗子曰家相曰老日幼日聖日賢日顛連而無  
否則於其中間又有如是等差之殊哉但其所謂理一者貫  
乎分殊之中而未始相離耳此天地自然古今不易之理而  
二夫子始發明之

愚按以上八條首條論所以言理一分殊之由次三條論理  
一分殊有直看橫看二意次一條見統體之理一分殊即直  
看之意也次三條見一句一簡理一分殊即橫截看之意也  
又曰橫渠之言不能無失若西銘一篇誰說到此今以管窺天  
固是見北斗別處雖不得見不可謂不是也

或問橫渠清虛一大之說又要兼清濁虛實朱子曰渠初云

西銘總論

清虛一大為伊川語乃云清兼濁虛兼實一華二大兼小  
渠本要說形而上反成形而下最是於此處不分明如參兩  
云以參為陽兩為陰陽有太極陰無太極他要強索精思必  
得於已而其差如此又問橫渠云太虛即氣乃是物理為虛  
似非形而下日縱指理為虛亦如夾氣作一處問西銘所  
見又的當何故却於此差日伊川云譬如以管窺天因旁雖  
不見而其見處甚分明渠他處見錯獨於西銘見得  
又曰弘而不毅則難立毅而不弘則無以居之西銘言弘之道  
觀張子厚所作西銘能養浩然之氣者也  
和靖尹氏曰見伊川後半年方得大學西銘看

道夫問尹彥明見伊川後半年方得大學西銘看此意如何  
朱子曰也是教他自就切已處思量自看平時簡是不是未  
便把那書與之讀耳又問如此則末後以此二書併授之還  
是以尹子已得此意還是以二書互相發故日他好把西銘  
與學者讀也是教他知天地間有箇道理恁地開闊○尹和  
靖從伊川半年後方得見西銘大學不知那半年是在做甚  
麼想見只是且教他聽說話曾光祖云也是初入其門未知  
次第驟時與他看未得日豈不是如此  
日人本與天地一般大只為人自小了若能自處以天地之  
心為心便是與天地同體西銘備載此意顏子克己便是能盡

西銘總論

此道  
龜山楊氏曰西銘只是發明一箇事天底道理所謂事天者循  
天理而已  
雙峰饒氏曰西銘一書規模宏大而條理精密有非片言之所  
能盡然其大指不過中分為兩節前一節明人為天地之子後  
一節言人事天地當如子之事父母何謂人為天地之子蓋人  
受天地之氣以生而有是性猶子受父母之氣以生而有是身  
父母之氣即天地之氣也分而言之人各一父母也合而言之  
舉天下同一父母也人知父母之為父母而不知天地之為大  
父母故以人而視天地常漠然與已如不相關人於天地既漠

然如不相聞。則其所存所發。宜乎無違而泝已私。而欲其順天。理過人歎。以全天地賦予之本然。亦難矣。此而銘之作。所以首。因人之良知而推廣之。言天以至健而始萬物。則父之道也。地。以至順而成萬物。則母之道也。吾以藐然之身。生於其間。稟天。地之氣。以為形。而懷天地之理。以為性。豈非子之道乎。其下總。之以民吾同胞。物吾黨。與而同胞之中。復推其大君者為宗子。大臣者為宗子之家相。高年者為兄。孤弱者為弟。聖者為兄弟。之合德。於父母。賢者為兄弟之秀。出乎等夷。疲癯殘疾。為兄弟。之顛連。而無告者。則皆所以著夫並生天地之間。而與我同類。者。雖有貴賤貧富。長幼賢愚之不齊。而均之為天地之子也。知。

西銘論

五

並生天地之間。而與我同類者。均之為天地之子。則天地為吾。之父母也。豈不昭々矣乎。故曰。前一節明人為天地之子。何謂。人事天地。當如子之事父母。蓋子受父母之氣以生。則子之身。即父母之身。人受天地之氣以生。則人之性。亦即天地之性。子。之身。即父母之身。故事親者。不可不知保養其身。人之性。即天。地之性。則事天者。亦豈可不知所以保養其性耶。此西銘之作。所以既明人為天地之子。而復因事親之孝。以明事天之道也。樂天者。不思不勉。而順行乎此性。猶人子愛親之純。而能愛其。身者也。畏天者。戰々兢兢。以保持乎此性。猶人子敬親之至。而。能敬其身者也。若夫徇私以違天理。縱欲以害其仁。無能改於。

氣稟之惡。而復增益之。則是反此性。而為天地悖德賊親。不才。之子矣。盡此性。而能踐其形者。其惟天地克肖之子乎。窮神知。化樂天踐形者之事也。存心養性。而不愧屋漏。畏天以求踐乎。形者之事也。以此修身。則為顧養。以此及人。則為錫類。以此處。常而盡其道。則為底豫。為歸全。以此處變而不失其道。則為待。烹為順令。愛惡逆順。處之若一。生順死安。兩無所憾。事親而至。於是則可以為孝子。事天而至於是。豈不可以為仁人乎。故曰。後一節言人之事天地。當如子之事父母。此篇之指大畧如此。朱夫子所謂推親之厚。以大無我之公。因事親之誠。以明事。天之道。亦此意也。嗚呼。總志述事孝子之所以事親也。存心養。

西銘論

六

性。君子之所以事天也。事親事天。雖若兩事。然事親者。即所以為。事天之推。而善事天者。乃所以為善事其親者也。又曰。西銘會古人用心要處。為文。正如杜順作法界觀樣。又曰。西銘只是要學者求仁而已。朱子曰。西銘前一段如蒸盤。後一段如人下碁。勉齋黃氏曰。嘗記師說。西銘自乾父以下。至顛連無告。如碁。局子之翼也。以下如人下碁。未曉其意。後因思之。方知其然。乾父坤母。至混然中處。此四句是緝領。言天地人之父母。人。天地之子也。天地之塞。帥為吾之體性。言吾所以為天地之。子之寔。民吾同胞。至顛連無告。言民物並生天地之間。則皆。

天地之子。而吾之兄弟黨與。特有差等之辨。吾既為天地之子。則必當全吾性。養吾性。愛敬吾兄弟黨與。然後可以為孝。子不然。則謂之悖逆之子。於時保之以下。即言人子盡孝之道。以明人之所以事天之道。所以全吾性。養吾性。愛敬吾兄弟黨與之道。盡於此矣。

又曰。西銘一篇。首三句。似人破義題。天地之帥之塞。兩句。恰似做原題。乃一篇緊要處。民吾同胞。至顛連而無告者也。乃統論如此。于時保之以下。是做工夫處。

又曰。西銘有箇直劈下底道理。又有箇橫截斷底道理。勉齋黃氏曰。竊意當時語意。似謂每句直下而觀之事。天事。

西銘總論

五

親之理皆在焉。全篇中斷而觀之。則上端是事天。下端是事親。各有攸屬。

又曰。所論西銘各處。而理實此語甚著。各雖假借。然其理則未嘗有少異也。若本無此理。則又如之何。而可強假耶。

又曰。向要到雲谷。自下上山。半途大雨。通衣皆濕。得到地頭。因思着天地之塞。吾其性。天地之帥。吾其性。時季通及某人。同在那裏。某因各人解此兩句。亦自作兩句解。後來看也。自說得着。所以逆遞。便作西銘等解。


李厚庵氏。榕村講授一條云。辛未會試發策。問及西銘。張長史。易答云。西銘之義。非專為明理一分殊也。要之教人盡性。

而已。謂人生受形性於天地。猶其受之父母。必其能守身而後為能事親。必其能盡性。而後為能事天地。故言民胞物與。總以見吾身為天地之子。而要歸於存心養性。不愧屋漏。乃盡所以事天之道。程子理一分殊之語。亦因龜山無愛之疑。而答之。朱子又因而析其義。為耳。非謂張子作書之意。端在是也。後長史又言。其有一直一橫之理。直上是父母。橫去便是兄弟。直上是祖宗。橫去便是族姓。直上是天地。橫去便是民胞物與。因其橫出兩旁者。皆與我有直上生來故。須窮到上頭。方纔得兩邊住也。愚謂人能以父母之心為心。未有不能愛其兄弟者也。能以祖宗之心為心。未有不能收其族

西銘總論

五

姓者也。能以天地之心為心。未有不能仁及民物者也。如樹之根深。則其陰必大。如水之源遠。則其流必多。緣是枝葉流。派皆與我同其原本故也。西銘先言乾坤父母。民胞物與。而自後但言事天之道。不及兼愛民物之事。蓋全乎其心之德。則愛之理在其中矣。故程子以為意極完條。乃仁之體。朱子又謂訂頑之言。示我廣居。張長史橫直之圖。如左。



兄弟  
族黨  
民物

愚按朱子解此篇分十三節分二段看則前四節為一段後九節為一段所謂如某局如下某者也細分之則首節提起次節承說三四節總說五節以下分說所謂如破義如原題統論及做工夫處也大畧看則於通体見理一於民吾同胞二節見分之殊細分之則逐句皆見理一分殊之義所謂有宜說底意思有橫說底意思是也要其大指則不出一仁字前半言天地萬物與我一体之理於時係之以下言事天以

西銘義論

六

盡仁之事所謂理一分殊者蓋以其推行之用言之以見仁之為道異於為己之私而亦不同於兼愛之濫耳固非又為一義也

西銘

朱子曰橫渠姓張名載字子厚秦人也學古力行篤志好禮為關中士子宗師嘗於學堂壁牖左書砥礪右書訂頑伊川先生曰是落筆端改日東銘西銘二銘雖同出於一時之作然其詞義之所指氣象之所及淺深廣狹判然不同是以程門專以西銘開示學者而於東銘則未嘗言蓋學者誠於西銘之言反復玩味而有以自得之則心廣理明意味自別若東銘則雖分別長做還非之失於毫釐之間所以開發後學亦不為不切然意味有窮而於下學工夫蓋猶有未盡者又安得與西銘徹上徹下一以貫之旨同日語哉

西銘

六

乾稱父坤稱母予茲藐焉乃混然中處

注天陽也以至健而位乎上父道也地陰也以至順而位乎下母道也人稟氣於天賦形於地以藐然之身混含無間而位乎中予道也然不曰天地而曰乾坤者天地其形体也乾坤其性情也乾者健而無息之謂萬物之所資以始者也坤者順而有常之謂萬物之所資以生者也乃天地之所以為天地而父母乎萬物者故指而言之

朱子曰自一家言之父母是一家之父母自天下言之天地是天下之父母○人之一身固是父母所生然父母之所以為父母者即是乾坤若以父母而言則一物各一父母若以乾坤而



言則萬物同一父母矣。萬物既同一父母。則吾體之所以為體者。豈非天地之塞。吾性之所以為性者。豈非天地之帥哉。古之君子。惟其見得道理真寔如此。所以親之而仁。民之而愛。物之推其所為。以至終能以天下為一家。中國為一人。而非億之也。今若必謂人物只是父母所生。更與乾坤都無干涉。其所以有取於西銘者。但取其姑為宏開廣大之言。以形容仁休。破有我之私而已。則是所謂仁休者。全是虛名。初無寔體。而小己之私。却甚寔理。合有分別。聖賢於此。却初不見義理。只見利害。而妄以己意。造作言語。以增飾其所無。破壞其所有也。○混然中處。言混合無間。蓋此身便是從天地來。○須子細看他說理。一而

西銘

六三

分殊而合道。天地不是父母。父母不是天地。不得分明。是一理。乾道成男。坤道成女。則凡天下之男。皆乾之氣。凡天下之女。皆坤之氣。從這裏便徹上徹下。都即是一箇氣。都透過了。○西銘自首至末。皆是理一分殊。乾父坤母。固是一理。分而言之。便見乾坤自乾坤。父母自父母。惟稱字便見異也。愚按以上五條。首二條明乾坤父母。二句次一條明渾然中處末二條。明理一分殊之義。西山真氏曰。西銘惟事親之心。以事天。蓋父母生我者也。而所以生之者。天地也。天賦以氣。地賦以形。父母固我之父母也。天地亦我之父母也。朱子曰。父母者。一身之父母也。天地者。人與

物已與人。皆共以為父母者也。父母之生我。也四肢百骸。無一不全。必能全其身之形。然後為不忝於父母。天地之生我。也五常百善。無一不備。必能全其性之理。然後為不負於天地。故仁人事親如事天。事天如事親。此又西銘之妙。指不可以不知也。○華注混然中處。言混合無間。此身內外。總是天地與朱子鯉魚肚裏水。即鯉魚肚裏水之語。同忘下節。只是申明此句。形即天地之氣性。即天地之理。所以父母兄弟等字。目再攢撲不破。愚按易說卦傳之十章。乾天也。故稱乎父。坤地也。故稱乎母。以下六卦。為其子。張子雖本易辭。而意則以天地為人物之

西銘

六三

父母猶書泰誓。所謂惟天地萬物父母也。故天地之塞。吾其體。天地之帥。吾其性。注乾陽坤陰。此天地之氣。塞乎兩間。而人物之所資以為體者也。故曰天地之塞。吾其體。乾健坤順。此天地之志。為氣之帥。而人物之所得以為性者也。故曰天地之帥。吾其性。深察乎此。則乾父坤母。混然中處之寔。可見矣。○問西銘之義。朱子曰。他緊要血脉。盡在天地之塞。吾其體。天地之帥。吾其性。兩句上。而乾稱父。至混然中處。是頭下面。民吾同胞。物吾與也。便是箇項下面。便撒開說許多大君吾父母宗子云。盡是從民吾同胞。物吾與也說來。到得知化則著述其

事窮神則善總其志。這志便只是那天地之帥。吾其性底志。為人子便要述得父之事。而總得父之志。如此方是事親如事天。便要述得天之事。總得天之志。方是事天。若是違了此道理。便是天之悖德之子。若害了這仁。便是天之賊子。若是濟惡不悛。便是天之不才之子。若能踐形。便是克肖之子。這意思。血脉都。是從天地之塞。吾其性。天地之帥。吾其性。說緊要都是這兩句。若不是此兩句。則天自是天。我自是我。有何干涉。或問此兩句。便是理一處否。曰然。○塞只是吾之體。即天地之氣。帥是主宰。乃天地之常理也。吾之性。即天地之理。○問天地之塞如何。是塞曰。塞與帥字。皆張子用字妙處。塞乃孟子塞天地之間。體。

西銘

奇

是孟子氣。充之充者。有一毫不滿之處。則非塞矣。帥乃志氣之帥。而有主宰之意。此西銘借用孟子論浩然之氣處。若不是此二句。為之開經。則下文言同胞。言兄弟等句。在他人中物。皆與我初何干涉。其謂之兄弟同胞。乃是此一理。與我相為貫通。故上說父母下說兄弟。皆是其血脉過度處。西銘解塞帥二字。只說大槩。若要說盡。須用起疏注可也。○天地之塞。似亦著擴充字。不得但謂充滿乎天地之間。莫非氣。而吾所得以為形骸者。皆此氣耳。天地之帥。則天地之心。而理在其中也。○塞是說氣。孟子所謂以直養而無害。則塞乎天地之間。即用這箇塞字。張子此篇大抵皆古人說話集來。○問天地之塞。吾其性。塞者日。

月之往來。寒暑之遞更。與夫星辰之運移。山川之融結。又五行質之所具。氣之所行。無非塞乎天地者。曰塞字。意得之。○問天地之帥。吾其性。先生解以乾健坤順為天地之志。天地安得有志。曰復其見天地之心。天地之情。可見。安得謂天地無心。情乎。或問福善禍淫。是天地之志否。曰程先生說天地以生物為心。最好。此乃是無心之心也。

愚按以上七條。前條明二句大意。次三條明塞字帥字之義。次三條解塞字。末一條疏注天地之志。句。民吾同胞。物吾與也。

西銘

室

得以為性者。皆天地之帥也。然性有偏正之殊。故其於性也不無明暗之異。惟人也。得其形氣之正。是以其心最靈。而有以通乎性命之全体。於並生之中。又為同類。而最貴焉。故曰同胞。則其視之也。皆如己之兄弟矣。物則得夫形氣之偏。而不能通乎性命之全。故與我不同類。而不若人之貴。然原其性之所自。是亦本之天地。而未嘗不闢也。故曰吾與。則其視之也。亦如己之儕輩矣。惟同胞也。故以天下為一家。中國為一人。如下文所云。惟吾與也。故凡有形於天地之間者。若動若植。有情無情。莫不有以著其性。遂其宜焉。此儒者之道。所以必至於參天地贊化育。然後為功用之全。而非有所強於外也。

朱子曰。通是一氣。初無間隔。民吾同胞。物吾與也。萬物雖皆天地所生。而人獨得天地之正氣。故人為最靈。故民吾同胞。物則亦我之儕輩。孟子所謂親。而仁民。仁民而愛物。其等差自然如此。問物吾與也。莫是黨與之與否。曰。然。問面銘理一分殊。莫是民吾同胞。物吾與也之意。曰。民物固是分殊。須是就民物中。又各知得分殊。不是伊川說破也。雖理會然。看久自覺裏面有分別。

愚按以上三條。首條明二句大意。次條解與字。末條明理一分殊之義。

大君者。吾父母宗子。其大臣宗子之家相也。尊高年所以長其長。

慈孤弱所以幼其幼。聖其合德。賢其秀也。凡天下疲癯殘疾。惇獨鰥寡。皆吾兄弟之類。連而無告者也。

注。乾父中。母而人生其中。則凡天下之人。皆天地之子矣。然總承天地。統理人物。則大君而已。故為父母之宗子。輔佐大君。經紀衆事。則大臣而已。故為宗子之家相。天下之老一也。故凡尊天下之高年者。乃所以長吾之長。天下之幼一也。故凡慈天下之孤弱者。乃所以幼吾之幼。聖人與天地合其德。是昆弟之合德乎。父母者也。賢者才德過於常人。是兄弟之秀出乎等夷者也。是皆以天地之子言之。則凡天下之疲癯殘疾。惇獨鰥寡。非吾兄弟無告者而何哉。

朱子曰。許多人物。生於天地之間。同此一氣。同此一性。便是吾兄弟。黨與大小等級之不同。便是親疎遠近之分。○人皆天地之子。而大君乃其遠長子。所謂宗子有君道者也。故曰大君者。乃吾父母之宗子耳。非如所謂既為父母。又降而為子也。問宗子如何是遠長子。曰。此正以總稱之宗為喻耳。總稱之宗。兄弟宗之。非父母之遠長子而何。○凡天下疲癯殘疾。惇獨鰥寡。吾兄弟類連而無告者也。君子之為政。且要主張這一等人。

愚按以上三條。首條統明一節大意。次條明大君者。父母宗子。末條明疲癯殘疾三句。○華注。此又於民字極參差不齊之內。條分縷析。以見其總是。

西銘

三

同胞。蓋西銘一書。明理一分殊之旨。同胞是理一。其中又有箇分殊在。方與佛氏一切平等。無疏戚君臣上下之分者迥別。此節從大君直說到疲癯殘疾。一一還他等級。分殊處何等井井然。分之殊者。既別得清理之一者。愈覺融徹。又須知都是天理之自然。非以已見穿鑿配搭也。

愚按此俱從民吾同胞句推小。禮曲禮下篇祭必告於宗子。陳注。宗子上總祖禰。族人兄弟皆宗之。易乾卦文言。夫大人者。與天地合其德。史記平原君列傳。臣不幸有疲癯之疾。書洪範。無虐殘獨。孟子。天下之窮民而無告者。

千時保之子之翼也。樂且不憂。純乎孝者也。

注畏天以自保者。猶其敬親之至也。樂天而不憂者。猶其愛親之至也。

朱子曰。西銘首論天地萬物與我同體之意。固極宏大。然其所論事天工夫。則自于時保之以下。方極親切。○問西銘自乾稱父坤稱母。至民吾同胞。物吾與也。處是仁之体。于時保之以下。是做工夫處。曰。若言同胞。吾與了。便說着博施濟衆。却不是。所以只教人做工夫。處只在敬與恐。恨。故曰。于時保之子之翼也。能常敬而恐。恨。則這箇道理自在。

華注。畏天者。無一念不在於天。故曰敬之至。樂天者。與天心直是合同而化。故曰愛之純。

愚按此亦從孟子畏天樂天取意。畏者勉然。樂者自然也。詩周頌。我將焉畏。天之威于時保之大雅。大明篇。小心翼昭。昭事上帝。易繫辭上傳之四章。樂天知命。故不憂。左傳。隱公元年。類考叔純孝也。

達曰。悖德害仁曰賊。濟惡者不才。其踐形惟肖者也。

注不徇天理而徇人欲者。不受其親而愛他人也。故謂之悖德。戕滅天理。自絕本根者。賊殺其親。大逆無道也。故謂之賊。長惡不悛。不可教訓者。世濟其凶。增其惡名也。故謂之不才。若夫盡人之性。而有以充人之形。則與天地相似而不違矣。故謂之肖。華注王文。解曰。踐形惟肖。即所謂秀與合德者也。

愚按踐形。惟肖。為下。數節之經。下皆踐形之實也。孝經重治章。不愛其親而愛他人者。謂之悖德。濟惡不才。用舜誅四凶事。見左傳。文公十八年。賊即亂。亂賊子之賊。踐形亦用孟子語。

知化則善述其事。窮神則善總其志。

注。孝子善總人之志。善述人之事者也。聖人知變化之道。則所行者無非天地之事矣。通神明之德。則所存者無非天地之心矣。此二者皆樂天踐形之事也。

問。知化則善述其事。窮神則善總其志。其旨如何。朱子曰。聖人之於天地。如孝子之於父母。化者。天地之用。一過而無迹者也。

知之則天地之用在。我。如子之述父事也。神者。天地之心。常存而不測者也。窮之則天地之心在我。如子之總父志也。得其心而後可以語其用。故曰窮神知化。而中庸曰致中和。天地位焉。萬物育焉。亦此之謂歟。○如知得德地便生。知得德地便死。知得德地便消。知得德地便長。此皆是總天地之志。隨他德地進退消長盈虛。與時偕行。小而言之。飢食渴飲。出入息大而言之。君臣便有義。父子便有仁。此都是述天地之事。花底是氣。故喚做天地之事。神底是理。故喚做天地之志。窮神者。窺見天地之志。這箇無形無迹。那化底却又都見得。

愚按易繫辭下傳之五章。窮神知化。德之盛也。

不愧屋漏為無忝存心養性為匪懈

注孝經引詩曰無忝爾所生故事天者仰不愧俯不怍則不忝乎天地矣又曰夙夜匪懈故事天者存其心養其性則不懈乎事天矣此二者畏天之事而君子所以求踐夫形者也

愚按上節與下惡旨酒節皆以二事對舉此雖舉二成語為說然存心養性正所以不愧之寔難以截分為二事注二字須善會尚不愧於屋漏大雅抑之詩也夙與夜寐無忝爾所生小雅小宛之詩孝經引以証士之孝者也夙夜匪懈以事一人大雅燕民之詩孝經引以証卿大夫之孝者也匪懈屬人臣此借以言人子存心養性用孟子語

惡旨酒崇伯子之頑養育英才類封人之錫類

注好飲酒而不顧父母之養者不孝也故遏人欲如禹之惡旨酒則所以顧天之養者至矣性者萬物之一源非有我之得私也故育英才如類考叔之及莊公則所以永錫爾類者廣矣

華注惡旨酒亦遏人欲之一端此與孟子同意是舉一以見其全也顧養亦不必粘酒說○父母頑人皆孝天地頑人皆為聖賢已能樂天畏天而教育英才使之亦知畏天樂天此亦天之大孝子也

愚按此以明德新民對舉也索隱謂縣初受堯封為崇侯故稱禹曰崇伯子疏儀狄而絕旨酒事見戰國策鄭類考叔類

類事見左傳隱公元年孔子不匱永錫爾類大雅既醉之詩

左氏引以美考叔者也顧養育英才皆用孟子語

不弛勞而底豫舜其功也無所逃而待烹申生其恭也

注舜盡事親之道而瞽瞍底豫其功大矣故事天者盡事天之道而天心豫焉則亦天之舜也申生無所逃而待烹其恭至矣故事天者天壽不貳而修身以俟之則亦天之申生也

問類封人之錫類申生其恭二子皆不能無失處豈能盡得孝道朱子曰西銘本不是說孝只是說事天但推事親之心以事天耳二子就此處論之誠是如此蓋事親却未免有正不正處若天道純然則無正不正之處只是推此心以奉事之耳

華注此即孟子教人立命之旨幸而順則為舜不幸而逆則為申生在我只盡事之上道不以順逆介懷方是天之孝子

愚按此與下節皆以常變對舉也舜遭父頑母暴亦未必為順故朱子謂舜伯奇之徒皆是變然以視申生之死亦自有順逆之分故雙峯饒氏以待烹順令為處變○不弛勞者不懈其怨慕之心也卒致底豫故曰功底豫用孟子語申生事見左傳隱公四年申生自縊曰待烹者甚言其不避死也後謹曰恭世子

體其受而歸全者參乎勇於從而順令者伯奇也注父母全而生之子全而歸之若曾子之放手故足則體其所

受乎親者而歸其金也。况天之所以予我者。無一善之不備。亦全而生之也。故事天者。能體其所受於天者而歸全之。則亦天之曾子矣。子於父母。東西南北。惟令之從。若伯奇之履霜中野。則勇於從而順令也。况天之所以命我者。吉凶禍福。非有人欲之私。故事天者。能勇於從而順受其正。則亦天之伯奇矣。問申生之不去。伯奇之自沉。皆陷父子惡。非中道也。而取之與舜曾同何也。朱子曰。舜之底豫。贊化育也。故曰功申生待烹。順受而已。故曰恭。曾子歸全。其所以與我者。終身之仁也。伯奇順令。順其所以使我者。一事之仁也。伯奇尹吉甫之子。其事不知據何書為寔。自沉恐未可盡信。然彼所事者。人也。人則有妄。

西銘

三

故有隔父之失。此所事者。天也。天豈有妄。而又何隔耶。西銘大率借彼以明此。不可着迹論也。問自惡肯酒至勇於從令。此六聖賢事。可見理一分殊乎。曰惡肯酒。有英才。是事天。頤養及錫類。則是事親。每一句皆存兩義。推類可見。

愚按上二條。前條明引申生伯奇之意。後條明理一分殊之義。

黃氏熈孫曰。履霜操。伯奇所作也。吉甫聽后妻之言逐之。伯奇編水荷而衣。採棹花而食。清朝履霜。自傷無罪見逐。乃援琴而歌。曲終投河而死。家語曰。曾參遺妻告其子曰。高宗以後妻殺孝已。尹吉甫以後妻殺伯奇。

華注。休受。歸全。在修身。盡倫。大處說。勇從順。今在臨事應變。要細處說。

愚按禮祭義。父母全而生之。子全而歸之。可謂孝矣。孝經諫諍篇。曾子曰。敢問子從父之令。可謂孝乎。

富貴福澤。將厚吾之生也。貧賤憂戚。庸玉汝於成也。

注。富貴福澤。所以大奉於我。而使吾之為善也。輕貧賤憂戚。所以拂亂於我。而使吾之為志也。篤天地之於人。父母之於子。其故心豈有異哉。故君子之事天也。以周公之富而不至於驕。以顏子之貧而不改其樂。其事親也。愛之則喜。而弗忘。惡之則懼。而無怨。其心亦一而已矣。

朱子曰。敬天當如敬親。戰戰兢兢。無所不至。愛天當如愛親。無所不順。天之生我。安頓得好。令我富貴崇高。便如父母愛我。當喜而不忘。安頓得不好。令我貧賤憂戚。便如父母欲成就我。當勞而不怨。

華注。此於境遇。開頭教人。事天也。世人非富貴。即貧賤。非福澤。即憂戚。若知上天同以成人之德。則無論何等樣人。總當畏天樂天。而不可以約樂亂其心。

愚按書大禹謨。正德利用厚生。惟和。詩大雅民勞篇。王欲玉女。是用大諫。集傳。玉實愛之意。言王欲以女為玉。而實愛之。張子則附以言天之愛人而成之也。

存吾順事。沒吾寧也。

注。孝子之身存。則其事親者。不違其志而已。沒。則安而無所愧。於親也。仁人之身存。則其事天者。不違其理而已。沒。則安而無所愧。於天也。蓋所謂朝聞夕死。吾得正而斃焉者。故張子之銘。以是終焉。

華注。此於生死。開頭教人。事天以見人。自少而壯。而老而死。總是事天之日。然必存順方得沒寧。孝子一生。能順其親。方可安然見祖宗於地下。若悖逆不才之子。其不寧可知。人之於天。亦然。一生畏天。樂天。不愧不怍。沒時。便與大化融洽。無間。若違者。害仁者。弊惡者。其不寧亦可知。

西銘

七四

愚按。此總結通篇順事內。該知化窮神以下之意。沒寧。則完其乾坤中處之體而已矣。注以沒寧屬孝子仁人。而總結內所謂沒寧安寧之者。蓋未定之說耳。

總注。天地之間。理一而已。然乾道成男。坤道成女。二氣交感。化生萬物。則其大小之分。親疏之等。至於十百千萬。而不能齊也。不有聖賢者。孰能合其異。而反其同哉。西銘之作。意蓋如此。程子以為明理一而分殊。可謂一言以蔽之矣。蓋以乾為父。以坤為母。有生之類。無物不然。所謂理一也。而人物之生。血脉之屬。各親其親。各子其子。則其分亦安得而不殊哉。一統而萬殊。則雖天下。一家。中國。一人。而不流於燕愛之微。萬殊而一本。則雖親疎異情。貴賤異等。而不格於為我之私。此百銘之大指也。親其推親。之厚。以大無我之公。因事親之誠。以明事天之道。蓋無遠而非所謂分立而推理一也。夫豈專以民吾同胞長。

總注

七五

切。為理一。而必點識於意。言之表。然後知其分。之殊。哉。且所謂稱物平施者。正謂稱物之宜。以平吾之施云耳。若無稱物之義。則亦何以知夫所施之平哉。龜山第二書。蓋欲以發明此意。然言不盡。而理有餘也。故愚得因其說。而遂言之如此。同志之士。幸相與折衷焉。○嘉既為此解。後得尹氏書云。楊中立答伊川先生論西銘書。有釋然無惑之語。先生讀之曰。楊時也未釋然。乃知此論所疑。第二書之說。先生蓋亦未之許也。然龜山語錄有曰。西銘理一而分殊。知其理一。所以為仁。知其分殊。所以為義。所謂分殊。猶孟子言親。而仁民。仁民而愛物。其分不同。故所施不能無差等耳。或曰。如是則体用果離而為二矣。日用。

未嘗離體也。以人觀之。四肢百骸。具於一身者。體也。至其用處。則首不可以加履。足不可以納冠。蓋即體而言。而分已在其中矣。此論分別異同。各有歸趣。大非答書之比。豈其年高德盛。而所見始益精欤。因復表而出之。以明答書之說。誠有未釋然者。而龜山所見。蓋不終於此而已也。乾道壬辰孟冬朔旦。熹謹書。

○始予作太極西銘二解。未嘗敢出以示人也。近見儒者多議兩書之失。乃或未嘗通其文義。而妄肆詆訶。下竊悼焉。因出此解以示學徒。使廣其傳。庶幾學者山窮以得意。而知其未可以輕議也。淳熙戊申二月己巳晦。翁題。

龜山楊氏上程子書曰。竊謂道之不明。智者過之。西銘之書。其

龜山

楊氏

幾於過乎。昔之問仁於孔子者多矣。雖顏子。仲弓之徒。所以告之者。不過求仁之方耳。至於仁之體。未嘗言也。孟子曰。仁人心也。義人路也。言仁之最親。無如此者。然亦体用兩言之。未聞如西銘之說也。孔孟豈有隱哉。蓋不敢過之。以起後學之弊也。且墨氏之兼愛。固仁者之事也。其流遂至於無父。豈墨氏之罪哉。孟子力攻之。必歸罪於墨子者。正其本也。故君子言必慮其所終行。必稽其所敝。正謂此耳。西銘發明聖人之微意。至深然而言体而不及用。恐其流遂至於兼愛。則後世有聖賢者出。推本而論之。未免歸罪於橫渠也。時竊憂意此書。蓋西人共守而行之者。欲得先生一言。推明其用。與西銘並行。庶乎体用兼明。

龜山

楊氏

學者免於流謫也。橫渠之學。造極天人之蘊。非後學所能窺測。然所疑如此。故輒言之。先生以謂如何。○程子答書曰。橫渠之言。誠有過者。乃在正蒙西銘之為書。推理以存義。擴前聖所未發。與孟子性善養氣之論同功。二者亦前聖所未發。豈墨氏之比哉。西銘明理一而分殊。墨氏則二本而無分。老幼及人。理一也。愛無差等。本二也。分殊之微。私勝而失仁。無分之罪。兼愛而無義。分立而推理。一以正私勝之流。仁之方也。無別而迷兼愛。至於無父之極。義之賊也。子比而同之。過矣。且謂言体而不及用。彼欲使人推而行之。本為用也。反謂不及。不亦異乎。○龜山第二書曰。辱示西銘微旨。伏讀竟日。曉然具悉。如侍几席。親

訓誨也。時昔從明道。即授以西銘使讀之。尋繹累日。乃若有得。於是始知為學之大方。固將終身佩服。豈敢妄疑其失。此同於墨氏前書所論西銘之書。以民為同胞。長其長。幼其幼。以鰥寡孤獨為兄弟之無告。蓋所謂明理一也。然其辭無親。之辭。非明者。庶識於意言之表。烏知所謂理一而分殊哉。故竊恐其流遂至兼愛。非謂西銘之書。為兼愛而發。與墨氏同也。古之人。所以大過人者。無他。善推其所為而已。老吾老。以及人之老。幼吾幼。以及人之幼。所謂推之也。孔子曰。老者安之。少者懷之。則無事乎推矣。無事乎推者。理一故也。理一而分殊。故聖人稱物平施。茲所以為仁之至。義之盡也。欽何謂稱物。遠近親疎。各當其



分所謂稱也。何謂平施所以施之。其心一為所謂平也。時者若  
窈意西銘之書有平施之心。無稱物之義。故曰言体而不及用。  
蓋指仁義為說也。故仁之過其散無分。無分則妨義。之過其  
流自私。自私則害仁。害仁則楊氏之為我也。妨義則墨氏之兼  
愛也。二者其失雖殊。其得罪於聖人則均矣。西銘之旨。隱與難  
知。固前聖所未發也。前書所論。竊謂過之者。疑其辭有未達耳。  
今得先生開論丁寧傳之學者。自當釋然無惑也。  
愚按龜山第一書以萬物一体者為仁之体。以推行有序者  
為仁之用。而謂西銘未及推行之序。為言体而不及用。故曰  
体用指仁義為說也。然仁者心之德。愛之理。宜以存發分体

用則言萬物一体亦屬用愛一達正仁之用而何以謂之僅  
言体耶。程子謂理一分殊又謂分立而推理一其言約而  
盡矣。龜山第二書意在理前書之所疑。但緊言稱物平施之  
理而未詳推理一分殊之義。故程子謂其未能釋然無惑。朱  
子總註之論全為第二書而發。謂為道答第二書可也。  
問龜山說如其理一所以為仁知其分殊所以為義。仁便是体  
義便是用。否。朱子曰。仁只是流出來底。義是合當做底。如水流  
動處是仁。流為江河滙為池沼便是義。如惻隱之心便是仁。愛  
父母愛兄弟愛鄉黨愛朋友自有許多等差便是義。且如敬只  
是一箇敬。到敬君敬長敬賢便有許多般樣。禮也是如此。如天

千七廟諸侯五廟。這箇便是礼。其或七或五之不同。便是義。礼  
是理之節文。義便是事之所宜處。呂與叔說天命之謂性。自新  
而總喪服異等。而九族之情無所憾。自王公至皂隸儀章異制。  
而上下之分莫敢爭。自是天性合如此。且如一堂有十房父子。  
到得父各慈其子。各孝其父。而人不嫌者。自是合如此也。其  
慈其孝。這便是仁。各親其親。各子其子。這便是義。這箇物事分  
不得流出來。便是仁。仁打不動。義礼智便隨在這裏了。不是要  
仁使時義却留在後面。少間放出來。使其寔只是一箇道理。論  
着界分。便有許多分別。  
愚按此發明龜山理一分殊之義。而以仁義礼智之事為仁

之体。以仁義礼智之各當者為仁之用。蓋以專言者明之。較  
前後僅言愛之理者。義更廣矣。玩此則知西銘前半言萬物  
一体者。非為用愛而設。乃舉性量本然之全体。後半言聖  
賢盡性者。非為言成己之學。乃所以盡吾性体用之全量也。  
南軒張氏曰。西銘謂以乾為父。坤為母。有生之類無不皆然。所  
謂理一也。而人物之生血脉之屬各親其親。各子其子。則其分  
亦安得而不殊哉。是則然矣。然即其理一之中。乾則為父。坤則  
為母。民則為同胞。物則為吾與。若此之類。分固未嘗不具焉。龜  
山所謂用未嘗離体者。蓋有見於此也。似更須說破耳。人之  
有是身也。則易以私。則失其正理矣。西銘之作。惟患夫私勝

之流也。故推明理之一以示人。理則一而其分森然。自不可易。惟識夫理一乃見其分之殊。明其分殊則所謂理之一者斯周流而無敵矣。此仁義之道所以常相頤也。學者存此意。涵泳體察。求仁之要也。天地位而萬物散殊。其親疏皆有一定之勢。然不知理一則私意將勝。而其流弊將至於不相管攝而害夫仁。故西銘因其分之立而明其理之本。一所謂以止私勝之流。仁之方也。雖推其理之一而其分森然者。自不可亂。義蓋所以存也。大抵儒者之道為仁之至。義之盡者。仁立則義存。義精而後仁之體為無敵也。如以民為同胞。謂尊高年為老。其老慈孤弱為幼。其幼是推其理一而其分殊固自在也。故曰分立而

總注

今

推理一以止私勝之流。仁之方也。若龜山以無事乎推為理一。且引聖人老者安之。少者懷之為說。恐未知西銘推理一之指也。

愚按南軒四條首條即總注以乾為父。數語而補明其意。後三條皆明所謂分立而推理一以止私勝之流者。要之皆明理一分殊之義。以發明伊川答書之旨也。

叙

從來書理漆闇緣註疏家勦襲陳言不由心悟。又或妄叅己說扣槃捫燭。使古人精意晦蝕。故遇白家婢所共曉。輒累牘不休。至疑義所積。仍如岫嶁碑文。絕少註脚。如此

正蒙序

著書唐荆川所謂大地作架子。安頓不下者也。余幼讀性理一書。謂正蒙十七篇多文不屬義。不貫字句。佶屈聱牙。不耐人口。後反復翫味。始漸得其意旨。脈絡所在。莊生云。每至於族。吾知其難為。正蒙之

爲族也夥矣但碎盤示兒百物具  
在天地鬼神幽明隱顯本末精粗  
通貫爲一張子一生苦心極力之  
所考索淺夫鹵莽之胸詎應探討  
至此耶王子槐三乃余辛丑分校  
所得士其學淵邃淹博而說理必

正蒙序

二

根據六經濂洛關閩之學原原本  
本探喉而出蓋宋儒一燈至今未  
闇也今年春過余署中以所得正  
蒙初義相質皆其手所編錄簡別  
去畱每節中先詳橫渠所徵引以  
攷其緣流次錄先儒所論辨以見

其意指次乃彙輯諸家之說而融  
會貫穿以折衷之其各篇中或立  
義以詮經或藉經以闡道或與漢  
注唐疏相表裏或與河南新安相  
發明莫不虛心熟復務求旨趣所  
歸宿而不肯傅會轆轤以殉人亦

正蒙序

三

不肯爲穿鑿繆盭之譚驅人而就  
我其於首末二篇分太虛三層神  
道性命之旨微乎渺乎蓋直空舊  
說自闢蠶叢尋見廬山真面目卽  
起子厚子於今日亦當莞爾笑也  
昔之讀是書者如觀武侯陳圖迷

離其中莫得其龍虎鳥蛇布置所  
在王子是書璧合珠聯犀分鑑朗  
力研於人之所難而精思冥契於  
數百年之上爲功吾道詎不偉哉  
近有謂原本篇目爲關中諸子之  
妄作者欲以詮釋經傳之文分門

正蒙序

四

彙集一更其舊余詢之王子王子  
曰是僅以傳注視此書也先生釋  
經之文固多然往往藉經以傳己  
意如此分彙將不無牽合割裂強  
爲之屬是陽護瀟而陰操戈非植  
所敢出也余隨其言因併紀之以

侯後之君子

昔

雍正元年秋七月通家生虛齋鄭  
其儲書



正蒙序

五

原起

余家世讀書未嘗就外傳幼時從家君授讀繼從先大父館於外先大父爲學非聖之書不讀歲九經性理誦必周年八十餘猶彊記不忘諸從遊問典故必舉某經篇目分割辭義示之或取先儒之說相發明余讀四子書成誦卽授孝經繼以太極通書西銘繼以正蒙曰註疏僅詮聖人之言濂洛關閩所以傳聖人之意也實裨

正蒙序

身心學不可後然余苦正蒙難讀且以少註說爲憾偶得一家言皆質問大畧藏諸篋中書不可得者必借錄成帙如是者積之久乙酉鄉薦後洊歷四方獲與十五國賢士遊輒時時以此爲志蓋閱二十餘載一再易藁而後敢彙而次之當其曉披夜誦朝信暮疑舊說之存者什五六而已其直空舊說自出心悟者亦往往而有也先是同邑朱子銳臣晉州趙子彤元皆嘗有

志於是互相往復者歲餘辛丑春謬叨南宮攜所業於京邸同年生蜚英陳君見而嗜之攜之去次第手寫成冊隻字片語皆惜若拱璧然余曰是書粹諸家成言頗踵訓詁餘習聊備初學之一義耳方欲芟其蕪冗祛其岐二以易今藁君何嗜之篤乎陳君曰說書欲瑩白如話此帙詳明曉暢人人如意所欲出況橫渠得自苦思力索之餘方晦澀是懼何必若郭象註莊又以

正蒙序

羣牙詰屈與橫渠較奇耶精理久蝕請就我錄本速成之何如余曰諾哉遂與家弟膺如寧文慎加覆校大義則決之家君三閱月而告竣旣爲臆說十有七條總其綱要復識所由於書首以歸陳君是正焉深澤王植自序

正蒙目次

太和第一

參兩第二

天道第三

神化第四

動物第五

誠明第六

大心第七

中正第八

至當第九

正蒙目次

三

作者第十

三十一

有德十二

有司十三

大易十四

樂器十五

王禘十六

乾稱十七

月而告竣既為臆說十有七條總

其綱要復書所由於篇首以書歸

陳君是正焉雍正元年春王正月

深澤後學槐三王植自記



正蒙序

序論

程子答張子書曰。所論大概有苦心極力之象。而無寬裕溫柔之氣。非明虛所照。而考索至此。故意壓偏。而言多窒小。出入時有之。明所照者。如目所睹。纖微盡識之矣。考索至者。如揣料於物。見彷彿耳。能無差乎。更望克養思慮。涵泳義理。他日自當條暢。○子厚謹嚴。總謹嚴便有迫切氣象。無寬舒之意。○答楊中立。○書云。橫渠之言。誠有過者。乃在正蒙。○子厚以清虛一大。明天道。是以器言。非形而上者。○橫渠立清虛一大。為萬物之源。恐未安。須兼清濁虛實。乃可言神道體物不遺。不應有方所。○龜山楊氏曰。正蒙之言。關中學者尊信之。與論語等。其徒未嘗輕

序論

以示人。蓋恐未信者。不惟無益。徒增其鄙慢耳。如西銘一篇。伊川謂與孟子性善養氣之論同功。皆前聖所未發也。詳味之。乃見其用意之深。性命之說。雖楊雄猶未能造其藩籬。况他人乎。而世儒易言之。多見其妄也。孔子曰。五十而知天命。以孔子之聖。猶待五十而後知。則所知蓋有未易言者。非止如世儒之說也。學者當求之聖人。不當徒為空言而已。○五峯胡氏曰。先生極天地陰陽之本。窮神化一天人。所以息邪說。而正人心。故自號其書曰正蒙。其志大。其慮深。且遠矣。○朱子曰。橫渠作正蒙時。或夜裏點坐。徹曉其勇如此。故其書規模廣大。欲盡窮萬物之理。○正蒙精深難窺測。要其本原則不出

六經語孟。且熟讀語孟。以程門諸公之說求之。涵泳其間。自有

所得。然後此等文字。可循序而及。方見好處。如今不須難博。却不濟事。無收拾也。若果於此有味。則世間一種無緊要文字。皆是妄言綺語。自無工夫看得矣。○正蒙所論道體。覺得源頭有未是處。故伊川云。過處乃在正蒙。答書之中云。非明虛所照。而考索至此。蓋橫渠却只是一向苦思。求將向前去。却欠涵泳。以待其義理自形見處。如云。由氣化有道之名。說得是好。終是生受辛苦。聖賢便不如此說。試教明道說。便不同。如以太虛太和為道體。却只是說得形而下者。皆是發而皆中。節謂之和處。○正蒙說道體處。如太和太虛。空云者。止是說氣說聚散處。其

序論

流乃是箇大輪迴。蓋其思慮考索所至。非性分自然之知。若語道理。惟是周子說無極而太極最好。如由太虛有天之名。由氣化有道之名。合虛與氣有性之名。合性與知覺有心之名。亦說得有理。由氣化有道之名。如所謂率性之謂道是也。然使明道形容此理。必不如此說。伊川所謂橫渠之言。誠有過者。乃在正蒙。以清虛一大為萬物之原。有未安等語。概可見矣。○答江仲謀論正蒙書曰。道之極致。物我同為一矣。然豈獨物我之間。驗之蓋天地鬼神幽微隱顯。本末精粗。無不通貫而為一也。正蒙之旨。不外是。然聖賢言之亦已多矣。正蒙之作。復何為乎。然須反覆研究其說。求其所以一者而合之。於其所謂一者。必錄。

而較之。至於鈞而必合。寸而度之。至於丈而不差。然後為得也。

門人范育序曰。張夫子之為此書也。有六經之所未載。聖人之所未言。蓋道一而已。語上極乎高明。語下涉乎形氣。語大至於無間。語小入於無朕。一有窒而不通。則於理為妄。正蒙之言高者。抑之卑者。舉之虛者。定之礙者。通之衆者。一之合者。散之要之。立乎大中。至正之矩。天之所以運。地之所以載。日月之所以明。鬼神之所以動。風雲之所以變。江河之所以流。物理以辨。人倫以正。造端者微。成能者著。知德者崇。就業者廣。本末上下。貫乎一道。過乎此者。淫適之狂言也。不及乎此者。邪說之卑說也。推

序論

三

而放諸有形而準。推而放諸無形而準。推而放諸至動而準。推而放諸至靜而準。無不包矣。無不盡矣。無大可過矣。無細可遺矣。言若是乎其極矣。道若是乎其至矣。聖人復起。無有間乎斯言矣。

門人蘇昞序曰。先生著正蒙書數萬言。一日從容請曰。敢以區別成編。何如。先生曰。吾之作是書也。譬之枯林根本枝葉。莫不悉備。充榮之者。其在人力而已。又如辟盤示兒。百物具在。顧取者何如耳。於是親就其編。會歸義例。略放諸語。孟子篇次章句。類相從為十七篇。

元儒黃氏瑞節曰。張子有文集諸經說語錄。皆其門人記錄之書。

朱子取以入近思錄。凡八十條。惟正蒙乃其手所撰。若云。朱子撮取周子張子程子之書。為近思錄。凡六百一十二條。自正蒙來者二十六條。又於正蒙中表章而銘自為一書。書述靜春劉氏之說。曰。宋有四篇文字。太極圖。西銘。易傳序。春秋傳序。是也。二序伊川程子之筆云。又按東萊呂氏云。知言勝正蒙。朱子曰。正蒙規模大。知言小。知言蓋五峯胡氏所撰云。

序論

四



臆說十有七條

正蒙一書二萬五百餘言。其中窮理格物之事。多而工夫入手處。亦未嘗不詳。蓋微而天人理氣神化性命之精。顯而脩辭治平禮樂政教之蹟。細而一各一物。曲文繁節之數。固不研精探微。著厥要蘊。故自謂如昨。盤示兒百物具在。又如枯株之根枝。悉具充禁在人。蓋其規模大。取精多。用力宏矣。無畏難而自阻。無多疑而橫議。勿助勿忘。方可卒業。

臆說

五

學者但當以張子之說。選張子。若執程周緒論以合之。反多謬。輒滋為擾耳。

張子言太虛。不若周子言太極之妙。故程朱皆有所不滿。蓋太極理也。太虛氣也。言太極則太虛在其中。而太虛固不足以包太極也。然張子必以太虛立言者。蓋有故焉。蓋田呂氏稱張子早歲嘗訪諸釋老。累年盡究其說。知無所得。乃反而求之六經。竊意其早歲時已於二氏虛無之旨。洞其底蘊。熟於胸中。及後求之六經。仍從熱處思。量因以見吾道之精。與虛無之謬。學者不究其由來。而妄訾其失。烏乎可也。

太虛二字。是看正蒙入手關頭。於此得解。以下迎刃而解矣。竊意

太虛一而已矣。而各節所舉為言者不同。宜以三層察之。太虛無形。塊然太虛。此以渾然未形者言之。為天地萬物之大母。在造化則本此以生天地。在天地則本此以生人物。乃氣之本體。先儒謂以清虛一大為萬物之原。恐未安者。此也。此第一層也。清通不可象之神。太虛為清。無礙故神。與夫升降飛揚。未嘗止息。此以流行徧滿者言之。周乎天地人物之先。而貫乎其內。乃氣之發用。即太和之謂也。言其清通。則曰太虛。言其流行。則曰太和。異名而同寔者也。此第二層也。於此層中。折而言之。有屬之天地者。乾坤清濁是也。以理則言易簡。以氣則言浮降。有屬之萬物者。品物流形是也。以氣則言散殊可象。以形則言風雨。

臆說

六

雪霜萬品山川。要之皆在第二層中。但既言清。即合下有通字。作對先儒。謂不知形上。遂他是理。形下。遂他是氣者。此也。至萬物散而為太虛。散亦吾體。此又從既生人物之後。而要其終先儒謂其流。乃是大輪迴者。此也。此第三層也。如此則各節所言之太虛。言雖殊。而意自貫。左右逢原。而各盡其致矣。竊將太和乾稱二篇。逐節思索。覺頭腦在此。然上不亂於此。未徹而但隨文立訓。以求可通。恐不免散錢一屋之誦耳。

肯末二篇。或言太虛。或言性。上即指太虛之本體而言。與程朱所謂性即理者。亦微別。其言神言化言命。皆即太虛之流行者。而分別言之。蓋寂然不動。則一而已。感而遂通。乃有三者之變。

性乃太虛第一層。神化命皆太虛之第二層也。然性雖屬第一層。實貫乎第二三層之中。蓋太虛三層。第以未發已發。本要歸不容無辨。非判然有三事也。如首篇知死之不止者。可與言性。已帶在第三層言。凡此皆須善會。

張子見道原從儒釋異同處入手。故其言太虛皆與釋氏對照。太虛第一層無形之本體。所謂天者。道所從出也。釋氏即以虛為道。故以心法起滅天地。所謂不知道者此也。第二層太虛之清通而神。正於氣上見功用。而釋氏以天地人事為幻妄疣贅。所謂不知天人者此也。第三層人物之散。仍歸太虛。而釋氏以為輪迴復生。所謂不知鬼者此也。竊謂張子關二氏處。不但妄意

臆說

七

天性數節。其言虛言氣。直與之對照到底。原其以此立說者。正欲使吾道明而異說自息。謂正蒙為張子開邪之書可也。太虛是張子主見其言天言性處。觸着便提起。首末二篇外如參兩篇一神兩化太虛無修神化篇。虛靈照鑒神之明也。誠明篇未嘗無之。謂性之謂性。天性在人。猶水性在冰。大心篇釋氏不知天性以心法起滅天地。皆是此旨。蓋張子以太虛為性命之原。萬物之本。故觸處皆見此意。朱子於太極二五謂周子此子活計。盡在裏許。竊於橫渠亦云。

張子言天道言人性。大意有二。其謂太虛而神不滯于氣者。對庸人之拘於形器者言也。如無礙故神性通極於無之類是也。其

謂以虛為性。不離乎氣者。對二氏之溺於虛無者言也。如虛空即氣有無虛寔通為一物之類是也。合看方無弊。故每於一篇之中二義並見云。

張子言人性分天地之性氣質之性。與程朱大同。惟其言命處則小異。程朱所謂命者。兼窮通得失而言。張子則以當得而得者為命。故曰通極于性。遇不足以戕之。又曰命天理。皆於氣數中認取理字。而以此為正命。至當得而不得者。則以為遇之達然而非命也。雖似過高。亦前此所未發。

正蒙原本篇節。蘇氏所請定也。竊意原書係張子所手著。篇分七則。因蘇氏之請而為之。所謂輒就其編會歸義。例以類相從。

臆說

八

為十七篇者是也。李注於難解之處。割裂最多。雖詮注易明。恐失橫渠本意。不若大全原本為善矣。

正蒙之有自注也。見於參兩神化至當三十樂器者。各一見於王禘者。五乾稱者。四有意旨未盡。自為小注以發之者。有錄經文成語而為之。注明其意者。當與大文參讀。以盡其義。諸家本或有以舊注誤作自注者。如大心篇成心者。私意也。此章言心者。亦指私心而言也。夏虫疑冰。以其不識。皆雜以集釋之說是也。有以訛承訛而強為之解者。如乾稱篇。含氣有象否二語。誤附次節是也。

正蒙所援引不出四書五經。用字間出老莊諸子。遠鄉下邑。及初

學之士。或寒陋莫知其由來者有之。今為詳列篇章。問錄原注。庶源流可考。折衷有歸焉。至詩箋書敘禮疏舊說。張子所用為多。令人習見。習聞。皆程朱遺澤。遂訛而怪之。不知於時正學初明。義未大暢。但當分別讀之。不宜橫肆。嘗議而學者於此。亦可想見程朱之虛心精力。多少甘苦也。

橫渠集正蒙而外。有經學理窟一卷。語錄一卷。性理拾遺一卷。其中與正蒙相發明者。俱足見先生意旨。而諸家正蒙說多。猶據未詳。遂涉彷彿影響之間。今為附錄各節之下。庶得相參。以得其真。又先儒說闡正蒙者。大全多為錄入。非惟一書之折衷。寔窮理之準的也。今仍之。至諸為朱子所採取者。亦附詳於後。用

應說

九

備考焉

源流開闢。並垂百世。而正蒙之傳。未若程朱之書之盛。蓋宏深後教。句聲牙故也。訓釋之家。或未斷本。盲但執程朱緒餘。以雜之。反是。又或食耳信目。但執程朱緒餘。以誡之士。或舊守一師。固知別擇。其貽誤豈細哉。考正蒙註大全。所收集釋補註。集解外。皆得數家焉。集註。明季無錫高忠憲公攀龍。雲從育著。發明。季嘉興徐某德夫甫著。補訓。本朝詞林牟陽冉觀祖永光甫著。李注。大學士安溪李光地。厚菴甫著。張注。大宗伯儀封張伯行。孝先甫著。然余崇面質之宗。伯曰。非我所為。他人假我之名者耳。華注。康熙庚子舉人無錫華希閔。豫原甫著。集釋。華

書。未詳纂述姓氏。或曰。集解。明正德間。四明余本。子華甫著。補註。明正統間。副都御史常熟吳訥。思菴甫著。合諸家之說。互參異同。刪煩訂謬。正蒙一書。亦庶幾可得其大凡乎。

太和至至當九篇。及末之乾稱一篇。皆通篇一意。血脉貫通。雖文多不相蒙。而大意可會。作者至有司四篇。皆各一義。隨見屬書。與前之血脉貫通者。微異。大易樂器王禘三篇。則訓釋之休耳。竊謂血脉貫通者。宜于文不相蒙之中。會其大意相屬之處。發明補訓。因意之相貫。並欲其文之相承。反致瞻顧失旨。逆迴無序。其失也。莫前于十餘篇。稱引詩書之文。雖休若訓釋。而意在發明。本篇與大易三篇不同。補注繁以注釋之。休律之。而未盡

應說

十

意言聯注之妙。其失也。離至其節次相屬。或一節一意。或數節同意。或前後節各一意。而蟬聯以相足。宜先求本節之義。以達其指。然後參相屬之故。以盡其理。而諸家又或失之雜。或失之固也。

諸家之說。大抵前者疏而後者密。前者畧而後者詳。今于前說未確。而後說為之駁正者。或偶存前說。或專錄後說。俱以後說為主。若一節大意。立說語意。雖訓詁之細。亦初學所必需。今于諸家節旨明確者。皆摘一存之。或有未確。則僭補愚見之內。順詩有可存者。即列節旨後。間于諸家之說。有刪繁去複。或增減數字。而存之者。亦竊效朱子所謂其說有病。不欲更就下而安注。

脚之意而未敢云有似也

經書之有注釋期于發明義理而止。圖圖因襲依口學舌者固非好學深思之士。若偏執己見。而是我非人。亦好異之過也。涵泳白文。玩其意趣。合觀前後。求其指歸。書之精理自出。而又宜以平寔為主。無蹈新奇纖巧之徑。庶得紫陽家法。若人操一說以詮注為策室。以異同成聚訟。能必人之信我。如我之自信乎。愚見附入諸家後者。特千慮之一得。自知孤陋寡聞。謬戾孔多。先生長者不以為不足教而辱進之。使獲開所未聞。敬當虛懷以改。

深澤後學王植識

應說

士

正蒙

性理大全。蒙者蒙昧未明之謂。正者訂正之也。

深澤王植輯錄

太和篇第一

大全此篇推明太和之氣。陰陽運化。人物賦受。皆是物也。愚按此篇凡二十二節。前十一節發明太虛之妙。兼體用言之。後十一節明一神兩化之義。皆太虛之用也。其謂虛空即氣。不可以有無言者。見虛與氣未嘗相離。其以清屬神。濁屬形。而對舉之者。亦見虛與氣不可相無。皆所以絀二氏虛無之謬。而庸人之徇形者亦可以悟矣。篇中言太虛。有以未發之體言者。有以流行之用言者。有以究極之歸言者。竊嘗

太和

士

以三層藥之。其說已見總論矣。而或者狃於舊說。皆以太虛為理。且謂與周子言太極同義。不知太虛與太極確有不可得而強同者。蓋太極一圖。本易上有太極數語。建圖屬書。以發所見。其說由理而氣。而形。從原頭說下。因端竟委。以極其義。所謂太極云者。雖云不離乎氣。而實以其不離乎氣者而言。故形而上下之分。劃然不淆。而意之周匝言之。簡盡皆純粹。以精而無之。可疑太虛之云。則因二氏崇虛之見。而為之說。以訂其蒙。其說由虛而氣。而形。蓋氣有清濁。者滯於形。象而不能通清者。則虛空洞達。神妙莫測。足以超乎形象之外。而為天地人物之本。故名以命之曰太虛。太虛下而已而

以為有三層可言者。蓋上而推之。天地人物之先。則萬物之形。皆本於無形。其湛然無形而足以形之者。是太虛之本體。所以主宰於上而為生之原者也。造化所以生天地者。以此故。曰太虛無形。氣之本體。天地所以生人物者。亦以此故。曰由太虛有天之名。所謂性之中涵而為感之體者也。中而推之。萬物有生之初。凡二氣之綱。天地之對待。陰陽之流行。皆太虛之妙用。所以為生之具也。而及其有形之後。則凡散殊可象之迹。莫非太虛之所流貫。而其虛空無物之處。雖至幾微冥渺。容光以髮之隙。亦莫非太虛之流行而充塞焉。所謂太和之道。清通無礙而神者也。極而推之。人物既生。

太和

十三

以後。生既盡矣。又不能不化有形而無形。是復還於太虛也。所謂形潰反原而散。亦吾體者也。是其深思冥會於未有天地之先。凝心妙契於既有人物之後。豁然一貫。左右逢原。而後著為一書。以開性命之精。以闢異端之謬。夫豈苟然而已哉。但其所見至太虛而止。而最上一層之宰乎此氣之中。統乎人物之終始。所以貫清濁。該有無。寓於氣而仍不離乎氣者。尚未之及焉。則是終說太虛。便已落第二義。即云無聲無臭。足以與理為體。而究未若太極一言為得理之本體也。其言及人物既生以後。亦止言其為太虛之所流行而充塞。而於人物之各具一理。不離于氣。而仍不離乎氣者。亦未嘗顯。

自軒轅以言之。故程朱謂其所言。是形而下者。非形而上者。如云合虛與氣有性之名。有無虛實通為一物者。性也。較之周子則言太極者。如言性而直言心之理。言太虛者。如言性而但言心之虛。靈心之虛。靈雖亦所以具是性者。却直作性字。不得即謂其見到而說不到。亦不得已也。且不言理而但言虛。將展轉說去。終無準紀。其流必有所激。故先儒謂其流乃是箇大輪迴。而張子亦恐不善會者之或至是也。故其言虛。又必兼言氣。故曰惟盡性者能一之。又曰兼體而不累者存神其至矣。又曰虛空為性。本天道為用。又曰語性與天道之極。盡于參伍之神。交易而已。則其意之周匝言之精密。足以

太和

高

自。故。其。說。而。與。釋。老。之。說。天。淵。也。由。此。以。思。二。子。所。見。蓋。有。不。得。而。強。合。者。宜。但。其。詞。之。偶。異。已。乎。篇。內。快。然。太。虛。一。節。免。神。者。二。氣。之。良。能。也。一。句。游。氣。紛。擾。一。節。朱。子。俱。入。近。思。錄。道。體。條。太。和。所。謂。道。中。涵。浮。沉。升。降。動。靜。相。感。之。性。是。生。綱。紐。相。疊。勝。負。屈。伸。之。始。其。來。也。幾。微。易。簡。其。究。也。廣。大。堅。固。起。知。於。易。者。乾。乎。效。法。於。簡。者。坤。乎。散。殊。而。可。象。為。氣。清。通。而。不。可。象。為。神。不。如。野。馬。綱。紐。不。足。謂。之。太。和。語。道。者。知。此。謂。之。知。道。學。易。者。見。此。謂。之。見。易。不。如。是。雖。周。公。才。美。其。智。不。足。稱。也。已。微。引。易。乾。卦。象。係。合。太。和。本。義。太。和。陰。陽。會。合。冲。和。之。氣。也。繫。

辭下傳之五章。夫地網。本義。網。交。密。之。狀。繫。辭。上。傳。之。一。章。人。卦。相。疊。又。云。乾。知。大。始。坤。係。成。物。乾。以。易。知。坤。以。簡。能。本。義。知。獨。主。也。五。章。成。象。之。謂。乾。效。法。之。謂。坤。本。義。效。呈。也。法。謂。造。化。之。詳。密。而。可。見。者。○。莊。子。逍。遙。遊。篇。野。馬。也。塵。埃。也。生。物。之。以。息。相。吹。也。注。司。馬。云。野。馬。春。月。澤。中。遊。氣。也。朱。子。曰。此。以。太。和。狀。道。體。與。中。庸。發。而。中。節。之。和。無。異。補。註。太。和。即。太。虛。陰。陽。冲。和。之。氣。也。中。涵。浮。沉。升。降。動。靜。相。感。之。性。是。言。其。體。是。生。細。細。相。疊。勝。負。屈。伸。之。始。是。言。其。用。其。初。來。也。幾。微。易。簡。其。究。極。也。廣。大。堅。固。此。以。其。流。行。者。言。也。起。知。於。上。便。能。始。物。而。無。所。難。為。乾。效。法。於。下。皆。從。午。陽。而。不。自。作。

太和

主

為。坤。此。以。其。生。物。者。言。也。散。為。萬。殊。有。象。可。見。為。氣。即。所。謂。生。物。者。也。清。明。通。達。無。象。可。見。為。神。即。所。謂。流。行。者。也。易。謂。周。易。所。以。論。天。道。者。也。

補。訓。此。節。全。於。二。氣。細。細。處。見。太。和。故。兩。提。細。細。字。而。溯。原。於。性。是。上。一。層。中。庸。以。為。飛。魚。躍。言。道。之。費。是。即。氣。化。上。見。道。張。子。以。太。和。謂。道。亦。此。意。太。和。句。是。冒。語。浮。沉。升。降。總。是。動。靜。相。感。宜。總。承。上。六。字。網。是。氣。之。凝。結。鼓。盪。處。相。盪。則。有。勝。負。屈。伸。幾。微。言。其。細。易。簡。言。其。妙。廣。大。橫。說。堅。固。豎。說。起。知。二。句。補。注。與。上。分。流。行。生。物。此。生。物。即。從。上。流。行。處。見。非。截。然。兩。項。有。形。者。無。形。者。神。在。氣。中。重。神。邊。補。注。以。氣。承。生。物。神。承。注。

行。未。確。流。行。生。物。總。是。散。殊。之。氣。而。皆。有。清。通。之。神。在。其。中。不。如。云。○。及。言。以。線。上。玄。華。注。中。涵。句。是。就。已。發。中。指。其。未。發。之。休。而。言。是。生。二。字。從。中。涵。來。細。細。相。疊。勝。負。屈。伸。總。不。外。浮。沉。升。降。動。靜。惟。中。涵。其。性。是。以。為。生。之。始。

愚。按。此。節。大。意。本。易。太。和。字。以。氣。化。明。道。也。太。和。即。太。虛。之。第。二。層。中。涵。之。性。兼。第。一。層。言。之。○。語。意。云。人。之。言。道。者。亦。知。所。謂。道。乎。吾。謂。太。和。之。氣。即。所。謂。道。也。所。謂。太。和。者。蓋。中。涵。夫。浮。沉。升。降。動。靜。相。感。之。性。以。為。之。休。於。是。生。夫。二。氣。細。細。相。盪。勝。負。屈。伸。之。端。以。為。之。用。就。其。用。之。流。行。者。言。之。其。

太和

主

初。來。也。幾。微。易。簡。而。不。可。見。其。究。極。也。廣。大。堅。固。而。不。可。窮。就。其。流。行。者。之。功。用。言。之。則。始。之。有。感。必。通。而。無。阻。難。者。即。乾。道。乎。呈。造。化。之。法。而。不。煩。力。者。即。神。道。乎。總。而。言。之。凡。兩。間。之。內。散。為。萬。殊。而。有。象。可。見。者。為。氣。清。明。通。達。無。象。可。見。者。為。神。○。即。太。和。太。和。即。道。也。倘。不。知。野。馬。而。細。細。相。盪。不。足。謂。之。太。和。而。道。於。何。見。乎。凡。諸。道。者。知。此。太。和。謂。之。能。知。道。學。易。者。見。此。太。和。謂。之。能。見。易。不。知。是。雖。有。周。公。之。才。之。美。其。智。不。足。稱。矣。信。乎。語。道。者。不。可。不。深。休。乎。太。和。也。○。先。儒。言。氣。之。詳。莫。如。張。子。如。此。節。以。太。和。言。氣。而。一。氣。字。中。又。層。層。分。析。言。之。首。句。總。提。起。以。下。詳。其。義。中。涵。句。是。太。和。上。

一層。未。有。此。氣。先。有。此。理。也。是。生。句。方。說。到。太。和。既。有。此。理。即。有。此。氣。之。機。也。然。尚。未。及。其。流。行。處。其。非。二。句。乃。就。流。行。處。言。乾。坤。易。簡。又。即。流。行。者。之。功。用。言。之。乾。坤。者。陽。健。陰。順。之。氣。而。天。地。之。形。與。天。地。生。物。之。理。皆。在。其。中。此。四。句。乃。太。和。正。位。蓋。其。來。其。究。是。豎。說。其。流。行。者。起。知。效。法。是。於。流。行。中。橫。分。其。對。待。者。當。分。兩。層。串。說。而。非。二。事。散。殊。二。句。總。上。四。句。意。仍。挽。到。太。和。蓋。物。之。濁。而。有。迹。者。皆。氣。中。之。清。而。無。迹。者。為。神。即。太。和。之。謂。也。此。非。截。然。有。許。多。層。次。可。分。定。確。然。有。數。層。道。理。可。言。而。總。之。見。太。和。之。無。不。在。也。故。曰。不。如。野。馬。網。緼。不。足。謂。之。太。和。網。緼。內。該。得。浮。沉。升。降。勝。

太和

注

負。屈。伸。意。在。末。言。道。應。上。所。謂。道。並。及。易。者。以。太。和。字。出。於。易。也。與。太。極。圖。說。篇。末。大。哉。易。也。義。同。太。和。謂。道。與。一。陰。一。陽。之。謂。道。大。意。相。似。亦。精。於。狀。道。之。詞。但。只。就。氣。言。而。未。及。理。之。不。離。乎。氣。者。故。朱。子。謂。與。發。而。中。節。之。和。無。異。玩。語。意。正。以。太。和。為。道。補。注。謂。太。和。是。氣。所。以。然。者。乃。是。道。未。免。多。作。幹。旋。矣。中。涵。與。是。生。作。對。補。訓。承。上。句。謂。道。中。所。涵。非。是。其。來。二。句。猶。周。子。發。微。不。可。見。充。周。不。可。窮。之。意。幾。微。易。簡。者。氣。之。始。動。如。復。之。一。陽。初。生。是。也。廣。大。堅。固。則。以。其。充。滿。盛。大。者。言。之。凡。氣。之。凝。形。成。象。為。天。地。為。人。物。者。皆。是。也。起。知。於。易。二。句。以。大。易。篇。所。謂。無。休。感。速。不。煩。施。普。者。觀。之。

則。張。子。看。知。字。與。本。義。微。異。諸。家。多。泥。舊。義。未。是。散。殊。可。象。所。包。甚。廣。凡。天。地。之。化。風。雨。露。雷。幽。明。寒。暑。之。類。天。地。間。山。川。人。物。之。類。有。迹。可。見。者。皆。是。即。後。所。謂。反。清。為。濁。者。也。不。可。象。亦。有。二。意。幾。微。易。簡。時。固。不。可。見。即。廣。大。堅。固。時。而。不。可。見。者。自。在。即。後。所。謂。清。則。無。礙。無。礙。故。神。者。也。知。此。則。幾。微。易。簡。廣。大。堅。固。與。起。知。於。易。效。法。於。簡。原。非。二。事。補。注。以。散。殊。二。句。分。承。流。行。生。物。固。未。確。矣。然。補。訓。知。以。流。行。生。物。兼。氣。與。神。而。亦。未。能。確。見。神。之。即。太。和。也。大。抵。諸。家。各。有。短。長。故。節。錄。其。說。而。為。辨。之。如。此。

太和

大

源。有。識。有。知。物。交。之。客。感。耳。客。感。客。形。與。無。感。無。形。惟。盡。性。者。一。之。朱。子。曰。客。感。客。形。與。無。感。無。形。未。免。分。截。作。兩。段。事。聖。人。不。如。此。說。只。說。形。而。上。形。而。下。而。已。發。明。此。節。論。氣。而。合。之。人。氣。有。無。形。客。形。人。有。無。感。客。感。程。子。所。謂。休。用。一。原。顯。微。無。間。非。有。二。也。人。知。休。虛。空。為。性。又。知。本。天。道。為。用。斯。一。之。矣。補。訓。夫。太。和。不。離。太。虛。太。虛。之。始。無。有。形。狀。乃。氣。之。本。體。然。也。及。氣。之。呈。露。則。有。形。矣。然。其。聚。其。散。不。過。此。變。化。之。容。形。耳。非。常。形。也。其。在。人。則。至。靜。而。無。所。感。觸。乃。性。之。淵。源。也。及。性。之。發。

動則有感矣。然其有識有知。不過物交之客感耳。非常感也。此客感。客形與無感無形。原非有二。人自溺於客感。客形而昧之。惟盡性之聖人。乃能以無感無形。御夫客感。客形。而合一無間也。○本來無形。即是本体。猶云氣之起。根原無形也。有聚有散。即是變化。客對主言。無形是主。有形是客。靜是主。感是客。雖分客主。不可相無。盡性者一視之。盡性即能体道。故以盡性兼結氣。一邊識淺。知深。交自外來。感自內動。

太和

九

而無極之真在焉。非以太虛為太極也。張注有無皆道。寂感皆性。無所謂客也。言体用可耳。下客字太

愚按此節首句。即太虛第一層正義也。聚散變化。又言及第二層。○無形即上中涵之性。變化客形。即上所謂浮沉升降。動靜。綱紐勝負。屈伸也。至靜無感。即人心之太虛。無形。物交客感。即人心之變化。客形也。然有無虛實。通為一物者。性也。故曰盡性者一之。蓋虛靜之中。事物之理。無不具。必事物各盡其道。而後無形無感者。克全其体。此能一之義也。○諸家以太虛太和分体用。蓋以第一層與第二層對言也。無形處

即是氣之本体。李注謂太虛無形之中。氣之本体存焉。即太極也。無形本体。說作兩層。不免混入程朱甲裏。非張子本意。又張子言性與神。處俱以性屬第一層。神屬第二層。觀末篇感者性之神。性者感之体。等語。可見補注皆以為氣之体。亦未確。○太虛之義。分三層。足以貫之。而其立言不一。皆當隨文体認。細玩篇中之意。惟由太虛有天之各。合虛與氣有性之名。此若必以理言之。方可通。然亦張子所見止。至太虛而止。若遂以為生物之理之盡乎此也者。而寔未盡也。故朱子雖亦以理字釋之。而亦謂其生受辛苦。聖賢便不如此說。蓋非理字不足為言。而直以理字代之。則不可也。若太虛不能

太和

十

無氣。萬物不能不散。而為太虛。氣之聚散於太虛。太虛為清。萬象為太虛中所見之物。其類如以理字訓之。則將謂萬物散而為理。氣之聚散于理。萬象為理中所見之物。於說通乎。又如太虛無形。虛空即氣。虛能生氣。然太虛太虛妙應之目。氣本之虛。則湛此等。直以氣言。似未盡。而亦可直以理字代之也。皆當得其言。殊而意不悖。處大抵張子所論。與程朱宜各為一說。朱子稱康節於那陰陽相接處。看得分明。與周程小有不同。正蒙論氣處。亦宜如此。大地之氣。雖聚散攻取百塗。然其為理也。順而不妄。氣之為物。散以無形。雖得吾體。聚為有象。不失吾常。太虛不能無氣。不能不



聚而為萬物。萬物不能不散而為太虛。循是出入。是皆不得已而然也。然則聖人盡道其間。兼體而不累者。存神其至矣。彼語寂滅者。往而不反。狗生執有者。物而不化。二者雖有間矣。以言乎失道。則均焉。

微引易繫辭下傳之十二章。愛惡相攻而吉。凶生遠近相取而悔吝生。

華注。此明体用之一原也。因上章無形容。似說作兩層。故申言之。

補訓。夫天地者積氣之區也。天地之氣。雖其為聚散。為攻取。塗轍有百。然其為理也。皆順其自然。而無偽妄。所以然者。氣之為

太和

三

物散則入於無形。而非滅也。適得吾之本。休本。休固如是。其無形耳。聚則彰於有象。而非增也。亦不失乎吾之常然。吾常固不遷於有象耳。始之太虛。非真虛也。不能無氣以充之。既有氣。不能不聚而為萬物。所以聚為有象也。萬物不能不散為太虛。所以復散入無形也。循是二者。一出一入。出則有象。入則無形。是皆理之自然。不得已而然。所謂順而不妄者也。聖人盡道于天地之間。能以寂然不動。體其無形而恬如。以感而遂通。體其有象而秩如。兼體二者。而一無所累。所存於中而神妙不測者。蓋極其至矣。即所謂盡性者。能一之也。彼異端專語寂滅者。但云一往而不復返。是知散而不知聚。若狗其生而執所有者。又狗

於物而不知變化。是知聚而不知散。二者雖有間。而皆昧於自然之理。其為失道。則均焉。信乎。惟聖人為盡道也。○前四句。提起氣之為物。以下至而然也。是申明前四句之意。因言聖人盡道。並及異端失道。聚散平言。聚為萬物。散為太虛。攻則散。取則聚。攻取只貼聚散說。順字與不得已。相照應。順其自然。便無妄。適得。猶言恰合也。出屬聚。入屬散。道字應理字。其間應天地字。存神。借用孟子所存者神。而意不同。謂所存於己者。神妙不測。合聚散為一致也。有間。只是有分別。不必辨其優劣。李注。上言盡性者。能一之。此言盡道者。兼體之。盡性則能体道。意互相發。寂滅者。異端之蔽。狗生者。百姓之愚。

太和

三

愚按此節太虛不能無氣。即太虛之第一。二。屬物不能不散。而為太虛。即太虛之第三層也。○順者。行其自然。不妄者。定。然而無偽也。氣之為物。五句。聚散對言。太虛以下。通言之。總見虛氣之未嘗相離也。故以兼體不累。歸之聖人。寂滅執有。李注。分異端。百姓為凡。末篇亦多以異端俗學並言。而其所謂。格於聞見。引取於耳目者。正狗生執有之寔耳。聚亦吾體。散亦吾體。知死之不已者。可與言性矣。李注。又申適得吾體。不失吾常之意。補訓。夫氣之有聚散。在人不可二視也。聚亦吾本體之不失其常也。散亦吾本體之適相得也。夫散則幾於亡矣。然散亦吾體

是死而不亡也。能知死之不已者，乃可與言性矣。○吾體即謂氣。非謂身體。氣散於人身，仍在天地之間。即死而不亡。集解性即太虛之道。不亡者，即此道也。非謂吾死猶有精靈不亡。如佛氏所云也。此等處皆須精別，蓋以其強探力索所得，故言有此未瑩者耳。

愚按散亦吾體。乃太虛第三層正義也。既以太虛立言，其歸結必至於此。正其立論不能無獎處。然所謂死之不已，即末篇形遺反原游魂為變意，正以此明輪迴之妄，非反拾其殘瀋也。宜善會之。

知虛空即氣，則有無隱顯神化性命通一無二。顧聚散出入形不

形能推本所從來，則深於易者也。若謂虛能生氣，則虛無窮。氣有限。體用殊絕。入老氏有生於無自然之論，不識所謂有無混一之常。若謂萬象為太虛中所見之物，則物與虛不相資。形自形，性自性，形性天人不相待，而有陷於浮屠中。山河大地為見病之蘊。此道不明，正由情者。若知體虛空為性，不知本天道為用，反以人見之。小因緣天地明有不盡，則誣世界乾坤為幻化。幽明不能舉其要，遂謂等妄意。而然不悟一陰一陽範圍天地通乎晝夜三極大中之矩，遂使儒佛老莊混然一途。語天道性命者，不問於恍惚杳冥，幻則定以有生於無為窟，為極微之論，入德之途，不知擇術而求，多見其蔽於說而陷於淫矣。

微引老子去用篇。天下萬物生於有，生於無。象元篇。人法地，地法天，天法道，道法自然。虛心篇。道之為物，惟恍惟惚。後漢書。桓帝宮中立黃老浮屠之祠。○易繫辭上傳之五章。一陰一陽之謂道。四章。範圍天地之化而不過。又云。通乎晝夜之道而知。本義。通猶無也。晝夜即幽明死生鬼神之謂。二章。六爻之動三極之道也。本義。三極。天地人之理。三才各一太極也。○釋氏金剛經。一切有為法如夢幻泡影。補訓。此節意在合虛與氣。見人不可專認虛空為性，而以形氣為輕也。○夫虛空與氣不容二視也。知虛空之即氣，則凡為有無為隱顯與夫神化性命皆通一而無二矣。任其聚而出，則有

太和

二四

形散而入則無形。人遂二視之。能推本其所從來，而知虛空即氣，則深明于易學者也。若謂虛空能生出氣來，則虛無窮。氣有限。量是休用不齊。相去殊絕。入於老氏有生於無自然之論，而不識所謂有與無混合為一之常道矣。若謂萬象森然皆為太虛中所見之物，則物與虛分為二，不相資。藉形自為形，性自為性，形而為人性，本於天而不相待，而有陷於浮屠氏以山河大地為見病之說矣。蓋此虛空即氣之道，不明正由昏情之人。畧知體虛空為性，不知本天道陰陽以為用，反以人見之。小因緣以論天地之大，其明有不盡，則誣世界乾坤為幻化。是其於幽而虛明而氣不能舉其至要，遂謂等妄意。而為此一偏之論。

耳。知。世。界。乾。坤。皆。有。變。理。而。非。幻。化。乎。應。之。人。惟。不。悟。一。陰。一。陽。之。道。足。以。範。圖。天。地。通。乎。晝。夜。而。為。三。極。大。中。之。矩。遂。使。吾。儒。與。釋。氏。老。莊。混。然。出。於。一。途。凡。語。天。道。性。命。者。不。誣。罔。於。釋。氏。之。恍。惚。變。幻。則。定。以。老。氏。之。有。生。於。無。為。窮。高。極。微。之。論。其。於。入。德。之。途。不。知。擇。術。而。求。之。多。見。其。蔽。於。二。氏。之。說。辭。而。陷。於。二。氏。之。淫。辭。也。豈。不。惜。哉。○知。所。從。來。虛。空。即。氣。則。易。理。盡。於。是。故。曰。深。於。易。下。文。一。陰。一。陽。數。句。應。此。易。字。浮。屠。者。佛。氏。之。號。浮。屠。以。山。河。大。地。有。可。見。而。為。病。患。須。寂。滅。無。形。方。無。係。累。也。

太和

五

命。以。理。言。推。本。所。從。來。意。重。在。推。本。聚。所。從。來。意。欲。人。識。虛。空。即。氣。也。老。佛。皆。歧。有。無。隱。顯。神。化。性。命。而。二。之。而。老。氏。之。旨。則。崇。無。點。有。佛。氏。之。旨。則。視。有。皆。無。大。同。小。異。總。是。畧。知。性。而。不。知。用。也。儒。者。知。得。用。處。俱。是。實。理。故。於。日。用。倫。常。間。一。理。會。用。功。此。正。入。德。之。途。而。二。氏。一。切。去。之。所。以。為。故。淫。也。發。明。太。虛。不。能。不。聚。不。能。不。散。聚。即。散。之。從。來。散。即。聚。之。從。來。即。氣。即。塵。更。無。別。處。從。來。虛。能。生。氣。生。字。與。周。子。動。而。生。陽。靜。而。生。陰。之。生。不。同。周。子。只。言。有。此。次。第。老。氏。之。生。則。是。以。此。一。物。生。彼。一。物。截。然。分。作。兩。件。佛。氏。謂。萬。象。為。太。虛。中。所。見。之。物。則。是。太。虛。反。被。萬。象。累。了。所。以。遂。為。見。病。此。皆。誤。認。所。從。來。

也

愚。按。此。總。太。虛。三。層。之。意。而。言。虛。與。氣。之。非。二。蓋。為。虛。無。之。學。者。發。也。首。八。句。為。一。節。之。冒。下。二。段。分。舉。言。性。道。者。之。謬。此。道。不。明。以。下。雙。承。上。二。段。而。申。所。以。陷。入。佛。老。之。故。不。悟。以。下。又。承。上。段。而。申。言。不。知。天。道。為。用。之。意。玩。通。節。語。意。皆。指。人。之。語。性。道。者。諸。家。謂。直。關。二。氏。尚。未。貼。未。細。補。訓。欲。以。情。者。數。句。專。歸。釋。氏。亦。於。文。勢。未。合。○虛。空。即。太。虛。○空。無。形。者。皆。氣。之。充。塞。故。曰。虛。空。即。氣。也。隱。與。無。貼。虛。屬。第。一。層。顯。與。有。貼。氣。屬。第。二。層。性。以。太。虛。之。體。言。即。上。節。可。與。言。性。之。性。神。以。太。虛。流。行。之。妙。言。即。首。節。清。通。之。神。性。與。命。對。神。

太和

六

與。化。對。命。是。性。之。流。行。化。是。神。之。發。用。以。性。與。神。對。則。性。屬。第。一。層。神。與。命。與。化。皆。在。第。二。層。內。觀。末。篇。各。節。自。見。體。貼。本。推。本。也。以。人。見。之。小。因。緣。天。地。即。後。大。心。篇。所。謂。以。心。法。起。滅。天。地。以。六。根。之。微。因。緣。天。地。者。也。一。陰。一。陽。氣。也。而。天。地。之。道。出。明。死。生。鬼。神。之。理。皆。不。外。此。故。曰。三。才。大。中。之。矩。曰。天。地。晝。夜。又。曰。三。極。上。分。下。合。只。是。一。意。○友。人。宋。子。銳。曰。張。子。亦。是。以。虛。空。為。性。而。異。在。以。天。道。為。用。氣。塊。然。太。虛。升。降。飛。揚。未。嘗。止。息。易。所。謂。絪。縕。莊。生。所。謂。生。物。以。息。相。吹。野。馬。者。豈。非。虛。靈。動。靜。之。機。陰。陽。剝。泰。之。始。浮。而。上。者。陽。之。清。降。而。下。者。陰。之。濁。其。感。通。聚。散。為。風。雨。為。雲。霜。萬。品。之。流。形。

山川之融結糟粕煨燼無非教也

微引易細見首節又乾卦象雲行雨施品物流形○莊子野馬以息相吹見首節又天道篇君之所讀者古人之糟粕已夫注糟酒滓也糟爛為粕○禮孔子問居風雲流形庶物露生無非教也

朱子曰塊然太虛○此張子所謂虛空即氣也○蓋天在四畔地居其中○減得一尺地遂有一尺氣○但人不見耳○此是未成形者及至浮而上升而下則已成形者○若融結糟粕煨燼即是氣之渣滓○妻之皆是示人以理○問言機言始莫是說理否○曰此本只是說氣理自在其中一動一靜便是機處○問始字之義如何

太和

七

曰始是如生物底母子相似萬物都從這一生出去○升降飛揚便合這虛實動靜兩句○虛實動靜陰陽到柔者便是這升降飛揚者為之非兩般也○無非教也○教便是說理○記中天道至教聖人至德與孔子予欲無言天地與聖人都一般○精底都從粗底上發見道理都從氣上流行○雖至粗底物無非是道理○發見聖人與天地皆然○此等言語都是經煨煉底語○須熟念細看○或問此一段是造化之初否○曰即今便是如此○補訓此節極言氣末無非教結到理上○塊王逸云霧昧貌○說文塵埃也○霧塵皆是借形只是氣充滿意○陽升陰降陰升陽降皆有飛揚意○集釋上下曰升降行四方曰飛揚○亦非確解○息即

真息吹猶呼吸也○凡天地間虛實動靜陰陽到柔皆氣之為○其所由發謂之機○以其所由成謂之始○隨遇而有聚有散○風雨雲霜內皆有聚散○集釋散為風雨聚為雲霜亦未確融合也○結聚也○並言山川不必謂川融山結○融者有糟粕煨者有煨燼皆謂渣滓至小者也○教無所主當屬之天氣○本非教氣有至理即為教也

集解氣塊然太虛言氣之塊然者即太虛也○升降飛揚未嘗止息是時也○雖未有虛實動靜陰陽到柔之形而其機其始實在於此○自其未有天地萬物之前以明其所以為天地萬物者之理已具所謂体用一原也○浮而上者陽之清天以開也○降而

太和

六

下者陰之濁地以開也○天開地開又由是而陰陽二氣成○聚散為風雨雪霜萬品山川糟粕煨燼無非教也○此自其既有天地萬物之後以明太虛之理又無不因物而寓所謂顯微無同也○南洋塊然太虛語其体也○升降飛揚未嘗止息是其用也○華注虛實動靜之機是氣之妙用其理即所謂總之者善也○陰陽到柔之始是氣之所成就其理即所謂成之者性也○愚按此當與首二節參看○塊然太虛即無形之本體也○為第一層○塊然即指太虛而言○氣之塊然者本太虛無形也○升降飛揚未嘗止息即太和之清通不可象者也○為第二層○浮

清降濁以下。以屬於天地人。即所謂虛靈動靜陰陽。劉柔者也。皆在第二層內。一說此節無第一層意。氣決然太虛三句。皆屬第二層。謂決然於太虛中也。竊謂朱子於通節分三層補注。又以首三句自分休用所論更細。似得張子本意。竊嘗論之曰。夫有理而後有氣。有氣而理即乘之。故理為休而氣為用。此諸儒所共言也。由張子之言。則氣自有氣之體。氣自有氣之用。而氣之休用。又各自有休用之可分。局外非諸儒所共言。而張子所以發前人之未發者也。可得聞乎。曰陰陽兩端循環不已。立天地之大義者。氣之休也。游氣紛擾合而成。生人物之萬殊者。氣之用也。然則何以言休。

太和

元

之休。之之用。曰決然太虛。渾然無朕之本。休升降飛揚者。相摩相盪之大用乎。此在未有天地人物之先。湛然而無形者也。無形者。皆休也。然則何以言用之休。用之休。曰浮而清降而濁者。其對待之本。休乎感遇聚散為風雨雪霜者。其流行之妙。用乎此在既有天地人物之後。繁然而有象者也。有象者。皆用也。然則理於何附。曰氣之順而不妄。不得已而然者。即理之所以即氣而存。而不離乎氣者也。然則由是而之焉。何也。曰塞。吾其休。仰吾其性。故得天地之氣。為周身之氣。而形生焉。得天地之理。為浩然之氣。而性成焉。此人之所以可達於天也。然則由是而之焉。又何也。曰理以氣果。氣以

形殊。故理之所得。達如氣之所受。而賢與愚分。人與物判。形所各具。即為氣所由分。而人與物分偏全。物與物分重輕。焉。此人之所以獨貴於物也。然則何以休之。曰聖人踐形。君子養氣。若是者。能休之也。氣聚則離明得施。而有形氣不聚。則離明不得施。而無形。方其聚也。安得不謂之客。方其散也。安得遽謂之無。故聖人仰觀俯察。但云知幽明之故。不云知有無之故。盈天地之間者。法象而已。文理之察。非離不相睹也。方其形也。有以知幽之因。方其不形也。有以知明之故。

太和

子

微引易說卦之九章。離為目。上傳之四章。仰以觀於天文。俯以

察於地理。是故知幽明之故。十一章。法象莫大乎天地。上傳之五章。成象之謂乾。效法之謂坤。朱子曰。象是未成形之意。法是一成已定之物。或問朱子曰。離明何謂也。曰。此說似難曉。有作日光說。有作目說。看來只是氣聚則目得。而不聚則不得。而見易謂離為目是也。○形之時。其幽之因。已在此。不形之際。其明之故。已在此。聚者散之因。散者聚之故。補訓此以幽明字。駁有無字。闕老氏有生於無之說也。離明字不重。只是說可見。不啻見離明。謂目之明所能見也。聚將復散。暫見故為客。此便伏幽之因。散將復聚。而有形故不可謂之無。

此便伏明之故。文理即天文地理與天象地法是一非二。  
華注：盈天地四句申氣聚則離明得施四句意。方其形也四句  
申方其聚也四句意。  
補注：二察字不同。下察著也。天文地理上下昭著也。  
張注：謂之幽明則顯仁藏用其理具在。謂之有無則截然彼此  
竟分二見矣。

愚按此與下節大意皆明虛空即氣之意。而此以幽明駁有  
無之說也。曰客曰無本上太虛無形一節而言。○語意云世  
所以有無之見者以目之所見論之耳。不知氣聚則目可  
見而有形。氣不聚則目不可見而無形。其有形也特暫來而

太和

三

即去耳。非真有也。安得不謂之客。其無形也。形散而氣自在。  
特離明不得施耳。安得遽謂之無。易言聖人之仰觀俯察而  
但云知幽明之故。不云知有無之故。由此故也。夫氣之聚散  
何以必用離明。蓋盈天地之間者地之法。天之象而已。其文  
理之昭著固非離不相親也。然方其形而為明也。有以知其  
幽之因已在此。方其不形而為幽也。有以知其明之故已在此。  
此而謂可以有無言乎哉。○宜作兩截看。上八句即有無隱  
顯通一無二意。聖人三句引易成語以証之。盈天地之間以  
下止申明上半節意。知幽之因。知明之故。亦大槩論理如此。  
非論聖人之事也。補訓謂上截言幽明之故。下截言聖人知

幽明之故。文義未合。

氣之聚散於太虛。猶冰凝釋於水。知太虛即氣。則無。故聖人語  
性與天道之極。盡於參伍之神。變易而已。諸子淺妄。有無之分  
非窮理之學也。

微引易上傳之十章。參伍以交。錯綜其數。本義。參者三數之也。  
伍者五數之也。謂揲著求卦之事。

集解。此只是明虛氣合一之意。言氣之聚散。即太虛之所為。則  
太虛非離氣而入於渺茫者矣。故知此則無。蓋不以無視太  
虛之理也。氣之往來升降為參伍。其理則兩在而不可測。所謂  
神也。神即在參伍之間。故曰參伍之神。聖人言性與天道之極。

太和

三

如曰一陰一陽之謂道。曰立天之道曰陰與陽。立地之道曰柔  
與剛。立人之道曰仁與義。是聖人言性與天道之極致。不過盡  
於參伍之神。所流行易者而已。未嘗於陰陽參伍交易之外  
別求一端。虛無懸空。不着於氣者。以為性與天道也。安得有  
無之分哉。

愚按此節大意。以聚散駁有無之說也。○語意云。夫氣與虛  
宜二物。乎氣之聚而有形。散而無形。皆太虛所為。虛與氣非  
有二也。猶冰之凝而為冰。釋而為水。皆不外於水。與冰非  
有二也。知太虛即氣。而非二。則不可以虛為無矣。故聖人語  
性與天道之極致。亦不過即陰陽參伍之神。交易不測者盡

其理而無餘已。老釋諸子。識見淺妄。乃以虛與氣。謬分有無。蓋不能窮聚散變易之理。而陷於詖淫者也。烏足信乎。參伍之神。謂陰陽也。交易即謂參伍之神。蓋陰陽二氣。陰變為陽。變為陰。往來變化。不可窮詰。故曰參伍之神耳。無。下無字。指太虛言。與下有無。字相應。以關二氏有生於無等語也。聚散字止。就氣言。即前節其聚其散之云。乃客形變化之小聚散。非萬物復聚為太虛之大聚散也。諸家謂氣散歸虛。與下參伍交易之義不合。而理亦未瑩。又此性字指太虛之体言。亦與論語異旨。

太和  
三  
太虛為清。則無礙。無礙故神。反清為濁。則礙。則形。

程子曰。一氣相涵。周而無餘。謂氣外有神。外有氣。是兩之也。清者為神。濁者何獨非神乎。問太虛之說。本是說無極。却只說得無字。朱子曰。無極是該貫虛實清濁而言。無極字落在中間。太虛字落在一邊了。便是難說。聖人熟了。說出便恁地平正。而今把意思去形容他。却有時偏了。明道說氣外無神。外無氣。謂清者為神。則濁者非神乎。後來亦有人與橫渠說橫渠却云。清者可以該濁。虛者可以該實。却不知形而上者。還他是理形而下者。還他是氣。既說是虛。便是與實對了。既說是清。便是與濁對了。

高注此言清濁形神之別。欲人存神而不困於形也。

補注。太虛為清。則無礙。是陰陽兩端循環不已者也。反清為濁。則礙。是將氣紛擾合而成質者也。蓋反清為氣之渣滓。神化之糟粕。故濁。

愚按此與下節皆太虛之第二層也。前謂之太和者。以其氣之流行而統言之。此謂之太虛者。以其氣之清通而析言之。其寔一也。此篇首節以氣與神對。次節以本体與客形對。天地之氣。節以聚與散對。而此節尤為著明。蓋神無不在。而必屬之清者。猶性無不在。而於喜怒哀樂未發時尤易見也。張子又自謂虛可該實。清可該濁者。自人物未生之始。以及人物既生之後。而太虛皆統貫而行乎其中。故言難對而意自

太和

三

串如言喜怒哀樂未發而喜怒哀樂之情。寔無不具于其中也。然以神字截斷在清一邊說。終是偏處。蓋緣言太虛便已不能不與實對。緣言清便已不能不與濁對。以形下之氣而況形上之理。固宜其不能盡也。若程朱所言則天地之間。清濁皆氣。而理宰其中。故為飛魚躍。花蔕鳥啼處。皆道即處皆神。何嘗離而二之乎。語意云。夫人亦知神與形所由分乎。湛然太虛者。為氣之至清。則虛明通達而無所滯礙。無所滯礙。故神妙而不可測。若清之反為氣之濁。則凝聚而有滯礙。有所滯礙。則局於形。是二者不可相無也。然則蔽於形而不能存神。與遺形以求神者。皆可以返矣。○篇內

清濁聚散字太虛為清之清濁以大虛與萬有對氣不能不聚而為萬物之聚散以萬物與太虛對此氣之大清濁大聚散也浮而上者陽之清之清濁以天地自相對其聚其散氣之聚散於太虛之聚散以客形之變化者自相對舉一事之清濁聚散而言也亦皆須知其不同處

凡氣清則通昏則壅清極則神故聚而有間則風行而散聞其達清之驗歟不行而至通之極歟

集釋此發明太虛為清以下之意

補訓更即氣推言之凡氣合太虛而清則通反太虛而昏則壅塞而不通若清極則不但通而且神妙不測矣故氣之聚而有

太和

三

周隙以通之則風行而其散聞其達非清則通之驗矣且不見其行之迹而無所不至豈非通之極而神歟即風而凡氣可知矣○有散可聞故曰散聞其達者無所不達也不行而至仍以風言

由太虛有天之名由氣化有道之名合虛與氣有性之名合性與知覺有心之名

朱子曰太虛只是一箇太虛漸細分得密耳且太虛便是四者之總休而不離乎四者而言由氣化有道之名氣化是陰陽造化寒暑晝夜雨露霜雪山川木石金水土皆是只此便是太虛但離却氣化說雖離氣化說而是不離乎太虛未說人物各異

當然之理處合虛與氣有性之名有這氣道便隨在裏而無此氣則道理無安頓處如水中月須是有此水方映得月心之知覺又是那氣之虛靈底聰明視聽作為運用皆是有這知覺方運用得這道理所以張子說人能弘道是心能盡性非道弘人是性不知檢其心邵子說心者性之郭郭此等語皆泰漢以下人道不到○由太虛有天之名都是箇自然底由氣化有道之名是虛底物在定上見無形底固有形而見氣有形而虛無迹以有形之氣具無迹之理故謂之性也○由太虛有天之名合虛與氣有性之名是天命之謂性管此兩句由氣化有道之名是率性之謂道管此一句合性與知覺有心之名此又是天

太和

三

命之謂性這下管此一句  
補訓此舉天道性心之名不外乎理氣二者而已○太虛屬理氣化屬氣上即陰陽之氣變上化上者也性雖合虛與氣而以太虛之理為主氣在心則有知覺故合性之理與知覺之氣而謂之心者氣之靈而理所寓者也

李注太虛無形氣之本體此天之所以為天也中涵動靜相感之性是生細縕相盪之始此太和所以為道也虛者性之體氣者性之質此天所以命人之性也性者真精之令知覺者神智之發此天之所以為心也

愚按此節首句即太虛之第一層而以為有天之名者蓋造



化之初。太虛在造化上。既在天地。則天地亦即此以生。人物其理一耳。次句。即太虛之第二層。所以生人物之具也。必性以下。則以人之得於天者。言從虛說到氣。從虛與氣說到人之性。與人之心。雖天人分言。寔相疊而下。此節孟子盡其心者。章朱註採入。

鬼神者。二氣之良能也。聖者至誠得天之謂。神者太虛妙應之目。凡天地法象皆神化之精粕耳。

微引精粕見。然太虛節法象見。雖明得施節。

朱子曰。伊川謂鬼神者造化之迹。却不如橫渠所謂二氣良能。蓋程說固好。但只渾淪在這裏。張說分明。便見有箇陰陽在。

太和

三

問良能之義。曰。只是二氣之自然者耳。屈伸往來。是二氣自然能如此。補訓。以下言陰陽二氣之妙用。而此節兼言鬼神。聖神當重。二氣良能與太虛妙應。聖者是觀貼語。二氣良能中。即有太虛妙應之神。太虛妙應。即是神化。世所謂鬼神者。非他也。即二氣之良能。二氣之外。無鬼神也。所謂聖者。非他也。即至誠得乎天道之謂。天道之外。無聖也。所謂神者。非他也。即太虛妙應。無窮之目。太虛之外。無神也。夫神化超乎法象之外。凡天地法象皆神化之精粕。其粗迹可見者耳。鬼神對言。陰陽屈伸之分也。屈伸往來。皆自然。故曰良能。神者非鬼神之神。只是神。

妙意。猶易言鬼神之情狀。而又言神無方也。聖人至誠无妄。得天之道。與時消息。亦自然而然也。上言鬼神。而以至誠得天言。聖亦見聖之契合鬼神。處天地間之有法。有象。皆神化之精粕。當於精粕認神化。無徒見精粕而遺神化也。張註。二氣之良能。此語極精。蓋鬼神不專屬氣。此二氣又精。是理氣接縫之際也。朱子謂伊川不如橫渠說得好。蓋伊川只說得鬼神後半截事。只在天地功用上見之。橫渠則直究其性情。合理與氣而為言也。集解得天者。與天為一也。無在而無不。不存無為而無所不為。故謂之妙應。

太和

三

愚按妙應太虛之第二層也。就用處言。故言妙應。補訓謂神者。非即鬼神之神。因是然言神化。則神在其中。言神則鬼神在其中矣。曰二氣良能。曰太虛妙應。非即神化而何。友人宋子銳且曰。鬼神兩而化也。神者一而神也。精粕即休物之物也。

天道不窮。寒暑已。象動不窮。屈伸已。鬼神之實。不越二端而已矣。李注。申上條二氣良能之說。

集解。天道之所以不窮。寒暑推遷而已。象動之所以不窮。屈伸相彈而已。寒也。屈也。鬼也。暑也。伸也。神也。鬼神之所以為鬼神。不越此寒暑屈伸二者而已。非謂別有一鬼神如佛老所云也。

張注此段言鬼神之功效即程子所謂天地之功用而造化之迹者也

愚按此節雖申上條之說而其義較粗蓋言良能則二氣在其中而二氣不足該良能之義故也

兩不立則一不可見一不可見則兩之用息兩休者虛寔也動靜也聚散也清濁也其究一而已矣

補訓此承上而言二端之本一也諸家多以太極陰陽為說其理固是但張子是論二氣非周子太極陰陽之謂所謂一者言二氣本一耳○有兩必有一為之休有一必有兩以為之用如兩不立則一之休無可見一不可見則兩之用亦息所謂兩休

太和

元

者何也如虛與寔也動與靜也聚與散也清與濁也皆兩也兩不離一其究歸於一而已蓋二氣寔一氣之消長也○陽虛陰實陽動陰靜陽聚陰散陽清陰濁集釋以散屬陽聚屬陰非也聚則為有散則為無豈有者為陰無者為陽乎

愚按此節上虛下寔兩休以下數語正明兩與一之寔皆言氣也與太極無涉下節感而後通亦然補訓得之

感而後有通不有兩則無一故聖人以劉系立本乾坤毀則無以見易

微引易下傳之一章劉系者本立者也上傳之十二章乾坤毀則無以見易本義乾坤毀謂卦畫不立

補注此又申明上章之意

補訓夫氣必兩者相感而後有其流通之妙如不有兩者相感則無以見一之通矣故聖人作易○劉系立其本劉者乾也柔者坤也若乾坤毀則無以見易○必有乾坤者所謂兩也有乾坤而交易於是出所謂一也即感而後通○心也○劉系即陰陽聖人以陽陰為作易之本故曰以劉系立本劉系立本是正言乾坤毀是反言乾坤毀則無所謂劉系○李注兩者相對方可言感○而能通非一而何故非兩無以立感之休非一無以致通之川○所謂兩不立一不可見一不可見兩之用息者此也

太和

四十

游氣紛擾合而成質者生人物之萬殊其陰陽兩端循環不已者立天地之大義

朱子曰此段專說氣未及言理游氣紛擾此言氣到此已是渣滓龐濁者去生人物蓋氣之用也動靜兩端說氣之本○上章言坎然太虛一段亦是發明此意○陰陽即氣也豈陰陽之外復有游氣耶所謂游氣者指其所以賦于萬物一物各得一箇性命便有一箇形質此皆氣合而成之也○陰陽循環如摩將氣紛擾如磨中出者易曰陰陽相摩八卦相盪鼓之以雷霆潤之以風雨日月運行一寒一暑此陰陽之循環也乾道成男坤道成女此游氣之紛擾也○循環不已者乾道變化也合而成質

者。各正性命也。○晝夜運而無息。便是陰陽之兩端。其四邊散出紛擾者。便是游氣。以生人物之萬殊。如麴磨相似。其四邊只管層層撒出。天地之氣運轉無已。只管層層生出人物。其中有一箇有細如人物。有偏有正。○游是散殊。此如一箇水車。一上一下。兩邊只管滾轉。這便是循環不已。立天地之大義。底一上一下。只管滾轉中間。帶得水灌溉得所在。便是生人物之萬殊。天地之間。二氣只管運轉。不知不覺。生出一箇人。不知不覺。又生出一箇物。即他這箇輪轉。便是生物時節。○游氣是氣之發散。生物底游亦流行之意。紛擾者。參錯不齊。既生物。便是游氣。若是生物常運行而不息者。二氣初無增損也。○此固是一物。但

太和

四

渠所說游氣紛擾。合而成質。恰是指陰陽交會言之。陰陽兩端循環不已。却是皆那分開底說。蓋陰陽只管混了。開了。了混。故周子云。混今開。無窮今。游氣是裏面底。譬如一箇扇相似。扇便是立天地大義。底扇出風來。便是生人物底。補訓陰陽只管循環不已。自有游氣紛擾。生人物游氣紛擾。不礙陰陽之循環不已。游訓游散。只是動盪意。天地之大義。以氣化言。非以形休言。大義猶言天地之道。易行謂立天之道。立地之道是也。○張注此段。是倒裝文法。陰陽循環不已。而後有游氣紛擾。散出而生人物。要看到這道理明白。無如太極圖所云無極之真。二五

之精。妙合而凝。等語。尤詳細。

愚按此節大意。以氣之立天地。生人物者。分休用而言之也。游氣成質。即所謂感遇聚散。流形融結者也。陰陽循環。即所謂升降飛揚。浮清降濁者也。皆在太虛第二層內。然游氣無時不成。頂陰陽亦無時不流行。有休用而非二物。日月相推而明。生寒暑相推而歲成。神易無方。休一陰一陽。陰陽不測。皆所謂通乎晝夜之道也。

微引易下傳之五章。日往則月來。月往則日來。日月相推而明。生焉。寒往則暑來。暑往則寒來。寒暑相推而歲成焉。上傳之四章。通乎晝夜之道而知。故神無方而易無休。五章一陰一陽之

太和

四

謂道。又云。陰陽不測之謂神。補訓日陽也。月陰也。日月相推遷而明。生不窮焉。寒陰也。暑陽也。寒暑相推遷而歲功以成焉。其神妙無方。所交易無形。休一陰一陽。總以一陰一陽。變化不測。總而言之。皆所謂通乎晝夜之道也。○推者。推去彼而此方來也。明生明之相繼。生。不窮也。神無方。易無休。不惟日月寒暑上見。而即日月寒暑亦可以見矣。故接云神無方。易無休。陰陽不測云云也。愚按此節大意。即日月寒暑見二氣循環之妙也。雖全以易辭成文。非注釋之休。○當分三層。首二句。舉日月寒暑言之。中三句。見其神妙不測。末句。總斷神易之理。陰陽變化之妙。

無時無處不然。而即日月寒暑之相推可見。故曰此皆通乎晝夜之道也。日與暑即晝之道。月與寒即夜之道。

晝夜者天之一息乎。寒暑者天之晝夜乎。天道春秋分而氣易。猶人一寤寐而魂交。魂交成夢。百感紛紜。對寤而言。一身之晝夜也。氣交為春。萬物絳錯。對秋而言。天之晝夜也。氣本之虛則湛。本無形感而生。則聚而有象。斯有對。必反其為。有反斯有仇。必和而解。故愛惡之情。同出於太虛。而卒歸於物欲。倏而生。忽而成。不容有毫髮之間。其神矣夫。

微引莊子齊物論其寐也魂交。其覺也形開。注司馬云。魂交精神交錯也。

太和

四三

華注。承上通乎晝夜之道。以明天道人道。終不外於天道。春秋分至天之晝夜也。正明寒暑者天之晝夜。意氣本之虛以下。又明天地間恩仇愛惡。總是陰陽聚散之所為。是亦一晝夜也。由張子之意。之則人身之一呼一吸。一喜一怒。以至古今氣運之剝復。人事之治亂。倏生忽成。亦一晝夜也。無大無小。無久無暫。晝夜二字。可以畢該。而其本皆出于虛。其用則著于物。欲此物欲字。未便是不好字。眼神字。從循環不已上看出。二氣本一。故神也。

補訓春秋分。只是說分春分秋。非曆之春分秋分也。補註太泥。更暑冬寒。而春秋者。由春至夏。而暑由秋至冬。而寒是。分春

秋而寒暑之氣。因以易也。魂交二字。對易字看。當為交接之交。以寐言。則是魂交成夢。以寤言。亦是魂交成寤。百感紛紜。是夢境氣交。亦是交接之交。猶氣易也。春固氣交。秋亦氣交。萬物雖然並生。故曰絳錯。氣本之虛。二句。又推上一層。本之虛者。以太虛為根本也。有對而反。而仇而和。解只照寒暑之氣言。較明集解。以日月薄蝕。男女反目。言殊不令相反。則惡相合。則愛集。釋云。春生可愛。秋殺可惡。愛之惡之。人心之私愛惡。全以人言。與上文不聯。倏生忽成。承上感而生。字未生成。渾說集釋。分春生秋成。亦可。但不宜以生成跟愛惡說。即此可見。寒暑循環。無毫髮之間。猶晝夜也。

太和

四四

愚按此節大意。皆明天道之神也。虛是第一層。反仇愛惡。以下皆在第二層內。重一神字。前神字。俱以妙應不測者言。此重神速意。語意云。夫天道之神。又有可得而言者。晝夜者。其天之一息乎。一晝一夜。猶一呼吸之速也。寒暑者。其天之晝夜乎。一寒一暑。猶一昏旦之暫也。蓋天道分春秋。而寒暑之氣。交如人之寤寐。而魂以交易。人之寐時。魂交成夢。百感紛紜。交幻不一。以之對寤而言。寐則夜。寤則晝。是一身之晝夜也。天之氣交。為春。萬物絳錯。而生以之對秋而言。春則晝。秋則夜。是天之晝夜也。夫氣之本。係是為太虛。其初亦湛然至清。本無形象耳。及氣之相感而生。則聚而有可見之象。

既有象斯有對。如寒與暑對也。有對必反其所為。如寒暑相反也。有反斯有仇。如寒暑之不相容也。仇必有以和而解。如寒由溫而暑至。暑由涼而寒至也。和解則愛。反仇則惡。是天道愛惡之情。同出於太虛之一本。而其後卒歸於物。故之萬殊。故其二氣紛擾。化育不窮。條而生。忽而成。不容有毫髮之間斷。豈不神妙莫測矣乎。故曰。寒暑者。天之晝夜也。首句形起。次句天道春秋分以下。皆明次句意。只以人之寤寐形容天道。不以天人並重。一寒一暑。應四時而成。歲在天道。則如一晝夜。然便有條生。忽成而極。其神意氣本之虛以下。又提起一筆。而詳推其理。言其始本太虛而無形也。一至聚而

太和

四

有象則遂有反仇和解愛惡之情。紛紜參錯。不可窮絕。同出於太虛之無形。而卒歸於物。故之有迹。此數句即見一氣循環神速不測之妙。故接云。條生忽成。無毫髮之間。其神矣。未正應轉天之晝夜句。反仇和解愛惡物。故等字。皆以人事形容天道。愛者相生相合之意。惡者相制相克之意。物故云者。天道之變化。容形如人之有感而動。隨物而遷。千狀萬態。無復本一之體。即上象對反仇和解數句。意非私教之謂也。條生忽成。又即氣化之生。人生物而告生。不忽成。相繼神速不測。何間之有。舊說皆以物故屬人言。故語氣不能一貫。李註遂分氣本之虛以下。另為一節。於條生忽成句。反難安

頓矣。惟華注畧得其意。而以天道八道並言。亦誤。造化所成。無一物相肖者。以是知萬物雖多。其實一物無二。陰陽者。以是知天地變化二端而已矣。

張子語錄。人與動植之類。已是大分不齊。於其類中。又極有不齊。某嘗謂天下之物。無兩箇有相似者。雖一件物。亦有陰陽左右。譬之人一身中。兩手為相似。然而有左右。一手之中。五指而後。有長短。直至於毛髮之類。亦無有一相似。至如同父母之兄弟。不惟其心之不相似。以至聲音形狀。亦莫有同者。以此見直無一同者。

李注以造化成物之各異。知物之各具陰陽。以物之各具陰陽。

太和

四

知天地變化之不出於陰陽也。

華注陰陽雖只兩端。其感遇凝聚却萬有不齊。所以形質各不相肖。就其不相肖而益可悟天地之化。不外於陰陽也。

愚按上四句。因形之不相肖。而知無物無陰陽。此在萬殊處說。陰陽下二句。因物之各具一陰陽。而知天地之變化。以生物者。總不外陰陽二端。此方見萬殊之一本。意兩以是知字相照。而下舊說於無一物句。即謂萬殊一本。語氣未合。不相肖不但人與物異。飛走異。即人之各具一面目。肢體飛走之族。各三百有六十。皆足見其不同。蓋就形體言之。集釋並及聖愚之異。亦非是。

萬物形色之糟粕。性與天道云者。易而已矣。心所以萬殊者。感外物為不一也。天大無外。其為感者。細縕二端而已。

李注。易者變化也。神者變化之妙也。性與天道在其中矣。

張注。心所以萬殊二句。此就無主宰之心言之。非論心之本体也。天下同歸而殊塗。一致而百慮。何不一之有。細縕二端而已。須知細縕中便有許多不測道理在。

愚按此節大意。亦明天道之神也。語意云。夫天道之妙。豈有外於神乎。萬物之形色氣也。而即神之糟粕。非能離神以為形也。即理之微者。莫過於性與天道。亦不外陰陽變易之神而已。豈有他哉。彼人心所以有萬殊而不一者。特以物之

太和

四

所感者不同。故不能一而神也。若天之大而無外。其所感者不外陰陽二端。細縕交密而已。而有不極其神者乎。形色所該者廣。凡散殊可象者。皆是不專指人言。心有萬殊者。以人之有心。觀起天道之自然也。此節舊說。皆不得其解。惟吾友朱子。銳臣之說得之。宋云。首二句。見氣皆神之所謂性與天道二句。見理亦不外乎神。言神又言易者。神無方易無體。其寔一也。惟一故神。心不能一。故不能得感而遂通之神。細縕則所謂清通不可象而神者也。

物之所以相感者。利用出入。莫知其鄉。一萬物之妙者。繫微引易上傳之十一章。利用出入。民咸用之。謂之神。說卦之六

章。神也者。妙萬物而為言者也。華注此節發明神之為妙。

集解。如日月寒暑之推遷。人物之終始。山川之流峙。皆物之相感氣也。而其所以相感者。理也。利用出入。往來無礙。無所不在。而不可測者也。故曰一萬物之妙。一者貫通之意。言其統貫乎萬物而極其妙也。

補訓引來三句。一串下。皆是証一神字。利用妙萬物。固是神。莫知其鄉。亦只說神不說心。物相感而生。是生上不窮意。非謂此感彼應也。利用出入。用以出入。無不利。即神處神無形。故莫知其鄉。

太和

四

愚按此以首句作一呼。下三句作一應。神理自明。氣與志。天與人有交勝之理。聖人在上而下民。容氣虛之動志也。鳳凰儀志。壹之動氣也。

微引書堯典。洪水滔天。下民其咨。益稷。蕭韶九成。鳳凰來儀。

華注此節。重在志能勝氣。人能勝天。上上文屢言陰陽交感。萬事萬物。皆由之以出入。則似聖人無權。而不知補救調變乎陰

陽者。在人。裁成輔相乎天地。皆在人。故以志壹動氣。明人定可

以勝天也。下民咨。鳳凰儀。舉一以見端。

補訓氣與志交勝。天與人交勝。下文只証氣志而天人自見。益

以天配氣。以人配志。氣壹動志。即天定之。勝人志一動氣。即人

定之勝天也。動志動氣。是借用語。只大抵說集釋以動志為充之志。動氣為鳥獸之氣。覺拘蓋水與尚可言氣。而作樂難以貼志也。

愚按氣謂氣數。志謂人事。物本皆則難解矣。

太和

四九

參兩篇第二

大全。此篇論天地陰陽常變之道。

愚按此篇凡二十二節。首七節皆論天地之道。日質本陰。以下七節皆言日月之行。陽之德。四節皆言陰陽之理。火日外光。四節皆言五行與水火之質性。篇中推論天道皆與渾天說合。惟地氣乘機之說與先儒所論稍異。天道難測。姑備一說可耳。

地所以兩分。劉系男女而效之法也。天所以參一太極兩儀而象之性也。

微引易說卦之一章。參天兩地而倚數。本義。天圓地方。圖者一

參兩

手

而圖三。各一奇。故參天而為三。方者一而圖四。各二耦。故兩地而為二。上傳之五章。成象之謂乾。效法之謂坤。本義。效呈也。法謂造化之詳密。而可見者。十一章。易有太極。是生兩儀。補注。此釋易參天兩地之義也。高注。天輕清。故理氣屬之地。重濁。故形質屬之。劉系男女皆以兩而成形。故地數兩。太極兩儀。本乎一而為二。故天數三。男女兼人物言。

補訓。形質為法。理氣為性。

李注。此張子之學。微與周程間隔處也。蓋太極雖不離乎陰陽。而實不離乎陰陽。安得與之對。而為三哉。其後胡氏之學。有所

謂無對之善。及與惡對之善。無對之靜。及與動對之靜。朱子以爲如此。則是三角底太極者。意其源流於此也。

愚按參天兩地。易本言筮著起數之事。言參天之三奇而立三之數。兩地之二耦而立兩之數。其餘如九六七八之數。皆倚此而起。張子則謂地所以立兩之數者。蓋以地有質。故因劉系男女之有質者。以見地。而以其質之對待成兩者。效地之法也。天所以立三之數者。蓋以天無形。故因太極陰陽之爲氣者。以見天。而以其氣之一物兩體者。象天之性也。本義就天地方圓圖徑取義。意甚直捷。張子又借劉系男女太極兩儀。以見天地。不免添出一層。而分配處亦未確。又分一與

參兩

五

效象。皆有力字。當以聖人之立數者言。玩此篇及有德篇。衆生法必效。似皆以效字作倣字。學字之義。不訓爲呈也。一物兩體氣也。一故神。自注兩在兩故化。自注推行於一。此天之所以參也。

朱子曰。此語極精。一故神。自注云。兩在故不測。只是這一物。周行乎事物之間。如陰陽屈伸。往來上下。以至於行乎千百千萬之中。無非這一箇物事。所以兩在故不測。兩故化。自注云。推行於一。天下之事。一不能化。惟兩而後能化。且如一陰一陽。始能化生萬物。雖是兩要之。亦推行乎此一耳。一是一箇道理。却有兩端用處不同。譬如陰陽。陰中有陽。陽中有陰。陽極生陰。

陰極生陽。所以神化無窮。兩者陰陽消長進退。非一。則陰陽消長無自而見。非陰陽消長。則一亦不可得而見。一故神。譬之人身四體。皆一物。故觸之而無不覺。不待心思至此而後覺也。此所謂感而遂通。不行而至。不疾而速也。補訓此承上參天兩地而申言其義。一與兩皆氣。而理宰其中。非一爲理。兩爲氣。一物兩體氣也。謂陰陽之氣。本是一物。而分陰陽之兩體也。一合兩故神妙不測。兩運一故變化無窮。合一與兩謂之參。此節甚分明。而上文以太極與兩儀爲參。似與此氣字不合。蓋張子之意。以太極即無理氣。與周子稍不同耳。

參兩

三

愚按一神兩化。必首篇之義。推之俱在太極第二層內。蓋兩而化者。同二氣之運一而神亦止。就發用處言也。太極兩儀之云。濂關所論。有不可強同者。大抵一神兩化之義。非不精微。然如周子所言。則此義固存乎其中矣。一物兩體。窮矣。譬之人之兩手。惟是一氣運動。故動止相應。不言而喻。若各爲一物。則頑而不靈矣。然雖是一物。却分兩體。若非有兩則運動者。亦安能相應。不窮乎太極兩儀。太極只在兩儀上見。補注陽動則一在動之中。陰靜則一在靜之中。似太極另爲一物者。其說已入太極圖說甲裏。非張子本意。蓋自注兩在。即兩體之意。補注太泥在字耳。



地純陰。凝聚於中。天浮陽。運旋於外。此天地之常體也。恒星不動。統繫乎天。與浮陽運旋而不窮者也。日月五星。逆天而行。并包乎地者也。地在氣中。雖順天左旋。其所繫辰象。隨之稍遲。則反移徙而右耳。間有遲速不齊者。七政之性殊也。月陰精。反乎陽者也。故其右行最速。日為陽精。然其質本陰。故其右行雖緩。亦不純繫乎天。如恒星不動。金水附日。前後進退而行者。其理精深。存乎物感。可知矣。鎮星地類。然根本五行。雖其行最緩。亦不純繫乎地也。火者亦陰。質為陽華焉。然其氣比日而微。故其遲倍日。惟木乃歲一盛衰。故歲應一辰。者日月一交之次有歲之象也。

參兩

五

守定。張子說日月皆是左旋。說得好。蓋天行甚健。一日一夜周三百六十五度四分度之一。又進過一度。日行速健。次於天一。日一夜周三百六十五度四分度之一。起度端。終度端。無虧縮。正恰好。被天進一度。則日為退一度。二日天進二度。則日為退二度。趕天不上。積至三百六十五日四分日之一。則天所進過之度。又恰周得本數。而日所退之度。又恰退盡本數。遂與天會。而成一年。月行遲一日一夜三百六十五度四分度之一。行不盡。比天為退十三度十九分度之七。至二十七日半強。而一周天與初躔合。又行二日有奇。為二十九日半強。與日會。進數為順。天而左。退數為逆。天而右。曆家以進數難算。以退數算之。此

參兩

五

七政。蔡傳。日月五星。七者運行於天。猶人君之有政事也。淮南子。東方木。其神為歲星。南方火。其神為熒惑。中央土。其神為鎮星。西方金。其神為太白。北方水。其神為辰星。晉書天文志。金星水星。一日移一度。一月移一宮。一歲一周天。火星二日移一度。二月移一宮。二歲一周天。木星十二日移一度。一歲移一宮。十二歲一周天。土星二十八日移一度。二十八月移一宮。二十八歲一周天。張子語錄。五緯五行之精氣也。所以知者。以天之星辰。獨此五星動。或問朱子曰。天道左旋。日月右行。如何。曰。自疏家有此說。人

是截法。故謂之右行。取其易見日月之度耳。乃云日行遲。月行速。此錯說也。曆家若順算。則那相去處度數多。今以其相近處言。故易矣。蔡季通云。面域有九軌。曆是順算。天無休二十八宿。便是天體隨天而定。日月五星。則皆隨天左轉。而緩急各不同。不隨天而定也。橫渠少遲。則反右之說。極精。如以一大輪在外。一小輪載日月在內。大輪轉急。小輪轉慢。雖都是左轉。只有急有慢。便覺日月似右轉了。禮記月令疏云。二十八宿及諸星皆循天左行。一日一夜一周天。一周天之外。更行一度。其說可證。補訓。此節推論天地日月星辰運轉之理也。首言天地常條。歲

言恒星隨天左旋日月五星隨天右旋次言日月五星右行有  
後速不齊未帶釋辰字○朱子詩傳放明長庚皆金星也○其  
先日而出謂之啟明以其後日而入謂之長庚高註金太白即  
啟明水星辰星即長庚其說誤也五行以土為根本土性遲故行  
緩火內陰外陽故火星亦陰為損而陽萃於陰之外其氣比日  
而微故其遲倍於日一歲周天火二歲周天也日月每月一  
會其交會之次謂之辰十二辰正月亥二月戌逐十二宮為一  
周亥為姬訾戌為降婁酉為大梁申為實沈未為鶉首午為鶉  
火巳為鶉尾辰為壽星卯為大火寅為析木丑為星紀子為玄  
枵一歲而周故有歲之象

參兩

五

補注恒星二十八宿經星也日月五星緯星也地在氣中以下  
釋言日月五星所以逆行之意月陰精以下又詳言七政所以  
性殊之實金水二星金大水小或一在日先一在日後或俱在  
日先俱在日後常附日而行陽感乎陰也  
李注此條之意當合下二條觀之乃明自古言天者皆謂天動  
而地靜天左旋而日月五星右轉張子則謂地雖凝聚不動然  
其氣實與天左旋無少停息日月五星雖見為逐天而其寔乃  
順天而行但比天稍遲而已蓋地氣既順天左旋中間辰象無  
獨自右行之理特以稍遲於天故見為移徙而右又各以七政  
性情分緩速焉月陰精右行最速實乃其左行最緩日雖陽精

然本陰故右行雖變左行雖速亦不能如恒星之純繫乎天也  
金水進退不離日乃陰精感召於陽之理其象甚顯其理則微  
矣土星者地類也地氣與天左旋宜鎮星亦若是然根本五行  
則不能與純陽純陰之氣並運而同流也言不純繫乎地即其  
不純繫乎天因日陽精而土地類故異其文耳火為日類而微  
正猶金水之為日類而微也故月受日光而金水附陽金水法  
月也火之行倍于日大法日也木星歷一辰則木一盛衰周天  
而符歲數故木曰歲星  
愚按此節大槩皆用渾天說惟地在氣中二語似參用先儒  
四遊之說蓋張子實見地有左旋之理如下節所云者但地

參兩

五

之左旋亦畧有運動非同於天運之旋轉故天上所繫之辰  
象隨天稍遲人於地上望之則反見為右行耳蓋地雖有運  
動而未足以掩辰象右行之迹也或有謂順天左旋只是氣  
動非形動者多作周旋反覺蛇足又李注分并包乎地以上  
為古說地在氣中以下為新以已意竊謂通節皆融會舊說  
而裁以已意亦裁分不得  
凡圓轉之物動必有機既謂之機則動非自外也古今謂天左旋  
此直至粗之論耳不考日月出沒恒星昏曉之變愚謂在天而運  
者惟七曜而已恒星所以為晝夜者直以地氣乘機左旋於中故  
使恒星河漢因此為南日月因天隱見太虛無盡川無以息也

動於外也

大全固一作回

李注此節即申明地氣順天左旋之意而益知七政之為左旋也

補訓夫謂地在氣中順天左旋者可類推也大凡圓轉之物其動必有機既謂之機則動必由內非自外為之也即凡物可知天地矣古今人皆謂天左旋此直是影響至粗之論耳不知考究日月出沒恒星昏曉之變故但知天左旋而不知所以左旋也愚謂在天而自為運行者惟日月五星而已若恒星則不然在恒星所以分昏曉而為晝夜者直以地在氣中乘機而左旋

參兩

五

故使恒星河漢因之而轉北為南及日月之因天隱見其出沒亦有永短不同皆地氣乘機為之耳若太虛本無體舍却日月恒星則無以驗其運動於外也但曰天左旋豈非得其粗不得其精者乎○直猶但也七曜即七政以其有光曜謂之七曜晝夜即昏曉隱見即出沒意上不及河漢以恒星因北為南帶出因南作回南為是集釋謂地左旋之說有疵固是然以黃氏瑞節所論潮以証之地春東夏南秋西冬北浮水而動合觀四時是左旋之意非真如磨之圓轉也蓋東西南北方向不易而春夏秋冬乘氣機而自動恒星日月又因地運而改觀理固有之也

發明圓轉之物如輪碾之類動必有機如輪之轂碾之臍也恒星半在天上半在地下一星入即一星出故有昏曉之變因此為南者恒星當午謂之中星必左旋由北而東而南而西故云華注天左旋為粗論非謂天是右旋直謂太虛無體無以驗其動耳日月出沒恒星昏曉乃其旋者其所以旋乃緣地氣乘機左旋而恒星河漢隨之也在天而運者惟七曜以日月五星係自為運轉之物非恒星之比而于七曜中又抽出日月與恒星並言者想因日月行於三百六十度中總不越恒星之度日所行之度其星即以光掩不可見故前後俱合言之

愚按上節地在氣中二語尚是帶說此則專主以立言首四

參兩

五

句虛提不考日月四句因太虛無體故以日月恒星明之下言恒星言河漢即是言天而因以見左旋之機未嘗不因乎地也不知地為天之機而但謂天左旋豈非至粗之論乎太虛無體正張子註明所以言恒星之故太虛即謂天無深意○太虛無體以二十八宿為休蓋天所以分三百六十五度四分度之一者東方蒼龍七宿三十二星七十五度北方玄武七宿三十五星九十八度四分度之一西方白虎七宿五十一星八十度南方朱雀七宿六十四星百一十二度二十八宿合一百八十二星共三百六十五度四分度之一而天體因此以見不然者者何以見其行度乎日月亦以天度

不行也。故並言之。然意不重在日月恒星。只是即日。月  
恒星以明天。而其意總重在即地之左旋。見天之所以左旋  
應轉首。四句意。張子此說。殆亦如邵子天何依。依乎地。地何  
附。乎天之意歟。○集釋謂地動則不能載物理。固然矣。然  
竊意天地相涵止是一氣。天休固故動。然動者未嘗不與靜  
者相通。地休方故靜。然靜者未嘗不隨動者而運。但天之運  
行。則有度數。次舍可推。而地之大體乘氣而行。但微有運動  
非天行遲速。專因地而見。亦非地竟壞。然於中成一毫無運  
動之物也。補訓引黃氏之說。頗為得之。但未必如先儒四遊  
三萬里之誕耳。○節首機字。即九物之樞機。以見地為天之

參兩

五

參兩

辛

機。是指實語。地氣乘機。字謂地乘氣機而左旋。各是一義。

須分別者。

天左旋處。其中者順之。少遲則反右矣。

補注。即上隨之少遲。則反移徙而右之意。

集釋。愚按朱子前章之意。謂日行天上。頗速。五星與月行頗遲。

月如蟻行。磨上頗慢。於磨日如蟻與蟻子同行。磨間蟻子又疾。

于蟻也。

地物也。天神也。物無神之神。顧有地斯有天。若其配然耳。

朱子曰。天包乎地。天之氣又行乎地之中。故橫渠云。地對天不  
過。

補訓。此見天之獨尊也。有地在下。斯有天在上。譬如婦與夫。  
對其實。婦統於夫。以家言之。婦亦家人之一耳。

李注。形神之相配。如身心之對待。

地有升降。日有脣短。地雖凝聚不散之物。然二氣升降其間。相從  
而不已也。陽日上。地日降。而下者虛也。陽日降。地日進。而上者盈  
也。此一歲寒暑之候也。至於一晝夜之盈虛升降。則以海水潮汐。  
驗之。為信然。間有小大之差。則繫日月朔望。其精相感。

黃氏瑞節曰。此段地有升降。日有脣短。及証以海水潮汐之候。  
皆用舊說。今考先儒皆謂地。在天中。水環地外。四遊升降。不越  
三萬里。春遊過東方五千里。其下降如其數。秋遊過西方五千

里。其上升如其數。夏遊在南。故日在其上。冬遊過北。故日在其  
南。此冬夏晝夜之長短。因地有升降。而然。人處地上。如在舟中。  
但見岸之移。而不知舟之轉也。至於論潮。則謂天包水。水承地。  
而一元之氣。升降於太虛之中。地乘水力。與元氣相為升降。氣  
升而地沉。則海水溢上。而為潮。氣降而地浮。則海水縮而為汐。  
一晝一夜。陰陽之氣。再升再降。故一日之間。潮汐皆再。其說與  
地有四遊。相為表裏。然以渾天術觀之。天形斜倚。坐在地上。北  
極出地三十六度。其南五十五度。正當地中。又其南十二度。為  
夏至之日道。天在地上最高。故晝長。又其南二十四度。為春秋  
分之日道。天在地上稍低。故晝夜半。又其南二十四度。為冬至

之日。遊天在地上。最低故晝短。其南下入地。總三十一度而止。此晝夜長短。乃天地高低自然之理。非因地之升降。然也。潮汐消長。則惟余襄公海潮圖序最明。蓋潮之消息。皆繫於月。月臨卯酉。則潮漲乎東。酉月臨子午。則潮平乎南。北晝夜之運。日行一度。月行十三度。有奇。故太陰西渡之期。常緩於太陽三刻。有奇。潮信之來。率亦如是。自朔至望。常緩一夜。潮自望至晦。復緩一晝。潮朔望前後。月行差疾。故晦前三日。潮勢長。朔後三日。潮勢大。望亦如之。月弦之際。月行稍遲。故潮之去來。勢亦稍小。一月則潮盛於朔望之後。一歲則潮盛於春秋之中。春夏晝潮常大。秋冬夜潮常大。蓋歲之有春秋。猶月之有朔望。天地之常數。

參兩

六

也。此潮之消息。乃繫乎月之進退。亦非因地之浮沉也。張子特用舊說。而未之易耳。因附見之。補訓此。論地之升降。而並及潮汐也。因地之升降。帶言日之脩短。地雖凝聚。至寒暑之候。正言地之升降。而寒暑帶脩短意。下又言晝夜之盈虛。升降。而及潮汐。夫地者。乘氣機。而為升降者也。因地之有升降。而日乃有長短。暑刻之不齊。以為寒暑之分。所以然者何也。地以陰質。難為凝聚不散之物。然陰陽二氣。升降於地之中。循環相隨。而不已也。當其陽氣日上。則地日降。而下者。以陽氣虛於下。故地沉而降也。當其陽氣日降。則地日進。而上者。以陽氣盈於下。故地浮而升也。陽自子月而生。日漸

長。而為暑。陽自午月而降。日漸短。而為寒。此一歲寒暑之氣候。如是也。至於一晝夜之間。亦有盈虛升降。且而陽生。則地以虛而降。潮於是生。夕而陽降。則地以盈而升。故於是至。則以海水之潮。以驗之。而可信也。然其間潮有大小之差者。則又繫日月朔望。月之精。與水相感。月疾。則潮大。月遲。則潮小。而潮汐實則繫於地之升降也。地有升降。故日有脩短。重上句。修短。照下寒暑。看地本陰。陰之氣在地中。而天之陽氣。實非降其間。故云二氣相從。不已。晝夜微升降。寒暑大升降。潮汐應月。固朔望帶言日月。與水皆陰類。故其精相感。按地有動有陷。則非死物。其升降。亦或有之。但不得有五千里之懸殊耳。舟大而穩。乘者

參兩

三

不覺其動。况茫茫大地。其升降。誰能知之哉。若論寒暑修短。則天行可據。地運無憑。姑存其理可耳。集釋朔則月與日合。得乎陽而陰之氣方生。望則月與日對。得乎陽而陰之氣方盛。故潮水大。春秋陰陽之和。潮亦大。月行弦上。而潤近。故似遲。月行中天。而狹高。故似疾。非月實有遲疾也。月有遲疾。則一日行十三度者。不足憑以算曆矣。愚按此節。全用四遊舊說。惟朔望小大。三句。參用潮汐應月之義。蓋天行地運。理甚冥渺。非可執一以盡其故。張子自是於渾天術外。兼存舊說。未可多議也。海濤朝曰。潮夕曰。汐。亦潮也。一日一潮。一汐。黃氏海縮為汐。潮汐皆再等語。未是。

日質本陰。月質本陽。故於朔望之際。精魄反交。則先為之食矣。朱子曰。曆家說天有五道。而今且將黃赤道說。天正如一員。匣相似。赤道是那匣子相合縫處。在天之中。黃道一半在赤道之內。一半在赤道之外。東西兩處與赤道相交。度都是將天橫分為許多度數。會時是日月在黃道赤道十字路頭相交處。撞着望。是月與日正相向。如一箇在子。一箇在午。所以食於朔者。月常在下。日常在上。既是相會。被月在下。面遮了。故日食望時。月食謂之闇。虛蓋火日外影。其中實闇。到望時恰當着。其中闇處。故月食至明中有闇。虛其闇至微。望時月與之正對。無分毫相差。月為闇。虛所射。故食。○黃氏瑞節曰。春秋疏云。日月同處。

則日被月映。而形冕不見。故食。朔則交會。故食必在朔。然而每朔皆會。應每月皆食。杜預云。日月動物。雖行度有大量。不能不小有盈縮。故有難交會而不食者。或有頻交而食者。又云。日月異道。交互相錯。月之一周。必半在日道裏。從外而入。半在日道表。從內而出。或六入七出。或七入六出。凡十三出入。而與日會。曆家謂之交道。通而計之。一百七十三日有餘。而有一交。唐一行議云。日行黃道。月有九道。其所行之道。遇交則有薄蝕之變也。至於合朔如合璧。則不食。其交不軌道。則食也。故驗日食者。必以日躔月道之交驗之耳。五代王朴云。自古相傳皆謂近交則日月有蝕。殊不知日月之相掩。與闇虛之相射。其理有

異。本據諸家之說。所謂九道者。青道二。赤道二。白道二。黑道二。與黃道而九月不行黃道。止行八道。但此八道斜出入於黃道之內外。故謂之九道耳。月一歲凡十三次經天。則二十六次出入於黃道之內外。一次經天。則一次入。一次出也。或六次入。七次出。或七次入。六次出。各十三出入也。此二十六次出入於黃道之時。有二十四次皆不與日會。惟有兩次與日會。故疏云。通計一百七十三日有餘。而有一交也。於此時方有食。然而有食有不食者。或日月同道之際。道有分數。故食亦有分數。或小有盈縮。遂從邊而過。故有不食也。呂氏詩記。十月之交。篇載孔疏之說。亦然。若以定法論之。一歲兩交。當兩食。而春秋二百四十

二年日食三十六。唐二百九十年食百餘。何也。此杜預所謂有難交而不食者。或有頻交而食者也。朱子與王朴之說。今日月之相掩。與闇虛之所射。是日月食之理也。補訓此推日月交食之理。補注吳臨川曰。由北直南而縱分。之謂之度。由東至西而橫截。之謂之道。月二十九日半有奇。而與日同道。是為朔。十四日九時有奇。而與日對度。是為望。合朔之時。縱雖同道。橫不同道。若橫亦同道。則月掩日。而日食對望之時。縱雖對度。橫不對道。若橫亦對道。則日射月。而月蝕其蝕之。分數由同道對道所交之多寡。

發明日質本陰。故其精闇虛。月質本陽。故其魄能受日光。朔而日月相會。則日被月掩。故日食是魄反交乎日也。望而日月相對。月為闇虛所射。故月食是精反交乎月也。

愚按反交補訓作反覆相交。竊謂反者自下而上之詞。如杜詩反照入江之反。日食則月在下上掩日光。月食則日在下上奪月光。又日外陽而內陰。月外陰而內陽。質言其內也。精言其外也。陰即質也。魄則月之外陰也。書康誥哉生明武成旁死魄。皆以月本黑之體為魄。非言其內之質也。日以其外陽之光交於月內陽之質。故內外相映而光生。若以其內陰之精對其本黑之體。則月無光矣。月質本陽。故受日之光。

參兩

室

若以其本黑之陰體上掩乎日。則日食矣。集解以月之魄為陽。補訓以月質為魄。皆誤。

虧盈法。月於人為近日。遠在外。故月受日光。常在於外。人視其初終如鉤之曲。及其中天也。如半璧然。此虧盈之驗也。

朱子曰。曆家舊說。月朔則去日漸遠。故魄死而明生。既望則去日漸近。故魄生而明死。至晦而朔。則又遠日而明復生。所謂死而復育也。此說誤矣。若果如此。則未望之前。西近東遠。而始生之明。當在月東。既望之後。東近西遠。而未死之明。却在月西。矣。安得未望載魄於西。既望終魄於東。而適日以為明乎。故惟近日沈括之言得之。蓋括之言曰。月本無光。猶一銀丸。日耀之乃

光耳。光之初生。日在其旁。故光側而所見終如鉤。日漸遠。則斜照而光稍滿。大抵如一彈丸。以粉塗其半。側視之。則粉處如鉤。對視之。則正圓也。近歲王魯又申其說。月生明之夕。但見其一鉤。至日月相望。而人處其中。方得見其全明。必有神人能凌倒景。旁日月而往。參其間。則雖弦晦之時。亦復見其全明。而與望夕無異耳。以此觀之。則知月光常滿。但自人所立處視之。有偏有正。故見其光有盈有虧。非既死而復生也。古今皆言月有闕。惟沈存中云。無闕。蓋晦則與日相疊了。或從上過。或從下過。皆不受光。至初三方漸離開了。人在下面側看見。則其光闕。至望日。則月與日正相對。人在中間看見。則其光方圓。問月

參兩

室

中影是地影否。曰。前輩有此說。日月在天。如兩鏡相照。而地居其中。四旁皆空水也。故月中微黑之處。乃鏡中大地之色。畧有形似。而非真有物也。問弦之義。曰。上弦是月盈及一半。如弓之上弦。下弦是月虧了一半。如弓之下弦。又問是四分取半否。曰。二分二至。亦是四分取半。曆家謂紆前縮後。近一遠三。以天之圓言之。上弦與下弦時。月日相看。皆四分天之一。○黃氏瑞節曰。紆前縮後云者。曆家謂春分月弦東井。日在奎。秋分月弦南斗。日在角。月在前。日在後。是也。近一遠三云者。曆家以周天為四分。近一分。遠三分也。補訓此節論月之盈虧。全繫於日也。如鉤之曲。如璧之半。皆虧

缺時也。惟望則正。負而盈。按日食為月掩。則月近日遠。可據但未必大相隔絕耳。

補注董氏發微曰。終謂晦朔以前。初謂晦朔以後。終如鉤。晨見東方。初如鉤。昏見西方。上弦則昏見中央。下弦則晨見中央。至望則日月相對。而光滿。晦朔則日月同會。而月光減矣。

愚按補訓以日為月掩為遠。今傳家謂日徑七百里。月徑六百里。日道依天。月下於日一萬一千五百里。是以月徑六百里之廣。猶日徑七百里之大。每遇同道同度。則月掩日光。而無餘分。其說與補訓相合。雖日月圓徑及相去里數。難以意測。然其理大抵如此。又據今說。月在日之下。則沈存中

參西

已

所謂或從上過。或從下過者。亦微異矣。丹所位者。陽故受日之光。不受日之精。相望中弦。則光為之食。精之不可以二也。

李注復申曰。質本陰。月質本陽。一節之意。

集解月所位陽也。日之光亦陽也。陽與陽合。故受日之精。陰也。陰陽相反。故不受受日之光。故光應之。則明不受日之精。故正與相對而精射之。則食。蓋光者用精者。體用可兼乎外。而休則貞一而不可以二也。

高注相望中弦。日月相對。當上下弦之中。謂望日也。

補訓日食易明。故專言月。頃陽故受日光。若本非陽。質以黑。寧

之物。日雖曜之。不能明也。

愚按上不受以月言。陰陽相反。故不受也。下不可二。以日言。體一而已。故不可旁及也。亦上下互發之文。發明補訓謂日精強加之。而月不能救。故食竊意。月無光。借日之光。以為光。正對闇虛。則日不能為月之光。故月食耳。恐日無強加之理。亦非月本有光。而日奪之也。

日月雖以形相物。考其道。則有施受健順之姿焉。星月金水。受光於火。日陰受而陽施也。

補訓此節推論陰受陽施之理。上只言日月。下並言星。又推金水火皆是。陪說日光。兼及星月金水火。但能照金水。不及星月。

參西

六

○日月雖以形相並。而為物。考究其道。則日健而月順。日施而月受。有不同者焉。豈獨日月為然。凡星與月。金與水。受光於火。日皆陰。主受而陽主施也。○物與道對。以形則各為一物。以道則一施一受不同也。星月為陰。日為陽。水陰根陽。火陽根陰。金體凝固。為陰。尤易明。

陰陽之精。互藏其宅。則各得其所安。故日月之形。萬古不變。若陰陽之氣。則循環通至。聚散相盪。升降相求。絀絀相揉。蓋相兼相制。欲一之而不能。此其所以屈伸無方。運行不息。莫或使之。不曰性命之理。謂之何哉。

或問程子曰。陰陽之精。互藏其宅。然乎。曰。此言甚有味。由人如



何者水離物不得故水有離之象火能入物故火有坎之象重離之中互坎重坎之中互離則各得其所安故日為離月為坎其形萬古不變而日常滿月多虧也若陰陽之氣則循環通至其春秋聚散者相為推盪上下升降者相為求合網緼交密克動者相為揉錯非相生合以兼之則相克勝以制之如是兩端而已欲一升之而不降欲一降之而不升皆不能也此其所以屈伸無方運行不息而合于鬼神無有使之而然是不曰性命之理神妙之道而然哉

補訓其性陰陽之精氣而歸於性命之理精屬體氣屬用分言之為精為氣合言之精亦氣之為也但以其結為形質者言

參同

充

耳故性命之理承氣說下而精可見補注陰陽有以質言者有以氣言者以質言則陽中有陰以中陽若日月之形是也以氣言則循環通至若四時晝夜之類聚散相盪升降相求若風雲雨露之類網緼相揉若溫涼寒暑之類是也

集解陽之精而無陰則失其所蔽陰之精而無陽則失其所依如是則散而不成物矣互藏其宅然後陽得蔽而不滅陰得主而不散故各得所安相繫者拒資也相制者相克也獨陽不生獨陰不成生者倡其成者成其生不相兼乎陰長陽消陽長陰消反復循環不相制乎

愚按日以陰精而藏於陽之宅者也月以陽精而藏於陰之宅者也與地純陰節日為陽精月為陰精不同此所謂精即前所謂質也循環句流行意多聚散二句對待意多聚散橫說升降說網緼又以交密處言相兼相制總承上四句一之不能謂或生或克不能齊之使一也程子專言升降亦舉一以該其餘耳性命之理謂其為天道之自然也尚未及賦予人物之性命

日月得天得自然之理也非蒼蒼之形也微引易恒卦象日月得天而能久照○莊子逍遙遊篇天之蒼蒼其正色耶

參同

午

補訓上文從日月說到性命之理此又借易辭而發揮之高注自然之理往來屈伸莫或使之而然者也

愚按正蒙中文相屬者多數節同義脉絡貫通其引經語非但註釋之體此節大意常云釋易恒卦象辭以明日月之行亦自然之理也後倣此

閨餘生於朔不盡周天之氣而世傳交食法與閨異術蓋有不知而作者耳

朱子曰周天之氣謂二十四氣也月有大小朔不得盡此氣而一歲日子足矣故置閏○天體至圓周圖三百六十五度四分度之一統地左旋常一日一周而過一度日飛天而少遲一日

統地一周無餘而常不及天一度。積三百六十五日九百四十分日之二百三十五而與天會是一歲日行之數也。月麗天而尤遲一日常不及天十三度十九分度之七。積二十九日九百四十分日之四百九十九而與日會十二會得全日三百四十八餘分之積五千九百八十八。如日法九百四十分而一得六不盡三百四十八。通計得日三百五十四九百四十分分之三百四十八是一歲月行之數也。歲有十二月月有三十日三百六十者歲之常數也。故日行而多五日九百四十分分之二百三十五者為氣盈月行而少五日九百四十分分之五百九十二者為朔虛合氣盈朔虛而閏生焉。一歲閏率則十日九百四十分

參同

二

分日之八百二十七三歲一閏則三十二日九百四十分分之六百單一五歲再閏則五十四日九百四十分分之三百七十五十有九歲七閏則氣朔分齊是為一章。黃氏瑞節曰曆家以一日為九百四十分所謂九百四十分分之二百三十五者是一日內二百三十五分也。所謂餘分之積五千九百八十八者一會餘四百九十九千二會乘之得五千九百八十八也。所謂如日法九百四十分而二者如算日之法以九百四十分為一日也得六者得六日也不盡三百四十八者將餘分五千九百八十八除之六日外猶餘三百四十八分也。日行積三百六十五日九百四十分分之二百三十五與天會是一歲三百六十

日而日行多五日又二百三十五分也。月行積三百五十四日九百四十分分之三百四十八為十二會是一歲三百六十日而月行少五日又五百九十二分也。將日行所多五日又二百三十五分令行月所少五日又五百九十二分通得十日又八百二十七分一歲之閏率也。三歲一閏合三歲之間日行所過月行所少通得三十二日又六百單一分也。五歲再運合五歲之間日行所多月行所少通得五十四日又三百七十五分也。十九歲七閏合十九歲日行所多月行所少通得整日一百九十每歲餘分八百二十七以十九乘之得一萬五千七百一十三以日法九百四十分而一除之得十六日猶餘六百七十三

參同

三

分并一百九十日通二百單六日又六百七十三分也。今為七閏月每月二十九日通二百單三日每月餘分四百九十九分以七乘之得三千四百九十三以日法九百四十分而一除之得三日猶餘六百七十三分并二百單三日通二百單六日又六百七十三分也。所謂氣朔分齊者十九年合氣盈朔虛得二百單六日不盡六百七十三分七閏月亦二百單六日不盡六百七十三分氣之分與朔之分至十九年而皆齊所謂氣朔分齊而為一章也。補訓此因上文言日月而推及於閏法並帶言交食法以閏法為主。閏餘者有餘日方置閏月也。置閏而朔望定然後日食

於朔月食。於望。可據而推其法相因。

補注。周天二十四氣。凡三百六十五日四分日之一。月行十四日九時有奇。則與日對二十九日半有奇。則與日會。十二會通計。得日三百五十四有奇。餘十日半有奇。為閏與日對時。則月為之食。與日會時。則日為之食。此交食法。即與閏同術也。

愚按。補注謂二十四氣三百六十五日有奇。極是。考尚書解。新安陳氏云。二氣為一月。必有三十日零二時五刻。始交後月節氣。合二十四氣。該三百六十五日零二十五刻。此氣盈之數也。十二月有六小盡者。此朔虛之虧數也。一月無三十日全非朔虛。而何二氣必三十日添二時五刻。非氣盈而

參西

三

何節氣之有餘與小盡之不足。二者並行不悖。因此有餘不足。而置閏於其間。此與補注說同。蓋朔者月與日會之名。氣者二十四氣也。朔虛之數。不能盡氣盈之數。故二者參合而置閏也。補注謂二十四氣僅三百六十日。不能盡天行之度。而朔又不能盡氣之三。百六十日。皆未是。

陽之德主於遂。陰之德主於閉。

補注。此又言陰陽之德。德者陰陽之所以為陰陽也。當兼理氣言。即陰陽而分觀之。陽之德主於遂。凡發生者皆陽之為也。陰之德主於閉。凡收藏者皆陰之為也。補注沈毅齋曰。自動靜而言之。則主乎陰。所謂乾不專靜。則不

直達。抑不翕合。則不發散是也。自小大而言之。則陽常兼陰。不兼陽。又豈可以並言哉。論其分。則陽一而陰二。陽尊而陰卑也。在人則君臣父子之分也。論其氣。則陽始而陰成。陽唱而陰和也。在人則子弟臣妾之類也。

陰性凝聚。陽性發散。陰聚之陽必散之。其勢均散。陽為陰累。則相持為雨。而降陰為陽得。則飄揚為雲。而升故雲物班布太虛者。陰為風驅。散聚而未散者也。凡陰氣凝聚。陽在內者不得出。則奮擊而為雷霆。陽在外者不得入。則川旋不舍。而為風。其聚有遠近。虛實故雷風有大小。暴緩而散。則為霜雪雨露。不和而散。則為疾氣。陰常散。緩受交於陽。則風雨調寒暑正。

參西

五

微引周禮。宗伯保章氏。以五雲之物辨吉凶。詩。邶風。終風。終風且霾。又曰。終風且曠。集傳。霾雨土蒙霧也。陰而風曰曠。朱子曰。此一段。見得陰陽之情。陽氣正升。忽遇陰氣。則相持而下。為雨。若陽氣輕。陰氣重。故陽氣為陰氣壓墜而下也。陰氣正升。忽遇陽氣。則助之飛騰而上。為雲也。陽氣伏於陰氣之內。不得出。爆開而為雷也。陰氣凝結於內。陽氣欲入。不得。故旋繞其外。不已。而為風。至吹散陰氣。盡乃已也。疾氣飛電之類。晴霾黃霧之類。皆陰陽邪惡不正之氣。所以電水穢濁。或青黑色。華注。此明風雨雲雷之屬。總不外乎陰陽之相感。補注。陰主閉。其性凝聚。陽主遂。其性發散。然陰之凝聚。陽必為

之發散其勢均歸於發散蓋陰陽相為用也陽方升而為陰所  
累陰壓陽則相挾持為雨而降雨者陽之為也陰方升而為陽  
所得陽助陰則飄揚為雲而升雲者陰之為也故凡雲物分布  
於太虛之中者陰氣為風所驅散聚而未散則為雲也即此可  
知雨雲所由然矣凡陰氣凝聚束陽在內而不得出則陽奮發  
有散而為雷霆陽在陰外不得入則周迴旋繞不合而為風其  
凝聚有遠有近有虛有實故雷風有小有大有暴有緩即此可  
知雷風所由然矣陰聚而陽散同一散也有和不和之分和而  
散則為霜為雪為雨為露不和而散則為疾氣為疔瘧即此可  
知霜雪雨露疾氣疔瘧所由然矣大抵陰雖凝聚而常散緩以

參兩

七五

受交於陽則風雨得調而寒暑得正矣陰聚陽散其相資為用  
有如此○均散句截上是冒語次言雨雲次言風雷次言霜雪  
雨露庚氣陰凝總承陰陽聚散來雲物物色也班分也疾雷為  
雲陰常散緩對凝聚言凝聚其性然也凝聚之中能因陽以為  
散緩則受交於陽矣非謂其不凝聚而散緩也  
集釋氣之聚遠而實故風雷大且暴近而虛故風雷小且緩  
愚按此太虛與前節太虛無體同義皆以蒼蒼之天言即首  
篇第二層內之屬於天地者也  
天象於陽中之陰風霆者陰中之陽  
補訓此推陰陽交互之理而以天象風霆明之

集釋天象日月星辰是也  
集解陽者氣而已矣天象則稍有象故為陽中陰風交於物遷  
起於地本陰之類然有散而無形有氣而無質故為陰中陽  
補注天象陽中陰所以聚而不散風霆陰中陽所以聚散無常  
雷霆感動雖速然其所由來亦漸耳能窮神化所從來德之盛者  
微引易下傳之五章窮神知化德之盛也  
李注雷霆者鬱積之久而發者也凡天地之化皆以漸成非精  
義利用體神化於身者孰能知之  
補訓雷霆必積久而後動如十一月一陽生至四陽二月之時

參兩

七六

乃發散豈非漸乎即偶然雷霆亦必氣積而後動無遽動之理  
神化俱承漸不承速徐氏發明分速為神漸為化未確以其兩  
反在前一反在後也德之盛以人言  
愚按此節大意即雷霆以明神化之理也○兩而化即一而  
神者為之神與化不可分先後補訓駁發明是矣但徐氏又  
謂一而神兩而化為所從來而補訓亦謂神化承漸不承速  
竊玩張子之意蓋雷之震動即神化之一端所從來即所由  
來之變文也即雷之所從來以漸知天地之化皆以漸而成  
即此是窮神知化之盛德非以漸為神化而所從來又推本  
一層也神化中有速字意所從來即漸字意亦非承漸不承

速也。惟李注得之。

火日外光能直而施。金水內光能開而受。受者隨材各得。施者所應無窮。神與形天與地之道歟。

微引易上傳之六章。夫乾其靜也專。其動也直。夫坤其靜也翕。其動也闢。○晉書紀瞻傳。陽動而外。以含容為質。陰靜而內。以外接為用。是以金水之明內鑒。火日之光外輝。劉施柔受。陽勝陰伏。

朱子曰。陰以陽為質。陽以陰為質。水內明而外暗。火內暗而外明。○西山真氏曰。日火外景。金水內景。本淮南子之說。道家謂日火揚光於外。故日有食。火有滅。金水潛光於內。故無窮。以此

參兩

七

為養生之法。收視反觀。潛神不耀。

集解。直者照臨無礙之謂也。受者隨材各得。妍媸美惡。未嘗有隱。而必由於所感。不能自施。形與地之道也。形則礙地。不倡也。施者所應無窮。隨在光皆至焉。神與天之道也。神無物不體。天所以倡也。

集釋。水之明鏡之光。隨材各得也。

愚按集釋諸家。皆以金水火日相施受言。即前金水受光於火日之意。集解則以金水火日之施受於物言。即此見天地形神之道。以諸家則施即施光於金水。受即受光於火日。材即金水之材也。以集解則施乃普照萬物。受乃受他物之彩。

材亦他物妍媸之材也。二說皆通。玩金水亦言光不言質。則集解似勝。○友人趙子彤元云。諸家謂施光於金水。然既曰無窮。則施及者不惟金水矣。

木曰曲直。能既曲而反申也。金曰從革。一從革而不能自反也。水火氣也。故炎上潤下。與陰陽升降。土不得而制焉。木金者土之華實也。其性有水火之雜。故木之為物。水漬則生。火然而不離也。蓋得土之滓華於水火之交也。金之為物。得火之精於土之燥得水之精於水之濡。故水火相待而不相害。燮之反流而不耗。蓋得土之精實於水火之際也。王者物之所以成始而成終也。地之質也。化之終也。水火之所以升降。物兼體而不遺者也。

參兩

六

微引書洪範五行。水曰潤下。火曰炎上。木曰曲直。金曰從革。土爰稼穡。蔡傳。潤下者潤而又下也。炎上者炎而又上也。曲直者曲而又直也。從革者從而又革也。○易說卦之五章。艮東北之卦也。萬物之所成終而所成始也。

張子語錄中宮土寄王之說。於理非也。大率五行之氣。分王四時。土固多於四者。然其運行之氣。則均施錯見。金木水火分主四時。獨不見土之所主。是以有寄王之說。然於土夾在季夏之末者。且以易言之。八卦之作。坤在西南。西南致養之地。在離兌之間。離兌即金火也。是以在季夏之末。朱子曰。五行之說。正蒙一段說得最好。不輕下一字。○問陰陽

五行如何。曰康節說得法。密橫渠說得理透。問金木水火。體質屬土。曰正蒙有一說好。只金與木之體質屬土。水與火却不屬土。

補注。水濡之水當作土。

補訓。更即五行而推論之。木曰曲直。水既能曲反伸而直也。金

曰從革。金一從改革而不能自反其本質也。此木金之純乎質者然也。水火雖有質而以氣為用。故火炎上。水潤下。下與陰同

降。上與陽同。升土不得而制其氣焉。此水火之主乎氣者然也。然而木金與水火有相資也。木金者土之華實。木為華而金為

實。其性有水土相雜於其間。故木之為物雖生於土。然以水浸

之則生。以火然之。而火附木不相離。蓋得土之浮華於水火之相交而成者也。金之為物亦生於土。然因土性之燥而得火之精。因土性之濡而得水之精。故水火相待有成而不相害。以火

參兩

記

燥之反流為水而不耗折。蓋得土之精實於水火之相合而成也。此木金之質生於土而必資水火之氣有然也。若土者物之所以成始而成終也。乃地之質也。五行生成變化之終也。水火

之氣所以升降不外於土。萬物皆無依而無一之或遺者也。此詳言五行先提木金以質言。次及水火以氣言。次言木金為

土之華實。而帶言水火。次言土。而以水火升降應前物無體亦

包金木在內。○音蔡傳曲而又直。從而又革。皆分兩義。與此不

同。木不能無曲。而究竟長大。故為曲而反伸。金融而從革。不能

自反其本質。火氣炎上。陽之升也。水氣潤下。陰之降也。蔡傳潤

而又下。炎而又上。此則謂潤於下。炎於上也。木金生於土中。故

為土之華實。其性有水土之雜。謂木金兼有水土之性。此並言

木金下分木金言之。萬物生於土。歸於土。故為物之成始成終

土之浮華。土之精實。即應上金木者。土之華實。浮華謂木。精實

謂金。○愚按此節大意。釋書洪範之文。以明五行之理也。○木金者。以下舊解多難。竊意木金者。土之華實。其性有水土之雜。二語為下二段之經。蓋水火之氣與陰陽升降交際於地之中。

參兩

分

無處而不在者也。木生地上。則為土之華。而得水火之氣於

土中。此木性有水土之雜也。故水漬則生。火然而不離。水生

木。木生火之理。本如是也。金生地中。則為土之實。而得水火

之氣於土中。此金性有水土之雜也。故水火與金相資而不

相害。以火燥之。反流為水而不耗。火克金。金生水之理。本如

是也。得水火之精於土之燥濡。與得土之實於水火之際。同

是一意。流而不耗。正相資而不相害處。亦非兩層。蓋土有燥

有濡。上者即水之性。燥者即火之性。而金皆具之也。火克金

若難言相待。然相克乃以成之。金以成器為貴。不以應用為

才。正見其相待也。木得浮華於水火之交。金得水火之精於

土之燥濡皆以木金本然所具之性言。至水漬火然流而不耗。又是木金成質後與水火相資為用處。惟其性如是故其用如是。補訓以火燥金為得火之精。金燥為水為得水之精。混作一層未確。李注以得金則水火相需而成烹飪為不相害。亦落後一層。土為化之終者。蓋陰陽五行皆天地化生人物之具。至天五生土。則天地之化已全。而人物由是以生也。語錄一畧前蓋畧上寄王四時各十八日之說。而謂其均施錯見無時不有。後引易卦又明土所以屬季夏之故也。其理可參。故附錄之。

冰者陰凝而陽未勝也。火者陽麗而陰未盡也。火之炎。人之蒸。有

影無形。能散而不受光者。其氣陽也。

補注。冰字恐當作水。

高注。或謂人為水之誤。

集解。水生於天。其體質本陽也。至冬則凝而成冰。陰之凝聚而中之微陽不勝陰也。火則陽麗於陰之外。故有光而中之陰猶伏藏而未盡也。故中暗。火氣曰蒸。薰也。散猶施也。指其光之燭物氣之蒸人而言。言火之烈然。炎熱人之觸之而薰蒸者。有影而已。非有形也能散而已。不能受也。補訓。高注謂陰未盡。故火猶然。盡則滅。殊難解。豈以陰為火所然之物乎。張子是論水火。非欲陽勝陰盡。

愚按此節可疑者頗多。補注疑冰當作水。高注疑人為水之誤。諸家以不能受為句。李注以不能受光者為句。以今考之前後多言水火陰凝陽麗。又與外光內光陷陰附陰前後言水火之言相符。冰之當為水。似可據也。上言水火而下專言火於文理固為偏承。人之蒸解為火之蒸人。於文義亦為強解。人之當為水亦似可從也。能散而不能受為句。光者其氣陽也。為句。句法頗未穩。以前節受光於火。日句例之。受光字連讀又非無謂也。崇以此三說之解。解之水之為體。陰之所凝結也。陰以陽為質。其外暗而內明。殆陽之伏於中而未勝也。火之為物。陽之麗於陰也。陽以陰為質。其外明而內暗。殆

參西

三

陰之伏於中而未盡也。此陰陽互藏之理然也。金水能受日月之光以照物。若火之有炎。水之有蒸。則但有影而無形。能散而為氣而不能受日月之光以鑑物者。其氣已屬於陽故也。如此則陽未勝陰未盡亦指其內明與內暗而言。非欲其勝與盡也。水之內明即陽。火之內暗即陰。亦非以所然之物為陰也。然水有涸時。即是陽勝。火有滅時。即是陰盡。方言水火故言未勝未盡耳。陽陷於陰為水。附於陰為火。補注此承上章而言。陽陷於陰。所謂陰凝而陽未勝也。陽附於陰。所謂陽麗而陰未盡也。

補訓入其中為陷見於外為附

李注說者此謂一陽陷於二陰之間為坎一陰麗於二陽之間為離非也凡能出入上下動靜發斂者皆陽也顧非陰則陽之出入上下動靜發斂不可得而見耳是故震陽動也坎陽陷也艮亦陽止也巽陽入也離陽麗也兌亦陽說也易卦所以分陰陽者蓋以陽為主而遇陰則為陽卦以陰為主而遇陽則為陰卦也陽在上而遇陰壓之則動矣陽在中而遇陰鋼之則陷矣陽在下而遇陰承之則止矣陰在外則陽必入以散之矣陰在中則陽必附之以為明矣陰在外則陽必敷之以為說矣今謂巽陰入於二陽之下離陰麗於二陽之中是以入與麗屬陰故

日其說非也張子前文云陰在內陽不得入故周旋不舍而為風蓋不舍者所以入之也此條又以火為陽附於陰比之觀物言八卦處理獨精矣

張注此觀坎離二卦自見又以河圖考之天一生水地六成之陽居內者微而陰在外者盛是陽陷陰中也地二生火天七成之陰居內者微而陽在外者盛是陽麗陰外也故周子太極圖以水陰盛居右火陽盛居左均是一義不可易之至理也

參兩卷之終

天道篇第三

補訓此以天道名篇而其中以天道聖人並言見聖人與天道同亦惟聖人能言天道也前四節以聖人與天道相形天不言四節言天道不見而章三節言聖人天之知物節又言天道蓋天命亦天道之一端也化而裁之四節又言聖人形而上者四節言惟聖人能言天道

愚按此篇凡二十節大意明天道聖人之合然血脉貫通而文不相蒙玩各節之意惟天不言而信二節不見而章二節化而裁之二節谷之神也二節皆意義相承餘俱節各一義舊說逐節聯貫忽言此又遙運承接言及別事轉無窮恐

天道

先儒不應有此拖帶無頭緒之文也○補訓謂天不言四節言天道不見而章三節言聖人竊謂天不言三節言天道鼓萬物節亦天聖並言不見而章三節則以天道明聖人也○內天體物不遺一節朱子入近思錄道體

天道四時行百物生無非至教聖人之動無非至德夫何言哉微引禮禮器天道至教聖人至德

補注合禮記論語之意而言

補訓禮云天道至教聖人至德以天道言之春夏秋冬之四時自行飛潛動植之百物有生無非至教之所寓也以聖人言之聖人之動皆中礼無非至德之所形也夫何待於言哉善學善



不必以言求之也。○天道聖人並言。夫何言哉。雙承。

天體物不遺。猶仁體事無不在也。禮儀三百威儀三千。無一物而非仁也。昊天曰明及爾出王。昊天曰旦及爾游衍。無一物之不體也。

微引詩大雅板篇。昊天曰明及爾出王。昊天曰旦及爾游衍。集傳王往通言出而有所往也。且亦明也。衍寬縱之意。

朱子曰。此數句從赤心片兒說出來。荀揚豈能到體物猶言為物之體也。蓋物物有箇天理。體事謂事。是仁做出來。如禮儀三百威儀三千。湏得仁以為骨子。凡言體便是做他那骨子。本

天道

二

之無不體。是正意。天即天道。仁非聖人不能。只可作餘意。餘意者特說書之一義。而未可牽合以亂正也。後倣此。上天之載有感必通。聖人之為得為而為之也。微引詩大雅文王篇。上天之載無聲無臭。○易上傳之十章。感而遂通天下之故。集釋此天地無心而成化。聖人有心而無為也。補注董氏發微曰。有感必通。上天之神得為而為。聖人之神張汪天之感物以氣。聖人之感人以理。得為而為。順理之自然。而無所容私也。

天道

三

道數

物為物之體。猶言幹事為事之幹也。出王之王。晉往言往來游衍。無非是理。無一物之不體。猶言無一物不將這箇做骨子。集釋熊氏曰。物物皆有天理。體之而無所遺也。猶事。皆本於仁體之而無不在也。禮之大小。無非受敬懇惻之所發見者。是仁體事無不在也。凡人往來消息之所。此理無往而不在。是天體物而不遺也。

愚按此節大意。見天仁之無不體也。首二句提起。下申明之。

○上節言時行物生。皆天道。此言人之出往游衍。皆天理。上節言聖人動皆至德。此言禮之大小。皆本於仁。二節本不相謀。諸家多牽合上節。而本文之意。反有不暢。竊謂此明天仁。

大全成變化。行鬼神。成行陰陽之氣而已矣。韓本有此一段。微引易觀卦彖觀天之神道。而四時不忒。聖人以神道設教。而天下服矣。集解天不言。天之神道也。神道設教。聖亦不言也。誠於此。動於彼。天與聖人無所容心也。是之謂無為。而無不為。發微不可見。而充周不可窮。故曰神之道。高注聖人穆。在位而天下自然化之。於此有神焉。故曰神道。設教云爾。補訓天不言而四時行。句中便含神字。聖人亦是神道設教。然

以神之道總收。神只是微妙意。所以神處。只在平誠。愚按此節大意。明天與聖皆以誠而神也。重在神神道設教。即過化存神之意。與易象本意不同。語意云。天之生物也。運以時。然不言而四時自行。聖人之治天下也。施以教。然神道設教。而天下自服。所以然者。由其誠於此。自動於彼。而天與聖俱無所容心也。其斯為神妙之道歟。韓本一段。與此節不相貫。按易辭上傳之九章。所以成變化而行鬼神也。本以河圖奇耦之數言。此釋其義。與本旨不同。謂易言成變化行鬼神。所以成行者。陰陽之氣為之也。與神化篇首節意相似。

天道

四

天不言而信。神不怒而威。誠故信。無私故威。

徵引禮樂記。天則不言而信。神則不怒而威。

補訓此章。以天言神。謂天之神妙也。信是天自信。非人信天。

以天之神妙者。言之。天不待言而自極其信。其神不待怒而自

然有威。蓋天本誠。故無偽妄。而信其神本無私。故無可轉移而

威也。

高注。四時運而不易。天之信也。禍福響應而無常。神之威也。

愚按上二句。舉成語下。以誠與無私明之。亦不必與上節牽

連。

天之不測。謂神而有常。謂天。

李注。申上節意。

集解。天與神一而已矣。以天之無教無臭。兩在而不可測言。即謂之神。以神之運行有常理而言。即謂之天。一物而兩名。非二也。

運於無形之謂道。形而下者。不足以言之。

徵引易上傳之十二章。形而上者。謂之道。形而下者。謂之器。

補訓。易道字汎言道理。此合上下文觀之。當以天道言。

集解。即有形之中。而指言其無形之道。曰運於無形。非外形而

別有一理。運於無也。

李注。運於無形者。太虛之性。太和之道。形而下者。散殊而可象。

天道

五

神化之糟粕也。

愚按此節大意。本易之言。形上者。以明天道也。

鼓萬物而不與聖人同憂。天道也。聖不可知也。無心之妙。非有心

所及也。

徵引易上傳之五章。鼓萬物而不與聖人同憂。

筆注。鼓萬物而不與聖人同憂。天道無心也。聖不可知之謂神。

聖之無心也。正以明聖與天合德。非庸人有心者可及。高注以

能字易可字。恐非張子之意。若是。便是聖人有不及天地處。要

之天無心。聖人有心而無為。天人之分。固如此。其實有心無為。

即與上天無心合德。不得云聖不及天。觀下三節可見。

愚按此節訓釋頗難。竊謂鼓萬物句與聖不可知皆舉成語而下以無心之妙合斷之。蓋以聖不可知為不知天與即以聖不可知為言天既屬牽強又篇中大意皆言聖與天合德不應於此獨言聖人有不能及天也。○語意云易言鼓萬物而不與聖人同愛蓋天道然也。孟子言神則曰聖不可知也是皆自然而無所容心之妙非有心所及也。然則天與聖有不合一者乎。

不見而章已誠而明也不動而變神而化也無為而成為物不貳也。高注此即中庸語而言聖人之事。

補訓此與中庸本文全異錯綜其說出張子獨見以成己言明。

天道

六

即章也誠所以不待見也以成物言化即變也神所以不待動也為物不二總歸一誠一誠無不成不待有為也。

愚按已宜讀如字為物不二即指聖人之心言方與上誠明神化意合。

已誠而明故能不見而章不動而變無為而成。

補注此申明上章之意。

補訓此又以誠明一句貫三項以見誠明之為要也誠明可該神化不二二句。

富有廣大不禦之盛與日新悠久無疆之道與。

微引易上傳之五章富有之謂大業日新之謂盛德六章以言

乎遠則不禦。

補注本易大傳之意而言蓋富有即廣大不禦之盛日新即悠久無疆之道天地聖人一而已矣。

愚按廣大不禦悠久無疆者天道然也聖人之德業亦若是而已矣。此與上二節皆以言天道者明聖人也。

天之知物不以耳目心思然知之之理過於耳目心思天視聽以民明威以民故詩書所謂帝天之命主於民心而已焉。

微引書皋陶謨天聰明自我民聰明天明畏自我民明威蔡傳威畏二字古通用明者顯其善畏者威其惡秦誓天視自我民視天聽自我民聽。

天道

七

張子經學理察詩書篇天無心心都在人之心一人私見固不足盡至於衆人之心同一則却是義理總之則却是天故曰天曰帝者皆民之情然也。○又曰天道不可得而見惟占之於民人所悅則天必悅之所惡則天必惡之只為人心至公也民雖至愚無知惟於私已然後昏而不明至於事不干礙處則自是公明大抵衆所向者必是理也理則天理存焉故欲知天者占之於人可也。

或問朱子曰所謂帝天之命主於民心曰皆此理也民心之所向即天心之所存也。

集釋此見天從乎民民心即天心也。

思按上四句虛下四句正明其意惟其視聽明威以民故不以耳目心思為知也

化而裁之存乎變存四時之變則周歲之化可裁存晝夜之變則百刻之化可裁推而行之存乎通推四時而行則能存周歲之通推晝夜而行則能存百刻之通

微引易上傳之十二章化而裁之存乎變推而行之存乎通神而明之存乎其人默而成之不言而信存乎德行本義因其自然之化而裁制之變之義也

補注此引易示人以知化之事存乎就心上言之蓋存四時之變於心則周歲之化吾可得而裁之也存晝夜之變於心則百

天道

刻之化吾可得而裁之也此釋易化而裁之存乎變意能推四時而行則能存周歲之通於心能推晝夜而行則能存百刻之通於心此釋易推而行之存乎通意

高注吾心之神即天地一闔一闢之變往來不窮之通存之而四時晝夜之變通不外於是也

愚按此節大意釋易辭以見聖人之合天也解易二語語氣各異謂化而裁之以其能存乎變也推而行之自然能存乎通也以推行與存變對存通與化裁對存變推行雖未明言聖人然非聖人不能語意云易曰化而裁之存乎變何謂也以四時晝夜言之天道周歲有四時晝夜有百刻人能與

時消息而存四時之變於心則在天周歲之化可自我而裁

成之矣人能至誠無息而存晝夜之變於心則在天百刻之

化可自我而裁成之矣易又曰推而行之存乎通何謂也亦

以四時晝夜言之凡人存之心者必見之於行人能與時合

序推四時之運而行之則在天周歲之通能存之於我矣人

能日進無疆推晝夜之運而行之則在天百刻之通能存之

於我矣此聖人之所以與天合德也○重心存四時晝夜之

變則天道周歲百刻之化不能外也○猶中庸知天地之化育

意此重存變存字有力聖德合乎四時晝夜之運則天道周

歲百刻之通皆存於其心矣○猶中庸上律天時意此重推行

天道

九

存字無力高注樂言存之尚未明徹以四時晝夜立言者亦從易一闔一闢謂之變往來不窮謂之通及變通莫大乎四時數語取義然其節化為化育之化非變化之化裁為裁成之裁非裁裁之裁舊說多非張子之意

神而明之存乎其人不知上天之載當存文王默而成之存乎德行學者常存德性則自然默成而信矣存文王則知天載之神存衆人則知物性之神

微引易辭見上節○詩大雅文王篇上天之載無聲無臭○補注此引易示人以窮神之事存字亦就心上言之蓋不知上天之載當存文王於心此解易神而明之存乎其人意學者常

存德性於心。則自然點成。而信此解。易點而成之存乎德性。意補訓易神明。即神明乎變通。點成。即點成其神明之妙。是通說總以用易言。張子作兩邊說。一云存文王云。天載從其深者言之也。一云存衆人云。物性從其淺者言之也。然天載與物性非二存衆人亦可以存文王。存文王有二說。集解云。存文王之心。補注云。存文王於心。於字較勝。易言德行。張子言德性。德原於性也。存字皆作有力字看。物性即德性。物物各有。故曰物性。兩神字應神而明之之神。

高注文王純亦不已。即上天之載也。故存文王則知天載之神。德性者衆人所受於天之正理。常存德性。所謂存衆人也。故知

天道

計

物性之神

愚按此節大意。釋易辭。以勉學者之希聖也。○語意云。易言神而明之。存乎其人。何謂也。蓋上天之載。最為神妙。而人則有合于天載者。學者不能知上天之載。當存文王之人於心。以求其純亦不已。又云。點而成之。不言而信。存乎德行。何謂也。蓋德行必有以存之。而後成也。若學者能常存德性。而不失則自然點而成之。信有于已矣。蓋文王即與天合德之人。也能存文王於心。則于天載之神。無聲無臭者。自無不知德。行乃萬物各正之性也。能存衆人之恒性。則于物性之神。有物有則者。自無不知學。者當勉盡希聖之功可也。○後三十

篇云。上天之載。無聲臭可象。正惟儀型文王。當冥契天德。而萬邦信悅。故易曰。神而明之。存乎其人。正與此相發明。其必以天載立說者。竊謂張子之意。神明字。是拆開讀。以天載實神之義。而以知為明之解。神不可知。而欲明之。但當求之與天合德之人。必言文王。文王者。文王之詩。有上天之載。二語正能合天者也。天載之神。物性之神。即神而明之之神。知即明也。如此則與易旨及常解大異。而與張子語意確合。舊說皆未及此。故於言天載言文王之故。終未了了。神明點成。補訓謂張子作兩邊說。然其後四語。皆歸於神。則仍有通說意在。物性以在已者言。即德性之變。文成謂成已之德。發明華洋皆

天道

士

欲兼成已成物殊不必也

谷之神也。有限故不能通天下之聲。聖人之神。惟天故能周萬物而知。

微引老子成象篇。谷神不死。蘇子由註云。谷至虛而猶有形。谷神則虛而無形者也。○易上傳之四章。知周乎萬物。而道濟天下。

符訓此贊聖人之神。能周知萬物。而以谷神形起。○夫谷之神。能應聲。而其神有限。不能盡通天下之教。聖人之神。與天同。故能周乎萬物而知之無遺也。

愚按張子引用谷神者。固惟此。以谷神與天分看。神化篇各

神不死。即以谷神明神也。至當篇谷神象教而應。則謂谷神自然之妙也。乾稱篇老氏况諸谷。又以谷神明天之神也。皆與此異義。

聖人有感無隱。正猶天道之神。

李注申上節。意感而遂通天下之故。故曰無隱。

集釋遇父子之感。則仁顯。君臣之感。則義著。此聖人有感無隱也。天道之神。春感而物忽生焉。秋感而物忽成焉。若是之類。皆隨感而應者。亦何隱之有。

形而上者。得意斯得名。得名斯得象。不得名。非得象者也。故語道至於不能象。則名言止矣。

天道

士

微引易上傳之十二章。形而上者謂之道。

集解形而上之理。如天地鬼神之與性。命道德之微。象猶言情。狀性之類。非謂理有象也。

高注如實見天道。斯得其元亨利貞之名。得其名。斯得其生長收藏之象。苟恍惚不可為象。豈復有可名者哉。

愚按此節大意。見語道者。貴得名。得象而得名。尤要名。名之猶言也。首以得意引起。中登二語。見得名之要。末言不能象。

仍是不得名耳。觀後篇言得卦斯得象矣。可悟此節意旨。歸宿所在。語意云。道形而上者也。語道者。果能真知道之意。即能得其所以名。果能得其名。即能得其可見之象。若不

其所以名。非能得其象者也。語道而至於不能象。則雖有可名言。亦妄而不足信。只如無有而已矣。道何由以顯乎。甚矣語道之非易也。中庸即為飛魚躍。以明費隱。易即陰陽。以見道。孟子即情以狀性。所謂名與象者。可見。

聖人知道之自然。未始識自然之為體耳。

李注欲識自然之為體者。莫如求之吾性分之間。故邵子曰。性者道之形體。

愚按此節大意。見知道之難也。言道非有真知。所言皆彷彿影響間耳。自然者。無為之意。體猶言形體也。如二氏言道。崇無。然有雖知道之自然。卒歸于空寂而無實。非知道體者也。

天道

士

嘗見替者辨色。言日紅似火。火似花。玉白似雪。雪似藍。人不能窮其辨。及細究其形質。則茫然不能得也。言道者亦然。

有道德然後天地之道。可一言而盡。

補注此本中庸之意。而言。

李注誠者天德也。天地之道。可一言而盡。亦曰誠而已矣。

正明不為日月所眩。正觀不為天地所遷。

微引易下傳之一章。天地之道。貞觀者也。日月之道。貞明者也。本義貞正也。觀官換反。示也。

補訓易言日月之貞明。天地之貞觀。此深一層說明。以所見言。觀示意。當以立論為言。有洞見聖人之正明也。有確論聖人之

正觀也不遷謂天地之觀有遷移而聖人之正觀不因之遷移  
集解以天地變異言恐與日月之明不類  
張注可眩者於理必未明可遷者於理必未定正明正觀不外  
乎理之至正者也理苟至正天地合德日月合明縱欲眩之遷  
之不可得而況於人乎  
愚按此節大意引易以言聖人見其有得於天地日月而能  
與之並也就言道上看

天道

十四

神化篇第四

補訓此以神化名篇首言天道之神化至氣有陰陽篇乃合在  
人者言之以下多言人之神化雜引易中庸論語孟子之說以  
暢發其旨

愚按此篇凡三十節有首節以下九節皆明神化之理神化  
者天之良能以下六節多言大興化見幾則義明以下五節  
多言窮神知化惟神為能變化以下五節多言神與易狗物  
喪心以下四節多言存神過化末節作總結細分之則其日  
窮神知化日神無方易無體日過化存神皆神化合言者也  
日鼓舞盡神日知幾其神日精義入神日聖不可知謂神與

神化

十五

谷神不死皆言神也日化者言之曰變則化至誠為能化日  
大而化之皆言化也引用多處言弗類而經傳所言神化  
之理大都具是矣觀其言經正言無我而篇末以反經致化  
結之該理雖極微妙用功仍以平實為主○內精義入神事  
豫吾內一節朱子入近思錄論學

神天德化天道德其體道其用一於氣而已

微引易下傳之五章窮神知化德之盛也

補訓首節提出神化為一篇之經意重神化不重氣即氣以見  
神化也○易云窮神知化神與化一而二而一者也神者天  
德也化者天道也德其體也道其用也總之一於氣而已化不

神氣神不離化皆不外於陰陽也

集解神所以主張萬化而運於無形者自其微而言故曰天德又曰體化即此理之發而流行非降變化群動而不已者就造化之迹上言故曰天道又曰用所以發其體而體即寓於用之中如日月寒暑之往來草木之榮枯人物之生死皆氣之化而道之所在也道固氣矣而即此是神也神又豈外於氣哉故曰一於氣

愚按神與化皆在首篇太和中皆太虛之第二層也宋子銳臣云首末二篇性與神對則性為體神為用此篇神與化對則神為體化為用須於無層次中分出層次看

神化

十六

神無方易無體大且一而已耳

微引易上傳之四章神無方而易無體

發明朱子曰神便是在陰的又忽然在陽在陽的又忽然在陰

易便是或為陽或為陰交錯代換而不可以形體拘也易說曰

神易雖一事方體雖一義以其不測故言無方以其生生故言

無休然則易近於化

補訓或以易屬大神屬一語氣不合當是神易皆大而又合一

也

愚按此節大意釋易傳之文以明神化之非有二也○上文於氣之一乃虛活字猶云皆不外於氣此節一是實字讀

神與化大而無外且合一而不測也舊說謂即一於氣之一

未是○趙子彤元云大而天地鬼神風雷雨露小而名物象數日用飲食莫非神化所為故曰大神即化之體化即神之用神即化之微者化即神之顯者体用一原顯微無間故曰

一○  
虛明照鑑神之明也無遠近幽深利用出入神之充塞無間也

大全明一作靜

微引易上傳之十章無遠近幽深遂知來物十一章利用出入

民咸用之謂之神

補訓此以神該化也神之明是神神之充塞無間即是化利用

神化

十七

出入用字只以字看○虛明無不照鑒乃神之明也蓋也無

論遠近幽深之處利以出利以入乃神之充塞而無間礙也用

也化豈外於是哉

補注此與前篇凡氣清則通章之意畧同

愚按虛明照鑒只形容一清字意首篇所謂清通而不可象

所謂太虛為清無碍故神者也執着一物說不得

天下之動神鼓之也辭不鼓舞則不足以盡神

微引易上傳之二章鼓之舞之以盡神又云鼓天下之動者存

乎辭

集解辭狀神之言也如曰陰陽不測曰鼓萬物而不與聖人同



要曰神妙萬物。日無為而無所不為。無在而無乎不在。凡此類皆鼓舞之辭也。不如是不足以盡神之狀也。

愚按此節大意言神而併及狀神之辭也。上二句言神。下二句乃言狀神之辭。辭不鼓舞。猶後所謂緩辭不足以盡神也。狀神之辭亦大概言補注專言設卦繫辭未是。

鬼神。往來屈伸之義。故天曰神。地曰示。人曰鬼。自注。神示者歸之始。歸往者來之終。微引易下傳之五章。往者屈也。來者伸也。○周禮大宗伯之職。掌建邦之天神人鬼地示之禮。

朱子曰。說文示字以有所示為義。故視字從示。天之氣生而不息。故曰神。地之氣顯。然示人。故曰示。一說一而大謂之天。二而

神化

六

小謂之地。二而小即示字也。天曰神。地曰示者。蓋其氣未嘗或息也。人鬼則其氣有所歸矣。

補訓。鬼神乃神化之一端。猶中庸言鬼神為德。而及祭祀之鬼神也。○往則屈。來則伸。上言鬼神。下分天地人。天神地示皆神。而人為鬼。然三者各有往來。屈伸不必拘定。天地伸而人屈。

愚按玩自注。則天神地示。來與伸之義。多人鬼往與屈之義。多歸往即鬼之謂也。

形而上者得辭斯得象矣。神為不測。故緩辭不足以盡神。化為難知。故急辭不足以體化。

朱子曰。神自是急底物。事緩辭如何形容之。如陰陽不測之謂

神。神無方易無體。皆是急辭。化是漸。而化若急辭以形容之則不可。

補訓上云辭不鼓舞。不足以盡神。因又推衍其意。神為不測。要極力形容。化為難知。要曲為形容。○形而上之神化。固無象可見。然得其辭。斯得其彷彿之象矣。言神宜用急辭。蓋神為不測。緩而不急。則不足以盡神。言化宜用緩辭。蓋化為難知。急而不緩。則不足以體化。未易形容。若此。愈知神化之妙矣。

氣有陰陽。推行有漸。為化。合一不測。為神。其在人也。知義用利。則神化之事備矣。德盛者。窮神則知不足。道知化則義不足。云天之化也。運諸氣人之化也。順夫時。非氣非時。則化之名何有。化之實

神化

九

何施。中庸曰。至誠為能化。孟子曰。大而化之。皆以其德合陰陽與天地同流。而無不通也。所謂氣也者。非特其蒸鬱凝聚。接於目而後知之。苟健順動止。浩然湛然之得言。皆可名之象耳。然則象若非氣。指何為象。時若非氣。指何為時。世人取釋氏銷礙入空。學者舍惡趨善。以為化。此直可為始學遺累者。薄乎云爾。豈天道神化所同語也哉。

微引易下傳之五章。精義入神。以致用也。利用安身。以崇德也。又云。窮神知化。德之盛也。六章。陰陽合德。說卦之七章。乾健也。坤順也。震動也。艮止也。

朱子曰。神化二字。雖程子說得亦不甚分明。惟是橫渠推出來。

日推行有漸為化。合一不測為神。又曰。一故神。兩在故不測。兩在者。或在陰。或在陽。在陰時全體都是陰。在陽時全體都是陽。化是逐一挨將去底。一日復一日。一月復一月。節一挨將去。便成一年。這是化。問象若非氣。指何為象。時若非象。指何為時。日且如天地日月。若無這氣。何以撐住得成這象。象無晦明。何以別其為晝夜。無寒暑。何以別其為冬夏。發明化有節次。故曰推行有漸。神無定在。故曰合一不測。義者宜也。於此為宜。於彼不宜。無定形而有定理者也。知者將此理貫穿心中。可以待用。神之事也。以義制用。任他千變萬化。改頭換面出來。信手應副。如利刀快劍相似。故曰利用化之事也。義

神化

子

字搭在知上。又搭在用上。此不過大人之事。可以思勉力至者。德盛即由知義利用而造其極也。窮神是窮盡神妙處。不思而得。故曰知不足道。知化則屈伸通變由義而行。非行義也。故以義利用不足云。天之化。日月寒暑往來。一陰陽之運而已。人之化。進退存亡得喪。一順時消息而已。德合陰陽。即能順時者也。陽健陰順。陽動則陰止。陰動則陽止。充塞無間。浩然者也。虛明照鑒湛然者也。此皆氣之可以得名而得象者。若非健順動止之氣。何所指以為象。非氣之可象。何所指以為時。此正見神化一於氣而已之意。銷礙含惡。亦是化之一事。但天道神化無方無體。此何足以語之。

補訓。張子本易以為言。知義即精義。利用即利用安身之利用。德之盛者。更進一層。此神化就人事言。非謂知陰陽神化健順動止。亦借用易語。而意不同。銷礙含惡。皆造累意。薄猶畧也。畧知有化意也。補注。天之化也。以下不言神者。蓋神隱於中。化見於外。而天之所以化。即所謂神也。集釋。蒸鬱者。氣之始凝。聚者。氣之成。蒸鬱凝聚。氣之粗者。浩然湛然。氣之清者。浩極其大。湛極其清。愚按。此節大意。又以天之神化。與人之神化並言也。神化一於氣。已見首節。此又以時字配之。語意云。夫氣有陰有陽。

神化

三

陰陽之推行有漸。即為化。陰陽之合一不測。即為神。天道固如是也。其在人也。能知義以利用。則神化之事。可備於身矣。然非其至也。至於德之盛者。能窮神。則知義之知不足道。能知化。則利用之義不足云矣。即此可見。天有化。人亦有化。天之化也。運諸氣以為流行。人之化也。順夫時以為變化。天非氣。人非時。則化之名於何有。化之實於何施乎。考之於古。如中庸云。至誠為能化。孟子曰。大而化之。所謂化者。皆以其人之德合陰陽。與天地同流而無不通也。豈非順夫時之謂歟。若所謂氣也者。非特其蒸鬱而凝聚有形象之接於目。而後知之。為其健順動止有浩然湛然之可言者。皆象之可為指。

示者耳。然則氣之可見者即為象。若非氣指何者為象。之流行者即為時。時若非象。又指何者為時。信乎天之化運。諸氣也。世人但取釋氏之銷燬入空。學者之舍惡趨善。以為化。此只可為始學遺去物累者。淺乎言化之義。云爾。豈可與天道之神化同日而語哉。看知化之妙。則神不外是。而推行合一之理。可識矣。首三句言天道之神化。其在人也。以下六句言人之窮神知化。天之化也。二句又為下半節之經中。庸以下正明順夫時意。德合陰陽。天地同流。則順時之實也。氣也者。以下明運諸氣意。象與時只是發明氣字。非有兩意。時若非象。指何為時。二時字以天言。與上言人之順時者頗

神化

三

異諸家有與上時字牽合者。反難安頓。銷燬入空。猶言由有入無。即冰消雪化之化。言之出於釋氏書也。金惡趨善。即變化氣質之化。學者所恒言也。此時以人之淺乎言化者形容神化之化。非為辨聖人學者之深淺。與聖學異端之邪正也。舊以關異端為說。亦非本意。首三句。易窮神知化。節本義採入。變則化。由粗入精也。化而裁之。謂之變。以著顯微也。谷神不死。故能微顯而不揜。微引易上傳之二章化而裁之謂之變。老子谷神不死。發明此言化本於神。即後章惟神為能變化之意。變則化。更

是化之漸化。是變之成。如昨日是夏。今日立秋為變。到那全然天涼。無一些熱。為化。變粗化精也。化而裁之。謂之變。則化又是漸。如正月一日漸。化至三十日。至二月一日。則是正月變為二月矣。化微變著也。顯微謂顯其微也。下云微顯。即中庸微之顯也。不死。謂造化屈伸古今不息。高注變有形化無迹。故曰由粗入精。化而裁之者。如一歲之化。裁作四時之變。以變顯化也。皆神之所為。故至微至顯。昭著而不可揜。谷神即虛空之神。前言谷神有限。此又借谷神以明神也。

神化

三

愚按此通以天之神化。言引中庸語。難拘本旨。末句微當兼

上精與微顯當兼上粗與顯。鬼神常不死。故誠不可揜。人有是心。在隱微。必乘間而見。故君子雖處幽獨。防亦不懈。

微引老子成象篇谷神不死。

張子經學理。虛氣質篇。學者有息時。一如木偶人。捧搗則動。舍之則息。一日而萬生萬死。學者有息時。亦與死無異。是心死也。身雖生。身亦物也。天下之物多矣。學者未以道為生。道息則死也。終是偽物。當以木偶人為戒。以自戒。華注誠不可揜。在天地與在人心。一而已矣。故慎獨所以立神化之本。

愚按此節大意。即鬼神之不死。而勉人以慎獨。鬼神亦神化之義。感而遂通。即人心之神也。○語意云。凡物有息。則死矣。鬼神虛明昭著。無一息之停。而不死。故其居伸往來之實理。顯然而不可掩也。人有是心。雖寂然不動。然感之即通。觸之即覺。在隱微必乘間而見。是人心與鬼神同一不死也。故君子雖處幽獨。必戒慎恐懼。而防維不懈。蓋恐其或息而遠于天道之神焉耳。○此節舊說皆誤。惟予友宋子銳臣之說得之。宋云。此節自重不死字。鬼神惟無一息之停。故誠不可掩。人有是心。在隱微必乘間而見。是言心之自然原與鬼神同其不死。但一息有懈。則死矣。君子不懈。所以求合于鬼神之神化。

神化

四一

不死也

神化者天之良能。非人能故。大而位天德。然後能窮神知化。

微引易乾卦文言。飛龍在天。乃位乎天德。

補訓此節以神化說起。而意重在窮神知化。○易是言大人有天德。而居天位。張子只重天德上。

集解神化者天道自然之妙。非人思勉之所能及。故必大而位天德。德盛仁熟。而化焉。然後能窮神知化。與天合一。

筆注位天德者。雖人能而實無異於天之良能也。故能窮神知化。

大可為也。大而化不可為也。在熱而已。易謂窮神知化。乃德盛仁

熱之致。非智力能強也。

補訓大而化。與知化之化不同。然其理一也。化不可為。在乎熱窮神知化。在乎德盛仁熟。其理亦一也。上下相形。只是一意。化是不可用力處。徐以聽其自至。故在熟。張注窮字知字。是到頭語。不是工夫字。而下一熟字。正是張子引入塗轍處。非空懸一至高之帘。使人得假借為絕學之說。以荒之也。

愚按自此以下十節。大意皆明化不可為。神不可知之意。此引易以証孟子見學之在熱也。○語意云。孟子言大而化之。夫大可以人力為也。大而化不可以人力為也。在於熱而已。

神化

五

不觀易之言窮神知化者乎。易言窮神知化。乃德盛仁熟而致之。非智力所能強也。不至於熱而言化。不亦異乎。易之所謂哉。○首三句。孟子大而化之節。朱注採入。

大而化之。能不勉而大也。不已而天。則不測而神矣。補訓此融會孟子大而化。聖不可知。二句意。不測即聖不可知之意。○大而化之者。非徒大也。能不勉而大也。如是不已而純乎天德。則不測其妙而神矣。蓋神乃化之所致也。

先後天而不達。順至理以推行。知樂事。各也。雖然。得聖人之任者。皆可勉而至。猶不害於未化耳。大幾聖矣。化則位乎天德矣。

微引易乾卦文言。大人者。先天而天弗違。後天而奉天時。

補訓此言大與聖之分。上言神此言聖。神一也。皆化之。而  
○易云大人先後天而不違。所以不違者。蓋天者理而已。大人  
惟順理以推行。故知其無不合也。何違之有。雖然。能得聖人之  
任者。皆可勉力。而至於不違之地。而猶不免於未化耳。大而未  
化。僅幾於聖。若化則位乎天德而聖矣。此大與聖之分也。○合  
即不違得聖之任。只是能以聖人為己任。不必指伊尹說。不害  
猶云不免。易言大人。張子以為未化。亦是斷章取義。位天德只  
是造到有天德地位。

大則不驕。化則不吝。

程子語錄問大則不驕。化則不吝。二語如何。曰。若以大而化之。

神化

三

解此則未是。然大則不驕。此句却有意思。只為小便驕也。化然  
高不吝。不足以言之。

補訓此申明大化之義。而借論語驕吝以明之。

筆注不驕者。志氣已極深靜。然猶有意。不吝則過化存神。無所  
留滯。全無心矣。驕吝字俱要看得細。

無我而後大。大成性而後聖。位天德不可致。知謂神。故神也者  
聖而不可知。

微引易上傳之七章。成性存心。本義成性本成之性也。

補注無我。私意盡去也。成性。天理渾然也。聖位天德。與天合德  
也。

發明羅翰曰。大是箇生聖人。聖是箇熱大人。

補訓無我而後成性。成性即位天德。成性即位也。

愚按此節大意。明大聖神之義。而以論孟易辭發之也。玩末  
句。意重在神。○大成性。猶程子所謂習與性成。自然然而若  
出天性也。集解謂復性之本體未是。

見幾則義明。動而不括。則用利。屈伸順理。則身安。而德滋。窮神知

化。與天為一。○有我所能勉哉。乃德盛而自致耳。

微引易下傳之五章。君子見幾而作。又云。動而不括。本義括結

礙也。又云。屈伸相感而利生焉。又云。利用安身以崇德也。又云。

窮神知化。德之盛也。

神化

三

補訓此推論聖神之事。借易為說。非釋易。雖引易辭。錯綜為  
說。亦與易本旨不同。

集釋見幾則義明。以下進德之事也。窮神知化。與天為一。成德  
之事也。

愚按見幾也。動而不括也。屈伸順理也。皆取變通不滯之義。  
與神化意合。皆所謂德也。積而至於德之盛。則窮神知化。與

天為一矣。

精義入神事。豫吾內。求利吾外也。利用安身。素利吾外。致養吾內。

致知也。

微引。易辭見氣有陰陽節。

朱子曰。精熟義理。而造於神。事素定於內。而乃所以求利乎外也。通達其用。而身得其安。素利乎外。而乃所以致養其內也。蓋內外相應之理。入神是入至於微妙處。此却似向內做工夫。非是作用於外。然乃所以致用於外也。故嘗謂門人曰。吾學既得于心。則修其辭命。辭無差。然後斷事。斷事無失。吾乃沛然精義入神者。豫而已。橫渠可謂精義入神。

補注。此與上章同意。

補訓。上數句乃崇德之事。神化乃崇德而外。此與易本旨不甚相遠。然與素同意。未或致知只是未之或知意。

神化

六

神不可致思。存焉可也。化不可助長。順焉可也。存虛明久至德。順變化達時中。仁之至。義之盡也。知微知彰。不舍而繼其善。然後可以成之性矣。

微引。易下傳之五章。君子知微知彰。上傳之五章。繼之者善也。成之者性也。

補注。此又明神化之義。童氏發微曰。陰陽不測。故不可致思。推行有漸。故不可助長。愚謂存虛明久至德。可以存神。仁之至也。順變化達時中。所以順化。義之盡也。微謂神之妙。章謂化之著。

補訓。所謂神者。不可強致其思。存其理於心可也。所謂化者。不

可助之使長。順以俟之可也。能存虛明之心。以久於至德。順變化之宜。以達於時中。斯為仁之至。義之盡也。既知其微。又知其彰。如是不已。而能總其善。然後可云成之者性矣。存仁微屬神。一遵順義彰屬化。一遵總善成性。總承易知微知彰以知幾言。總善成性。以陰陽之始生人物言。張子借用其語。與易本旨不同。

愚按。神不可致思。四句為一層。皆所謂善也。存虛明六句。又為一層。所謂成性也。存虛明。即存神。前節云。虛明照鑒神之明也。順變化。即順化。前節云。變則化。由粗入精也。補注於存虛明二句外。另補神化。非是。存神而久于至德。即仁之至。仁

神化

元

為體。故屬之神。順化而達乎時中。即義之盡。義為用。故屬之化。知微彰而存神。順化在。大人以下。可能總其善。而至於仁至義盡。則非聖神不能也。成之性。一作成人。性當以之字為正。蓋用易成語。而意不同耳。

聖不可知者。乃天德良能。立心求之。則不可得而知之。

發明。良者自然之謂。天德良能。謂達位天德者。自然之能。非由致思助長也。

愚按。此節大意。釋孟子以明聖人之神也。此不可知。與前不可致知。皆以人言。舊說以聖人。不思勉為立心求之之解。故華注疑而知之三字。為衍文。終覺未安。大心篇。所用有別。

是一說也

聖不可知謂神莊生謬妄又謂有神人焉

微引莊子逍遙遊篇藐姑射之山有神人焉

補訓承上而言聖神之非二

集釋孟子所言神化至誠之聖莊子所言虛無怪誕之神

惟神為能變化以其一天下之動也人能知變化之道其必知神之為也

微引易上傳之九章知變化之道者其知神之所為乎下傳之

一章天下之動貞夫一者也

補訓引易見神之能化也○凡天下之動皆神之所為是有以

神化

三

一之也

高注神妙萬物故曰一天下之動變化皆神也故知變化之道

則必知神

張注學至於可與權則知變化之道矣

見易則神其幾矣

補注此承上章之意而言

集解易即化也神化合一故見易則神其幾

補訓幾訓近主知說

知幾其神由經正以貫之則寧用終日斷可識矣幾者象見而未

形也形則涉乎明不待神而後知也吉之先見云者順性命則所

其皆吉也

微引易豫二爻介於石不終日貞吉繫辭下傳之五章子曰知

幾其神乎幾者動之微吉之先見者也君子見幾而作不俟終

日介如石焉寧用終日斷可識矣本義漢書吉之之間有吉字

說卦之二章聖人之作易也將以順性命之理

補訓易云知幾其神乎所以然者由其於經常之理守之而得

其正以之貫萬事皆能見幾而趨避之寧用終日斷乎其可識

矣幾者雖有其象而未有其形必神乃知之若形則涉於迹而

明顯不待神而知之也易所云吉之先見者蓋能順性命之理

而動則所先見者有吉而無凶也順性命則經無不正而知幾

神化

三

其神可知已○此依易本文不補凶字經正即順性命之理首

尾見意

筆注神者不測之妙經者一定之理不測即在一定之中恐人

不知神之本乎經幾者入於推測高者墮於虛無故言所謂知

幾其神者亦不過以經正之理無所不貫則觀其合經與否即

知其幾之善惡而吉凶之兆不待終日而可以立見也

愚按此節大意首四句釋易知幾其神句幾者以下又釋一

幾字與吉之先見句而意則正以見神之不外於經也必以

經正為言者天下事理甚煩而五品經常之道乃其大原主

腦所在於此無疑然從萬事之幾無不可知

知神而後能樂。樂者親見易而後能知神。是故不聞性與天道。不能制禮作樂者。求矣。

微引禮祭義。惟聖人為能饗帝。孝子為能饗親。

補訓從知神推到饗帝。饗親制禮作樂。上見得性與天道。即禮樂之本。此張子至精之論。

知神從上知神之所為。來見易從上知變化。來知神之神為神化之神。非鬼神之神。然其意可通。

聞即知也。非謂聞於人。華注神者。合天人貫幽明。一之者也。知神則知人。本乎天。萬物本乎祖。總是陰陽合散之理。誠意交孚。而饗帝饗親也。

見易而後知神明神化。易也。神也。即性與天道也。

神化

三

苟不聞之。則禮樂從之。

愚按易神性道其理一也。以陰陽變化之用言。謂之易。以陰陽不測之妙言。謂之神。以易神自然之理言。謂之性與天道。

實則一而已。天神人鬼。即此理屈伸往來之寔然。禮樂者。本此理而列為度數。見之聲容者也。知神則知陰陽合散。無非實理。故能來享來格。以事鬼神。此皆句意也。知神則知陰陽

屈伸。無非寔事。故能與制立法。作禮樂以事鬼神。此於首句即見末句意也。饗帝饗親中。即有制禮作樂。意在性與天道。皆以天德言。與首篇語性與天道之極盡於參伍之神變易。而已性與天道云者。易而已矣。義同。

而已性與天道云者。易而已矣。義同。

精義入神。豫之至也。

華注若舍卒之間。揆度事理。便不能盡矣。精義入神。則本原已徹。萬事萬化。皆不能外。故曰豫之至。

愚按此節大意。釋易精義入神之文。以見神之不可不知也。

狗物喪心。人化物而滅天理者乎。存神過化。忘物累而順性命者乎。

微引書旅焚。玩物喪志。禮樂記。人化物也者。滅天理而窮人欲者也。易順性命。見上知幾節。

補訓此推言過化存神之義。上反下正。重下句。

李注。張子言過化。猶言過而不留。不滯於物也。故忘物累。則不

狗於物。不狗於物。則不化於物。過化之道也。順性命。則不喪其

心。不喪其心。則不滅於理。存神之方也。

集釋性命。即天理也。狗物喪心。即書玩物喪志之謂。

敦厚而不化。有體而無用也。化而自失焉。狗物而喪已也。大德敦

化。然後仁智一而聖人之事備。性為能存神。物為能過化。

西山真氏曰。過化存神。本出孟子。過化謂聖人凡所經歷處。人皆化之。存神謂其中所存神妙。正意只是如此。至橫渠先生。乃

謂性為能存神。物為能過化。下性字。指本然者而言。上性

字。謂我能全其性。而不為情所蕩。則其所存神妙。不可測。下物

字。指事物而言。上物字。指我之應物而言。謂物各有其理。我

字。指事物而言。上物字。指我之應物而言。謂物各有其理。我

字。指事物而言。上物字。指我之應物而言。謂物各有其理。我

字。指事物而言。上物字。指我之應物而言。謂物各有其理。我

字。指事物而言。上物字。指我之應物而言。謂物各有其理。我

字。指事物而言。上物字。指我之應物而言。謂物各有其理。我



隨其理以應之物。各付物。不以己之私意參乎。其間則事過弗留。如水之釋如風之休。後來諸老先生多本其說。獨文公不以爲然者。蓋孟子之意。未說到如此深也。文公解經平實如此。然橫渠先生之說。亦不可不知也。

補注。庫重有餘。而不知變通之道。是有體而無用也。熟於應變。而無厚重之德。是物物而喪已也。故大德者必敦且化。然後仁智合一。而聖人之事備矣。至於性。爲能存神。則極其仁而敦不足言物。爲能過化。則極其智而化不足言矣。愚按此節大意。蓋以中庸教化之意。合於孟子存神過化之文。而皆非其本意。教化之化。作變化之意。過化之化。則過

神化

三

而不留之意。上下似難合一。竊意教化已備。聖人之事矣。至於教之不已。而復其性之本然。則所存者神妙不測矣。神也。仁字較深化之盡。變而因物付物。而無心。則所過者化。而不留矣。此化字亦較上爲深。蓋大德教化者。大之位。過化存神者。化之位也。補注之說得之。但其謂過化之化。爲變化而疑。西山事過弗留之謂。爲異於張子。則猶未細看耳。

無我然後得正己之盡。存神然後妙應物之感。範圍天地之化而不過。則溺於空。淪於靜。既不能存夫神。又不能知夫化矣。徵引易上傳之四章。範圍天地之化而不過。本義天地之化。無窮而聖人爲之範圍。不使過於中道。

高注。有一分私意。則已一分未正。故無我然後得正己之盡也。物各付物。妙應而無滯者。神也。故存神然後妙應物之感。天地之化。不止氣化。凡人物之性。皆是人倫日用一循其當然之則。所謂範圍天地之化而不過也。過則陷於異端。而於神化遠矣。愚按上皆存神過化。窮神知化。分說此節大意。則由存神說到知化。而以無我補出一層。本領亦如言知幾而本於經正之意也。物感中即有天地之化。在範圍中即有知字意在。故相疊而下。語意云。孟子言存神易言知化。是皆未易言也。必無我然後得正己之盡。而所存者神。存神然後妙於應物之感。而物各付物。妙應即所以範圍天地之化。不至過於中

神化

三

道也。若過中。則溺於空。淪於寂靜。既不能正己之盡。而存神。又安能範圍而知天之化乎。甚矣無我之要。而過中者之未足語此也。存神以心言。知化以應事言。無我然後得正己之盡。而存神。存神然後妙於應物。而範圍不過範圍句。緊連上妙應句。物各有理。即天地之化。物各付物。即範圍天地之化。而知化亦不外是矣。易本言不使天地之過於中道。此則謂君子範圍天地之化。而不自過於中道。蓋因物付物。而未嘗廢而弗有。遺而弗存也。過而淪於空。靜者。藏聰塞明。雖事去物。并無所謂存神。又安能妙應而知化乎。旁行不流。圖神不倚也。百姓日用而不知。溺於流也。

微引。易上傳之四章。旁行而不流。本義。旁行者行權之智也。不流者守正之仁也。五章。百姓日用而不知。十一章。著之德圓而神。補訓。易謂聖人委曲旁通以行。而不至於流者。蓋圓通神妙。不倚於一偏也。若百姓日用此道。而不知此道。由其溺於物欲。而流也。安能如聖人之圓神不倚哉。上正下反。圓神貼旁行。不倚貼不流。愚按此節大意。因言神化。而引易以明之也。不倚只是圓神。意與易仁智並重者。微異。圓神而不倚於一偏。故存神而過化。

神化

三

義以反經為本。經正則精。仁以教化為深。化行則顯。義入神。動一靜也。仁教化靜一動也。仁教化則無體。義入神則無方。微引。易下傳之五章。精義入神。上傳之四章。神無方而易無體。補訓。此一篇之末。又錯綜前意而申言之。前云精義云經正。此合言之。謂反經為義。經正則義精也。前云教化云仁。此合言之。謂仁以教化。化行則仁顯也。前云教化謂教而能化。此似言教厚其化。所謂義者非他也。即經正之謂也。義以反經為本。經正則義精矣。所謂仁者非他也。即教化之謂也。仁以教化為深。化行則仁顯矣。義主動入神。則動一靜也。仁主靜教化則靜一動也。仁教化則仁隨變化而無體。義入神則義極神妙而無方。

神化

三

蓋神化之妙如此。李注。由經正以貫之。則知幾如神。是義以反經為本也。敦厚而不化。則有體而無用。是仁以教化為深也。補注。反復也。義以反經為本。經正則義精。義至於入神。由動而之靜也。神妙於中。故無方敦厚也。仁以教化為深。化行則仁顯。仁而能教其化。由靜而之動也。化行於外。故無體。愚按通篇言神化之妙。精深微渺。至於不可形容。至矣盡矣。張子慮人之馳心深隱。而不知所用力也。故於此合言神化。而以反經敦化結之。見反經敦化。事極切近。而無方無體之妙。由此馴致。可見神化非不可致。而正未可以易而致耳。

動物篇第五

華注。此篇明人物之形質。無非陰陽之所為。明而為。鍊席幽而為鬼。神。殺而為形。聲臭味。皆是物也。

愚按此篇凡十三節。各一義。文不相蒙。宋子銳臣云。大意見無物不有陰陽。而陰陽無不有理。欲人即物窮理也。○首節物之初生以下八句。朱子入近思錄道體。

動物本諸天。以呼吸為聚散。之漸植物本諸地。以陰陽升降為聚散。之漸。物之初生氣日至而滋息。物生既盈。氣日反而游散。至之謂神。以其伸也。反之為鬼。以其歸也。

微引易乾卦文言。本乎天者親上。本乎地者親下。本義。本乎天

動物

三

者謂動物。本乎地者謂植物。

朱子曰。此息只是生息之息。非止息之息。孟子言日夜之所息。程子謂息字有二義。愚謂只是生息。○至之謂神。反之謂鬼。固是。然雷風山澤亦有神。今之廟貌亦謂之神。亦以方伸之氣為言耳。此處要錯綜周備。而觀之伸中有屈。中有伸。中有屈。如人有魄是也。屈中有伸。如鬼而有靈是也。人死便是歸。祖考來格便是伸。

華注。明物之生死。皆陰陽合散之所為。

補訓。物有動植之不同。動物本諸天而親上。以其一呼一吸。即為聚散之漸。植物本諸地而親下。以其陰陽之一升一降。為聚

散之漸。凡此者。皆氣之為也。蓋凡物之初生氣日至而滋息。是為聚也。物生既至盈滿。氣日反而游散。是為散也。其至也謂之神。以其氣之伸也。其反也謂之鬼。以其氣之歸也。凡天下之物。何非鬼神乎。○聚散以漸而至。故曰漸。氣字雙承呼吸升降言。滋息承聚游散承散。

李注。氣滋息則伸而為神。氣游散則歸而為鬼。自聚散之漸。以至於大聚大散。皆然也。

補注。動物之呼吸。在於一息之間。植物之陰陽升降。在於一歲之間。故動物有呼吸則生。無呼吸則死。植物陰陽升降則生。不升降則死。史氏管窺曰。動物植物各有種類。其所由來。皆是天

動物

三

地。動物之時。二氣交感之所。生自此。死於此。生不生而天地生物之氣。未嘗不行其間。以植物驗之。亦各以種類相傳。雖謂之物。自生物可也。然從生至死。歲一榮枯。生於春者。必待春氣應而後生。春氣未應。彼亦不能以自生也。生於夏者。必待夏於冬。莫不皆然。蓋以開物之始。所稟之氣。各有不同。故自是以來。所生之氣。感之而後應。候而生耳。謂植物自相生。不有資於天地之氣。可乎。動物之始終。雖與陰陽升降之候。不相應。然其一呼一吸。即其所稟陰陽之氣也。其壽命之久近。亦係其開物之始。所稟之氣。各有不同而已。

氣於人生而不離。死而游散者。謂魂。聚成形質。雖死而不散者。謂

龍

華注此與下節明人之生死無非陰陽合散之所為

補訓此專言人也魂固是氣魄亦是氣之結成故總言氣

高注張子蓋以精神為魂體骸為魄非謂別有死而不散之物也

海水凝則冰浮則漚然冰之才漚之性其存其亡海不得而與焉推是足以究死生之說

大全伊川程子改與為有

補訓此承上言人之生死而以海水冰漚喻之也

集解人之生死其存其亡亦猶海水之冰漚也冰漚雖不外於

動物

四

海而海不與人之生死雖不外乎太虛而太虛亦何所容心一自然而然也彼佛老者乃謂有神人焉以主之而使之生死多見其入於邪而不得其情也

集釋漚水上泡也

高注才性以氣質言

有息者根於天不息者根於地根於天者不滯於用根於地者滯於方此動植之分也

華注此與首章相發明而又以滯與不滯明動植之分

集解不滯於用得天之動也滯於方得地之靜也

補注有息者謂動物動物自首生故根於天頭向上也不息者

謂植物植物自根生故根於地頭向下也息鼻息出入之氣

沈毅齋曰動物本天陽物也然胎生者九竅卵生者八竅則動

物中已自有對矣而乾男坤女又未嘗無陰陽焉植物本地陰

物也然陰木疎理而柔陽木縝理而密則植物中已自有對矣

而乾男坤女又未嘗無陰陽焉是無物而無兩也至動植之物

其稟氣殊類陽也而氣稟之中自有消長屈伸陽中之陰陽也

其賦形異狀陰也而形質之中自有上下內外陰中之陰陽也

是豈所謂一者乎

生有先後所以為天序小大高下相並而相形焉是謂天秩天之

生物也有序物之既形也有秩知序然後經正知秩然後禮行

動物

四

物能相感者鬼神施受之性也不能感者鬼神亦體之而化矣

補訓此專以人言見天序天秩有自然之典禮也借舉陶鑒發

此意○先後以時言然當兼分在內如父兄先而子弟後時也

君先臣後分如是耳小大高下並以分言序秩皆自然故云天

序天秩五倫即經常之道故云經正

華注知其同出於天而後經正禮行不然其不以經禮為強人

者幾希矣

凡物能相感者鬼神施受之性也不能感者鬼神亦體之而化矣

補訓此推明物之相感不相感以見鬼神之體物不遺也。施屬陽受屬陰性字兼理氣。

張注物能相感者如雌雄牝牡之類。必待交感而後能生有也。不能感者如草木之類。有能開花結實。傳生種類。以此見得陰陽之理。無物無之。鬼神之功。無往不然。有如此者。

物無孤立之理。非同異屈伸。終始以發明之。則雖物非物也。事有始卒乃成。非同異有無相感。則不見其成。不見其成。則雖物非物。故曰屈伸相感而利生焉。

微引易下傳之五章。屈伸相感而利生焉。

補訓此借易以明屈伸相感之意。物言屈伸。事言相感。互見之。

動物

四二

也。天下之物。必無孤立之理。以其有同異屈伸之相感也。若非有同異屈伸。終始循環。以發明此物。則雖有物不成。其為物也。事有始有卒。乃成其事。以其有同異有無之相感也。若非有同異有無之相感。則不見其事之成。不見其成。則雖物非物矣。易故曰屈伸相感而利生焉。蓋物必屈伸相感。而成其物。事必屈伸相感。而成其事。此利之所由生也。若孤立無感。何利之有。陰陽對待。故物無孤立之理。有同有異。有屈有伸。即不孤立也。在物為同異屈伸。在事為同異有無。屈則無伸。則有其理一也。事不成。雖物非物。此物謂事。即中庸不誠無物之意。易屈伸相感。以歲功言。引來只泛言事物。事物成其事。物即利之生也。

補注同異屈伸。即終始也。此大學格物窮理之事。同異有無。即始卒也。此大學修己治人之事。

發明孤立者。偏陰偏陽也。語錄謂雖一件物。亦有陰陽。即無孤立意。非同異屈伸為句。終始以發明之為句。

集解發明者。發見明揚之也。事又人身所為者。如進退。必有時。

二者相禪相感。而後道盡。否則進而不能退。則其進為貪。退而不能進。則其退為忘。世又如同異。必以同與異二者相感。然後理當。而事成。否則同而不能異。則其同為隨俗習非。異而不能同。則其異為覓常拂理。

愚按同異屈伸。終始以發明之。所該甚廣。以人言之。如首尾。

動物

四三

而足方。動作而靜止。百陽而背陰。無不對待成兩。而其中則有同有異。有屈有伸。相為終始。而後成其為人。推之凡物皆然也。即人之一體言之。如肘動而臂止。臂合而指分。皆有對待相感之妙。推之凡物又皆然也。此理自天地鬼神日月寒暑山川人物以及一草一木一花一節。無物不具。隨在皆可體會。在人自悟之耳。事有始卒。所該亦廣。集解以進退同異言之。亦舉一以例其餘。

獨見獨聞。雖小異。怪也。出於疾與妄也。共見共聞。雖大異。誠也。出陰陽之正也。

性理拾遺。張子曰。天地之雷霆草木。至怪也。以其有定形。故不

怪人之陶冶舟車亦至怪也。以其有定理故不怪。今言鬼者不可見其形。或云有見者。且不定。一難信。又以無形而移變有形之物。此不可以理推。二難信。又嘗推天地之雷霆草木人莫能為之。人之陶冶舟車。天地亦莫能為之。今之言鬼神以其無形。則如天地言其動作則不異於人。豈謂人死之鬼反能薰天人之能乎。

補訓此以變異言重下段陰陽之正其分別處。只在獨與共上。補注獨見獨聞。若鬼物形象雖小異為怪。非出於疾則妖妄之說也。共見共聞。若日食星變雖大異為誠。出陰陽之正非疾與妄也。

動物

四

賢才出。國將昌。子孫才。族將大。

補訓上節言變異此節言吉祥皆物理也。

李注此篇多言鬼神屈伸之事。此條言家國昌大之徵者。如中庸言國家興亡。禎祥妖孽。至誠先知禍福。與鬼神合其吉凶。此以為莫大於賢才之生出。乃禎祥之盛者耳。

人之有息。蓋到柔相摩。乾坤闔闢之象也。

微引易上傳之一章。到柔相摩八卦相遺。十一章。闔戶謂之坤。闔戶謂之乾。本義闔闢動靜之機也。

補訓此因上文有息而推言其理。到柔相摩。易本言卦之變化。此則借以言陰陽之推遷。

亦陰陽相感之一端也。

動物

四五

李注。到柔相摩。乾坤闔闢。乃天地之呼吸耳。

寤形開而志交諸外也。夢形閉而氣專乎內也。寤所以知新於耳目。夢所以緣舊於習心。譬謂餓夢取飽。夢與凡寤夢所感。專語氣於五臟之變。容有取焉耳。

微引內經素問。脉要精微論。五藏者中之守也。又曰。甚飽則夢。子甚飢則夢取。肝氣盛則夢怒。肺氣盛則夢哭。○莊子齊物論。其寐也魂交。其覺也形開。

補訓此推言寤夢之理。以見夢皆氣之為也。○寤夢所感。寤是帶言。專語氣於五藏之變。謂氣因五藏之盛衰而變異。

集釋形耳目之類。寤則知新事於見聞。夢多想舊事於所習。此

李注。夢有緣耳目聞見者。有無所緣而若有聞見者。有係乎吉凶之兆者。然而無所緣者。緣之變也。吉凶之兆。緣已往而驗之。將然者也。皆所謂緣舊於習心也。飢夢取飽。夢與其一端耳。

愚按形開志交。陽也。形閉氣專。陰也。耳目之知新。陽根陰也。夢之緣舊。陰根陽也。五藏之變。亦不外陰陽五行之理。故可取。

聲者形氣相軋而成。兩氣者。谷響雷鼓之類。兩形者。桴鼓叩擊之類。形軋氣。羽扇敲矢之類。氣軋形。人鼓篳黃之類。是皆物感之良能。人皆習知而不察者耳。

徵引。莊子人間世篇名也。者相軋也。在宥篇焉知曾史之不為然。詬嚅矢也。

補訓。此推論教音之理由於形氣相軋摩而成。形氣皆物也。自然有教。故曰物感之良能。○人教氣從形出。笙簧以人之氣從笙簧之形出。

集解。軋相摩擊。猶所謂相感也。人呼於谷。而谷中有響以應之。陽在陰中不得出。則奮擊而成雷。是兩氣也。

高注。獻莊子作萬矢之猛者。凡矢發必有教。或曰。如今之帶箭。箭蓋響箭也。

形也。聲也。臭也。味也。溫涼也。動靜也。六者莫不有五行之別。同異

動物

四

之變。皆帝則之必察者歟。

徵引。詩大雅皇矣篇。不識不知。順帝之則。

補訓。此即形教臭味溫涼動靜皆有五行之別。而推及於帝則。以見凡物皆天理所寓也。六者不外五行。五行不外帝則。與同

于五行。一陰陽。陰陽一太極之旨相符。○目於色。耳於聲。鼻於

臭。口於味。體於溫涼動靜。類舉而言之。形當以高注五色為是。溫涼猶言寒暑。以氣言。當兼四時動靜。當以人物言。亦隨乎四

時。如書所云。析因夷隤。華尾希革。毛毳毼毛。可見五行之別。即

同異之變。非五行有同異。重在異一邊。集解。形有五目。為木。耳為火。口為土。鼻為金。前後二陰為水。教

有五角。為木。徵為火。宮為土。商為金。羽為水。臭有五。麝為木。焦為火。香為土。腥為金。朽為水。味有五。酸為木。苦為火。甘為土。辛為金。鹹為水。溫涼有五。春為木。夏為火。秋為金。冬為水。四季為土。動靜有五。動之始為木。終為火。靜之始為金。終為水。動靜之間為土。察昭著也。

高注。形五。青紅黑白黃也。

愚按。集解。解教臭味。俱本礼記月令。形五。則用素問金匱真言論。專言人之形。與下頗不倫。高注。訓形為色。亦本之月令。故可從。集解。解動靜。以一時之動靜言。補訓。引堯典。以一歲之動靜言。二說兼之。為盡。

動物

四

誠明篇第六

補訓此以誠明名篇。因篇首誠明二字也。誠明却是為言性。服本大抵此篇祇重言性上。誠明以下六節言誠處多。性者萬物一源以下十四節言盡性。而極發性之肯。性於人無不善。節並提性命。下十二節接善反言性。生末三節乃繳出順受意。愚按此篇凡三十六節。篇中言性直言性體處少。言盡性處多。首言誠明中兼言命。言至命言窮理。言心言氣質之性。言帝則言天理皆不外盡性之肯。末言順命亦所以盡性也。提一學字是盡性之功夫。誠莊則學之要和樂則學之道也。提內性者萬物之一源一節入近思錄道體上達反天理一節。

誠明

四八

形而後有氣質之性一節。德不勝氣以下九句。莫非天也。一節俱入論學。湛一氣之本一節。誠惡必除一節。俱入克治。誠明所知乃天德良知。非聞見小知而已。

補訓篇首提出誠明二字。見其有良知之妙用。

李注。誠者天德也。誠而明者天德之良知也。聞見之知亦知也。未能反身而誠。則所知者猶有於外。故曰小知。

華注。聞見之知。見其偏而不知其全。明其流而不知其源。故小知人異用。不足以言誠。天人異知。不足以盡明。所謂誠明者。性與天道。不見乎小大之別也。

補訓此承上文而申言誠明之旨。

華注。勉而中。即為天人異用。思而得。即為天人異知。安排造作。

之用。私心推測之知。更不待言矣。

李注。聖人之誠。天德也。故與天無異。用聖人之明。天明也。故與天無異。知在聖者性也。在天者天道也。無小大之別也。

義命合一存乎理。仁智合一存乎聖。動靜合一存乎神。陰陽合一存乎道。性與天道合一存乎誠。

發明首二句。就人性言。中二句。就天道言。末句。總言。

李注。天有正命焉。通極於性。此其與義合一者也。故曰存乎理。言非氣數所得干也。仁智一而聖人之事備。故曰存乎聖。

補注。動而無動。靜而無靜。故曰動靜合一存乎神。一陰一陽之

誠明

四九

謂道。故曰陰陽合一存乎道。性者人所受之天理。天道者天理自然之本體。故曰性與天道合一存乎誠。

愚按此節大意。推言理聖神道與誠之義也。玩上下節。重在誠上。五句皆以理言。未及人功。義命合一。當以李注為正。

蓋張子之論命。如命稟同於性。天所命者。通極於性等語。皆於氣數中。認取理字。義者理之所宜也。命者數之一定也。義固理命。無理氣而亦當認取理字。仁且智。夫子其聖矣乎。仁智合一存乎聖也。兩在故不測。動靜合一存乎神也。陰陽通

運者氣也。其理則所謂道。陰陽合一存乎道也。大哉乾元。萬物資始。誠之原也。乾道變化。各正性命。誠斯立焉。故曰性與



天道合一存乎誠。動靜合一。聖人亦有之。而此當以天言。若聖不可知之神。不當以動靜為說也。天所以長久不已之道。乃所謂誠。仁人孝子所以事天誠身。不過不已於仁孝而已。故君子誠之為貴。微引易恒卦象。天地之道恒久而不已也。禮祭義。惟聖人為能享帝孝子為能享親。補訓此以天引起仁人孝子。歸重在君子上。誠之雖承仁孝說下。然當活看中庸誠之之字有力。此只言誠。補注仁人事天不已於仁孝子誠身不已於孝。即天之誠也。此君子所以誠之為貴也。

誠明

子

愚按此言誠重在不已。惟不問緣方是誠。若仁孝有已時。即是不誠。乃者難之之詞。誠之為貴。誠內有不已意在。誠有是物。則有終有始。偽實不有何終始之有。故曰不誠無物。補訓此明不誠無物之意。不重釋中庸張子借以明其理耳。補注誠偽字下。皆當讀。高注如舜之大孝。誠有是物者也。其終身慕父母。有終有始矣。若夫偽者實無是物。何終始之有。自明誠由窮理而盡性也。自誠明由盡性而窮理也。微引易說卦之一章。窮理盡性以至於命。補訓上節。言誠明此。兼明誠言之以易語証中庸之意。窮理

貼明盡性貼誠由即自也。張注在明誠分上窮與盡字。然有功夫在誠明分上。只是性無不盡。而理無不窮也。須有分別。性者萬物之一源。非有我之得私也。惟大人為能盡其道。是故立必俱立。知必周知。愛必兼愛。成不獨成。彼自蔽塞而不知順吾理者。則亦末如之何矣。李注此盡其性所以能盡人物之性也。補注性者我之所得於天。即萬物之所同得。非有我之得私也。惟大人能盡其性而不私於一己。故立必與萬物俱立。知必周萬物而知。愛必兼萬物而愛。成必與萬物俱成。彼自蔽塞而不

誠明

五

足與立。與知與愛與成者。則亦無可奈何也。○葉氏曰。立者禮之幹也。知者智之用也。愛者仁之花也。成者義之遂也。張子之教以禮為先。故首曰立。天能為性。人謀為能。大人盡性。不以天能為能。而以人謀為能。故曰天地設位。聖人成能。微引易下傳之十二章。天地設位。聖人成能。補訓此承上文。能盡其性而申明之。○盡性亦當兼己物。集解。言言己性。補注。言人物之性。皆失之偏。易成能。本以作易言。此借言盡性。集解。人性皆善。由於天德。故曰天能。然稟或不同。不能不賴之。

人為則所謂人謀也。大人盡性者。不恃其天性之善。而惟勤其  
人謀之力也。故曰二句亦斷章取義。

盡性。然後知生無所得。則死無所喪。

補訓此亦承上文盡性說來。形容盡字之妙。盡者無餘剩。無欠  
缺全而受之。天全而歸之。天何得何喪。

愚按此節亦如孟子大行不加窮。居不損之意。人能盡性。則  
全受全歸。其生也。未嘗於本性之外有私得。其死也。未嘗於  
本性之中有缺失也。補訓亦此意。而微失之巧。集解專照首  
篇立說。謂即聚亦吾體。散亦吾體之意。盡性者明于此理。故  
生不以為得。死不以為喪。與此章前後言性之旨不合。

誠明

至

未嘗無之謂體。體之謂性。

集解。體物之形體也。有象可觀。有形可執。何嘗無有。氣也。氣必  
有理寓其間。是其體即為性也。

愚按此節高注以體為性體。二句滾作一層。語氣雖合。集解  
照塞吾其體。帥吾其性之意。為是未嘗無者有之謂也。末篇  
凡可狀皆有也。凡有皆象也。凡象皆氣也。又曰有無虛實。通  
為一物者。性也。當與此參看。

天所性者。通極於道。氣之昏明。不足以蔽之。天所命者。通極於性。  
過之吉凶。不足以戕之。不免乎蔽之戕之者。未之學也。性通乎氣  
之外。命行乎氣之內。氣無內外。假有形而言耳。故思知人不可不

知天。盡其性。然後能至於命。

微引易辭見前。自明誠節。

補訓此推言性命之肯氣之昏明。以氣質言。遇之吉凶。以氣數  
言。皆可言氣。故下言氣。內氣外括出。字正示人以盡性下手  
處。道性命異名。而同實。故相通。通即此通之彼也。

張注。性者人之所受於天者也。道者天之所統乎物者也。在人  
曰性。在天曰道。理本相通。非二物也。氣者陰陽所為性之郭殼  
也。命即天道流行。賦予萬物。道之用也。遇乃外至之境。無關性  
分事。但形氣與之相接者也。此段須從源頭看下來。天道本是  
至善底物。故為性為命。亦皆有善。而無惡。易曰。繼之者善也。成

誠明

至

之者性也。又曰乾道變化。各正性命。保合太和。其故可知矣。至  
於氣亦天所命以為載性之具。但出於陰陽。所為不無清濁之  
分。故人得之而有昏明之殊。却是形而下者。不足以蔽性之本  
體也。遇則出於性之外矣。雖有吉凶。不足以戕害吾性之所固  
有。但人不知學。則理不足以勝氣。而性反為所蔽者有之。不能  
素位而行。而理反為所戕者有之。要之皆由下流濁而病上源  
非源濁而害流也。蓋性常通乎氣之外。直上達天德。何有於氣。  
命則無時不行乎氣之內。當順受為正。以此知天人未始相離。  
性命未始不相通。而徇欲自私。行險徼倖者。是皆不知至善之  
所由來也。

愚按此節。首八句。見氣與遇不足。言性命通氣外。以下。見性命之一理。語意云。人皆言性命矣。亦知性命之理。何如乎。夫性命皆出於天。天所性者。通極於道。蓋無不善也。氣之有明有昏。特稟之有差耳。何足以蔽吾性乎。天所命者。通極於性。蓋無不正也。遇之有言有凶。特偶爾所值耳。何足以戕吾命乎。此性命之本然也。而人或不免蔽吾性而戕吾命者。特以未之學耳。且性與命。豈二物乎。專言性。則性純乎理。而通乎氣之外。專言命。則命有窮通禍福。而行乎氣之中。究其寔。則氣本無內外可言。但因人之有形。而分內外焉耳。性與命。固無不一也。故思知人。不可不知天命之外。無性也。盡

誠明

孟

其性。然後能至於命。性之外。亦無命也。人奈何不學焉。必盡性命之理哉。以性命對氣與遇。則性命皆屬於理。而氣與遇。不足言猶末篇所謂性通極於無氣。其一物耳。命稟同於性。遇乃達然焉之意。蓋一陰一陽之謂道。而總之者。善此性。著之原也。故曰性通極於道。非氣則理亦無掛搭處。而理寔宰乎氣。故曰命通極於性。通極者。理相通而根極之。謂此性命之本然也。既云氣與遇不足道。又云通氣外。行氣中者。又足以性與命對言。性純乎理。而命則有窮通得失吉凶禍福之數也。然性通氣外。二句不重。在無內外上。就性論性。則通乎氣外。就命論命。則行乎氣中。其寔氣無內外。特假有

形而言耳。故思知人之性。不可不知天之命。盡其性。然後至於天之命也。氣無內外。句是下半節主意。正見性命合一。而人不可不學。以盡性至命。舊說但謂張子為中外字。自作翰旋之辭。失其旨矣。天所命。通氣外。二命字。以氣數言。不可作天命謂性之命。至於命命字。乃以理言。而與上自不相悖。蓋人受得天命之性。時而氣數之命。即存乎其中。但所舉以為言者。不同耳。宋子銳。臣云。修之吉。悖之凶。此常理也。即天命也。或修之未必吉。悖之未必凶。此遇之達然。不足以害其命之正也。須於氣數中。認出理字來。故下云行乎氣中。若天命謂性之命。在性先。不當云通極於性。且于遇字。亦不

誠明

孟

對針矣

知性知天。則陰陽鬼神皆吾分內耳。補訓此見性天之蘊無窮也。陰陽鬼神。氣也。而理寔為主。知性天。則吾之性。天此理。陰陽鬼神。亦此理。皆屬吾分內事耳。只言其理之一。若變理感格。是進一層語。集釋性與天。即陰陽鬼神之理之氣。在吾身者。故曰分內。天性在人。正猶水性之在水。凝釋雖異。為物一也。受先有大小昏明。其照納不二也。問水水之說。何謂近釋氏。朱子曰。水性在水。只是凍凝成箇冰。有甚造化。及其釋。則這冰復歸於水。便有迹了。與天性在人。自

不同問程子器受日光之說便是不是。是除了氣日光便不見却無形了。

集解受光上疑有缺文。

張注此言天性人性之無異。猶水與冰。雖有凝釋之分。其實一也。程子有器受日光之喻。張子意謂人之氣質。既有不齊。受光不無小大昏明。然論天日之照納。則何嘗有異哉。即氣不足以蔽之說也。

愚按此節大意上四句以天地之性言見天人之性無二。下二句以氣質之性言見氣質不同而理無不同也。上下本自一串。凝即謂冰。釋即謂水。無生死意。舊說俱屬添故。張子以

誠明

至

冰水喻天人。本有未精。又添出生死一層。豈不因病而加之。竊乎。語意云。天性在人。猶水性之在冰。蓋凝則為冰。釋則為水。本非二物。天之所賦。人之所受。亦非有二理也。人之氣質所具。雖有清濁純駁之不同。而性無不同。猶物受日月之光。有大小昏明。而上照下納者不二也。

天良能本吾良能。顧為有我所喪耳。

集釋明天人之本無二。

補注天性在人。故天之良能。人皆有之。顧一時為有我之私所喪耳。所以人不可不學。

上達反天理。下達徇人欲者歟。

補訓論語朱注。與此意同。但此反字。以失而能復言。稍異。

愚按此節大意。釋論語之意。見人當存理而過欲也。大概亦因言性而及天理。即謂性。故曰反。

性其總合兩也。命其受有則也。不極總之要。則不至受之分。盡性窮理而不可變。乃吾則也。天所有不能已者。謂命。不能無感者。謂性。雖然。聖人猶不以所可憂。而同其無憂者。有相之道。存乎我也。

微引易上傳之五章。鼓萬物而不與聖人同憂。詩大雅生民篇。誕后稷之穠。有相之道。集傳相助也。

或問朱子曰。物所不能無感。謂性。曰。有此性。自是因物有感。見於君臣父子日用事物當然處。皆感也。所謂感而遂通是也。此

誠明

至

句對了天所不能自己。謂命。蓋此理自無息止時。晝夜寒暑無一時停。故逝者如斯。而程子謂與道為體。這道理古今晝夜無頃息。故曰不能已。問性只是理。安能感。恐此語只可名心。否曰。橫渠此言。雖未親切。然感固是心。所以感者。亦是此心中有此理方能感。

補注性之總要處。合太虛與氣化言之也。為萬殊之一本也。天命而人受之。有物有則也。為一本之萬殊也。

補訓不極二句。反言盡性窮理以下。正言盡性窮理是盡性不變。其則是至命。

高注造化運行無一息之停。此謂命。寂然無朕。觸感乃見。此謂

性天與聖人一也。而聖人有憂者。欲盡其輔相之道。則不能同天地之無心。有心則有憂矣。

愚按此節大意。自乃吾則也。以上言盡性。然後至命。以下言盡性至命。正以助天。比上深一層。補訓謂無心異於有心。于雖然猶字。語氣皆不合。高注得之。性。性是理之總名。合兩者。以虛與氣。合而為言。首篇所謂合虛與氣。有性之名是也。性。以人之所具言。而云其總。乃是從上源處說。命。以天之所賦言。而云其受。乃是從在人後說。故補注有萬殊一本之語。不可或者。盡性窮理之造。其極。即所謂至于命者也。天所二句。見性命一理。天不已而不得不命之人。性有感而不得不

誠明

天

通之物。皆自然。而然在天。與在人。一也。然聖人盡性至命。必自居於有憂。而不憂。於天之無憂者。蓋性命之賦於天。天所能也。盡性至命。人所能也。相天之道。存乎我。故有憂以助化育。不及也。有憂以相天。兼盡性盡人物之性。方盡。宋子銳注云。前後命字。多以氣數言。惟此與盡其性。節以理言。似有不同者。蓋命一而已。人稟此理。時即已稟此不齊之氣。但言命者。或抽出上一截言之。則為理。或抽出下一截言之。則為氣。數猶形。而後有氣質之性。而天地之性。存焉。離氣以言性。與即氣以為性。皆不知性也。知此。則或言理。或言氣。或言理而忽及氣。或言氣而忽及理。皆有左右

達原而不相悖者。如孟子立命之命。以理言。豈非命也之命。以氣言。而朱子以為發其末句。未盡之意。皆此意也。

湛一氣之本。攻取氣之欲。口腹於飲食。臭香於臭味。皆攻取之性也。知德者。屬厭而已。不以嗜欲累其心。不以小害大。未喪本焉耳。微引左傳。昭公二十八年。閻沒女寬。諫魏獻子云。願以小人之心。腹為君子之心。屬厭而已。杜註。屬。足也。厭。同厭。問湛一氣之本。攻取氣之欲。朱子曰。湛一是未感物之時。湛然純一。此是氣之本。攻取如目之欲色。耳之欲聲。便是氣之欲。曰攻取。是攻取那物否。曰是。補訓此言湛一攻取之分。見不可任氣為性也。湛一攻取皆

誠明

堯

串字。湛一者。湛然純一也。攻取者。攻而取之也。上攻取言欲下言性。氣質之性。即謂欲也。華注氣之湛一。即性之本體。氣之攻取。亦性之發用也。然攻取之性。一縱即累其湛一。知德者。不以累其心。則雖當攻取之時。而不失湛一之本矣。心能盡性。人能弘道也。性不知檢其心。非道弘人也。高注心有覺而性無為也。愚按此節大意。以心性釋論語人道之義。亦因言性而及也。先下註語。而後出本文。亦訓釋之一體。論語朱注採入。以其性能盡人物之性。至於命者。亦能至人物之命。莫不性諸道。

命諸天。我體物未嘗遺。物體我知其不遺也。至於命然後能成已。成物不失其道。

補訓此推言盡性至命之旨。以盡性引起至命。莫不以下申明其意。此節側重至命上。成已成物。側重成物上。

補注因中庸言盡其性能盡人物之性。則知至於命者。亦能至人物之命。莫不性諸道。其性同也。命諸天。其命同也。我體物未嘗遺我之性命。即物之性命也。物體我知其不遺。物之性命。即我之性命也。物我一體。無有間斷。故推而至於命。然後能成已。成物各盡其道。無一毫有我之私也。

張注一盡性萬事畢。何消又說到至於命。蓋在人言之謂之性。

誠明

卒

自天言之。謂之命。者。天理至善之極也。猶大學言明德新民。而必要之於止至善。非成已成物之外。別有至命道理也。

愚按體猶備也。以我之性命中。萬物皆備。知人物亦能備我之性命也。無功夫。至於命。句內有盡性意。已物同此性命。故盡性而至於命。然後成已成物。不失其道矣。重在成物正收。應至人物之命。

以生為性。既不通晝夜之道。且人與物等。故告子之妄。不可不滅。微引易上傳之四章。通乎晝夜之道。而知本義通猶兼也。晝夜即幽明死生鬼神之謂。補訓此言生與性之分。借告子以為說。引易去知字。通字當

作通曉之通。不通晝夜之道。只是借易語。以見其不明理耳。生死即晝夜之道。生死氣也。非性也。以生為性。是不能通晝夜之道也。舊講泥道字。以晝夜貼生。道貼性。欠妥。

愚按此以生與死對。故以晝夜為說。與朱注作知覺運動者。異。不通晝夜之道。猶云不知陰陽之理。非謂但通晝夜。不通晝夜之道也。人與物等。即所謂犬牛之性。猶人者也。人物所性不同。而所為生者無異。故云相等。李注謂性無生死。蓋又照首篇聚散吾體之旨。與此章性字不合。

性於人無不善。繫其善反不善。反而已。過天地之化。不善反者也。命於人無不正。繫其順與不順。而已。行險以僥倖。不順命者也。

誠明

六

微引易上傳之四章。範圍天地之化。而不過。

補訓此申言性命之旨。孟子中庸。張子雜引。以明已意。

李注過天地之化者。釋老是也。溺於空淪於靜。自謂見性。而實不足以盡性。行險僥倖之小人。自謂已能為命。而實乃不順命也。既不順命。烏能立命哉。二者高下。雖有間然。不能順性命之理。則一耳。

高注順帝之則。所謂範圍天地之化。而不過也。失其則。則過之矣。日用動靜。莫非天地之化也。

華注過有吉凶。隨其所處。各有當盡之道。此命無不正也。盡其道。雖殊夷戕辱。不失為順命。不盡其道。雖死。雖下。不免為行險。

以僥倖

愚按此當與天所性者節參看性無不善通極於道者也善反其初則不以氣蔽之者也命無不正通極於性者也順受其正則不以過戕之者也此節實為下十四節之綱

形而後有氣質之性善反之則天地之性存焉故氣質之性君子有弗性者焉

朱子曰天地之性則太極本然之妙萬殊之一本也氣質之性則二氣交運而生一本而萬殊也天地之性是理也終到有陰陽五行處便有氣質之性於此便有昏明厚薄之殊論天地之性則常指理而言論氣質之性則以理與氣雜而言之

誠明

三

氣質陰陽五行所為性即太極之全體但論氣質之性即此體墮在氣質之中耳非別有一性也氣質之說起於張程極有功於聖門有補於後學前并未曾有人說到故張程之說立則諸子之說定矣勉齋黃氏曰自孟子言性善而荀卿言性惡揚雄言善惡混韓文公言三品及至橫渠張子分為天地之性氣質之性然後諸子之說始定蓋自其理而言之不離乎氣質而為言則是天地賦予萬物之本然者而寓於氣質之中也故其言曰善反之則天地之性存焉蓋謂天地之性未嘗離乎氣質之中也其以天地為言特指其純粹至善乃天地賦予之本然也曰形而後有氣質之性其所以有善惡之不同何也曰氣

有偏正則所受之理隨而偏正氣有昏明則所受之理隨而昏

明木之氣盛則金之氣衰故仁常多而義常少金之氣盛則木之氣衰故義常多而仁常少若此者氣質之性有善惡也百既言氣質之性有善惡則不復有天地之性矣子思子又有未發之中何也曰性固為氣質所雜矣然方其未發之時性中何欲不生則氣雖偏而理自正氣雖昏而理自明氣雖有偏而理則無勝負及其感物而動則或氣動而理隨之或理動而氣挾之由是至善之理聽命於氣善惡由之而判矣此未發之前天地之性純粹至善而子思之所謂中也記曰人生而靜天之性也程子曰其本也真而靜其未發也五性具焉則理固有寂

誠明

三

感而靜則其本也動則有萬變之不同為惡善以是而廣之先師矣答曰未發之前氣不用事所以有善而無惡至哉此言也○西山真氏曰性之不能離乎氣猶水之不能離乎土也雖不離乎氣而氣汨之則不能不惡矣雖不離乎土而土汨之則不能不濁矣然清者其先而濁者其後也先善者本然之性也後惡者形而後有者也故所謂善者起於降衷之初而所謂惡者雖出于有形之後其非相對而並出也昭矣張子曰形而後有氣質之性善反之則天地之性存焉故氣質之性君子有弗性者焉程子曰性即理也天下之理原其所自來未有不善喜怒哀樂未發何嘗不善發皆中節則無往而不善凡言善惡

皆先善而後惡言言凶皆先言而後凶言是非皆先是而後非  
觀二先生之言則本然之性與氣質之性其先後主賓純駁之  
辨皆判然矣。○張子有言為學大益在自求變化氣質此即所  
謂善反之者也。程子亦曰學至氣質變方是有功亦是張子之  
意。  
補訓此承上文善反而言性有氣質與天地之分當不拘乎氣  
質而復乎天地之性也。  
華注天地之性非形則無所受形者氣質與之所聚而成也氣  
質有美惡故性有純雜而天地之性未嘗不存君子能變化氣  
質則不離乎氣質而天地之性全矣。

誠明

商

愚按易言立天之道曰陰與陽立地之道曰柔與剛陰陽氣  
也。劉柔質也。此言氣質之性所由始也。○此節孟子性無善  
無不善也。章朱注採入。  
人之劉柔緩急有才與不才氣之偏也。天本參和不偏養其氣反  
之本而不偏則盡性而天矣。性未成則善惡混故聖聖而總善者  
斯為善矣。惡盡去則善因以成故今日善而日成之者性。  
微引易上傳之五章總之者善也。成之者性也。○詩大雅文王  
篇聖：文王集傳登：強勉之貌。  
補訓此申言善反以成性之意。首數句言氣質易偏。天本教句  
言當化其偏反其本性未成以下言總善成性正是善反處善。

因以似有語病。○氣質之性固多偏必善天之乃至於成性  
也。人之劉柔緩急其中有才與不才者氣質之偏為之也。天道  
本劉柔緩急參和而不偏人能養其氣復其本然則盡性而合  
天矣。盡性者在易謂之成性當性未成時則善惡混而多  
偏故必盡去而總續其善不使間斷斯謂之善矣。○善不已而  
惡盡去則並不見善是善因以成故不復曰善而但曰成之者  
性也。成性者所謂天地之性而不拘乎氣質者也。○劉與柔對  
緩與急對用之當則才用之不當則不才重不才邊故接云氣  
之偏天謂在天之道所以生人者參和者相參而和猶云相雜  
而適均之意。承上劉柔緩急言集釋陰陽相參似覺添出。

誠明

奎

李注。劉柔緩急即氣質之性參和不偏者天地之性也。  
華注。易本以總善說天命之流行成性說萬物之稟受此以總  
善作工夫成性作究竟也。  
德不勝氣性命於氣德勝其氣性命於德窮理盡性則性天德命  
天理氣之不可變者獨死生修天而已故論死生則曰有命以言  
其氣也。語富貴則曰在天以言其理也。此大德所以必受命易簡  
理得而成位乎天地之中也。所謂天理也者能悅諸心能通天下  
之志之理也能使天下悅且通則天下必歸焉不歸焉者所秉所  
過之不同如伊尼與總世之君也。舜禹有天下而不與焉者正謂  
天理則致非氣稟當然非志意所與也。必曰舜禹云者餘非乘勢。



則求焉者也。

微引易上傳之一章。易簡而天下之理得矣。天下之理得而成位乎其中矣。本義。成位謂成人之位。十一章。聖人以通天下之志。下傳之十二章。能悅諸心。

朱子曰。張子只是說性與氣。皆從上面流下來。自家之德。若不能有以勝其氣。則只是承當得他那所賦之氣。若是德有以勝其氣。則我之所以受其賦于我者。皆是德。故窮理盡性。則我之所受皆天之德。其所以賦于我者。皆天之理。氣之不可變者。性。死生修天而已。蓋死生修天。富貴貧賤。這却遠他氣。至義之於君臣仁之於父子。所謂命也有性焉。君子不謂命也。這箇却須由

誠明

矣

我不由他。○性。命。於。氣。是。性。命。都。由。氣。則。性。不。能。全。其。本。然。命。不。能。順。其。自。然。性。命。於。德。是。性。命。都。由。德。則。性。能。全。天。德。命。能。順。天。理。○問。窮。理。盡。性。則。性。天。德。命。天。理。這。處。性。命。如。何。分。別。曰。性。是。以。其。有。定。者。而。言。命。是。以。其。流。行。者。而。言。命。便。是。水。恣。地。流。底。性。便。是。將。梳。盛。得。來。大。梳。盛。得。多。小。梳。盛。得。少。淨。潔。梳。盛。得。清。汗。漫。梳。盛。得。濁。

華注此言窮理盡性者之能立命。集解吾能盡性而有所得所謂德也。吾之心有仁義禮智信之理。所謂性也。吾之身有吉凶禍福死生天壽之稟。所謂命也。性雖載於氣稟者有不同而六無不善。命雖出於氣稟而有愛則

然天理亦有可回者。使不能修德。則德不能勝其氣。稟性將拘於氣。稟而不能開。命各隨其氣。稟而不能回矣。是性命皆由於氣也。能修德。則德能勝其氣。稟矣。故性。能復其初。而氣。稟不能拘。天亦祐有德。而氣。稟可以反。是性命皆由於德矣。以上是言理窮理盡性。正是修德。以下緣着人言性。天德者。純然至善。復其本體。與天為一也。命。天理者。百福駢集。皆天理之所致。回氣稟而得福者也。氣之不可變。獨死生修天者。謂富貴福慶之類。雖氣稟所不當有。皆可以天理而回之。其不可變者。獨死生修天而已。成位指爵位。即受命之意也。與易不同。所謂天理也者。以下又言天理可以回氣。稟得天命之故。修德而有天理。則德

誠明

矣

澤及民。能使天下各得其所。悅而且通。如此則歡欣交洽。天下必歸之矣。此大德所以必受命。易簡理得而成位也。所乘者勢也。如伊周事。繼世之君。而不有天下。勢在商周。不可回也。所遇者時也。如孔子時。遇衰微之極。而無天子薦之。故亦不能回天。命而有天下。此皆變也。非常也。張子以命為天理。所當得。以遇為一時。氣數所遭。非理之常也。故有命遇之說。補訓論語死生有命。富貴在天。天命相似。張子引來。以命為氣。天為理。與本旨異。易簡成性。張子引來。以易簡理得。貼大德。以成位。貼受命。易悅心。謂心與理會而悅。通天下之志。以下筌言。張子悅心。以悅人心。言與通天下之志。一例看。皆與本旨不

同論語不與謂不以富貴為樂。張子引來謂舜禹乃天理馴致而有之。非氣稟之所當然。亦非志意所得與。氣稟猶言氣數。下乘勢跟氣稟求跟志意。

愚按此節首四句性命平舉窮理盡性五句漸側在命上論死生以下七句常明命天理意性天德者盡性合天之謂命天理則謂除死生修天之不可變外富貴福澤皆可以理致也。命皆以氣數言朱注數條亦微異本旨引論語二句死生有命輕應氣不可變二句富貴在天重正應命天理之云故曰此大德受命易簡成位也所謂天理以下八句正明天理之實天下之歸即命天理之實也。舜禹有天下七句正見德

誠明

六

勝氣所以命天理處如此則命字非有二義上下原自一貫。補訓以命天理言氣稟之偏可變下半節方言氣數故謂上下當作兩截者而又疑其文義不倫仍是未細看耳。○所乘所遇集解分貼竊意所乘所遇猶言時勢不同當兼孔子伊周言之孔子勢未得而時未遇伊周遇繼世之賢而勢不可反也不言伊周而言繼世之君者錯舉成文耳非氣稟當然二句正解不與二字乘勢如繼世之君是也。即湯武應天順人亦是求則簒奪之類也。利者為神滯者為物是故風雷有象不遠於心。心樂見聞不於於性。

補訓此極言性之弘也以風雷形心以心形性總歸重性上集解無所不至之謂利風雷雖輕清之物有象則猶不免為物也故千里不同風百里不聞雷不若心之瞬息之間無所不至然心猶不失為氣也為見聞所禦則亦有所碍而不能通有所拒而不能容矣安能如性之無不包哉。

上智下愚習與性相遠既甚而不可變者也。張子語錄性相近也習相遠也性則寬補昏明名不得是性莫不同也至於習之異斯遠矣。李注程子以為上智下愚自不肯移其義甚精如其肯移也周念作狂克念作聖未有不因習而遷者也張子則以為上智下

誠明

充

愚之不移自其習成言之

愚按此節大意釋論語上智下愚之所以不同亦因言性而及之也。○此看性字亦不必專主氣稟如朱子之說習與性相遠既甚謂其所習之善惡與其本性甚遠以習字為主高注以上智純於性下愚純於習為相遠補訓謂習與性皆相遠俱不合本旨。

纖惡必除善斯成性矣。察惡未盡雖善必粗矣。補訓此言去惡從善之功也上下一反一正纖細也。發明首二句即前章惡盡去則善固以成故舍曰善而曰成之皆性意。

華注王文緝曰除惡屬行邊察惡屬知邊

不識不知順帝之則有思慮知識則喪其天矣君子所性與天地同流異行而已焉

徵引詩大雅皇矣篇不識不知順帝之則集傳文王能不作聰明以循天理

補訓此引詩而釋之以明性與天地相通也見人不可作聰明以斷喪其性不重文王○所謂性者出於天而為上○之則也詩云文王能不識不知以順上帝之法則蓋帝則宜非有思慮知識則私意橫生而喪其帝則矣以是知君子所性與天地同其流但異行而已人當順帝則如文王可也○詩只云知識

誠明

七十

張子添思慮二字以見其出於有心之私同流異行重同流上

不識不知就應事接物上言或專主靜非也

在帝左右察天理而左右也天理者時義而已君子教人奉天理以示之而已其行已也述天理而時措之心

徵引詩大雅文王篇文王降降在帝左右集傳文王之神在天一升一降無時不在上帝之左右○易豫卦象豫之時義大矣哉

補訓此亦引詩而釋之以見天理之重也○以在為察以帝為理與本旨不同左右只是不相離之意因時合宜為時義時義正是當察處

和樂道之端乎和則可大樂則可久天地之性以大而巳矣

徵引禮樂記心中斯瀕不和不樂而鄙詐之心入之矣○易上傳之一章有親則可久有功則可大

補訓此推出和樂之義以明道非強致首句提起下申其義集解天地之性指人言即道也非指天地以大道也大以和推

以由樂得故和樂為道之端愚按人稟天地之性萬理渾全無時而息本至久且大也學者能則從容不迫可克而大能樂則終始不倦可積而久

莫非天也陽明勝則德性用陰濁勝則物欲行領惡而全好者其

誠明

七二

必由學乎

徵引禮仲尼燕居禮也者領惡而全好陳注與釋曰增美質大意相類

朱子曰只將自己意思體驗便見得人心虛靜自然清明終為物欲所蔽便暗了此陰濁所以勝也

補訓此提出學字示人以工夫之要也天以氣質之稟於天者言

華注陽明陰濁皆天之氣也善學者扶陽而抑陰以明而勝濁乃所以全天之本然也○凡天理邊事必蕩平光明正大順乎人心人欲邊事必根瑣難隱僻曖昧拂乎人心故有陽

明陰濁之別惡與好之殊

愚按陽明陰濁猶所謂人心道心者也。皆稟於天。故曰莫非天。陽明勝即道心發見之時。陰濁勝即人心滋長之時。是二者人皆有之。所以充道心而遏人心者。惟恃乎學而已矣。

不誠不莊。可謂之盡性窮理乎。性之德也。未嘗偽且慢。故知不免乎偽慢者。未嘗知其性也。

補訓此言學必內誠外莊。乃能盡其性也。上二句反言。中二句正言。末二句申上二句之意。重盡性上窮理帶言。故下言知性以包窮理。

華注性者真實無妄。不誠則妄矣。性者有物有則。不莊非則也。

誠明

七

故曰不可謂之盡性

集釋偽慢者客感容形之流。災非性之德也。偽則不誠。慢則不莊。

勉而後誠。莊非性也。不勉而誠。莊所謂不言而信。不怒而威者。與微引禮樂記。天則不言而信。神則不怒而威。補訓此承上文誠莊而言。安勉之分。不勉而誠。則不言而信。不勉而莊。則不怒而威。

生直理順。則吉凶莫非正也。不直其生者。非幸福於回。則免難於為也。

微引詩大雅旱麓篇。求福不回。集傳回邪也。禮曲禮上篇。臨難

毋為免

補訓前言性係善反不善。反命係順受不順受。下接善反以明性。此則申命無不正。係於順受不順受之旨也。生理本直。能順其理而不枉。則莫非正命。不直其生。則不能順其理。以回曲而幸得福。以苟且而免於難。是倒裝句法。

屈伸相感而利生焉。感以誠也。情偽相感而利害生。雜之偽也。至誠則順理而利。偽則不循理而害。順性命之理。則所謂吉凶莫非正也。逆理則凶。為自取其險。倖也。

微引易下傳之五章。屈伸相感而利生焉。十二章。情偽相感而利害生。說卦之二章。聖人之作易也。將以順性命之理。

誠

七

補訓此承上順理而申言其義。引易二語。以誠引起誠偽。見人不能皆誠。中言誠則利。偽則害。末言利即順受。害即不順受。通作三層看。所謂直與不直者。誠偽之分也。易云。屈與伸相感

而利以生。其感以寔理。天道然也。易又云。情與偽相感而利與害生。雜以心之偽。人事然也。人能至誠以感。則順乎當然之理而利生矣。若偽以感。則不循當然之理而害生矣。順理者順性命之理。則所謂吉凶莫非正命。無不利也。不順理而逆之。則其凶為自取。而應得吉為僥倖。而不應得徒有害也。然則欲順理以受正命者。當有誠而無偽矣。易屈伸相感。以誠應之。理言。情偽相感。以卦爻之應言。張子借用。以屈伸句引起情偽句。為

本肯不同。下誠偽通承情偽。句順性命之理。承順理句。此吉凶。莫非正所謂利也。逆理承不順理句。說取凶。條吉所謂害也。莫非命也。順受其正。順性命之理。則得性命之正。滅理窮欲。人為之招也。

徵引禮樂記。人化物也者。滅天理而窮人欲者也。

補訓此又承上文而申順受不順受之意。引孟子二語。虛言其理下分順受不順受。

集釋順性命之理。而命得其正。吉凶有所不較。若滅絕天理。窮極人欲。不正而死。豈曰命乎。

李注言命而兼言性者。順性之理。即所以順命也。

誠明

四

愚按上三節大意相同。生直理順。言順理則吉凶皆正。命不順理則吉凶皆非。正原伸相感節。推出誠偽一層。意言不誠者有得禍之理。而無獲福之道。詞旨加嚴。此節人為之招。直見凶禍之不可免。而所謂險倖者。免者亦幾難望矣。蓋友覆言之。而意愈嚴也。補訓仍兼言其險倖。說殊不必。

卷之終

太心篇第七

補訓此篇大意。盡於首節。狗象喪心。即見聞格心之意。知合內外於耳目之外。即德性之知。人病其以耳目累心。而不務盡心。與聖人盡性正相反。成吾身節。又申人謂已知節意。以上皆申不以見聞格心。句體物體身節。言體道則大應。大心體物意。又言以天體身。則能體物。又從成心。忘化與時中。說到盡性。則首節所以盡性之旨。益明。又以君子之大大於道。明大心體物意。燭天理是喻大於道之意。末二節。開釋氏釋氏不能知命盡性。所以不能大心體物。

太心

愚按此篇凡十六節。通篇一意。理致綿密。雖文多不相屬。而

前後之意。實互為發明。前六節大槩皆就知邊言。體物體身。以下八節言身能體道。則大心能無私。則能休道。而盡性不事。就知言然知行相輔而進。非竟分二事也。末二節。明釋氏之不能大心而盡性。○首節入近思錄論學。釋氏妄意天性。節入辨別異端。

大其心。則能體天下之物。物有未體。則心為有外。世人之心。止於聞見之狹。聖人盡性。不以見聞格其心。其視天下無一物非我。孟子謂盡心。則知性知天。以此天大無外。故有外之心。不足以合天心。見聞之知。乃物交而知。非德性所知。德性所知。不萌於見聞。朱子曰。體猶仁體事。而無不在。言心理流行。脉絡貫通。無有不

到苟一物有未體則便有不到處包括不盡是心為有外蓋私  
意間隔而物我對立則雖至親且未必能無外矣○問體之義  
曰此是置心在物中究見其理如格物致知之意與體用之體  
不同○問不以見聞格其心曰此是說聖人盡性事今人理會  
學先於見聞上做工夫到然後脫然貫通蓋尋常見聞一事只  
知得一個道理若到貫通便都是一理曾子是已○盡心則只  
是極其大心極其大則知性知天而無有外之心矣然孟子之  
意只是說窮理之至則心自然極其全體而無餘非是要大其  
心而後知性知天也○問如何是有外之心曰只是有私意便  
內外扞格只見得自身上事凡物皆不與已相關便是有外之

大心

二

心○問如何是不足以合天心曰天大無外物無不包物理所  
在一有所遠則吾心為有外便與天心不相似○橫渠此說固  
好然只當如此說相將便無規矩無歸着此心便瞥入虛空裏  
去了夫子萬世道德之宗都說得語意平易從得夫子之言便  
是無外之實  
補訓大其心三句○言理下以世人引起聖人見聖人能大心  
體物下引孟子說到天上以合上文大而無外之旨見聞數句  
又申世人五句意○大其心將心量展拓令大照下不以見聞  
格其心者便明大心體物則無外有未體則有外矣不以見聞  
格其心則其心大視天下無一物非我則能體物無外矣孟子

盡心知性知天引來重在天○上以取大而無外之意有外之心  
不足以合天心盡心知性者能以無外之心合天心故知天  
愚按此節大意見人當大心以體物而見聞之知不足以為  
知也○語意云性者萬物之一原而具於人之一心心之量  
本大也人能大其心之量則視天下之物為一體而無所不  
包苟一物有未體則心為有外而其量不盡矣然心之大不  
大有故焉世人之心止於聞見之狹而不能盡所以小也聖  
人窮理盡性不以見聞格極其心故心大心大而視天下之  
物無一物非我分內故能體天下之物而無外孟子謂盡心  
則知性知天正謂心大則性無不盡而與天合德也蓋天大

大心

三

無外故有外之心不足以合天心若大心而盡性而有不能  
知天者乎所謂世人止於聞見而聖人不以格其心者蓋見  
聞之知乃交於物而知知圓於物性德性所知則不因見聞  
而萌故能體天下之物而無外也○補註以大心體物與不  
以聞見格心分仁智對言竊謂此節大槩皆屬知一邊細玩  
朱子之說所謂心理流通物我對立者似以語仁而其謂置  
心在物中究見其理物理無所遺者皆以言知何得以仁智  
截分為二意蓋大心體物猶大學補格致傳而云吾心之全  
體大用無不明者此四句虛下以世人之狹引起聖人之大  
正明其實狹即大之反聖人盡性二句即大其心之實觀及

下無一物非我。即休天下之物。之。也。盡性內有窮理意。宜  
照下德性所知。與中庸盡性。盡人物之性者。微異無一物非  
我。已有合天意。故引孟子以明之。孟子本謂盡心由于知性  
知天。此則謂盡其心之量。則性無不盡。而自能知天。意以盡  
心貼大心。知性貼盡性。知天貼天下無物非我。天大無外。三  
句即承上無物非我。而反言以明之耳。○人心之量。無所不  
統。而自私自利之人。所見不過耳目之前。視一身之外。已成  
秦越。易學者見理稍濶。則於物我之間。亦覺相關處多。然所  
見亦各如其量而止。惟聖人天性渾然。全体洞徹。視天下之  
物。皆我一脉。近而親。遠而民。物皆非身外之事。故其見之於

大心

四

施為者。自有親親仁民愛物之實事。但張子專為人之私已  
而見。不廣者。發故於親親仁愛之實事。未之及。而但即所見  
之大小言之。謂此已該仁之意。則可謂為仁智對言。則不可  
由象識心。狗象喪心。知象者。心存象之心。亦象而已。謂之心可乎  
發明此言。世人以見聞格其心者。  
補訓。夫物皆有象也。由物之象。可以識心。若狗象反以喪心。所  
以然者何也。知象者。超於象外。乃謂之心。狗象而存象之心。心  
亦滯於象而已。尚謂之心可乎。○由象識心。則不以見聞格其  
心。狗象喪心。則止於聞見之狹。知象永識心來。存象永狗象來。  
知象者。由象而知其理也。存象之心。心溺於象。而昧其理也。亦

象而心亦為象也。

高注。天下之物皆象也。由象識心者。格物致知也。狗象喪心者。  
玩物喪志也。

人謂已有知。由耳目有受也。人之有受。由內外之合也。知合內外  
於耳目之外。則其知也。過人遠矣。

李注。申明不以見聞格心之意。

高注。耳目有受。受於外也。不知耳目所以有受。雖曰交於物而  
亦吾心之知與之合也。然交則合而知不交則不知。是其知止  
於聞見耳。必於聞見之外。而有知。則德性所知。乃為知之大焉。  
愚按。內外以心與物言。集釋以心為內。耳目為外。補訓因之。

大心

五

以上內外為耳目與物。下內外為心與物。皆非是。○語意云  
夫人莫不有知矣。人謂已之有知。由耳目有所受於外。因物  
而起也。不知耳目有所受者。為人之有受。蓋由心之在內  
者。與在外之物。兩相合也。物理皆具於心。故觸之即動。耳人  
知以心格物。合內外於耳目之外。而不專恃耳目。則是不以  
聞見為知。而以德性為知。其知豈不過人遠矣乎。  
天之明莫大於日。故有目接之。不知其幾萬里之遙也。天之聲莫  
大於雷霆。故有耳屬之。莫知其幾萬里之遠也。天之不禦莫大於  
太虛。故心知廓之。莫究其極也。又病其以耳目見聞累其心。而不  
務盡其心。故思盡其心者。必知心所從來而後能。

徵引詩小雅小弁篇耳屬於垣。○易上傳之六章以言乎遠則不禦本義不禦言無盡。○禮樂記使耳目鼻口心知百體皆由順正。○莊子人間世篇狗耳目內通而外於心知。補訓此亦承上文耳目心而申言之。以耳目之高遠形心之大。○夫耳目未嘗不高遠而心為尤大也。天之明莫大於日故有目者接之不知其幾萬里之高也。天之聲莫大於雷霆故有耳者屬之不知其幾萬里之遠也。耳目之能有如此若天之不可盡莫太於太虛故人心之知廓之而莫究其極與太虛同其大也。人之病在逐於見聞以耳目累其心而不務盡其心之量耳。故思盡其心者必知心所從來由於天與天同大而後能然也。

大心

六

集解人之心本於天而生天之太虛無所不包心之理本亦無所不包也是為心所從來知之則必有識心之大矣然後能加盡心之功。

耳目雖為性累然合內外之德知其為故之之要也。

華注張子恐人因上文所言遂欲遺耳目而希務識心便入於

佛氏之學故言故吾知者仍在耳目以實之。

李注為性累者其官不思而蔽於物者也為心助者多聞多見

以畜其德者也。

成吾身者天之神也。不知以性成身而自謂因身發智貪天功為

己力吾不知其知也。民何知哉。因物同異相形萬變相感耳目內

列之合貪天功而自謂已知耳。

徵引左傳僖公二十四年介之推曰竊人之財猶謂之盜況貪

天之功以為己力乎。

補訓此申言已有知由耳目有受之意不知以性至知也。一氣

說民何知以下申明上意民何知即承不知其知。○成吾身者

性乃天之賦予神妙不測者也。性自有知乃天之功人不知以

性成身而自謂因身之耳目有受以發其智是貪天之功為己

力吾不知其知為何如也。民果何知哉。因物之同異相形萬變

相感耳目交物內外相合而有知乃遂貪天功而自謂已知耳

亦不足為知矣。

大心

七

李注推格於見聞之弊其迷謬必至此。

愚按不直曰性而必曰天之神見性中原有感通之妙也不

知以性成身猶言不知性具於身非用功語集解謂以性成

身為後其性之本未是因物三句是就自謂因身發智者言

之但見物變相感內外相合而知出遂謂已有知而不知內

外之所以合者即天之神為之也。

體物體身道之本也身而體道其為人大矣。道能物身故大不

能物身而累於身則藐乎其卑矣。

朱子曰非以身體道蓋是主平義理。只知有義理却將身只微

物樣看待謂如先理會身上利害是非便是以身體道如顏子



非禮勿視。便只知有禮。不知有己耳。只知有義理。直把自己作無物看。伊川亦云。除却身只是理。懸空只是箇義理。補訓此節。變性言道體道。即所以盡性也。先言道後言人。重人。肅道上。○泛言之。則無物不肅。切言之。則肅乎人身。道之本來甚大也。身而體乎道。則其為人也大矣。所以然者。以道為主。而視身猶物。故其人以道而大。若不能視身猶物。而反以私累其身。則其人失其大。而藐乎其卑矣。人可不知肅道乎。○道能物。身能字。以人言。謂人能以道物身也。集解。體物。肅身。言道為之。肅猶中庸所謂肅物也。體道言以道為肅。猶易所謂肅仁也。

大心

張注。將體身肅道。分作兩義看。未免將身與道作二見矣。身乃道之軀殼也。無此身。則道亦無掛搭處。故聖人但說修身。則道立一語便了。即如顏子克己。亦只言克去己私耳。何崇直將己身看作無物。都要擺脫了。至於伊川除却身只是理。別是一說。蓋謂道理徧滿世間。自身以外。懸空都是義理。似與張子之說不相干涉否。愚按。張子物身字。微覺太高。朱子亦就其說。以解之。張注所駁。不可不知。能以天體身。則能體物。也不疑。補訓此承上肅道而推及於天也。天者道所從出。

集解。以天體身。則吾身即天矣。天之理無所不包。故於物必能知之。明處之當。而體之也。何疑之有。

成心。忘然後可與進於道。

補訓此承上文體道而言。人當去其成心也。忘之有存省工夫在。

張注。成心未便為不好之心。但有意以處之。未免執持於形迹之間。故曰成心。

愚按。成心雖非甚不好之心。然但云可與進於道。則忘之為功尚淺。下節曰。化曰。時中曰。聖不可知。乃推其至而言之。

化則無成心矣。成心者。意之謂歟。

大心

九

補訓此承上忘字而申言其意。必化方能忘。化者。因時制宜。變化無方之謂。○成心。何以能忘乎。至於能化。則無成心矣。成心者。其私意之謂歟。化則何私意之有。

無成心者。時中而已矣。

補訓此承上文化字而推其意。時中即化之實也。

集解。是所謂無遠也。無莫也。義之與比。意。

心存無盡性之理。故聖不可知。謂神。

補注此承上章無成心而言。

張注。存字正對不可知說。

華注。心存本是好字。眼然有意在。是初下手工夫。非成德地位。

先儒謂敬字是徹上徹下工夫。然著意把持又非敬。即此意也。愚按此聖不可知。以聖人之無思無為言。與孟子異。肯心存不必私心。如程子稱孔子無迹。顏子微有迹是也。然理欲幾微之間。少有未融。即私心猶存。顏子微有迹。終是三月不違之後。不無少間耳。

以我視物。則我大。以道體物。我則道大。故君子之大也。大於道大。於我者。容不免狂而已。補訓此又申上身而體道為人大之意。○前體物體身。以道言。此以道體物。我以人言。集解鳥獸草木之類。皆物也。故以我視之。則我大。道者萬物之

大心

十

主以道體物。我則我亦物也。聽命於道者也。故道大。惟道大。於物我。故君子之所以為大人者。惟其以身體道大。於道而已矣。若夫不能體道。而徒自大其身。則驕奢躁妄。不免為狂人而已。愚按篇中。蘇字有二義。首節。蘇物中。庸。蘇物之。蘇也。蘇物體身。道。蘇物我。蘇物不疑。皆此意。身而蘇道。易。蘇仁之。蘇也。以天蘇身。亦此意。皆當隨文。蘇認。不必強合。

燭天理如向明。萬象無所隱。窮人欲如專顧影間。區區於一物之中耳。

李注。燭。天理者。知性也。萬象無隱。則能蘇物象。華注。天理高明。人欲則闇蔽。故其所見如此。

愚按此篇雖不言心言性。然亦大心盡性之義也。燭明也。影間猶言闇處。

釋氏不知天命。而以心法起滅天地。以小緣大。以末緣本。其不能窮而謂之幻妄。真所謂疑冰者與。

微引莊子秋水篇。要不可以語於冰者。篤於時也。孫綽遊天台。山賦。嘯夏虫之疑冰。

發明。張子既脩言大心。足以蘇物。愚學者不容而溺志空虛。不免流入釋氏。故此二章。鼎開釋氏之非。吾儒謂天下之物。無一非我。故索大心以蘇之。窮理以盡性也。釋氏則謂天下之物。無一非空。故遂溺志空虛。而不自覺求見性。而不知窮理也。

大心

十一

補訓。釋氏不知有天命之性。凡物皆寔理。而以其心法之空。起滅乎天地。是以其見之小。因以論大。而亦為小。以其見之末。因以論本。而亦為末。於其不能窮者。輒舉而謂之幻妄。豈非所謂夏虫疑冰者歟。究其害。由於不知天命耳。○天命即性也。緣因也。

愚按天命皆實理。故天地皆實形。此吾儒之道也。釋氏則以空寂為心法。欲六根妄想皆歸焉。有乃即此以揣度天地。亦以為宜歸於空。及不能然。則遂舉而歸之幻妄。以為太虛中不宜有而有之物。起滅者。謂其以一人之私見。生之滅之。猶所謂以意予奪人者也。李注以起滅屬心。語氣不合。

釋氏妄意天性而不知範圍天用反以六根之微因緣天也明不能盡則誣天地日月為幻妄蔽其用於一身之小溺其志於虛空之太此所以語大語小流遁失中其過於大也塵芥六令其蔽於小也夢幻人世謂之窮理可乎不知窮理而謂盡性可乎謂之無不知可乎塵芥六令謂天地為有窮也夢幻人世明不能究所從也

徵引易上傳之四章範圍天地之化而不過○釋氏謂眼為色根耳為聲根鼻為香根舌為味根身為觸根意為法根心經云無眼耳鼻舌身意楞嚴經云六根成解脫金剛經云一切有為法如夢幻泡影

大心

上

補訓此承上文不知天命以心法起滅天地而推言之妄意天性即不知天命不範圍天用即以心法起滅天地反以六根之微因緣天地遂謂天地日月為幻妄即以六根大以末緣本謂之幻妄下文蔽其用於小溺其志於太承六根天地言之塵芥夢幻又承小大言之是皆不能範圍天用不可謂之窮理盡性無不知文挽到妄意天性上末四句又推其塵芥夢幻之意層層說下總是極言釋氏之失較上節為詳盡○易範圍天地之化化即是用蔽遮蔽所見不全也

李注此條起數語即太和篇所謂畧知體虛空為性不知本天道為用友以人見之小因緣天地明有不盡則誣世界乾坤為

幻化者既不知陰陽剛柔仁義三極大中之矩則其語大語小也皆蔽於彼而陷於淫欲不流通失中得乎蓋既溺其志於虛空是過於大也所以塵芥六令既蔽其用於一身是蔽於小也所以幻妄人世六令無窮也人世無息也謂之塵芥幻妄是不窮理者也不窮理者由於不知性之所有而昧於天之所以為天也反自謂盡性而無不知可乎惟不能知性之所有而昧於天之所以為天故其塵芥六令也則以天地為有窮而性獨無窮不知性無窮天亦無窮也其幻妄人世也則其明不足以究所從來故謂天地且幻妄況人世乎不知天人異形同歸於道天人殊用同出於性天地非幻妄則人世亦非幻妄也蓋六根

大心

上

之懷轉流滯於乃人欲之末流而一陰一陽乃天理之本體以人欲之末流礙天理之本體豈非以小緣大以末緣本之過乎愚按妄意天性謂以私意揣度天性不知範圍天用正見其實不知性也吾儒以性為至實性中萬理畢具故能範圍天地之化其於吾身則以性節情以理制欲隨處盡道以全其本然之德其於天地萬物則知明處常參贊位育以盡其分所得為之事皆所謂範圍天用也釋氏以空為心法遂欲遺棄一切是妄意天性而實不知本天道為用以盡範圍之理亦為足與語性哉六根之微以下皆言其不知範圍天用處即不知性之實也蔽于小跟六根束溺於大跟因緣天地來

語大語小二句。下言其意以六合為微塵芥子。正溺於大。而語大之失中也。以人世為夢幻泡影。正蔽於小而語小之失中也。以教語層。推出總不外前節以心法起滅天地。以小緣大以末緣本之意。明不能盡。與明不能究。所從俱言釋氏少窮理之功。而不能明此。補訓謂明其不能究。所從亦未令。

大心

古

中正篇第八

補訓此篇首言中正貫道。而有大有化之分。至極其大二句。上文大化之意。次言聖人。不思勉學者。不能不思勉。因歷言學問之事。至於致曲。說到能以應大化。意有不知節至末。又言教人之事。學必由教而入也。

愚按此篇凡五十八節。自首至勉。蓋未能安也。十三節言中正大化之淺深。皆血脉貫屬。然尚未及工夫。不尊德性以下三十二節。乃歷言為學之事。不尊德性。至妄去節。以尊德性妄相係。結到得正至大。以應前事。豫以下至致曲。節或自立。言或釋成。語則節各一意。不必牽聯滋擾。有不知則有知以。

中正

五

下至末十。三節。又言教人之事。教以廣其學也。亦節各一義。文不相承。○內仲尼絕四三句。意有思也。一節俱入近思錄。論學惡不仁。故不善未嘗不知。一節責己者。當知天下國家無皆非之理。一節俱入克治。學者合理義。一節入戒。皆。

中正然後貫天下之道。此君子之所以大居正也。蓋得正則得所止。得所止則可以弘而至於大。樂正子類淵知欲仁矣。樂正子不致其學。足以為善人信人。志於仁無惡而已。顏子好學不倦。合仁與智。其體聖人。獨未至聖人之止耳。

微引公羊傳。隱公三年。君子大居正。

張子語錄。顏子樂正子。皆到可欲之地。但一人向學。緊一人向。

學慢

補訓首句中正並言下接正說。又以得所止明正字意。樂正子只是善信。顏子可謂大而未能化。是以樂正子形類于非平。重愚按此節大意。教學者以中正為進德之地。而中正大聖寔一篇之經。宋子銳臣云。自首至於大言。中正可充而至大。樂正子以下言中正。必以學而後至於大。中正雖平提中只帶言中正。而不偏於所性。然後道可由此而至。故曰貫天下之道。得正則得止。得所止。只是得正意。蓋以知之所至言。非已居其地之謂。弘而至於大。弘字內有學之功。在至於大。即貫道之定也。下以樂正顏子明之。知欲仁則得正。而得所

中正

其

止矣。不學則僅為善信。而未大。學則智仁合一而大矣。但未至聖人之止耳。此止乃已至其地。而居之。非但知至至之而已也。層次淺深。諸家多誤。篇內中正之義。各有淺深。此節俱淺者。大中至正之極。俱深者。中道而立。則有位以弘之。矯而得中。然後可大中皆在大之前。宜淺者。未得中而不居中。道不可識。知德以大中為極。其大而後中。可求中皆在大之後。宜深者。於此不明。則多牽合。而不得其說者矣。樂正子顏淵以下。正子善信。章朱注採入。

學者中道而立。則有位以弘之。無中道而弘。則窮大而失其居。失其居則無地以崇其德。與不及者同。其類子所以克已研幾。必欲

用其極也。未至聖而不已。故仲尼賢其進。未得中而不居。故惜夫未見其止也。

微引易上傳之十章。夫易聖人之所以極深而研幾也。本義研猶審也。序卦傳下篇窮大者必失其居。

張子語錄。顏子知當至而至焉。故見其進也。不極善則不處焉。故未見其止也。知必至者。如致廣大極高明。此則儘遠大所處。則直是精約。顏子方求而未得。故未見其止也。

黃氏瑞節曰。張子所引論語。未見其止。其說與舊解不同。舊解對進而言。則止為已意。張子以止為聖人之極功。故言顏子未至聖人之止。未詳是否。

中正

其

李注。又中上意。蓋得正則得所止。故可弘而至於大。是中道而立。而有位可弘者也。顏子之學。能弘而至於大矣。而克已研幾。必欲用其中。此所以為好學也。

補訓學者二句。正言無中道四句。友言位字。跟立字來。言立則有簡地位矣。顏子克已研幾。正是要求中道之極。下以見其進。未見其止証之。

集解。克已持守工夫。研幾省察功夫。知行並進。求道之方也。

愚按。首句中道以學者言。即首節中正之中。顏子未得中。謂中之極也。即後極其大而後中。可求之中。上言有位。下言無地。地即位也。上言弘。下言崇。上即弘也。未至聖而不已。回語。

其止而曰情之定以黃說為是。語錄所謂不極善則不處者。盡之矣。趙子彤元云。不已與不居亦微異。不已以工夫言。精進不已也。不居以地位言。謂不肯以此位自居也。

大中至正之極。文必能致其用。約必能感而通。未至於此。其視聖人恍惚前後。不可為像。此類子之歎乎。

微引易下傳之五章。精義入神。以致用也。上傳之十章。感而遂通天下之故。

補訓。此承上文。言類子求中之功也。極大中至正到極處也。

集解。博學於文而不能致用。則汗漫荒唐。約以自持而不能感

中正

大

物。則心如槁木死灰。皆非聖人之道也。故大中至正之極。文必能致其用。約必能感而通。蓋其文也。切於理。約也。常惺。法此其所以知行兩盡。本末相涵而不偏也。

愚按。大中至正之極。即聖人之事也。論語博約分屬知行。此千博曰致用。約曰感通。又對浮誇與虛寂者言之。有知行交互之義。宋子銳臣云。論語博約。夫子所以誘顏子。此即指夫子言。

可欲之謂善。志仁則無惡也。誠善於身之謂信。克內形外之謂美。寔乎天地之謂大。大能成性之謂聖。天地同流。陰陽不測之謂神。微引易上傳之七章。成性存。五章。陰陽不測之謂神。

補訓。此承上善信大聖而推言善信美大聖神之義也。本孟子語而難引。論語孟子易傳之言。以明其意。○塞天地謂善量。非謂氣。天地同流。陰陽不測。總是不可知之意。聖人陰陽合德。自不可測。

華注。此解孟子與朱注畧同。但此以形外即屬美。為稍殊耳。

愚按。志仁無惡。成善於身二語。孟子朱注採入。

高明不可窮。博厚不可極。則中道不可識。蓋顏子之嘆也。

補訓。此言類子求中發嘆之意。

補注。高明不可窮。仰彌高也。博厚不可極。鑽彌堅也。中道不可識。瞻之在前。忽焉在後也。

中正

尤

愚按。道惟彌高彌堅。故難以識其中。而有前後之嘆。張子方言中言正。故於此亦側申言之。只借論語以明已意耳。

君子之道。成身成性以為功者也。未至於聖。皆行而未成之地耳。

微引禮表公問。不能樂天。不能成其身。易乾卦初九文言行而未成。性見上節。

華注。此亦蒙上章大能成性之謂聖而言。

集解。成性即成身也。蓋性者所以為身之理也。有內外。無彼此。補注。成身成性。則至於聖人之地矣。未至於聖人之地。皆行而未成者。

大而化。未能有其大。化而後能有其大。

補訓此見化之難也。集解大而化則理與我猶二也。故曰未能有其大者。集即道用即義。故必化而後能。知德以大中為極。可謂知至矣。擇中庸而固執之。乃至之之漸也。惟知學然後能勉。能勉然後日進。而不怠可期矣。微引易乾卦文言知至之可與幾也。集解惟知學以下中上文之意。知學即是知德。以大中為極。勉即是擇執。不息至誠不息也。即是大中。張注人不知學。則是非混淆。理欲互乘。雖說存誠。說力行。皆屬淺近之詞。惟必先知大中為極。然後能擇執也。

愚按此節大意。亦見中之不可不知也。知大中之知。淺擇執則深矣。擇執勉也。至之則由勉而安矣。不息即所謂至之者也。下三句與上意無異。而復言之者。蓋上以知與擇執平舉。下半段則歸重知學。見其為入德之要旨也。趙子彤元云。知學如夫子所謂知之者。能勉如所謂好之者。語意云易言知至之。學者能知德以大中為極。可謂知所至之地矣。若能擇中庸之理而固執之。乃至之。漸也。然而知尤要焉。人惟知向學。然後能勉為擇執之功。能勉為擇執。然後所學日進。而不怠地位可期而至矣。體正則不待矯而弘。未正必矯。上而得中。然後可大。故致曲於誠。

者必變而後化。華注此以矯字明求中之道。補訓學者若本體已正。則不待矯揉而能弘。未正必待矯。矯而得中。然後可大而化。故中庸言致曲有誠者。必矯變而後至於化也。體正尚與首節得正則可以弘而至於大同意。體者本體之辭。上未正必矯。下變正言中者。以見因正得中耳。可大字兼化在內。矯然後大。即變則化。意故引中庸以結之中庸變則化。謂變化人物。此則變謂矯化。謂大而化。愚按致曲於誠者。謂致其曲以歸於誠。即矯未正以得中之意。

極其大而後中。可求止其中。而後大可。有補注與上大而化。未能有其大之意相表裏。集解前言學者中道而立。則有位以弘之。又言矯而得中。然後可大。蓋言極其大而後中。可求又先大。而後中者。何哉。蓋以中道而立。矯而得中。為勉以求中。大藥以中道言。此所謂中指聖人之不勉不思。從容中道者也。所謂化也。大亦聖之任。雖非清和一體之偏。猶未忘於勉而大耳。若聖人則性與天道無所勉焉。華注此言大雖幾於中。然未能至於化。則猶未聖也。補訓伊尹為聖之任。大者之任。道以之。故云亦聖之任。非論伊

尹任似優於清和。但僅能大而末化。故不謂之聖。  
愚按友人朱子銳臣云。孟子曰。則已是化境。止曰任正。緣  
未大。此以為大而末化。義異。趙子彤元云。勉而大三字連讀。  
蓋自然而大則聖矣。  
無所雜者清之極。無所異者和之極。勉而清。非聖人之清。勉而和。  
非聖人之和。所謂聖者。不勉不思而至焉者也。  
華注。此言必不思不勉。方是聖然。處惠之聖。猶未得為中也。  
集釋。異與人不同。而非爭也。  
愚按此節。孟子伯夷聖之清節。朱注採入。  
勉盡未能安也。思盡未能有也。

中正

三一

補注。此釋上章不勉不思之意。  
不導德性。則問學從而。不道不致廣大。則精微無所立其誠。不極  
高明。則擇乎中庸。失時措之宜矣。  
集解。不存心。則不能致知。此重本之論也。  
華注。不導德性。則徒事口耳之述。豈得謂之道問學乎。不致廣  
大。則學不免於支離破碎。故曰無所立其誠。不極高明。則所擇  
者或不合乎時宜。而不自知。故曰失時措之宜。  
愚按此節大意。引中庸而釋之。以見德性之宜尊。所以明求  
中求正之功。也不重釋中庸意。立其誠。只是一盡字。言於  
精微者。不能誠以盡之心。李注作反身而誠。添出一層。自

此以下七節。以導德去妄相屬。安去而後德性可尊也。  
絕四之外。心可存處。蓋必有事焉。而聖不可知也。  
補注。心可之可。當作所。  
集釋。絕四者之私。渾然存天理之公矣。豈徒靜虛而已哉。  
愚按此節大意。即論語絕四之文。而補足其義。  
不得已。當為而為之。雖殺人皆義也。有心為之。雖善皆意也。正已  
而物正。大人也。正已而正物。猶不免有意之累也。有意為善利之  
也。假之也。無意為善性之也。由之也。有意在善。且為未盡。况有意  
於未善耶。仲尼絕四。自始學至成德。竭兩端之教也。  
補注。此求上文。絕四而言意之不可有。以該必固我也。○雖善

中正

三一

皆意。止明意字。正已而物正云云。是証雖善皆意。重有意正物  
一邊利之也。是心中有所希冀。徐氏謂智者利仁之利。恐利仁  
不宜玩壞。  
補注。葉氏曰。橫渠先生。解絕無皆為禁止之意。故以此為聖人  
設教之道。謂自始學以至於成德。其所以克治融釋者。不外乎  
此。所謂竭兩端之教也。  
愚按首四句。提出意字。正已物正四句。借孟子之言。明之有  
意為善。九句。正明意之所以為累。故聖人以絕四立教。始學  
成德。皆以學者言。自初學至成德。皆當絕四。是聖人教人之  
大概具是矣。故曰竭兩端之教。舊說謂夫子自始學至成德。



皆絕。與教字意不合。宋子鉅臣云。上節絕四。專就聖人言。此節無教人絕四言。以始學成德為端。兩端與本旨迥別。不得已而後為。至於不得為而止。斯智矣夫。

發明此聖人因物付物之妙。絕無意必固我者。華注為者不預期無意必之妙也。止者不留滯無固我之妙也。意有思也。必有待也。固不化也。我有方也。四者有一焉。則與天地不相似。

補訓此中釋四者見其當絕也。四者有其一。則心與天地不相似。況皆有乎。此張子見道語。朱子引入論語注。華注天地無心而成化者也。無意必固我。則聖人亦無心矣。

中正

二

補注葉氏曰。意者萌心之端。故曰有思必者。期望於中。故曰有待。固者滯於已往。故曰不化。我者成於己私。故曰有方。或問曰。者相為終始。而曰有一焉。何也。朱子曰。人之為事。亦有其初。未必出於私意。而後來固執而不化者。若曰絕私意。則三者皆無。則曰絕一斯可矣。何用更言絕四。以此知四者又各是一病。天理一貫。則無意必固我之鑿。意必固我。一物存焉。非誠也。四者盡去。則直養而無害矣。

補訓此承上文。言絕四者。心純乎天理也。○天理一貫。即至誠無妄。鑿即鑿。喪此理也。直養無害。用孟子語。鑿則害無害。則無鑿。

補注天理一貫。上章所謂必有事焉。而聖不可知者也。

愚按理欲不容並立。天理有一毫間斷。即人欲有一毫夾雜。故天理一貫。則無意必固我之鑿。下四句一反一正。申明其意。私有一則妄。而不誠。私盡去。則直養無害。而無不誠也。誠即天理。直養無害。即無鑿。上二句從理統說到無私。下四句從無私說到理。統意互相足。○末二句無工夫。朱子鉅臣云。玩一則字。與下節然後字不同。蓋此言成德之事。下節則入德之事也。

妄去然後得所止。得所止然後得所養。而進於大矣。無所感而起。妄也。感而通誠也。計度而知。昏也不思。而得素也。

中正

五

補訓此承上絕四而推言之。得所止。應首節大字亦應前。○意必固我皆妄也。妄去然後得所止。而正得所止。然後得所養。而進於大。大可兼化。下分誠妄去。則誠計度二句。明感通之意。言感通之誠。不須計度。乃不思而得也。感而通。兼得止得養在內。

張注妄非必無所感。但不由性中出耳。由實理中出自無窒碍。昏者見理不明。理既素明。何待思索。

愚按此言學者之事。妄去得止。俱淺看。無所感二句。承上妄字。以妄與誠對。誠謂不雜於妄也。下二句又承感通句。以昏與素對。昏則不能感通。素則不思而得也。蓋無所感以下止。

為一妄字。作法。脚而及感通之義。所謂不思而得者。對計度之知言。非聖人從容中道之謂也。○語意云。偽妄之心。皆足以蔽我而害正。必妄心去。然後得理之正者而止之。得所止。然後心得所養。可充度而進於大矣。何以謂之妄。凡心之無所感而起者。皆妄也。必感而遂通者。乃誠也。若計度而知者。蔽於物而昏者也。必不思而得者。乃理之素明。而能感通者也。以感通之妙。而不容妄念之存。得止而大。何難哉。

事豫則立。必有教以先之。盡教之善。必精義以研之。精義入神。然後立斯立。動斯和矣。

中工

三

精義以研究之。尤所當豫也。能精研義理。至於入神。然後欲立而斯能立。欲動而斯能和矣。豈非事以豫而立哉。○立以守言。動以行言。斯立守之固。斯和行之利。與本旨不同。集解以教民言。與上下文意不辭。

愚按此節大意。引中庸事豫則立。發推以見精義之要也。豫者由教而入之謂。故曰有教以先之。盡教之善者。盡得所教之理也。精義入神。內該得盡教之善意。立和借成語以明已意。與三十篇以立民和民言者不同。○自此以下。雜舉經傳成文。皆以明教學之事。不專為訓釋之文。

志道則進。據者不止矣。依仁則小者可游而不失和矣。

集釋張子以論語四事作兩事說。

李注志定則自然有所持守。心純則玩物不足。我志。

補訓不止。謂日有所據。非一端也。游者玩物適情。有和順從容之意。

志學然後可與遠道。強禮然後可與立。不惑然後可與權。

補注釋論語之意。

補訓必先志學。然後可與遠道也。必強禮。然後可與立也。必不惑。然後可與權也。強有力也。強禮謂強立於禮。不惑即精義入神意。

博文以集義。集義以正經。正經然後一以貫。天下之道。

中工

三

張子經學理密。學大原上篇。是集義所生者。集義猶言積善也。義頭是常集。勿使有息。故能生浩然道德之氣。○下篇氣頭是集義以生。義不集。如何得生。集義頭是博文。博文則利用利即身安。

發明此言知之而後行之也。

愚按此合論語所言博文與孟子所言集義。正經者而通論之。蓋以外見為學之有序也。語類言之。非一語說皆謂言博約之義。補訓因之以集義屬博文。於理未確。○博文則所知者廣。而後能事。合義事。事合義。而後能正生民之經。博文以知言。集義以行言。皆其在已者。正經則無人已言。至於正

經則道之大端充盡而其餘細目皆無不合矣故曰貫天下之道至當篇天下之達道五其生民之大經乎數語可與此泰者

將窮理而不順理將精義而不從義欲資深且習察吾不知其智也

發明此言不行則亦無從知之也

集解徒致知而不力行以驗之則其所知終不能真且亦不能久也故曰思而不學則殆

智仁勇天下之達德雖本之有差及所以知之成之則一也蓋謂仁者以生知以安行此五者智者以學知以利行此五者勇者以

中正

六

困知以勉行此五者

補注釋中庸之意五者謂天下之達道

愚按此節朱注以其等與此大同而微有異者朱子或問嘗辨之矣曰安行可以為仁矣然生而知之則智之大而非仁之屬也利行可以為智矣然學而知之則知之次而非智之大也且上文三者之目固有次序而篇首諸章以舜明智以同明仁以子路明勇其語智也不早矣夫豈專以學知利行者為足以當之乎竊意張子之說未仁者安仁智者利仁而言固著朱子以舜同子路及生而知之者上也學而知之者次也為說其理尤精學者不可不知

中心安仁無欲而好仁無畏而惡不仁天下一人而已惟責已一身當然耳

微引禮表記中心安仁者天下一人而已矣又云無欲而好仁者無畏而惡不仁者天下一人而已矣

補注釋求記孔子之言

集解無欲而好仁無畏而惡不仁正是安仁

補訓責已一身期乎最上論人必兼取其勉為仁方見誘進之意

行之篤者敦篤云乎哉如天道不已而然篤之至也

發明外釋中庸篤行之意

中正

補注張子雖引諸書皆借以示意如達德節見當用困勉之功安仁節見不可以安仁律人此節見人當篤行也

君子於天下達善達不善無物我之私循理者共悅之不循理者共改之改之者過雖在人如在己不忌自訟共悅者善雖在己蓋取諸人而為必以與人焉若以天下不善以天下是謂達善達不善

補訓達善達不善提起以共悅共改作兩層中其義末說到天下以見達處

高注見人不善如出於己自訟其不能化導也見善必法善在於己矣蓋取諸人以為善也亦必與人共由焉是之謂達

愚按此節大意見善不善之當速也。不忘自訟。即論語內自訟之意。與人用孟子語。玩必以字與朱注作助者。微異。見人不善而引之。已取人為善而復公之人。即此是不分物我而達之天下。意高注以自訟為自訟其不能化。意專以為人而後為達耶。且止言及人不言自省。亦恐未足。善人云者。志於仁而未致其學。能無惡而已。君子名之必可言也。如是。補訓。此明善人所以為善人。○論語名之必可言。與善人無涉。張子引來以見善人名為善。而實有善可言。善與惡對。無惡即善。

中正

三

善人欲仁而未致其學者也。欲仁故雖不踐成法。亦不陷於惡。有指已也不入於室。由不學故無自而入聖人之室也。補訓。外承上文言善人而釋不踐不入之意。欲仁句總下分說。李注有指已則善而信矣。聖人之室。美大聖神是也。愚按此節論語朱注採入。惡不仁故不善未嘗不知。徒好仁而不惡不仁。則習不察行不善。是故徒善未必盡善。徒是未必盡仁。好仁而惡不仁。然後盡仁義之道。微引。易下傳之五章。有不善未嘗不知。知之未嘗復行也。張子語錄。孔子要好仁而惡不仁者。只好仁。則忽小者。只惡不

仁則免過而已。故好惡兩端並進。好仁則難遠。見功。惡不仁則有近效。日見功。發明惡不仁義也。察惡未盡。進善亦粗。故惡不仁乃所以成仁也。今不惡不仁。是未必盡善。既未盡善。將陷於不仁而不自覺。故未必盡仁。高注。必好仁惡不仁。然後不徒善不徒是。而仁義盡。今之惑於佛學者。多偏主好仁之說。其究至於含糊。苟且長惡。遂非而後知。張子之言為精切也。愚按此節大意釋論語好仁惡不仁而意重在惡不仁。遂自是張子所見。非但為訓釋之文也。

中正

三

篤信好學篤信不好學。不越為善人信士而已。好德如好色。好仁為甚矣。見惡而內自訟。惡不仁而不使加乎其身。惡不仁為甚矣。學者不如是。不足以成身。故孔子未見其人。必嘆曰。已矣乎。惡之甚也。補注。此釋論語之意。蓋好仁惡不仁。非篤信好學者不能也。故孔子嘆未見其人。補訓。論語云。篤信好學。若篤信而不好學。不過為善人信士。在常人中稍為有志而已。不能為好仁惡不仁者。必好德如好色。則好仁為甚矣。見惡而內自訟。惡不仁而不使加乎其身。則惡不仁為甚矣。學者不如是。不足以成身。而造聖人之域。孔子未

見好德內訟之人必嘆曰已矣乎蓋思之甚而云然也○以好  
學提起好仁惡不仁皆好學裡面事內自訟便能不使加故令  
用其語不如是雙承好惡論語好德內自訟上皆有已矣乎

遜其志於仁則得仁遜其志於義則得義惟其敏而已  
微引書說命下惟學遜志務時敏蔡傳時敏者無時而不敏也  
補注外釋書惟學遜志務時敏之意  
補訓書時敏與遜志分兩意其將時字作虛字帶過而云惟其  
敏即謂所以遜志者要敏

愚按書遜敏平重其從一務字看出側勢  
博文約禮由至著入至簡故可使不得判而去溫故知新多識前

中正

三

言往行以畜德繹舊業而知新蓋思昔未至而今至緣舊所見聞  
而察來皆其義也

微引易大畜卦象君子多識前言往行以畜其德  
集解多識以下皆是解溫故知新蓋思昔未至而今至又是解  
多識前言往行以畜德緣舊所聞而察來又是解繹舊業而知  
新言此皆溫故知新之義也

愚按此節大意釋論語博文約禮與溫故知新之義以明學  
之事也○語意云論語云博文約禮可以弗畔者蓋由文之  
至著以入禮之至簡博以見道約以體道故可使其不得畔  
而去也論語又云溫故而知新者由平日多識前言往行緣

畜其德畜德則有積業矣故可謂之以知新蓋人之所知有  
思憶昔所未至而今忽有得者有因舊所見聞而知來者皆  
溫故知新之義也學者博約兼盡新故相生庶幾知行並進  
而道在我乎○溫故以下最多難解謂溫故以下皆博文約  
禮之類者集解之說也然約禮屬行知新屬知難以貼合補  
訓已辨之矣謂多識以下皆解溫故知新者集解之說也又  
以思昔未至二句分解上二句竊謂多識句係成說繹舊句  
乃張子所自為說難以下二語為說解上句之文皆其義句  
惟集解李注以為溫故知新之義而皆不能無失餘俱以為  
由博得約之義失之遠矣竊意上三句釋博文約禮下五句

中正

三

自釋溫故知新但取博文又約禮溫故能知新大意相近故  
合為一節耳多識前言往行以畜德只說一故字舊業即所  
識之前言往行也蓋字轉下分二意言之昔未至而今至此  
始疑而終悟者也如子貢之論境知時是也緣舊聞以知來  
此觸類而旁通者也如子夏之悟及禮後是也今之所至所  
察之來皆謂新也故曰皆溫故知新之義也文義原自明顯  
貴已者當知天下國家無非之理故學至於不尤人學之至也  
發明行有不得皆反諸己則誠惡必除善斯成性矣  
愚按此節大意明不尤人為學之至也不尤意甚細即論語  
不知不愠易遜世無聞之旨故以為學之至

聞而不疑則傳言之見而不殆則學行之中人之德也聞斯行好學之徒也見而識其善而未果於行愈於不知者耳世有不知而作者蓋鑒也妄也夫子所不敢也故曰我無是也

補訓此合論語數節而言意重在行上聞斯行好學之徒為一節之旨不行僅愈於不知以見必當行下不知而作又甚言之也傳言傳其所聞而言之學行學其所見而行之分聞屬言見屬行下見聞互看總歸於行○學莫切於知行知行由於聞見如聞而於心不疑則可以傳言之見而於心不殆則可以學行之中人之德大抵如是也必聞斯行者乃為好學之徒而可責耳若見而徒識其善未能果於行是知而不行僅愈於不知者

中正

三四

耳不知則又下矣世有不知而作者蓋由於穿鑿也狂妄也夫子所不敢故曰我無是也人當求知以為行之地而又必行以踐其知斯為好學者矣

以能問不能以多問寡私淑艾以教人隱而未見之仁也

微引易乾卦文言隱而未見行而未成

補訓此合引論語孟之言而斷之以仁

集解問不能問寡雖曰問之然實有以故而告之也私淑艾以教人人雖非親受業然實吾之思澤所及故皆為隱而未見之仁

華注私淑艾孟子本言學者此都在教人若身上說與本義不

同

愚按友人趙子彤元云教人言仁似本孟子教不倦仁也而言

為山平地此仲尼所以惜顏回未至蓋與互鄉之進也

補訓此引論語而以顏子互鄉証之顏子未見其止不

是適止互鄉雖與其進亦未必能成於成

集釋為小未成一簣顏子未見其止也平地方發一簣互鄉方與其進也

學者四失為人則失多好高則失寡不察則易若難則止

中正

三五

則止

補訓此釋學記之四失欲人知所救也故舉四者以實之

集解為人喪已故失之於慕外之多好高不實故失之於得中

之少事理不察失之忽易問學若難失於自止此學者當知四

失而改之也若為已而不求外務近而不求遠如切如磋以求

其密仰高鑽堅以求其中豈有失哉

學者捨禮義則飽食終日無所歡為與下民一致所事不論衣食

之間燕遊之樂耳

微引書洪範有猷有為有守

補訓此見學者當日從事於禮義即論語飽食節意猷以謀事

言為以作事言。

以心求道。正猶以已知人。終不若彼自立。彼為不思而得也。高注以心求道。如以已知人人與已二也。彼自立。彼則與道為一矣。

華注。即心即矩。所謂彼自立。彼也。程子論孔顏之樂。非樂道。乃得道故樂。與此正相發明。

愚按此節大意。明勉然者之不能合道也。語意云。夫道固不可不求。然人之勉以求道者。以心求道。猶視道為心外之物。正如以已知人。不能視人。猶已終不若人之自知而自立者。為不思而得也。必也聖人之即心即道。而與之一者。乃

中正

兵

為至乎。彼字舊說以道言。或以聖人言。補訓又謂彼自立。彼猶言我自立。我皆不免拘泥。竊謂彼字。即以人言。以心求道。不能與道為一。猶以已知人。不若人之自知為真也。只大槩喻言。不必以彼已字。一一與心道比合。趙子形元云。上知字內有立字意。下立字內有知字意。知明處當互見之也。

考求迹合。以免罪疾者。畏罪之人也。故曰考道以為無失。

微引禮表記。仁者安仁。智者利仁。畏罪者強仁。又云至道以王義道以霸。考道以為無失。陳注蓋考稽之道。而事不輕舉。焉亦可以無失矣。補注釋表記之意。

補訓。夫考古人之迹。而求其合。以免於罪疾者。是畏罪之人。強仁者也。故禮曰考道以為無失。此之謂也。迹以著者言。考道即考求迹合。無失即免罪疾也。

儒者窮理。故率性可以謂之道。浮圖不知窮理。而自謂之性。故其說不可推而行。

補訓。此見學者貴窮理。本中庸率性之謂道。以開釋氏。

補注。浮圖釋氏也。釋氏不知窮理。而妄意空虛為性。是其一偏之說。不可推而行也。

愚按舊說。多以率字亦作推行之義。竊謂率性可以謂之道。即率性之謂道之變文。儒者窮理。而知萬理之皆實。故以率

中正

毛

性為道也。不可推而行。亦第言其說之偏。而難通。非謂其性之不可推行也。舊亦微誤。

致曲不貳。則德有定體。體象誠定。則文節著見。一曲致文。則餘善兼照。明能兼照。則必將從義。誠能從義。則德自通變。能通其變。則圓神無滯。

微引易上傳之五章。通變之謂事。十一章著之德圓而神。

補訓。此釋中庸致曲一節。見學者必當致曲也。致曲不貳。即曲能有城也。一定之體可見。即形也。文節猶節文。著見即著也。一曲致文。一曲之誠。至於文節著見也。餘善謂眾善。對一曲言。兼照謂無不知。即明也。從於義。即動也。德自通變。即變也。圓神

無滿言化也。誠定誠能。誠字作苟字看。

集解此全與中庸本旨不同。姑就此解之。不貳誠也。隨其資性之偏而推之以至於誠。則其德之所成者。各有定體矣。如伯夷之清。柳下惠之和。是也。體象是連面字。體象誠定。則文節必自著見於外。雖非全體大用。然一曲既能致文。則私意不行。而餘善亦可兼照。所謂明也。明能兼照。則必將知我之偏。覺彼之義。從而從之矣。誠能從義。則體用兼備。故德自通變。通變者事變多端。無不能隨時變遷以通之也。通變則圓神無滯。故謂之化。愚按中庸有誠以全體言。此不貳即謂致曲之誠。實無二以下皆就一曲言之。從義方及全體之誠。以下皆就全體言之。

中正

天

曰德有定體。曰體象誠定。似以形為形體之義。

有不知則有知。無不知則無知。是以鄙夫有問。仲尼竭兩端而空。空易無思。無為受命。乃如響。聖人一言盡天下之道。雖鄙夫有問。必竭兩端而告之。然問者隨才分各足。未必能兩端之盡也。微引易上傳之十章。易無思也。無為也。又云問焉而以言。其受命也如響。

補注此釋論語之意。

補訓此節言聖人竭兩端之教也。有不知句。引起無不知句。聖人竭兩端是無不知。空是無知。論語解無知實以無知言。張子謂無不知則無知過高。一層論語解空。屬鄙夫。張子屬仲

尼以見無知意。下以易引起聖人有問必竭。亦是受命如響意。而其空。即無思無為也。問者隨才分各足。只是餘意不重。才分者賦才各有分量。

愚按此分三截。首四句。重空。空無知意。無思無為。五句。重有問必告。意惟其空。所以必竭。末二句。只帶言之。隨才各足者。各因其才質之高下。以為所得之淺深也。以下皆言教人之事。

教人者。必知至學之難易。知人之美惡。當知誰可先傳。此誰將後。倦此若酒掃應對。乃初而進弟之事。長後教之人。必倦。藝惟聖人於大德有始。有卒。故事無大小。莫不處極。今始學之人。未必能繼。

中正

元

矣。以大道教之。是誣也。

微引禮學記。君子知至學之難易。而知其美惡。補訓此言教人之事。以子夏之言為主。而以學記合言之也。首二句引起下接先傳後倦。為通節正意。酒掃數句。見當先者不可後。惟聖人以下。見當後者不可先。論語孰先傳孰後倦。謂不分本末先後。此謂有當先有當後。誰以人言。此以事言。大德即聖人之德。處其極即卒也。試以教人之事言之。教人者必知至學之事。有難有易。併知人之質有美有惡。當知誰是可先傳此者。誰是將後倦此者。若酒掃應對。乃初而進弟之事。當先教之。待其長後教之人。必倦。弊而服學。可先當先者不可後也。惟



聖人之於大德渾全。有始即有卒。故事無論大小。莫不處其極。至今始學之人。未必能總聖人之事。安以大道教之。是誣之也。可見當後者不可先也。

華注長後教以酒掃應對。是不知至學之易而故人之倦也。始學即教以大道。是不知至學之難而遽以傳之者誣之也。

知至學之難。易知德也。知其美惡。知人也。知其入且知德。故能教人。使入德。仲尼所以問同而答異。以此。

補訓此承上所引學記之言。而中之惡字。不可說壞。皆受教之人。但不及善者。所謂知至學之難易者。知入德之事有難易也。所謂知其美惡者。知其人之質有美惡也。知其人之美惡。且

中正

甲

知入德之事之難。易教必因其先後。故能教人使之入德。而有成。仲尼所以問同而答異者。正以此也。

蒙以養正。使蒙者不失其正。教人者之功也。盡其道。其惟聖人乎。

微引易蒙卦象。蒙以養正。聖功也。本義蒙以養正。乃作聖之功。張子語錄蒙以養正。聖功也。是養其蒙以正聖人之功也。詳見

大易篇蒙無違亨之理節。

李注此以養正聖功為養蒙以正。乃聖人之教之功。與傳意異。愚按此解蒙字。玩語錄。似指學者言。不專指童蒙。聖人盡道

如上文知人知德之類是也。

洪鐘未嘗有聲。由扣乃有聲。聖人未嘗有知。由問乃有知。有如時

而之化者。當其可。乘其間而施之。不待能。有求有為而後教之也。微引禮學記。善待問者如撞鐘。扣之以小者則小鳴。扣之以大者則大鳴。又云。當其可之謂時。

性理拾遺。張子曰。洪鐘未嘗有聲。由扣乃有聲。聖人未嘗有知。由問乃有知。或謂聖人無知。則當不問之時。其猶木石乎。曰。有

不知。則有知。無不知。則無知。故曰。聖人未嘗有知。由問乃有知也。

補訓雜引學記孟子之言。上下兩截。意上言由問而答之下。深一步。言時雨之化。不待問而施。○依藏於鐘。無聲而有聲。在故扣之。即響。聖人之知。雖於心。無知而有知。在故問之。即答。

中正

四

志常繼則罕譬而喻。言易入。則微而臧。微引禮學記。善教者使人總其志。其言也約而達。微而臧。罕譬

而喻。可謂總志矣。補訓此引學記之言。而釋之。主教者言。

集解言善教者能感動人。使我之志學者常繼之。則不必多為譬說。而彼自喻矣。臧善也。教者之言。皆人心之所固有。而易以

入焉。則不必顯大其言。而善自明矣。此亦本學記而不盡用其

旨。李注。志常繼者上也。言易入者次之。

凡學官先事士先志。謂有官者先教之事。未官者使正其志焉。志

者教之大倫而言也

徵引禮學記此七者教之大倫也。記曰。凡學官先事。士先志。陳注。自皮弁祭菜。至聽而弗問。凡七事。皆大學為教之大倫。

補訓此又引學記之言而釋之。亦重教者言。

集解大倫猶言大概大端。事著其所主之事而教也。如典禮則教之禮。典樂則教之樂是也。志則不著一事以教之大端而言也。

愚按末句而言之云。疑志者下有缺文。如以字之類。大倫宜如集解。不必指皮弁以下七事。

道以德者。運於物外。使自化也。故論人者。先其意而遜其志可也。

中正

四三

蓋志意兩言。則志公而意私耳。

徵引禮祭義事父母者。先意承志。諭父母於道。書說命。惟學遜志。務時敏。

朱子曰。志者心之所之。是一直去底意。又是志之經營往來底。凡營為謀度皆意也。

補訓此又言教者當先意。遜志。猶為政者之以德化人也。借祭義先意承志而言。教人與事父母無涉。論語道之以德。主為政者言。此借以引起論人之意。論人謂教人。志意俱就學者言。先其意之未發。而有以遜其志。使向於正。亦猶運於物外。使自化也。遜順也。

愚按此節以先意遜志為主。首二句以論語引起。末二句中。所以先意遜志之故。物舊以上之法制禁令言之。與下志意不合。竊謂物猶事也。道人以德者。非俟其事之有失而後正之。乃其仁漸義摩。禮陶樂淑。有所默運於事物之外。而使之自化也。遜其志。即道以德先其意。即運於物外。

能使不仁者仁。仁之施厚矣。故聖人並答仁智以舉直錯諸枉。補訓此釋舉直錯枉。使枉者直之意。承上文就教人言可也。

教人者。分別仁不仁。化不仁為仁。即舉錯意。不必指定在上。以責人之心。責己則盡道。所謂君子之道。四丘未能一焉者也。以愛己之心愛人。則盡仁。所謂施諸己而不願。亦勿施於人者也。以

中正

四三

眾人望人。則易從。所謂以人治人。改而正者也。此君子所以責己。責人愛人之三術也。

補訓此釋中庸之意。朱子取入注中。

集解末句責人當作聖人。術道也。

有受教之心。雖變類可教。為道既異。雖黨類難與為謀。

補訓此承上教人引論語有教無類二節之文。而釋其意也。無類則變類可教。不同則黨類難與為謀。極力形容之詞。

愚按朱子以類為善惡之殊。此以為黨類之類。故合二章而為言。

人人所存。蓋必以天下為度。故孟子教人。雖貨色之欲。親長之私。

諸天下而後已

補訓此言大人教人以天下為度而舉孟子以實之○言貨色便說與民同言親長便說人人親其親長其長豈非以天下為度孟子達之天下原說親長此燕承貨色親長說

子而學化之衆好者翼飛之則吾道行矣

微引易中孚卦彖傳孚乃化邦也本義孚信也○左傳哀公十六年子西曰勝如郊于翼而長之補訓孚化喻教者之誠心愛養翼飛喻教者之力為輔助吾道行只是有以及人非謂大行於世

發明言其人未向道者不可棄而不教當視之如子而其誠以

中正

四

感化之如鳥抱卵然其人已向道而為衆所好者不可遽弛其

教當輔翼其行如鳥翼飛然

高注子謂凡卵生者卒從爪從子如鳥抱卵衆好亦指羽族言翼飛引誘之也

當篇第九

章注此篇專明學之全體大用首十二節明體用之不相離言德言教化言大德言禮器言誠皆體也言福言川流言不器言禮運言樂皆用也仁道有本以下五節專在用上說而體在其內易簡以下至末在體上說而用自該

愚按此篇凡五十四節首十二節言德而有小德大德之分盛德之寶未能如玉以下七節言成己及人之德易簡理得以下七節言五達道而及仁義後又專言仁愛人以下六節因上言安土併及樂天遂言德之樂天而及聖之合天有客物以下六節言久大之道與天合德易簡以下五節言屈伸

至簡

四

之幾教斯有立以下五節言禮將致用以下四節言德業知

崇天也二節言知禮末二節以德之難言結之總之皆以明德之義也分十段乃明其各段中多節節相生聯貫而下視

他篇當自為一體但亦須清脉絡分主客不得一味牽合耳

○內恭敬博節二節朱子近思錄入教學知崇天也二節入論學

至當之謂德百順之謂福德者福之基福者德之致無入而非百順故君子樂得其道

微引禮祭統福者備也備者百順之名也樂記君子樂得其道小人樂得其欲

補訓此言人當以德致福也。重德不重福。以至當起。以得道結首尾。雖引祭統樂記之言。以明已意。非為釋經也。○凡事合理。至當不易。是謂有德。百事順利。無往不通。是謂有福。德者福之根。基福者德之所致。以德致福。無往而非百順矣。故君子樂得其道。而凡事必底於至當也。

李注得其道者德也。

循天下之理之謂道。得天下之理之謂德。故曰易簡之善配至德。微引禮樂記德者得也。易上傳之六章。易簡之善配至德。補訓此承上文道德二字。推言之。重德故引易歸在德上。集釋至德乾健坤順之德也。循理而有得焉。故配之。

至當

四六

發明易簡當行之理。即可循之道也。至德即得諸己者。配字輕。謂循易簡之善而得諸己。便是至德。與易解異。

愚按配字。即照易作配乾坤之德說。似有著落。然諸家多不

主此說。未詳是否。

入德教化仁智合一。厚且化也。小德川流。淵泉時出之也。

補訓此承上文德字。而釋中庸大德小德之分。○神化篇大德

教化然後仁智一。而聖人之事。併此與前同意。故貼仁化貼智

與本旨不同。

集釋仁智之德。大德也。孝弟之類。小德也。大德即小德之所有出也。

高注仁智合一。既厚且化。則小德川而且流矣。淵泉川也。時出流也。

大德不踰閑。小德出入可也。大者器則小者不器矣。

補訓此引子夏之言。以中大德小德之義。○閑者物之閑也。器

字從閑。字生與論語解大異。出入可謂或出或入。無不可。

高注士君子於根本節目大處。不出規矩。已成大器。於其細行

如珠走盤。不拘一隅。而又不器焉。是以規矩為方圓也。

德者得也。凡有性質而可有者也。

微引禮樂記德者得也。

補訓此又釋德字之義。人皆可有。所以致勉。○人皆有理為性。

至當

四六

有形為質。性以具道。質以體道。行道有得。無難也。

日新之謂盛德。過而不有。不凝滯於心。知之細也。

微引易上傳之五章。日新之謂盛德。

補訓此又推言德之所以盛也。

發明不凝滯於心。知之細。疑作一句讀。即所云存象之心也。細

便不凝滯。便不日新。正相反。

愚按此以過而不有。解日新。就已成之德言。非用功語。諸家

以不凝滯於心為句。雖亦可通。但以知之細為察之精。未確

亦與日新之義不合。前大心篇。心知廓之。莫究其極。亦心知

連用發明之說為允。

浩然無害。則天地合德。照無偏繫。則日月合明。天地同流。則四時合序。酬酢不倚。則鬼神合吉凶。天地合德。日月合明。然後能無方。體能無方。體然後能無我。微引易乾卦文言。夫大人者。與天地合其德。與日月合其明。與四時合其序。與鬼神合其吉凶。上傳之四章。神無方而易無體。九章可與酬酢。華注人能浩然無害。則合德於天地。照無偏繫。則合明於日月。合德合明。則與天地同流。而酬酢不倚矣。豈不與四時合序。與鬼神合吉凶。乎。無方體而無我。正所謂同流不倚也。以上二句。作主。不平列。

至當

只

集解。應事接物。為酬酢。不倚者。應之皆當。無所偏倚。如鬼神之能知吉凶。而應對不謬也。故曰鬼神合吉凶。愚按此節大意。釋易文言。以明德之盛也。前平說。後串說。平說順易文串說。則張子所見也。無方體。即天地同流之意。無我。即酬酢不倚之意。禮器則藏諸身。用無不利。禮運云者。語其達也。禮器云者。語其成也。達與成。體與用之道。合體與用大人之事。備矣。禮器不泥於小者。則無非禮之體。非義之義。蓋大者器則出入小者。莫非時中也。子夏謂大德不踰閑。小德出入可也。斯之謂耳。微引禮器禮運禮記二篇名。

集解。用無不利。上疑缺禮運則三字。補訓此申言大者器小者不器之意。禮運禮器借篇名以見義。禮字經帶下文。言器不言運。禮器屬大者不泥於小。即所以運也。夫禮記中有以禮器禮運名篇者。禮謂之器。則藏諸身也。禮謂之運。則用無不利也。其謂之禮運者。語其德之運而無不達也。其謂之禮器者。語其器之成也。達與成。乃休與川之道。成為體而達為用也。合休與用大人之事。備矣。禮器成而無運。不泥於小者。則於非禮之禮。非義之義。可信其無矣。蓋大者器則出入小者。莫非時中。而豈有非禮非義乎。子夏所謂大德不踰閑。小德出入可也。其斯之謂歟。

至當

只

發明。德不外禮。故以禮言。禮器禮運。雖借禮經篇名。實不專指書言。禮器是修性而成。器於已。禮運是達順而運。諸天下觀下章可見。用無不利。未便是用。如規矩可以成方圓。只是可以利用。愚按此借禮器禮運。以明大德小德。兼用之分。上半節大德小德。並言禮器。不泥於小。以下歸重大德。蓋張子於斯道。有豁然一貫之妙。隨舉一義。皆見至理。如以驕吝釋大化之義。以膚受之行。得陰陽象法之理之類。所謂隨手拈出。頭頭是道者也。但就二篇大義。諦則拘矣。禮器則大矣。修性而非小成者。與運則化矣。達順而樂亦至焉耳。

微引禮學記七年論學取友謂之小成。禮運體信以達順。補注此又申明上章禮器禮運之意。

補訓禮云成器則大矣。其能修性而非小成者。然禮云運則能化矣。能達之無不順而樂亦無不至焉耳。器屬大德。運屬小德。禮字帶言分別處。只在器與運。修性即復性之謂。小成與大反。運則化者。運行則有變化也。樂音洛。順則有和樂之意。

愚按大與非小成只是一意。化與順樂亦只是一意。化者運用之熱。變化生心。故達之事物而無不順也。所達者順則隨感而應。左右逢原。怡然自得於天理之趣矣。樂只足順意。大與小成對。非孟子所謂大化蓋大而至化有安勉之分。器

至當

至

為。林而運為用。一時俱到。不可以安勉分也。舊多誤解。萬物皆備於我。言萬物皆有素於我也。反身而誠。謂行無不慊於心。則樂莫大焉。

發明此與孟子義別。素是素豫吾內之意。

補訓此承上文推達順樂至之意。行無不慊是達順樂莫大焉是樂至。

愚按此節大意釋孟子皆備章以明成德之事。亦因上文達順樂至而類及之也。不曰素具而曰有素。宜以工夫言。未能如玉不足以成德。未能成德不足以孚天下。修己以安人。修己而不安人。不行乎妻子。况可愾於天下。

微引詩秦風小戎篇。言念君子溫其如玉。禮勝義者君子也。德於玉焉。哀公問君行此三者則愾乎天下矣。陳注愾猶至也。至也。

集解人必成德而後及人。若未能克治充養。使如玉之精。則不足以成德。未能成德則本亂矣。故不足以孚化天下。蓋修己以安人為極。苟使修己而不能安人。則其所謂修者亦粗焉耳。德之未成。雖妻子亦不可化。况至於天下哉。

補訓上言德不成不足孚天下。又幹入一層。見妻子且不安。况乎於天下。字主感乎言。

愚按此節大意見人必修己而後足以及人也。修己不安人。

至當

至

修己淺看。若果格致誠正以修己。而有不足安人者乎。此與上節不必相聯。

正己而不求於人。不願乎外之盛者與。

集解不求於人。但不願乎外耳。正己則純全乎中。所以為盛。華注必正己而不願方可。不能正己而但言不願。亦庸人之因任而已。

愚按此節大意謂中庸以見正己之重也。

仁道有本。近譬諸身。推以及人。乃其方也。必欲博施濟眾。擴之天下。施之無窮。必有聖人之才能弘其道。補注釋論語之意。

補訓此言為仁之方在推己及人。仁道有本已身即本也。聖人之才當兼有位以展其才。

愚按其道即指博施濟眾言。

制行以己非所以同乎人。

微引禮表記聖人之制行也不制以己。

補注釋表記之意。

集解君子制行以立教當隨人資性高下而教之不可概以己之所能者病人而律之也不然則民將苦其難而阻於進矣非所以同乎人也。

必物之同者已則異矣必物之是者已則非矣。

至當

三

補訓必以物之大同者方為同而以己則獨異而不同矣必以

物之公是者方為是而以己則有非而無是矣。

集解物人也同者人心之所同然理之當為者也然非謂人開

同為者已即為異也使舉世皆惡而我獨為善則我之異正所以同乎理安在其為異哉故朱子曰不求同俗而求同理。

愚按此節大意即人已之公私以明同異是非之義所以理

世之以同己為同我是為是者也。玩上下節皆言同人之意

當以集解補訓為是。

能通天下之志者為能感人心聖人同乎人而無我故和平天下

莫盛於感人心。

莫盛於感人心。

微引易同人卦象惟君子為能通天下之志成卦象聖人感人心而天下和平。

集釋同乎人者通天下之志也。有人而無己故無不感。

愚按此節大意釋成之象而本同人之象以言之亦明同人之德也。首二句提起同人無我即通志之實如欲立欲達與

聚勿施是也。末句感人心內仍有通志意在。語意云易言聖人感人心而天下和平夫感人心未易言也必能通天下

之志而為一者斯能感人心若聖人同乎人而無私己之見

是能通天下之志者豈不足以感人心乎故和平天下而致

時雍風動之化莫盛於能通志以感人心也。

時雍風動之化莫盛於能通志以感人心也。

至當

三

道遠人則不仁。

發明制行而不同乎人此遠人而不仁者也。人乃人我之人遠

即不同之意與中庸義異。

愚按此節大意見道之不可遠人也。玩本文及上節大意集

釋所謂以道為遠而不求所以不仁者非矣。

易簡理得則知幾知幾然後經可正天下達道五其生民之大經

乎經正則道前定事豫立不疑其所行利用安身之要莫先焉

微引易上傳之一章易簡而天下之理得矣下傳之五章知幾

其神乎又云利用安身以崇德也。坤卦文言則不疑其所行也

補訓人能得易簡之理則能洞知幾微知幾然後經常可以得

正經者何也。天下之達道五。其即生民之大經乎。經正則道能前定而不窮。事能豫立而不困。行之天下何疑阻之有。所謂利用安身之要。莫先於此矣。○易簡理得。知幾屬知。經正道行。屬行。利用安身。言其效。易簡理得。只言至易至簡之理。不必深言。乾坤知幾。是知其幾微處。亦不必言先事見幾。利用安身。事說利其施用。以安其身也。  
華注道不外乎經。而其動也有幾。其理本易簡。易簡理得。得其原也。得其原。則義序別信之類。俱能照運於幾。如言孝則視無形。聽無聲。言忠則格君心之非。皆不待事理暴著。始用挽回。所以能經正。

至當

五

愚按此節大意。見經正之要。也。易簡理得。與知幾推經正之。由道前定。事豫立。不疑所行。推經正之。效玩上下語脉。歸宿停頓。皆注此處。○此節亦更端另起。與上不聯。  
性天經然後仁義行。故曰有父子君臣上下。然後禮義有所錯。微引易序卦傳下篇。有夫婦然後有父子。有父子然後有君臣。有君臣然後有上下。有上下然後禮義有所錯。○孝經夫孝天之經也。  
集解人惟視天經為性外之物。故仁義混而道有不盡。必能以為性所固有而盡之。然後仁義施行。道無所失。故易傳曰有父子君臣上下。然後禮義有所錯。

補訓。天經只是上文經正之經。出於天。故云天經。天經之昭然。為仁秩然。為義不必如高注分貼君臣父子。禮義可包仁在內。錯即措置意。

愚按此節大意。性天經。即是有父子君臣上下。仁義行。即是禮義有所錯。引易以証已說也。○性是活字。然只是以為性所固有之意。補訓作先辭性之之性。似太深。仁義以用言。方與禮義字合。李注天經出於仁義之性。非此節意。

仁通極其性。故能致養而靜。以安。義致行其知。故能盡文而動。以變。

補訓。此承上仁義而推言其妙。○通者通達無間。致養是借用。

至當

五

易為物致養字。致字不甚着力。猶言得其養也。致行之致。有力。文以理之。燦然見於事物者。言靜內致。主乎安動外應。主乎變。高注仁通極其性。則根於心矣。故能致其養而靜。以安。義致行其知。則允蹈之矣。故能盡其文而動。以變。靜以安。則止而不遷。動以變。則動而不括。靜無不達。而動無不利矣。  
愚按此節。仁舉其體。義舉其用。或以為有疏。然朱子有曰。仁存諸心性之所以為體也。義制乎事性之所以為用也。又曰。以存心制事言之。則仁體而義用也。正張子之意。○仁以內言。林言故曰。養曰靜。義以行言。用言故曰。文曰動。仁者吾心之德。通極於性者。仁得於心。一如其本然之性也。仁存則內。



利。所。養。而。靜。有。天。理。之。安。矣。義。者。制。事。之。宜。致。行。其。知。者。義。之。克。盡。足。以。推。行。其。所。知。也。義。得。則。外。盡。事。物。之。條。理。而。動。有。變。化。之。妙。矣。誠。明。篇。通。極。於。性。以。本。然。所。具。言。此。通。極。其。性。乃。功。之。有。成。者。語。同。而。義。異。補。訓。以。為。相。類。欠。明。義。仁。之。動。也。流。於。義。者。於。仁。或。傷。仁。體。之。常。也。過。於。仁。者。於。義。或。害。

補。訓。上。分。言。仁。義。此。互。言。之。以。見。其。相。須。而。不。可。偏。○。義。為。仁。之。動。而。應。物。者。主。別。方。裁。制。言。偏。於。義。則。慈。愛。之。心。不。足。故。傷。仁。仁。為。林。之。常。言。其。體。有。常。主。惻。怛。慈。愛。言。過。於。仁。則。裁。制。不。足。而。害。於。義。為。仁。之。動。仁。只。言。林。之。常。語。有。分。辨。重。仁。邊。

至當

美一

愚。按。義。言。仁。之。動。仁。不。言。義。之。體。而。曰。林。之。常。者。仁。統。萬。善。義。特。其。一。耳。林。之。常。猶。言。林。之。主。乎。內。者。也。○。此。仁。義。皆。就。用。言。故。言。仁。亦。曰。過。於。仁。林。之。常。云。者。對。義。言。之。亦。所。謂。以。存。心。處。事。言。之。則。仁。體。而。義。用。者。也。

立不易方。安於仁而已乎。

微。引。易。恒。卦。大。象。君。子。以。立。不。易。方。

高。注。君。子。之。恒。於。仁。而。已。

補。訓。恒。卦。易。方。非。方。所。謂。事。理。當。然。之。則。未。嘗。專。指。仁。張。子。以。為。方。即。仁。不。變。易。即。能。安。也。

愚。按。此。節。大。意。引。恒。卦。之。象。而。以。安。仁。定。之。見。仁。之。重。也。此。

仁。宜。無。心。之。德。愛。之。理。言。

安。所。遇。而。敦。仁。故。其。愛。有。常。心。有。常。心。則。物。被。常。愛。也。

微。引。易。上。傳。之。四。章。安。土。敦。乎。仁。故。能。愛。

補。訓。引。易。以。明。安。仁。者。之。能。用。愛。也。○。易。云。安。土。敦。乎。仁。故。能。

愛。蓋。安。于。所。遇。而。敦。篤。其。仁。故。其。愛。有。常。心。而。不。變。愛。有。常。心。則。物。亦。被。其。常。愛。而。不。衰。也。

華。注。此。仁。就。愛。之。理。說。王。文。解。曰。重。常。字。意。常。愛。本。於。常。心。常。心。全。從。敦。字。看。出。

大。海。無。潤。因。賜。者。有。潤。至。仁。無。恩。因。不。足。者。有。恩。樂。天。安。土。所。居。而。安。不。累。於。物。也。

至當

美

微。引。易。上。傳。之。四。章。樂。天。知。命。故。不。憂。安。土。敦。乎。仁。故。能。愛。補。訓。此。承。上。文。敦。仁。能。愛。而。言。其。無。私。也。借。海。以。喻。仁。下。以。不。累。於。物。足。其。意。無。潤。謂。無。意。於。見。潤。非。真。無。也。不。累。於。物。只。言。無。私。心。有。心。市。思。即。是。私。○。仁。者。之。愛。豈。出。於。私。乎。大。海。無。意。於。潤。物。因。人。之。賜。者。借。其。潤。而。乃。見。海。之。有。潤。猶。至。仁。之。無。意。於。施。恩。因。人。之。不。足。者。求。其。恩。而。乃。見。仁。者。之。有。恩。蓋。仁。者。樂。乎。天。安。乎。土。隨。所。居。而。安。一。毫。不。累。於。物。非。有。所。私。而。市。恩。也。集。釋。賜。暑。而。尚。也。

愚。按。樂。天。三。句。正。申。明。上。二。句。非。有。二。意。易。樂。天。屬。智。安。土。屬。仁。此。俱。以。仁。言。之。物。物。欲。也。

愛人然後能保其身自通事助則能保其身則不擇地而安自達  
有其身則安不擇地而安蓋所達者大矣大達於天則成性成身  
矣安處以正之

微引禮哀公問孔子曰古之為政愛人為大不能愛人不能有其身不能有其身不能安土不能樂天不能樂天不能樂天不能成其身

補訓此同上文愛人及樂天安土而引哀公問全照禮文不用別解○所達者大即樂天也樂乎天理則上達於天

補注古之為政愛人為大不能愛人不能有其身故曰愛人然後能保其身不能有其身不能安土故曰能保其身則不擇地

至當

天

而安不能安土不能樂天故曰不擇地而安蓋所達者大矣不能樂天不能成其身故曰大達於天則成性成身矣

愚按此同上文引易辭樂天安土而及哀公問樂天安土之義以辭之同而類舉之也然自此節以下乃言聖人樂天與

天合德不役及仁者用愛之事自是另發一義耳

上達則樂天樂天則無怨下學則治已治已則無尤

補注與天為一故不怨天治已不暇故不尤人

華注以上達配無怨以下學配無尤與論語解異

愚按此節大意議論語不怨不尤之意而以樂天治已分配之意只以樂天與上下文相屬補注以上達謂大達於天

下學謂愛人之事殊不必蓋此與下節亦借用易樂天而意各有主與前專明用愛者固不同也

不知來物不足以利用不通晝夜未足以樂天聖人成其德不私其身故乾乾自強所以成之於天耳

微引易上傳之十章遙知來物下傳之五章利用安身四章通乎晝夜之道而知乾九三又君子終日乾乾大衆君子以自強不息

補訓此承上文樂天而言聖人成德之事○人若不能知來物則不足以利乎用不通晝夜之道則未足以樂乎天聖人務成其德不以私欲累其身故乾乾自強不息所以成其為天德與

至當

天

天無間而樂之也○易知來物以筮言此泛言知方來事物之理也如來物只是精義通晝夜之道則於人世吉凶禍福之道皆看得透徹而無所惑故能樂天以利用引起樂天利用而後樂天也聖人正是能樂天者

愚按上四句反起下四句正承聖人以下雖不言知來物通晝夜然乾乾自強內當無所不包成之於天則能樂天矣

君子於仁聖為不厭誨不倦然且自謂不能蓋所以為能也能不過人故與人爭能以能病人大則天地合德自不見其能也

補訓君子於仁聖之德為之不厭以之誨人亦不倦然且自謂不能蓋正所以為能也凡人小能不過乎人故與人爭見其能

且以己之能病人之能。若能之大者。則與天地合其德。自不見其能。故自謂不能也。○無不能而自謂不能。是正意。能不過人。反言以形之。末二句。又雖正意。爭則必病。亦駢客相因之意。

愚按此節大意。即論悟聖仁。章見與天合德之盛。亦因上文成之於天而及之也。○聖人自謂不能。非故為自謙之詞也。大與天同實。不自見其能耳。

君子之道達諸天。故聖人有所不能。夫婦之智。清諸物。故大人有所不與。

至當

卒

加損也。○清諸物。舊說以混於物欲言。愚意只是錯雜而見諸瑣屑之物。聖人豈一一求其知。故云不與。大人即聖人。對天言。聖人對夫婦言。大人文法小異耳。

愚按此節大意。因上文言聖人自謂不能。而引中庸夫婦之愚節。以見聖人有所不能不與也。意以明聖人不重道之大意。

匹夫匹婦。非天之聰明。不成其為人。聖人天聰明之盡者耳。

徵引書泰誓上。惟天地萬物父母。惟人萬物之靈。聖聰明作元后。○補訓此因上文夫婦之智與聖人不同。而推言其義。

集解。天之聰明性也。必稟是性而後有生。非性即不成人矣。此匹夫匹婦。本皆得天之聰明。以有成。但氣拘物蔽。而不能盡聖人則天聰明之盡者耳。

李注。天聰明之盡。故曰盡。

愚按聰明以心言。非以耳目言。得之於天。故曰天之聰明。亦本卑陶謨。天聰明自我民聰明。說命惟天聰明來。盡者至極之義。

大人者。有容物。無去物。有愛物。無徇物。天之道然。天以直養萬物。代天而理物者。曲成而不害。其直斯盡道矣。○徵引易上傳之四章。曲成萬物而不遺。

至當

二

補訓。大人者。有以容納乎物。未嘗絕去乎物。有以仁愛乎物。未嘗徇物乎物。此如天之道然。蓋天無心成化。一本乎理。以直養萬物者也。聖人代天而理物。於物皆曲成而不害。其為直。斯亦如天之養物而盡其道矣。○此言有位之大人也。

集解。去物。容物之反。徇物。愛物之流。天之道然。言天道之當然也。天以直養下。正申其為天道之意。不害其直。正是曲成。

愚按此節大意。言大人之法。天以理物也。無去無徇。即是直。養曲成而不害。其直無去無徇。言盡道盡天之道也。補訓欲以曲成。頂無去。不害其直。頂無徇。不害其直。即上直養之直。不宜偏承無徇。○此以下又另起。以無去無徇。與可久。

可大。二意相錯言之。皆所以盡天地之道而肖之也。此與清  
為異。物節同意。志大節與金和三節同意。  
志大則才大。事業大。故曰可大。又曰富有志久。則氣久。德性久。故  
曰可久。又曰日新。  
微引易上傳之一章。有親則可久。有功則可大。可久則賢人之  
德。可大則賢人之業。五章富有之謂大業。日新之謂盛德。  
華注此釋易辭而總歸之於志。  
補訓才大以建事業。氣定以養德性。富有有之多。日新日上新  
也。  
清為異物。和為狗物。

至當

三

補訓此言清和之偏。亦申無去物。無狗物之意。大人則德備清  
和者也。  
李注此隘與不恭之道。君子所以不由。  
金和而玉節之。則不過知運而貞一之。則不流。道所以可久。可大  
以其肖天地而不離也。與天地不相似。其違道也遠矣。  
微引易上傳之四章。與天地相似。故不違。知周乎萬物。而道濟  
天下。故不過。旁行而不流。下傳之一章。天下之動貞夫一者也。  
補訓此引易文而釋之以申可久可大之意。不過不流肖天地  
也。易而張子以己意為之說。燕用孟子金聲玉振智之事。聖之  
與以相參。似暗照孔子說。故不拘易本文。○易言與天地相肖

而必云不過不流。試觀之於聖人。聖人之德如金以和之於始  
玉以節之於終。則不至於過差矣。聖人有知以運之。而正以一  
之。則不至於流失矣。此其為可久可大之道也。道所以可久可  
大者。以其肖天地而與天地不異也。若與天地不相似。則其違  
道也遠矣。聖人不過不流。豈其違道而與天地不相似乎。○孟  
子金聲玉振。金以宣之。從其和也。玉以振之。從其節也。知周萬  
物。道濟天下。有始有終。有金和玉節之意。故不過。知以運之。而  
貞以一之。故旁行而不流。離異也。易本從乾之易。知說到可久  
從坤之簡。能說到可大。可久所以肖天。可大所以肖地。然不分  
亦可。

至當

三

發明和之以金運之以智。所以可大節之以玉貞之以一。所以  
可久。  
父者一之純。大者兼之富。  
補注此承上道所以可久可大而言也。  
補訓何謂父。父者一之至純。不怠而久也。何謂大。大者兼之至  
富。統括而大也。此當言聖人不兼天地。  
集釋一者守之正。兼者蓄之多。  
大則直不絀。方不劇。故不習而無不利。  
微引孔聘義。庶而不劇。義也。陳注劇傷也。○易坤卦六二。直  
方大。不習無不利。

補訓此又專申大字之意。雖引易論語聘義易詞以明之。非易釋易。大則兼直方而不絞。方而不刻。故不待學習而自無不利。

高注絞急切也。常情直多絞。方多劇。惟大則自不絞不劇。

易簡然後能知陰阻。易簡理得。然後一以貫天下之道。易簡故能悅諸心。知陰阻故能研諸慮。知幾為能以屈為伸。

微引易下傳之十二章。夫乾天下之至健也。德行恒易以知陰。夫坤天下之至順也。德行恒簡以知阻。能悅諸心。能研諸慮。本義至健則所行無難。故易至順則所行不煩。故簡。然其於事皆有以知其難。而不改易以處之也。是以其有憂患。則健者如自

至當

六

高臨下而知其陰。順者如自下趨上而知其阻。悅諸心者心與理合。乾之事也。研諸慮者理因慮審。坤之事也。五章知幾其神乎。上傳之一章。易簡而天下之理得矣。下傳之五章。屈伸相感而利生焉。尺蠖之屈以求伸也。龍蛇之蟄以存身也。李注平易者陰之反。簡約者阻之對。以陰阻遇陰阻。則不能知陰阻。而亦無以處此陰阻也。易簡理得。則陰阻不難於知。而處之矣。平日則以悅諸心。臨變則以研諸慮。研慮而知幾。則雖遇陰阻。在前以屈為伸。而處之裕如也。

意

集解易簡理得。然後一以貫天下之道。是解所以能知陰阻之

補訓。易能知陰。簡能知阻。皆以處事。言易簡貼悅心。知陰阻貼研慮。與本義悅心屬乾。研慮屬坤。不同。悅心主自然。說研慮有研審之功。因研慮以知幾。知幾故能以屈為伸也。有屈必有伸。常存屈意自能伸。

愚按此節大意。引易傳而釋之。從易簡看出知幾。屈伸不專主釋易也。○易乾坤易簡。本言聖人之德。知陰阻。悅心研慮。本義意已備。此無大異。但於知陰阻中。看出知幾。屈伸意。則張子所獨見耳。○此又更端從易簡言及屈伸。不必與上聯宋子銳臣云。屈伸相感。天道有自然之理。內外交養。學亦有屈伸自然之機。此易所云屈伸之義也。張子以屈為伸。頗類

至當

五

老氏知雄守雌。柔能勝剛之說。或因易尺蠖之屈。二語而為此言。歟。君子固無爭心。然有時為朝廷正紀綱。為萬世正學術。必有毅然不可屈之氣。又如顏子犯而不校。孟子三自反。只是不與較量耳。非以此為勝人之術也。

君子無所爭。彼伸則我屈。智也。彼屈則吾不伸而伸矣。又何爭。補訓此承上以屈為伸。而引論語無爭之言。以明之。

高注彼直而伸。則我曲而屈。不可爭也。不爭智矣。若曲在彼。則直在我。吾不伸而伸。不必爭也。又何爭。

無不容。然後盡屈伸之道。至虛則無所不伸矣。君子無所爭。知幾於屈伸之感。而已精義入神。交伸於不爭之地。順莫甚焉。利莫大

長  
補訓此承上文無爭屈伸之意。而。言。上。三。句。截。住。下。申。上。意。知。幾。於。屈。伸。之。感。即。能。盡。屈。伸。之。道。也。交。伸。於。不。爭。之。地。即。無。所。不。伸。也。精。義。入。神。即。是。幾。之。盡。處。順。利。是。因。精。義。帶。利。用。意。愚。按。上。三。句。虛。下。以。君。子。無。所。爭。與。精。義。入。神。指。其。實。而。申。明。之。天。下。之。事。不。過。一。屈。一。伸。自。然。相。感。而。已。人。必。無。所。不。容。然。後。盡。屈。伸。之。道。盡。屈。伸。之。道。者。不。求。伸。也。至。於。虛。之。至。而。我。見。胥。化。則。亦。無。所。不。伸。矣。無。不。伸。者。不。終。屈。也。至。虛。視。無。不。容。較。深。盡。其。道。者。其。惟。君。子。乎。君。子。無。所。爭。者。知。屈。伸。相。感。之。幾。而。已。知。幾。者。不。求。伸。也。至。於。義。之。精。而。入。於。神。伸。

至當

矣

固。伸。屈。亦。無。非。伸。是。交。伸。於。不。爭。之。地。矣。交。伸。者。不。終。屈。也。精。義。入。神。視。知。幾。較。深。究。之。無。爭。即。無。不。容。之。實。知。幾。而。至。於。精。義。入。神。即。至。虛。之。實。無。二。意。天。下。何。思。何。慮。明。屈。伸。之。變。斯。盡。之。矣。微。引。易。下。傳。之。五。章。天。下。何。思。何。慮。華。注。屈。伸。之。變。即。陰。陽。二。氣。之。循。環。明。之。則。順。時。而。行。無。所。不。利。何。思。慮。之。有。明。字。要。看。得。深。愚。按。此。節。大。意。以。屈。伸。實。何。思。何。慮。之。言。但。借。易。為。說。非。常。釋。易。微。而。天。道。之。陰。陽。顯。而。人。事。之。進。退。內。而。理。欲。之。消。長。外。而。物。我。之。交。接。無。非。屈。伸。之。變。故。明。此。足。以。盡。何。思。何。

慮。之。道。須。得。精。深。廣。大。方。得。勝。兵。之。勝。勝。在。至。柔。明。屈。伸。之。神。耳。華。注。此。即。兵。道。以。明。屈。伸。非。論。兵。也。補。注。老。子。曰。柔。能。制。剛。至。屈。也。勝。伸。也。敬。斯。有。立。有。立。斯。有。為。補。訓。此。又。起。一。意。與。上。不。聯。蓋。於。藉。將。終。而。提。敬。字。以。為。要。道。也。敬。兼。體。用。心。不。放。有。立。也。事。不。苟。有。為。也。集。解。有。立。以。體。言。有。為。以。用。言。李。注。君。子。莊。敬。日。強。有。為。之。本。也。敬。禮。之。興。也。不。敬。則。禮。不。行。

至當

矣

微。引。左。傳。僖。公。十。二。年。內。史。過。曰。禮。國。之。幹。也。敬。禮。之。興。也。不。敬。則。禮。不。行。補。訓。此。承。上。敬。字。而。言。敬。以。行。禮。也。然。張。子。尤。重。在。禮。上。上。言。敬。引。起。行。禮。耳。集。解。敬。以。心。言。禮。以。文。言。恭。敬。博。節。退。讓。以。明。禮。仁。之。至。也。愛。道。之。極。也。微。引。礼。曲。礼。上。君。子。恭。敬。博。節。退。讓。以。明。礼。補。訓。曲。礼。云。君。子。內。存。恭。敬。之。心。外。有。博。節。退。讓。之。文。以。發。明。礼。之。用。示。天。下。後。世。其。心。大。公。而。澤。及。人。可。謂。仁。之。至。也。愛。道。之。極。也。明。礼。可。不。愚。哉。仁。主。於。愛。仁。即。是。愛。之。道。仁。之。至。也。

為愛道之極

愚按此節大意釋曲禮以明礼之重也舊說明礼以己之盡礼言於仁之至愛道之極難合補訓得之張子倡道闡中以禮立教宜其开見如此也

已不勉明則人無從倡道無從弘教無從成矣

補訓此與上節一意上正言此反言明禮為仁之至則有以倡人弘道成教矣○明禮則為仁之至若已不能勉以明礼則人無由而倡之道無由而弘之教無由而成之矣所以君子必恭敬博節退讓以明礼也

禮直斯清撓斯昏和斯利樂斯安

至當

六

微引書舜典風夜惟實直哉惟清蔡傳人能敬以直內不使少有私曲則其心潔清而無物欲之汚○禮樂記樂則安安則久補訓此承上禮字而言行礼必直與和交盡也○行礼者非苟而已也人能直以無私則其心清有私而撓曲則其心昏可見直為行礼之本也又須以和順從容為貴和斯行之無不利因和而樂斯行之無不安如是以行礼則礼明於天下後世矣○撓曲也與直反昏與清反禮之用和為貴小大由之可知其利樂和言

補注直者禮之體和樂者禮之用

高注利則行之順安則得之固

將致用者幾不可緩思進德者徒義必精此君子所以立多凶多懼之地乾乾德業不少懈於趨時也

微引易乾九三爻文言忠信所以進德也修詞立其誠所以居業也知至至之可與幾也知終之可與存義也又曰乾乾因其時而惕本義知至至之進德之事知終之居業之事下傳之九章二多譽四多懼又云三多凶五多功

補訓此以下言德業又是一意致用屬業進德屬德故乾之終言德業不重釋易只見君子當進德修業○君子進德居業之功不可不知也將致用以居業者見幾不可或緩不見幾則不能致用也思為善以進德者徒義不可不精不徒義則不能進

三

充

德也此君子所以立於多凶多懼之地乾以求進德居業終日至久因時而惕不敢稍懈於趨時也○本義知至屬進德知終屬居業張子以幾屬致用義屬進德分貼與易不同此九三爻多凶為正多懼帶言以其相類耳

發明多凶多懼即居上易驕在下易憂之地動靜不失其時義之極也義極則光明著見惟其時物前定而不致

微引易艮卦象動靜不失其時其道光明下傳之九章六爻相離惟其時物也

補訓此因上文精義起而推言之引艮象以明其義語氣至

著見截時物前定。又借以明良象。光明即照不疚意。言動靜光無曖昧也。

高注時物謂當幾之物。

愚按上三句推動靜不失。所以光明之故。由於義之精。下二句又推精義所以能光明之故。因其時物之前定。光明與不疚意同。玩有德篇行前定而不疚光明也。數語可見。○語意云。易言動靜不失其時。言其義之極精也。義極則自然光明。而著見矣。夫義豈取辨一時。惟其當時之物皆前定而不挽。故動靜光明而不疚耳。

有言以利害。然後人謀作大業。生若無施不宜。則何業之有。

全篇

字

微引易上傳之十一章。吉。凶。生。大。業。

補訓此承上文業字。引易大傳以見業之出於不得已。上正下反。語氣如天下有道。丘不與易意。

補注當凶害之時。則人謀作。至於反凶為吉。轉害為利。則大業生矣。說苑所謂力勝貧。謹勝禍。慎勝害。戒勝災是也。

天下何思何慮。行其所無事。斯可矣。

微引易下傳之五章。天下何思何慮。

補訓此承上文而言大業之生。不過行所無事也。

集釋事之至也。因其事處之於理。尚何待思慮為。

知崇天也。形而上也。通晝夜而知其知崇矣。

微引易上傳之七章。夫易。聖人所以崇德而廣業也。知崇。知卑。崇效天。卑法地。本義窮理則知崇如天而德崇。循理則知卑如地而業廣。十二章形而上者謂之道。四章通乎晝夜之道而知。補訓此合下節引易知崇知卑而明其意與上不甚聯。○易云知崇。又云崇效天。蓋言知崇如天也。形而上之道也。知何以崇。能如易所云通乎晝夜之道而知。則其知崇矣。○知崇如天。不同於形象之間。故云形而上。通晝夜而知。則無不知。故崇。發明通晝夜而知。謂知動靜循環之理。吉凶利害消長之道也。知及之而不以礼性之非已有也。故知礼成性而道義出。如天地位而易行。

微引易上傳之七章。又云。天地設位。而易行乎其中矣。成性存存道義之門。

補訓知崇如天。則知及之矣。而不能以礼成其性。雖知之非已。有也。故由知及而循礼。以至於成性。天下之道義皆出於其中。亦如天地之設位而變化之易行乎其中也。○上節言知崇此節言礼卑。從知說到礼。以成性存存道義之門。原無知礼而言也。知礼成性。今知崇礼卑而言。而此節重在礼。易云門。故此言出由門而出也。天地位而易行。借以相形不重。

愚按知及之礼以行之。則所行無非道義。故曰道義出。易成性。言其本然之性存存。乃全其性之本然。此成性即存存意。



知德之難言。知之至也。孟子謂我於辭命則不能。又謂浩然之氣難言。易謂不言而信。存乎德行。又以尚辭為聖人之道。非知德達乎是哉。

微引易上傳之十二章。默而成之。不言而信。存乎德行。十章。易有君子之道四焉。以言者尚其辭。

補訓上文言德。可謂詳盡矣。於篇末發出德難言之意。見德難言之而不盡也。此是通篇結語。首句提起孟子二語。易二語。總明言之難。末仍以知德結之。

高注道非真得於己。難以言語形容。天下莫難言者德也。知德之難言。則知之至矣。故孟子於辭命浩然皆難言也。易謂不言

至當

三

而信。亦以德行在乎默識。不假言辭。又以尚辭為聖人之道。見辭之不易也。非真知德能通於是哉。

闡然修於隱也。的然著於外也。

補訓此承上文德之難言。而推所以不輕言之義。華注此釋中庸闡然的然之意。

發明不言而信。存乎德行。君子所以修於隱。未少有得。而徒尚口說。小人所以著於外也。

愚按此節大意。合華冉二注始備。

作者篇第十

發明此篇論帝王以及賢大夫。皆達而在上。其道行之事。三十篇論孔子以及門人。皆窮而在下。其道明之事。

愚按此篇凡二十一節。前十三節論古帝王之事。有分論有合論。周有八士以下八節論春秋列國君卿大夫之事。有褒有貶。

作者七人。伏羲神農黃帝。堯舜禹湯。制法興王之道。非有述於人也。

張子語錄。作者七人。伏羲也。神農也。黃帝也。堯也。舜也。禹也。湯也。所謂作者。上世未有作而作之者也。伏羲始服牛乘馬者也。

作者

三

神農始教民稼穡者也。黃帝始正名百物者也。堯始推位。舜始封禪者也。堯以德禹以功。故別教之。湯始革命者也。若謂武王為作。則武王已是述湯事也。若以伊尹為作。則當數周公。恐不肯以人臣謂之作。若孔子自教為作。則自古以來。實未有如孔子者。然孔子已是言述而不作也。

補訓舉七人以實孔子之言也。論語本無可指。作是去而隱。張子以七聖賢之自為一解。制為法度。興起王業。大槩渾說。若謂黃帝非王。禹湯方是興王。太拘以述對作。本孔子述而不作語。

以知人為難。故不輕去未彰之罪。以安民為難。故不輕變表厥之

君及舜而去之。堯君德故得以厚。舜臣德故不敢不愛其始。微引書。聖人無不用人之善。天下咸服。張子經學理窟。詩書篇。萬事只一天理。舜舉十六相。去四凶。堯豈不能。堯固知四凶之惡。然民未被其虐。天下未欲去之。堯以安民為難。遂去其君。則民不安。故不去。必舜而後。因民不堪而去之也。補訓。此承上文。堯舜而言其待四凶之事。○虞重其事之意。舜居攝二十八載。四罪事最在後。在居攝為舜之始。而四罪非居攝第一事也。

作者

高

高注。未彰之罪。四凶也。未履之君。三苗也。君德則於人無不容。臣德則於分有不放也。華注。既云未彰。未履。雖舜為臣而未可去。若其既彰既履。雖堯為君而亦必去。須看得活。儲象舍已先也。與人為善。舜也。聞善言則拜。禹也。用人惟己。改過不吝。湯也。不聞亦式。不諫亦入。文王也。微引書。大禹謨。稽於象。舍己從人。仲虺之誥。用人惟己。改過不吝。詩大雅思齊篇。不聞亦式。不諫亦入。集傳。雖事之無所前聞者。亦無不合於法度。雖無諫諍之者。亦未嘗不入於善。張子經學理窟。詩書篇。與此同。而末又益一語曰。皆虛其心。以

為天下也。集解。此言聖人無不用人之善。高注。不聞亦式。敬之至也。不諫亦入。虛之至也。別生分類。孟子所謂明庶物。察人倫者。與微引書。小序。帝釐下土。方設居方。別生分類。孔氏曰。生姓也。別其姓族。分其類。使相從也。補訓。此於辟聖之中。常言舜也。因書序言別生分類。與孟子言明物察倫相近。故合言之。李注。自親之殺。尊賢之等。以至於貴賤上下。士農工賈。鰥寡。孀獨。豈為然。草木魚鱉。皆所謂別生分類也。

作者

高

愚按。別生分類。孔氏但以姓族言之。張子之意。似謂凡五倫常變之殊。道事物經權。與用皆所以別其生分其類也。故以為明物察倫之義。書序帝即謂舜。故張子取孟子所以稱舜者釋之。象憂喜舜亦憂喜。所過者化也。與人為善也。隱惡也。所覺者先也。補訓。此舉舜之愛弟而深贊之也。集解。過化謂事過即化。無所留滯。不藏怒不宿怨也。與人為善。謂取其愛兄之意也。隱惡謂改其殺己之惡也。所覺者先。不逆詐。億不信也。此四句。舉經傳成文。皆以解象憂喜舜亦憂喜之意。

孝注即與衆同憂喜一事而四美具焉

好問好察通言隱惡揚善與人爲善象憂亦憂象喜亦喜皆行其所無事也過化也不藏怒也不宿怨也

補訓此補足上文之慈增出問察及行所無事不藏不宿數句其實只一意行無事過化總承不藏二句只結恐慈意過化上文已有此又從行所無事者出常串說下○舜之好問好察通言隱惡而揚善與人爲善以及象憂亦憂象喜亦喜皆順理而行所無事也故所過者化也而於象不藏怒不宿怨也

舜之孝湯武之武雖順從不同其爲不幸均矣明庶物察人倫然後能精長任用性其仁而行湯放桀有愾德而不放赦執中之難

作者

共

也如是天下有道而已在人在已不見其間也立賢無方也如是

徵引易下傳之五章精義入神以致用也○書仲虺之誥成湯放桀於南巢惟有愾德湯將天命明威不敢赦

補訓此言舜湯之事武是帶言故下明舜湯不及武明庶物段不復粘孝執中立賢不復粘武首四句意本輕引起下文耳○

子事父爲順湯武放伐其君爲逆精義致用言義已精而致之於用有愾德不敢赦是兩意欲放則有愾德欲赦又不赦所以

難致其中天下有道道德之道言天下但求有道德之人而用之

高注舜雖順湯武雖逆然一以替瞽爲父一以桀紂爲君其不

幸均矣明物察倫生知也精義致用性其仁而行安行也庾帝

所以不可及也湯放桀而有愾德欲赦桀則畏上帝執中之難如是且天下不過欲其有道耳在人在已又何間焉所以立賢

無方也舜之至德湯之至公無以加矣

愚按明庶物以下雖不粘孝武然言物倫則孝在其中言執中則武在其中上下未嘗不相應也天下有道句諸家之說不同愚謂此言天下但有一道而已不必在已不必不在人也

在人在已即以道言人已不問即商書用人惟已意立賢無方此湯所以公天下而不疑周公所以于其身望道而必吾見也

作者

七

大全疑周公上有坐以待旦四字

補訓此言湯與周公之事文王望道而未之見周公繼志述事所以於其身望道而必吾見也

集釋湯之求賢周公之求道其公勤之心一而已矣帝臣不蔽言桀有罪已不敢違天縱赦既已克之今天下莫敢上

帝之臣善惡皆不可掩惟帝擇而命之已不敢不聽補訓此又專言湯事不蔽不赦本一時事張子以爲不赦後方

不蔽又以帝臣善惡與本旨異愚按書湯誥本文爾有善朕弗敢蔽罪當朕躬弗敢自赦惟

簡在上帝之心論語少變其文則曰有罪不敢赦帝臣不蔽

簡在帝心以有罪屬禁說然論語不載謂已不敢蔽此又以爲  
善惡皆不可掩蔽也

虞尚質厥成訟獄者不之紂而之文王文王之生所以應於天  
下由多助於四友之臣耳

微引詩大雅綿之篇虞尚質厥成文王履厥生子曰有疏附子  
曰有先後子曰有奔走子曰有禦侮集傳生起也○晉陶潛聖  
賢群輔錄文王有胥附奔走先後禦侮謂之四鄰孟懿子曰夫  
子亦有四鄰乎子曰吾有四友焉自吾得回門人益親非胥附  
乎自吾得賜遠方之士日至非奔走乎自吾得師前有光後有  
輝非先後乎自吾得由惡言不至於耳非禦侮乎見孔叢子

補訓此言文王賴四友之助也博物志謂周天太顓南宮适散  
宜生爲四友依詩本文疏附先後奔走禦侮是四樣臣非四人  
而周天四人在其中文王之生是蹶生之生張子或不作興起  
解

集釋虞繁猶言繫也非文王之有心有聖德自繫人之心也  
以杞包瓜文王事紂之道也厚下以防中潰盡人謀而聽天命者

微引易姤卦九五爻以杞包瓜含章有虞自天本義瓜陰物之  
在下者甘美而善潰杞高大堅實之木也五以陽剛中正主卦  
於上而下防始生必潰之險其象如此

補訓此借易以形文王也○文王之事結與易理有合焉易云  
以杞包瓜乃文王當日事紂之道也杞木上也瓜下也以杞包  
瓜是厚於下而防其自中潰漏文王愛民而不使之畔亂亦猶  
是也在當日文王所以供臣職而盡人謀者如是後來天命乃  
降其自至豈有國度之私與○紂不可謂之下下當指民文王  
厚下安民以服事紂不使背叛是厚下以防中潰也瓜潰自內  
而外故曰中文王含晦章美而天實命之是有預有天也有預  
自天如俗云從天而墜

愚按友人趙子彤元云下專以民言亦未盡當兼愛民御侯  
言蓋文王爲西伯率所屬之國以事紂即厚下以防中潰也

上天之載無聲臭可象正惟儀型文王當冥契天德而萬邦信悅  
故易曰神而明之存乎其人不以聲色爲政不革命而有中國默  
順帝則而天下自歸者其惟文王乎

微引詩大雅文王篇上天之載無聲無臭儀型文王萬邦作孚  
集傳上天之事無聲無臭不可得而度也惟取法於文王則萬  
邦作而信之矣皇矣篇不大聲以色不長要以革不識不知順  
帝之則集傳夏革未詳○易上傳之十二章神而明之存乎其  
人

補訓此承上言文王而兩引詩以明之上言儀型文王當冥契  
天德不言文王默順帝則定只一意正惟與當字相應真契則

無迹故云神而明之。其人當指文王。不指儀型文王者。詩不長夏。以平時講謂不長。侈大而變革。張子以革為革。啟命長夏字。不知作何解。或長有中夏之意。然不大。故色照。然字者。即無故。與也。照順帝則即冥契天德。天下有歸。即萬信悅。

集解。此本大雅文王詩。而言天道無故。與。象玄妙而難求。文王能全天道者也。正惟取法文王。自當冥契天道。而萬邦信悅矣。不必遠求也。蓋聖人者。有形之天道。求天道於天。則微而難見。求天道於聖人。則有體而可法也。神而明之。存乎其人。言欲神明天道。在求之人。與易肯不同。不革命而有中國。言不有心作為。以求革命而有天下也。此本大雅望矣。詩而言。

作者

全

華注引皇矣之詩。正文王默契天德。而天下歸之。實則儀型文王。即當冥契天德。而萬邦信悅可知矣。

愚按。此儀型文王。與天道篇不知上天之載。當存文王同意。○語意云。文王之詩。嘗言之矣。文王之詩曰。上天之事。無有缺矣。可象是天德如外也。天德當法。而無故。與。則難見。必也儀型文王之為人。自當有以默合乎天德。而萬邦亦從而信悅之矣。易言神而明之。存乎其人。正默契天德者。當存文王之謂也。夫文王之為人。何如乎。即皇矣之詩。觀之。則夫不大著。穀色以為政。不革。放命而有天下。但照順上帝之則。循理而行。而天下自歸者。其惟文王乎。文王之冥契天德。而萬

邦信悅如此。則儀型文王者。不從可知哉。

可願。可欲。雖聖人之智。不越盡其才。以勉焉而已。故君子之道。四維孔子。自謂未能博施濟眾。修己安百姓。堯舜病諸。是知人能有願。有欲。不能窮其願欲。

微引書大禹謨。教修其可願。蔡傳。可願猶孟子所謂可欲。凡可願欲者。皆善也。

補訓。此見人常盡其才。以勉為善也。○才猶力也。未能固是修己博濟安百姓。是及人。可願欲之善。無人已言。是知雙承孔子堯舜有願有欲者。人所能窮其願欲。而使之無憾者。人所不能也。

作者

二

周有八士。記善人之富也。

補注釋論語之意。

華注富多也。

愚按。此節論語。朱注採入。

重耳婉而不直。小白直而不婉。

補注釋論語之意。其以諂為婉。以正為直。二人各有短長也。

魯政之弊。取法者非其人而已。齊因管仲。遂併壞其法。故必再變而後至於道。

補訓。此釋論語齊魯之變一節意。○弊壞也。取猶用也。車駕焉謂之馭。上法亦是以人取法。周禮多用馭字。管仲云云。見齊

太公立法不善。管仲經營伯業。壞其法耳。  
集釋法者。先王之法。道亦先王之道。由法立法。由道成。非其  
人。三家是也。魯則人。而法存。齊則人。法而亡也。  
孟子以智之於賢者。為有命。如要娶智矣。而獨不智於仲尼。非天  
命耶。

微引史記孔子世家。昭公二十五年。孔子適齊。景公欲封以尼  
谿之田。晏嬰不可。公惑之。孔子遂行。  
李注。言天限其智也。

愚按此節大意。即孟子之文。以論晏子也。上下文皆論列各  
國大人。此當以晏子為主。仲尼亦命。非本意。此節孟子未  
作者。

注採入。

山桑。桑稅為藏龜之室。祀爰居之義。同歸於不智。宜矣。

微引國語。海鳥曰爰居。止於魯東門之外。三日。臧文仲使國人  
祭之。左傳。文公二年。仲尼曰。臧文仲不智者三。作虛器。縱逆祀  
祀。爰居。三不智也。

補訓。此取國語之語。廣論語不智之義。  
補注。案與節同。

愚按此節。論語朱注採入。

使民義。不害。不能教。愛猶衆人之母。不害使之義。禮樂不興。僞之  
病與。

微引禮仲尼燕居。子產猶衆人之母也。能食之。不能教也。  
補注。使民義。即所以為教。不害其平日之不能教也。愛猶衆人  
之母。雖過於愛。不害其平日能使之義也。但其禮樂不興。是子  
產不學之病歟。

愚按此節大意。合論語禮記之言。以論子產。上四語。皆謂子  
產之善於治民。末乃就其不足處言之。諸家以首尾作一意。  
中二句作一意。解不害二字。似涉牽強。語氣亦重複無序。  
上數字淺者。見使民義。亦是子產之教。禮樂句深者。見子產  
雖能教。而不能興禮樂也。如外與禮記不能教之言。正未嘗  
相妨。蓋此言禮樂不興。即禮所謂不能教耳。

作者

三

獻子者。忘其勢。五人者。忘人之勢。不資其勢。而利其有。然後能忘  
人之勢。若五人者。有獻子之家。則反為獻子之所賤矣。

補訓。此釋孟子論孟獻子之言。見五人意中。無獻子之家。尋常  
交富貴者。非借其勢。則利其財。張子資勢利。有本人情而言。

愚按此節。孟子朱注採入。

顧史主祀東蒙。既魯地。則是已在邦域之中矣。雖非魯臣。乃吾事  
社稷之臣也。

補注。釋論語孔子之言。蓋顧史既在魯地方七百里之中。則是  
已在邦域之中矣。雖非魯臣。乃吾事社稷之臣也。外奉事社稷之臣也。

補訓論語朱注邦城社稷是二意張子是串稱社稷上加事字  
君爲社稷之主事社稷印事君

作者卷之終

作者

合

三十篇第十一

補訓雜引成語附以已意其中得失相半讀者辨之  
愚按此篇凡三十三節前二十二節皆論孔子之事後十一  
節論顏子子路孟子仲弓之事也惟首四節大意相聯餘俱  
節各一義○內困之進人也五句朱子採入近思錄論學  
三十器於禮非強立之謂也四十精義致用時措而不疑五十窮  
理盡性至天之命然不可自謂之至故曰知六十盡人物之性聲  
入心通七十與天同德不思不勉從容中道  
微引禮記○強立而不返○易下傳之五章精義入神以致用  
也說卦之一章窮理盡性以至於命

張子論仲尼自志學至老德進何晚竊意仲尼自志學固已  
明達其理固已成性就上益進蓋如天之不已爲天已定而所  
以爲天不窮如有成性則止則窮何必孜孜仲尼何必不知老  
之將至且歎其衰不復夢見周公由此觀之學之進德可知矣  
○又曰窮理亦當有漸見物多窮理多如此可盡物之性  
革注此釋志學篇意

補訓孔子云三十而立又云立於禮張子合言以三十之立爲  
器於禮也不惑重精義上知命已至命至之而通達無間自  
言只曰知耳中庸盡人物之性此說耳順只是人物之理無不  
窮盡故聲入心通天德自然聖人亦自然與天合德知中庸所

謂誠者不思不勉而從家中道也。此與論語朱注不盡同。幸注器於禮者禮與性成強立者守禮不返。

愚按張子盡性與窮理一例。看盡人物之性亦多言窮盡人物之理。大心篇首節及此皆然。

常人之學日益而不自知也。仲尼學行習察異於他人。故有十五

至於七十化而知裁其德進之盛者與。

補訓此與上合爲一。意上節叙此節論也。

李注聖學變化而自能各其所至。氣候分明。故曰化而知裁。

愚按易繫化而裁之謂之變。謂天地之氣化無有間歇。因其氣之變而裁之。若者爲一年。若者爲一時耳。聖人一理渾然。

三十

至誠無息。亦如天道之化而自裁之。爲十年一變。故曰化而

知裁。裁者裁截之意也。上由十五至七十則非止以七十爲

化境。舊說多未明。

窮理盡性然後至於命。盡人物之性然後耳順。與天地參無意必

固我。然後能圓天地之化。從心而不踰矩。老而安死。然後不夢周

公。

微引易上傳之四章。範圍天地之化而不過。

補訓此文中有節之意。但自五十以下言。窮理盡性然後至

於命。見孔子之知命。由於窮理盡性也。盡人物之性。理無不明。

然後耳順。而與天地參。蓋天地間道理無不通徹。可以參天地

也。意必固我皆私。與矩相背。無意必固我。然後天地之化皆範。圍統攝聖人之心。即心即矩。故從心不踰矩也。孔子只說到七十止。張子補出老而安於死。不復夢周公。以見自序所學之時。已是衰暮之年也。

愚按天地無心而成化。聖人無意必固我。而即心即矩。即首

節與天同德意。故曰範圍天地之化。以不夢周公爲不踰矩

之事。若張子以吾衰爲孔子七十時所言。故即此以見不踰

矩之實也。

從心莫如夢。夢見周公志也不夢。欲不踰矩也。不願乎外也。順之至也。老而安死也。故曰吾衰也久矣。

微引禮運此順之至也。

補訓此按上文從心一段而申明之。欲不踰矩。欲字即從心

所欲之欲。夢見周公乃行道之本志。老而知禮之不可行。遂不

復夢。正是所欲不踰矩處。於此並見得不願乎外而順之至。順

即順受其正之順。安死即順受曰吾衰者。自知其衰而安之也。

○從心不踰矩。其義無窮。連不夢周公說。於不夢周公看得深。

於不踰矩者。得淺。張子於此似失之強。

因而不加。民斯爲下矣。不待困而喻。賢者之常也。困之進人也。

爲德辨。爲感述。孟子謂人有德慧術智者。存乎疵疢。以此自古困

於內無如。困於外無如。孔子以孔子之聖而下學於困。則其蒙



難正志。聖德日躋。必有人所不及。知而天獨知之者矣。故曰莫我知也。夫知我者其天乎。

微引易下傳之七章。困德之辨也。明夷卦象。內文明而外柔順。以蒙大難。文王以之內難而能正其志。箕子以之。○詩商頌長發篇。聖敬日躋。

發明此言。困能進人。

補訓不知變計。指不學言。此是困而不學一路人。而喻即孟子微色發聲而後喻之。喻謂不待困心衡慮而先自曉喻。以向學乃賢者之常也。此是不處困一路人。困猶不變。一不由困而自喻。兩路相形。引起處困之進德。下叩舜孔推之。賢者非優於

三十

四

舜孔然自有不遇困之賢人。其為德最能辨其感動最神速。因疾疾而生智慧。是德之能辨處。亦是感之神速處。下學於困。困而用下學之功。蒙難謂處困也。躋亦也。

李注。張子以困而學之為遇困。而能修治之義。故其說如此。

補注。人處困之時。則能發悟通曉。故為德辨能奮興起。故為感。感之於心。顯其象。象是困於內也。孔子厄於陳蔡。無上下之交。是困於外也。葉氏曰。人處患難之時。則操心危懼。而無驕侈之微。故其析理也明。置身窮厄而有反本之思。故其從善也速。

愚按。友人趙子彤元云。末二句引以証上人不知而天獨知。

之意。非以莫知為處困也。補訓疑張子以莫知作處困者。非是。孔子終身不遇是困。補注專言厄陳蔡亦拘。

立斯立。道斯行。綏斯來。動斯和。從欲風動。神而化也。仲尼生於周。從周禮。故公旦法壞。麥宋不怠。為東周之意。使其總周而王。則其損益可知矣。

微引書大禹謨。俾予從欲以治。四方風動。

補訓論語所云立道綏動。同於舜當日之從欲風動。乃存神而過化也。仲尼因生於周。從周之禮。故公旦法壞於魯。仲尼夢寐中不忘為東周之意。所以遵王制也。使其得位。總周而王。則其所損益必大有可觀。可知矣。以至於立道綏動存神過化。何難

三十

五

哉。○首數句極言孔子功化之盛。中言孔子從周以遵王制。末

總周損益。應轉立道綏動神化意。以首段為主。下乃推原其故。愚按此節大意。雜引論語以明孔子功化之盛也。損益可知。雖見不盡從周。畢竟重從周意。從欲風動言過化。而存神在其中。李注有欲斯從。為神有風斯動。為化分配未確。

滔滔忘反者。天下莫不然。如何變易之。天下有道。丘不與易。知天下無道而不隨者。道不遠人。且聖人之仁。不以無道必天下而棄之也。

補訓此亦解論語以忘反二字。貼滔滔。莫不然。即皆是。如何變易。而誰以易之。天下有道。丘不與易。正惟無道方易。所以然者。

蓋以道本不遠於人。一變易即合道。且聖人仁愛天下。不肯謂天下不可易而違棄之也。

愚按引道不遠人。似言聖人之道。本為人所易從。見易天下之非難。舊說以無道可轉有道。為不遠未合。聖人之仁二語。論語朱注採入。

仁者先事後得。先難後獲。故君子事事則得食。不以事事。雖有粟。吾得而食。皆仲尼少也。國人不知委吏。棄田得而食之矣。及德備。道尊。至是邦必開其政。雖欲仕。貧無從以得之。今召我者。而豈徒哉。庶幾得以事事矣。而又絕之。是誠繫滯如飽。取不食之物也。微引書說。命中惟事。繫傳事其事也。

三十

六

李注以夫子為欲祿仕。未知是否。

補訓此雖引以明已意。先事難。事事也。後得後獲。得食也。吾得而食。只是不可食人之食。與對景公語異。仲尼年少。人不知為聖人。為委吏。為棄田。所以為貧而仕。得以食人之食。及其道尊德備。人皆知為聖人。至是邦必開其政。雖欲為貧而仕。不可復得。及有公山佛肸之召。知非徒然。必有所事事。而又堅執以拒絕之。是誠繫滯如飽。取不食之物也。豈其可哉。其節重末段。所以發孔子欲應公山佛肸之意。而究之不應者。知其終無可事。固不計食也。豈徒乃公山章語。飽取乃佛肸章語。錯雜用之。亦取大意相似。

愚按前五句。虛仲尼以下。舉其實而言之。歸重末四語。

不待僭而勉於禮樂。先進於禮樂者也。僭而後至於禮樂。後進於禮樂者也。仲尼以貧賤者。必待文僭而後進。則於禮樂終不可得而行矣。故自謂野人。而必為所謂不願乎其外也。

集釋解先進章而意不同。不願乎其外。不待外之僭也。

補訓此進字。着力解以儀文分先後。不待儀文之僭。而自勉於禮樂者。其進先。待其僭而至於祀樂者。其進後。貧賤泛言自謂野人。而必為不待文僭也。據此則文指禮物說。非揖讓進反之儀。

李注解先進後進為急於行。緩於行之意。劉向所謂避小不僭。

三十

七

而說大不僭。則不僭矣。甚焉與此意同。

功業不試。則人所見者藝而已。

補注釋論語吾不試故藝。

李注不如今說。因不見用而多習於藝者為善。

鳳至闢出文明之祥。伏羲舜文之瑞。不至則夫子之文章。知其已矣。

補訓伏羲時河出圖。舜時鳳鳴岐。於庭。文王時鳳鳴岐。山皆文明之瑞也。瑞不至。知夫子之文章終已也。本謂道止而不行。張子取應文明之瑞。故云文章亦借夫子之文章成語云然。愚按此節大意。解為不至章論語朱注採入。

禮文闕失不以仲尼正之。如有馬者不惜人以乘習。不曰禮文。而曰史之闕文者。視史所任儀章器數而已。舉近者而言約也。補訓此釋史闕文一節。其說大異。以闕為闕失。文為禮文。史為視史掌禮者。○視史所任之儀章器數。即禮之文。禮文闕失。仲尼能正是。猶力所可及也。不以仲尼正之。譬如馬不教人乘。習今亡。頂有馬句。乘習教演之意。李注有馬而未調良。必求人以閑習之。喻禮文闕失。當以人考正之。夫子言我猶能知視史總闕之文。蓋謙約之詞也。愚按此以吾猶及三字。專屬史之闕文。作正意。今亡矣。夫事屬有馬句。作喻意也。舊說皆以舉近者而言約也。為句。則約

三十

為簡易之意。李注以舉近者而言為據。約也。為句。則約為燕約之意。李注為優。師學之始。樂失其次。徒洋洋耳而已焉。夫子自衛反魯。一嘗治之。其後伶人賦工。識樂之正。及魯益下衰。三桓僭妄。自太師以下。皆知散之四方。逾河蹈海。以去。亂聖人俄頃之助。功化如此。用我者。期月而可。豈虛語哉。補訓此合論語師學之始。自衛反魯。太師遘齊三章。而古依朱注。解師學在官之始。即夫子反魯正樂之時。其時樂盛。洋洋耳。張子以為失次。而徒有盈耳之聲。其說異。自衛反魯以下。朱子採入。造齊章注。

與與如也。君或在朝。在廟。容色不忘向君也。君召使摯。趨進翼如。自注此翼如。沒階趨進翼如。自注。張賓不顧矣。相君送賓。賓去則左右在君也。沒階趨進翼如。自注。張賓不顧矣。相君送賓。賓去則白曰賓不顧而去矣。舒君教也。補注此應述鄉黨孔子之事。而釋之也。愚按。按不忘向君。朱注亦採入。而不甚然其說。與與兼在廟翼如。作兩解。皆與今說異。惟所謂舒君教者。則朱子用之。上堂如揖。恭也。下堂如授。其容舒也。補注此釋鄉黨上如揖。下如授之義。愚按。朱子語錄。駁此說。謂升堂即納圭。君前故執圭時。言下堂不得也。

三十

冉子請粟。與原思為宰。見聖人之用財也。補訓。粟即財也。多寡之間。酌之以義。則財用不苟。愚按。此節大意。解論語合記二事之意。朱子採入注中。聖人於物無畔援。雖佛肸南子。苟以是心至。教之在我耳。不為已甚也。如是。微引詩大雅。皇矣篇。無然畔援。雖畔也。援。攀援也。補訓此以見南子應佛肸召為主。而引詩及孟子之言。以明之。○言聖人於物無所畔援。雖佛肸南子。求見若誠。亦可見之。即孟子所云。仲尼不為已甚之意。不為已甚。正找出無畔援意。高注。聖人於物。因物而施。畔以色人。亦不攀援。以徇世。

愚按此無畔援蓋謂無違莫之成心與詩傳異首句提起雖  
佛胎三句一氣讀末斷一句

子欲居九夷。不過於中國。庶過於九夷。中國之陋為可知。欲居九  
夷。言忠信行篤敬。雖蠻貊之邦可行。何陋之有。  
補訓此以居九夷為主。而以言忠信三句釋何陋之意。中國  
無所遇。中國何嘗不陋。但能言忠信行篤敬。不何患九夷之陋。  
愚按朱子或問云。程子謂所居即化者。聖人之事也。張子謂  
忠信篤敬。變類可行者。學者之事也。

補訓此解孔子答微生畝語常解。不事指依君此少異。

三十

十

補注不回者往而不返之意。

仲尼應問雖兩端而竭。然言必因人為變化。所貴乎聖人之詞  
者。以其知變化也。

補訓此重聖人因人為教。

補注如答顏淵仲弓之問。仁子夏子游之問。孝各因其材之高  
下。與其失而告之。蓋可見矣。

富而可求也。雖執鞭之士。吾亦為之。不憚卑以求富。求之有可致  
之道也。然得乃有命。是求無益於得也。

補注此以孟子釋論語富不可求之意。

補訓不憚卑以求富。二句貼吾亦為之。然得乃有命。二句貼如

不可求。孟子求之有道。得之有命。二句原是兩意。故張子亦分  
看。

愚按求之有可致之道。亦與朱注所謂不可妄求者異。  
愛人以德。喻於義者。常多。故罕及於利。盡性者。方能至命。未達之  
人。告之無益。故不以至言。仁大難。名人未易及。故言之亦鮮。  
微引禮檀弓上。君子之愛人也以德。易說卦之一章。窮理盡  
性。以至於命。  
華注此釋罕言章意。喻於義者。常多。不忍以小人待人也。  
補注喻於義者。喻人以義。而勸之使然也。

補訓此於天下有不善未嘗不知。知之未嘗復行。故怒於人者。不使

三十

十

加乎其身。愧於己者。不輒或之於後也。

微引易下傳之五章。子曰。顏氏之子。其殆庶幾乎。有不善未嘗  
不知。知之未嘗復行也。

補注怒人之不善。不使加乎其身。所謂不遷怒也。愧己之未善。  
不輒或之於後。所謂不貳過也。

本注此以不遷為不身自貶之意。

愚按此節大意。引易傳以解論語。皆孔子所以稱顏子者也。  
顏子之徒。隱而未見。行而未成。故曰。吾聞其語。而未見其人。也。

微引易乾卦初九文言。潛之為言也。隱而未見。行而未成。

補訓此以顏子明論語隱居行義之意。隱即隱居之隱。行即行

義之行。未見即為隱。未成未德行。若作德行未成說。便與開語未見人不合。

李注。蓋言顏子方隱居以求志。而未嘗行義以達道。

用則行舍則藏。惟我與爾有是夫。顏子龍德而隱。故遯世不見知而不悔。與聖者同。

微引易乾卦初九文言。龍德而隱者也。又云遯世無悶。不見是而無悶。本義。龍德聖人之德也。

補訓。此引論語用行舍藏之言。而以易及中庸釋之。○用行舍藏。並言意重舍藏。下文乃舍藏一遯語。中脩遯世之語。與文言相似。故連引之。與聖者同。故云惟我與爾有是夫。

三十

上

發明。龍德能見能潛。知進退存亡。而不失其正者也。

龍德聖修之極也。顏子之進。則欲一朝而至焉。可謂好學也已矣。補訓。龍德變化。聖人之修。到極至處。方與龍同其變化。故為龍德。顏子之進。從吾見其進。來上言顏子有龍德。此言顏子所以至於龍德。由其好學。○顏子似未到聖修之極。而云有龍德者。因用行舍藏。而見用則行舍則藏。何異神龍之變化。

愚按此節大意。因上文言龍德。而論顏子之好學也。上龍德而隱。專以行藏一事言。蓋顏子所已能。此龍德。燕聖人之全體大用言。蓋孔子之事。而顏子所欲至者也。

同昨助我者。無疑問也。有疑問。則吾得以感通其故。而達夫異同。

者矣。

微引易上傳之十章。寂然不動。感而遂通天下之故。

補訓。此釋回非助我之意。○言顏子若有疑問。則吾得以感而通其故。而於或異或同之故。無不達。是能助我。而回不然也。孔子非真望其助。姑訓助字之義如此。

故鄭聲。遠佞人。顏淵為邦。禮樂法度。不必教之。惟損益三代。蓋所以告之也。法立而能守。則德可以業。可大。鄭聲佞人。能使為邦者喪。所以守故放遠之。

微引易繫辭上傳之一章。可以則賢人之德。可大則賢人之業。補訓。此明顏淵問為邦章意。而意重下截。○禮樂法度。顏子素

三十

上

明。不必一一教之。惟告之以損益三代耳。如治曆明時。顏子能辨數代之曆。夫子但告之以行夏時。而顏子即了然於胸中矣。法即禮樂法度。

愚按此即所謂言必因人為變化者也。法立能守。數語論語。朱注採入。

天下有道。則見無道。則隱。君子疾沒世而名不稱。蓋士而懷居。不可以為士。必也去無道。就有道。過有道而貧且賤。君子耻之。舉天下無道。然後窮居獨善。不見知而不悔。中庸所謂惟聖者能之。仲尼所以獨許顏回。惟我與爾為有是也。

補訓。君子疾沒世至耻之。○有道當見舉天下無道。以下言無

道當隱也。雖引論孟中「不拘本旨」或謂末二句當總應見隱  
二意。細玩惟我與爾與惟聖句聯下當屬含藏。  
華注君子以用世為心不得已然後藏若懷居獨善者非聖賢  
之本心也。懷居與論語義異。

愚按此節大意明有道則見無道則隱之義見孔子所以獨  
許顏子之故不專為釋隱見也。觀上數節皆論顏子可見。  
此與前用行節意大同但彼重藏意此重行意微有別顏子  
之行無可見孔子則其榜樣也。獨許顏回二語補訓欲屬舍  
藏愚謂二段一氣貫下意實雙承言之。

仲由樂善故車馬衣裘喜與賢者共敝顏子樂進故願無伐善施

三十

十四

勞聖人樂天故合內外而成其仁

補訓此釋各言爾志章樂善則好義樂進則心虛樂天則無私  
李注此讀共敝之而無憾為句共字不斷

愚按樂進進字似亦本吾見其進來內外總上意言之車馬  
衣裘物之在外者也。勞勞德之在內者也。孔子老安少懷外  
盡其事而物無不公內盡其誠而善勞無不備蓋合二賢之  
所長而用之也故曰合內外而成其仁補注以老少朋友為  
外安信懷之理為內未安

子路禮樂文章未足盡為政之道以其重然諾言為表信故片言  
可以折獄如易所謂利用折獄利用刑人皆非又卦盛德道能是

而已焉

微引易噬嗑象利用獄豐大衆君子以折獄致刑蒙卦初六爻  
利用刑人

補訓此明片言折獄之意。禮樂是大端文章是飾治具者重  
然諾以無宿諾言然之諾之謂許人也重之則不失信

華注為政者必能盡祀樂文章之化則立道綏動無訟之可折  
矣子路之德未及此也

顏淵從師進德於孔子之門孟子命世修業於戰國之際此所以  
潛見之不同

微引易乾卦初九潛龍勿用九二見龍在田○史記第二序信

三十

十五

命世之宏才注索隱云命者名也言賢人有名於世也

補訓顏子從師進德無所表著為潛孟子命世乃以一世之豪  
傑自命有據荷世道之意故為見孟子雖未大行然言之於當  
時之君欲見之行即是修業

愚按此節大意論顏孟潛見之所以不同也命世即孟子所  
謂必有名世者

犁牛之子雖無全純然使其色驥且角縱不為大祀所取次祀小  
祀終必取之言大者苟立人所不棄也

補訓此釋子謂仲弓簡意○驥既純色角又周正以祀山川神  
所必享顏子謂犁牛之子無全純又謂不為郊社大祀所取而

用於山川為火祀。小祀其說異。大節立而人不棄。亦與不拘世類之意不同。大者立則小者或不統。即上無全統意。

三十

十六

有德篇第十二

華注。此篇尊尊於言動處。事親處世之道。是天德之實。下有司。則言居官臨政之道。是王道之全也。

愚按。此篇凡三十八節。節各一義。意不相屬。內言有教節。入近思錄論學。

有德者必有言。能為有也。志於仁而無惡。能為無也。

高注。有德有言。能有所當有也。志仁無惡。能無其所當無也。華注。從焉能為有。焉能為無來。

愚按。此節大意。以孔子有德無惡。實于張能為有無之語。疑張子看焉能為有無。亦與朱注別也。

有德

七

行修言道。則當為人取。不務徇物強施。以引取乎人。故往教妄說。非取人之弊也。

微引禮曲禮上。行修言道。禮之質也。陳注。言道。言合於道也。曲

禮又云。禮問取於人。不聞取人。禮問來學。不聞往教。朱子曰。取於人。若為人所取法。取人者。人不來而我引取之也。來學往教。

即其事也。曲禮又云。禮不妄說。人陳說。說音悅。

補訓。連引曲禮。以明教人者。當為人取法。不可以枉道引取乎人。曲狗乎人。強以施教。即引取人之意。引謂誘之來。

華注。往教。教人善。安悅教人善。雖邪正不同。而皆有獎。愚按。華注。往教。安說。並言。玩上四句。當以往教為主。安說亦

指教者而言。如曲說以阿人之類。

言不必信。行不必果。志正深遠。不務確。信其小者。

補訓此明孟子大人言行不必信果之意。而以論語之確。必信必果形之。信其小者。信以該果。

愚按孟子言大人不必信果。孔子言小人必信必果。語意反。正相足。故合論之。志正深遠。對確。確言志於義。則正精於義。則深遠矣。有淺深。

辭取達意。則止。多或反害也。

補訓此明辭達而已矣之意。務多之害。恐其文煩。則掩意。飾偽。則不誠。

有德

六

君子寧言之不顧。不規規於非義之信。寧身被困辱。不徇人。以非禮之恭。寧孤立無助。不失親於可賤之人。三者知和而能以禮節之也。與上有子之言。文相屬而不相蒙者。凡論語孟子發明前文義各未盡者。皆挈之。他皆放此。

補訓此以論語信近於義。節聯上章知和而信而信之也。規規猶拘拘。可賤與可宗。反約信致恭。相因皆有和意。而必合義。

必守禮。必求可親。是以禮節之也。兩章文相屬。謂章次相聯。不相蒙。謂各為一章。前文義有未盡。則下章發明。皆提挈之。在一處。以互見也。

補注寧言之不顧。猶言寧言之不復也。寧身被困辱。猶言寧近

華等也。寧孤立無助。猶言寧無所宗也。此三者能知和而以禮節之。蓋張子合二章而言也。

愚按此以知和而和通之。信近章乃書之一義。非謂其正旨盡於是也。因此而謂張子之書皆逐節相聯。則必有附會拘牽之病矣。

德主天下之善。善原天下之一。善同歸治。故王心一言必主德。故王言大。

微引書成有一德。德無常師。主善為師。善無常主。協於克一。俾萬姓咸曰大哉王言。又曰一哉王心。蔡傳德兼眾善。不主於善。則無以得一本萬殊之理。善原於一。不協於一。則無以達萬殊。

有德

九

一木之妙。博而求之。於不一之善。約而會之。於至一之理。此聖學始終條理之序。蔡仲之命為善不同。同歸於治。

補訓此釋成有一德之言。德主天下之善。以萬殊言。善原天下之一。以一木言。善歸於治。無不善以雜之。故王心一言必主平德。皆有關係。故王言大。

高注凡所謂德。不過主於善而已。蓋善得於已。則謂之德也。凡所謂善。原於一理而已。蓋順理則吉。故謂之善也。主於善。故王心一發於德。故王言大。

愚按德善一也。主於內為心。一發於口為言。善心云善言云。德者互見之文耳。李注以言頂主善。心頂克一未確。尚書



大全問德無常師四句。朱子曰。橫渠說最好。德且是大體。誠有吉德有凶德。然必主於善。始為吉耳。善亦且是大段說。或在此為善。或在彼為不善。或在前日則不善。而今則為善。惟須協於克一是。乃為善。協字雖訓合字。却是以此合彼之合。非已相合之合。又曰。一者善之原也。善無常主。如言前日之受非也。協於克一。如言皆是也。蓋均是善。但易地有不同者。故無常主。必是合於一。乃為至善。一者統於理而無二三之謂也。朱子有取張子之說。如此竊意。一者為理之一本者。也。書言協者。參萬理以會一理之約。此言原者。本一理以定萬理之歸。皆以人之求善者言。言異而意一也。

有德

子

言有教。動有法。晝有為。宵有得。息有養。瞬有存。朱子曰。此語極好。君子終日乾乾。不可瞬息。間亦不必終日讀書。或靜坐存養。亦是天地之生物。以四時運動。春生夏長。固是不息。及至秋冬凋落。亦只藏於其中。故明年復生。若使秋冬已絕。則來春無緣復有生意。學者常懷此心。不死則日有進。一息之間。亦有養。一瞬之間。亦有存。如造次必於是。顛沛必於是之意。但說得太緊。補注此言。君子無往無時。而非學也。葉氏曰。非先王之法言。不敢言。言有教也。非先王之德行。不敢行。動有法也。終日乾乾。晝有為也。夜氣所養。宵有得也。氣之出入為息。一息而必有存。

養也。日之開闔為瞬。瞬而必有存也。集釋言。動一身也。宵。晝一日也。瞬。息一剎也。學者當審此言於坐隅。作聖功夫也。補訓教以古人教人之規條言。法即禮法之法。畫主動作。故有為。為以事言。宵主靜思。故有得。得以理言。存皆以心言。養以天理養吾心也。存存天理於吾心也。六句一層進一層。言動是大段工夫。晝夜則密矣。息瞬則尤密。君子於民。道使為德。而禁其為非。不大望於愚者之道。與禮謂道。民以言禁。民以行斯之謂耳。微引禮謂衣。君子道人以言。而禁人以行。

有德

三

高注。道民以言。使之為德。禁民以行。使不為非。皆不大望於愚者之事也。以言謂以言語告詔之。以行以行事禁止之也。華注。惟愚故不可不導。不可不禁。惟愚故禁導之外。亦無深望焉。愚按此節大意。言君子教民之道。而引禮以証之。非為釋禮也。無微而言。取不信。故詐妄之道也。孔末不足微吾言。則不言。周足徵。則從之。故無微不信。君子不言。補訓以孔子不言。夏禮之禮。見君子無微則不言也。從周是帶言。無微而言。取人之不信。乃故詐妄之道也。人不信而習焉。

言自戒之耳。孔子於杞宋不足徵言。則不復言。周禮足徵。則從乎周。以此觀之。君子於無微而人不信者。不肯言也。

補注。按樂傳曰。春秋之義。信以傳信。疑以傳疑。意蓋如此。

愚按。放詠安謂無微而言之流弊。恐以輕言開詐妄之端耳。

補訓之說似太曲。

便辭足恭。若令色便佞巧言。

補訓。此以巧言令色足恭。解便辭善柔。便佞取其大意相近。

節禮。不使流離相勝。能進反以為文也。

微引禮記。禮減而進。以進為文。樂盈而反。以反為文。又云。樂勝則流。禮勝則離。

有德

三

朱子曰。樂記言減。是退讓。節節收斂的意思。是禮之體本如此。然非人之所樂。故須進步向前。着力去做。故以進為文。盈是舒暢發越快滿的意思。是樂之體本如此。然易至於流蕩。却須收。

拾向裏。故以反為文。

補注。按孔子之言。而張子各以類配之也。

補訓。孔子云。節禮樂節之者。使其不偏。不至於樂勝而流。禮勝而離。且能於禮則進而不消。有威儀以為文。於樂則反而不放。

有節。奏以為文也。

集釋。節。若不大。不使過中。乃所以為文也。

字注。節字從礼。樂易於相勝處。說正與有子所謂知和而和不。

以禮節之者。意極相貫。

愚按。禮以節分。而彼此之情不通。則離矣。故進以為文。而意。

文必倚樂。以合情。而和樂之意。無節則流矣。故反以為文。而。

節制必嚴。一進一反。雖不同。節其過則一也。

驕樂後。應安樂宴安。

補訓。此釋驕樂宴安之義。

集釋。宮室無度。衣服無節。侈靡也。耽於酒食。安於怠惰。宴安也。

言形則卜如響。以是知蔽固之私心。不能默然以達於性與天道。

微引易上傳之十章。問焉而以言。其受命也如響。

華注。達於性與天道。不著卜筮。說言形則卜如響。是借揲著以。

有德

三

明天人。感通之理。言之應非必其言也。以其心之誠也。蔽固之。

心。先不誠矣。豈能達於性與天道哉。

補訓。卜即指揲著易云。以卜筮者。尚其占。卜筮是通用字。

愚按。外節大意。明妄心之不足。以合天也。集解以性道即貼。

卜筮說。則外節專為揲著發。取義太淺。華注乃為該括。然。

以達猶點也。宋子銳且云。易言指卦爻之詞。卦則以為。

問卦之詞也。

人道知所先後。則恭不勞。慎不憊。勇不亂。直不絞。民化而歸厚矣。

補訓。此論諸恭而無禮。君子篤於親。二節以大。知所先後。

之。知禮之見人。當知所先也。人之道。當知所先後。先有禮則。

恭不勞。慎不怠。勇不亂。直不絞矣。先篤親不遠。則與仁不脩。民化而歸厚矣。用曾子民德歸厚之語。以括與仁不脩二句也。張子此等串合。似失之靈。

愚按此節。論語朱注採入。而不甚然其說。蓋合二節為一章。不如各為一章之為愈也。

膚受陽也。其行陰也。象生法必效。故君子重大剛者。

微引易上傳之五章。成象之謂乾。效法之謂坤。朱子曰。象是未成形之意。法是一成已定之物。

補訓此張子易理。爛熟於膚受節。看出陰陽象法之理也。象屬陽法屬陰。方慤而有其象。為陽。忍行而呈其形。為陰。膚受易

有德

二四

於行。陽動而陰隨之。猶象生而法必效之也。君子重大剛者。則申論語所言明也。舊注謂膚受不行為陽。行為陰。象生句似無安頓。

歸罪為尤。罪已為悔。言寡尤者。不以言得罪於人也。

補訓此釋寡尤悔之意。由其不以言得罪於人。故人不歸罪。高注歸罪者。人以罪歸之。

已所不欲。勿施於人。能恕已以仁人也。在邦無怨。在家無怨。已雖不施不欲於人。然人施於已。能無怨也。

補注釋論語之意。或疑恕已二字。即朱子所以汎範忠寬者。若易之曰。能恕人以仁已也。則庶乎其得之矣。

高注恕已仁人者。推已以及物也。李注此以無怨為無怨於人之義。

敬而無失。與人接而當也。恭而有禮。不為非禮之恭也。

補訓論語敬而無失。以處已言恭。而有禮以與人言。張子通作人說。與人接而當。宜寬說。事上皆常恭而有礼。專以礼貌言。

聚百順以事君親。故曰孝者畜也。又曰畜君者好君也。

微引禮祭統。孝者畜也。順於親。不逆於倫。是之謂畜。又云。備者百順之名也。

補注引祭統。所以為聚百順以事親者。引孟子所以為聚百順以事父母者。

有德

三

集注此以畜訓聚。與孟子不同。

華注孝道一有不備。則非所以事親矣。忠道亦然。

事父母先意承志。故能辨志意之異。然後能教人。

微引禮祭義。君子之所謂孝者。先意承志。諭父母於道。

程子曰。意與志異。志是所存處。意是發動處。如先意承志。自不同也。

補訓中正篇云。論人者。先其意而遜其志可也。志意兩言。則志公而意私耳。與此節來看。知其志之如何。不待其意之發。而先

其意以承其志。此論親於道者。當然也能辨志公意私之異。然後能教人。亦先其意而遜其志耳。如推所食以與人。父之志

也不待其意之發而先請可與是謂先意而承志

愚按此節大意見志意公私之宜辨也引祭義成語以起教人以教人為生

藝者日為之分義涉而不有過而不存故曰游

集釋謂游於藝之意

補訓今人每日所學者謂之功課分義或是此類涉如涉水過如過路皆照游字立言

集解不有不存者心不為彼所累也若切切偏好而不舍反為吾性累矣如程明道以謝上蔡補史文為玩物喪志是也

天下有道道隨身出天下無道身隨道屈

有德

云

補注釋孟子以道殉身以身殉道之意

補訓此以隨字替殉字

安土不懷居也有為而重遷無為而輕遷皆懷居也

微引易上傳之四章安土敦乎仁本義隨處皆安而無一息之不仁

補注此釋易安土二字之義

李注安土與懷居相似而不同安土則不懷居懷居則不安土矣有為無為猶言有故無故也

華注當遷而遷不當遷而不遷皆安土也不然有所繫戀固懷有所歆羨亦懷耳

補訓重建者懷舊於輕遷者懷新居

愚按重建輕遷皆以居止言而安仁意在言外有過不改有為而重遷者也執德不固無為而輕遷者也

老而不死是為賊幼不率教長無循述老不安死三者皆賊生之道也

補訓此釋貴原壤老而不死之義不率教是不率父兄之教賊生謂賊害其生理

高注無循述不率由舊章而恣意妄為也不安死不以死為安而欲偷生也

集釋同也而並言幼與長也

有德

云

樂窮樂則欲樂樂則不能從義

補注此孔子所謂損者也

補訓前云驕樂侈靡宴樂宴安此又進一層侈靡則縱佚欲宴安則不能從於義

不僭不賊其不忒不求之謂乎

微引詩大雅抑之篇不僭不賊鮮不為則集傳僭差賊害也衛

風雅雅篇不忒不求集傳忒害求食也

補注此以詩釋詩學者以意推之可也  
補訓不差於事不害於理屬處已言不以人有而忒不以己無而求屬與人言張子合言之不僭即不求之謂不賊即不忒之

譯

不穿窬義也。謂非其有而取之曰盜。亦義也。惻隱仁也。如天亦仁也。故擴而充之不可勝用。

微引家語五帝德篇孔子曰。陶唐其仁如天。

補訓義從粗處說到細處。仁從微處說到大處。皆須推廣而至於充滿方不可勝用。

愚按此節大意釋孟子充無穿窬章。意見仁義之宜極其量也。

自養薄於人。私也。厚於人。私也。稱其才。隨其等。無驕吝之弊。斯得之矣。

有德

云

華注。此借驕吝兩字而通之。於自養。另為一解。

發明薄則吝。厚則驕。素富貴行乎富貴。素貧賤行乎貧賤。斯得之矣。

愚按才謂力之可及。每謂分之所宜。

罪已則無尤。

補注。典上歸罪為尤。罪已為悔。章意同。

集釋。能罪已。則有自修之實。故人不得而尤之。

困辱非憂。取困辱為憂。榮利非樂。忘榮利為樂。

華注。取困辱則雖不至困辱亦可憂也。忘榮利則無紛擾之念。何樂如之。

愚按此節大意論愛樂之在我而不在外也。

勇者不懼死。且不避而反。不安貧。則其勇將何施耶。不足稱也。仁者愛人。彼不仁而疾之深。其仁不足稱也。皆迷謬不思之甚。故仲尼率諸亂云。

集釋。此釋好勇疾貧章。

李注。此以亂字着疾貧疾不仁者說。為迷謬之義。

擠人者。人擠之。侮人者。人侮之。出乎爾者。反乎爾理也。勢不得反。亦理也。

高注。鄭眉軒曰。以出爾反爾為理。所以假擠人侮人者也。以勢不得反為理。所以致愛惡侮者也。

有德

元

補注。擠排也。

充已行法為賢。樂已可法為聖。聖與賢迹相近。而心之所至有差焉。避世者。依乎中庸。沒世不遇而無嫌。避地者。不懷居以害仁。避色者。遠耻於將形。避言者。免害於禍辱。此為士清濁淹速之殊也。避世避地。雖聖人亦同。然憂樂於中。與賢者其次者為異。故曰迹相近而心之所至者不同。

補訓。言數句。虛說引起。避世者以下至妹也。分賢者次者。亦避不同。末避世以下。又言聖人雖避世。避地。迹類隱者。而心定不同也。充已復體行法。使命皆有工夫。故為賢。若聖則樂乎已。而可為人法。差別也。依乎中庸。引中庸語。以言盡避一世。也不

懷居以害仁用論懷居及易安土教仁之意安土教仁懷居則不能安土故害仁以其心係於私也遠耻於將形者意有不善將形於色而遠去以遠耻免害於禍辱者言之不善禍辱隨之早去以免害遠是以意避世避地聖人亦與賢者次者同然聖人憂遠樂行之意存於中則與避世避地一意隱避者有異憂樂於中照易文言樂則行之憂則遠之者蓋從龍德而隱推

有德

子

借論語之言以明之大概言賢者克已行法之事憂樂於中則所謂樂已可法者也避世避地之同正迹相近之實憂樂於中之異正心有差之實故仍以迹近心殊結之迹與心前虛冒後定指無二義補注以前為克已行法樂已可法之迹後為避世避言之迹強分未是○此以賢者其次看得有優劣與宋注所引程子之說不同故言聖人避世避地之同而不及言色位以聖人不待耻辱將至而後避與

通賢如不得已將使卑論尊疏論戚之道與表記所謂事君難進而易退則位有序易進而難退則位有序易進而難退則

乳也。補訓以表記之言証孟子之意。高注難進易退而位有序自不至論尊論戚矣。故曰相表裏人君用賢當如孟子之意人臣自處當如表記之言庶幾出處之正。弓調而後求勁焉馬服而後求良焉士必慤而後智能著不慤而多能譬之豺狼不可近。微引荀子哀公篇孔子曰弓調而後求勁焉馬服而後求良焉士信慤而後求智能焉士不信慤而又多智能譬之其豺狼也不可以身遇也。

有德

三

補訓此節語本荀子以弓馬喻士也○勁謂力大良謂善走弓不調而徒挽強矢必亂發馬不服而喜速馳行必泛駕士以誠慤為本智能為用不慤而多能以詭詐之心逞狡悍之技其充等於豺狼何可近也。集解調者木心正而脉理直制作如法也服者不蹄齧易控制也。谷神能象其聲而應之非謂能報以律呂之變也猶卜筮叩以是言則報以是物而已易所謂同聲相應是也王弼謂命呂者律呂聲之變非此之謂也。微引老子成象篇谷神不死○易乾卦文言同聲相應○魏注

周易例畧云命呂者律

發明象數而應無心也律呂之變則有為矣王弼所謂乃語教者清濁高下之變宜各神之謂乎

補訓六律六呂之變作樂之事陽唱陰和律以統呂是命呂者乃律也命呂者律正應上報以律呂之變見谷之應教非如是愚按此節大意見谷神之應聲乃實理之自然非如律呂之變猶出人為也似為語神怪之迹者發

行前定而不疚光明也大人虎變夫何疚之有

微引易履卦象履帝位而不疚光明也革卦九五爻大人虎變其文炳也本義虎大人之象變謂希革而毛毳也

有德

三一

集解虎變其文炳故借以狀光明之意

愚按此節大意以易言履帝位而不疚與中庸行前定則不疚相類故合而論之又以革卦大人虎變狀光明之義補注專主釋中庸未確○行前定而不疚者以其行事光明無暗蔽之私也光明如大人之虎變夫何疚之有光明正推所以不疚之實虎變正足光明之義

言從作又各正其言易知人易從聖人不患為政難患民難喻

微引書洪範言曰從從作又蔡傳從者順也又者條理也

補訓言為人從則能作又所以然者其名正則其言易知而人易從故聖人不患為政難但患民之難以家喻戶曉耳民喻而

為政又何難乎此書所以云作又也蓋張子以從為人從德也照為治者而又以各正為言從之實是張子所見如此

愚按此節大意以各正為言從作又之實以書為主補注謂引洪範釋論語之意未是○書從謂順理惟從故發為德音而有倫有要是作又也張子之說異名正謂所以為名者無不正如父子兄弟之類是也人易從即民之喻為政即作又之實言人易從則為政不難可知末二語反跌以足其意耳

有德

三一

有司篇第十三

補訓此以有司名篇。不專主有司。大約皆言在上之事。

愚按此篇凡九節。亦節各一義。文不相屬。○內道千乘之國。節入近思錄治體。

有司政之經紀也。始為政者。未暇論其賢否。必先正之。求得賢才而後舉之。

集釋此解先有司舉賢才章。

集解論賢否舉賢才之事也。言先當正其已在位者之有司。然後舉賢才而續用之也。

愚按此以先有司舉賢才二句。合併言之。政之經紀猶言政

有司

三

之要務。見有司之重也。正者訓飭之意。猶教之也。諸家多以正之端指經紀。然孔子原言有司。豈應忘却。有司專言正經紀耶。

為政不以德。人不附。且勞。

補注釋孔子為政以德之意。

集解為政不以德。則人不親附。而我亦勞苦而不得寧。蓋德者治人之具。以簡御煩之道也。

高注不如衆星拱則不附。不如居其所則勞。

子之不欲。雖資之不竊。欲生于不足。則民盜。能使無欲。則民不為盜。假設以子不欲之物。資子使竊其所不欲。子必不竊。故為政者

在乎足民。使無所不足。不見可欲。而盜必息矣。

補注釋孔子告康子患盜之語。

李注此本孟子菽粟如水火。而民焉有不仁之意。以解此章。雖未必文意。然亦一義也。

愚按朱子語類如橫渠之說。則是孔子當面以季康子比盜矣。孔子於季康子雖不絕於為臣。要之必不面斥之如此。據此則張子解不欲字。不如朱注言不貪欲之為善。

為政必身倡之。且不要其勞。又益之以不倦。

補訓此將論語先勞不倦。滾作一團。說身倡先之也。不惜其勞之也。益之不倦。無倦也。

有司

三

愚按朱子語類問先之勞之。諸說孰長。曰橫渠說好。又問以身為之倡者。果勞乎。曰非是。謂也。既以身為之倡。又更不愛其勞。而終之以無倦。此是三節事。據此則朱子看張子之說。與注無大異。然玩張子說勞字。終與注異。

天子討而不伐。諸侯伐而不討。故雖湯武之舉。不謂之討。而謂之伐。陳恒弑君。孔子請討之。此必因周制。鄰有弑逆。諸侯當不請而討。孟子又謂征者上伐下。教國不相征。然湯十一征。非賜鉄錢。則征討之名。至周始定乎。

微引禮王制諸侯賜弓矢。然後征。賜鉄錢然後殺。

補訓此明征討伐三字之義。○周制鄰有弑逆。不請而討。是懸



想之詞

集釋討者征不庭也。伐者正有罪也。湯武以臣正君。故不言討。

書曰伐桀伐紂存萬世君臣之戒者也。

補注孟子謂敵國不相征。然湯云十一征。若非賜鉄鉞得專征。伐則湯之時征討之名尚未定也。

野九一而助。郊之外助也。國中什一使自賦。郊門之內。通謂之國中。田不井授。故使什而自賦其一也。

補訓此釋孟子國中二句之義。與常解無異。

道千乘之國。不及禮樂刑政。而云節用而愛人。使民以時。言能如是。則法行。不能如是。則法不從行。禮樂刑政亦制數而已耳。

有司

三

微引易節卦象君子以制數度

補訓此釋論語道千乘節之義。畧敘事而信句可疑。○如是指節用二句。張子蓋以此為存諸心。同於楊氏之說也。禮樂刑政。即法。凡制有數之多寡。故云數。

富而不治。不若貧而治。大而不察。不若小而察。

補注國家以平治為本事。理以明察為尚。

補訓富貧大小以國言。治以紀綱。無不立。人民無不安。言察以利害。無不明。政事無不理。言。

報者天下之利率德而政善有勸。不善有沮。皆天下之利也。小人私已利於不治。君子公物利於治。

微引禮表記報者天下之利也。陳法報以交際往來言。

補注釋表記之意。

補訓張子解報字。非陳氏交際往來之說。宜主報德言。有德而善。蒙此典。故勸無德而不善。不蒙此典。故沮。勸善沮不善。有益於天下。故為天下之利。如是斯為治平之世矣。君子欲天下皆以善而蒙報。故利之。

愚按率德而致三句。推所以為利之故。私已四句。正解利字。言小人特以陪起君子耳。○率德而致。言必循德方能致此報也。

有司

三

大易篇第十四

補訓此篇論易可與程朱傳義相發明。大易二節以易較諸子之說。所以開異端。一物三才以下十二節。雜引易語。而訓以已意。潔靜節引禮記之言。以其言易。附入易中也。天下之理得以下十七節。專論乾卦坤卦至系三節。由乾而及坤。造化之功以下十節。明說卦一陷溺以下十七節。又雜言易義。往之為義。節專明一字。故未

愚按此篇凡六十三節。程子之說易以理。朱子之說易以數。張子亦以理說易。而與程子又有不同者。參而考之。義固各有當也。讀者不得執一以廢一。○首節入近思錄。辨別異端。

大易

六

大易不言有無。言有無諸子之陋也。

集解。理氣不相離。故大易不言有無。老莊之類。乃言有生於無。則是以道為虛。無陽理氣而為二矣。何其陋哉。

愚按此節大意。明易之異於諸子也。易不言有無。如一陰一陽之謂道。形而上者謂之道。形而下者謂之器。是也。諸子言有無。如老子萬物生於有。有生於無。是也。此只以易與老莊諸子分別。如晉人好以易及老莊並言。故以此正之。諸家或並及釋氏。空無與物生執有之謬。竊謂此又是一義。不必牽

易語。天地陰陽情偽。至隱曠而不可察也。諸子馳騁說辭。窮高極

幽而知德者。厭其言。故言為非難。使君子樂取之為貴。

微引易上傳之十二章。設卦以盡情偽。八章言天下之至曠而不可惡也。十二章又云。探賈索隱。

補訓。易中所言天地陰陽及人之情偽。雖極於至隱深。至繁曠。而皆有至理。其言可取而不可惡也。若諸子馳騁說辭。窮其高極其幽。無所不至。而知德者厭其言之怪誕。而不足信。故言為非難。使君子樂取之。乃為貴耳。○厭惡字。相形可厭。便不可取。不可惡。便可取。知德猶言知道。即君子也。高注皆實理。故不可得而惡。

愚按此節大意。同上節。上節言有無似指老氏意。多此節。馳騁說辭。似指莊子意。多。

大易

三

易一物而三才。陰陽氣也。而謂之天。剛柔質也。而謂之地。仁義德也。而謂之人。

微引易說卦之二章。立天之道曰陰與陽。立地之道曰柔與剛。立人之道曰仁與義。兼三才而兩之。故易六畫而成卦。

華注。王文輝曰。一物即一理也。易只一理。而天地人三才之道。具於其中。陰陽到柔仁義分言之。有三才之別。合言之。總此一陰一陽之理而已。

張注。氣之輕清者屬乎天。如寒暑之類是也。質之凝重者屬乎地。如山川是也。合天地之氣質而成性。屬乎人。仁義是也。三者

一而已矣。氣有之說。雖自張程始發明之。實具之於易。陰陽是氣。則柔是質。聖人言下本自明白。漢唐以下諸儒。特未之察耳。愚按此節大意。釋易說卦立天之道六句。見其止是一理而分之則有三也。○陰陽劉柔仁義本一物也。以其氣而屬之天。以其質而屬之地。以其德而屬之人。實則一而已矣。非太極分為兩儀之謂。補訓謂一理而太極不必指定。尚介騎牆。  
易為君子謀。不為小人謀。故撰德於卦。雖又有小大及繫辭其文。必論之以君子之義。微引易下傳之九章。雖物撰德。辨是與非。繫辭傳本義。繫辭謂

大易

四

文王周公所作之辭。繫於卦爻之下者。補注易卦之辭。必曰利貞曰利君子貞曰小人勿用曰君子吉。小人否皆為君子謀。不為小人謀也。小謂陰。大謂陽也。發引古法者。言乎失得。悔吝者。言乎小疵。無咎者。善補過。是禍福皆緣道義而有。故曰為君子謀。  
張注易雖為卜筮而設。然聖人繫辭。直是教人。以決疑趨避。通志成務。故論吉凶。而不論禍福。今人必以徵驗求卜筮。是專為禍福起見。豈足以言易哉。為禍福一定之說者。術家小數。非知易者也。  
愚按此。即人意。論大易示人之理。○語意云。易之為書。但

為君子謀。不為小人謀。故每卦中。所以具其一卦之理者。雖又有陰小陽大之不同。及至聖人繫辭於爻下。必論之以君子之義也。易豈為小人謀哉。○為君子謀。兼補注所舉易辭。發明所舉易義。其理乃備。此句為經下申明之撰德於卦者。一卦中具有一卦之理也。此句虛下言爻。正以明卦以每卦各有六爻也。繫辭繫其爻說。專指六爻之小象言。每爻必論以君子之義。故曰易為君子謀也。舊說皆以卦爻平舉。或分兩辟皆未合。○明章憇易論引仲張子之意甚暢。其畧曰。夫黃裳元吉。南漸終以取敗。元亨利貞。穉養不得而用也。易果不為小人謀乎。曰。此所謂不謀之謀。欲使天下後世之皆

大易

四

為君子。而不為小人也。夫按茅征吉。戶庭無咎。謀出處也。揚於王庭。招囊不害。謀語默也。乾而惕厲。震而修省。損而懲忿。室察而遷善。改過謀所以修身也。臨而保民。觀而設教。巽而申命。行事噬嗑。而明罰勅法。謀所以治人也。飲食於需。宴息於隨。雖於不致命於困。反身修德於蹇。則於處常處變之事。無一不為之謀焉。易之舉。於君子如此。其於小人也。設非則恐其堅。聖女則憂其壯。童牛是牯。金柅是繫。惡嚴承之。臨謁戒刺床之。戒貞誠不為之謀矣。然使小人知所悟焉。必將曰。覆餗而刑。剝負乘而致寇。易若我。不可以覆餗而負乘也。獲狐於田。射隼於墉。易又教我不可以為狐而為隼。

也。小人勿用。小人弗克。吾而不為小人。則用矣。克矣。能反乎。此則易之一言一字。皆小人之藥石。又况剝之六五。許其賁。魚之利。復之六四。美其獨復之道。然則易之不為謀。特不為之謀。為小人之事耳。小人而欲為君子。易固未始不為之謀也。

一物而兩體。其太極之謂與。陰陽天道象之成也。剝。柔地道法之。故也。仁義人道性之立也。三才兩之。莫不有乾坤之道。微引易說卦傳二章。已見一物三才節上傳之十一章。易有太極。是生兩儀。五章成象之謂乾。效法之謂坤。補訓此一物。即指太極。太極中。具有乾坤之道。是兩體也。象之

大易

四二

初成尚未成形。即上文氣也。法之呈效。其形可見。即上文氣也。性所由立。即上文德也。乾坤兩也。合之為太極。故太極一物。而兩體成。象效法。易分言乾坤。此合言乾坤。不同。集釋陰陽剝。柔仁義皆兩也。剝。仁與乾陽之道。柔義與坤陰之道。

愚按此節大意。釋說卦三才而兩之之義。而以易有太極。是生兩儀明之也。此所謂太極。亦不專以理言。當與二物。兩體氣也。意者。一物指太極。而兼天地人兩體指乾坤。而兼陰陽剝。柔仁義分之。則一才各有兩體。合之則三極。只是。一物。而陰陽剝。柔仁義。各具乾坤之兩體也。三才節見天

之動三極之道也

微引易上傳之二章。六爻之動。三極之道也。本義六爻初二為地。三四為人。五上為天。極至也。三極。天地人之至理。三才各一太極也。十二章。變而通之以盡利。說卦之二章。將以順性命之理。補訓上傳六爻之動。三極之道也。此明其義。性命之理。總承陰陽剝。柔仁義。言六爻盡利而動。是六爻之動。順陰陽剝。柔仁義性命之理。是三極之道。

愚按易六爻之動。以卦爻之變動言。三極之道。謂卦中自具天地人之理也。諸說于此節。多將盡利順理。看作有力字。似

大易

四四

以人之用易者言。與易本旨不同。竊意利如孟子以利為本之利。盡利而動。猶言順其自然。而動非利害之利。蓋易卦以陰陽立。體而陰變為陽。變為陰。以成六爻之位。皆盡利以變動。所以然者。天之陰陽地之剝。柔人之仁義。皆因時盡變。不拘一。休六爻之動。由此道而已。亦以卦爻言。不以人之用。易言。

陽編體象陰。象陰共事一陽理也。是故二君共一民。一民事二君。上與下皆小人之道也。一君而體二民。二民而宗一君。上與下皆君子之道也。

微引易下傳。曰。陰陽卦多陰。卦多陽。其德行何也。陽一君

而二民君子之道也。陰二君而一民。小人之道也。本義震坎艮為陽卦。皆一陽二陰。巽離兌為陰卦。皆一陰二陽。補訓易下傳四章。張子分疏其義。陰陽事。先言其理。下分兩邊說。陽猶體象。陰象陰共事一陽。此理之常也。二君共一民。所令不一。一民事二君。則無所從。上與下皆為小人之道。以其與理悖也。一君而二民。無不偏。二民而宗一君。有常尊。上與下皆為君子之道。以其與理合也。卦体大概如此。然吉凶不盡直是也。

大易  
華注天下之理。陽為主而陰輔之。則吉。主不可分。分則爭。戰國南北朝是也。精不可二。二則不忠。馮道之類是也。故曰小人一

大易

四

君休。二民是一。統之象。二民宗一君。是歸仁之象。故曰君子不特天下大勢如此。一國一家一事一物之理皆然。

吉凶變化。悔吝。劉宗易之四象與悔吝。由虛不足而生。亦兩而已。微引易上傳之二章。吉凶者。失得之象也。悔吝者。憂虞之象也。變化者。進退之象也。劉宗者。晝夜之象也。本義。悔自凶而趨吉。吝自吉而向凶。十一。章。易有四象。所以示也。本義。四象謂陰陽老少。

集解。吉凶悔吝。以辭言。變化則泰以變言。四象各有兩。反覆相因。悔吝似一物也。故又特言其由虛生。吝由不足生。悔亦兩而已。蓋自凶而趨吉。吝自吉而向凶。吉者大獲為福。凶者破敗

為不足。然則陰陽之理。何所不依。而天下何物不有兩哉。補訓易四句。皆言象。故為易之四象。藏有餘也。與盈同。兩不外陰陽。即前兩體之兩。

愚按此節大意。蓋以吉凶四句。實十一。章。四象之文。與本義不同。悔吝二句。又明悔吝所以分為兩之義也。以藏貼吝。以不足貼悔者。由吉來而生吝。由凶來而生悔也。藏不足仍不外吉凶之義。

尚辭則言無所尚。尚變則動必精。義尚象則法必致。用尚占則謀必知。來四者。非知神之所為。孰能與於此。微引易上傳之十章。易有聖人之道四焉。以言者尚其辭。以動

大易

四

者尚其變。以制器者尚其象。以卜筮者尚其占。又云。非天下之至神。其孰能與於此。九章。知變化之道者。其知神之所為乎。下傳之五章。精義入神。以致用也。上傳之十一章。備物致用。十章。遂知來物。

集解。易之辭。皆至理也。故尚辭則言無所苟。易之變。老陽變為少陰。老陰變為少陽者。一時而已。尚變則止。止久速。辭受取于皆當乎時。故動必精。合於義理也。卦之象。何用不具。故尚象則法度必可以攷之於用。占之辭。吉凶有定也。故尚占則謀必知。來然四者。實自然而神之所為也。非知其為神之所為。則以易理為出於人為。我亦或容心於其間。其孰能言動法謀之胥

不若

集釋易有聖人之道。則為辭變象占是也。如不恆其德。或承之。若辭也。元龍有悔。龍藏於野。變也。離為網。罟為未。招象也。潛龍勿用。飛龍利見。占也。尚存心於此也。

補訓象以制器。故言法制作之法度也。愚按此節大意。釋易傳十章之文。而雜舉論語易辭以明之也。

易非天下之至精。則辭不足待天下之間。非深不足通天下之志。非通變極數。則文不足以成物。象不足以制器。幾不足以成務。非周知兼體。則其神不能通天下之故。不疾而速。不行而至。

大易

也

微引易上傳之十章。問焉而以言。其受命也如響。非天下之至精。其孰能與於此。本義。此尚辭尚占之事。傳又云。參伍以變。錯綜其數。通其變。遂成天地之文。極其數。遂定天下之象。非天下之至變。其孰能與於此。本義。此尚象之事。變則象之未定者也。傳又云。寂然不動。感而遂通天下之故。非天下之至神。其孰能與於此。夫易聖人之所以極深而研幾也。惟深也。故能通天下之志。惟幾也。故能成天下之務。惟神也。故不疾而速。不行而至。本義。所以極深者。至精也。所以研幾者。至變也。補訓。此雖引上傳十章之辭。而以己意貫之以釋其義。○易之辭。足以待天下之間。而告之。惟其理之至精也。若非天下之至

精。則其辭不足以待天下之間矣。易足以通曉天下人之志。而決其疑。惟其理之至深也。若不深。則不足以通天下之志矣。據若求卦者。通其操之變。遂成天地奇耦老少之文。極其七八九六之數。遂定天下卦爻之象。而且能研幾以成天下之務也。若非通變極其數。則其文不足以成物。其象不足以制器。其幾亦不足以成務矣。易能周知無隱。而兼體不遺於天下之故。惟其神故。不疾而速。不行而至也。若非周知兼體。則其神不能通天下之故。且不疾而自速。不行而自至矣。

集解。至精。辭之精密。無所不具也。深理之玄微。無所不包也。辭足以待天下之間。則其理足以通天下之志矣。二意不甚相遠。

大易

也

變操著之變也。分二掛一。據四歸奇。為一變。通變總三操。兩手之策也。極究察也。數七八九六也。文謂陰陽老少之畫。非通變。則陰陽老少之文不成。何以成物。象謂卦爻動靜之象。非極數。則卦爻動靜之象不明。何以制器。無文。象以成物。制器。則是其幾之不辨。不足以成務矣。成務。即成物。制器也。通天下之故。即是待問通志成務。不疾而速。不行而至。承上神字說。

愚按。易傳分辭變象占。至精節言辭占。極深。即至精者為之。至變。節言象變。研幾。即至變者為之。而以至神。總承張子義大同。

示人吉凶。其道顯矣。知來藏往。其德行神矣。語皆龜之用也。

微引易上傳之九章顯道神德行是故可與酬酢可與祐神矣  
木義道因辭顯行以數神酬酢謂應對祐神謂助神化之功十  
一章神以知來知以藏往

補注釋易顯道神德行之意

發明藏往以下章明患而弭其故觀之是謂今日吉凶既明從  
新徑往吉一邊去將前日既往故事盡掩藏消弭了

補訓易只用著龜帶言易中無言龜著亦如此

愚按易道以吉凶之理言德行以民生趨避之行言謂易能  
顯之神之也張子道與德行即以易而言之

顯道者危使平易使傾懼以終始其要无咎之道也神德行者寂

大易

四九

然不動其行於萬化之感而莫知為之者也受命如響故可與酬  
酢曲盡鬼謀故可以祐神

微引易下傳之十一章危者使平易者使傾其道甚大百物不  
廢懼以終始其要無咎上傳之十章寂然不動感而遂通天下  
之故又云問焉而以言其受命也如響下傳之十二章人謀鬼

謀

補訓上釋顯道神德行二句此又申明之並釋可與酬酢二句  
俱是用易釋易○冥會猶云默契萬化乃天下萬事之變化不

齊者

集解危懼則得平安慢易則必傾覆大抵能危懼以終始其事

其要得無咎易辭所顯此道而已易無思無為也寂然不動而  
萬化之感自然能冥會無道而莫測其所以為之者不為神乎  
可與酬酢謂易可以之應對乎人鬼謀吉凶也鬼神主吉凶以  
示人而不能使之趨避易能曲盡以示人故可以祐助鬼謀之  
所不及

愚按上節言示人吉凶此則謂吉凶非有一定當危懼以得  
无咎上節言知來藏往此則謂往來萬變之不齊易能於寂  
然不動之中一一冥契而示之幾皆較前深一層下二語通  
承道行舊說或以酬酢承顯道祐神承神德行未確

開物於幾先故曰知來明患而弭其故故曰藏往極數知來前知

大易

手

七前知其幾有道術以通之君子所以措於民者遠矣

微引孔仲尼問居篇有開必先○易上傳之十章神以知來知  
以藏往五章極數知來之謂占通變之謂事十二章舉而指之  
天下之民謂之事業

補訓易示人吉凶凡事物皆開曉於幾兆之先是能知未來也  
惠之已見者為故明於患而有以消弭之是往者得以藏也易  
本是包藏之藏此作掩藏之藏極數知來之謂占謂究極其操  
著之數以知來所以占也通變之謂事謂通其變吉則趨凶則  
避而事業以之出也二句合看極數知來可以前知前知其變  
之如何而有道術以通之君子所以措於民者遠矣此又合措

之天下之民。謂之有業。向來說事字。道術二字。要著眼。不是為計利害為趨避。自有善全之道。術法也。本道而著其用。謂之道術。

其辭以弭字解。故字解。往言人之舊所習行者。不知惡而妄為。易則能明其患。以示人而消弭之。故曰藏往。與易本旨不同。愚按此節大意。解上傳十章。知來藏往。而以五章極數知來。二語明之。也。措民之謂事業。又借說一事字。意只以知來藏往為主。補訓謂並釋極數知來二句。尚未密。上四句知來。藏往。平來下五句。又從知來言及通變。前知即知來之意。有道術以通之。則藏往之理存乎其中矣。以語之相近。故舉以

大易

五

相証也

潔淨精微。不累其迹。知足而不賊。則於易深矣。

微引。孔經解。潔淨精微。易教也。易之失賊。其為人也。潔淨精微。而不賊。則深於易者也。

補訓。此張子引孔之言。易者而明其義。以不累其迹。訓潔淨精微。以知足。訓不賊。蓋滯於象數之迹。則不潔淨。亦不精微。潔淨

精微。言回融神妙。自然不累於迹。過求高遠。反害道。知足者理明。止於不賊。

李注。易者。實待虛存。休應用。如明鏡。然物來畢照。而本無物也。雖窮乎天地鬼神之奧。而近在日用民行之間。故惟不累於

迹而知足者。為深於其道。記所謂潔淨精微而不賊者。此耳。

天下之理。得元也會而通亨也。說諸心。利也。一天下之動貞也。

微引。易乾卦。乾元亨利貞。上傳之一章。易簡而天下之理得矣。

八章。觀其會通。以行其典禮。下傳之十二章。說諸心。研諸慮。一

章。天下之動貞夫一者也。

補訓。此引易語。以釋元亨利貞四字。

高注。以乾之四德言學也。

華注。曰。句。俱在心學上說。只是理得於心。加以天下二字。有兼

收統貫之義。故曰元就其會通而言曰亨。就其悅心而言曰利。就其一而言曰貞。

大易

五

愚按。會而通。言會合而貫通也。若作嘉之會。以礼言。與上

下句未合。悅猶易之言和。所謂和順於道德者也。一者一之

也。亦與所謂貞夫一者微異。蓋學之序。始於有得而漸至會

通。能悅諸心。則固克協於一。則成。故以此為元亨利貞始終

之義。與易之言仁義礼智者。亦不必作一說。

乾之四德。終始萬物。迎之隨之。不見其首尾。然後推本而言。當父

母萬物。

微引。易乾卦。乾元亨利貞。彖傳。大哉乾元。萬物資始。老子

贊玄篇。迎之不見其首。隨之不見其後。書泰誓上。惟天地萬

物父母。



發明元者物之始。貞者物之終。亨利在終始之際。元上有貞。是迎之。不見首。貞下起元。是隨之。不見尾。天下無一物不本此四德者。非父母而何。

愚按此節大意。明元亨利貞。及大哉乾元。萬物資始之義也。○四德循環。非有終始。可分乾元資始之云。特推萬物所由本而言之。此推本二字之義。上下兩層分意也。然四德循環。方能父母萬物。此然後二字之義。上下兩層合意也。二說相須。其義始備。○推本而言。正明乾元資始之辭。象以元亨利貞並言。而傳但言大哉乾元。蓋因言萬物資始。故推其本而言耳。上節明四德。此並及資始之詞。下節專言資始。資生此。

大易

三

三節相承之序也。舊說多未了然。

象明萬物資始。故不得不以元配乾。坤其偶也。故不得不以元配坤。

微引易乾卦象大哉乾元。萬物資始。坤卦象至哉坤元。萬物資生。

補注釋乾元資始。坤元資生之意。

發明乾傳四德。缺一非乾。象因明資始。故止以元配乾。坤資生為乾之偶。故以元配坤。

李注乾始萬物。而元尤始之始也。坤雖代乾有終。然順天時行。始則偕始矣。故曰乾元。又曰坤元也。

仁統天下之善。禮嘉天下之會。義公天下之利。信一天下之動。

微引易乾卦文言曰。元者善之長也。亨者嘉之會也。利者義之和也。貞者事之幹也。君子休仁足以長人。嘉會足以合利。利物足以合義。貞固足以幹事。一動見上節。

補注釋文言元者善之長。四句之意。○董氏發微曰。仁義禮智皆善也。而仁為之長。故曰仁統天下之善。禮則動容周旋無不中。故曰禮嘉天下之會。義以制事。使天下之物各得其利。不狃乎私。故曰義公天下之利。知正之所在而固守之。信也。即貞也。故曰信一天下之動。

愚按本義於嘉之會。則云嘉美之會也。於嘉會足以合利。則

大易

喬

口嘉其所會。朱子又謂會為會聚。齊集之意。言三千三百。許多嘉美。一時闢湊到此。便動容周旋無不中。禮。玩張子語意。似以行禮時相會接處。言與嘉其所會意同。與嘉美之會則異。

六爻擬議。各正性命。故乾德旁通。不失太和。而利且貞也。

微引易乾卦象乾道變化。各正性命。保合太和。乃利貞。文言六爻發輝旁通情也。上傳之八章擬議以成其變化。

集解此解乾卦象傳而非其本旨。

集解六爻擬議。如乾初爻則為潛龍。二為見龍。五為飛龍。上九為亢龍。此擬議而位之也。

發明各正性命。是各得其所以當然之理。旁通只是乾德流貫。六爻之內。意太和即資始之理也。惟不失太和。故利貞貞下。復起元若始如此。終不如此。何以為利貞。而元亨亦息矣。各正。保合。易俱指萬物言。張子則正性命指六爻。不失太和。指乾德。蓋非乾德。則六爻不能正性命。非六爻正性命。則乾德利貞亦不可見。

愚按此以六爻之各正。處見乾德之流通。以乾德為至。蓋乾之六爻。本乾元之德。而分見者也。聖人畫卦繫爻。所以擬議而位之者。或潛或見。或飛或躍。一爻一義。各正其性命。以自全。故乾德之周流於六爻中者。有以不失其太和。資始之

大易

至

理。而利且貞。為以成其終也。易本以乾道變化。各正保合。為天道之利貞。而以首出庶物二語。為聖人之利貞。各正保合。皆就萬物已成形後。不相妨害處言。張子雖與易異。肯然各正。亦以六爻成象。不相假借者言之。意異而理同也。類氏求龍德正中。而未見其止。故擇中庸得一善。則拳拳服膺。數夫子之忽焉前後也。

微引易乾卦九二文言。龍德而正中者也。本義。正中不潛而未躍之時也。補訓。此與下數節承上文六爻。而明其義。此言九二爻。集解。正中以聖德之極。言與易肯不同。止即龍德正中也。

高注。擇中庸得一善。則拳拳服膺。求龍德之正中也。歎夫子之忽焉前後。則未見其止矣。

愚按此節以下。言九二九五。以孔頴為說。常與中正篇前十節參看。蓋朱子言六龍。各自為說。內卦以德學言。外卦以時位言。張子看六龍。有一層進一層之義。皆兼德位言。故以頴子為大人。孔子為聖人。頴子為見龍。而不安孔子為飛龍也。宋子銳臣云。忽焉前後。即中正篇所謂中道不可識者也。三十篇。頴子龍德而隱者也。以位言。龍德聖修之極也。以德言。大抵張子看乾卦六爻。皆作此解。而其意尤重在德耳。此篇明九二爻。以德言。後以庸言庸行節申之。

大易

至

乾三四位。過中重剛。庸言庸行。不足以濟之。雖大人之盛。有所不安。外趨變化。內正性命。故其危其疑。艱於見德者。時不得舍也。九五大入化矣。天德位矣。成性聖矣。故既曰利見大人。又曰聖人作而萬物覩。元龍以位。實為言。若聖人則不失其正。何亢之有。微引易乾九二文言。庸言之信。庸行之謹。又云。見龍在田。時舍也。九三爻。君子終日乾乾。夕惕若厲。无咎。文言。重剛而不中。本義。重剛謂陽爻陽位。九四爻。或躍在淵。无咎。文言。或之者。疑之也。九五爻。飛龍在天。利見大人。文言。飛龍在天。乃位乎天德。又云。聖人作而萬物覩。上六爻。亢龍有悔。文言。知進退存亡而不失其正者。其惟聖人乎。

補訓上節言二爻此言三四五上爻。乾三四爻位過中重剛與二爻不同二之庸言庸行不足以濟三四之事雖以大人之盛德處三時亦有不妥故須外趨時而變化其用內以進德修業正其性命之理三之行事四之自誠皆趨變化也三四皆言進德修業內正性命也危以厲无咎厲字言疑以或之者疑之也疑字言時不得舍足見德之意蓋不能見德則不見德可耳何必致其艱而必欲見之以其時與二不同不得舍藏故必艱於見德也九五大人化矣化則聖故云天德位成性聖文言位字本以君位言張子以位為到天德地位天德位則成性自然而聖人矣亢龍以爻之位盡為言至於極而亢也若聖人處此

大易

五

則不失其正何至於元李注九二有中正之德蓋大人也然猶為時舍如顏子之居陋巷則修其庸言庸行足矣三四以到居重卦之位而不中危疑之地也正性命趨變化非庸言庸行所能盡故乾以修其德而又難於見德是其為大人同而時之舍不舍不同也周公伊尹之位是已九五雖曰大人而化而達於天德以成性矣德與時位參合堯舜其人也以時則有亢聖人處之則無亢自堯舜湯武以至周公孔子之所處皆是也

愚按易重剛本言九三此過中重剛大概熟三四言之其危其疑艱於見德連看惟其所處之地當趨變化正性命而不

得守其常故必危矣自惕難必見其德蓋時不得舍故也時不得舍猶言時不得藏利見二句見大人不足盡之故又曰聖人不重利見作賄意聖人用中之極不龜而中有大之極不為其大大人望之所謂絕塵而奔峻極於天不可階而升者也微引易乾九五飛龍在天利見大人。莊子田子方篇顏淵曰夫子奔逸絕塵而回瞠若乎後矣補訓此明九五飛龍在天利見大人之意易本謂大人在位如飛龍之在天而人皆利見之張子謂聖人德極於天大人望之而不可及與本旨不同。用其中至於極不待勉而自中有其

大易

五

大至於極不待為而自大中如字不依中庸作去聲讀絕塵奔之速而其塵不可見也大人之望聖人聖人如絕塵而奔其高峻極於天而大人不可階而升也乾之六爻位不同而處之因以不同非人品有高下張子分大人聖人似有隔礙補注聖人指九五而言大人指九二

愚按此以絕塵而奔峻極於天為飛龍在天之辭而以九二大人相形言之此大人自以九二言非利見之大人也上節九五大人化矣意自明明。篇內論九五者凡五此篇論九五爻辭後至健篇申此節之意皆以德言乾之九五節並明象傳大人造也文言位乎天德之意成性節以九二明九五

大而得易簡中成性節之意皆重在德。宋子銳臣云此大人即指顏子故引莊子語顏子之言。

乾之九五曰飛龍在天利見大人乃大人造位天德成性濟聖者耳若夫受命首出則所性不存焉故不曰位乎若位而曰位乎天德不曰大人君矣而曰大人造也。

微引易乾卦九五爻飛龍在天利見大人。象傳飛龍在天大人造也。本義造猶作也。九五文言飛龍在天乃位乎天德本義天德即天位蓋惟有是德乃宜居是位象傳首出庶物。

潛室陳氏曰橫渠此說不要作得時位大人看要作孔子看。所謂君有君用臣有臣用聖人有聖人用學者有學者用此善學。

大易

九

易者若指為堯舜湯武則不識易矣。

補訓此亦明九五之意乃大人二句見九五大人是言德若夫以下辨其非言位與易本旨不同。象傳大人造也文言位乎

天德張子合作一處云大人造位天德謂大人造於位天德成性而濟於聖即上成性聖矣之意受天之命首出庶物以君位言大人所性不在乎是故易不曰位乎若位而曰位乎天德主德言也不曰大人君矣而曰大人造也主德造其極言也。

愚按位天德連讀造首至於是之謂也後言造而位天德者至其極之謂也高注位已造聖人之德非語氣。

庸言庸行蓋天下經德達道大人之德施於是者溥矣天下之文

明於是者著矣然非窮變化之神以時措之宜則或陷於非礼之禮非義之義此顏子所以求龍德正中乾乾進德思慮其極未敢以方體之常安吾止也。

微引易乾九二象傳見龍在田德施普也九二文言庸言之信庸行之謹又云見龍在田天下文明九三爻君子終日乾文言君子進德修業。

補訓此釋文言二爻以中類民求龍德正中之意。是字承庸言庸行乾三進德借三爻言二爻。

高注庸言庸行此守經也方體之常也德施普者即此庸言庸行之德及於庶物也天下文明者即此庸言庸行之化被於天

大易

辛

下也然非窮變化之神以時措之宜亦未為達權之聖人安知不陷於非礼之礼非義之義此顏子所以乾三進德未敢以守經之宜自安而止之也。

華注此言大人必達到聖人而後為至也庸言庸言之謹信亦既足以表見于天下矣而非達權通變則所謂守之非化之者尚不能無毫釐之差顏子所以不肯止也。

愚按方體之常似以卓爾時言蓋對高堅前後無方體者言也然只是守非是化故不安於是而自止補訓即以瞻前忽後為下以方體而安所止之解未確。

惟君子為能時消息順性命躬天德而誠行之也精義時措故

能保合太和健利且貞孟子所謂始終條理集大成於聖智者與  
易曰大明終始六位時成時乘六龍以御天乾道變化各正性命  
保合太和乃利貞其此之謂乎

微引易乾卦象傳大明終始六位時成時乘六龍以御天乾道  
變化各正性命保合太和乃利貞  
補訓消息猶言進退君子能與時消息順性命之理身體天德

大易

三

而誠篤以行之又能精義入神時措成宜保合太和而不失行  
健而利且貞孟子集大成始終聖智之事與此相合故引之與  
時消息順性命躬天德而誠行之即易大明數句之意精義時  
措保合太和健利且貞即易乾道變化數句之意

愚按首四句為一段與時句屬知順性命三句屬行此釋易  
大明終始四句精義時措三句為一段精義時措知行對言  
保合利貞合承上句此釋易乾道變化四句終始聖智又承  
上二段知行意而引孟子以証之易本義大明四句言聖人  
之元亨乾道四句言天道之利貞兩不相貫依張子則下四  
句亦以君子言上君子休乾道之變化以制事使各正其性

命故能保合太和而利且貞也此節各家之說不同以與  
時消息貼乾道變化順性命貼各正性命者集釋與補注之  
說也以終始聖智貼大明終始者補注與高注之說也其說  
皆雜而無序以大明終始時乘六龍貼精義時措為始條理  
智之事以保合太和健利且貞為終條理聖之事者李注也  
以與時消息四句貼始條理智之事以精義四句貼終條理  
聖之事者補訓也其說亦分配未確竊意與時消息即大明  
終始六位時成之意也從終始看出消息從時成看出與時  
順性命躬天德而誠行之即時乘六龍以御天之意也從六  
龍與天看出性命天德從乘與御看出順躬誠行精義時措

大易

三

即變化各正之意也從乾道變化看出精義從各正性命看  
出時措與時消息知也至於知之至而義精矣順性命躬天  
德行之至於行之熟而時措成宜矣知者始條理之智也行  
者終條理之聖也保合利貞者大成之集也如此方於節次  
分貼處皆合又補訓謂此節承上節頤子思處其極而言有  
會於易遂以易証之竊謂篇內皆釋易此亦先舉易義而後  
舉其辭蓋釋書之一休耳上節頤子思處其極就二五爻言  
此自明象傳亦難相承為說也

成性則躋聖而位天德乾九二正位於內卦之中有君德矣而非  
上治也九五言上治者言乎天之德聖人之性故捨曰君而謂之

大見大人德與位之皆造也。

微引易乾卦九二文言見龍在田利見大人君德也九五文言飛龍在天治也本義君上以治下文言又云飛龍在天乃位乎天德彖傳大人造也。補訓此節申明九五而以九二相形非並論二五也。○成性句直以九五說起前云大人造位天德成性躋聖此合言之謂成性則躋聖而位乎天德矣德與位二字乃實指若位言。華注九二非特其位之未尊也大人而未至於聖人則德猶未至於天故曰非上治九五非特其位之已極也大人即聖人則德已位乎天故不曰位乎天位而曰位乎天德。

大易

空

李注此解上治上字為最上無以復加之意不指位言。

愚按易每卦以下三畫為內卦九二居內卦上下畫之中故口內卦之中此節大肯重德補訓欲重位言玩起句不反位則重德為允。

大而得易簡之理當成位乎天地之中時舍而不受命乾九二有焉及夫化而聖矣造而位天德矣則富貴不足以言之。

微引易上傳之一章易簡而天下之理得矣天下之理得而成位乎天地之中矣乾卦九二文言見龍在田時舍也九五彖傳飛龍在天大人造也文言乃位乎天德。補訓此亦以九二形九五申上文德與位皆造之意也。○大而

得易簡之理二句。總言以引起九二九五成位以君位言。

華注九二當成位而不受命九五雖已受命成位而聖造天德則富貴之位又不足言也。

樂則行之憂則違之主於求吾志而已無所求於外故善世博化德德而見者也若潛而不見則為己而已夫大人者也。

微引易乾卦初九文言樂則行之憂則違之九二爻見龍在田文言善世而不伐德博而化。

補訓此明初九文言憂樂二句之意而九二相形非並論初九也樂則行之至求於外哉位乎天德二句成位若潛而未見至求應上意為己即求志未暇及人即求於外。

大易

空

華注樂行憂違即用舍行藏也初九是憂則違之者。

成德為行德成自信則不疑所行日見乎外可也。

微引易乾初九文言君子以成德為行日可見之行也坤六三

不疑其所行也。

補訓釋文言君子以成德為行日可見之行也之意。

補訓君子以成德為其行德既成而能自信則不疑其行而日見於外可也易有行而未成一轉以足勿用意此則未及。

愚按易成德為行二句泛言其理下潛之為言也四句方言初九此亦但釋首二句意非謂初九如此也成德者道德行名功業也。

乾九三修辭立誠。非繼日待旦如周公。不足以終其業。九四以陽居陰。故曰在淵。能不忘於躍。乃可免咎。非為邪也。終其義也。

微引易乾九三文言修辭立誠。所以居業也。初四爻或躍在淵。无咎。九四文言上下無常。非為邪也。君子進德修業。欲及時也。本義內卦以德學言。外卦以時位言。進德修業。九三備矣。此則欲其及時而進也。

補訓此並釋九三九四文言之義。修辭立誠。易本非說周公。借周公以見其必勤如是。方可居業而有終。上字從居字生出。九四以陽居陰位。故取象於在淵。四當進退未定之時。輕進有咎。全不進亦有咎。不忘於躍而不遽躍。乃可免咎。

大易

五

發明終其義。終進德修業之義也。

愚按上四句言進修之功。下六句言仕進之時。而仕進之時。仍是終其進修之義也。易九四進德修業。以已然者言。欲及時而仕。此不忘於躍。亦重在仕。終義云者。德成而仕。乃進修者當然之義。九四之不忘於躍。非有干進之邪心。亦欲廣其德。大其業。以終其進修之義而已。集解以為行其義也之義。李注以為進退之義。補訓以為欲進之義。皆於終字少來應。

至健而易至順而簡。故其險其阻。不可階而升。不可勉而升。仲尼猶天。九五飛龍在天。其致一也。

微引易下傳之十二章。夫乾天下之至健也。德行恒易以知險。夫坤天下之至順也。德行恒簡以知阻。乾九五。飛龍在天。華注聖人之於道。純亦不已。而從容中道。所謂至健而易也。易於愈不可測。險莫險如此矣。聖人之於道。安土敦仁而一理。泛應所謂至順而簡也。簡故愈不可到。阻莫阻於此矣。此仲尼所以不可階而升也。

李注此以險阻為聖德高堅之象。亦借言耳。

補訓意重下截。見仲尼由飛龍在天也。健順險阻。是引起語。

愚按此節大意。亦明乾九五爻之義也。與前聖人用中之極節。意同。上五句。借繫辭以明聖人同天之實。不重繫辭。下三

大易

六

句以語簡。猶天與易飛龍在天。相陪言之。見其理之一。亦不以易與論語平重。易本言聖人具乾坤之德者。能知天下

之險阻。此則言聖人健順之德。至險阻也。不可階。二句。提承險阻。補訓以不可階而升。貼險。不可勉而升。貼阻。似未確。

坤至柔而动也剛。乃積大勢成而然也。

微引易坤卦文言。坤至柔而动也剛。

補注釋坤卦文言。

高注。坤者地之所以為地也。積大成勢。故坤元體雖柔順。而生物發用。則剛而動也。

愚按積大勢成。即中庸博厚二字。指地之大体而言也。

乾至健無體為感速故易知坤至順不煩其施普故簡能  
微引易上傳之一章乾以易知坤以簡能本義知猶主也乾健  
而動即其所知便能始物而無所難故以為易而知大始坤順  
而靜凡其所能皆從乎陽而不自作故以為簡而能成物  
補訓釋乾以易知坤以簡能之義重在易簡二字上而不詳  
知大始能成物  
高注虛中卷曰無體者圓神不滯感速者一氣所感頃刻不留  
故曰乾知大始乾以易知不煩者無造始之勞施普者承天之  
功隨物成就故曰坤作成物坤以簡能  
愚按此節蓋以無體貼易感速貼知不煩貼簡施普貼能也

大易

卷一

知字或不作主字解  
坤先迷不知所從故失道後能順應則得其常矣  
微引易坤卦彖先迷後得主迷失道後順得常  
補注釋坤卦彖先迷失道後順得常之意  
集解陽先陰後其常分也坤陰也先則越其常分非所能辨也  
必迷惑而不知所從故失道失道者行不中事幾也居乎後而  
順應乎陽則倡之者陽我得所持以為安矣故為得其常而有  
利  
造化之功發乎動畢達乎順形諸明養諸容載遂乎說潤勝乎健  
不賈乎勞終始乎止

微引易說卦之五章帝出乎震齊乎巽相見乎離致役乎坤  
言乎兌戰乎乾勞乎坎成言乎艮本義邵子曰此卦位文王所  
定所謂後天之學也說卦又云離也者明也又云坤者地也萬  
物皆致養焉又云兌正秋也萬物之所說也又云艮東南之卦  
也萬物之所成終而成始也  
補訓此即說卦而少變其文以明其義○易言帝此言造化之  
功即帝之所主宰也易言出乎震此言發乎動震也發即出  
也易言齊乎巽此言畢達乎順巽也畢達即齊也易言相見  
乎離此言形諸明形見為離明也易言致役乎坤此言養諸容  
載坤能容載萬物皆致養焉易言說言乎兌此言遂乎悅潤悅

大易

卷一

故遂也易言戰乎乾此言勝乎健上乾也因戰而勝也易言勞  
乎坎此言不賈乎勞其勞為無盡也易言成言乎艮此言終始  
乎止艮也有始有終故成也  
發明發乎動者萬物萌芽發露也時為春畢達乎順時為夏  
之交形諸明者物形既盛明白相見也時為夏養諸容載時為  
夏秋之交遂乎悅潤者物各遂其充足之性故說也時為秋勝  
乎健者自巽至兌皆陰卦忽與乾遇陰凝於陽必戰然陽氣無  
間可息故勝也時為秋冬之交不賈乎勞萬物歸藏於內而休  
息也時為冬終始乎止者陽氣至此物之所成終而成始也時  
為冬春之交



愚按易言勞者慰勞休息之義。張子意似少異。

健動陷止剛之象。順麗入悅柔之體。

微引易說卦之七章。乾健也。坤順也。震動也。巽入也。坎陷也。離麗也。艮止也。兌說也。本義此言八卦之性情。

華注此以卦之性情明其到柔。

補訓乾純陽震坎艮皆一陽之卦。為到坤純陰。巽離兌皆一陰之卦。為柔到言象。柔言休。大聚之詞。無深意。

愚按此節諸家多照乾坤六子分別柔然動作陷沒止息皆有果決自主之義。與健俱為到附麗欣悅深入皆有俯從順人之義。與順俱為柔。蓋以八卦之性情分別柔也。但以陽卦

大易

元

陰卦為說恐失之淺。

巽為木。萌於下。滋於上。為繩直。順以達也。為工。巧且順也。為白。所遇而從也。為長。為高。木之性也。為臭。風也。入也。於人為寡髮廣顙。躁人之象也。

微引易說卦之十一章。巽為木。為風。為長女。為繩直。為工。為白。為長。為高。為進退。為不果。為寡。其於人也。為寡髮。為廣顙。為多白眼。為近利市三倍。其究為躁卦。

補訓說卦與為木節。張子釋其意有畧之者。以其可不用解也。○一陰萌於下。二陽滋於上。下乘其根。上象其枝幹。木之義取於繩直。如匠之繩墨。繩柔順。以直物而能達也。髮屬陰。乃血之

餘二陽在上。一陰在下。陽勝於上。故為寡髮。陽勝於上。又即為廣顙。易本言躁卦。此言躁人之象。謂躁亦是以人事言也。

集解巽漸也。萌於下。漸長於上。為木之象也。與順也。以繩直物。

順而無礙也。巽又入也。思之深入為巧。工人性之巧。且能順木之大小曲直而成器者也。與從也。白則隨所遇而皆能從之。由拱把而合抱。由合抱而參天。木之性長且高也。故巽為木。又因

而廣其象為長。為高。與風之類。而善入者也。故巽為風。為入。因

而廣其象為寡髮。廣顙皆上盛陽也。蓋陰血盛者髮多。陽氣盛者髮少。陽休勝者顙闊。陰休勝者顙狹也。為躁者變之極。為

震。為決躁也。故曰其究為躁卦。髮顙以人之休言。躁亦以人之

大易

半

之性言。故曰人之象。

華注卦中所配之物。亦約畧其象而已。非有一定不易之深理。然亦可見卦爻之象。於天下之物。無所不包。故聖人畫八卦而天下之象。數包括無遺。固不待說卦傳所舉之物而已。

愚按卦之取象。或以象。或以義。如木其象也。繩直工白則其義也。長高又因木之象而取義也。臭又因風之象而取義也。寡髮廣顙又即人而取其象以配之也。躁則取其象之變以

為義也。皆不外象與義。

坎為血。其周流而勢血之象也。為赤。其色也。

微引易說卦之十一章。坎為水。為血。卦為赤。

補訓此釋坎為水節。節。血。赤。二。分。餘。皆。累。之。○坎為水。血。亦。水。之。故。坎。為。血。卦。周。流。於。人。之。身。而。動。勞。不。息。血。之。象。也。其。字。照。血。言。血。色。赤。也。

愚按此勞字與勞乎坎作休息慰勞之義者不同。前不置乎勞疑亦此解。

離為乾卦於木為科上稿附且躁也。

微引易說卦之十一章離為火節為乾卦其於木也為科上稿。

本義乾音干。

補訓此釋離為火節乾卦科上稿二句躁當作燥。

發明節齊蔡氏曰火燥燥故為乾卦離中虛故於木為科上稿。

大易

七

看來附麗之義指木言火燥之義指乾言。

愚按易舊說科空也木中空而上枯槁也諸家則訓科為鳥巢之窠。槁為巢上之槁枝以附且躁為解科上稿句竊謂數節中皆句為之解此節不應畧為乾卦而常解科上稿發明照舊說似理長。

民為小石堅難入也為徑路通或寡也。

微引易說卦之十一章民為山為徑路為小石。

補注釋說卦民為山節通或寡難通而行之者或寡。

高注為小石者則在坤上為徑路者二陰開於下一陽阻於上。

故曰通或寡震二陰在上而無阻之者則為大途矣。

故曰通或寡震二陰在上而無阻之者則為大途矣。

李注難入寡途皆止之義。

愚按民之為山固也然一陽在外則堅故為石。剛在坤上則地上之石堅而難入者故為小石也。二陰開於下故為通。一陽阻於上則行者寡矣故為徑路也。須理會民之所以難入寡途處。

兌為附決內實則外附必決也為毀折物成則上系者必折也。

微引易說卦之十一章兌為澤節為毀折為附決。

補訓釋說卦兌為澤節徐氏曰系附於剛乃決系故曰附決。

決金氣始段徐氏實添故為毀折。

高注外附上系皆指一陰而言。

大易

七

補訓二陽在內木實而一陰附於外陽必決而去之物成從兌。

金秋今者出物到成實結果處則枝葉凋落故其上之系者必毀折也。

坤為文象色也為象容載廣也。

微引易說卦之十一章坤為地節為文為象。

補注釋說卦坤為地節。

高注書為為象色上相雜故文虛容為載廣故象。

乾為大赤。正色為米健極而寒甚也。

微引說卦之十一章乾為天節為寒為水為大赤。

補注釋說卦乾為天節。胡氏曰乾為天而實圓時故在秋冬。

為寒為冰在又為六卦

高注大赤純陽之正色陽極而陰生故曰健極而寒甚

愚按乾卦後天位在西北為冬故為寒甚則凝而成冰矣  
健極即乾之性與冰之休而合言之也若云陽極陰生似不  
應即說到寒甚

震為蒼莖為蒼莖竹為莖皆蒼鮮也

微引易說卦之十一章震為雷節為莖為蒼莖竹為蒼莖其宛  
為健為蒼鮮

補注釋說卦震為雷節

高注蒼莖也蒼莖莖也蒼深青色莖謂色之美蓋竹之筠也

大易

三

粵花蒂下連而上分者

發明三者皆下木實而上幹虛取震一陽在下二陰在上之象  
補訓皆蒼鮮言上一者皆蒼鮮而鮮美易本分言其合言之震  
為春今不特取物象而於時亦當蒼鮮

愚按色必言青者東方之色也引本大而无釋語與前數節

異意以蒼鮮句連化易辭以為之解數

陷溺而不得出為坎一附麗而不能去為離

微引易坎卦本義坎險陷也其象為水陽陷陰中外虛而中實  
也離卦本義離麗也陰麗於陽其象為火休陰而用陽也

補注釋坎離二卦之名義程子曰凡陽在中者為陷之象陰在

中者為麗之象

愚按一者陽也即坎之中一畫離之上下二畫也參兩篇陽  
陷於陰為水附於陰為火與此互相發

艮一陽為主於兩陰之上各得其位而其勢止也易言光明者多  
艮之象皆則明之義也

微引易艮卦本義艮止也一陽止於二陰之上陽自下升極上  
而止也

於艮亦以輝光言之  
補注釋艮卦休及象象

補訓艮止於上更無可去故其勢止陽著見於外則光明借

大易

七

中庸語以誠之

高注陰陽得位其分自安而止

華注上下之分定斯治道光明矣

愚按其勢止之義無高注補訓二說乃備華注以治道言之

七言說易學者宜具此識

蒙無意亨之理由九二循行時中之亨也

微引易蒙卦彖傳蒙亨以亨行時中也本義九二以可亨之道  
發人之蒙而又得其時之中

張子語錄時中之義甚大蒙亨以亨行時中也蒙何以有亨以  
九二之亨行蒙者之時中此所以蒙時亨也蒙無意亨之理以

九二循行時中之亨也。蒙卦之義主者在九二象之所論。皆二之義教者。但只看蒙者時之所及。則道之是以亨行時中。也。此時也。正所謂如時雨化之。若既引之中道而不使之通。教者之過也。當時而引之。使不失其正。此教者之功也。蒙以養正。聖功也。是養其蒙以正聖人之功也。  
補注釋蒙卦象辭之意。  
補訓信論語循上善誘以見發蒙之善。本義以亨行稍斷。與此異。  
愚按此言時中之亨。玩語錄。是謂以時而引之中道。以使之通也。舊皆以時中屬九二未是。

大易

五

不終日貞吉。言疾正則吉也。仲尼以六二以陰居陰。獨然累於四。故其介如石。雖體柔順。以其在中而靜。何俟終日。必知幾而正矣。微引易豫卦六二爻介於石。不終日貞吉。象曰以中正也。本義豫雖主柔然易以溺人。獨此爻中而得正是上下皆溺於豫而獨能以中正自守其介如石也。故其思慮明審不俟終日而見凡事之幾微。下傳之五章君子見幾而作不俟終日。  
集解此解豫之六二。  
焦解九二陽也。居大臣之位。而天下由之以蒙者。勢位薰灼足。以動人。故人皆累焉。六二爻位皆陰。則異於四。為無所累而挺然特立。言其介如石。知幾而正。

補訓疾速也。從不終日看。出豫之九四為衆陰所附。二以陰居陰。獨不為四所動。脫然無累。雖其休陰而柔順。然在中而能安靜。故能早知幾而得其正也。象出周公象傳出孔子。此云仲尼亦大概之詞。  
愚按首二句提起下申明之。以陰居陰。無累於四。正見其介如石。而以正自守也。在中而靜。即無累於四之實。何俟終日。即疾之意。知幾又以繫辭見幾而作。足正之義。  
坎維心亨。故行有尚。外雖積陰。若處之心亨不疑。則雖難必濟。而往有功也。  
微引易坎卦象習坎有孚。維心亨。行有尚。本義此卦上下皆坎。

大易

五

是為重險。中實為有孚。心亨之象。以是而行。必有功矣。張子語錄與此同。而其後又益教語曰。今水險萬仞之山。要下即下。無復凝滯。險在前。惟知有義理而已。則復何迴避。所以心通。  
補注釋習坎有孚。維心亨。行有尚之意。  
補訓維心亨。故行有尚。以故字跌出。維字口氣外。雖積陰外。以境言。對心看。不疑貼心。亨往貼行。功貼尚。凡遇險而心內惶惑。最害事。處之泰然。心自先亨。可有功矣。  
中孚上巽施之下。說承之。其中必有感化而出焉者。蓋孚者覆乳之象。有必生之理。

故引易中孚卦本義孚信也象傳說而與孚乃化邦也  
補訓上與以施之下說以承之是釋說而與向其中必有感化  
而出焉者是釋孚乃化邦句感化以邦之人言出猶言起謂必  
有感化者出焉集解出於義理非語氣下訓孚字之意孚從爪  
從子以爪覆蓋卵之象有必生之理取信意  
愚按此節大意解中孚象詞而又以中孚申明卦德也○易  
說上下交孚指君與本國臣民化邦清天下之人其以化邦  
為化本國之人則下宜以臣言字書為之孚卵皆如其期故  
曰至為抱子恒以爪反覆其卵故從爪雖上言卦德下明  
字義然孚之必生與感之必化其意一耳○宋子鏡臣云母

大易

七

之爪即上與施之也子之卵即下悅承之也玩一蓋字實並  
下相承一意  
物因雷動雷動不妄則物亦不妄故曰物與无妄  
微引易无妄象曰天下雷行物與无妄本義天下雷行震動發  
生萬物各正其性命是物以而與之以无妄也  
補注釋无妄象辭  
補訓上動字以物言下動字以雷言雷以實理而動物以實理  
而生皆无妄也物因雷動而生是雷與之以无妄也  
愚按物指草木昆蟲之類雷者行天之令以動物者也○不曰  
天而曰雷者天命流行無所不在而雷之驚蟄藏振萌芽

為最神是物之不妄者皆雷與之也不妄者本乎實理而不  
妄妄之謂  
靜之動也無休息之期故地雷為卦言反又言復終則有始循環  
無窮人指其化而裁之耳深其反也幾其復也故曰反復其道又  
曰出入無疾  
微引見復卦象復亨出入無疾朋來无咎反復其道七日來復  
上傳之十二章化而裁之謂之變十章惟深也故能通天下之  
志惟幾也故能成天下之務恒卦彖終則有始也  
補訓此深復卦象詞又復其道之語而帶出入無疾言之○易  
出入無疾言在己之一出一入皆無疾病張子不以人言作反

大易

六

復其道○例看言入而反出而復皆以道而无咎也  
集解反從也靜也終也復來也動也始也終則有始以下又申  
解所以言反復之意言始終循環混上流行而無窮此天地自  
然之化也人則指其化而裁制之耳靜而深微萬化無形乃其  
反也動而有幾萬化萌焉乃其復也動靜相因固未有終而不  
始反而不復者故復卦詞曰反復其道又曰出入无疾出即復  
入即反也  
愚按此宜分三段首四句提起終則有始三句中明此意以  
上皆明反復其道深其反也以下皆明出入无疾終即反始  
即復也終始之化無窮所謂反復者裁之自人耳其實則固

無休息也。深幾以下重。無疾也。益又必反。復自然之妙。理之深而無形者。其反之無疾也。幾而有兆者。其復之無疾也。故言反覆而又曰出入無疾也。

益長裕而不改。益以實也。要加以不誠之益。非益也。

微引易益卦象風雷益。君子以見善則遷。有過則改。下傳之七。益長裕而不改。

補訓此解九卦中益長裕而不改一語。長裕不改者。漸長而至充盈。不必改意為之也。定下遷善改過。功夫則有益。若有心求益。無實功。則為不誠之益。豈能益乎。以實則長裕。不誠則為改。而孟子云助長也。

大易

元

井渫而不食。強施行。惻然且不售。作易片之嘆。

微引易井卦九三爻。井渫不食。為我惻惻。木義渫不汙。汙也。九三以陽居陽。在下之上。而未為時用。故其象占如此。象曰。井渫不食。行側也。未言行道之人。皆以為惻。

補注釋井卦九三爻辭。

發明井渫而不食。如人有才智而不見用。勉強設施。致行道之人。皆為心惻。蓋惻者。不過而天下不榮其福也。然而卒不見售。明王之難遇如此。

華注史記以原當之。亦足發明其意。

閨戶靜。家戶動。連也。形開而日暗。耳聞受於陽也。

微引易上傳之十一章。閨戶謂之坤。開戶謂之乾。補訓此解易閨戶開戶而推及於人之寤寐也。○閨戶靜而家。

閨戶動而達。寤寐者。嚴密無罅漏之意。達者。通達無壅滯之意。閨戶為陰。開戶為陽。人之形開而日有所睹。耳有所聞。受乾陽之氣而然也。

書法形開而日睹耳聞。此人身開戶之象也。

愚按天地一氣流行。時而靜。如戶斯開。屬乎陰。而謂之坤。時而動。發如戶斯開。屬乎陽。而謂之乾。冬春晝夜皆是也。動物福以人之息言之。此以人之寤寐言之。義皆精妙。可相參看。

大易

今

辭各指其所之。聖人之情也。指之以趨時盡利。順性命之理。臻三極之道也。能從之。則不陷於凶悔矣。所謂變動以利言者也。然又有攻取愛惡。本情素動。因生吉凶悔吝。而不可變者。乃所謂吉凶以情遷者也。能深存繫辭所命。則二者之動見矣。又有義命當吉。當凶。當否。當亨者。聖人不使避凶趨吉。一以貞勝而不顧如大人。不孚有順。自天過漆。滅頂凶。允咎。損益龜不克違。及其命亂也之類。三者情與不可不察。

微引易上傳之三章。辭也者。各指其所之。下傳之一章。聖人之情見乎辭。又云。變通者。趨時者也。上傳之十二章。變而通之以盡利。說卦之二章。將以順性命之理。上傳之二章。六爻之動。三。

極之道也。下傳之十二章。變動以利言。吉凶以情遷。是故愛惡相攻而吉凶生。遠近相取而悔吝生。一章吉凶者貞勝者也。否卦六二爻。大人否亨。本義大人當安守其否。而後道亨也。姤九五爻。有順自天。大過上六爻。過涉滅頂。凶无咎。本義蓋殺身成仁之事。損六五爻。益六二爻。皆云或益之。十朋之龜。弗克違。損本義。兩龜為朋。十朋之龜。大寶也。或以此益之。而不能辭其吉。可知。泰卦上六爻。象曰城復於隍。其命幾也。補訓此節言辭由於情易之情。異不可徒泥其辭也。首二句提說指之以趨時。至以利言者也。當變動者也。然又有攻取。至以情遷者也。言不可輕於任情之動也。能深存二句。提收上二

大易

二

段言。當趨避者也。又有義命至之類言。不使人趨避者也。末以三者情異。提收通節。凡易之辭。各指其所往。乃聖人之情所由見也。下接指所之說。指之以趨時。變而盡其利。順性命之理。臻於三極之道也。人能從其所指。則不至陷於凶悔。而果能趨時盡利矣。此正易所謂以利言者也。可見人當變動。以趨時盡利。然又有攻取愛惡之本情。本情素動。因生吉凶悔吝。而不可變者。乃易所謂吉凶以情遷者也。不可不慎於所動也。能深存聖人繫辭。所命則變動情動。二者之動。可見矣。二者之動。皆言趨避之方。又有義之當安命之已定。當吉當凶。當否當亨者。聖人不使人趨避。一以正理勝之。而不顧其凶吉。如大人否亨之類。

當說得一定。不使人趨避也。當順也。也。合言之三者之情異。學者不可不察也。繫辭所命。即上文指所之之辭。華注此章論繫辭之義。詳悉蓋聖人繫辭之義。有三。一是教人趨吉以避凶。猶云如是則吉。如是則凶。是凶可反而吉。吉可變而凶。所謂變動以利言也。一是指爻象之吉凶。因其吉而吉。因其凶而凶。乃不可變者。為卦之本情如是也。學者玩其占。亦可曉然於吉凶悔吝之情。形是二者皆賴人事為轉移。有不得法於命者。然亦有吉凶亨否一順乎天。不勝趨避正恐一趨避而反為私意。但當守正以聽之。合前二者。是有三條繫辭之法。學者不可不察。

大易

三

此解大人否亨。必身否而後道亨也。有順自天。休命自天。而降也。過涉滅頂。凶无咎。終身成仁。於義無咎也。或益之十朋之龜。弗克違。義可得當。不能違也。城復於隍。其命當亂。不可逃也。愚按易變動以利言。謂操著之初。陰陽老少之象未定。而著策之變動。乃推出趨避之利。以示人也。吉凶以情遷。謂求卦之後。吉凶消息之情既具。而易辭隨之以遷徙也。意不甚遠。張子看作為兩義。非本旨。又其命亂也。易本以命令言。政昏而否乃至也。張子作義數之命。亦與本旨異。因爻象之既動。明吉凶於未形。故曰爻象動乎內。吉凶見乎外。微引易下傳之一章。爻象動乎內。吉凶見乎外。本義內謂著卦

之中外謂其外

華注事有吉凶人未明也審乎爻象而可決矣是爻象可以明吉凶也

愚按此節大意釋爻象動乎內二語亦先疏其義而後舉其文

富有者大無外也日新者久無窮也

徵引易上傳之五章富有之謂大業日新之謂盛德一章可久則賢人之德大則賢人之業

補注即天道篇富有廣大日新悠久之意

愚按此節大意釋富有日新之義以天道言與天道篇言聖

大易

八三

人者精與朱子採其入本義

顯其聚也隱其散也顯且隱幽明所以存乎象聚且散推遷所以妙乎神

補訓此大極言易理非釋成語集釋作解顯仁藏用說不合

華注幽明以陰陽之對待者言推遷以陰陽之流行者言即兩故化一故神之意○惟推遷故有聚散而幽明之象因之

愚按首篇多以象與神言易如言象可見神不可見而曰見

此者謂之見易言聚散出入形不形之分而曰能推本所從來則深於易者也皆是此言氣之聚而顯者陽之謂即明也氣之散而隱者陰之謂即幽也隱而幽顯而明於聚散之

象見之而或聚或散推遷不窮者無非自然之妙理蓋神之

所為莫知其然而然也知此則易之理可識矣

變化進退之象云者進退之動也微必陰之於變化之著故察進退之理為難察變化之象為易

徵引易上傳之二章變化者進退之象也

補注釋大傳變化進退之象也之意

華注變化是言物象進退是言陰陽變化之著如草木之春榮秋枯進退之理其所以榮枯者也所以榮枯者然運潛孚人不能見故觀其象可以知其理焉

愚按易變化以卦爻之變言進退以造化人事之消長言張

大易

四

子所謂變化者以氣之流行而有迹者言進退則陰陽消長之不可見者也陰陽消長亦氣也與變化對則無形故曰進退之理

憂悔吝者存乎介欲觀易象之小疵宜存忘靜知所動之幾微也

徵引易上傳之三章憂悔吝者存乎介又云悔吝者言乎其小疵也本義介謂辨別之端蓋善惡已動而未形之時也於此憂

之則不至於悔吝矣

補訓釋憂悔吝者○悔未至於吉而猶有小疵者未至於凶而

已有小疵欲觀易象之小疵釋憂悔吝者宜存忘靜知所動之幾微釋存乎介忘靜猶云靜志也



華法悔吝未至大怨。每忽而不知。惟天下之靜者。乃有以觸其微。而悟其幾焉。

往之爲義。有已往。有方往。臨文者不可不察。

補訓此常明往字之義。已往或不可攬。方往尚有可圖。不可攬以爲往而忽之。高注如否泰之往。已往也。指卦之攸往。將往也。

大易卷之終

八五

樂器篇第十五

補訓首節釋樂記之文。因有樂器字。故以各篇首言樂。次節言樂章。樂章詩也。以下遂言詩。至漸漸之石。皆詩也。君子所貴。前偶及論語。苟造德以下至篇末。皆言書。得失相半。不盡可從。

愚按此篇凡三十七節。內釋詩者二十五章。釋書者七章。多用序說。與朱蔡傳注有迥不同者。當以張子之意。自存一家之言。舊多雜入朱蔡語。恐未合。

樂器有相。周召之治。與其有雅。太公之志乎。雅者正也。直己而行正也。故詆疾蹈厲者。太公之事耶。詩亦有雅。亦正言而直歌之。無隱賦諷諫之巧也。

樂器

微引。祀樂記。治亂以相。詆疾以雅。陳注。相拊鼓也。所以輔相於樂。治亂而使之理。詆亦治也。雅亦樂器也。過而失節。謂之疾。蔡此雅器。以治舞者之疾。樂記又云。發揚蹈厲。太公之志也。武乳皆坐。周召之治也。陳注。初舞時。發揚蹈地而猛厲。所以象太公威武。鷹揚之志也。武舞將終而坐。象周召文德之治。蓋以文而止武也。

張子經學理窟。祀樂篇。治亂以相。爲周召作。詆疾以雅。爲太公作。

李注。此張子會合樂記之語。以爲說。

樂解相謂之周召之治者。周召以文致太平。從容而舒徐。相則

節奏樂。樂使之從容。齊發而條理不紊。有文德之象也。雅斯以  
起舞者之節奏。使之執疾。蹈厲而不失其正。有直己行正之意。  
故曰雅。謂之太公之志者。太公威武。鷹揚以直正商之心也。  
補訓相雅。並言下只言雅。重在雅上。詩亦有雅。又因雅字及之。  
樂記治亂。既疾。泛論樂不干周召太公事。發揚蹈厲。方言太  
公。張子周召之治。太公之志。是想像言之。詩亦有雅。謂大雅小  
雅。又借以明雅訓正之意。

愚按集解。解說疾與蹈厲一例。與陳注異。似合張子四字連  
用之意。

象武。武王初有天下。象文王武功之舞。歌維清以奏之。自注。成大  
童學之大

樂書

二

武王沒。嗣王象武王之功之舞。歌武以奏之。自注。冠酌。周公沒  
者舞也。酌。三舞焉。  
嗣王以武王之功。由周公吉其成於宗廟之歌也。  
徵引詩周頌維清。集傳此亦祭文王之詩。武集傳大武周公象  
武王武功之舞。歌此詩以奏之。酌。集傳此亦頌武王之詩。酌。即  
以此詩為節而舞也。祀文王世子。下管象舞大武。陳注。象  
是文王之舞。維清乃象舞之樂歌。武則大武之樂歌也。內則十  
有三年。學樂誦詩舞。武童舞象二十而冠。舞大夏。  
張子理密。祀樂篇。周樂有象。有大武。有酌。象是武王為文王廟  
所作武功本於文王。武王德之。故武王歸功於文王。以作此樂。  
象文王也。大武必是武王既崩。國家所作之樂。奏之於武王之

廟。酌必是用公七年之後。制祀作樂時。於大武有增添也。故酌  
言告武大成也。其後必是酌以祀周公。

補訓此明象武太武酌三詩之義。象武或只云象。維清者周  
頌維清緝熙一節是也。大武者周頌於皇武王一節是也。酌者  
周頌於鑠王師一節是也。酌亦頌武王之詩。不及周公。或亦用  
以祀周公歟。

補注內則二十而冠。舞大夏。此云舞大武。未詳孰是。

與己之義。觀人之志。群而思無邪。怨而止禮義。入可事親。出可事  
君。但言君父。舉其重者也。

徵引毛詩序。變風發乎情。止乎禮義。

樂書

三

集解此解論語與親群怨章

補訓遺多識句。以其易明也。親謂因詩而觀見自己得失。張子  
云。觀人之志。稍異。

志至詩至。有象必可名。有名斯有體。故禮亦至焉。

徵引。祀孔子開居。何謂五至。孔子曰。志之所至。詩亦至焉。詩之  
所至。禮亦至焉。陳注。至極盛而無以復加也。

李注。此釋禮所謂五至之義也。

集解象猶言情狀也。各言也。詩言志。既見得態至。得其理之情  
狀而無所疑。必可以各其情狀。親切而有味矣。故志至則詩至。  
發於言而為詩者。既至則有名矣。然後能見之行事而有禮。

者。休也。親疎貴賤。各得其宜。故曰祀亦至。

愚按此與上章皆釋他書之言及詩者也。○象者得其情狀。猶云意也。名猶言也。心中有此意。必可言之。而為詩也。以意與言對。高注發明。實作形象之象。各字之名。故但以雕鳩之類為說。太泥。有此言。方可見之行。事而有體。故以為祀亦至。以言與行對。止以詩之著者言。華注欲兼刺惡。亦誤。

幽贊天地之道。非聖人而能哉。詩人謂后稷之穡。有相之道。贊化育之一端也。

樂器

四

補注。此引大雅。誕后稷之穡。二句。而贊其功用之大也。上以贊天地引起。舉后稷以實之。○天地之道。即謂化育相助。穡穡即是贊化育之一端。此節以詩為主。

禮。鑄寶求稱。或文或質。居物後而不可常也。他人才未美。故絢飾之以文。莊姜才甚美。乃更絢之用質。蓋下文繪事後素。素謂其材字雖同。而義施各異。故設色之工。材黃白必給以青赤。材赤黑必絢以粉素。

微引詩。衛風碩人篇。巧笑倩兮。美目盼兮。非傳莊姜美而無子。衛人為之賦頌人。○補訓此釋論語所引素以為絢之詩。而併及繪事後素之語。○

實謂本表實有者。釋即文質相稱。物字兼文質。或文居質之後。或質居文之後。但求其稱。不可執定先後以為常。下文是言文先質後者。而以他人形起莊姜上之素飾以素也。下之素其本也。末言設色之工。於材之黃白者。繪以青赤。先質後文也。材之赤黑者。絢以粉素。先文後質也。

愚按子夏所云。乃選詩。非頌人也。張子因二語偶同。而以莊姜為言。亦是別解。其看以素為絢。意如唐人詩。所謂却嫌脂粉汗。顏色淡。掃蛾眉。朝至暮。尊者也。素絢之素。謂質素對文。言繪素之素。謂本質無文。質言故曰義之所施各異。

陸降庭止。上下無常。非為邪也。進德修業。欲及時也。在帝左右。所

樂器

五

謂欲及時者與。

微引詩。周頌閔予小子篇。念茲皇祖。陟降庭止。大雅文王篇。文王陟降。在帝左右。○易乾卦九四文言。上下無常。非為邪也。君子進德修業。欲及時也。

華注以易釋詩。

李注。古注謂庭直也。文王上以事天。下以治民。以直道無私枉也。在察也。文王能察知天意。順而行之也。張子遂以上下無邪為陟降庭止之義。時時進修。為察帝則而順之以周旋也。

補訓陟降庭止。本言武王若見文王於在庭。張子却是合大雅在帝左右。看文王升降於帝庭。即易之上下無常。非為邪也。進

德修業。欲及時也之意。文王之陟降而在帝左右。正所謂欲及時而進修者。然天理不離身。即在帝左右。上言陟降庭止。下言在帝左右。一意合說。非分易四語為兩截。  
愚按陟降庭止。依李注。其說始通。以易上下釋詩陟降。以易非邪釋詩庭字。以詩在帝左右實庭止之事。而以易進修及時釋之也。然李注分作兩截。尚襲陳潛室舊說。竊意易四語連舉。似難分屬上下。張子既合二詩為言。當如補訓一意說為當。○語意云。詩言文王陟降庭止者。其即易上下無常。非為邪也。進德修業。欲及時也之義歟。蓋文王之陟而上降而下。皆以直而無邪者。欲其德業之及時而無怠也。即詩言文

樂器

六

王陟降。而云在帝左右。則察天理而不離。豈非所謂進修欲及時者歟。  
江沱之勝。以類行而欲喪朋。故無怨。猶以類行而不能喪其朋。故不以勝辭。數卒能自悔。得安貞之吉。乃終有慶。而其嘯也。徵引詩召南江有沱之章。江有沱之子歸。不我過。不我遇。其嘯也。徵集傳。勝有待年於國。而猶不與之偕行者。其後嫡被后妃夫人之化。乃悔而迎之。勝見江水而起興。○易坤卦象西南得朋。東北喪朋。安貞吉。彖傳西南得朋。乃與類行。東北終有慶。補注此以易卦象辭釋詩江有沱之意。

補訓江沱之勝。宜以類行。而不得行。似不能無怨。因其欲絕去私心。故能無怨。猶宜以類行。以勝辭。數因不能絕其私心。故不能以之。勝辭。然卒能自悔。得坤道安貞之吉。乃與類行。而終有慶。故謂之嘯也。歌。  
集釋勝從嫁之女也。類即勝也。  
發明易朋本即指類言。張子則以朋為自己比昵。其君之私意。愚按嘯者。悔極之聲。歌者。共處而相歡也。故以易之有慶。釋之。  
采芣耳。漢酒食。女子所以奉賓祭。厚君親者足矣。又思酌使臣之。及求賢官。王季文王之心。豈是過歟。

樂器

七

徵引詩周南卷耳篇。詩序后妃輔佐君子。求賢審官。知臣下之勳勞。內有進賢之志。而無險陂私謁之心。首章采芣耳。不盈。頗。嗟我懷人。寘彼周行。二章陟彼崔嵬。我馬虺隤。我姑酌彼金罍。維以不永懷。三章陟彼高岡。我馬玄黃。我姑酌彼兕觥。惟以不永傷。末章陟彼班矣。我馬瘠矣。我僕痡矣。云何吁矣。小雅思千篇。惟酒食是議。  
補訓此釋卷耳詩用小序之說。○首章毛傳。思君子。官賢人。置周之列位。二章鄭箋。我君也。臣出使功成而反。君當設燕饗之禮。與之飲食。以勞之。此采耳。即卷耳。可釀為茹。采耳。漢酒食。所以奉賓祭。厚君親者足矣。外釋首二句。又思酌使臣之勞。推

及求賢審官乃釋周行及二三節王季文王之心不是過深贊  
后妃之賢能事相夫

集釋采采耳酌以金罍觥酌者以為酌臣馬之瘠僕之痛  
者以為君求賢審官之勢故王季文王之心亦不是過

愚按此以采采耳四句釋詩采采耳二語以酌使臣句釋  
詩酌以金罍觥觥求賢審官未詳所指集釋謂指馬瘠僕瘠

以王季語氣按之詩詞節次以為甚合然下卷耳節又以云  
何吁為臣之怨若吁嗟玩王季語意豈以二三節之一二句

皆謂君之求賢審官二三節之不永懷永傷及末節之云何  
吁矣皆謂臣之不致怨若然

樂器

甘棠初能使民不忍去中能使民不忍傷卒能使民知心教而不  
責之以拜非善教浸明能取是於民哉

微引詩召南甘棠篇首章勿剪勿伐二章勿剪勿敗卒章勿剪  
勿拜集傳拜屈也

張子經學理虛自道篇家中有孔子真嘗欲置於左右對而坐  
又不可拜而禮祀皆不可無以為容思之不若卷而藏之尊其

道若召伯之甘棠始也勿伐及教益明於南國則至於不敢拜  
補注此言甘棠三章之意

集釋詩言勿拜勿屈折也張子則謂去伐也責之以拜拜教之  
也不可拜者惡責之也

補訓浸漸也善教浸明即禮所云布文王之政  
畢注所謂得民心者故云善教

愚按集傳謂召伯既去之後愛及其樹而反復言之張子則  
謂教愈明而教愈至三章有浸深非一時事也

振振勸使勉也歸哉歸哉序其情也

微引詩召南其雷篇振振君子歸哉歸哉  
補訓釋放其雷三章詩振振言其然信厚張子則謂勸勉其信

厚也末章言歸哉序其思君子之情望其歸也  
卷耳念臣下小勞則思小飲之大勞則思大飲之甚則知其怨若  
嗟嘆婦人能此則除波私謁害政之心知其無也

樂器

九

微引詩已見采采耳節

補訓卷耳即案耳一詩再言之  
發明小飲酌以金罍也大飲酌以兕觥也云何吁矣乃怨若嗟

嘆也陰波私謁盛君心而專寵者也專寵必害政者也  
李注此詩之義以為后妃為使臣作者朱子辨之詳矣

綱直如髮貧者紛繼無餘順其髮而直賴之耳

微引詩小雅都人士篇彼君子女綱直如髮○禮內則櫛縱箒  
總注縱無結髮者以縱髮作髻

補訓此解綱直如髮句以綱為賴○所以容髮賴之直順其髮  
愚按詩義綱密也密而直如其本然之質言其髮之善也張



補注釋曲風簡兮之意

補訓簡兮也。於事脫畧。漫應無所畏難也。簡之甚則不恭焉。此數句。泛言簡下方接出賢者以見不恭而為簡太簡之譏。太即甚也。甚則不恭。故詩人陳其容色之盛。曰赫如渥赭。言其善御之強。曰有力如虎。以此人而仕於伶官。所以識其簡而不恭也。君子揚言。君子左手執笙。寶右手招我。從東房以共聽。左手執翏羽。右手招我。由教以共視。只是安貧賤以自樂。不復言其材武無簡畧不恭之意。故謂簡詩與之異。

破我斧。我斯言。四國首鼠。為能有為。徒破我斧。斯而已。周公征而安之。愛人之至也。

集

十一

微引詩曲風破斧篇。既破我斧。又缺我斨。周公東征。四國是望。

哀我人斯。亦孔之將。集傳望匡也將大也。

補注釋曲風破斧之意。四國首鼠。武庚與三監叛也。安之謂安四國之人也。

補訓詩傳以破斧缺斨為甚。張子謂四國無能為。易於敗滅。

徒令我破缺斧斨而已。是軍士稱快語。臣即所以安也。愛人從

哀我字看出。至字從將字看出。愛人之至。即哀人之將變文耳。

伐柯言王當加禮於周公。取人以身也。其終見書予小子其新逆。

微引詩曲風伐柯篇。伐柯伐柯。其則不遠。我遊之子。遠且有踐。

集傳此得見周公之易。○書金縢篇。王啟金縢之書。得周公代

武王之說。王執書以泣。曰。惟朕小子其新逆。蔡傳新當作親。

補訓釋曲風伐柯。取人以身。借中庸語。言當以身迎周公。其終

成王見周公。身代武王之書。乃曰予小子其親逆。即加禮以身

之証也。

高注此指成王而言。其曰遠且有踐者。加禮也。其則不遠者。取

人以身也。書新逆。謂迎周公以歸也。

李注伐柯詩。箋成王既得風雷之變。欲迎周公。而朝廷猶疑於

王迎之禮。是以刺之。

九說。王見周公。當大其禮命。則大人可致也。

微引詩曲風九罏篇。九罏之魚。鱉鮪我觀。之子衣繡裳。朱傳

集

十一

周公居東之時。東人喜得見之。

補訓釋詩九罏九罏之大綱。則大魚可得。王加禮命於周公。而

賜之衮繡。則可致周公之歸。大人謂周公也。

集釋張子以衣冠為禮命之大也。

狼跋。美周公不失其聖。卒能感人心於和平也。

微引詩曲風狼跋篇。公孫碩膚。赤舄几几。二章公孫碩膚。德音

不瑕。○易成卦象。聖人感人心而天下和平。

補訓此釋狼跋與朱傳意合。周公能感人。乃詩言外意。

而注狼跋之詩。言周公遭流言之變。而安肆自得。赤舄几几。然

德音不瑕。而不失其聖也。

甫田。歲取十千。一成之田九萬畝。公取十千。九一之法也。

微引詩小雅甫田篇。俾被甫田。歲取十千。

補訓釋小雅甫田之詩。朱傳與張子說同。

李注。此十千以所取之數言。故謂一成周頌十千以耦耕之夫。

言又有終三十里之文。故謂一同也。此以都鄙井里之制言。周

頌以鄉遂溝洫之制言。

后稷之生。當在堯舜之中年。而詩云上帝不寧。疑在堯時。高辛子

孫為二王後。而詩人稱高辛耳。

微引詩大雅生民篇。上帝不寧。集傳不寧。也。○史記五帝本

紀帝號高辛氏。

集注

古

李注古說不以后稷為堯之子。但言其母配高辛氏帝耳。張子

謂后稷生當堯舜中年。則高辛之帝已沒。生后稷者高辛氏之

子孫耳。而詩言履帝武。又言上帝不寧者。蒙其先號而稱詩箋

亦言二王之後。得用天子之祀。故禮祀上帝於郊。祭也。二王謂

高陽氏高辛氏也。

補訓詩上帝謂天。言后稷生之易。是天欲寧姜嫄也。張子以帝

為高辛氏子孫。只是疑案。周封夏啟之後為二王後。在堯時則

高辛氏子孫必有爵位。稱周之二王後。詩人因其為帝裔。謂之

為帝。張子謂高辛子孫。因后稷生之異。而稱之不寧也。

愚按此節大意。釋詩上帝不寧之語也。○生民篇孔疏云。天

戴祀帝。繫焉。帝嘗同祀。上祀曰姜嫄。生后稷。鄭氏信譏緯命

歷序云。帝嘗十世。則堯非帝子。稷又少子。堯則姜嫄不得為

帝嘗之妃。故云當堯之時。為高辛之世。妃謂其為後世子孫

之妃也。據此則張子全用鄭說。於帝字頗費解。而張子所言

二王者。抑又難為之解也。姑存李注補訓以候考焉。

唐棣枝。類棘枝。隨節屈曲。則其華一偏一反。左右相矯。因得全體

均正。偏喻骨節失道。反喻周公誅彊。言我豈不思兄弟之愛。以權

宜合義。主在遠者耳。唐棣本文王之詩。此一章。周公制作。序已情

而加之。仲尼以不必常存而去之。

微引見前節不詳。節。

集注

主

朱子曰。唐棣自是一篇詩。與棠棣別。且是兩般物。夫子止是取

下而兩句云。人但不思。思則何遠之有。不與上文通。漢儒合為

一章。故誤認偏其反。而為反經合道也。○黃氏瑞節曰。張子誤

以唐棣為棠棣。又誤襲漢儒之失。然以為仲尼去之甚善。蓋刪

詩也。

補訓此釋遠詩。唐棣之華。四句。○棣有刺。唐棣亦有刺。相類。隨

枝節之屈曲。而開花。屈者不伸也。曲者不宜也。偏者偏於一邊

反者又反而就於正。如偏於左。又反於右。偏於右。又反於左。是

左右相矯。有左有右。因得全體均正。不見其偏。以喻骨節之

失道。流官於國。助武成為說。反以喻周公之誅彊。骨節其云豈



不爾思。是遠而者。蓋言豈不思兄弟之愛乎。但以權宜含義。主在遠者耳。權宜含義。是因舊說與上章可與權合。看常棣為燕兄弟之樂歌。亦非出於文王。以全詩為文王作。此一章為周公制。作時序已情而加之。殊不然。仲尼以不必常存而去之。亦未必為此。

高注。主在遠。謂為社稷長遠慮也。

日出而陰非自西日迎而會之雨之候也。喻婚姻之得禮者也。日西矣而陰生於東。喻婚姻之失道者也。

微引詩曲風蠨蛸篇。蠨蛸在東。莫之敢指。二章朝隰于西。崇朝其雨。集傳此刺淫奔之詩。在東者。蒼虹也。方雨而虹見。則其雨

集傳

士

終朝而止矣。

集解詩以刺淫奔。張子解之為婚姻。

高注。此以自西者為陽。偏陰和為婚姻得禮之喻。自東者。陽偏而陰不和為婚姻失道之喻也。

集釋。南軒張氏曰。蠨蛸見則雨止。則無東西之分。陰之多矣。陰

陽和則成雨。陰氣方凝。聚而日氣自他方來。感不以正。陰受其感。其正反為之解散。故雨不能成也。曰張氏之言。觀之則蠨蛸

之見。不問東西皆止雨者也。今乃以崇朝其雨解為雨之候。非其情矣。前婚姻之得禮。亦不無淫惡之氣。害陰陽之和。正猶女子淫奔之惡。害人道之正。皆所以喻婚姻之失道也。何得禮之

有

鵲鳴而子和。言出之善者。鵲鵲鳴。魚潛。畏鵲聞之不滅者。微引易中孚九二爻。鳴鵲在陰。其子和之。上傳之八章。解之曰。君子居其室。出其言善。則千里之外應之。況其邇者乎。詩小

雅。鵲鳴于九臬。穀聞于野。魚潛于淵。或在於渚。集傳。鵲鳴而穀聞。言誠之不可掩也。在淵而在渚。言理之無定在也。

補注。此引易大傳之辭。明詩小雅。鵲鳴魚潛之意也。補訓。於子和見其善而有應。於魚潛取避鵲意。故以為畏穀聞之不滅。鵲鳴一也。而有善不善見言不可不慎。

於彼晨風。傳彼北林。晨風雖擊擊之鳥。猶時得退而依深林而止。

集傳

士

也

微引詩秦風。於彼晨風。鬱彼北林。未見君子。憂心欽欽。集傳。欽音聿。疾飛貌。晨風。鶯也。婦人以夫不在。而言於彼晨風。則歸於

鬱然之北林矣。故我未見君子。而憂心欽欽也。補注。釋秦風晨風之意。

補訓。鵲為擊擊之鳥。時得退依深林而止。以形君子不得退而休息之意。

漸漸之石。言有承白。鵲。燕涉波矣。承之負塗。或泥其常性也。今承

足皆白。象與涉波而去。水患之多為可知也。微引詩小雅。漸之石。篇末章有承白。鵲燕涉波矣。集傳。將申

小征不堪勞苦。而作此詩。謫跡。燕泉也。○易睽卦上九見豕負塗。○補訓釋有豕白蹄二語。而舉其篇名言之。朱子引此教語入詩傳。

君子所貴乎道者三。猶王天下有三重焉。言也。動也。行也。○補訓中庸三重。本謂禮度。文。張子以為言。動。行。又配以論語所貴乎道者三。○動容貌。可謂之動。○出辭氣。可謂之言。○正顏色。與行。難以貼合。○補注。動容貌與議礼。皆動也。正顏色與制度。皆行也。○出辭氣與言。皆言也。

樂器

六

苟造德降。則民誠和。而鳳可致。故鳴鳥聞。所以為和氣之應也。○補注。苟當作考。○微引書君奭篇。苟造德不降。我則鳴鳥不聞。○蔡傳。言召公去。則耆老成人之德。不下於民。在郊之鳳。將不復得聞其鳴矣。○召誥篇。其不能誠於小民。蔡傳。誠和也。無造篇。用咸和萬民。○補訓釋。君奭篇。添出誠和一層。以見民和而有和氣之應。乃致鳳鳴。○集解。此以下皆解書。○謂召公也。○九時次序。民資以生。莫先。天材。故首曰五行。君天下必先正己。故次五事。已正。然後邦得而治。故次八政。政不時舉。必昏。故次五紀。

五紀明。然後時措得中。故次建皇極。求大中。不可不知。樞。故次三德。樞必有疑。故次稽疑。可微。然後疑決。故次庶徵。福極微。然後可不勞而治。故九以勸。勸終焉。五為數中。故皇極處之。權過中而合義者。也。故三德處六。

微引書洪範九疇。初一曰五行。次二曰敬用五事。次三曰農用八政。次四曰協用五紀。次五曰建用皇極。次六曰又用三德。次七曰明用稽疑。次八曰念用庶徵。次九曰嚮用五福。威用六極。一五行。一曰水。二曰火。三曰木。四曰金。五曰土。二五事。一曰貌。二曰言。三曰視。四曰聽。五曰思。三八政。一曰食。二曰貨。三曰祀。四曰司空。五曰司徒。六曰司寇。七曰賓。八曰師。四。五紀。一曰歲。

樂器

九

二曰月。三曰日。四曰星辰。五曰曆數。五皇極。皇建其有極。六三德。一曰正直。二曰剛克。三曰柔克。七稽疑。乃命卜筮。曰雨曰霽。曰蒙。曰瞽。曰克。曰貞。曰悔。八庶徵。曰雨曰暘。曰暵。曰寒。曰風。九五福。一曰壽。二曰富。三曰康寧。四曰攸好德。五曰考終命。六極。一曰凶短折。二曰疾。三曰憂。四曰貧。五曰惡。六曰弱。蔡傳。洪範大法。疇類也。治天下之大法。其類有九。皇君極至極之義。標準之名。中立而四方所取正焉者也。○華注。此節仿序卦意。釋九疇之序。○補訓。民所資以生。莫先於五材。故首五行。君天下必先正己。正己修身也。故次五事。正己然後治邦而行。故次八政。政不以

時舉則無憑而昏亂故次以五紀五紀既明然後時措必求其得中故次以建皇極皇大也極中也求大中不可不知權變故次以三德之用行權則必有所疑故次以稽疑卜筮之法稽疑必求可徵故次以庶徵庶徵必徵之福極然後可不勞而治故以嚮勳終焉以嚮蕪威之亦使之知所向也末二句專明五六五為九數之中故皇極處之以其中也行權則取其過於中而合義六數過中故三德處六

補注皇極二字自漢孔安國訓為大中故張子言求大中不可不知權

親親尊尊又曰親親尊尊義雖各施然而親均則尊其尊尊均則

樂三

下

親其親為可矣若親均尊均則齒不可不先此施於有親者不疑若尊賢之等則於親尊之殺必有權而後行意親賢為堯舜之道然則親之賢者先得之於陳之賢者為必然堯明俊德於九族而九族睦章俊德於百姓而萬邦協黎民雍舉陶亦以博叙九族庶明勵翼為邇可遠之道則九族勉敬之人固先明之然後遠者可次序而及大學謂克明俊德為自明其德不若孔氏之註愈

徵引禮喪服小記親親尊長長陳註親上謂父母尊上謂祖及高曾祖也○書堯典克明俊德以親九族九族既睦平章百姓百姓昭明協和萬邦黎民於時雍穆傳俊大也堯之大德手均章明也此言堯能推其德自身而家而國而天下所謂被

勲者也舉陶謨博叙九族庶明勵翼邇可遠在茲蔡傳厚叙九族則親之恩篤而家齊矣庶明勵翼則群哲勉輔而國治矣近而可推之遠者在此道也身修齊治而天下平矣補訓外雜引禮記中庸孟子之言而以釋書為主以親尊親尊賢義雖各施提起然而親均至不疑所以釋親親尊尊之義若尊賢之等至必然所以釋親親尊尊之義此段為重以之引起書言見得走之尊賢先其親也堯明俊德至次序而及提以明堯事舉陶之語是借証末言大學訓克明俊德不如孔

李注此條大意以親為主言以尊尊權衡於親親之間有家

樂三

三

之常也而以尊賢權衡於親親之間則定為治之要務集解此章所引皆皆非本意且就此解之如祖父父母父母親之均者也而祖父父母則尊矣故不以父命廢王父命如伯叔父尊之均者也而有從與再從三從之別則從者為親再從三從者為疏矣如均為從伯叔父親尊之皆均者也然伯兄而叔弟伯之齒固當先者矣此施於有親者其隆殺之礼固無所疑意親賢謂以親之賢者為急明如明揚側陋之明謂顯用之也俊德謂大德之人也庶明一字同上義勵勉也翼教也邇謂九族之賢者此皆張子之意本孔氏註而論若論其極堯典本記堯德業之盛當舉其公休大用而言正己而物正則用賢行

政之類固自包在其中。不宜偏指用賢也。蔡傳為不可易矣。張千反以大學為非。而取孔氏之註。不亦誤乎。

愚按張子語意云。禮言親。尊。明九族之親與尊異也。中庸又曰。親親尊賢。明親親之與尊賢又異也。是其義雖各施。然自有並行而不悖者。以尊與親言之。親均則尊其尊如祖父母與父母同親。而祖為尊。均則親其親如伯叔父母同尊。而伯叔親於從伯叔則尊之親之為可矣。若親均尊又均。則於中以齒為先。如均為伯叔父。而伯為齒之尊。此其施於有親者。雖異而無可疑也。然第以親論之耳。若以尊賢言之。尊賢之有等級。或為大賢。或為小賢。則於尊親之隆殺。又必

集註

三

兩相權衡。為使賢者無失其為賢。親者無失其為親。而後可行也。被大德大賢。迥出於尊親之外者。無論矣。若親疎之賢。既均則親。尤要為孟子嘗以急於親之賢者為先。舜之道。然則親之賢者。先得而後得之於疎之賢者。為必然而無疑矣。書不妄言之。乎昔者。先明揚大德之人。於九族。而九族睦。章顯大德之人。於百姓。而萬邦協。黎民雍。此急親賢之寔也。舉陶亦以悌叙九族之人。庶幾明揚其勉敬者。為述可達之道。正謂九族勉敬之人。當先明之。然後遠者可次序而及也。大學以明俊德為先之。自明其德。不若孔安國注尚書作明。揚大德之人。為愈矣。然則親。可不怠乎。

義民安分之良民而已。俊民。俊德之民也。官能則準牧無義民治。昏則俊民用微。

微引書立政。宅乃事。宅乃牧。宅乃準。茲惟后矣。謀而用丕訓德。則乃宅人。茲乃三宅無義民。蔡傳。徒謀之而稅用。以為大順於德。乃宅而任之。三宅豈復有賢者乎。洪範。人用昏不明。俊民用微。

補注。釋書立政。三宅無義民。及洪範俊民用微之意。

集解。書本言義民。猶言賢者。張子以為安分之良民而已。非有大材大德也。官能則若準牧之位者。皆大賢之德。無義民矣。洪範政治昏昧不明。則於賢者必不能舉而用之。故俊民用微。

集註

三

高注。準謂準人。守法之有司也。牧謂常伯。牧民之長也。官即準牧。

愚按。此因二書皆言民故。合而釋之。以義民為安分之良民而已。未知謀面作何解也。

五言樂語歌詠五德之言也。

微引書益稷篇。予欲聞六律五教八音。在治忽。以出納五言。蔡傳。五言詩歌之協於五教者也。

補訓。書五言。無善不善。說張子謂五言乃作樂所用之語。為歌詠五德之言。是言必由於仁義禮智信之五德。而後可入樂章。與書治忽不甚合。

愚按此節大意解。所謂五言者。亦不如蔡傳之說愈。  
卜不習吉。言卜官將占。先決問人心有疑。乃卜。無疑則不厭志。無  
疑人謀。會同故無所用。卜鬼神必依龜筮必從。故不必卜筮玩習  
其吉以資神也。  
微引書大禹謨。官占惟先蔽志。是合於元龜。朕志先定。謂謀會  
同鬼神。其依龜筮協從。卜不習吉。蔡傳蔽新。是後習重也。占卜  
之法不待重也。  
補注釋書大禹謨之意。  
李注此以鬼神其依龜筮協從。為未卜而預斷其必然之辭。故  
其說卜不習吉如此。

單注以習為煩瀆之意。既吉矣。而復瀆神。則習其吉也。  
衍志未分有悔吝之防。此卜筮之所由作也。  
微引書洪範卜五占用二衍志。蔡傳衍推忒過也。所以推人事  
之過差也。  
華注釋書衍志。  
補訓以衍同愆字看。衍志未分。是於事之愆忒。不能分曉。恐其  
致悔吝而防之。故決之以卜筮。  
愚按朱子亦有一說云。衍疑是過多刺底意思。忒是差錯了。  
微與張子意同。然於經文意理句法。皆有未安。蔡傳為是。

王禘篇第十六  
補訓首節從禮說起。以下雜引禮制。間及論語左傳之言。亦關  
乎禮制者也。春秋一段。首而不秀一節。無所屬。故綴於末。  
愚按此篇凡二十三節。所論禘祫烝嘗之制。有考據未深者。  
餘亦多有出入。當分別讀之。  
禮不王不禘。則知諸侯歲饌一祭。為不禘明矣。至周以祠為春。  
禘為夏。宗廟歲六享。則二享間祭為六矣。諸侯不禘。其四享。夏  
商諸侯。夏時一祫。王制謂祠則不禘。則不嘗。似其名以見時祀  
之數耳。作記者不知文之害意過矣。  
微引禮喪服小記。禮不王不禘。大傳。禮不王不禘。王者禘其祖

之所自出。以其祖配之。王制。天子諸侯宗廟之祭。春曰祠。夏曰  
禘。秋曰嘗。冬曰烝。陳注此蓋夏殷之祭名。王制又云。天子植祫。  
祫祫祫嘗祫烝。諸侯祫則不禘。則不嘗。則不烝。則不祫。  
諸侯祫祫祫一祫一祫。嘗祫烝祫。陳注祫合也。時祭之祫。則群  
廟之主。皆非而合食於太廟。而毀廟之主。不與。三年大祫。則毀  
廟之主。亦與焉。天子之禮。春祫則特祭者。春物全未成。止一時  
祭。不祫也。夏物稍成。秋物大成。冬物畢成。皆可祫。諸侯所以降  
於天子者。夏祭之祫。今歲植則來歲祫。祫之明年又植。不如天  
子每歲三時皆祫也。南方諸侯夏來朝。故闕祫。西方諸侯秋來  
朝。故闕嘗。四方皆然。廢一時之祭。王事重也。此章先儒皆以為

伯之職以肆獻祿享先王以饋食享先王以祠春享先王以禴夏享先王以嘗秋享先王以烝冬享先王肆音別疏云肆獻祿是祫之大祭饋食是禘之次祭

張子經學理密祭祀篇天子七廟一日而行則力不給故禮有一特一祫之文特則祭一祫則備祭如春祭享祖夏祫群廟秋祭曾冬又祫來春祭祖夏又祫秋祭禘冬又祫李注張子此條皆仍注疏舊說而以諸侯缺一祭為不禘也夏商時祭春為夏禘秋嘗冬烝并祫為五享周人改禘為大祭則春祀夏禘秋嘗冬烝并祫為六享矣夏商諸侯廢時祭之禘

王禮

三

只四祭周之諸侯廢大祭之禘又缺時祭之一亦只四享也王制云諸侯初時禘一特一祫義應以一特一祫為句而注疏以禘一為讀其下云特一祫言諸侯於夏祭一禘之時則廢其祭特行一祫之禮而已張子據此以為諸侯不禘之証

愚按此節大意論禘祫四祭皆以夏商與周制互明而提以見不王不禘之意者三句即周之不禘知夏商之缺一祭為不禘也至周六句承上缺一祭之意而知周之諸侯亦四祭也夏商諸侯以下又申者以意周禮不王不禘則知諸侯之歲缺一祭者為不禘明矣則知者推論之詞此諸侯以夏商時言故下言至周以別之歲缺一祭而際括約則不禘四

句意非別有成文諸侯不禘下仍當補歲缺一祭意此諸侯以周時言蓋周之諸侯既缺一祭又不敢禘為四享無疑也夏特一祫以下見夏商未嘗有禘猶周之制王制欲明夏商四時祭名乃謂初則不禘實何嘗有禘哉舊說或不知諸侯缺一祭句原以夏商諸侯言又疑張子不知時禘大禘之異故於此章意旨多未清晰又據理窟所云則張子非不知一特一祫之為句此時因舊注而未及改耳○孔裕則不禘之文四時缺一祭耳非定禘也張子直以為缺禘未確禘祫禘祫當祫烝之文只以合禘謂之祫固非三年大祫之祫亦非與禘嘗烝各為一祭祫六享亦提禘與時祭言非一

王禮

元

歲之祭也張子此節謂宗廟歲六享下節謂夏商歲五享諸侯亦四皆緣舊說而誤但張子之意論之周之諸侯固四享夏商春秋秋嘗冬烝又夏之祫亦當四享也舊謂夏商三享更誤

言耳  
禘於夏周為春夏嘗於夏商為秋冬作記者交舉以二氣對互而

微引禮祭統春祭曰初夏祭曰禘秋祭曰嘗冬祭曰烝初禘陽義也烝陰義也禘者陽之盛也嘗者陰之盛也故曰莫重於禘嘗陳注此夏殷之祀陽道常饒陰道常乏既故及於夏始為盛之故及於秋已為盛祭義君子合指天道春禘秋嘗郊特牲

春禘而秋嘗陳注禘讀為櫛王制春曰杓語詳前節  
補注石林葉氏曰杓禘之祭其用物薄主於醴獻順乎陽於  
春夏為用也嘗蒸之祭其用物多主於饋食順乎陰於秋冬  
為用也然言其盛則止及於禘嘗而不及於蒸者蓋陽達於春  
物方蠢動陰終於冬物已退藏故古之君子其言郊社則以禘  
嘗對之亦舉其盛者耳

李注王制禘為夏祭而祭義郊特牲又有春禘之文春秋禘亦  
多在春故曰於夏周為春夏嘗秋祭三代同之而曰於夏商為  
秋冬無考文舉者每對舉禘嘗也

愚按此節大意明古人禘嘗對舉之義也○祭統所云乃夏

王禘

元

商之制故以二氣對舉張子則無周禘言之其意周禘在四  
時之外如中庸禘嘗之義亦大祭時祭無舉不以二氣對互  
為言也禘禘之期經無明文漢光武時張純奏曰禮三年一  
禘五年一禘祭以夏四月禘祭以冬十月按此則夏商時  
禘周大禘皆在夏又按祭義郊特牲春禘之文陳注謂禘常  
請禘春秋兩書禘一閏公二年夏五月一僖公八年秋七月  
於夏時則一春一夏然亦嘗禘非周禘也張子春禘之說未  
知果何所據○作記者如中庸祭統皆是不專指祭統  
享嘗云者享為進享朝享禘亦其一耳嘗以配享亦對舉秋冬而  
言也夏商以禘為時祭知進享之必在夏也然則夏商天子歲乃

五享禘則四祭是禘而五也周改禘為禘則天子享六諸侯不祿  
又歲饗一祭則亦四而已矣王制所謂天子植杓給禘禘嘗祫  
既以禘為時祭則祫可同時而舉而自注杓以物薄諸侯祫植杓  
禘一植一祫言於夏禘之時正為一祭特一祫而已然則不王  
不禘又著見於此矣下又云嘗祫祫則嘗祫且祫無旋矣若周  
制亦當缺一時之祭則當云諸侯祠則不禘禘則不嘗

徵引祀祭法遠廟為祫有二祫享嘗乃止陳注遠廟為祫言三  
昭三穆之當進遷者其主藏於二祫也此不在月祭之例但得  
曰時祭之耳故云享嘗乃止大傳不王不禘王制天子植杓一  
沒俱見首節○周礼春官司尊與凡四時之間祀進享朝享又

王禘

元

大宗伯六享見首節  
黃氏瑞節曰禘祫之說不一礼記方鄭二家皆非是往因王  
制所說四時祭名有所謂禘遂例以大禘釋之張子云假其名  
以見時祀之數此語最明今考以禘為四時之祭之一惟王制  
有此蓋禘天子大祭也祭始祖自出之帝於始祖之廟而以始  
祖配之只祭此二位其礼極嚴祫有二有時祫有大祫時祫者  
祭始祖與配廟而不及祫廟也大祫者三年而祫則合已毀未  
毀之廟而祭於始祖之廟也毀廟即祫廟也方氏分祫毀為二  
非也王制所謂祫禘與大禘之禘不同張子所云假禘之名以  
見數是已天子植杓者春祭時物不備故每廟特祭不遷主於

祖廟也。祫祫嘗祫烝者。夏秋冬三時之祭。禮物可備。故皆食。群主於祖廟也。天子之祫也。諸侯下天子一等。故春之祫。祫秋之嘗。祫冬之烝。祫皆與天子同。惟夏之祫則或一值焉。或一祫焉。也。張子云。不王不祫。又著見於此。釋王制說也。○值音特。祫通。

補訓。祭法享嘗乃止。嘗者秋祭。乃時祭之一舉。一以例三也。享以是虛字。言但享時祭耳。張子以享為祫。而以嘗配之。周禮追享朝享。鄭司農注。追享朝享。謂祫也。在四時之間。故曰間祀。後鄭又云。追享謂追祭遠廟之主。朝享謂朝受政於廟。張子似以追享朝享多端。而祫為其一。與二鄭之說並不同。據張子之

意。蓋謂祀所謂享嘗云者。享為追享朝享之享。祫亦享之一耳。嘗以配享。亦是對舉。秋冬而言。夏商以祫為時祭。知追享之必在夏。故以嘗配言。對舉秋冬以配夏也。夏商歲五享。祫列四時祭中。併大祫而為五。周改祫為禴。則祠禴嘗烝併祫。祫而為六。諸侯不祫。又歲於四時闕一祭。僅有四祭。王制天子特約祫祫祫嘗祫烝。是惟約特祭各廟之主。祫嘗烝皆合祭群廟之主。張子謂祫為時祭。則祫可同時而祭。分祫祫為二。而不知祫祫即於祫祀用祫也。是時祫非三年大祫。是時祫亦非五年大祫。不王不祫。又見於此者。謂有祫而無祫也。下文云。嘗烝且祫無疑者。謂行嘗烝之祭者。燕行祫。不似祫之特一祫也。但頭緒愈多。

不見分曉。末云周制缺一時之祭。當云祠則不祫。則不嘗。不當云祠則不祫。祫則不嘗也。

愚按此節大意。合前二節之意。而申言之。首七句。先言祫為享之一。次方言嘗為秋冬之祭。故以配享。次方言祫之為追享。當在夏。故上文言秋冬。層上補足。以見其義。即二氣對舉。節之意也。夏商天子以下。言諸侯不祫。又缺一祭。即首節周制四享之意也。王制所謂以下。言夏商天子祫祫並行。諸侯有祫無祫。以合於不王不祫之說。亦首節首三句及夏特一祫之意也。末段因夏商之制。有祠則不祫。則不嘗之文。而設言以明周制歲缺一祭。當云之義。只是餘意。然亦不外

首節之意。○細玩張子之意。謂夏商祫列四祭。故記者多祫。宗並舉。而諸侯則當缺時祫。王用如周。不王不祫之禮。周則不王不祫。而亦當歲飲一祭。如夏商約則不祫。則不嘗之文。故但四享。觀其所云。夏商以祫為時祭。則張子非不知時祫大祫之分也。特謂夏商諸侯併時祫。亦不得用耳。觀其所云。天子享六諸侯亦四。又非不知崇祫烝祫之即於崇烝用祫也。特謂夏祫雖不行。亦常行一祫耳。舊說於此多所疑駁。得無亦有考據未深之失乎。

子不祭祖。自述不止言。明其宗也。自述明宗不祭禘。自述以父也。又明其宗也。庶子不為長子。斷不繼祖與禘。故也。自述此也。



不祭此故

微引禮喪服小記。庶子不祭祖者明其宗也。庶子不為長子新者不繼祖與稱故也。又云庶子不祭稱者明其宗也。陳注據遠士立二廟祭稱及祖令兄弟二人一遠一庶俱為遠士其遠子之為士者固祭祖及稱矣。庶子雖遠士止得立稱廟不得立祖廟明其宗有所在也。不得為長子服斬衰三年者以已非繼祖之宗又非繼稱之宗則長子非正統故也。不祭稱者庶子止得供其牲物而宗子主其祀也。上猶得立稱廟以其為遠士也。此言不祭稱以此庶子非遠士或求仕。  
張子經學理窟宗法篇。宗子既廟其祖稱支子不得別祭所以

王禘

三

厥宗廟。今故屬故曰庶子。祭稱明其宗也。又云言宗子者謂宗主祭祀宗子為士庶子為人夫以上牲祭於宗子之家。非獨宗子之為士為庶人亦然。又云古所謂支子不祭也者。惟使宗子立廟主之而已。支子雖不得祭至於齋戒致其誠意則與祭者不異。與則以身執事不可與則以物助之。但不別立廟為位行事而已。後世如欲立宗子當從此義。雖不與祭情亦可安。若不立宗子徒欲廢祭遠足長情慢之志。不若使之祭猶愈於已也。  
補訓此錄喪小記之文而注其中已見大意。  
庶釋遠子本也。庶子支也。支不祭不斬所以重宗子也。

愚按陳注以不祭祖為庶子之為遠士者不祭稱為庶子之非遠士者。張子之說又異。○喪服小記別子為祖。總別為宗。總稱者為小宗。陳注云別子有三。一是諸侯遠子之弟。別於正遠。二是異姓公子。來自他國。別於本國不來者。三是庶姓之起於是邦。為卿大夫。而別於不仕者。皆稱別子。為祖者。別與後世為始祖也。總別為宗者。別子之後世。世以嫡長子總別子與族人為百世不遷之大宗也。總稱者為小宗。謂別子之庶子。以其大子總已為小宗。而其同父之兄弟宗之也。至玄孫之子。於父之高祖無服。不可統其父同高祖之兄弟。故

祖者也。疏曰族人一身事四宗。事親兄弟之遠是總稱小宗也。事同堂兄弟之遠是總稱小宗也。事再從兄弟之遠是總高祖小宗也。小宗凡四。獨云總稱者初皆總稱為始也。此段疏大小宗甚明。附錄於此。  
庶子不祭稱與無後者註不祭稱者父之庶。蓋以稱未足語世數。特以已不祭稱故不祭之。不祭無後者祖之庶也。雖無後以其成人傳世數當附祖以祭之。已不祭祖故不得而祭之也。祖庶之稱則自祭之也。言庶孫則得祭其子之嫡者。以已為其祖矣。無所附之也。凡所祭稱者惟遠子。此據禮天子下祭稱五皆遠子。遠孫之類。故知凡稱非遠皆不當特祭。惟當從祖附食無後者謂昆弟諸

父殤與無後者如祖廟在小宗之家祭之如在大宗自漢見曾子問。微引禮喪服小記庶子不祭殤與無後者殤與無後者從祖祔食鄭氏注云不祭殤者父之庶也不祭無後者祖之庶也此二者當從祖祔食而已不祭祖無所食之也共其牲物而宗子主其祀為祖庶之殤則自祭之凡所祭殤者惟適子耳無後者謂兄弟諸父也宗子之諸父無後者為坤祭之祭法天子下祭殤五適子適孫適曾孫適玄孫適來孫陳注以尊祭卑故曰下祭曾子問凡殤與無後者祭於宗子之家鄭氏注云言祭於宗子之家者有異居之道凡祖廟在小宗之家祭之亦然陳注凡殤與宗子之殤也無後者謂庶子之無子孫者也此二者若是

王

王

宗子大功內親則於宗子家祖廟祭之。發明不祭殤者父之庶不祭無後者祖之庶各釋首句父之庶祖之庶皆就庶子自己言殤則已之子也已子為父之孫當祔已之祖廟以不祭殤故不祭之無後則已之兄弟也兄弟為祖之孫當祔祖廟以不祭祖故亦不祭之言庶孫則得祭其子之殤者三句又釋祖庶之殤則自祭之句庶孫是已為祖之庶孫又當別立小宗者祭其子之殤子之殤乃已之孫也若已非庶孫則已子之殤在已為適亦在父為適曾孫在祖為適玄孫已當下祭固不待言若祖父在則有祖父下祭已亦不必自祭之矣凡所祭殤者惟適子與凡殤非適而適子俱指殤者言如

適子適孫之謂不指主祀適子言。補訓父庶祖庶究竟只是一人蓋對父言子對祖言孫文法如是祖庶字又是接上文祖之庶說來凡祭殤者惟適子謂適子為殤當時祭非適不當特祭惟從祖祔食以補上文不祭殤之意見殤自有所祭也無後者謂昆弟諸父則前所云無後者燕兄弟伯叔之無後者為是上文言不祭殤與無後殤當從祖祔食不及無後者末又補言如祖廟在小宗家則祭殤與無後者如在大宗亦從祖祔食。高注世數親服五世之數也祭殤惟適子者適子有廟得特祭也。

王

愚按此節大意解鄭注以釋禮文不祭殤與無後之義與上節皆以明庶子之祀發明以不祭殤者父之庶不祭無後者祖之庶以下各釋首句言庶孫則得祭其子之殤以下三句又釋祖庶之殤則自祭之句於文義甚明後則未及詳竊謂耳據禮天子下祭殤五五句又釋鄭注凡所祭殤者句殤與無後至末又釋鄭注無後者謂昆弟諸父句而帶殤與無後並言又以曾子問補足其意謂昆弟諸父之殤與無後者宗子大功內親則祔祭於大宗之家小宗大功內親則祔祭於小宗之家也提分六段首句為經第二三段所釋正解首句之意第四五六段所釋又補殤與無後自有所祭之義也。

○禮弓上長殤中殤下殤陳注十六至十九為長殤十二至十五為中殤八歲至十一為下殤七歲以下為無服之殤生未三月不為殤張子殤未足語世數二語言殤非隔於世數之遠而不符祭特以已不祭稱而不祭也無後皆無伯叔兄弟已不祭祖亦無曾祖言無後者成人傳世數似當祭又以已不祭祖而不祭也未殤與無後之殤承上仍以無殤言若造殤則固已特立廟矣

殷而上七廟自祖考而下五并遠廟為祧者無不遷之太祖廟至周有百世不毀之祖則三昭三穆四為親廟二為文武二世室並始祖而七諸飲無二祀故五人大廟不遷之祖則一昭一穆與

王禮

三

祖考而三故以祖考通謂為太祖若祧則請於其君并高祖于祧之自注于祧之不當孔註王制謂別制亦粗及之而不詳耳

微引禮王制天子七廟三昭三穆與太祖之廟而七諸侯五廟二昭二穆與太祖之廟而五大夫三廟一昭一穆與太祖之廟而三士一廟庶人祭於寢陳注諸侯太祖始封之君也大夫太祖始封者也祭法王立七廟曰考廟曰王考廟曰皇考廟曰顯考廟曰祖考廟遠廟為祧有二祧諸侯立五廟曰考廟王考廟皇考廟顯考廟祖考廟大夫立三廟曰考廟王考廟皇考廟士二廟官師一廟庶士庶人無廟陳注考廟父廟也王考祖也皇考曾祖顯考高祖祖考始祖也遠廟為祧言三昭三穆之當

遷運者其主藏於二祧也古者祧主藏於太祖廟之東面夾室周藏於文武之廟大傳大夫士有大事省於其君于祧及其高祖陳注省問於君而君賜之乃得行為于祧者自下于上之義張子經學理密周禮篇守祧先公之遷主於后稷之廟疑諸侯無祧廟亦藏之於始祖之廟宗法篇王制言大夫之廟一昭一穆與太祖之廟而三若諸侯則以有國指始封之君為太祖若大夫安得有太祖

朱子裕祿議曰王制天子七廟三昭三穆與太祖之廟而七諸侯大夫士降殺以兩而祭法又有遠士二廟官師一廟之文大抵士無二廟而皆及其祖考也其制皆在中門外之左外為都

王禮

三

宮內各有寢廟別有門垣太祖在北左昭右穆以次而南天子太祖百世不遷一昭一穆為宗亦百世不遷二昭二穆為四親廟高祖以上親盡則毀而遷遷昭常為昭穆常為穆諸侯則無二宗大夫又無二廟其遷毀之次則與天子同儀禮所謂以其班祔禮弓所謂祔於祖考者也三代之制其詳雖不得聞然其

大畧不過如此補注此釋王制天子七廟諸侯五廟大夫三廟之意補訓前書七世之廟可以觀德是故已有七廟故張子言之周有百世不毀之祖謂后稷也三昭三穆之中高曾祖祢為四親廟文武為二世室此從後世言之若周初無二世室時何為七

其說優也。唐孔穎達作禮記疏。

愚按王制天子諸侯大夫太祖之廟皆謂始祖也。祭法王與諸侯祭至祖考大夫止至皇考。陳注謂祖考始祖皇考曾祖也。與王制不同。大傳言千祫方及高祖亦同於祭法者也。張子之意則據祭法以明王制而言商周之不同。故而上七廟自祖考而下五無不遷之太祖廟。祖考祭法陳注謂始祖此謂高祖之父也。合四親廟為五。遠廟則高祖之曾祖及祖見在祧廟與曾祖以前之祧主一世一遷者為昭穆二祧也。止有二祧而無不遷之始祖故曰無不遷之太祖廟。其說與祭

王制

天

法陳注。祧主藏東西夾室者不同。大夫無不遷之祧。祭法與大傳之說也。張子則據此以通之王制。謂大夫之曾祖謂之祖考而通稱則曰太祖。故王制亦云並太祖而三。非如天子諸侯以始祖為太祖也。其說與朱子祫祫義言大夫有太祖廟者亦不同。提之首段言於以上天子之制也。天子如此諸侯以下無不遷之祖可知。至周以下至千祫之皆謂周制也。天子諸侯有不遷之祖而大夫則無之。雖借祭法明王制意只以釋王制為主。故未及孔氏之注。蓋孔注王制但大概謂之周制而不辨旋周之不同。故曰祖及之而不詳。

鋪筵設同几。疑左右几一云交鬼神異於人。故夫婦而同几。求之

或於室或於祊也。

微引禮祭統鋪筵設同几為依神也。詔祝於室而出於祊。此交神明之道也。孔疏人生時形體異。故夫婦別几。死則魂氣同歸於此。故夫婦共几。祝官以言詔告祝請其尸於室求之。明日釋祭出廟門外。廣求神於門外之祊。陳注筵席也。几所憑以為安者。祝於室出於祊。未知神之所在。於彼乎於此乎。故曰此交神明之道也。

張子經學理密。祭祀篇鋪筵設同几只設一位。以其精神合也。後又見合葬孔子善之。知有此義。然不知一人數娶設同几之道。又如何此未易處。

王制

天

發明疑左右几是疑同。然幾几夫婦同几是止設一几也。

愚按此節大意釋祭統設同几句於室於祊帶言之。○二說並存。意主前說。玩理密所云自見。

祭社稷五祀百神者以百神之功報天之德耳。故以天事鬼神事之至也。理之盡也。

微引禮王制天子祭天地諸侯祭社稷大夫祭五祀月令春祀少昊祀中央祀中霽秋祀門冬祀行禮運祀行於郊而百神受職焉。

補訓人皆知祭百神所以報百神之功而不知乃以百神之有功而報上天之德耳。百神各有其功而莫非天之為故以事天

者推而事鬼神也。

愚按此節大意明祭祀之精意也。人本乎祖。萬物本乎天。則事天事祖足矣。先王制祀。祀祖矣。並始祖。所有出者而祭之。事天矣。並分天職以宣化者而祭之。是又不僅報享之常而已。故以此為事理之極。至言其義更深且遠也。

天子因生以賜姓。諸侯以字為諡。蓋以尊統上。卑統下之義。

微引左傳。隱公八年。無駭卒。羽父請謚與族。公問族於衆仲。衆仲曰。天子建德。因生以賜姓。胙之土而命之氏。諸侯以字為諡。因以為族。公命以字為展氏。杜注。諸侯位卑。不得賜姓。故其臣因氏其王父字。或即先人之謚。稱以為族。

王補

四

朱子曰。姓是大提。臘處。氏是後來次第分別處。如魯本姬姓。其後有孟氏季氏。同為姬姓。而氏有不同。諸侯以字為諡。竊恐謚本氏字。傳寫之訛。先儒承訛。解將去義。理不通。如舜生鴻臚。武王遂賜胡公滿為鴻姓。即因生賜姓。如鄭之國氏。本子國之後。駟氏本子駟之後。即以字為諡。因以為族。杜預點諸侯以字為句。亦是強解。

補訓。生當指所生之地言。左傳為諡。因為族。連讀。張子截斷。至為隘止。故朱子疑謚字當作氏。以尊卑言。天子尊。諸侯卑。以上下言。諸侯為上。大夫為下。天子因生以賜諸侯之姓。是尊者統其上。諸侯以字為氏。因為大夫之族。是卑者統其下。

愚按此節大意。解左傳姓族之義也。○補註駁朱子之說。謂以諡為氏。與上文請謚與族。不相應。然以實考之。則以諡為族。如宋戴氏之類。是已。因字為諡。則未之前聞。且公問族而仲對以氏。族公命以字為展氏。正上下相合。何乃疑其不相應乎。杜注。句法亦未安。朱子之說。自不可易。

天子因生以賜姓。難以命於下之人。亦尊統上之道也。

補注。此承上章而言。

補訓。只可命諸侯。不可徧賜大夫。故云難以命於下之人。上節是合天子諸侯大夫言。未明言下之人。此節補足其意。故用亦字。

王補

四

據玉藻。疑天子聽朔於明堂。諸侯則於太廟。就藏朔之處。告祖而行。

微引。禮玉藻篇。天子聽朔於南門之外。諸侯皮弁。以聽朔於太廟。陳注。聽朔者。聽月朔之事也。南門。國門也。天子聽朔於南門。示受之於天。諸侯聽朔於太廟。示受之於祖。原其所自也。

補訓。解玉藻。南門。本國門。張子疑其為明堂。明堂在國之陽也。論語注。天子常以季冬頒來歲十二月之朔於諸侯。諸侯受而藏之。祖廟。月朔則以特羊告廟。請而行之。

發明。諸侯下作一句。藏朔之處。即太廟也。

受命祖廟。作龜。稱宮。次序之宜。

微引禮郊特牲。郊受命於祖廟。作龜於稱宮。尊祖親考之義也。陳注。告於祖廟而行事。則如受命於祖。此尊祖之義。作猶用也。用龜以下。而於稱宮。此親考之義。卜如卜姓也。補訓釋郊特牲。張子即尊祖親考之義。而見其有次序。集解謂卜郊先受命而後作龜。先祖而後稱次序之宜也。公之士及大夫之衆臣。爲衆臣公之卿大夫。卿大夫之室老及家邑之士。爲貴臣。上言公士。所以別士於公者也。下言室老士。所以別士於家者也。衆臣不以扶即位。疑義與庶子同。微引儀禮喪服。公士大夫之衆臣。爲其君布帶絕屨。子夏傳曰。公卿大夫室老士貴臣。其餘皆衆臣也。君謂有地者也。衆臣扶。

王

三

不以即位。近臣。君服斯服矣。傳注。室老家相也。士邑宰也。近臣。闕寺之屬。君嗣君也。近臣從君。喪服無所降也。○禮喪服小記。庶子不以扶即位。陳注。遠庶俱有父母之喪者。適子得執杖進。昨階受位。庶子至中門外則去之矣。補訓釋儀禮。意在衆臣貴臣之分。衆臣不與貴臣同。庶子不與適子同。故疑衆臣不以扶即位。其義與衆子不得執杖進階階同也。儀禮注。解公士士字爲卿。與此不同。高注。公之士。爲公之衆臣。公之卿大夫。爲公之貴臣。卿大夫之室老及家邑之士。爲卿大夫之貴臣。其餘爲卿大夫之衆臣。愚按。儀禮。公士大夫連讀之。衆臣提承。張子。公士與大夫。

衆臣作。兩儀禮傳。公卿大夫連讀。室老士提承。張子。公與卿大夫與室老士作三層讀。故義畢末二句。又明傳不以扶即位之義。適士。疑諸侯薦於天子之士。及王朝爵命之通名。蓋三命方受位。天子之朝。一命再命。受職受服者。疑官長有辟除。未有位於王朝。故謂之官師而已。微引禮祭法。適士二廟。官師一廟。陳注。官師者。諸侯之中士下士。爲一官之長者。○周禮春官。大司馬伯之職。以九儀之命。正邦國之位。一命受職。再命受服。三命受位。注。受職受服。事受服受祭衣服。爲上士受位。受下大夫之位也。

王

三

補注。其以周禮春官。九命之事。釋禮記祭法。適士。官師之義。集解。諸侯薦於天子之士。謂天子之上士也。王朝爵命。諸侯之命卿也。命卿亦謂之適士者。諸侯之命卿與天子之上士同其爵。補訓。三命方受命。天子之朝。適士已受三命也。若一命受職。再命受服者。疑爲官長自行辟除。尚未有位於王朝。故僅謂之官師而已。公卿爲官長。百僚之長也。師亦訓長。乃一官之長耳。辟除也。除者。除舊用新。今只作選用意。小車則專達。蓋得自達於其君。不俟聞於長者。禮所謂達官者也。所謂達官之長者。得自達之長也。所謂官師者。次其長者也。然則。

達官之長必三命而上者。官師則中士而再命者。庶士則一命為可知。

徵引周禮六官之屬。皆曰大事則從其長。小事則專達。禮檀弓下篇公之喪。諸達官之長。林補訓此與上節相聯。仍辨達士官。師憲達官之長。必達士而上。官師庶士可稱達官。不可稱達官之長。周禮孔疏云。小事無長官。可諮。有專行事。專達猶專行也。張子謂自達於君。與舊說異。禮達官。謂各達於上。張子謂先得自達。諸官之長也。專達之達。與達官之達。本不同。張子看作一樣。補注張子蓋以達官為官師達官之長。為達士也。

王補

四

賜官使臣其屬也。自注若卿大夫以室老士為貴。臣未賜官則不得臣其士也。

徵引周禮春官大宗伯九儀之命六命賜官。補訓此因上言三命而及之也。周禮鄭康成注。賜官者使得自置其臣治家邑。張子謂使臣其屬。意與鄭同。發明賜官惟卿大夫有之。臣其屬即臣其室老士也。祖廟未毀。教於公宮。則知諸侯有服族人。亦引而親之。如家人。徵引孔齊義。古者婦人先嫁三月。祖廟未毀。教於公宮。祖廟既毀。教於宗室。公宮祖廟也。補訓解昏義。

集解祖廟未毀。謂五廟之壽。與公同祖者。其祖廟猶未遷毀也。公雖不服族人之喪。然其祖廟猶存。則為有服之屬。期之喪。達乎大夫諸侯。絕矣。尊其尊義也。祖廟未毀。教於公宮。親其親仁也。

下而飲者。不勝者。自下堂而受飲也。其爭也。爭為謙讓而已。補訓論語注。下乃射畢。眾耦皆下。飲又是勝者。揖不勝者。升堂取解立飲也。此云下堂受飲。是下飲作一事看。其爭也。君子謂雖若有爭。而以揖讓為主。不失為君子。此云爭為謙讓。亦是別解。

愚按此節大意。解下而飲二句之義也。朱注據儀禮大射之

王補

四

文。此則因文立訓而已。故吾黨解書。必以考亭為不易。君子之射。以中為勝。不以貫革為勝。侯以布為鵠。以革其不貫革而墜於地者。中鵠為可知矣。此為力不同科之一也。

徵引儀禮鄉射禮。射不主皮。補訓此釋鄉射禮文。射不主皮。以明論語之意。集解侯即今所謂繫箭。革又棲皮於中。以為的。名之曰鵠。上鳥之小而飛最疾者。取其難中。中之為能也。不貫革而墜於地。則足已中其革。特不貫耳。故曰中鵠為可知矣。知死而不知生。傷而不死。是墜溺可傷尤甚。故特致哀死者。不弔生者。以異之。且如何不淑之詞。無所施焉。

微引禮曲禮上篇知生者知死者傷知死而不知生傷而不  
弔。禮弓上死而不弔者三。畏壓溺雜記上如何不淑。陳注慰問  
之辭。言何為而雁好去禍也。

補訓。禮弓三者本謂不足弔。張子以為特致傷於死者而不弔  
生者以合於傷而不弔之說。非本旨異別也。

高注畏威古通用。刑也不盡道而死。極格者也。壓如立巖墻之  
下而死。溺徒涉而死。

愚按死者可傷。尤甚於特致哀。以別於弔生之禮。且死非其  
道。於生者之前。難於措詞。故不當弔。當作兩層。

傳依善依永而致樂之也。雜服雜習於制數服近之文也。

王補

四

李注樂音岳

微引孔學記不學博依不能安詩不學雜服不能安禮。陳注詩  
人比興之詞多依托於物理。不能廣求物理之所依附者。以驗  
其實。於詩詞必有疑殆而不能安者矣。雜服冕弁衣裳之類。極  
為繁雜。無以盡識其制。於禮文必有彷彿而不能安者矣。○考  
舜典歌求言。教依求。注既形於言。必有長短之節。故曰歌求言。  
既有長短。必有清濁。高下之殊。故曰教依求。○易節卦象。君子  
以制數度。

補注釋學記不學博依不能安詩不學雜服不能安禮之意。  
補訓善依求而欲樂之。是以詩為樂章。非漫言詩善於依求而

歌以樂之也。雜習於制數服近之文。是以習字貼雜字以制數  
服。近解服字服近二字。或取服用切近之意。謂之文。則不僅冕  
弁衣裳諸物。其說費力。不如陳氏明暢。

春秋大要天子之事也。故曰知我者其惟春秋乎。罪我者其惟春  
秋乎。

補訓大要謂大指之緊要處。

愚按此節大意釋孟子言春秋之意也。○大要猶云大槩。槩  
一書之大義而言之也。文成數萬。其指數千一部春秋。從何  
處說起。張子引孟子成語。祇加大要二字。見得天子之事一  
語。是孟子讀書能得其要處。

王補

四

苗而不秀者。與下不足畏也。為一說。

發明為一說。總是欲人及時勉學也。

補訓後生四五十無聞而不足畏。即是苗而不秀。故聯為一  
說。



乾稱萬第十七

補注西銘爲此篇奇章故取其片句爲篇名今自爲一書而其篇名猶在也與首太和篇多互相發學者宜合而觀之李注東銘本曰反愚西銘本曰訂頑程子改之蓋愚則不智頑則不仁觀其所謂不明自誣而卒之以不智則所以攻其愚者切矣所謂濟惡不才而本之於悖德害仁則所以訂其頑者至矣西銘爲此篇之首實正蒙一書之體要故自可狀皆有章以下統論神化性命人鬼死生皆括全書之意以申西銘之義其以東銘終篇乃初學之門也故益物必誠及修己厚重二章實以見進學之本於誠而其要在於持已改過以起東銘之指

愚按此篇凡十七節與首篇相發明亦當照太虛三層意蓋言虛言性即太虛之本體也言神言感言善應即細縕相盪之大用也言原始反終形潰反原即散亦吾體之正意也言有無虛實言內外言屈伸動靜始終皆不外虛神性感之理或言天之性或言人之性或言性而兼及命或言神而並及化與道與易皆不外三層之義其闢異端也首篇但絀其有無之見并併及其輪迴之說蓋以人性為空寂既於太虛之上二層未能深知以人死為輪迴更於太虛之第三層未當窺見其辨相因而皆與吾儒相反故不可不辨也○內浮屠明鬼一節近思錄入辨別異端東銘一節入論學

凡可狀皆有也。凡有皆象也。凡象皆氣也。氣之性本虛而神則神與性乃氣所固有。此鬼神所以體物而不可遺也。自注：舍氣有象，非象有意，皆發明首三句見天地間無有非氣，所謂不如野馬縕縕不足謂之太和也。氣之性即浮沉升降動靜相感之性，氣本之虛而有相感之妙是虛而神也。天下無物非氣，莫不有神，莫不有性，非鬼神為之，休謂之何哉。張子自注云：舍氣有象否？非象有意否？羅輯本附在十五章下，而性理大全附在次章下，義不相屬。今從羅本。

華注曰：有以象即物也。曰氣即陰陽也。氣之性虛而神即二氣之良能。所以能屈而能伸者。故曰鬼神休物不遺。

愚按此節大意見萬物之不能外乎神與性也。○首三句只以一氣字分折層折言之。即首篇所謂散殊可象所謂濁則碍碍則形者也。氣之性本虛謂本乎太虛即首篇所謂太虛無形氣之本体者也。而神謂氣之流行者神妙不測即首篇所謂無碍故神也。此句以第一層與第二層事言。下言神與性蓋以第一層二層平舉也。舊說皆未分明固有者自然而然也有此氣即具此性與神如人生而性者然故曰固有鬼神。物体物引成語以証之鬼神即性與神物即氣之有象者至誠天性也不息天命也人能至誠則性盡而神可窮矣。不息則命行而化可知矣。學未至知化非真得也。

微引易說卦之一章窮理盡性以至於命下傳之五章窮神知化德之盛也

補訓此承上文神與性推言之見人當窮神知化也神明不測即變化無窮非兩件物事至誠即不息性盡即命行窮神即知化非兩項功夫因窮神言知化末句反言又以知化兼窮神高注天性無妄天命不已性即神命即化故至誠無息而性命神化一以貫之矣何以能誠妄復於無妄而已  
愚按性與命對則命者性之流行神與化對則化者神之發用而性即神之休命即化之原也故性盡而神可窮命行而化可知細分之性為第一層其神妙不測而流行變化者皆

在第二層內不外上節一神字蓋以性之妙用流行則曰神神之流行不息則曰命之推行以漸則曰化耳○首二句以理言至誠者天之性不息者天之命此尚未及人能至誠以下乃以人言集釋集解皆未清晰

有無虛實為一物者性也不能為一非盡性也飲食男女皆性也是為可滅然則有無皆性也是豈無對莊老浮屠為此說久矣

果端真理乎  
補訓此推言性通有無以見二氏不能盡性也上四句引起飲食男女至豈無對見常通為一物以盡性莊老浮屠正是不能為一者豈能盡性關二氏之虛無當重有與寔一邊有無皆性

以有無該虛實真理即謂性○無不離有虛不離實貫通為一者性也能貫通為一為盡性若不能通為一非盡性者也如飲食男女皆性所寓是為可厭其有而滅去之然則有與無固皆性也宜貫為一物是豈無對待可以偏廢者哉莊老與浮屠專尚虛無為無對之說久矣果能暢然於性之真理乎  
發明太虛無形至靜無感所謂無與虛也其聚其散有識有知所謂有與實也無即性之本休淵源而有印性之客形容感可謂通為一物也無必對有虛必對實故曰是豈無對  
愚按此即首篇知虛空即氣節意所以辨虛無之謬也下至虛之實節意與此同

乾解

五

天包載萬物於內所感所性乾坤陰陽二端而已無內外之合無耳目之引取與人物漠然異矣入能盡性知天不為蕞然起見則幾矣

補訓此見人能盡性知天則與天無異也上言天與人物異下言人可幾天兩截語氣分明○夫人之性即天之性也天包載萬物於其內氣之所感涵其所性不過乾坤陰陽二端之循環而已無內外之合亦無耳目之引取與人物之漠然而小者異矣人之形雖蕞然而性天非蕞然能盡性知天大公無我不為蕞然者此見則幾於天矣人可不求盡性知天哉○所感即太和篇浮沉升降動靜相感之感以氣言性寓其中重在性上

所感所性。提不越陰陽乾坤二端。乾坤者健順之性。陰陽者交感之氣也。二端非言其分。言其循環無間之意。內外耳目。無人物說為是有內外。方言今天。就為外。就為內。有耳目方為聞見。所引取。天無耳目。則無聞見。有何引取。人物便有已物之內外。耳目之引取。最然言其小也。

愚按所感言其用。所性言其体。亦以太虛之第一層與第二層對舉也。下言性感言虛。皆放增。

有無一內外合。此人心之所自來也。若聖人則不專以聞見為心。故能不專以聞見為用。無所不感者。虛也。感即合也。成也。以萬物本一故。一能合異。以其能合異。故謂之感。若非有異。則無

乾稱

五

合。天性乾坤陰陽也。二端故有感。本一故能合。天地生萬物。所受雖不同。皆無須臾之不感。所謂性即天道也。

微引易成卦。象曰。成感也。象曰。君子以虛受人。

李注。人心之所自來。內外本合。此性之德也。其為發然起見者。因耳目之引取。而以聞見為心耳。弘於性而不繫於見聞。則能以虛受人。而無所不感矣。然非聖人之意之也。以萬物同出於一之故。天地萬物之大源也。一物兩体。而自相感。故所生萬物。亦無須臾之不感。物之性即天之道也。

補訓。人心之所自來。心該性在內。有形為物。無形為理。理寓於物。故一內而已。外而物。以已感物。故合。聖人不專以聞見為心。

則虛而無所不感。感而即合。猶易所云。咸感虛受之意也。天性即上文所感所性之性。天地生萬物。本為咸卦。天地感而萬物化生。

愚按此節大意。明聖人內外感通之故也。通節皆重內外合意。首三句。言人心本內外合一。聖人以下言聖人能合內外。萬物本一。五句。明感即合也。之意。而推本於萬物本一也。天性三句。即天道以明人。天地生萬物。四句。言人性即天道。以應人心。所自來。意提之。皆見感而能合之義也。○語意云。夫人皆有已心。亦知心之所自來。凡有形而為物。無形而為理。通為一物。物散於外。理具於內。內外合一者。此人心之所自

乾稱

五

來。庸聖同之者也。但庸人格於聞見之小而失之。聖人則渾然一理。無所不具。不專以聞見為心。故其應事接物。亦不專以聞見為用。其無所不感。而有觸即應者。以其不格於聞見。而虛也。故感於物而即合也。猶易所謂咸也。所以感而即合者。以萬物之情。異而理本一故。吾心之一理。能合萬物之異。性其能合異。故謂之感。若非有異。則無所用其合。而又何感之可言乎。此合內外所以為聖人之能事也。夫人心之所自來。本於天。天体至大。而其所性。亦不過乾坤陰陽二端而已。二端循環。故有感。其理本一。故能合。此天道之感。而即通者。然也。天地以之生萬物。亦各得天地之理。以為心。所受於

天者雖有大小之不同而皆無須臾之頃不與物相感是所謂性者即天道而天與人物皆內外合者也又不可思人心所自來而合內外以求合於天哉○有無一內外合即上所謂有無虛實通為一物之性也故曰人心所自來感即合與上內外合二合字微別內外以心與物對萬物皆附於我故曰合性之本然者也感以物言合者一以貫之意聖人之心也天性以下只申明首三句意所受不同無人物言而重在庸聖之不同無須臾不感亦無人物言而重在人之無不感蓋天道無為而就其用言之則乾坤陰陽之流行為四德為五行人物生乎變者也皆無須臾不感者也人性亦

乾解

五

無為而就其用處言之則為四德為五常為百行以及萬事萬物之各有一理亦無須臾不與物相感其即性中自然之能所謂人心所自來者也然惟聖人物各付物一以貫之與天道之有感無隱者一而已故曰感即合也曰天性又曰天道者太虛之性合於乾坤陰陽之氣而謂之天道實則一也○朱子銳臣云二端故有感所謂兩故化也本一故能合所謂一故神也

感者性之神性者感之體自其在天在性惟屈伸動靜始終之能一也故所以妙萬物而謂之神通萬物而謂之道體萬物而謂之性微引易說卦之六章神也者妙萬物而為言者也

補註此章上文性感而言泛論理不著心○感也性也一而二二而一者也感者其性之神妙所為乎性者其感之本休所在乎惟屈伸動靜與靜終與始之相感而能一也故即所以妙萬物而謂之神也感則能通萬物即謂之道感必有體萬物即謂之性其究一而已矣○感而能一即妙萬物之神也感通萬物是天道流行處處感萬物不離性是性能休萬物○愚按天之太虛無形變化容與人之寂然不動感而遂通皆以性為體感為用者也故自注云然集釋謂性天感人分傷未合屈伸動靜始終皆以兩相感者也其屈而能伸伸而能屈又屈與夫動靜始終之能一者神也神即道道即性但所由

乾解

五

之名異耳其在天者兩在不測而為神無物不有而為道體物不遺而為性也其在人者有感必通而為神萬物皆備而為道體事無不在而為性也皆兼天人言之為盡至虛之實實而不同至靜之動動而不窮實而不固則一而散動而不窮則能且來○單注實本於虛故不同而流行無滯動本於靜故不窮而推遷無已虛靜者天地之性變動者性之感在人亦然○集解理本虛無形也而所以為形之理實無不具故曰至虛之定形滯於方虛而能定則有其理無其形也理無方故一而能散動根於靜故曰至靜之動則其靜也有以畜其力養其動矣

故動而不窮不窮則往且來而時是也

愚按此節大意亦明性之感之理也。虛與靜俱貼性實與動俱貼感而性感皆兼天人言之。補注以虛實動靜照首篇太虛客形至靜客感分貼天人未確。

性通極於無氣其一物耳。命稟同於性。遇乃達然焉。一已百人十已千。然有不至。猶難語性。可以言氣。行同執異。猶難語命。可以言遇。

性理拾遺。問智愚之識。疑於有性。善惡之報。疑於有命。張子曰。性通極於無氣。其一物耳。命稟同於性。遇乃達然焉。語錄人一已百人十已千。如此不至者。猶難語性。語氣可也。行同

乾解

五

報異。猶難語命。語遇可也。氣與遇性與命。切近矣。猶未易言也。補訓此言性與氣命與遇之分。上提起下申其說。

發明天地之性。原不雜氣質。故曰通極於無。自天界之為命。自人得之為性。原無二理。故曰稟同於性。

張注性者至善而已。命則有吉有凶。學問所以變化氣質。苟有未善。當咎氣。不當咎性也。福善禍淫。理之常也。有反是者。非天命之逆施。乃境遇之達然。君子亦安之而已矣。

愚按此與至誠天性節皆極精粹。與程朱大同。然亦云無者。亦本太虛無形言之。與無極太極之理終覺小異。宋子銳臣云。通極於無。猶首節氣之性本虛之意。高注謂通極猶究極。

未合又云。張子言造化之氣。多於氣字。中帶性字。如首節太和是也。言人身之氣。多於氣字。上標性字。或賤創氣字。如誠明篇氣質之性。及此節是也。在天無不定之理。在人有不定之心。此與程朱甚合。

深層明鬼。謂有識之死。受生循環。遂厭苦求免。可謂知鬼乎。以人生為妄。可謂知人乎。天人一理。概生取公。可謂知天乎。孔孟所謂天。彼所謂道。惑者指游魂為變。為輪迴。未之思也。大學當先知天德。知天德則知聖人。知鬼神。今浮屠極論要歸。必謂死生轉流。非得道不免。謂之悟道可乎。人自悟則有義。有命。均死生。一天。自其說。雖傳中國。儒者未容窺聖學門牆。已為引取。淪胥其間。指為大道。其俗達之天下。致善惡智愚男女。咸獲人人著信。使英才間氣。庄則溺耳目。恬習之事。長則師世儒。崇尚之言。遂冥然被驅。因謂聖人可不修而至。大道可不學而知。故未識聖人心。已謂不必求其迹。未見君子志。已謂不必事其文。此人倫所以不察。庶物所以不明。治所以忽。德所以亂。異言滿耳。上無禮以防其偽。下無學以稽其獎。自古誠淫邪遁之詞。翕然並興。一出於佛氏之門者。千五百年。有非獨立不懼。精一自信。有大過人之才。何以正立其間。與之較是非。計得失。

乾解

五

微引易上傳之四章。精氣為物。游魂為變。是以知鬼神之情狀。木義陰精陽氣聚而成物。神之伸也。魂游魄降散而為變。鬼之

歸也。太過者。君子以獨立不懼。○詩小雅而無正焉。論齊以鋪集傳相與陷於死亡。○書益稷在治忽。蔡傳忽治之反也。舜典惟精惟一。○太史公報任安書。滅獲婢妾。猶能引決。風俗通云。古制本無奴婢。即犯事者。原之減者。被賊罪。沒入官為奴婢。獲者逃亡。獲得為婢。○補訓此節深闡釋氏也。有原有委。極其透快。前云不知鬼。不知人。不知天。不知道。可見浮屠全無所知。自其說熾傳以下言其流弊。儒者為所引取。是一層達之天下人。是一層英才問氣。至千五百年。是一層乃其害之大者。末言闢之難其人。張子其欲自任歟。○大學是學之大者。容猶得也。恬習安於所習也。世

乾綱

天

儒宗尚之言。即上指為大道者。因謂乃英才問氣者為此說也。聖人可不修而至。謂立地成佛也。大道可不學而知。謂不立語言文字。但取頓悟也。稽考也。○發明氣有聚散。氣散為鬼。非既散之氣。復為方伸之氣也。佛氏以覺為性。謂人雖死而覺性不散。為鬼。重複受生。輪迴轉運。指為苦海求免。是不知鬼也。氣聚為人。日用事物。莫非寔理。佛氏指四大為假合。是不知人也。天性之在人。猶水性之在冰。凝釋雖異。為物一也。佛氏舍人取天。是不知天也。所以然者。蓋由太虛有天之名。由氣化有道之名。孔孟所謂天。本謂道之從出。而佛氏直認太虛為道。謂諸象為太虛中一見之物。是以一切

人事。盡為墮落。下學工夫。盡可遺棄。此其所以不知天與人也。易曰。精氣為物。游魂為變。朱子曰。精魄也。耳目之精。為魄。氣魂也。口鼻之靈。為魂。二者合而成物。精虛魄降。則氣散魂游。而無不之矣。張子之意。是謂變為有。變為無。今佛氏即以變為輪迴。此所以不知鬼也。天德者。誠也。陰陽晝夜之定理。通乎晝夜而知之。天德也。能知天德。則知聖人所以範圍天地之化。知鬼神不過屈伸之理。死生天人。一理也。今佛氏不知死生之故。直謂得道可免輪迴。謂之悟道。○予五聖人以天為道所從出。以道為日用事物當然之理。故窮理盡性。然後可以至命。下學然後可以上達。佛氏謂太虛。○故謂一切有為皆是幻化。其

乾綱

天

為吾道之賊。豈可勝歟。○李注。以其有鬼神生死之可畏懼也。則善惡智愚。男女戒獲。人著信矣。以其有超悟脫離之可欣羨也。則英才問氣。亦冥然被驅矣。人倫不察。庶物不明。在世則害治。在身則亂德。上不能反經。以息邪惡。下不能明道。以覺沉迷。遂至千有餘年。並為一論。惟獨立不懼。則不至於怖死。生惡禍福。惟精一自信。則不至於溺耳目。崇世儒。惟有大過人之才。故能卓然以聖人之道為己任。有學以稽其弊。而是非可明。有禮以防其偽。而得失可辨矣。○集解。惑字疑無心。有識謂人也。問氣謂問有之氣。雖得之賢才

也。建安葉氏采曰：當生而生，當死而死，是則有義有命。生死均安，何所厭苦？天人一致，何所取舍？知晝夜通陰陽，則知死生之說，何所謂輪迴。

愚按此節首五句明釋氏不知鬼以輪迴為說，次五句明其不知天人以崇虛為說。孔孟二句明所以不知天人之故。惑者二句明所以不知鬼之故。大學八句由崇虛意說到輪迴，而見其不知道自其說以下言惑人之易而為害之久也。蓋鬼神無形也，而釋氏偏以為有人性至定也，而釋氏偏以為無其與吾儒直如冰炭之不相入，惟以人性為無也，故舍人而取天，惟以鬼神為有也，故執輪迴而求得道，種上流獎皆

乾解

字

自此出。儒者誦法周孔為風俗人心倡率，而反惑於異說，不洵可歎乎。○舍人取天者，以人生為妄，欲一切歸於空虛也。知天德而首篇所謂木天道為用，下節所謂知晝夜陰陽而一性命者也。聖人於此理兼體不累，鬼神則此理之妙用而已。惟死生轉流而欲得道，以免則，是道其所道，而棄天德之道也。得道云者，道即指太虛欲虛空寂靜如槁木死灰，不生不滅，即謂之得道。與長生之說有別。補訓謂是保不散之氣，以免輪迴。未是極論要歸，要當讀平故與下節發本要歸同。謂極論其要歸也。補訓謂極至之論，要妙之歸，亦非是。釋氏語實際乃知道者所謂誠也。天德也。其語到實際則以人生

為幻妄，有為為此，費以世界為陰陽遠戚而不有遺，而弗存，就使得之乃誠，而惡明者也。儒者則因明致誠，因誠致明，故天人合一，致學而可以成聖，得天而未始遺人，易所謂不遺不流，不過者也。彼語雖似是，觀其發本要歸與吾儒二本殊歸矣。道一而已，此是則彼非，此非則彼是，固不當同日而語。其言流遁失守，窮大則淫，推行則放，效曲則邪，求之一卷之中，此弊數致有之大率，知晝夜陰陽則能一性命，能知性命則能知聖人，知鬼神彼欲直語太虛，不以晝夜陰陽累其心，則是未始見易，未始見易則雖欲免陰陽晝夜之累，未由也已。易且不見，又烏能更語實際，舍實際而談鬼神，妄也。所謂實際，彼徒能語之而已，未始心解也。

七

六

微引釋氏金剛經一切有為為法如夢幻泡影，又曰諸幻為真，雖真亦妄，彌陀經五濁惡世陰陽見為煩惱，兩衆生渴命渴。○莊子有坐忘今學嘗未如耽贊法，實贊點肉也。○易上傳之四章與天地相似，故不違，知周乎萬物而道濟天下，故不過，旁行而不流，又云範圍天地之化而不過，曲成萬物而不遺。李注中上條之意。○大學當先知天德，天德者誠而已矣。誠之中萬理具，備至顯而不可厭也。釋氏亦語實際，疑與夫誠相似矣，而以人生為幻妄，有為為此，費欲厭棄之，不暇雖使其果誠也，而已惡明矣。况誠明相為体用，既無明，所謂誠者又安在乎。因明致誠，由窮理而盡性也，故致學而可以成聖，因誠致明，由

盡性而窮理也。故得天而不始。遺人曲成而不遺。旁行而不流。周物而不過。此則天人合一。儒者之學也。彼語寔際。雖與誠相似。然既惡明而疎其歸。則亦非誠而與我異其本矣。本末既異。是非固不可同。故淫邪遁之詞。知言者展卷立辨而已。吾儒所謂天德者。性命也。欲知性命。知聖人知鬼神。必先通乎晝夜陰陽之道。而知晝夜陰陽者。易也。易即天道也。浮屠徒知休虛空為性。不知本天道為用。則語寂滅者。與物生執有均耳。安能盡道其間。無休而不累乎。誠者。物之終始。鬼神者。誠之不可掩者也。舍易而言誠。舍誠而言鬼神。非誣妄而何哉。補訓釋氏語。實際至惡明者也。為一段言釋氏之語。寔際類知

乾卦

三

道之所謂誠然。誠而惡明。不能明。亦不能誠矣。儒者至不通者也。為一段言儒者誠明。天人無盡如此。彼語雖似是。至有之為。以較論儒徒而釋非大率。知晝夜至末。為一段先正後反。言釋氏不知晝夜陰陽之道。為不知易。不知易。則不能免累。彼漢免神為妄。而未能心解於寔際也。致誠之致。至也。致學之致。推致其功也。不遺與不流。連言不遺。恐是不遺之誤。流道失守。因句錯舉。孟子彼淫邪遁四字。而以失守窮大推行致曲實之。直似也。真際即實際。談免神即受生輪迴之說。愚按此節自數上有之句。截分二段。看皆申上節意。蓋上節不知天人是一意。不知鬼不知道是一意。此上段即上節以

人生為幻。妄舍人取天之意。蓋中不知人。不知天之義也。下段即上節當知天德數句之意。蓋中不知鬼。不知道之義也。然以語寔際起。以未能解其際結。以下截申明上截正非。截然分說。節首寔際天德。俱虛彼語寔際。宜若知天德矣。其語到寔際。却謂一切皆空。不知天德之誠。不離於晝夜陰陽而已。晝夜陰陽。氣化之寔。即易之道也。知此。則性命即此理之本。天而流行者也。聖人知此理。而無休不累者也。鬼神則所謂氣之良能者也。語太虛而遺氣。則亦為知天德。不知天德。又為儒語寔際。大意即首節畧知休虛空為性。不知本天道為用意。要歸之要平。故謂始之所以發其本終

乾卦

三

之所以要其歸者也。補訓作去教。晝夜陰陽。所該者廣。如近而吾身之語。點動息外。而事物之應接。交感無非晝夜陰陽之寔理。所在即易之道也。聖人知之。而因物盡道。故脫然而無累。釋氏不知。而欲廢棄一切。反為其所役矣。故曰欲免累而未由。補訓解晝夜陰陽。當以死生為言。謂釋氏欲生而不死。亦未足。易謂原始反終。故知死生之說者。謂原始不知生。則求其終而知死必矣。此夫子所以直季路之問而不隱也。微引易上傳之四章。原始反終。故知死生之說。本義原者推之於前反者要之於後。



補訓此因上文輪迴之說而引易及孔子之言以見輪迴之矣也直者直告之也

李注謂非拒其問也言能知生則能知死矣正所以立告之也愚按首篇云太虛不能不聚而為萬物物不能不散為太虛即此節之義疏蓋太虛之第三層也與程朱所言小異玩下節形潰反原可見

體不偏滯乃可謂無方無體偏滯於晝夜陰陽者物也若道則兼體而無累也以其兼體故曰一陰一陽又曰陰陽不測又曰一圓一闢又曰通乎晝夜其推行故曰道語其不測故曰神語其生朱故曰易其實一物指事異名耳

乾錄

六

微引易上傳之四章通乎晝夜之道而知故神無方而易無體五章一陰一陽之謂道又曰陰陽不測之謂神十一章一圓一闢謂之變十二章推而行之謂之道五章又云生生之謂易補訓此節以道字為主而兼及神與易體不偏滯二句提起下分物則偏滯道則兼體言雖引易辭皆無體之意兼體則道也神也易也皆在乎是矣○更即道而推之道與神與易非有二也易曰神無方易無體蓋謂體之不偏滯者乃可謂無方無體凡偏滯於晝夜陰陽而不相通者物也若道則兼體而無偏滯之累也以其無體故易有曰一陰一陽又曰陰陽變化不測又曰一圓一闢又曰通乎晝夜蓋自其推行有漸語之故曰道也

其變化不測語之故曰神有其生生不窮語之故曰易其實則為一物指其事而異其名耳分之為三可也統之為道可也○無方所無定體如晝夜陰陽循環變化是也若晝只為晝夜只為夜則偏滯而不能無方體矣一陰一陽一圓一闢一字甚活有循環之義不測亦謂變化不測通乎晝夜作通變之通與易稍異

張注無方故無物不包無體故無微不入動則在陽靜則在陰故曰兼體動極而靜靜極而動不守其常故曰無累大率天之為德虛而善應其應非思慮聰明可求故謂之神老氏况者谷以此

乾錄

微引老子成象篇谷神不死補訓此言天德之神也謂之神者以其神妙不測也可求則不神矣

高注應者屈伸相感之無窮况譬也老子所謂谷神不死况天之虛而應也

愚按虛即太虛無形之本體也善應即網緼相盪之氣化用也由第一層及第二層重在神

太虛者氣之體氣有陰陽屈伸相感之無窮故神之應也無窮其散無散故神之應也無數雖無窮其實湛然雖無數其實一而已陰陽之氣散則萬殊人莫知其一也合則混然人不見其殊也形

聚為物形潰反原反原者其游魂為變歟所謂變者對聚散存亡  
成文非如螢雀之化指前後身而為說也

微引易上傳之四章游魂為變○禮月令季夏之月腐草為螢  
季秋之月爵入大水為蛤

補訓此承上文虛而善應謂之神而極推陰陽合散之理因以  
明生死變化之義也無窮無數總歸一即所謂太虛為之體  
也陰陽之氣四句大抵以陰陽言承上起下之詞形聚為物二  
句以一物言○夫太虛之理主宰乎氣而為氣之體氣有陰陽  
屈伸相感之無窮故神之應之也亦無窮其氣散見而無數故  
神之應之也亦無數難應之無窮其定只是湛然難應之無數

乾  
綱

六

其實只是一而已矣○一者太虛之理本如是也○夫陰陽之所  
以感且散者未易窺也○陰陽之氣本一散見則有萬殊人莫知  
其一也○今則混然萬殊歸於一人不見其殊也○此陰陽之變也  
以一物言之方其形聚則合為一物及其形潰則反原蓋形潰  
反原則魂散而復歸於陰陽之氣易所謂游魂為變此之謂歟  
所謂變者對聚散存亡而為文耳○非如螢雀之化指其有前後  
身而為變之說也○彼輪迴受生之說不亦妄哉○太虛之理至  
神妙故下言神神即太虛之善應處陰陽屈伸相感無窮對下  
散說則相感主其合時言散則萬殊合則混然無迹形聚為物  
承散說陰陽之氣散為萬物而物皆得陰陽之氣聚為形也形

潰反原承合說形潰散則反歸其原復合於太虛也○此二句不  
可以聚承合潰承散說易游魂為變對聚散存亡為文謂聚變  
為散存變為亡也

集解散散見成物也○非消散也○無窮直言無時不然也○無數橫  
言無物不有也○反原者謂其理復還於天地也○程子曰萬物之  
散其氣遂盡無復還本原之理天地之化自然生生不窮更何  
資既反之氣以為造化哉○況既反之氣既散豈有復在天地之  
間其造化者自生氣如海水潮至因陽盛而涸及陰盛而生亦  
不足將已涸之水來生也○或問朱子人死其氣雖散只反本還  
原去曰不須如此說若說無便是索性無了惟其可以感召得

乾  
綱

七

來故只說得散要之散也是無了  
愚按太虛體也神即太虛之用也其用隨氣所感而善應體  
則湛然而至一亦以第一層第二層並舉也○至形潰反原並  
及第三層矣蓋相感無窮以氣之流行言其散無數以氣之  
生物言其聚則湛然而一仍然太虛之本体而已散則萬殊  
承上散無數一即下混然意與上一謂太虛者不同合則混  
然承上感無窮殊即上萬殊意此見萬殊即其混一混一即  
其萬殊而陰陽之氣皆神之所為非責人以當知也○形聚為  
物又承散則萬殊形潰反原又承合則混然通節只此二意  
反原者以下不過因反原而辨游魂為變之義耳

得施之安學之不勤欲自益且益人難矣哉易曰益長裕而不故信夫

微引易益卦象。日進無疆。下傳之七章。益長裕而不故。本義。益但克長而不造作。○詩小雅天保篇如川之方至以莫不增。補訓此與上文不聯。蓋以學問之語附之。提一誠字示人見得誠能益於己。益於人。而借易以明其義。華注益物自益。皆必以誠漸而進之。而勿助長。乃其道也。施之妄議等之教也。學不動作。假之學也。故皆不能益。愚按益六三有孚中行。謂心存誠信。而所行合中也。九五有

乾精

次

李惠心謂上有誠信以惠下之心也。易原有誠意。但張子非。希釋易乃借易以明誠之足為益耳。大易篇益長裕而不故。益以誠也。妄加以不誠之益。非益也。與此互相發。○上以誠正明長裕意。下以妄與不勤。反明不故意。誠則自不用設。不誠則妄與不勤之弊生矣。反正相足。將修己必先厚重。以自持。厚重知學德乃進而固矣。忠信進德。惟尚友而惠賢。欲勝己者親。無如改過之不吝。微引易乾卦文言。忠信所以進德也。○書仲虺之誥。改過不吝。補訓此引論語不重章貫通其意。示人以切己之功也。集釋不固之固。此以為固滯之固。

李注學則不固。意重則疑於固。知學則其德日進而固矣。厚重而進於學。忠信而取善改過。皆交養互發之道也。

愚按論語本作四事。此以重與學分看。與下共作五事。而其意提以見五者之相涵而不可缺也。

戲言出於思也。戲動作於謀也。於平聲。見乎四支。謂非已心。不明也。欲人無已疑。不能也。過言非心也。過動非誠也。失於聲。謬遂其曰。體謂已當然自誣也。欲他人已從。誣人也。或者以出於心者。歸咎為已。戲失于思者。自誣為已。誠不知戒其出。汝者。歸咎其不出。汝者。長傲且遂。非不智甚焉。

微引禮記公問。孔子曰。君子過言則民作辭。過動則民作則。

乾精

三

張子經學理。庶學大原上篇。戲謔直是大無益。出於無敬心。戲謔不已。不惟害事。志亦為氣所流。不戲謔亦是持氣之一端。善戲謔之者。雖不為無傷。朱子曰。此章即東銘正如今法書所謂故失兩字。華注首篇及此篇。多論神化之事。而以此章終之。見君子窮神達化之功。不外乎言動身心之地。正示人著實用功處。李注言動之戲者。有心之過也。乃自以為出於無心。而欲人之不已。戲曰。吾聊為戲耳。而不知戒其出。汝者。是之謂長傲。言動之過者。無心之失也。乃自以為當然。而欲人之已從。曰。吾誠欲如此耳。而不知歸咎其不出。汝者。是之謂遂非。凡此者。皆不能

忌省檢察之過故曰不智莫甚焉

補注沈毅齋先生詳述朱子之說謂此篇大指不超過故二字且曰有心捷浪之謂戲無心差失之謂過本有心而掩之以無心則以故為戲而至於長傲本無心而誣之以有心則以過為誠而至於遂非是愚之甚者也戲不可有朱子推其原而謂之故欲人深戒於言動未發之先以為正心誠意之本過不能無朱子指其流而謂之過欲人自咎於言動已失之後以為遷善改過之機其誨人之意味矣

愚按歸咎猶云任過出於思作於謀即是出於心即是出於汝者謂非已心即是歸咎於戲即是不知我非心非誠即是失

乾精

辛

於思即是不出汝謂已當然即是自誣為誠即是不知歸咎雖言之重而詞之複意則只此兩層

乾稱卷之終

濂關三書無卷數 直隸總督採進本

國朝王植撰植有四書叅註已著錄是書取太極圖說通書西銘三書以朱子之註列前採諸家之說附於後亦時時叅以己意植於宋五子書皆有註然皇極經世正蒙其書註者差稀故頗有所考訂此三書則人人熟讀無可發揮亦如宋以來註孝經者隨文演義而已

程子節錄四卷文集抄一卷

〔明〕高攀龍輯

北京圖書館分館藏清乾隆七年華希閔刻  
高子全書本

附《四庫全書總目·二程節錄

四卷文集鈔一卷附錄一卷》

提要

二程夫子語四卷高忠憲公官行人時所節錄也按公年譜在萬曆壬辰距今一百十一年其本藏今官諭泰對巖先生家顧君瀨期欲梓以行不果子棟高始踵成之屬子雋校因復觀公遺墨與刑已還手澤尚新爲之肅然興起蓋二程之書總萃門人所記錄故多重複參錯公合併芟節先辨性次論學次治事次釋經而文集附見焉觀其蠅書字跡旁加甲乙意平口流連懷裏卧起自隨公之潛心是書益可想見或謂公嘗用朱子節要既程子節錄

序於顧端文公又自爲之序而於二程不及焉何以故曰嘉隆以來儒者多操戈朱子端文忠憲特昌言其無算一時表章甚力昔人纂言立說類有所不得已匪直以文而已公既階梯朱子以服膺二程整齊嚴肅內外卓然甲午揭陽道中始悟萬變在人實無一事之語丁未信齋飛魚躍與必有事焉之語所謂纏綿新絕透體通明又曰真機微行間不容息公之得於二程本末具在當其處心冥會筌蹄可忘易曰神而明之存乎其人默而

成之不言而信存乎德行嗚呼如公者乃可以讓  
二程之書矣顧予刻成問序于予予辭不獲因道  
公所以不爲序之意如此康熙癸未後學陸相敬  
題

程子節錄

序

程子節錄目錄

卷之一

卷之二上

卷之二下

卷之三

卷之四

文集抄一卷

又附錄一卷

明道先生行狀 伊川先生年譜 晦庵先生撰

程子節錄

目錄

目錄終

乾隆六年辛酉金匱

後學華希閔重較刊

程子節錄卷之一

明無錫後學高攀龍

伯淳先生嘗語韓持國曰如說妄說幻爲不好底性則請別尋一箇好底性來換了此不好底性著道卽性也若道外尋性性外尋道便不是聖賢論天德蓋謂自家元是天然完全自足之物若無所污壞卽當直而行之若小有污壞卽敬以治之使復如舊所以能使如舊者蓋爲自家本質元是完足之物若合修治而修治之是義

程子節錄 卷一

也若不消修治而不修治亦是義也故常簡易明白而易行禪學者總是彊生事至如山河大地之說是他山河大地又干你何事至如孔子道如日星之明猶患門人未能盡曉故曰子欲無言如顏子則便默識其他未免疑問故曰小子何述又曰天何言哉四時行焉百物生焉可謂明白矣若能於此言上看得破便信是會禪也非是未尋得蓋實是無去處說此理本無二故也

佛學只是以生死恐動人可怪二千年來無一人

覺此是被他恐動也聖賢以生死爲本分事無可懼故不論死生佛之學爲怕死生故只管說不休下俗之人固多懼易以利動至如禪學者雖自曰異此然要之只是此箇意見皆利心也舊嘗問學佛者傳燈錄幾人云千七百人某曰敢道此千七百人無一人達者果有一人見得聖人朝聞道夕死可矣與曾子易簣之理臨死須尋一尺布帛裹頭而死必不肯削髮胡服而

程子節錄 卷一

終是誠無一人達者禪者曰此迹也何不論其心曰心迹一也豈有迹非而心是者也正如兩腳方行指其心曰我本不欲行他兩腳自行豈有此理蓋上下本末內外都是一理也方是道語仁而曰可謂仁之方也已者何也蓋若便以爲仁則反使不識仁只以所言爲仁也故但曰仁之方則使自得之以爲仁也

忠信所以進德終日乾乾君子當終日對越在天也蓋上天之載無聲無臭其體則謂之易其理

則謂之道其用則謂之神其命於人則謂之性  
率性則謂之道修道則謂之教孟子去其中又  
發揮出浩然之氣可謂盡矣故說神如其上  
如在其左右大小大事而只曰誠之不可揜如  
此夫徹上徹下不過如此形而上爲道形而下  
爲器須若如此說罷亦道道亦罷但得道在不  
繫今與後已與人

朱子曰此是因解乾字乾字即天字遂推言  
許多名字只是一理而各有分別雖各有分

聖子節錄 卷一

別又卻只是一箇實理誠者實理之謂也

生之謂性性即氣氣即性生之謂也人生氣稟理  
有善惡然不是性中元有此兩物相對而生也  
有自幼而善有自幼而惡是氣稟自然也善固  
性也然惡亦不可不謂之性也蓋生之謂性人  
生而靜以上不容說才說性時便已不是性也  
凡人說性只是說繼之者善也孟子言人性善  
是也夫所謂繼之者善也者猶水流而就下也  
皆水也有流而至海終無所污此何煩人力

爲也有流而未遠固已漸濁有出而甚遠方有  
所濁有濁之多者有濁之少者清濁雖不同然  
不可以濁者不爲水也如此則人不可以不加  
澄治之功故用力敏勇則疾清用力緩怠則遲  
清及其清也則卻只是元初水也不是將清來  
換卻濁亦不是取出濁來置在一隅也水之清  
則性善之謂也故不是善與惡在性中爲兩物  
相對各自出來此理天命也順而循之則道也  
循此而修之各得其分則教也自天命以至於

聖子節錄 卷一

教我無加損焉此舜有天下而不與焉者也

朱子曰此章性字說得最難有是說本性者  
有是說氣稟者其言水之下與水之清亦是  
兩意須細分別

一人之心即天地之心一物之理即萬物之理一  
日之運即一歲之運正

天下善惡皆天理謂之惡者非本惡但或過或不  
及便如此如楊墨之類明

窮理盡性以至於命三事一時並了元無次序不



可將窮理作知之事若實窮得理卽性命亦可了明

事有善有惡皆天理也天理中物須有美惡蓋物之不齊物之情也但當察之不可曰入於惡流於一物明

聖人卽天地也天地中何物不有天地豈嘗有心揀別善惡一切涵容覆載但處之有道耳若善者親之不善者遠之則物不與者多矣安得爲天地故聖人之志止欲老者安之朋友信之少

程子節錄

卷一

五

者懷之死生存亡皆知所從來冒中瑩然無疑止此理耳孔子言未知生焉知死蓋畧言之死之事卽生是也更無別理明

言體天地之化已剩一體字只此便是天地之化不可對此箇別有天地明

立清虛一大爲萬物之源恐未安須兼清濁虛實乃可言神道體物不遺不應有方所

正叔言不當以體會爲非心以體會爲非心故有心小性大之說聖人之神與天爲一安得有正

至於不勉而中不思而得莫不在此此心卽與天地無異不可小了他不可將心滯在知識上故反以心爲小

鼓舞萬物不與聖人同憂此天與人異處聖人有不能爲天之所爲處

立人之道曰仁與義據今日合人道廢則是今尚不廢者猶只是有那些秉彝卒殄滅不得以此思之天壤間可謂孤立其將誰告耶

學者於釋氏之說宜須如淫聲美色以遠之不爾程子節錄

卷一

六

則駸駸然入於其中矣顏淵問爲那孔子既告之以五帝三王之事而復戒以放鄭聲遠佞人曰鄭聲淫佞人殆彼佞人者是佗一邊佞耳然而於已則危只是能使人移故危也至於禹之言曰何畏乎巧言令色巧言令色直消言畏只是須著如此戒慎猶恐不免釋氏之學更不消言常戒到自家自信後便不能亂得

以書傳道與口相傳然不相干相見而言因事發明則并意思一時傳了書雖言多其實不盡

理則須窮性則須盡命則不可言窮與盡只是至  
於命也橫渠昔嘗譬命是源窮理與盡性如穿  
渠引源然則渠與源是兩物後來此議必改來  
今語道則須待要寂滅湛靜形便如槁木心便如  
死灰所貴乎智周天地萬物而不遺又幾時要  
如死灰所貴動容周旋中禮又幾時要如槁木  
論心術無如孟子也只謂必有事焉今既如槁  
木死灰則卻於何處有事

持國嘗論克已復禮以謂克卻不是道伯淳言克

程子節錄 卷一

七

便是克之道持國又言道則不須克伯淳言道  
則不消克卻不是持國事在聖人則無事可克  
今日持國須克得已便然後復禮

只著一箇私意便是餒便是缺了佗浩然之氣處  
誠者物之終始不誠無物這裏缺了他則便這  
裏沒這物浩然之氣又不待外至是集義所生  
者這一箇道理不爲堯存不爲桀亡只是人不  
到他這裏知此便是明善

萬物皆只是一箇天理已何與焉至如言天討有

罪五刑五用哉天命有德五服五章哉此都只  
是天理自然當如此人幾時與與則便是私意  
人能放這一箇身公共放在天地萬物中一般看  
則有甚妨礙雖萬身曾何傷乃知釋氏苦根塵  
者皆是自私者也

如天理底意思誠只是誠此者也敬只是敬此者  
也非是別有一箇誠更有一箇敬也

天理云者這一箇道理更有甚窮已不爲堯存不  
爲桀亡人得之者故大行不加窮居不損這上

程子節錄 卷一

八

頭來更怎生說得存亡加減是佗元無少欠自  
理具備

道理皆自然若安排定則更有甚理

堯夫詩云聖人嘖紫些兒事其言太急迫道理平  
鋪地放著何必如此

所以謂萬物一體者皆有此理只爲從那裏來生  
生之謂易生則一時生皆完此理人則能推物  
則氣昏推不盡不可道佗物不與有也人只爲  
自私將自家軀殼上頭起意故看得道理小了

放這身來都在萬物中一例看大小大快活

萬物皆備於我不獨人爾物皆然都自這裏出法只是物不能推人則能推之雖能推之幾時添得一分不能推之幾時減得一分百理具在平鋪放著幾時道堯盡君道添得些君道多舜盡子道添得些孝道多元來依舊

異教之書雖小道必有可觀者焉然其流必乖故不可以一事遂都取之

冬至一陽生卻須寒正如欲曉而反暗也陰陽之

聖子節錄

卷一

九

際亦不可截然不相接斷侵過便是道理天地之間如是者極多良之爲義終萬物始萬物此理最妙須玩索這箇理

寂然不動感而遂通者天理具備元無少欠不爲堯存不爲桀亡父子君臣常理不易何曾動來因不動故言寂然雖不動感便通感非自外也若不一本則安得先天而天不違後天而奉天時天地安有內外言天地之外便是不識天地也人之在天地如魚在水不知有水直待出水方知

動不得

天地本一物地亦天也只是人爲天地心是心起動則分了天爲上地爲下兼三才而兩之故六也

天地之中理必相直則四邊當有空闊處空闊處如何地之下豈無天乎所謂地者特於天中一物耳如雲氣之聚以其久而不散也故爲對凡地動者只是氣動凡所指地者只是土土亦一物耳不可言地更須要知坤元承天是地之道

聖子節錄

卷一

十

也

爲飛展天魚躍於淵言其上下察也此一段子思吃緊爲人處與必有事焉而勿正心之意同活潑潑地會得時活潑潑地不會得時只是弄精神以下明

切脈最可觀仁

觀雞雛可觀仁

問鬼神有無曰待說與賢道沒時古人卻因其如此道待說與賢道有時又卻恐賢問某尋

萬飛展天向上更有天在魚躍於淵向下更有地  
在鄭穀問此二句顯道口非是極其上下而言  
蓋真箇見得如此此正是子思緊要道與人  
處若從此解悟便可入堯舜氣象

滿腔子是惻隱之心

孟子言性當隨文看不以告子生之謂性為不然  
者此亦性也被命受生之後謂之性爾故不同  
繼之以犬之性猶牛之性牛之性猶人之性歟  
然不害為一若乃孟子之言善者乃極本窮源  
之性正

孟子節錄

卷一

十一

聖人於天下事自不合與只順得天理茂對時育  
萬物以上正

天人本無二不必言合

論性不論氣不備論氣不論性不明二之則不是  
正

凡物分和交感則生不和分散則死

二氣五行剛柔萬殊聖人所由惟一理人須要復

其初

有形總是氣無形只是道

大抵人有身便有自私之理宜其與道難一

人之於性猶龍之受光於日日本不動之物

仲尼言仁未嘗兼義獨於易曰立人之道曰仁與

義而孟子言仁必以義配蓋仁者體也義者用

也知義之為用而不外焉可與語道矣世之所

論於義者多外之不然則混而無別非知仁義  
之說者也

理與心一而人不能會之為一

惟善變通便是聖人

程子節錄

卷一

十二

仁則一不仁則二

仁道難名惟公近之非以公便為仁

氣形而下者

性不可以內外言

神是極妙之語

語及太虛曰亦無太虛遂指虛曰皆是理安得謂

之虛天下無實於理者

或謂許大太虛先生謂此語便不是這裏論甚大

與小

語默猶晝夜晝夜猶生死生死猶古今以上正  
四端不言信信本無在在易則是至理在孟子則是氣

道一本也或謂以心包誠不若以誠包心以至誠

參天地不若以至誠體人物是二本也知不二  
本便是篤恭而天下平之道以下明

形而上者謂之道形而下者謂之器若如或者以  
清虛一大爲天道則乃以器言而非道也

天地設位而易行其中何不言人行其中蓋人亦

程子節錄

卷一

三

物也若言神行乎其中則人只於鬼神上求矣

若言理言誠亦可也而特言易者欲使人默識  
而自得之也

天地之大德曰生天地絪縕萬物化醇生之謂性

告子此言是而謂犬之性猶牛之性猶人之性猶人之性者則非也萬物之生意

最可觀此元者善之長也斯所謂仁也人與天

地一物也而人特自小之何耶

天地萬物之理無獨必有對皆自然而然而非有安  
排也每中夜以思不知手之舞之足之蹈之也

窮理盡性以至於命一物也

天地只是設位易行乎其中者神也

氣外無神神外無氣或者謂清者神則濁者非神  
乎

中之理至矣獨陰不生獨陽不生偏則爲禽獸爲

夷狄中則爲人中則不偏常則不易惟中不足

以盡之故曰中庸

萬物莫不有對一陰一陽一善一惡陽長則陰消

善增則惡滅斯理也推之其遠乎人只要知此

程子節錄

卷一

古

耳

聖人之言冲和之氣也貫徹上下

民受天地之中以生天命之謂性也人之生也直

意亦如此

且喚做中若以四方之中爲中則四邊無中乎若

以中外之中爲中則外面無中乎如生生之謂

易天地設位而易行乎其中豈可以今之易

書爲易乎中者且謂之中不可捉一箇中來爲

中

生生之謂易天地設位而易行乎其中乾坤毀則無以見易易不可見乾坤或幾乎息矣易畢竟是甚又指而言曰聖人以此洗心退藏於密聖人示人之意至此深且明矣終無人理會易也此也密也是甚物人能至此深思當自得之成性存存便是道義之門

聖人致公心盡天地萬物之理各當其分佛氏總爲一己之私是安得同乎聖人循理故平直而易行異端造作大小大費力非自然也故失之

程子節錄

卷一

十五

遠

若謂既返之氣復將爲方伸之氣必資於此則殊與天地之化不相似天地之化自然生生不窮更何復資於既斃之形既返之氣以爲造化近取諸身其開闢往來見之鼻息然不必須假吸復入以爲呼氣則自然生人氣之生生於真元天之氣亦自然生生不窮至於海水因陽盛而涸及陰盛而生亦不是將已涸之氣卻生水自然能生往來屈伸只是理也盛則便有衰晝則

便有夜往則便有來天地中如洪鐘何物不消鑠乎以下正

天地之間只有一箇感與應而已更有甚事聖人之道更無精粗從灑掃應對以至精義入神通貫只一理雖灑掃應對只看所以然者如何冲漠無朕萬象森然已具未應不是先已應不是後如百尺之木自根本至枝葉皆是一貫不可道上面一段事無形無兆卻待人旋安排引入來教入塗轍既是塗轍卻只是一箇塗轍

程子節錄

卷一

去

仁之道要之只消道一公字公只是仁之理不可將公便喚做仁公而以人體之故爲仁只爲公則物我兼照故仁所以能恕所以能愛恕則仁之施愛則仁之用也

聖人之言依本分至大至妙事語之若尋常此所以味長釋氏之說纔見得些便驚天動地言語走作卻是味短只爲乍見不似聖人見慣如中庸言道只消道無聲無臭四字總括了多少釋氏言非黃非白非醜非苦費多少言語

大而化之只是謂理與已一其未化者如人操尺度量物用之尚不免有差若至於化者則已便是尺度尺度便是已顏子正在此若化則便是仲尼也在前是不及在後是過之此過不及甚微惟顏子自知他人不與卓爾是聖人立處顏子見之但未至耳

真元之氣氣之所由生不與外氣相雜但以外氣涵養而已若魚在水魚之性命非是水爲之但必以水涵養魚乃得生耳人居天地氣中與魚

程子節錄

卷一

七

在水無異至於飲食之養皆是外氣涵養之道出入之息者闔闢之機而已所出之息非所入之氣但真元自能生氣所入之氣止當間時隨之而入非假此氣以助真元也

近取諸身百理皆具屈伸往來之義只於鼻息之間見之屈伸往來只是理不必將既屈之氣復爲方伸之氣生生之理自然不息如復言七日來復其間元不斷續陽已復生物極必返其理須如此有生便有死有始便有終

仁義禮智信於性上要言此五事須要分別出若仁則固一一所以爲仁惻隱則屬愛乃情也非性也恕者入仁之門而恕非仁也因其惻隱之心知其有仁惟四者有端而信無端只有不信更無信如東西南北已有定體更不可言信若以東爲西以南爲北則是有不信如東卽東西卽西則無信

極無適而不爲中

問仁曰此在諸公自思之將聖賢所言仁處類聚

程子節錄

卷一

六

觀之體認出來孟子曰惻隱之心仁也後人遂以愛爲仁惻隱固是愛也愛自是情仁自是性豈可專以愛爲仁孟子言惻隱爲仁蓋爲前已言惻隱之心仁之端也旣曰仁之端則不可便謂之仁退之言博愛之謂仁非也仁者固博愛然便以博愛爲仁則不可

天地人只一道也纔通其一則餘皆通如後人解易言乾天道也坤地道也便是亂說論其體則天尊地卑如論其道豈有異哉

心譬如穀種生之性便是仁也

問心有善惡否曰在天爲命在義爲理在人爲性  
主于身爲心其實一也心本善發於思慮則有  
善有不善若既發則可謂之情不可謂之心譬  
如水只謂之水至如流而爲派或行於東或行  
於西卻謂之流也

問人性本明因何有蔽曰此須索理會也孟子言  
人性善是也雖荀楊亦不知性孟子所以獨出  
諸儒者以能明性也性無不善而有不善者才

程子節錄

卷一

九

也性卽是理理則自堯舜至於途人一也才稟  
於氣氣有清濁稟其清者爲賢稟其濁者爲愚  
性相近也習相遠也性一也何以言相近曰此只  
是言氣質之性如俗言性急性緩之類性安有  
緩急此言性者生之謂性也又問上智下愚不  
移是性否曰此是才須理會得性與才所以分  
處凡言性須看他立意如何如言人性善性之  
本也生之謂性論其所稟也孔子言性相近若  
論其本豈可言相近只論其所稟也告子所云

固是孟子問他他說便不是也

問舍則亡心有亡何也曰否此只是說心無形體  
纔主著事時便在這裏纔過了便不見如出入  
無時莫知其鄉此句亦須要人理會心豈有出  
入亦以操舍而言也放心謂心本善而流於不  
善是放也

孝悌之至通於神明神明孝悌不是兩般事只孝  
悌便是神明之理又問王祥孝感事曰此亦是  
通神明一事此感格便是王祥誠中來非王祥

程二節錄

卷一

十

性之理也今人言天性柔緩天性剛急俗言天  
成皆生來如此此訓所稟受也若性之理則無  
不善

義訓宜禮訓別智訓知仁當何訓說者謂訓覺訓  
人皆非也當合孔孟言仁處大槩研窮之二三  
歲得之未晚也

信不足以盡誠猶愛不足以盡仁

或問性曰順之則吉逆之則凶

神也者妙萬物而爲言若上竿弄瓶至於斷輪誠



少義理天下無一物無禮樂且置兩隻椅子纔不正便是無序無序便乖乖便不和問如此則禮樂卻只是一事曰不然如天地陰陽其勢高下甚相背然必相須而爲用也有陰便有陽有陽便有陰有一便有二纔有一二便有一二之間便是三已往更無窮老子亦言三生萬物此是生生之謂易理自然如此維天之命於穆不已自是理自相續不已非是人爲之如使可爲雖使百萬般安排也須有息時只爲無爲故不

程子節錄

卷一

五

孝於此而物來於彼也

問行狀云盡性至命必本於孝悌不識孝悌何以能盡性至命曰後人便將性命別作一般說了只是一統底事就孝弟中便可盡性至命至酒掃應對與盡性至命亦是一統事無有本末精粗卻被後人言性命者別作一般高遠說故舉孝弟是於人切近者言之然今時非無孝弟之人而不能盡性至命者由之而不知也

禮只是一箇序樂只是一箇和只此兩字含書多

他將公字思量

問凡運用處是心否曰是意也有心而後有意問孟子言心出入無時何如曰心無出入孟子只是據操舍言之又問人逐物逐之否曰心則無出入逐物是欲

盡已之謂忠推已之謂恕盡物之謂信

稟於天謂性感爲情動爲心質幹爲才

生之謂性與天命之謂性同乎曰性字不可一槩論生之謂性止訓所稟受也天命之謂性此言

程子節錄

卷一

五

息中庸言不見而章不動而變無爲而成天地

之道可一言而盡也使釋氏千章萬句說許多

無限說話亦不能逃此三句

陰陽之氣有常存而不移者有消長而無窮者

楊雄韓愈說性正說著才也

書言天叙天秩天有是理聖人循而行之所謂道也聖人本天釋氏本心

真近誠誠者無妄之謂

問如何是仁曰只是一箇公字學者問仁則常教

至則不可得而知上竿初習數尺而後至於百尺習化其高矧聖人誠至之事豈可得而知明公最近仁

恕者入仁之門正

合天人通義命此大賢以上事

問張子曰陰陽之精互藏其宅然乎曰此言甚有味由人如何看水離物不得故水有離之象火能入物故火有坎之象

問忠恕之別曰猶形影也無忠則不能爲恕矣

程子節錄

卷一

總至於無我者雖善言美行無非所過之化也

天地之化一息不留疑其速也然寒暑之變甚漸或問明道先生如何斯可謂之恕先生曰充擴得去則爲恕如何是充擴得去氣象曰天地變化草木蕃充擴不去時天地閉賢人隱

明道嘗曰吾學雖有所受天理二字卻是自家體貼出來

明道曰操則存舍則亡出入無時非聖人之言也心安得有出入乎

明道云忠恕兩字要除一箇除不得

問如何是道明道曰於君臣父子兄弟朋友夫婦上求伊川曰行處是

伊川曰人能至公便是仁

明道嘗曰天下事只是感與應耳和靖以問伊川伊川曰此事甚大人當自識之

和靖曰某謂動靜一理伊川曰試喻之適聞鐘聲曰譬如此鐘方其未撞時聲固在也伊川喜曰且更涵養

程子節錄

卷一

程子節錄卷之一終

語

程子節錄卷之二

人患居常講習空言無實者蓋不自得也爲學治經最好苟不自得則盡治五經亦是空言正

先生常論克己復禮韓持國曰道上更有甚克莫錯否曰如公之言只是說道也克己復禮乃所以爲道也又曰道無真無假曰既無真又無假卻是都無物也到底須是是者爲真不是者爲假

富貴驕人固不善學問驕人害亦不細

朱子節錄 卷二上

義理與客氣常相勝又看消長分數多少爲君子小人之別義理所得漸多則自然知得客氣消散得漸少消盡者是大賢

若不能存養只是說話

顧問每常遇事卽能知操存之意無事時如何存養得熟曰古之人耳之於樂目之於禮左右起居盤盂几杖有銘有戒動息皆有所養今皆廢此獨有理義之養心耳但存此涵養意久則自熟矣敬以直內是涵養意言不莊不敬則鄙詐

之心生矣貌不莊不敬則怠慢之心生矣

呂與叔嘗言患思慮多不能驅除曰此正如破屋中禦寇東面一人來未逐得西面又一人至矣左右前後驅逐不暇蓋其四面空疎盜固易入無緣作得主定又如虛器入水水自然入若以一器實之以水置之水中水何能入來蓋中有主則實實則外患不能入自然無事

人以料事爲明便駁駁入逆詐億不信去也

持國曰道家有三住心心住則氣住氣住則神住

朱子節錄 卷二上

此所謂存三守一伯淳先生曰此三者人終食之頃未有不離者其要只在收放心

人於外物奉身者事事要好只有自家一箇身與心卻不要好苟得外面物好時卻不知道自家身與心卻已先不好了也

邢和叔言吾曹常須愛養精力精力稍不足則倦所以臨事皆勉強而無誠意接賓客語言尚可見況臨大事乎

人患乎攝怯者蓋氣不充不素養故也

忿懣怒也治怒爲難治懼亦難克已可以治怒明理可以治懼

志道懇切固是誠意若迫切不中理則反爲不誠蓋實理中自有緩急不容如是之迫觀天地之化乃可知

學者全體此心學雖未盡若事物之來不可不應但隨分限應之雖不中不遠矣

學者須敬守此心不可急迫當栽培深厚涵泳於其間然後可以自得但急迫求之只是私已終

程子節錄

卷二上

三

不足以達道

學者全要識時若不識時不足以言學顏子陋巷自樂以有孔子在焉若孟子之時世既無人安可不以道自任

訂頑一篇意極完備乃仁之體也學者其體此意今有諸已其地位已高到此地位自別有見處不可窮高極遠恐於道無補也

明

嘗喻以心知天猶居京師往長安但知出西門便可到長安此猶是言作兩處若要誠實只在京

師便是到長安更不可別求長安只心便是天盡之便知性知性便知天當處便認取更不可外求

學者識得仁體實有諸已只要義理栽培如求經義皆栽培之意

欲知得與不得於心氣上驗之思慮有得中心悅豫沛然有裕者實得也思慮有得心氣勞耗者實未得也強揣度耳嘗有人言比因學道思慮心虛曰人之血氣固有虛實疾病之來聖賢所

程子節錄

卷二上

四

不免然未聞自古聖賢因學而致心疾者

學者須先識仁仁者渾然與物同體義禮智信皆仁也識得此理以誠敬存之而已不須防檢不須窮索若心懈則有防心苟不懈何防之有理有未得故須窮索存久自明安待窮索此道與物無對大不足以明之天地之用皆我之用孟子言萬物皆備於我須反身而誠乃爲大樂若反身未誠則猶是二物有對以已合彼終未有之又安得樂訂頑意思乃備言此體以此意存

之更有何事必有事焉而勿正心勿忘勿助長  
未嘗致纖毫之力此其存之之道若存得便合  
有得益良知良能原不喪失以昔日習心未除  
卻須存習此心久則可奪舊習此理至約惟患  
不能守既能體之而樂亦不患不能守也 明  
賢者惟知義而已命在其中中人以下乃以命處  
義如言求之有道得之有命是求無益於得知  
命之不可求故自處以不求若賢者則求之以  
道得之以義不必言命

程子節錄

卷二上

五

克己則私心去自然能復禮雖不學文而禮意已

得 明

孟子才高學之無可依據學者當學顏子入聖人

爲近有用力處 明

學者不必遽求近取諸身只明天理敬而已矣便  
是約處易之乾卦言聖人之學坤卦言賢人之  
學雖言敬以直內義以方外敬義立而德不孤  
至於聖人亦止如是更無別途穿鑿繁累自非  
道理故有道有理天人一也更不分別浩然之

氣乃吾氣也養而不害則塞乎天地一爲私心  
所蔽則欲然而餒知其小也思無邪無不敬只  
此二句循而行之安得有差有差者皆由不敬  
不正也 明

凡立言欲涵蓄意思不使知德者厭無德者惑  
且省外事但明乎善惟進誠心其文章雖不中不  
遠矣所守不約泛濫無功 明

學者須學文知道者進德而巳有德則不習無不  
利未有學養子而後嫁蓋先得是道矣學文之

程子節錄

卷二上

六

功學得一事是一事二事是二事觸類至於百  
千至於窮盡亦只是學不是德有德者不如是  
故此言可爲知道者言不可爲學者言如心得  
之則施於四體四體不言而喻譬如學書若未  
得者須心手相須而學苟得矣下筆便能書不  
必積學

所見所期不可不遠且大然行之亦須量力有漸  
志大心勞力小任重恐終敗事  
教人未見意趣必不樂學

今之學者唯有義理以養其心

得而後動與慮而後動異得在已如自使手舉物無不從慮則未在意如手中持物以取物知其不利

伯淳言學者須守下學上達之語乃學之要

子厚以禮教學者最善使學者先有所據守

凡學之雜者終只是未有所止內不自足也譬之家藏良金不索外求貧者見人說金須借他底看

程子節錄

卷二上

朋友講習更莫如相觀而善工夫多

禪學直須置而不論更休曰且待嘗試若嘗試則已化而自爲之矣

君實嘗患思慮紛亂有時中夜而作達旦不寐可謂良自苦人都來多少血氣若此則幾何而不摧殘以盡也其後告人曰近得一術常以中爲念則又是爲中所亂中又何形如何念得夜以安身睡則合眼不知苦苦思量箇甚只是不與心爲主

有言養氣可以爲養心之助曰敬則只是敬敬字

上更添不得心裏著兩件物不得

要修持他這天理則在德須有不言而信者言難爲形狀養之則須直不愧屋漏與慎獨這是箇持養底氣象也

知止則自定萬物撓不動非是別將箇定來助知止也

心者口須是教他寡欲又差有功

中心斯須不和不樂則鄙詐之心入之矣此與敬

程二節錄

卷二上

以直內同理謂敬爲和樂則不可然敬須和樂只是中心沒事也

觀天理亦須放開意思開闊得心胷便可見今雖知可欲之謂善亦須實有諸已便可言誠誠便合內外之道今看得不一只是心生除了身只是理便說合天人合天人已是爲不知者引而致之天人無間不充塞則不能化育言贊化育已是離人而言之

須是大其心使開闊譬如爲九層之臺須大做腳

始得

醫家以不認痛癢謂之不仁人以不知覺不認義理爲不仁譬最近

孟子論四端處則欲擴而充之說約處則博學詳說而反說約此内外交相養之道也

橫渠教人本只是謂世學膠固故說一箇清虛一大然而人又更別處走今日且只道敬

聖人之德行固不可得而名狀若顏子底一箇氣象吾曹亦心知之欲學聖人且須學顏子

程子節錄 卷二上

子夏然學得到上面也

今學者敬而不見得又不安者只是心生亦是犬以敬來做事得重此恭而無禮則勞也只恭而不爲自然底道理故不自在也須是恭而安今容貌必端言語必正者非是道獨善其身要人道如何只是天理合如此本無私意只是箇循理而已

物理最好玩

今志於義理而心不安樂者何也此則正是剩一

箇助之長雖則心燥之則存舍之則亡然而持之太甚便是必有事焉而正之也亦須且恁去如此者只是德孤德不孤必有鄰到德盛後自無窒礙左右逢其原也

待此義理在此甚事不盡更有甚事出得視世之功名事業眞譬如閑視世之仁義者眞煦煦子才如匹夫匹婦之爲諒也自是天來大事處以此理又曾何足論若知得這箇義理便有進處若不知得則何緣仰高鑽堅在前在後也

程子節錄 卷二上

才則又見其卓爾

德者得也須是實到這裏始得

人於天理昏者是只爲嗜欲亂著他莊子言其嗜欲深者其天機淺此言卻最是

所務於窮理者非道須盡窮了天下萬物之理又不道是窮得一理便到只是要積累多後自然見去

不愧屋漏便是箇持養氣象

敬而無失便是喜怒哀樂未發之謂中也敬不可

謂之中但敬而無失卽所以中也

司馬子微嘗作坐忘論是所謂坐馳也

胎息之說謂之愈疾則可謂之道則與聖人之學  
不干事聖人未嘗說若言神住則氣住則是  
浮屠入定之法雖謂養氣猶是第二節事亦須  
以心爲主其心欲慈惠安靜故於道爲有助亦  
不然孟子說浩然之氣又不如此今若言存心  
養氣只是專爲此氣又所爲者小捨大務小捨  
本趨末又濟甚事今言有助於道者只爲奈何

程子節錄

宋二上

上

心不下故要得寂湛而已又不似釋氏攝心之  
術論學若如是則大段雜也亦不須得道只閉  
目靜坐爲可以養心坐如尸立如齊只是要養  
其志豈只待爲養這些氣來又不如是也  
目畏尖物此事不得放過便與克下室中率置尖  
物須以理勝他尖必不刺人也何畏之有  
人心作主不定正如一箇翻車流轉動搖無須更  
停所感萬端又如懸鏡空中無物不入其中有  
甚定形心若不做一箇主怎生奈何張天祺常

言自約數年自上著牀便不得思量事不思量  
事後須強把他這心來制縛亦須寄寓在一箇  
形象皆非自然若實自謂吾得術矣只管念箇  
中字此則又爲中繫縛且中字亦何形象若愚  
夫不思慮冥然無知此又過與不及之分也有  
人胷中常若有兩人焉欲爲善如有惡以爲之  
間欲爲不善又若有羞惡之心者本無兩人此  
正交戰之驗也持其志便氣不能亂此大可驗  
要之聖賢必不害心疾

程子節錄

卷二上

上

既得後便須放開不然卻只是守

明

以記誦博識爲玩物喪志

言心中不宜容絲髮事

周茂叔窓前草不除去問之云與自家意思一般

子厚觀驢鳴亦謂如此

某寫字時甚敬非是要字好只此是學

須是就事上學盡振民育德然有所知後方能如

此

士不可以不弘毅任重而道遠重擔子須是硬脊

梁漢方擔得



執事須是敬又不可矜持太過

勿忘勿助之間正當處也

學者要學得不錯須是學顏子

有準的

參也竟以魯得之

毛猶有偷入毫釐絲忽終不盡

邢恕日三點檢亦可哀也何時不點檢

學射者互相點檢病痛朋友攸攝攝以威儀

以上

語學者以所見未到之理不惟所聞不深徹久將

理低看了

正

程子節錄

卷二上

十三

聖人不記事所以常記得今人忘事以其記事不

能記事處事不精皆出於養之不完固

人固可以前知然其理須是用則知不用則不知

知不如不知之愈蓋用便近二所以釋子謂又

不是野狐精也

朱有不能體道而能無思者故坐忘卽是坐馳有

忘之心乃思也

伯淳在澶州日修橋少一長梁曾博求之民間後

因出入見林木之佳者必起計度之心因語以

戒學者心不可有一事

聞機事之久機心必生蓋方其聞時心必喜既喜

則如種下種子

忘物與累物之弊等

較事大小其弊爲枉尺直尋之病

忘敬而後無不敬

聖人之心未嘗有在亦無不在蓋其道合內外體

萬物

罪已責躬不可無然亦不當長留在心曾爲悔

程子節錄

卷二上

十四

有恐懼心亦是燭理不明亦是氣不足須知義理

泛悅我心猶芻豢之悅我口玩理以養心如此

蓋人有小稱意事猶喜悅有淪肌浹骨如春和

意思何況義理然窮理亦當知用心緩急但苦

勞而不知悅處豈能養心

入道莫如敬未有能致知而不在敬者今人主心

不定視心如寇賊而不可制不是事累心乃是

心累事當知天下無一物是合少得者不可惡

也

須是識在所行之先譬如行路須得光照以上正  
禮樂只在進反之間便得性情之正明

先生不好佛語或曰佛之道是也其迹非也曰所  
謂迹者果不出於道乎然吾所攻其迹耳其道  
則吾不知也使其道不合於先王固不願學也  
如其合於先王則求之六經足矣奚必佛

人有語導氣者問先生曰君亦有術乎曰吾嘗夏  
葛而冬裘饑食而渴飲節嗜欲定心氣如斯而  
已矣

程子節錄

卷二上

五

人必有仁義之心然後仁與義之氣晬然達於外  
故不得於心勿求於氣可也明

或謂佛之理比孔子爲徑曰天下果有徑理則仲  
尼豈欲使學者迂遠而難至乎故外仲尼之道  
而由徑則是冒險阻犯荆棘而已

君子之遇事無巨細一於敬而已簡細故以自崇  
非敬也飭私智以爲奇非敬也要之無敢慢而  
已執事敬者爲仁之端也推是心而成之則篤  
恭而天下平矣

士之所難者在有諸已而已能有諸已則居之安  
資之深而美且大可以馴致矣徒知可欲之善  
而若存若亡而已則能不受變於俗者鮮矣

人心常要活則周流無窮而不滯於一隅  
論學便要明理論治便須識體

唯上智與下愚不移移則不可知上之爲聖下之  
爲狂在人一身念不念爲進退耳

居處恭執事敬與人忠充此便晬面盎背有諸中  
必形諸外觀其氣象便見得

程子節錄

卷二上

六

不能動人只是誠不至於事厭倦皆是無誠處  
氣直養而無害便塞乎天地之間有少私意卽是  
氣虧無不義便是集有私意便是餒

敬義夾持直上達天德自此

心有所存晬子先發見

學原於思

節嗜慾定心氣卽是天氣下降地氣上騰便和無  
疾

看一部華嚴經不如看一艮卦經只言一觀止

自幼子常視無誰以上便是教以聖人事  
怒驚皆是主心不定

須要有止止於仁止於孝止於大分

存養熟後泰然行將去便有進

清明在躬志氣如神貴熟

觀天地生物氣象

懈怠一生便是自棄自暴

勿忘勿助長必有事焉只中道上行

涵養著樂處養心便到清明高遠

程子節錄

卷二上

七

凝然不動便是聖人

多驚多怒多憂只去一事所偏處自克克得一件

其餘自正

虛心實腹

靜後見萬物自然皆有春意

和平依磬聲玉磬聲之最和平者養心

忿欲忍與不忍便見有德無德

息止也生也止則便生不止則不生

不常其德則所勝來復正常其理則所勝同化

心風人力倍平常將死者識能預知只是他不著  
別事雜亂兼無昏氣人須致一如此

誠則自然無累不誠便有累

根本須先培壅然後可立趨向也趨向既正所造

有淺深則由勉與不勉也

人多昏其心聖賢則去其昏

讀論語孟子而不知道所謂雖多亦奚以爲

古之學者爲己今之學者爲人古之仕者爲人今

之仕者爲己古之強有力者將以行禮今之強

程子節錄

卷二上

八

有力者將以爲亂

言而不行是欺也君子欺乎哉不欺也

汎乎其思不若約之可守也思則求捨則去思之

不熟也

聖人於憂勞中其心則安靜安靜卻有至憂

發於外者謂之恭有諸中者謂之敬

誠然後能敬未及誠時卻須敬而後能誠

無妄之謂誠不欺其次矣

不愧屋漏則心安而體舒

經所以載道也。雖所以適用也。學經而不知道治，  
罷而不適用奚益哉？

今之學者，岐而爲三。能文者謂之文士，談經者流  
爲講師。惟知道者乃儒學也。

夫內之得有淺深，外之來有輕重。內重則可以勝  
外之輕，得深則可以見誘之淺。

徽自謂今無此好。周茂叔曰：「何言之易也？」但此心  
潛隱未發，一旦萌動，復如前矣。後十二年因見  
果知未

程子節錄

卷二上

九

禪學只到止處，無用處無禮義。

堯舜知他幾千年，其心至今在。

心要在腔子裏。

體道少能體，卽賢盡能體，卽聖。

只外面有些隙罅，便走了。

只學顏子不貳過。

忠恕違道不遠，可謂仁之方。力行近乎仁，求仁莫

近焉。仁道難言，故止曰「近不遠而已」。苟以力行

便爲仁，則失之矣。施諸已而不願，亦無施於人。

夫子之道，忠恕而已。曾子不能知道之要，捨此則  
不可言。

兵法遠交近攻，須是審行此道。智崇禮卑之意。

只是論行規矩準繩，巧則在人。

外面事不患不知，只患不見自己。

人當審已，如何不必恤浮議？志在浮議，則心不在

內。

靜坐獨處不難，居廣居應天下爲難。

玩心神明，上下同流。

程子節錄

卷二上

十

禹不矜不伐，至柔也。然乃見剛。

不學便老而衰。

把得地分定，做事直是不得放過。

致知但知止於至善爲人子止於孝爲人父止於

慈之類，不須外面只務觀物理。汎然正如游騎

無所歸也。

須是無終食之間，遠仁卽道日益明矣。

人有斗筭之量者，有鐘鼎之量者，有江河之量者，

有天地之量者。斗筭之量者固不足算，若鐘鼎

江河者亦已大矣然滿則溢也唯天地之量無得而損益苟非聖人孰能當之

董仲舒謂正其誼不謀其利明其道不計其功孫思邈曰膽欲大而心欲小智欲圓而行欲方可以法矣今人皆反之者也如臨深淵如履薄冰謂小心也糾糾武夫公侯干城謂大膽也不為利回不為義疚行之方也見幾而作不俟終日知之圓也此言極有理

正叔謂何以謂之君子何以謂之小人君子則所見者大小人則所見者小且近君子之志所慮

程子節錄

卷二上

五

者豈止其一身直慮及天下千萬世小人之慮一朝之忿曾不遑恤其身

呂進伯老而好學理會直是到底正叔謂老喜學者尤可愛人少壯則自當勉至於老矣志力須倦又慮學之不能及又年數之不多不曰朝聞道夕死可矣乎學不多年數之不足不猶愈於終不聞乎

二程解窮理盡性以至於命只窮理便是至於命子厚謂亦是失於大快此義儘有次序須是窮

理便能盡得已之性則推類又盡人之性既盡

得人之性須是并萬物之性一齊盡得如是然

後至於天道也其間煞有事豈有當下理會了

學者須是窮理為先如此則方有學今言知命

與至於命儘有近遠豈可以知便謂之至也

天地設位而易行乎其中只是敬也敬則無間斷

體物而不可遺者誠敬而已矣不誠則無物也

以下

毋不敬可以對越上帝

程子節錄

卷二上

五

克勤小物最難

自下而達上者唯造次必於是顛沛必於是

耳目能視聽而不能遠者氣有限耳心則無遠近

也

學要信與熟

敬勝百邪

欲當大任須是篤實

失之毫釐繆以千里深可戒慎

孟子曰仁也者人也合而言之道也中庸所謂率

性之謂道是也仁者人此者也敬以直內義以方外仁也若以敬直內則便不直矣行仁義豈有直乎必有事焉而勿正則直也

學要在自得

時者聖人所不能違然人之智愚世之治亂聖人必示可易之道豈徒爲教哉蓋亦有其理故也萬物皆有理順之則易逆之則難各循其理何勞於已力哉

人心莫不有知惟蔽於人欲則忘天德一作理也

程子節錄

宋二上

三

人心不得有所繫

以物待物不以已待物則無我也

志可克氣氣勝則憤亂矣今之人以恐懼而勝氣者多矣而以義理勝氣者鮮也

樂天知命通上下之言也聖人樂天則不須言知命知命者知有命而信之者耳不知命無以爲君子是矣命者所以輔義一循於義則何庸斷之以命哉若夫聖人之知天命則異於此  
智仁勇三者天下之達德學之要也

操約者敬而已矣

誠者天之道敬者人事之本敬者用也敬則誠

敬以直內則義以方外義以爲質則禮以行之孫以出之信以成之孫順也不止於言

和順於道德而理於義者體用也

學者須識聖賢之體聖人化工也賢人巧也

致知養氣

居仁由義守禮寡欲

有實則有名名實一物也若夫好名者則徇名爲

程子節錄

宋二上

三

虛矣如君子疾沒世而名不稱謂無善可稱耳

非徇名也

人須知自慊之道

動乎血氣者其怒必遷若鑑之照物妍媸在彼隨

物以應之怒不在此何遷之有

人須學顏子有顏子之德則孟子之事功自有孟

子者禹稷之事功也

人須知自慊之道自慊者無不足也若有所不足

則張子厚所謂有外之心不足以合天心者也

視聽思慮動作皆天也人但於其中要識得真與妄耳

凡爲人言者理勝則事明氣忿則招拂

人最可畏者是便做要在燭理

居之以正行之以和

窮理盡性矣曰以至於命則全無著力處如成於

樂樂則生矣之意同

凡人才學便須知著力處既學便須知得力處

灑掃應對便是形而上者理無大小故也故君子

程子節錄

卷二上

三

只存慎獨

知之明信之篤行之果知仁勇也

讀書要玩味

學要在敬也誠也中間便有箇仁博學而篤志切

問而近思仁在其中矣之意

人之學不進只是不勇

人多言廣心浩大然未見其人也

志氣之帥不可小觀以下正

涵養吾一

宅一無適敬以直內便有浩然之氣浩然須要實

識得他剛大直不習無不利

敬卽便是禮無已可克

大而化則已與禮一一則無已

六經之言在涵畜中默識心通精義爲本

物則一作事也凡事上窮極其理則無不通

有主則虛無主則實必有所事

人患事繁累思慮蔽固只是不得其要要在明善

明善在乎格物窮理窮至於物理則漸久後天

程子節錄

卷二上

三

下之物皆能窮只是一理

人多思慮不能自寧只是做他心主不定要作得

心主定惟是止於事爲人君止於仁之類如舜

之誅四凶四凶已作惡舜從而誅之舜何與焉

人不止於事只是攬他事不能使物各付物物

各付物則是役物爲物所役則是受於物有物

必有則須是止於事

視聽言動非禮不爲卽是禮禮卽是理也不是天

理便是私欲人雖有意於爲善亦是非理無人

欲卽皆天理

公則一私則萬殊至當歸一精義無二人心不同如面只是私心

人不能祛私慮只是吝吝故無浩然之氣

古之學者優柔厭飢有先後次序今之學者卻只倣一場說話務高而已常愛杜元凱語若江河之浸膏澤之潤渙然冰釋怡然理順然後爲得也今之學者往往以游夏爲小不足學然游夏一言一事卻總是實如子路公西赤言志如此

程子節象

卷二上

聖人許之亦以此自是實事後之學者好高如人游心於千里之外然自身卻只在此

人皆稱柳下惠爲聖人只是因循前人之語非自見假如人言孔子爲聖人也須直待已實見聖處方可信

曾子傳聖人學其德後來不可測安知其不至於聖人如言吾得正而斃且休理會文字只看他氣象極好被他所見處大後人雖有好言語只被氣象卑終不類道

養心莫善於寡欲不欲則不惑所欲不必沈溺只有所向便是欲

人惡多事或人憫一作欲簡之世事雖多盡是人事人事不教人做更責誰做

要思思慮便是不息思慮

徇流俗非隨時知事可正嚴毅獨立乃是隨時也人苟有朝聞道夕死可矣之志則不肯一日安於所不安也何止一日須更不能如曾子易簣須要如此乃安人不能若此者只爲不見實理實

程子節象

卷二上

理者實見得是實見得非凡實理得之於心自別若耳聞口道者心實不見若見得必不肯安於所不安人之一身儘有所不肯爲及至他事又不然若士者雖殺之使爲穿窬必不爲其他事未必然至如執卷者莫不知說禮義又如王公大人皆能言軒冕外物及其臨利害則不知就義理卻就富貴如此者只是說得不實見及其蹈水火則人皆避之是實見得須是有見不善如採湯之心則自然別昔有經傷於虎者他



人語虎則雖三尺童子皆知虎之可畏終不似曾經傷者神色懾懼至誠畏之是實見得也得之於心是謂有德不待勉強然學者則須勉強古人有捐軀殞命者若不實見得則烏能如此須是實見得生不重於義生不安於死也故有殺身成仁者只是成就一箇是而已

學者忠心慮紛亂不能寧靜此則天下公病學者只要立箇心此上頭儘有商量

閑邪則誠自存不是外面捉一箇誠將來存著今

程子節錄

卷二上

三

人外面役役於不善於不善中尋箇善來存著如此則豈有入善之理只是閑邪則誠自存故孟子言性善皆由內出只爲誠便存閑邪更著甚工夫但惟是動容貌整思慮則自然生敬只是主一也主一則既不之東又不之西如是則只是中既不之此又不之彼如是則只是內存此則自然天理明學者須是將敬以直內涵養此意直內是本

釋氏之學更不消對聖人之學比較要之必不同

便可置之今窮其說未必能窮得他比至窮得自家已化而爲釋氏矣

敬以直內有主於內則虛自然無非僻之心如是則安能不虛必有事焉須把敬來做件事著此道最是簡最是易又省工夫爲此語雖近似常人所論然持之一久有必別

閑邪則固一矣然主一則不消言閑邪一者無他只是整齊嚴肅則心便一一則自無非僻之干此意但涵養久之則天理自然明

程子節錄

卷二上

三

必有事焉有事於此敬一作也勿正者若思此而曰善然後爲之是正也勿忘則是必有事也勿助長則是勿正也後言之漸重須默識取主一之意

修養之所以引年國祚之所以祈天永命常人之至於聖賢皆工夫到這裏則有此應

學者之流必談禪者只是爲無處撈摸故須入此率氣者在志養志者在直內

人於天地間並無窒礙處大小大快活

切要之道無如敬以直內

出門如見大賓使民如承大祭只是敬也敬則是  
不私之說也才不敬便私欲萬端害於仁  
學爲氣所勝習所奪只可責志

釋氏之說若欲窮其說而去取之則其說未能窮  
固已化而爲佛矣且只於迹上考之其設教如  
是則其心果何如固難爲取其心不取其迹有  
是心則有是迹王通言心迹之判便是亂說不  
若且於迹上斷定不與聖人合其言有合處則

程子節錄

朱二上

三

吾道固已有有不合者固所不取如是立定卻

省易一作

儒者其卒必入異教其志非願也其勢自然如此  
蓋智窮力屈欲休來又知得未安穩休不得換  
見人有一道理其勢須從之譬之行一大道坦  
然無阻則更不由徑只爲前面逢著山逢著水  
行不得有窒礙則見一邪徑欣然從之儒者之  
所以必有窒礙者何也只爲不致知知至至之  
則自無事可奪今夫有人處於異鄉元無安處

則言某處安某處不安須就安處若已有家人  
言他人家爲安已必不肯就彼故儒者而卒歸  
異教者只爲於已道實無所得雖曰聞道終不  
曾實有之

有謂因苦學而至失心者學本是治心豈有反爲  
心害某氣本不盛然而能不病無倦怠者只是  
一箇慎生不恣意其於外事思慮儘悠悠

程子節錄卷之二上終

程子節錄

朱二上

三

程子節錄卷之二下

格物窮理非是要盡窮天下之物但於一事上窮盡其他可以類推至如言孝其所以爲孝者如何如一事上窮不得且別窮一事或先其易者或先其難者各隨人深淺如千蹊萬徑皆可適因但得一道入得便可所以能窮者只爲萬物皆是一理至如一物一事雖小皆有是理

敬則自虛靜不可把虛靜喚做敬居敬則自然行簡若居簡而行簡卻是不簡只是所居者已剩

程子節錄

卷二下

一簡字

敬則無已可克始則須絕四

人之身有形體未必能爲主若有人爲繫虜將去

隨其所處已有不得與也唯心則三軍之衆不

可奪也若并心做主不得則更有甚

由經窮理

不勉而中不思而得與勉而中思而得何止有差

等直是相去懸絕不勉而中卽常中不思而得

卽常得所謂從容中道者指他人所見而言之

若不勉不思者自在道上行何人何必言中不中不勉不思亦有大小深淺至於曲藝亦有不勉不思者所謂日月至焉與久而不息者所見規模雖畧相似其意味氣象迥別須潛心默識玩索久之庶幾自得學者不學聖人則已欲學之須熟玩味聖人氣象不可只於名上理會如此只是講論文字

格物須積累涵養如始學詩者其始未必善到悠久須差精人則只是舊人其見則別

程子節錄

卷二下

知至則當至之知終則當遂終之須以知爲本知

之深則行之必至無有知之而不能行者知至

不能行只是知得淺饑而不食鳥喙人不蹈水

火只是知人爲不善只是不知

古之學者先由經以識義理蓋始學時盡是傳授

後之學者卻先須識義理方始看得經如易繫

辭所以解易今人須看了易方始看得繫辭

云古之人得其師傳故因經以明道後

世失其師傳故非明道不能以知經解義理若一向靠書冊何由得居之安資之深不

惟自失兼亦誤人

學者好語高正如貧人說金說黃色說堅軟道他不是又不可只是好笑不曾見富人說金如此只管衣食卻無害惟利祿之誘最害人

做官奪人志

守身爲大養疾亦是守身之一齋戰疾聖人之所慎

說書必非古意轉使人薄學者須是潛心積慮優游涵養使之自得今日說盡只是教得薄至

程子節錄

卷二下

三

如漢時說下帷誦讀猶未必說書

學者先務固在心志有謂欲屏去聞見知思則絕聖棄智有欲屏去思慮患其紛亂則是須坐禪入定如明鑑在此萬物畢照是鑑之常難爲使之不照人心不能不交感萬物亦難爲使之不思慮若欲免此唯是心有主如何爲主敬而已矣有主則虛虛謂邪不能入無主則實實謂物來奪之今夫瓶甕有水實內則雖江海之邊無所能入安得不虛無水於內則淳注之水不

可勝注安得不實大凡人心不可二用用於一

事則外事更不能入者事爲之主也事爲之主尚無思慮紛擾之患若主於敬又焉有此患乎所謂敬者主一之謂敬所謂一者無適之謂一且欲涵泳主一之義一則無二三矣言敬無如聖人之言易所謂敬以直內義以方外須是直內乃是主一之義至於不敢欺不敢慢尚不愧於屋漏皆是敬之事也但存此涵養久之自然天理明

程子節錄

卷二下

四

有主則虛無主則實必有所事

以物待物不可以已待物

浩然之氣難識須要認得當行不歉於心之時自然有此氣象然亦未盡須是見至大至剛以直之三德方始見浩然之氣若要見時且看取地道坤六二直方大不習無不利方便是剛大便是大直便是直於坤不言剛而言方者言剛則害於地道故下復云至柔而動也剛以其先言柔而後云剛無害大只是對小而言是大也剛

只是對柔而言是剛也直只是對曲而言是直也如此自然不習無不利坤之六二只爲已是地道又是二又是六地道之精純者至如六五便不同欲得學且只看取地道坤雖是學者之事然亦有聖人之道乾九二是聖人之事聖賢坤六二是學者之事之道其發無二但至有深淺大小

嚴威儼恪非敬之道但致敬須自此入

禮孰爲大時爲大亦須隨時當隨則隨當治則治

當其時作其事便是能隨時隨時之義大矣哉

程子節錄

卷二下

五

尋常入言隨時爲且和同只是流徇耳不可謂

和和則已是和於義故學者志在不能識時時

出之亦須有溥博淵泉方能出之

義之精者須是自求得之如此則善求義也

今農夫祁寒暑雨深耕易耨播種五穀吾得而食

之今百工技藝作爲器用吾得而用之甲冑之

士被堅執銳以守土宇吾得而安之卻如此

過了日月卽是天地間一晷也功澤又不及民

別事又做不得惟有補緝聖人遺書庶幾有補

耳

致知在格物格物之理不若察之於身其得尤切

人要明理若止一物上明之亦未濟事須是集衆

理然後脫然自有悟處

大凡儒者未敢望深造於道且只得所存正分別

善惡識廉恥如此等人多亦須漸好

人皆知趨利而避害聖人則更不論利害惟看義

當爲不當爲便是命在其中也

今之爲學者如登山麓方其迤邐莫不濶步及到

程子節錄

卷二下

六

峻處便逡巡苟能遇難益堅剛過則改何遠弗至也

大凡禮必須有意體之所尊尊其義也失其義陳

其數視史之事也

學莫大於致知養心莫大於禮義古人所養處多

若聲音以養其耳舞蹈以養其血脉今人都無

只有箇義理之養人又不知求

或謂人莫不知和柔寬緩然臨事則反至於暴厲

曰只是志不勝氣氣反動其心也

學者所貴聞道執經而問但廣聞見而已

大凡學問開之知之皆不爲得者須默識心通  
學者欲有所得須是篤誠意竭理上知則頓悟自  
別其次須以義理涵養而得之

造道深後雖聞常人語言淺近事莫非義理

如眼前諸人要特立獨行煞不難得只是要一箇  
知見難人只被這箇知見不通透人謂要力行  
亦只是淺近語人既能知見豈有不能行一切  
事皆所當爲不必待著意做纔著意做便是有  
箇私心這一點意氣能得幾時子

程子節錄

卷二下

七

今人欲致知須要格物物不必謂事物然後謂之  
物也自一身之中至萬物之理但理會得多相  
次自然豁然有覺處

知之必好之好之必求之求之必得之古人此箇  
學是終身事果能顛沛造次必於是豈有不得  
道理

近世淺薄以相權狎爲相與以無圭角爲相惟愛  
如此者安能久若要久須是恭敬君臣朋友皆  
當以敬爲主也比之上六曰比之无首凶象曰

比之无首无所終也比之有首尚懼无終既无  
首安得有終故曰无所終也比之道須當有首  
或曰君子淡以成小人甘以壞曰是也豈有甘  
而不壞者

問學何以至覺悟處曰莫先致知能致知則思一  
日愈明一日久而後有覺也學而無覺則何益  
矣又奚學爲思曰庸庸作聖纔思便庸以至作  
聖亦是一箇思故曰勉強學問則聞見博而智  
益明又問莫致知與力行兼否曰爲常人言纔

程子節錄

卷二下

八

知得非禮不可爲須用勉強至於知穿窬不可  
爲則不待勉強是知有淺深也古人言樂循禮  
之謂君子若勉強只是知循禮非是樂也纔到  
樂時便是循禮爲樂不循禮爲不樂何苦而不  
循禮自不須勉強也若夫聖人不勉而中不思  
而得此又上一等事

思曰庸思慮久後庸自然生若於一事上思未得  
且別換一事思之不可專守著這一事蓋人之  
知識於這裏蔽著雖強思亦不通也

或問思一事或泛及

他事莫是心不專否曰不致知怎生行得只是  
心若專怎生解及別事  
覲卻堯學他行事無堯許多聰明睿知怎生得  
如他動容周旋中禮勉強行者安能持久除非  
燭理明自然樂循理性本善循理而行是順事  
本亦不難但爲人不知旋安排著便道難也學  
者須是真知纔知得是便泰然行將去也某年  
二十時解釋經義與今無異然思今日覺得意  
味與少時自別

信有二般有信人者有自信者如七十子於仲尼

程子節錄

卷二下

九

得他言說便終身守之然未必知道學者須要  
自信既自信怎生奪得

或問進修之術何先曰莫先於正心誠意誠意在  
致知致知在格物格至也如祖考來格之格凡  
一物上有一理須是窮致其理窮理亦多端或  
讀書講明義理或論古今人物別其是非或應  
事接物而處其當皆窮理也或問格物須物物  
格之還只格一物而萬理皆知曰怎生便會該  
通若只格一物便通衆理雖顏子亦不敢如此

道須是今日格一件明日又格一件積習既多  
然後脫然自有貫通處涵養須用敬進學則在  
致知

問人有志於學然智識蔽固力量不至則如之何  
曰只是致知若致知則智識當自漸明不曾見  
人有一件事終思不到也智識明則力量自進  
曰何以致知曰在明理或多識前言往行識之  
多則理明然人全在勉強也

學者言入乎耳必須著乎心見乎行事如只聽他

程子節錄

卷二下

十

人言卻似說他人事已無所與也

莫說將第一等讓與別人且做第二等才如此說  
便是自棄雖與不能居仁由義者差等不同其  
自小一也言學便以道爲志言人便以聖爲志  
自謂不能者自賊者也謂其君不能者賊其君  
者也

學欲速不得然亦不可急才有欲速之心便不是  
學學是至廣大的事豈可以迫切之心爲之  
問敬還用意否曰其始安得不用意又問敬莫是

靜否曰才說靜便入於釋氏之說只用敬字  
或問獨處一室或行暗中多有驚想何也曰只是  
燭理不明若能燭理則知所懼者妄又何懼焉  
有人雖知此然不免懼心者只是氣不充須是  
涵養久則氣充自然物動不得然有懼心亦是  
敬不足

問世言鬼神之事雖知其無然不能無疑懼何也  
曰此只是自疑耳曰如何可以曉悟其理曰理  
會得精氣爲物遊魂爲變與原始要終之說便

程子節錄

卷二下

十一

能知也須是於原字上用工夫或曰遊魂爲變  
是變化之變否曰既是變則存者亡堅者腐更  
無物也鬼神之道只恁說與賢雖會得亦信不  
過須是自得也或曰何以得無恐懼曰須是氣  
定自然不惑氣未充要強不得

人語言緊急莫是氣不定否曰此亦當習習到語  
言自然緩時便是氣質變也學至氣質變方是  
有功

問人或倦怠豈志不立乎曰若是氣體勞後須倦

若是志怎生倦得入只爲氣勝志故多爲氣所  
使如人少而勇老而怯少而廉老而貪此爲氣  
所使者也若是志勝氣時志旣一定更不可易  
如曾子易簣之際其氣之微可知只爲他志已  
定故雖死生許大事亦動他不得蓋有一絲髮  
氣在則志猶在也

問人之燕居形體怠惰心不慢可否曰安有箕倨  
而心不慢者昔呂與叔六月中來樂氏間居中  
某嘗窺之必見其儼然危坐可謂敦篤矣學者

程子節錄

卷二下

十二

須恭敬但不可令拘迫拘迫則難久矣

昔呂與叔嘗問爲思慮紛擾某答以但爲心無主  
若主於敬則自然不紛擾譬如以一壺水投於  
水中壺中既實雖江湖之水不能入矣曰若思  
慮果出於正亦無害否曰且如在宗廟則主敬  
朝廷主莊軍旅主嚴此是也却發不以時紛然  
無度雖正亦邪

問人於議論多欲已直無含容之氣是氣不平否  
曰固是氣不平亦是量狹人量隨識長亦有人



識高而量不長者，是識實未至也。大凡別事，人都強得，惟識量不可強。今人有斗筲之量，有釜斛之量，有鐘鼎之量，有江河之量，江河之量亦大矣。然有涯有涯，亦有時而滿。惟天地之量，則無滿。故聖人者，天地之量也。聖人之量，道也。常人之有量者，天資也。天資有量者，須有限。惟知道者，量自然宏大，不勉強而成。

人才有意於爲公，便是私心。昔有人典選其子弟，係磨勘，皆不爲理。此乃是私心。人多言古時用

程子節錄

卷二下

三

直不避嫌，後世用此，不得自是。無人豈是無時？問觀物察己，還因見物反求諸身否？曰：不必如此。說物我一理，纔明彼，卽曉此。合內外之道也。語其大至天地之高厚，語其小至一物之所以然。學者皆當理會，又問致知先求之四端，何如？曰：求之性情固是切於身，然一草一木皆有理，須是察。

觀物理以察己，既能燭理，則無往而不識天下物。皆可以理照，有物必有則，一物須有一理。

爲人處世間，得見事無可疑處，多少快活。

問：家貧親老，應舉求仕，不免有得失之累，何修可？以免此？曰：此只是志不勝氣。若志勝，自無此累。家貧親老，須用祿仕，然得之不得，有命。曰：在己固可爲親奈何？曰：爲己爲親，只是一事。若不得，其如命何？孔子曰：不知命，無以爲君子。人苟不知命，見患難必避，遇得喪必動，見利必趨。其何？以爲君子？然聖人言命，蓋爲中人以上者設。非爲上知者言也。中人以上，於得喪之際，不能不

程子節錄

卷二下

四

惑故有命之說，然後能安。若上智之人，更不言命。惟安於義，借使求則得之，然非義則不求。此樂天者之事也。上智之人，安於義，中人以下，安於命。乃若聞命而不能安者，又其下者也。

知道則不肯守一節一行。  
問：惡外物如何？曰：是不知道者也。物安可惡？釋氏之學，便如此。釋氏要屏事，不問這事是合有，合無？若是合有，又安可屏？若是合無，自然無了，更屏什麼？

蘇李明問中之道與喜怒哀樂未發之中同否曰  
非也喜怒哀樂未發是在中之義只一箇中字  
但用不同或曰喜怒哀樂未發之前求中可否  
曰不可既思於喜怒哀樂未發前求之既思卽  
是已發纔發便謂之和謂之中也又問呂學  
士言當求於喜怒哀樂未發之前如何曰若言  
存養於未發之前則可若言求中於未發之前  
則不可未發之時更怎生求只平日涵養久喜  
怒哀樂發自中節

程子節錄

卷二下

圭

李朝問先生說喜怒哀樂未發謂之中是在中之  
義不識何意曰只喜怒哀樂不發便是中也曰  
中莫無形體只是箇言道之題目否曰非也中  
有甚形體然既謂之中也須有箇形象曰當中  
之時耳無聞目無見否曰雖耳無聞目無見然  
見聞之理在始得曰中是有時而中否曰何時  
而不中以事言之則有時而中以道言之何時  
而不中曰固是所爲皆中然而觀於四者未發  
之時靜時自有一般氣象及至接事時又自別

程子節錄

卷二下

圭

何也曰善觀者不如此卻於喜怒哀樂已發之  
際觀之賢且說靜時如何曰謂之無物則不可  
然自有知覺處曰既有知覺卻是動也怎生言  
靜人說復其見天地之心皆以至靜能見天地  
之心非也復之卦下面一畫便是動也安得謂  
之靜自古儒者皆言靜見天地之心唯某言動  
而見天地之心或曰莫是於動上求靜否曰固  
是然最難釋氏多言定聖人便言止且如物之  
好須道是好物之惡須道是惡物自好惡關我  
這裏甚事若說道我只是定更無所爲然物之  
好惡亦自在裏故聖人只言止所爲止如人君  
止於仁人臣止於敬之類是也易之艮言止之  
義曰艮其止止其所也言隨其所止而止之人  
多不能止蓋人萬物皆備遇事時各因其心之  
所重者更互而出纔見得這事重便有這事出  
若能物各付物便自不出來也或曰先生於喜  
怒哀樂未發之前下動字下靜字曰謂之靜則  
可然靜中須有物始得這裏便是難處學者莫

若且先理會得敬能敬則自知此矣或曰敬何以用功曰莫若主一季明曰晒常患思慮不定或思一事未了他事如麻又生如何曰不可此不誠之本也須是習習能專一時便好不拘思慮與應事皆要求一或曰當靜坐時物之過乎前者還見不見曰看事如何若是大事如祭祀前旒蔽明齋纓充耳凡物之過者不見不聞也若無事時目須見耳須聞或曰當敬時雖見聞莫過而不留否曰不說道非禮勿視勿聽勿者

程子節錄

卷二下

七

禁止之辭纔說弗字便不得也問雜說中以赤子之心爲已發是否曰已發而去道未遠也曰大人不失赤子之心若何曰取其純一近道也曰赤子之心與聖人之心若何曰聖人之心如鏡如止水

問日中所不欲爲之事夜多見於夢何也曰只是心不定今人所夢見事豈特一日之事亦有數十年前之事夢見之者只爲心中舊有此事平日有事與此事相感或氣相感然後發出來若

存養久底人自不如此聖賢則無這夢只有朕兆便形於夢也人有氣清無夢者亦有氣昏無夢者聖人無夢氣清也若人困甚時更無夢只爲昏氣蔽隔也人於夢寐間亦可以卜自家所學之淺深如夢寐顛倒卽是心志不定操存不固

問心所繫著之事則夜見於夢所著事善夜夢見之莫不吉否曰雖是善事心亦是動凡事有朕兆入夢者卻無害捨此皆是妄動人心要定

程子節錄

卷二下

八

使他思時方思乃是今人都由心曰心誰使之曰以心使心則可人心自由便放去也學者先須讀論孟窮得論孟自有箇要約處以此觀他經甚省力論孟如丈尺權衡相似以此去量度事物自然見得長短輕重

問人敬以直內氣便能充塞天地否曰氣須是養集義所生積集既久方能生浩然氣象人但看所養如何養得一分便有一分養得二分便有二分只將敬安能便到充塞天地處且氣自是

氣體所充自是一件事敬自是敬怎生合得  
問出辭氣莫是於言語上用工否曰須是養乎中  
自然言語順理今人熟底事說得便分明若是  
生事便說得蹇澁須是涵養久使得自然若是  
慎言語不妄發此卻可著力

問博我以文約我以禮曰此是顏子稱聖人最切  
當處聖人教人只是如此既博之以文而後約  
之以禮所謂博學而詳說之將以及說約也博  
與約相對聖人教人只此兩字博是博學多識

程子節錄

卷二下

九

多聞多見之謂約只是使之知要也又問君子  
博學於文約之以禮亦可以弗畔矣夫與此同  
否曰這只是淺近說言多聞見而約束以禮雖  
未能知道底幾可以弗畔於道此言善人君子  
多識前言往行而能不犯非禮者耳非顏子所  
以學於孔子之謂也又問此莫是小成否曰亦  
未是小成去知道甚遠如曰多聞擇其善者而  
從之多見而識之知之次也問見與知之甚異  
此只是聞之者也又曰聖人之道知之莫甚難

否曰聖人之道安可以難易言聖人未嘗言易  
以驕人之志亦未嘗言難以阻人之進仲尼但  
曰未之思也夫何遠之有此言極有涵畜意思  
孟子言夫道若大路然豈難知哉只下一豈字  
便露筋骨聖人之言不如此下面說人病不求  
耳子歸而求之有餘師這卻說得好孔孟言有  
異處亦須自識得

程子節錄

卷二下

十

曰只彼說得粗了諸君便道易此莫是最難須  
理會得因何不遷怒如舜之誅四凶怒在四凶  
舜何與焉蓋因是人有所怒之事而怒之聖人  
之心本無怒也譬如明鏡好物來時便見是好  
惡物來時便見是惡鏡何嘗有好惡也世之人  
固有怒於室而色於市且如怒一人對那人說  
話能無怒色否有能怒一人而不怒別人若能  
忍得如此已是煞知義理若聖人因物而未嘗  
有怒此莫是甚難君子役物小人役於物人見

有可喜可怒之事自家著一分陪奉他此亦勞矣聖人心如止水

人只有箇天理不能存得更做甚人

博奕小數不專心致志猶不可得况學道而悠悠安可得也仲尼言吾嘗終日不食終夜不寢又曰朝聞道夕死可矣不知聖人何故底死如此文意不難會須求其所以如此何故始得學如不及猶恐失之纔說姑待明日便不可也

王通曰天下皆憂吾獨得無憂天下皆疑吾獨得

程子節錄

卷二下

五

無疑樂天知命吾何憂窮理盡性吾何疑說得極好下面言心迹之判便不是皆後人附會

未知道者如醉人方其醉時無所不至及其醒也莫不愧恥人之未知學者自視以爲無缺及既知學及思前日所爲則駭且懼矣

言貴簡言愈多於道未必明杜元凱卻有語云言高則旨遠辭約則義微大率言語須是含蓄而有餘意所謂書不盡言言不盡意也

思曰磨磨作聖致思如掘井初有渾水久後稍引

得清者出來人思慮始得涸濁久自明快

凡觀書不可以相類泥其義不爾則字字相梗當觀其文勢上下之意如充實之謂美與詩之美不同

學者求有益須是日新

凡順理無害處便是利君子未嘗不欲利只以利爲心則有害

讀史須見聖賢所存治亂之機賢人君子出處進退便是格物今日只將他見成底事便做是不

程子節錄

卷二下

五

知煞有誤人處

若要學佛須是見得他小便自然不學

學佛者多要忘是非是非安可忘得自有許多道理何事忘爲夫事外無心心外無事世人只被爲物所役便覺苦事多若物各付物便役物也先生謂繹曰吾受氣甚薄三十而浸盛四十五十而後完今生七十二年矣較其筋骨於盛年無損也又曰今待老而求保生是猶貧而後蓄積雖勤無補矣繹曰先生豈以受氣之薄而厚爲

保生耶子默然曰吾以忘生狗欲爲深恥

勇者能以敵彼者也苟爲造道而心不動焉則所以敵物者不賴勇而裕如矣

氣有善有不善性則無不善也人之所以不知善者氣昏而塞之耳孟子所以養氣者養之至斯清明純全而昏塞之患去矣或曰養心或曰養氣何也曰養心則勿害而已養氣則志有所帥也

問如何是格物曰格至也言窮至物理也又問如何

程子節錄 卷二下

何以格物曰但立誠意去格其遲速卻在人明暗

問學者如何可以有所得曰但將聖人言語玩味久則自有所得當深求於論語將諸弟子問處便作已問將聖人答處便作今日耳聞自然有得孔孟復生不過以此教人耳若能於論孟中深求玩味將來涵養成其生氣質

學者須要知言

知言然後可以養氣不知言無以知道也

凡人血氣須要理義勝之

學者要自得六經浩渺下來難盡曉且見得路徑後各自立得一箇門庭歸而求之可矣問如何可以自得曰思曰睿睿作聖須是於思慮間得之大抵只是一箇明理

小人之怒在己君子之怒在物小人之怒出於心作於氣以及於物以至於無所不怒是所謂遷也若君子之怒則如舜之去四凶

螟螣蠃贏本非同類爲其氣同故視則有之又況

程子節錄 卷二下

孟

人與聖人同類者大抵須是自強不息將來涵養成就到聖人田地自然氣貌改變

君子以義安命小人以命安義

看史必觀治亂之由及聖賢修己處事之美人思如湧泉浚之愈清

主一者謂之敬一者謂之誠主則有意在

格物者適道之始欲思格物則已近道矣何也以收其心而不放也

君子之學在於意必固我既亡之後而復於喜怒哀

哀樂未發之前則學之至也

有學不至而言至者循其言亦可以入道荀子曰  
真積力久則入杜預曰優而柔之使自求之厭  
而飫之使自趨之管子曰思之思之又重思之  
思之而不通鬼神將通之非鬼神之力也精神  
之極也此三者循其言皆可以入道而荀子管  
子杜預初不能及此

聞見之知非德性之知物交物則知之非內也今  
之所謂博物多能者是也德性之知不假見聞

程子節錄

卷二下

五

能盡飲食言語之道則可以盡去就之道能盡去  
就之道則可以盡死生之道飲食言語去就死  
生小大之勢一也故君子之學自微而顯自小  
而彰易曰閑邪存其誠閑邪則誠自存而閑其  
邪者乃在於言語飲食進退與人交接之際而  
已

何以窒欲曰思而已矣學莫貴於思唯思爲能窒  
欲曾子之三省窒欲之道也

學莫貴於知言道莫貴於識時事莫貴於知要

學不貴博貴於正而已言不貴多貴於當而已政  
不貴詳貴於順而已

意必固我既亡之後必有事焉此學者所宜盡心  
也夜氣之所存者良知也良能也苟擴而充之  
化旦晝之所害爲夜氣之所存然後可以至於  
聖人

德盛者物不能擾而形不能病形不能病以物不  
能擾也故善學者臨死生而色不變疾痛慘戚  
而心不動由養之有素也非一朝一夕之力也

程子節錄

卷二下

五

心之躁者不熱而煩不寒而慄無所惡而怒無所  
悅而喜無所取而起君子莫大於正其氣欲正  
其氣莫若正其志其志既正則雖熱不煩雖寒  
不慄無所怒無所喜無所取去就猶是死生猶  
是是之謂不動心

學者當以論語孟子爲本論語孟子既治則六經  
可不治而明矣讀書者當觀聖人所以作經之  
意與聖人所以用心與聖人所以至聖人而吾  
之所以未至者所以未得者句句而求之晝誦

而味之中夜而思之平其心易其氣闕其疑則聖人之意見矣

吾未見齋於財而能爲善者也吾未見不誠而能爲善者也

有求爲聖人之志然後可與共學學而善思然後可與適道思而有所得則可與立立而化之則可與權

形易則性易性非易也氣使之然也

至顯者莫如事至微者莫如理而事理一致微顯

程子節錄

卷二下

毛

一源古之君子所謂善學者以其能通於此而已

君子之學貴乎一一則明明則有功

不深思則不能造其道不深思而得者其得易失

君子莫大於學莫害於畫莫病於自足莫罪於自

棄學而不止此湯武所以聖也

君子之學必日新日新者日進也不日新者必日退未有不進而不退者唯聖人之道無所進退以其所造者極也

不思故有惑不求故無得不問故不知以上俱性靜者可以爲學明

學在知其所有又養其所有明

實是實非能辨則循實是天下之事歸於一是是

乃理也循此理乃可進學至形而上者也正

心得之然後可以爲已物明

學始於不欺闇室

學者多蔽於解釋註疏不須用功深

大率把握不定皆是不仁

程子節錄

卷二下

天

人必以忠信爲本忠信禮之本人無忠信則不可以爲學

仁者在已何憂之有凡不在已逐物在外皆憂也

樂天知命故不憂此之謂也若顏子簞瓢在他

人則憂而顏子獨樂者仁而已

凡下學人事便是上達天理正

人無遠慮必有近憂思慮當在事外正

知性善以忠信爲本此先立其大者明

致知在所養養知莫善於寡欲正



格至也窮至物理無他唯思而已思曰睿睿作聖  
人心之所同然者何也謂理也義也何謂理何謂  
義學者當深思

儒者只合言人事不合言有數直到不得已處然  
後歸之於命可也

善學者要不爲文字所牾故文義雖解錯而道理  
可通行者不害也

經德不同乃教上等人禍福之說使中人以下知  
所畏懼修省亦自然之理耳若釋氏怖死以學

程子節錄

卷二下

五

道則立心不正矣

心敬則內自重

思慮不得至於苦

風竹便是感應無心如人怒我勿留胃中須如風  
動竹

聖人之責人也常緩只欲事正無顯人過惡之意  
問寢不尸曰毋不敬

因論持其志先生曰只這箇也是私然學者不恁  
地不得

學者有所得不必在談經論道間當於行事動容  
周旋中禮得之

致知在格物格至也窮理而至於物則物理盡  
學者今日無可添惟有可減減盡便無事

世之人務窮天地萬物之理不知反之一身五臟  
六腑毛髮筋骨之所存鮮或知之善學者取諸  
身而已自一身以觀天地

李朴請教先生曰當養浩然之氣又問曰觀張子  
厚所作西銘能養浩然之氣者也

程子節錄

卷二下

三

學者要先會疑

石曼卿詩云樂意相關禽對語生香不斷樹交花  
明道曰此語形容得浩然之氣

陳經正問曰據貴一所見盈天地間皆我之性更  
不復知我身之爲我伊川笑曰他人食飽公無  
餒乎

或問涵養曰若造得到更說甚涵養

心定者其言重以舒不定者其言輕以疾  
或謂科舉業奪人之功曰不然且一月之中以十

日爲舉業餘日足可爲學然人不志此必志於  
彼故科舉之事不患妨功惟患奪志

或病漢史天子建中和之極中與極之語曰此亦  
有理中和猶木材也極猶屋之極有中和斯有  
極如有木材斯可建屋之極學者須識此氣象  
內直則其氣浩然養之則爲大人

二程之學以聖人爲必可學而至而已必欲學而  
至於聖人

宗承先生謂伯溫曰人之爲學忌先立標準若循

程子節錄

卷二下

三

循不已自有所至矣

謝子與伊川別一年往見之伊川曰相別又一年  
做得甚工夫謝曰也只去箇矜字曰何故日子  
細檢點得來病痛盡在這裏若按伏得這箇罪  
過方有向進處伊川點頭因語在坐曰此人爲  
學切問近思者也

謝子曰吾嘗習忘以養生明道曰施之養生則可  
於道則有害習忘可以養生者以其不留情也  
學道則異於是必有事焉而勿正何謂乎且出

入起居寧無事者正心待之則先事而迎忘則  
涉乎去念助則近於留情故聖人心如鑑孟子  
所以異於釋氏此也

明道曰讀書慎不要尋行數墨

明道曰人有四百四病皆不由自家心須教由自  
家

明道曰別人喫飯從脊皮上過我喫飯從肚裏去  
暇日靜坐和靖孟敦夫張思叔侍伊川指面前水  
盆語曰清靜中一物不可著才著物便搖動

程子節錄

卷二下

三

謝顯道從明道於扶溝明道一日謂之曰爾輩在  
此相從只是學某言語故其學心口不相應盡  
若行之請問焉曰且靜坐伊川每見人靜坐便  
嘆其善學

和靖曰初見伊川時教某看敬字某請益伊川曰  
主一則是敬門人問和靖如何是主一先生曰  
敬有甚形影只收斂身心便是主一且如人到  
神祠中致敬時其心收斂更着不得毫髮事非  
主一而何又曰昔有趙承議從伊川學伊川嘆

令看敬字趙請益伊川整衣冠齊容貌而已

有人說無心伊川曰無心便不是只當云無私心  
震澤語錄曰伊川年四十以後記性愈進今人年  
長則健忘豈可不知其故哉

伊川嘗言今僧家讀一卷經便要一卷經中道理  
受用儒者讀書卻只閑了都無用處

彥明嘗言先生教人只是專令敬以直內若用此  
理則百事不敢輕爲不敢妄作不愧屋漏矣習  
之既久自然有所得也因說往年先生自涪歸

程子節錄 卷二下

日日見之一日讀易至敬以直內因問先生不  
習無不利時則更無時當更無計較耶先生深  
以爲然且曰不易見得如此且更涵養不要輕  
說

程子節錄卷之三

天地生一世一人自足了一世事但恨人不能盡用  
天下之才此其不能大治

天地生物各無不足之理常思天下君臣父子兄  
弟夫婦有多少不盡分處

世人多慎於擇婿而忽於擇婦其實婿易見婦難  
知所繫甚重豈可忽哉

漢策賢良猶是人舉之如公孫弘者猶強起之乃  
就對至如後世賢良乃自求舉耳若果曰我心

程子節錄 卷三

望廷對欲言天下事則亦可尙矣若志在富貴  
則得志便驕縱失志則便放曠與悲愁而已

有人勞正叔先生曰先生謹於禮四五十年應甚  
勞苦先生曰吾日履安地何勞何苦他人日踐  
危地此乃勞苦也

伯淳近與吳師禮談介甫之學錯處謂師禮曰爲  
我盡達諸介甫我亦未敢自以爲是如有說願  
往復此天下公理無彼我果能明辨不有益於  
介甫則必有益於我

持國嘗患在下者多欺伯淳先生曰欺有三有爲利而欺則固可罪有畏罪而欺者在所恕事有類欺者在所察

居今之時不安今之法令非義也若論爲治不爲則已如復爲之須於今之法度內處得其當方爲合義若須更改而後爲則何義之有

今之監司多不與州縣一體監司專欲伺察州縣專欲掩蔽不若推誠心與之共治有所不逮可教者教之可督者督之至於不聽擇其甚者去

程子節錄

卷三

二

一二使足以警衆可也

談經論道則有之少有及治體者如有用者正心以正身正身以正家正家以正朝廷百官至於天下此其序也其間則又繫用之淺深臨時裁酌而應之難執一意

行禮不可全泥古須當視時之風氣自不同故所處不得不與古異如今人面貌自與古人不同若全用古物亦不相稱雖聖人作須有損益嫂叔無服先王之權後聖有作雖復制服可矣

師不立服不可立也當以情之厚薄事之大小處之如顏閔於孔子雖斬衰三年可也其成已之功與君父並其次各有淺深稱其情而已下至曲藝莫不有師豈可一槩制服

斟酌去取古今恐未易言須尺度權衡在胸中無疑乃可處之無差

伯淳自謂只得他人待做惡人敬而遠之嘗有一朝士久不見謂伯淳曰以伯淳如此聰明因何許多時終不肯回頭來伯淳答以蓋恐回頭後

程子節錄

卷三

三

錯也

新政之改亦是吾黨爭之有大過成就今日之事塗炭天下亦須兩分其罪可也以今日之患觀之猶是自家不善從容至如青苗且放過又且何妨自仁祖朝優容諫臣當言職者必以詆訐而去爲賢習以成風惟恐人言不稱職以去爲落便宜昨來諸君蓋未免此苟如是爲則是爲已尚有私意在卻不在朝廷不干事理大凡利害禍福亦須致命須得致之爲言直如人

以力自致之謂也得之不得命固已定命苟不知無所不至故君子於窮困之時須致命便遂得志其得禍得福皆曰致只要申其志而已堯夫解他山之石可以攻玉玉者溫潤之物若將兩塊玉來相磨必磨不成須是得他箇粗糲的物方磨得出譬如君子與小人處爲小人侵陵則修省畏避動心忍性增益預防如此便道理出來

人之於患難只有一箇處置盡人謀之後卻須泰

程子節錄

宋三

四

然處之有人遇一事則心心念念不肯捨畢竟何益若不會處置了放下便是無義無命也今天下之士人在朝者又不能言退者遂忘之又

不肯言此非朝廷吉祥雖未見從又不曾有大橫見加便豈可自絕也君臣父子也父子之義不可絕豈有身爲侍從尚食其祿視其危亡曾不論列君臣之義固如此乎

既是爲人後者便須將所後者呼之以爲父以爲母不如是則不正也卻當甚爲人後後之立身

義者只見禮不杖棊內有爲人後者爲其父母報便道須是稱親禮文蓋言出爲人後則本父母反呼之以爲叔爲伯也故須著道爲其父母以別之非謂卻將本父母亦稱父母也

君子於任事之際須成敗之由在已則自當生死以之今致其身使禍福死生利害由人處之是不可也

今日雜信鬼怪異說者只是不先燭理若於事上一理會則有甚盡期須只於學上理會

程二節錄

宋三

五

人夢不惟聞見思想亦有五藏所感者

正叔嘗爲葬說有五事相地須使異日決不爲路不置城郭不爲溝渠不爲貴人所奪不致耕犁所及此大要也

欲得人家嬰兒善且自小不要引他留他真性待他自然亦須完得些本性須別也

勿謂小兒無記性所歷事皆能不忘故善養子者當其嬰孩鞠之使得所養全其和氣乃至長而性美教之示以好惡有常至如養犬者不欲其

升堂則時其升堂而朴之若既朴其升堂又復食之於堂則使孰從雖日撻而求其不升不可得矣養異類且爾沉人乎故養正者聖人也彈琴心不在便不成聲所以謂琴者禁也禁人之邪心以下明

張子厚聞生皇子喜甚見餓者食便不美

口將言而囁嚅若合開口時要他頭也須開口

於期於須是聽其言也厲

有人疑伊尹出處合於孔子可以仕則仕可以止

程子節錄

卷三

六

則止不得爲聖之時何也曰終是任底意思在  
一行豈所以名聖人至於聖則自不可見何嘗道  
聖人孝聖人廉

太山爲高矣然太山頂上已不屬太山雖堯舜之  
事亦只是如太虛中一點浮雲過目

顏子合下完具只是小要漸漸恢廓孟子合下大  
只是未粹索學以充之

人少長須激昂自進中年以後自至成德者事  
先生少時多與禪客語欲觀所學淺深後來更不

問蓋察言不如觀貌言猶可以所聞強勉至於  
貌則不可勉強

莊生形容道體之語儘有好處老氏谷神不死一  
章最佳

人之稟賦有無可奈何者聖人所以戒忿疾於頑  
釋氏處死生之際不動者有二有英明不以爲事  
者亦有昏愚爲人所誤以前路自有去處者

見一學者怵迫先生問其故曰欲了幾處人事曰  
某非不欲周旋人事者曷嘗似賢急迫

程子節錄

卷三

七

安定之門人徃徃知稽古愛民矣則於爲政也何  
有

古者鄉田同井而民之出入相友故無爭鬪之獄  
今之郡邑之訟徃徃出於愚民以戾氣相構善  
爲政者勿聽焉可也又時取強暴而好譏侮者  
痛懲之則柔良者安鬪訟可息矣

門人有曰吾與人居視其有過而不告則於心有  
所不安告之而不受則奈何曰與之處而不告  
其過非忠也要使誠意之交通在於未言之前

則言出而人信矣

責善之道要使誠有餘而言不足則於人有益而在我者無辱矣

有分毫私便不是王者事

責上責下而中自恕已豈可任職分

雖公天下事若用私意爲之便是私

蜀山人不起念十年便能前知

卜筮在精誠疑則不應疑心微生便是不應

管攝天下人心收宗族厚風俗使人不忘本須是

程子節錄

卷三

八

明譜系世族與立宗子法

技擊不足以當節制節制不足以當仁義使人人

有子弟衛父兄之心則制挺以撻秦楚之兵矣

不應爲總是罪過

小人小丈夫不合小了他本不卑惡

人無父母生日當倍悲痛更安心置酒張樂以爲

樂若具慶者可矣

方今有古之所無者二兵與壽老也

居是邦不非其大夫此理好

無欲速心速七年理速

邪說則終不能勝正道人有秉彝然亦惡亂人之心

邵堯夫猶空中樓閣

莊子有大底意思無禮無本

行兵須不失家計游兵夾持

職事不可巧免

兵陣須先立定家計然後以遊騎旋旋量力分外

面與敵人合此便是合內外之道若遊騎太遠

程子節錄

卷三

九

則邵歸不得至如聽金鼓聲亦不忘卻自家如

何如苻堅養民一敗便不可支持無本故也

伯淳謂天下之士亦有其志在朝廷而才不足才

可以爲而誠不足今日正須才與至誠合一方

有濟子厚謂才與誠須二物只是一物伯淳言

才而不誠猶不是也若非至誠雖有忠義功業

亦出於事爲浮氣幾何時而不盡也

有人言今日士大夫未見賢者正叔言不可謂士

大夫便爲朝廷之官人不用賢也

正叔言管轄人亦須有法徒嚴不濟事今帥下  
能使千人依時及節得飯啖亦能有幾人嘗謂  
軍中夜驚亞夫堅臥不起不起善矣然猶夜驚  
何也亦是未盡善

子厚謂昔嘗謂伯淳優於正叔今見之果然其救  
世之志甚誠切亦於今日天下之事儘記得熟  
人賢不肖國家治亂不可以言命以下明

老子之言竊弄闔闢者也

犯而不較較則私非樂天者也犯有當報者則

程子節錄

卷三

十

治道在於立志責任求賢

三代之治順理者也兩漢以下皆把持天下者也  
感慨殺身者易從容就義者爲難

太京中首中陽氣潛萌於黃宮信無不在乎中養

首一藏心於淵美厥靈根測曰藏心於淵神不

外也楊子雲之學蓋嘗至此地位也

河北只見鯀隄無禹隄鯀堙洪水故無功禹則導

之而已

治道亦有從本而言亦有從事而言從本而言惟

從格君心之非正心以正朝廷正朝廷以正百  
官若從事而言不救則已若須救之必須變太  
變則大益小變則小益

古所謂支子不祭者惟使宗子立廟主之而已支  
子雖不得祭至於齋戒致其誠意則與主祭者  
不異可與則以身執事不可與則以物助但不  
別立廟爲位行事而已後世如欲立宗子當從  
此義雖不祭情亦可安若不立宗子徒欲廢祭  
適是長情慢之志不若使之祭猶愈於已也

程子節錄

卷三

十一

學禪者常謂天下之忙者無如市井之人答以市  
井之人雖日營利然猶有休息之時至忙者無  
如禪客何以言之禪者之行住坐臥無不在道  
存無不在道之心此便是常忙

常見伯淳所在臨政便上下響應到了人衆後便  
成風成風則有所鼓動天地間只是一箇風以  
動之也

人或勸先生以加禮近貴先生曰何不見責以盡  
禮而責以加禮禮盡則已豈有加也



宗子之法不立則朝廷無世臣宗法立則人人各知來處

禮長子不得爲人後若無兄弟又繼祖之宗絕亦當繼祖禮雖不言可以義起

祭先之禮不可得而推者無可奈何其可知者無遠近多少猶當盡祭之祖又豈可不報又豈可厭多蓋根本在彼豈可無報

人多說某不教人習舉業某何嘗不教人習舉業也人若不習舉業而望及第卻是責天理而不

程子節錄

卷三

十三

修人事但舉業既可以及第卽已若更去上而盡力求必得之道是惑也

或問簿佐令者也簿所欲爲令或不從奈何曰當以誠意動之今令與簿不和只是爭私意令是邑之長若能以事父兄之道事之遇則歸已善則惟恐不歸於令積此誠意豈有不動得人問授司理如何曰甚善若能充其職可使一郡無冤民也幕官言事不合如之何曰必不得已有去而已須權量事之大小事大於去則當去事

小於去亦不須去也事大於爭則當爭事小於爭則不須爭也今人只被以官爲業如何去得問人有日誦萬言或妙絕技藝此可學否曰不可大凡所受之才雖加勉強止可少進而鈍者不可使利也惟理可進除是積學既久能變得氣質則愚必明柔必強蓋大賢以下卽論才大賢以上更不論才聖人與天地合德日月合明六尺之軀能有多少技藝人有身須有才聖人忘已更不論才也

程子節錄

卷三

十三

聲色臭味四字虛實一般凡物有形必有此四者意言象數亦然

問方外之士有人來看他能先知者有諸曰有之向見嵩山董五經能如此問何以能爾曰只是心靜靜而後能照又問聖人肯爲否曰何必聖賢使釋氏稍近道理者便不肯爲釋氏猶不肯爲況聖人乎

人之有寤寐猶天之有晝夜陰陽動靜闔闢之也寤寐須順陰陽人寐時血氣皆聚於內如血

歸肝之類 不睡多損肝

孔子既知桓魋不能害已又卻微服過宋舜既象之將殺已又象憂亦憂象喜亦喜國祚長短自有命數人君何用汲汲求治禹稷救饑溺者過門不入非不知饑溺而死者自有命又卻救之如此其急數者何故如此須思量到並行而不相悖處可也

今說聖人非不知命然於人事不得不盡此說未是

問聖人與天道何異曰無異聖人可殺否曰聖人智足以周身安可殺也只如今有智慮人已害

程子節錄

卷三

十四

他不得況於聖人曰舜完廩浚井之事何如曰本無此事此是萬章傳聞孟子更不能理會這下事只且說舜心也如下文言琴瑟干戈朕二嫂使治朕棲堯為天子安有是事

問高宗夢往求傅說耶傳說來入高宗夢耶曰高宗只是思得賢人如有賢人自然應他感亦非此往亦非彼來譬如懸鏡於此有物必照非鏡往照物亦非物來入鏡也大抵人心虛明善必先知之不善必先知之有所感必有所應自然

之理也

凡讀史不徒要記事跡須要識治亂安危興廢存亡之理且如讀高帝一紀便須識漢家四百年終始治亂當如何是亦學也

某嘗謂諸葛武侯有儒者氣象孫覺曰不然聖人行一不義殺一不辜雖得天下不為武侯區區保完一國不知殺多少人某謂口行一不義殺一不辜以利一已則不可若以天下之力誅天下之賊殺戮雖多何害陳恒弑君孔子請討孔

程子節錄

卷三

十五

子豈保得討陳恒時不殺一人耶蓋誅天下之賊則有所不顧爾

問作文害道否曰害也凡為文不專意則不工若專意則志局於此又安能與天地同其大也書云玩物喪志為文亦玩物也呂與叔詩云學如元凱方成癖文似相如殆類俳獨立孔門無一事只輪顏子得心齋此詩甚好古之學者惟務養性情其他則不學今為文者專務章句悅人耳目既務悅人非俳優而何曰古者學為文否

曰人見六經便以為聖人亦作文不知聖人亦  
據發胸中所蘊自成文耳所謂有德者必有言  
也曰游夏稱文學何也曰游夏亦何嘗秉筆學  
為詞章也且如觀乎天文以察時變觀乎人文  
以化成天下此豈詞章之文也

或問詩可學否曰既學時須是用工方合詩人格  
既用工甚妨事古人詩云吟成五箇字用破一  
生心又謂可惜一生心用在五字上此言甚當  
冠婚喪祭禮之大者今人都不以為事其舊嘗修

程子節錄

卷三

十六

六禮時祭之外更有三祭冬至祭始祖厥初生  
立春祭先祖季秋祭禘他則不祭冬至陽之始  
也立春生物之始季秋成物之始祭始祖無主  
用祝以妣配於廟中正位事之祭只一位者先  
祖亦無主先祖者自始祖而下高祖而上非一  
人也故設二位祖妣異位一云二位異嘗祭止  
於高祖而下旁親有後者自為祭無後者祭之  
別位為叔伯父之後凡配止以正妻一人如諸  
侯用元妃是也或奉祀之人是再娶所生者即

以所生母配

如葬亦惟元妃同穴而世世再娶

也忌日必遷主出祭於正寢蓋廟中尊者所據

皆同穴甚遠禮經但於左有附葬

又同室難以獨享也家必有廟廟中異位祖妣

右以昭穆次序皆夫婦自

此且如豺獾皆知報本今士大夫家多忽此厚

相配為位舅婦不同坐也

於奉養而薄於祖先其不可也凡事死之禮當

厚於奉生者至於嘗新必薦享後方可薦數則

乃合宜告朔而薦人家能存得此等事數件雖幼者漸

乃合宜

可使知禮義凡物知母而不知父走獸是也知

乃合宜

父而不知祖飛鳥是也惟人則能知祖若不嚴

乃合宜

於祭祀殆與禽獸無異矣

乃合宜

凡祭必致齋齋之日思其居處思其笑語此孝乎

乃合宜

平日思親之心非齋也齋則不容有思有思則

乃合宜

非齋齋三日必見其所為齋者此非聖人之語

乃合宜

齋者湛然純一方能與鬼神接然能事鬼神已

乃合宜

是上一等人

乃合宜

八歲為下殤十四為中殤十九為上殤七歲以下

乃合宜

為無服之殤不祭下殤之祭父母主之終父母

乃合宜

程子節錄

卷三

七

之身中殤之祭兄弟主之終兄弟之身上殤之祭兄弟之子主之終兄弟之子之身若成而無後者兄弟之孫主之亦終其身凡此皆以義起也

問今人陳乞恩例義當然否先生曰只爲而今士大夫迫得箇乞字慣卻動不動又是乞也因問乞封父祖如何曰此事體又別

五德之運卻有這道理凡事皆有五般一日便有一日陰陽一歲便有一歲陰陽如王者一代又

程子節錄

卷三

十六

是箇大陰陽也唐是土德便少河患本朝火德多水一作火災亦有此理只是須於這上有道理如關朗卜百年事最好其間須言如此處之則吉不如此處之則凶每事如此蓋雖是天命所以人奪也如仙家養形以奪其既衰之年聖人有道以延已衰之命只爲有這道理

謝某曾問涪州之行知其由來乃族子與故人耳程公孫邢恕先生答云族子至愚不足責故人情厚不敢疑孟子既知天安用尤臧氏

程子在講筵執政有欲用之爲諫官者子聞以書謝曰公知射乎有人執弓於此發而多中人皆以爲善射矣一日使羿立於其旁道之以穀率之法不從羿且怒而去矣從之則疑其故習而失多中之功故不若處羿於無事之地則羿得盡其言而用舍羿不恤也某才非羿也然聞羿之道矣慮其害公之多中也

釋曰鄒浩以極諫得罪世疑其買直也先生曰君子之於人也當於有過中求無過不當於無過

程子節錄

卷三

十九

中求有過

持國與程子語歎曰今日又暮矣子曰此常理從來如是何歎爲公曰老者行去矣曰公勿去可也公曰如何能勿去子曰不能則去可也問三年一郊與古制如何曰古者一年之間祭天甚多春則因民播種而祈穀夏則恐旱暵而大雩以至秋則明堂冬則圓丘皆人君爲民之心也凡人子不可一日不見父母國君不可一歲不祭天豈有三年一親郊之理

學者不可不通世務天下事譬如一家非我爲則  
彼爲非乙爲則甲爲

先生云吾四十歲以前讀誦五十以前研究其義  
六十以前反復紬繹六十以後著書

韓文不可漫觀晚年所見尤高

或問周公勲業人不可爲也曰不然聖人所爲人  
所當爲也盡其所當爲則吾之勲業亦周公之  
勲業也凡人之弗能爲者聖人弗爲

伊尹耕於有莘傳說築於傅巖天下之事非一一

程子節錄

卷三

三

而學之天下之賢才非一一而知之明其在已  
而已

君子不欲才過德不欲名過實不欲文過質

事上之道莫如忠待下之道莫若恕

使人有道不疑而已使人有心害我雖疑不足以  
化其心使人無心害我疑則已德內損人怨外  
生故不疑則兩得之矣疑則兩失之矣未有多  
疑能爲君子者也

世之服食欲壽者其亦大愚矣夫命者受之於天

不可增損加益而欲服食而壽悲哉

見攝生者而問長生謂之大愚見卜者而問吉凶  
謂之大惑

問臨民口使民各得輸其情問御史曰正己以格  
物明

庶母亦當爲主但不可入廟子當祀於私室主之  
制度則一

匹夫悍卒見難而能死者有之矣惟情慾之牽妻  
孥之愛斷而不惑者鮮矣

程子節錄

卷三

三

游酢初得西銘讀之渙然不逆於心曰此中庸之  
理也能求之於語言之外者也

問文中子圓者動方者靜先生曰此正倒說了靜  
體圓動體方

范堯夫經筵坐睡先生語人曰堯夫胸中無事如  
此有朝士入朝倒執手板先生曰此人胸中不  
是無事

立宗必有尊宗法如卑幼爲大臣以今之法自合  
立廟不可使從宗子以祭

馮理曰二十年間先生教誨今有一奇特事先生  
曰何如理曰夜間宴坐室中有光先生曰願亦  
有奇特事理請問之先生曰每食必飽  
西室所問曰聖人氣數順無橫逆死學入聖域其  
數亦隨氣幹轉先生曰學而至聖爲奪造化者  
以此又問聰明如何磨去曰使之則有不使則  
亡

崇寧間范致虛攻先生爲元祐邪說朝廷下河南  
府盡逐學徒後數月馬伸求見先生辭之伸欲

程子節錄

卷三

三

先棄官而來先生曰近日盡逐學徒恐非公仕  
進所利公能棄官則官不必棄也建炎間伸爲  
御史論事公論與之

范淳夫之女讀孟子出入無時莫知其鄉惟心之  
謂與語人曰孟子不識心之至有出入先生聞  
之曰此女雖不識孟子卻能識心

有患心疾見物皆獅子伊川教以見卽直前捕之  
無物也久之疑疾遂愈

官婢行酒暢大隱力拒之先生聞而不善之也

明道先生每與門人講論有不合者則曰更有商  
量伊川則直曰不然

正叔先生曰今之守令惟制民之產一事不得爲  
其他在法度中甚有可爲者患人不爲耳

凡所部公吏雖有罪亦當立案而後決或出於私  
意比具案怒亦散不至倉卒傷人

明道云病臥於牀委之庸醫比於不慈不孝事親  
者亦不可不知醫

明道先生作縣凡坐處皆書視民如傷四字常曰

程子節錄

卷三

三

顯常愧此四字

伊川先生在經筵每進講必博引廣喻以曉悟人  
主講退范堯夫曰先生怎生記得許多先生曰  
只爲不記故有許多若還記卻無許多也

思叔詬詈僕夫伊川曰仁不動心忍性思叔慚謝  
伊川自涪氣貌容色鬚髮皆勝平昔門人問何

以得此先生曰學之力也大凡學者學處患難  
貧賤若富貴榮達卽不須學也

王介甫爲舍人時有雜說行於時其粹處有曰莫

大之惡成於斯須之不忍

周恭叔行已早登科未三十見伊川持身嚴苦塊坐一室未嘗窺牖幼議母黨之女登科後其女雙瞽遂娶焉愛過常人伊川曰某未三十時亦做不得此事然其進銳者其退速每歎惜之周以官事求來洛中以就伊川會伊川有涪陵行後數年周以酒席有所屬意既而密告人曰勿令尹彥明知又曰知亦何妨此不害義理伊川歸洛和靖以是告之先生曰此禽獸不若也豈

程子節錄

卷三

三

得不害義理

又曰以父母遺體偶偶賤其可乎

伊川論國朝名相必曰李文靖

孟淳夫獨處一室糞穢不治伊川嘗謂學者曰孟厚不治一室竟亦何益學不在此假使灑掃得潔淨莫更快人意否

郝寬問和靖伊川謂永叔如何先生曰前輩不言人短每見人論前輩則曰汝輩且取他長處

和靖曰悟則句句皆是這箇道理道理已明後無不是此事也如孔子謂六十而耳順聞無不通

然後可至不踰矩也明道嘗見一寺門牆上有

人題要不悶守本分明道每過必曰好語一旦田明之問之明道曰只被人不守本分也後問伊川伊川曰只爲人不能盡分看伊川此語豈不是悟則句句是凡一言一句便推到極處看盡分字是大小氣象又曰才說盡分便不消說悶也

正獻公既薦常秩後差改節嘗對伯淳悔之伯淳曰願侍郎寧百受人欺不可使好賢之心少替

程子節錄

卷三

三

公敬納焉

崇寧初范舜從知河南鞏縣請見伊川問當令志新法初行當如何做先生曰只有義命二字當行不當行者義也得失禍福命也君子所處只說義如何爾

程子節錄卷之三終

程子節錄卷之四

修辭立其誠不可不仔細理會言能修省言辭便是  
是要立誠若只是修飾言辭爲心只是爲僞也  
修其言辭正爲立已之誠意乃是體當自家敬  
以直內義以方外之實事道之浩浩何處下手  
惟立誠才有可居之處有可居之處則可以修  
業也終日乾乾大小事卻只是忠信所以進  
德爲實下手處修辭立其誠爲實修業處

程子節錄 卷四

無二語明

聖人用意深處全在繫辭詩書乃格言

古之學者皆有傳授如聖人作經本欲明道今人  
若不先明義理不可治經蓋不得傳授之意云  
爾如繫辭本欲明易若不先求卦義則看繫辭  
不得

觀易須看時然後觀逐爻之才一爻之間常包涵  
數意聖人常取其重者爲之辭亦有易中言之  
已多取其未嘗言者亦不必重事又有且言其

時不及其爻之才皆臨時參考須先看卦乃看  
得繫辭

詩書載道之文春秋聖人之用詩書如藥方春秋  
如用藥治疾聖人之用全在此書所謂不如載  
之行事深切著明者也有重疊言者如征伐盟  
會之類蓋欲成書勢須如此不可事事各求異  
義但一字有異或上下文異則義須別

生生之謂易是天之所以爲道也天只是以生爲  
道繼此生理者卽是善也善便有一箇元底意

程子節錄 卷四

二

愚元者善之長萬物皆有春意便是繼之者善  
也成之者性也成卻待他萬物自成其性須得  
成性存存道義之門亦是萬物各有成性存存亦  
是生生不已之意天只是以生爲道

詩書中凡有箇主宰底意思者皆言帝有一箇包  
涵徧覆底意思則言天有一箇公共無私底意  
思則言王上下千百歲中若合符契

天地設位而易行乎其中矣易是箇甚易又不只  
是一部書是易之道也不要將易又是一箇事



卽事盡天理便是易也

古言乾坤退處不用之地而用六子若人則便分君道無爲臣道有爲若天則誰與他安排他如是須有道理故如八卦之義須要玩索

伯淳言西銘某得此意只是須得子厚如此筆力他人無緣做得孟子以後未有人及此得此文字省多少言語且教他人讀書要之仁孝之理備於此須臾而不於此則便不仁不孝也

詩前序必是當時人所傳國史明于得失之迹者

程子節錄

卷四

三

是也不得此則何緣知得此篇是甚意思大序則是仲尼所作其餘則未必然要之皆得大意只是後之觀詩者亦添入

詩有六體須篇篇求之或有兼備者或有偏得二者今之解詩者風則分付與國風矣雅則分付與大小雅矣頌則分付與頌矣詩中且沒卻這三般體如何看得詩風之爲言便有風動之意興便有一興喻之意比則直比之而已蛾蜚瓢犀是也賦則賦陳其事如齊侯之子衛侯之

妻是也雅則正言其事頌則稱美之言也如于嗟乎騶虞之類是也

化天下只是一箇風

夫子言興於詩觀其言是興起人善意汪洋浩大皆是此意如言秉心塞淵騶牝三千須是塞淵然後騶牝三千義理又如騶之詩垌牧是賦事其中卻言思無邪詩三百一言以蔽之者在此一句垌牧而必要思無邪者蓋爲非此則不能垌牧

程子節錄

卷四

四

詩云上天之載無聲無臭儀刑文王萬邦作孚上天又無聲臭之可聞只看文王便萬邦取信也然則文王之德直是似天昊天曰明及爾出王昊天曰旦及爾游衍只爲常是這箇道理此箇亦須待他心熟便自然別

樂則生生則烏可已也須是熟方能如此苟爲不熟不如梯稗

這箇義理仁者又看做仁了也智者又看做智了也百姓又日用而不知所以君子之道鮮矣此

箇亦不少亦不刺只是人看他不見

論語爲書傳道立言深得聖人之學者矣如鄉黨形容聖人不知者豈能及是

詩可以興某自再見茂叔後吟風弄月以歸有吾與點也之意明

詩書只說帝與天

一陰一陽之謂道道非陰陽也所以一陰一陽道也如一闔一闢謂之變

乾聖人之分也可欲之善屬焉坤學者之分也有

程子節錄

卷四

五

諸已之信屬焉

一物不該非中也一事不爲非中也一息不存非中也何哉爲其偏而已矣故曰道也者不可須臾離也可離非道也修此道者戒慎乎其所不覩恐懼乎其所不聞而已由是而不息焉則上天之載無聲無臭可以馴致也

孔子言語句是自然孟子言語句是實事

蹇便是處蹇之道困便是處困之道道無時而不可行

孟子有功於道爲萬世之師其才雄只見雄才便

是不及孔子處須當學顏子便入聖人氣象

訂頑立心便達得天德

坤作成物是積學處乾知大始是成德處

章外見之物含章可貞來章有慶須要反已

詩言天命書言天存心則上帝臨汝

乾是聖人道理坤是賢人道理

易之有象猶人之守禮法

樂莫大焉樂亦在其中不改其樂須知所樂者何

程子節錄

卷四

六

事

不有躬无攸利不立已後雖向好事猶爲化物不得以天下萬物撓已已立後自能了當得天下萬物

咸六四言貞吉悔亡言感之不可以心也

過更留心

艮卦只明使萬物各有正止分便定

曾子疾病只要以正不慮死與武王殺一不辜行

一不義得天下不爲同心

在帝左右帝指何帝

天下之說不可極惟朋友講習雖過無害兌澤有相滋益處

復卦非天地之心復則見天地之心聖人無復故未嘗見其心

周南召南如乾坤

叔一生不曾看莊列非禮勿動勿視出於天與從幼小有如是才識

孔子所遇而安無所擇自子路觀孔子孔子爲不

程子節錄

卷四

七

恭自孔子觀吾輩吾輩便隘惟其與萬物同流便能與天地同流

詩興起人意思

顏子所言不及孔子無伐善施勞是他顏子性分

上事孔子言安之信之懷之是天理上事

顏子簞瓢非樂也志也

志一作忘

孟子知言則便是知道

子曰君子博學於文約之以禮亦可以弗畔矣夫此非自得也勉而能守也多聞擇其善者而從

之多見而識之知之次也以勉中人之學也九德最好

君子義以爲質四句只是一事以義爲本

仁者已欲立而立人已欲達而達人能近取譬可謂仁之方也已孔子之語仁以教人者惟此爲盡要之不出於公也

思無邪誠也

管仲之仁仁之功也

毋不敬儼若思安定辭安民哉君德也君德卽天

程子節錄

卷四

八

德也

以下明

範圍天地之化而不過者模範出一天地爾非在外也如此曲成萬物豈有遺哉

繫辭曰形而上者謂之道形而下者謂之器又曰

立天之道曰陰與陽立地之道曰柔與剛立人

之道曰仁與義又曰一陰一陽之謂道陰陽亦

形而下者也而曰道者惟此語截得上下最分

明元來只此是道要在人默而識之也

咸恒體用也體用無先後

中庸言誠便是神

顏子默識曾子篤信得聖人之道者二人也

大人者與天地合其德與日月合其明非在外也  
仁者不憂知者不惑勇者不懼德之序也知者不  
惑仁者不憂勇者不懼學之序也知以知之仁  
以守之勇以行之

有有德之言有造道之言孟子言已志者有德之  
言也言聖人之事造道之言也

生生之謂易生生之用則神也

程子節錄

卷四

九

先甲三日以窮其所以然而處其事後甲三日以  
究其將然而爲之防甲者事之始也庚者有所  
革也自甲乙至於戊巳春夏生物之氣已備庚  
者秋冬成物之氣也故有所革別一般氣  
乾陽也不動則不剛其靜也專其動也直不專一  
則不能直逐坤陰也不靜則不柔其靜也翕其  
動也闢不翕聚則不能發散

詩者志之所之也在心爲志發言爲詩情動於中  
而形於言言之不足故嗟嘆之嗟嘆之不足故

咏歌之咏歌之不足不知手之舞之足之蹈之  
也有節故有餘止乎禮義者節也

成性存存道義之門道無體義有方也

中者天下之大本天地之間亭亭當當直上直下  
之正理出則不是唯敬而無失最盡

孟子謂必有事焉而勿正心勿忘勿助長正是著  
意忘則無物

易要玩索齋戒以神明其德夫

天生德於予及文王既沒文不在茲乎此聖人極

程子節錄

卷四

十

斷置以理

知至則便意誠若有知而不誠者皆知未至爾知  
至而至之者知至而往至之乃古之先見故曰  
可與幾也知終而終之則可與存義也知至至  
之知終終之主終

日新之謂盛德生生之謂易陰陽不測之謂神要  
思而得之

息訓爲生者蓋息則生矣一事息則一事生中無  
間斷碩果不食則便爲復也

純亦不已天德也造次必於是顛沛必於是三月  
不違仁之氣象也又其次則日月至焉者矣  
大學之道在明明德明此理也在止於至善反已  
守約是也

曾子易簧之意心是理理是心聲爲律身爲度也  
易中只是言反覆往來上下

安有識得易後不知退藏於密密是其以下正

語高則旨遠言約則義微大率六經之言涵蓄無  
有精粗欲言精微言多則愈粗

程子節錄 卷四

十一

安安下字爲義安其所安也安安是義也

原始反終故知死生之說但窮得則自知死生之  
說不須將死生便做一箇道理求

道二仁與不仁而已自然理如此道無無對有陰

則有陽有善則有惡有是則有非無一亦無三  
故易曰三人行則損一人一人行則得其友只

是二也

忠恕所以公平造德則自忠恕其致則公平

退藏於密密是用之源聖人之妙處

學者不觀他書只觀春秋亦可盡道

離了陰陽更無道所以陰陽者是道也陰陽氣也

氣是形而下者道是形而上者形而上者則是

密也

學春秋亦善一句是一事是非便見於此此亦窮

理之要然他經豈不可以窮但他經論其義春

秋因其行事是非較著故窮理爲要嘗語學者

且先讀論語孟子更讀一經然春秋先識

得箇義理方可看春秋以何爲準如中庸欲

程子節錄 卷四

三

知中庸無如權須是時而爲中若以手足胼胝

閉戶不出二者之間取中便不是中若當手足

胼胝則於此爲中當閉戶不出則於此爲中權

之爲言秤錘之義也何物爲權義也然也只是

說得到義義以上更難說在人自看如何

仲尼於論語中未嘗說神字只於易中不得已言

數處而已

閑邪存誠閑邪則誠自存如人有室垣墻不修不

能防寇寇從東來逐之則復有自西入逐得一

人一人復至不如修其垣墻則寇自不至故欲閑邪也

止於至善不明乎善此言善者義理之精微無可得名且以至善目之繼之者善此言善卻言得、輕但謂繼斯道者莫非善也不可謂惡

舜孳孳爲善若未接物如何爲善只是主於敬便是爲善也以此觀之聖人之道不是但默然無言一作爲

子罕言利所謂利者不獨財利之利凡有利心便

程子節錄

卷四

十三

不可如作一事須尋自家穩便處皆利心也聖人以義爲利義安處便爲利如釋氏之學皆本於利故便不是

善讀中庸者只得此一卷書終身用不盡也

春秋之文莫不一一意在示人如土功之事無小大莫不書之其意止欲人君重民之力也

誠者自成如至誠事親則成人子至誠事君則成人臣不誠無物不誠更有甚物也誠後便有物如立則見其參於前在與則見其倚於衡如有

所立卓爾皆若有物方見如無形是見何物也

孟子養氣一篇諸君望潛心玩索須是實識得方可勿忘勿助長只是養氣之法如不識怎生養有物始言養無物又養箇甚麼浩然之氣須見是一箇物如顏子言立卓孟子言躍如卓如躍如分明見得方可

持其志無暴其氣內外交相養也

問必有事焉常用敬否曰敬只是涵養一事必有事焉須當集義只知敬不知集義卻是都無事

程子節錄

卷四

十四

也又問義莫是中理否曰中理在事義在心內苟不主義浩然之氣從何而生理只是發而見於外者問敬義何別曰敬只是持已之道義便知有是有非順理而行是爲義也且如欲爲孝不成只守著一箇孝字須知所以爲孝之道侍養當如何溫清當如何然後能盡孝道也

故者以利爲本故是本如此也纔不利便害性利只是順天下只是一箇利孟子與周易所言一般只爲後人趨著利便有弊故孟子拔本塞源

不言利其不信孟子者卻道不合非利李邁是也其信者又直道不得近利人無利只是生不得安得無利譬如椅子坐此便安是利也如求安不已又要褥子無所不爲此是趨利之弊也利只是一箇利只爲人用得別

中庸之書其味無窮極索玩味

聖人六經皆不得已而作如耒耜陶冶一不制則生人之用息後世之言無之不爲缺有之徒爲贅雖多何益也聖人言雖約無有包含不盡處

程子節錄

卷四

十五

趙盾弑君之事聖人不書趙穿何也曰此春秋大義也趙穿手弑其君人誰不知若盾之罪非春秋書之更無人知也仲尼曰惜哉越境乃免此語要人會得若出境而返又不討賊則不免除出境遂不返乃可免也

極高明道中庸所以爲民極極之爲物中而能高者也

君子不成章不達易曰美在其中暢於四肢成章之謂也

問有所念憶恐懼憂患心不得其正是要無此數者心乃正乎曰非是謂無只是不以此動其心學者未到不動處須是執持其志

讀易須先識卦體如乾有元亨利貞四德缺卻一箇便不是乾須要認得

知至至之學者且先知有至處便從此至之是可與幾也非知幾者安能先識至處知終終之知學之終處而終之然後可與守義

看易且要知時凡六爻人人有用聖人有聖人用

程子節錄

卷四

十六

賢人有賢人用衆人有衆人用學者有學者用君有君用臣有臣用無所不通因問坤卦是臣人君有用否曰豈無用如厚德載物人君安可不用

看春秋有兩句法以傳考經之事迹以經別傳之真偽

答張闕中曰來書云易之義本起於數非也有理而後有象有象而後有數易因象以知數得其義則象數在其中矣必欲窮象之隱微盡數之

毫忽乃尋流逐末術家之所尚非儒者之所務也管輅郭璞之學是也又曰理无形也故因象以明理理見乎辭矣則可由辭以觀象故曰得其義則象數在其中矣

不動心有二有造道而不動者有以義制心而不動者此義也此不義也義吾所當取不義吾所當舍此以義制心者也義在我由而行之從容自中非有所制也此不動之異

文王之德正與天合明明於下者乃赫赫於上者

程子節錄

卷四

十七

也

問初學如何曰入德之門無如大學今之學者難有此篇書存其他莫如論孟

凡看語孟且須熟玩味將聖人言語切已不可只作一場話說人看得此二書切已終身儘多也

問仁者先難後獲曰有爲而作皆先獲也如利仁

是也古人惟知爲仁而已今人皆先獲也

問務民之義曰如項梁立義帝謂從民望者是也

問吾道一以貫之所謂一者便是仁否曰固是也

這一字須是仔細體認一還多在忠上多在恕上曰多在恕上曰不然多在忠上纔忠便是一恕卽忠之用也

看書須要見二帝三王之道如二典卽求堯所以治民舜所以事君

在邦無怨在家無怨在理可使無怨於事亦難天地之大也人猶有所憾以下伯

畏天命則可以不失付畀之重畏大人如此尊嚴亦自可畏畏聖人之言則可以進德

程子節錄

卷四

十八

聞道知所以爲人也夕死可矣是不虛生也

性與天道非自得之則不知故曰不可得而聞

如形而上者謂之道不可移謂字在之字之下此

孔子文章

吾斯之未能信不先自信何以治人

先難克已也

能近取譬反身之謂也

彼之事是則吾當師之彼之事非是則吾又何校

焉是以君子未嘗校也



古之學者爲己爲己在己也

所有者神在己也所過者化及物也

此亦妄人也是以義斷在聖人如天地涵容但哀矜而已子厚

自反而忠而橫逆者猶是君子曰又何難焉此一事已處了若聖人哀矜又別一事正

不祥凶也君子好成物故吉小人好敗物故凶正羞惡則有所不爲知所止乃義之端

安安於理之所安者伯

程子節錄

卷四

十九

大學之道在明其明德明德乃止於至善也知既

至自然意誠顏子有不善未嘗不知知之至也

知之至故未嘗復行他人復行知之不至也正

正其理則萬事一一以貫之也止

興於詩吟咏性情涵暢道德之中而欲動之有吾

與點之氣象

克者勝也難勝莫如己勝己之私則能有諸己是

反身而誠者也凡言仁者能有諸己也必誠之

在已然後爲克己禮亦理也有諸己則無不中

於理君子慎獨敬以直內義以方外所以爲克

己復禮也克己復禮則事事皆仁故曰天下歸

仁人之視最先非禮而視則所謂開目便錯了

次聽次言動有先後之序人能克己則心廣體

胖仰不愧俯不怍其樂可知有息則餒矣

極高明而道中庸非二事中庸天理也天理固高

明不極乎高明不足以道中庸中庸乃高明之

極伯

良其止止其所也止各當其所也聖人所以應萬

程子節錄

卷四

變而不窮勞一作者事各止當其所也若鑑在此

而物之妍媸自見於彼也聖人不與焉

不踰閑者不踰矩也小德出入於法度之中大德

如孔子小德如顏子有一不善是亦出入也

春秋書災異蓋非偶然不云霜隕而云隕霜不云

夷伯之廟震而云震夷伯之廟分明是有意於

人也天人之理自有相合人事勝則天不爲災

人事不勝則天爲災人事常隨天理天變非應

人事如祁寒暑雨天之常理然人氣壯則不爲

疾氣羸弱則必有疾非天因欲爲害人事德不勝也漢儒之學皆牽合附會不可信

今時人看易皆不識得易是何物只就上穿鑿若念得不熟與就上添一德亦不覺多就上減一德亦不覺少譬如不識此兀子減一隻腳不知是少添一腳不知是多若識自添減不得也凡看書各有門庭詩易春秋不可逐句看尚書論語可以逐句看

赤舄几几只是形容周公一箇氣象乃孔子所謂

程子節錄

卷四

三

辟面盎背四體不言而喻之意雍雍在宮肅肅在廟亦只是形容文王氣象大抵古人形容聖人多此類如倬彼雲漢爲章於天亦是形容聖人也

蹇以反身修德故往者在外也在外必蹇來者在內也在內則有蹇

闔闢便是易一闔一闢謂之變

敬事而信以下事論其所存未及治具故不及禮

樂刑政

泰伯知王季之賢必能開基成王業故爲天下面

三讓之言其公也伯

泰伯三以天下讓者立文王則道被天下故泰伯

以天下之故而讓之也不必革命使紂賢文王

爲三公矣叔

人而不仁君子當教養之不盡教養而惟疾之甚

必至於亂伯

色斯舉矣不至悔吝翔而後集審擇其處伯

宿諾宿預也非一宿之宿正

程子節錄

卷四

五

望之儼然秉天陽高明氣象卽之也溫中心和易而接物也溫備人道也聽其言也厲則如東西南北正定地道也蓋非禮勿言也君子之道三才備矣伯

必有諸已然後知言

廣居正位大道一也不處小節卽是廣居

作易自天地幽明至昆蟲草木微物無不合

辭于旣問顏子所樂何事伊川曰尋常說顏子所

樂者何曰不過說顏子所樂者道曰若說有道

可樂便不是顏子

公羊說春秋書弟謂母弟此大害義禽獸則知母而不知父人必知本豈論同母與不同母乎

春秋大抵重嫡妾之分及用兵立功

易因爻象論變化因變化論神因神論人因人論德行大體通論易道而終於默而成之不言而

信存乎德行

微柔懿恭四事也微懿皆美也懿美中似有寬裕

意研其意味乃得之若淵亦深也淵則深中有

程子節錄

卷四

奧意

養心莫善於寡欲此一句淺近不如理義之悅我

心猶易養之悅我口最親切有滋味然須是體

察得理義之悅我心真箇猶易養始得

明道嘗言學者不可以不看詩看詩便使人長一

格價

楊子安曰六經蓋藥也無病安所用乎伊川先生

曰固是只爲開眼卽是病

和靖嘗請曰某今日解得心廣體胖伊川曰如何

曰只是樂伊川曰樂亦沒處著

問將語孟緊要處看如何曰固是好若有得終不  
淡冷蓋吾道非如釋氏一見了便從空寂去

程子節錄

卷四

程子文集

古人生子能食能言而教之小學之法以豫爲先人之幼也知思未有所主便當以格言至論日陳於前雖未曉知且當薰聒使盈耳充腹久自安習若固有之雖以他言惑之不能入也若爲之不豫及乎稍長私意偏好生於內衆口辨言錄於外欲其純完不可得也

夫告於人者非積其誠意不能感而入也故聖人以蒲盧喻教謂以誠化之也今夫鐘怒而擊之

程子節錄

文集抄

則武悲而擊之則哀誠意之感而入也告於人亦如是古人所以齋戒而告君者何謂也臣前後兩得進講未嘗敢不宿齋豫戒潛思存誠觀感動於上心若使營營於職事紛紛其思慮待至上前然後善其辭說徒以頰舌惑人不亦淺乎此理非學者不能曉也

上太皇太后書

聖人之道雖一而治經家法各有不同

古之時天子擇宰相而任之政宰相擇諸司長官而委之治諸司長官各擇其屬而授以事治功

所以成也後世朝廷授法必達乎下長官守法

而不得有爲前日考察之法是也今欲朝廷重任長貳長貳自委之屬官以達於下取舍在長貳則上下之體順而各得致其功先王爲治之道也難者必曰長貳得人則善矣苟非其人不若使防閑詳密上下相制爲可循守也此世俗鄙論烏足以言治道先王制法待人而行未聞立不得人之法也苟長貳非人不知教育之道徒守虛文密法果足以成人才乎自古以來未

程子節錄

文集抄

有如是而能成治者也看詳學制

觀吾叔之見至正而謹嚴如虛無卽氣則虛無之

語深探遠廣豈後世學者所嘗慮及也然此語未此語

過餘所論以大槩氣象言之則有苦心極力之

象而無寬裕溫厚之氣非明睿所照而考索至

此故意屢偏而言多窒小出入時有之明所照者如目

所觀纖微盡識之考索至者如更願完養思

慮涵泳義理他日自當條暢答橫渠書

所云孟子曰必有事焉而勿正心勿忘勿助長也

此信乎入神之奧若欲以思慮求之是既已自  
累其心於不神矣惡得而求之哉願以為有所  
事乃有思也無思則無所事矣此與淳公言孟  
子之言方言養氣之道如是何遠及神乎氣完  
則理正理正則不私不私之至則神自養氣至  
此猶遠不可驟同語也以孟子觀之自見其次  
第也當以必有事焉而勿正為句心字屬下句  
此說與大哥之言固無殊但恐言之未詳爾  
橫渠

程子節錄

文集抄

三

所論勿忘者但不舍其虛明善應之心爾此言  
恐未便既有存於心而不舍則何謂虛明安能  
善應耶虛明善應乃可存而不忘乎  
辱小奏稿足以見仁人君子愛民之心深切如此  
欽服欽服子弟當勉公以速且堅何可已也然  
於愚意有未安者敢布左右觀公之意專以畏  
亂為主願欲公以愛民為先力言百姓饑且死  
丐朝廷哀憐因懼將為寇亂可也不惟告君之  
體當如是事勢亦宜爾公方求財以活人所之

以仁愛則當輕財而重民懼之以利害則將恃  
財以自保古之時得丘民則得天下財散則人  
聚後世苟私利於目前以兵制民以財聚眾聚  
財者能守保民者為迂秦漢而下莫不然也竊  
慮廟堂諸賢未能免此惟當以誠意感動觀其  
有不忍之心而已答人示  
奏草書

相去之遠未知何日復為會合人事自難前期也  
前奉書以足下心虛氣損奉勸勿多作詩文而  
見答之辭乃曰為學上能探古先之陳迹統辟

程子節錄

文集抄

四

言之是非欲其心通而默識之固未能也又曰  
使後人見之猶庶幾曰不忘乎善也苟不如是  
誠懼沒而無聞此疑未得為至當之言也某於  
朋友間其問不切者未嘗敢語也以足下處疾  
罕與人接渴聞議論之益故因此可論而為吾  
弟盡其說庶幾有小補也向之云無多為文與  
詩者非止為傷心氣也直以不當輕作爾聖賢  
之言不得已也蓋有是言則是理明無是言則  
天下之理有闕焉如彼未耜陶冶之器一不制

則生人之道有不足矣聖賢之言雖欲已得乎然其包涵盡天下之理亦甚約也後之人始執卷則以文章爲先平生所爲動多於聖人然有之無所補無之靡所闕乃無用之贅言也不止贅而已既不得其要則離真失正反害於道必矣詩之盛莫如唐唐人善論文莫如韓愈愈之所稱獨高李杜二子之詩存者千篇皆吾弟所見也可考而知矣苟足下所作皆合於道足以輔翼聖人爲教於後乃聖賢事業何得爲學之末乎某何敢以此奉責又言欲使後人見其不忘乎善人能爲合道之文者知道者也在知道者所以爲文之心乃非區區懼其無聞於後欲使後人見其不忘乎善而已此乃世人之私心也夫子疾沒世而名不稱者疾沒身無善可稱云爾非謂疾無名也名者可以厲中人君子所存非所汲汲又云上能探古先之陳迹綜群言之是非欲其心通默識固未能也夫心通乎道然後能辨是非如持權衡以較輕重孟子所謂

知言是也揆之以道則是非了然不待精思而後見也學者當以道爲本心不通於道而較古人之是非猶不持權衡而酌輕重竭其目力勞其心志雖使時中亦古人所謂億則屢中君子不貴也答朱長文書或曰明道先生之文既爲今日官當於今日事中國所設施舊法之拘不得有爲者舉世皆是也以頤觀之苟遷就於法中所可爲者尚多先兄明道之爲邑及民之事多衆人所謂法所拘者然爲之未嘗大戾於衆亦不甚駭謂之得伸其志則不可求小補則過今之爲政者遠矣人雖異之不至指爲狂也至謂之狂則大駭矣盡誠爲之不容而後去又何嫌乎答呂進伯中者道之所由出此語有病中卽道也若謂道出於中則道在中內別爲一物矣所論其所同不容更有二名別而言之亦不可混爲一事此語固無病若謂性與天道大本與達道可混而爲一卽未安在天曰命在人曰

性循性曰道性也命也道也各有所當大本言

與體達道言其用體用自殊安得不爲二乎

中卽性也此語極未安中也者所以狀性之體段

若謂性有體段亦不可姑假此以明彼如稱天圓地方遂謂方圓

卽天地可乎方圓既不可謂之天地則萬物決

非方圓之所出如中既不可謂之性則道何從

稱出於中

喜怒哀樂未發謂之中

赤子之心發而未遠於中

若便謂之中是不識夫本也

幾子節錄

文集抄

七

凡言心者指已發而言此固未當心一也有指體

實而言者寂然不動是也有指用而言者感而遂通天下之故是也惟

觀其所見如何耳大抵論愈精微言愈易差所

謂傳言者失指

答呂大臨論中書

橫渠立言誠有過者乃在正蒙西銘之爲書推理

以存義擴前聖所未發與孟子性善養氣之論

中同功豈墨氏之比哉西銘明理一而分殊墨氏

則二本而無分分殊之蔽私勝而失仁無分之

罪兼愛而無義分立而推理一以止私勝之流

仁之方也無別而迷兼愛至於無父之極義之

賊也子比而同之過矣謂言體而不及用彼欲

使人推而行之本爲用也反爲不及不亦異乎

答楊時論西銘書

存無不在道之心便是助長方其學也固當有事

亦當知助長之非

所謂仁能守之者孳孳於此也此言未能盡仁且

宜致思仁則安矣所以云守也

答周孚先

前書所問心迹之說固知未能無疑也若以心迹

程子節錄

文集抄

八

有判則象憂亦憂乃僞矣是宜精索未易曉也

又云有道又有易何如此語全未是更將傳序

詳思當自通矣

變易而後合道易字與道字不相似也大率所論

辭與意太多孔孟之門人豈能盡與孔孟同惟

其不敢信已而信其師之說是以能思而卒同

也若紛然致疑終亦必亡而已

答楊迪

孔孟之門豈皆賢哲固多衆人以衆人觀聖賢弗

識者多矣惟其不敢信已而信其師是故求而

後得今諸君於願言纔不合則置不復思所以

終異也不可便放下更且思之致知之方也姑  
求自曉無庸他恤深尤不知者甚無謂也答門人  
聖人之道坦如大路學者病不得其門耳得其門  
無遠之不可到也求入其門不由乎經乎今之  
治經者亦衆矣然而買櫝還珠之弊人人皆是  
經所以載道也誦其言辭解其訓詁而不及道  
乃無用之糟粕耳觀足下由經以求道勉之又  
勉異日見卓爾有立於前然後不知手之舞足  
之蹈不加勉而不能自止矣與方元家手帖

程子節錄

文集抄

九

含其英茹其實精於思貫於一書銘

二程節錄四卷文集鈔一卷附錄一卷江蘇巡撫採進本  
明高攀龍編取二程語錄擇其精粹先辨性次論  
學次治事次釋經每類各爲一卷末載文集抄及  
附錄各一卷前有康熙癸未陸楣序稱攀龍官行  
人時爲是書其手抄本藏同邑秦松齡家顧整欲  
刻之未果整子棟高乃踵其父志刊行云



程子詳本二十卷(一)

〔明〕陳龍正輯

湖南圖書館藏明刻本

程子詳本序

記事記言在昔人君有之。記布衣之言行。自論語始也。孔子爲生民以來未有之聖。論語亦生民以來未有之書。後千年乃有文中子。然其年未茂。其道未成。其徒追尊之。特倣論語而爲是書。未能精以純也。復五百年。周程張子繼出。周張皆手自著書。張間有語錄。今所載經學理窟中者。亦無幾何。惟程子終日言而不著書。伯子晚年欲著未逮。叔子自易傳外。皆不過隨問隨答。於是其門人爭自記錄。儒家語錄之興自此始。其後朱文公爲之手裁。初定遺書二十五篇。續定外書十二篇。據云不可曉者不敢刪。重複者已刪去。然今本重複猶多。而其不可曉者。竊以爲必傳述之誤。即使學士大夫。白首枯髯。已無尋討。況能使有國有天下者。得領其益乎。存之亦復何益。朱子有言。得先生之心。則於疑信之傳。可以坐判。朱子蓋心能判之。特時未暇耳。正生五百餘歲之後。豈敢曰能判之者乎。伏觀今

程子詳本

序

上加意儒術。令詞臣刪定六子書。每一書必經數公分定。愚謂周子粹以約。張邵不無偏漫。各自成書。獨程朱語錄。有藉於刪定。誠急朱子語類。自丁丑戊寅間。參緝已成。程子書則躊躇不敢下筆者。累年。因經朱子手編。非比朱子書。爲及門雜記也。然竊念學脉所係。與他政不同。政關一時。學關來世。政有定位。學無定位。長短以度。輕重以權。及是時。不妨野修之。以俟後之君子。乃畧倣近思錄義例。類聚其言。而於其重複者。舛訛者。不可解者。與

程子詳本

序

二

雖可解而無甚切繫者。量爲節去。凡欲讀程子全書者。文公所編具在。儻人情樂簡苦繁。取整去亂。則今日所緝。固深體朱子之意。以仰迓程子之心。雖視全書頗約。而實不敢不加詳者也。故不曰約本。曰詳本。繇博而詳。則約也近矣。或者於啓沃所資。學士大夫涵養進學之藉。微開其便與。

崇禎癸未八月朔壬戌 後學嘉善陳龍正謹序

程子詳本凡例

一凡會集衆論以成一書。則可先立綱款。採諸家之語以填入之。彼諸子之成書。固在也。如近思錄分十四門是也。若刪定一家之書。但可就本集中。各以語意相近者。編作一處。爲之清其重複。去其緩漫。因而定其綱款。曰某門某門。不拘定數。不泥舊名。庶乎不以我意格古人。而古人精蘊具存矣。使先立若干格。彼原書語意有不盡於此數格之內者。勉強

程子詳本

凡例

一

攬入。則不合。因其無可入而去之。則理關切至。余故於朱子語類。但隨其語立題。今二程全書。原未有類也。則倣近思錄十四門爲主。而稍損益之。或謂止因原本次序。刪其繁複。不必立類。然不先類總一處。則繁複且不可見。又安可得而去。畱乎且刪述者。將以顯前哲之心。成就後學。俾易於得路也。大學十傳。中庸三支。以及孝經三禮。莫不條分類聚。程子書初因衆手各記。不相統會。故錯見疊出。

其原本前後固未嘗有次序意也。何必泥其原無次序者爲次序哉。

一朱子所定曰遺書外書者特以其篇次有完缺採取有先後來歷有明晦原非謂其言有精粗也。故今亦不復分析惟以類相從。

一朱子有云明道之言通透洒落乍看便好。久看愈好。伊川之言質確精深乍看未好。久看方好。然則兩先生學雖無異而其言固區以別矣。記者當時多不分兩先生語殊非正見。

程子詳本

凡例

十

如李籲記蘇季明問修辭居業兩先生所答迥乎不同。明道以修省言辭爲解。伊川以治經實學爲解。而伊川平昔曾論門人記述惟籲爲不失本意。或者此類亦其一事耶。今於每條之端加一圈子仍依遺書例。明道用明字。伊川用伊字。其一事而兩先生各有論。或與橫渠堯夫諸先生互相商確者則用合字。遺書外書原不分兩先生語。而近思錄及各書引證又俱無可考者加圈子而虛之。

一朱子改定大學論語唯何甚等句亦欲移動

孝經全然刊削而於程子遺書無所刪訂外書雖稍稍裁減亦未觀其會通。豈百年以來之賢傳較千年以前之聖經反尊而不敢動與。一言以斷之曰未暇也。且如衆手各記其複宜耳。然有至於三四見者有一人所錄而前後自相重出或稍長短其句字或明晦工拙頗殊亦不爲擇取而槩存之以是知爲未暇致詳無疑也。今於純複者止存其一。小異

程子詳本

凡例

三

者擇某條言簡意明者存之或句字互有善否則節取所善而合成之。記言之法非文則朴如論語如文中子皆文也。若不修辭便應朴直使易讀易解。二程語錄手筆既雜又或間以方言如大小事大小大快活之類或混以贅字如不好了也之類味大小二字意義有應作何等者謂大也有應作若干者謂多也。今隨其意義易之至俗話文字自不相蒙如今人相對語言了字

下豈容又加也字則節之

一事數記。其是非曉然易判。與義理無甚關繫者。皆爲芟蕪存要。去駁留純。或義可相參。則並載之。以致人思。又有立義全相反者。間亦並載。而特爲折衷焉。恐啓爭端。積疑府也。如春秋蒲人要盟之事。今歸於畫一。每條間有分註。凡原本所載不可少者。悉仍之。或愚見所偶及。加按字以別之。又或所記未盡善。欲去則就中有精理焉。欲存而無說。

程子詳本

凡例

四

恐粗心之士讀而不疑。細心之士疑而不解。非所以明之也。凡愚心有未安。亦用按字酌議。以俟後世善學程子善讀程子之書者。其在每條中間者。皆分註。在條末者。則低一字而大書。

一引經與釋經不同。釋經者以經爲主。從而解之。引經乃程子自說義理。以經語爲證。各從所說義理分類插入。

一易傳伊川自有成書。凡說易與傳相同者。或

辭小異而意同者。皆節去。明道諸條多存。

一伊川經說除易傳外。今春秋傳上卷乃其手著。別有繫辭書詩論語說。全書繫所未載。竊觀春秋傳先生所加意者。故全存之。四經說其間亦各有精蘊。不可磨滅。每擇數章依次纂入。惟論語說朱子集註中大都採用其精舉世誦習矣。特於偶遺者擇而存之。故獨少。凡此繫無記者姓名。條末但注云某經說。又有中庸解一卷。熟翫少味。據語錄云先生有

程子詳本

凡例

五

作已焚之斷爲後人托名。故不復採。

一每條註各記者名。惟首條下著姓。後俱去姓。原無名者缺之。然外書非盡出二程語錄。有其門人述師語以告人。而聞者復從而記之。如上蔡語錄。則上蔡述程子言。而上蔡門人所記也。和靜語錄亦然。祁寬記尹和靜語四十二條。其中有和靜先生字樣者。下註祁寬。若直述伊川語。或他人與伊川答問。下徑註尹焞。蓋須如此觀者方明了也。若又每條註

祁寬轉述和靜語。則反使讀之難會。馮忠恕等所記。皆倣此法。註於條末。

一和靜上蔡諸先生。皆後儒師表。然於記錄兩先生語。師前弟名。故每條下必名。別分再傳私淑二款者。見其非親聞。非及門也。大都出於朱子之旁搜。而兩先生之學之盛。卽其同時之執友。與朋友之子孫。得其片言一行。莫不菁蔡奉之。什襲珍之。故令朱子得彙而成大觀。亦一快矣。

程子詳本

凡例

本

一龜山楊氏有二程粹言。皆文其語。不無失當年本意。又所去太多。所存太寡。不能無遺漏精微之憾。故朱子不取。今亦不復採入。以滋重複。

一程子嘉言懿行。有可爲世法。世則者。朱子或收之伊洛淵源錄。而不入二書。殆二書成後。復輯淵源。遂補載之。令彼此互見也。今爲此本。欲其簡而該。故亦纂入數條。仍每條下注錄名。

一元時譚善心。於朱子原輯二書之外。蒐二程

子遺文遺事。共爲一卷。又別有若干條。號曰傳聞續記。考其所採。大都出朱子語類。及名臣言行錄。邵伯溫聞見錄。易學辨惑。與溫公凍水記。聞等書。他書恐其傳疑。不樂取。頗爲有見。但程子放蜎頌。酌食泉詩等篇。每僅二語。集中已載。其餘或見語錄。或見家狀。本未嘗遺。焉用補爲。惟二書實所未載。而事理可師。言詞有味者。則分列各篇中。注曰譚善心。

程子詳本

凡例

七

補遺不更紛其欸緒。示別於朱子原輯而已。一魚山熊氏。以糾權輔。徃行耆踰年。誦佛之暇。索觀程子多所發揮。雖昔夏侯勝之寒暑講論。不啻也。余定此書。已四易稿。重其意。復加裁焉。因採其有功先賢。有感後學者。補列各條之末。

陳龍正惕龍父識

記者姓名

門人

楊時字中立世稱龜山先生謝良佐字顯道世稱上蔡先生

尹焞字彥明世稱和靜先生侯仲良字師聖

李籲字端伯游酢字定夫

呂希哲字原明呂大臨字與叔

劉絢字質夫劉安節字元承

張繹字思叔朱光庭字公掞

蘇昞字季明張子門人卒業於程氏凡程氏共相商推者皆昞所記各洛陽

程子詳本 記者姓名

論議

唐棣字彥思

鮑若雨字商霖王蘋字信伯

時紫芝馮理字聖先

周孚先字伯忱李參

暢大隱字潛道識者疑其間多非先生語

再傳

羅從彥字仲素陳淵字幾叟俱楊龜山門人

楊迪字遵道楊迥俱龜山子

祁寬字居之呂堅中字景實

馮忠恕俱尹彥明門人王信伯

胡安國上蔡門人遺書但言胡文定家本不云其記未必文定筆也今於每條具

注胡氏本

私淑

范祖禹字醇夫邵伯溫字子文

鄒柄字德久未親見晁說之字以道

呂本中字居仁王得臣字彥輔

汪端明譚善心元時人

程子詳本 記者姓名

二

程子詳本總目

卷一 卷一至二并序例目錄體冊

道體

一性命才情心知等來歷

二道理德性等名目

三天理異同之妙 四理氣

五本體功夫之合 六體仁

卷二

爲學

程子詳本總目

一立志

二師法

三實功

四階級次第

五學文

卷三

卷三至七樂冊

致知

一格物

二辨言

三讀書

四天地

五造物感應

六鬼神

卷四

存養

一養心

二主敬

三定靜

四威儀言語

五愛身

卷五

克治

一遏欲

二反躬

三氣稟習情

卷六

程子詳本總目

家道

卷七

禮法

卷八

卷八至十二射冊

出處

一附交道 二附臣道

卷九

治體

卷十

治法

卷十一

教人 附贅

卷十二

經說一

易

經說二

書

經說三

詩

程子詳本

總目

卷十三 卷十三至十四御冊

三

經說四

春秋上

春秋下

春秋中

卷十四

經說五

周禮

經說六

禮記

經說七

孝經

經說八

論語

經說九

大學

經說十

中庸

經說十一

程子詳本

總目

孟子

卷十五 卷十五至十七書冊

聖賢 一附評古今人物 二附評門人

卷十六

辨異端

卷十七

明道先生文

卷十八 卷十八至二十數冊

伊川先生文上

四



卷十九

伊川先生文下

卷二十

附錄上

附錄下

以上視近思錄例十四門。所增者。禮法經說二門。而原錄有警戒改過。今附入教人中有居官處事。今更曰交道。臣道。皆附入出處中。仍共十四門耳。其致知。則以天地感應鬼神。列入爲三日。不令混於首卷道體。以蕩初學之心眼。而其

程子詳本

總目

五

他記述紛囂。有原類之所不能盡者。則又各隨所近而附入之。亦別其目。不相淆亂。其文集。擇精要者共爲三卷。二先生門人記述。及朱子所撰年譜序跋等項。別爲附錄一卷。

陳龍正惕龍父識

程子詳本卷一

後學陳龍正彙纂

道體一

性命才情心知等來歷

明伯淳語韓持國曰。如說妄說幻爲不好底性。則請別尋一箇好底性來。換了此不好底性着。道即性也。若道外尋性。性外尋道。便不是。聖賢言天德。蓋謂自家元是天然完足之物。若無所污壞。即當直而行之。按此直字只是不修治之意。非敬以若直內之直。書云平康正直。與此同。若有污壞。即敬以治之。使復如舊。所以能使如舊。

程子詳本

卷一 道體

上

者。蓋爲自家本質。元是完足之物。若合修治而修治之。是義也。若不消修治而不修治。亦是義也。故嘗簡易明白而易行。禪學者總是強生事。至如山河大地之說。是他山河大地。又干你何事。至如孔子道如日星之明。猶患門人未能盡曉。故曰子欲無言。如顏子則便默識。其他未免疑問。故曰小子何述。又曰天何言哉。四時行焉。百物生焉。可謂明白矣。若能於此言上看得破。便信是會禪也。非是朱尋得。蓋實是無去處說。此理本無二故也。李

○生之謂性。性卽氣。氣卽性。生之謂也。人生氣稟。理有善惡。然不是性中元有此兩物相對而生也。有自幼而善。有自幼而惡。后稷克岐克疑。子越椒始生。人知其必滅。若敖氏之是。氣稟自然也。善固性也。然惡亦不可不謂之性也。蓋生之謂性。人生而靜。以上不容說。纔說性時。便已不是性也。凡人說性。只是說繼之者善也。孟子言人性善是也。夫所謂繼之者善。猶水流而就下也。皆水也。有流而至海。終無所污。此何煩人力之爲也。有流而未遠。固已漸濁。有出而甚遠。

釋子詳本 卷一 通體

方有所濁。有濁之多者。有濁之少者。清濁雖不同。然不可以濁者不爲水也。如此。則人不可以不加澄治之功。故用力敏勇。則疾清。用力緩怠。則遲清。及其清也。則却只是元初水也。亦不是將清來換却濁。亦不是取出濁來置在一隅也。水之清。則性善之謂也。故不是善與惡在性中。爲兩物相對。各自出來。此理天命也。順而循之。則道也。循此而修之。各得其分。則教也。自天命以至於教。我無加損焉。此舜有天下而不與焉者也。顏

按無加損焉。謂率性修道。皆因其固然。有天下而不與。借證愈玄矣。若云禹行其所無事。却猶近顧端文嘗言。明道見處極高。便有玄語。

○生生之謂易。是天之所以爲道也。天只是以生爲道。繼此生理者。卽是善也。善便有一箇元底意思。元者善之長。萬物皆有意。便是繼之者善也。成之者性也。成却待萬物自成其性。呂大臨

○可欲之謂善。便與元者善之長同理。大

○明先生嘗論克己復禮。韓持國曰。道上更有甚克。

釋子詳本 卷一 通體

莫錯否。曰。如公之言。只是說道也。克己復禮。乃所以爲道也。按孔子云。人之爲道。而遠人病其遠非克己復禮。乃所以爲道也。今人便謂道不可爲。程子說合不遠人。以爲道之意。更無別處。克己復禮之爲道。亦何傷乎。公之所謂道也。如公之言。卽是一人自指其前一物曰。此道也。他本無可克者。若知道與己未嘗相離。則若不克己復禮。何以體道。道在己。不是與己各爲一物。可跳身而入者也。克己復禮。非道而何。至如公言。克不是道。亦是道也。實未嘗離得。故曰。可離非道也。理甚分明。又曰。道無

真無假。曰：既無真，又無假，却是都無物也。到底須是者為真，不是者為假，便是道何等分明。顯  
**明**持國嘗論克已復禮，以謂克却不是道。伯淳言：克便是克之道。持國又言道則不須克。伯淳言道則不消克，却不是持國事。在聖人則無事可克，今日持國須克得已，便然後復禮。大  
**明**忠信所以進德，終日乾乾，君子當終日對越在天也。蓋上天之載，無聲無臭，其體則謂之易，其理則謂之道。其用則謂之神，其命於人則謂之性。率

程子詳本

卷一 道體

四

性則謂之道。修道則謂之教。孟子去其中，又發揮出浩然之氣，可謂盡矣。故說神如在其上，如在其左右，多少大事，而只曰誠之不可揜如此。夫徹上徹下，不過如此形而上為道，形而下為器，須着如此說。器亦道道亦器。按二亦字義殊，器亦道，即器也。聖人欲使人明，但得道在不繫今與後，已與人明見道故主之以形。

○先生嘗語王介甫曰：公之談道，正如說十三級塔上相輪對望而談曰：相輪者如此，如此，極是分

明如某則懸直，不能如此，直入塔中，上尋相輪，辛勤登攀，遞迤而上，直至十三級時，雖猶未見相輪，能如公之言。然某却實在塔中，去相輪漸近，須可至也。至相輪中坐時，依舊見公對塔談說，此相輪如此，如此。介甫只是說道云：我知有箇道如此，如此，只他說道時，已與道離，他不知道，只說道時，便不是道也。有道者自分明，只作尋常本分事說了。孟子言堯舜性之，舜由仁義行，豈不是尋常說話。至於易只道箇立人之道，曰：仁與義，則和性字由

程子詳本

卷一 道體

五

字也不消道自己分明。按立人之道是說生來底字，由字孔子亦曰為道，曰由道，曰弘道，皆如論性之性，只是箇性字及論至誠盡性，須下箇盡字，孔子自地頭陰陽剛柔仁義只是此一箇道理。  
○元亨者，只是始而亨者也。此通人物而言，謂始初發生，大槩一例亨通也。及到利貞，便是各正性命，後屬人而言也。利貞者，分在性與情，只性為本，情是性之動處，情又幾時惡。故者以利為本，只是順利處為性，若情則須是正也。大  
○所以謂萬物一體者，皆有此理，只為從那裏來。

生生之謂道。生則一時生。皆完此理。人則能推物。則氣昏。推不得。不可道他物不與有也。人只有。私將自家軀殼上起意。故看得他道理小了。放這身來。都在萬物中一例看。何等快活。釋氏以不知此去他身上起意思。奈何。那身不得。故却厭惡。要得去盡根塵。為心源不定。故要得如枯木死灰。然沒此理。要有此理。除是死也。釋氏其實是愛身。放不得。故說許多。譬如負販之蟲。已載不起。猶是更取物在身。又如抱石沉河。以其重愈沉。終不道。

程子詳本

卷一 道體

六

放下石頭。惟嫌重也。

明古人見道分明。故曰吾斯之未能信。從事於斯。無是餒也。立之斯立。

按上三語所指相近。立之斯立。斯亦指道否。

○若不一本。則安得先天而天不違。後天而奉天時。

○寂然不動。感而遂通者。天理具備。元無少欠。不為堯存。不為桀亡。父子君臣。常理不易。何曾動來。因不動。故言寂然。雖不動。感便通。感非自外也。

臨大

伊某欲以金作器。比性成形。先生謂金可以比氣。不可以比性。

謝良佐

伊人之於性。猶器之受光於日。日本不動之物。

良佐

按整庵羅氏言。叔子嘗以傾此於彼。破禪家言性之謬。而此以器受光於日為喻。雖受字與傾字不同。然亦覺未親。

○論性不論氣。不備。論氣不論性。不明。二之則不是。

○二氣五行。剛柔萬殊。聖人所由惟一理。人須要

程子詳本

卷一 道體

七

復其初。

明人心莫不有知。惟蔽於人欲。則忘天德也。

○明視聽思慮動作皆天也。人但於其中。要識得真。

與妄爾。

劉絢

明中者。天下之大本。天地之間。亭亭當當。直上直

下之正理。出則不是。唯敬而無失。最盡。

絢

伊浩然之氣。既言氣。則已是大段有形體之物。如言志。有甚迹。然亦儘有形象。

按志之形象。惟有志者自覺之。

伊義還因事而見否曰非也性中自有或曰無狀可見曰說有便是見但人自不見昭昭然在天地之中也且如性何須待有物方指為性性自在也賢所云見者事某所云見者理

到安

伊今習俗如此不美然却不至大故薄惡者只是為善在人心不可亡也魏鄭公言使民燒溺不復返朴今當為鬼為魅此言甚是只為秉彝在人雖俗甚惡亦滅不得

安

按秉彝固不可滅亦為風俗隨人主盛衰俗惡

程子詳本

卷一 道體

人

其國必亡及一代之初興其俗必返歸於厚所以不遜趨於鬼魅者聖哲扶持其間也聖哲是全此秉彝者

伊問人心有限量否曰論心之形則安得無限量又問心之妙用有限量否曰自是人有有限量以有限之形有之氣苟不通之以道安得無限量苟能通之以道又豈有限量天下更無性外之物若

云有限量除是性外有物始得

安

伊問心有善惡否曰在天為命在義為理在人為性主於身為心其實一也心本善發於思慮則有善有不善若既發則可謂之情不可謂之心譬如水只謂之水至如流而為派或行於東或行於西却謂之流也

安

按未發是心之體發是心之用若發可謂之情不可謂之心則未發可謂之性不可謂之心統性情者不幾於反無本位乎水行於東行於西

程子詳本

卷一 道體

九

亦須謂之水之流難云不可謂之水也未知程子何以云然

伊周伯溫問孟子言心性天只是一理否曰然自理言之謂之天自稟受言之謂之性自存諸人言之謂之心又問凡運用處是心否曰是意也棣問孟子言出入無時如何曰心本無出入孟子只是據操舍言之伯溫又問人有逐物是心逐之否曰心則無出入矣逐物是欲

胡氏

○范淳夫之女讀孟子出入無時莫知其鄉惟心

之謂與。語人曰：孟子不識心，心豈有出入？先生聞之曰：此女雖不識孟子，却能識心。紫芝

**明**人心惟危，人欲也。道心惟微，天理也。惟精惟一，所以至之。允執厥中，所以行之。絢

**伊**人心惟危，道心惟微。心道之所在，微道之體也。心與道渾然一也。對放其良心者言，則謂之道心。放其良心則危矣。惟精惟一，所以行道也。胡氏本

按道心者，人心之合於道者也。非必對放心而言。危是公私邪正夾界處。若已放，不言危矣。朱

程子詳本

卷一 道體

十

子解此二句較精密。胡本所記大抵多參以己意。其理義往往有未當者。

**伊**問喜怒哀出於性否。曰：固是有性，便有情。無性安得情？問性之有喜怒哀，猶水之波否。曰：然。湛然平靜如鏡者，水之性也。及遇沙石，或地勢不平，便有湍激。或風行其上，便為波濤洶湧。此豈水之性也哉？人性中只有四端，又豈有許多不善底事？然無水安得波浪？無性安得情也。節安

按喜怒哀之類，未便是不善。發不中節，方是不善。

喜怒哀猶水之流，非水之波。

**伊**問：人性本明，因何有蔽？曰：此須索理會。孟子言：人性善是也。苟楊不知性，孟子所以獨出諸儒者，以能明性也。性即是理，理則自堯舜至於途人一也。節安

**伊**若夫為不善，非才之罪。此言人陷溺其心者，非關才事。才猶言材料，曲可以為輪，直可以為梁。棟若是毀，鑿壞了，豈關才事？節安

按此條深得孟子之旨，當為定論。

程子詳本

卷一 道體

十

**伊**性出於天，才出於氣。氣清則才清，氣濁則才濁。譬如木焉，曲直者性也。可以為棟梁，可以為榱桷者，才也。才則有善與不善。性則無不善。惟上智與下愚不移，非謂不可移也。為自暴自棄，不肯學也。使其肯學，安不可移哉？楊地

按才無不善。孟子之言，程子謂才有不善，而喻以可為棟梁，可為榱桷，則本皆是善。但有小大耳。必也不可為棟梁榱桷，方是不善。若果有不可為者，則又安可移哉？總之不移乃上智，下愚

之志意。非其性。亦非其才。程子所以說自暴自棄。是不肯學。只肯不肯。便是他立意處。

伊問先生云。性無不善。才有善不善。楊雄韓愈說。性正皆說著才。然觀孟子意。却似才亦無有不善。及言所以不善處。只云舍則失之。不肯言初稟時有不善之才。如云非天之降才爾殊。是不善不在才。但以遇凶。歲陷溺之耳。又云。人見其禽獸也。以爲未嘗有才焉。是豈人之情也哉。所以無才者。且盡之所爲。枯亡之耳。又云。乃若其情。則可以爲善。

程子詳本

卷一 道體

主

矣。乃所爲善也。若夫爲不善。非才之罪也。則是以情觀之。而才未嘗不善。觀此數處。竊疑才是一箇爲善之資。譬如作一器械。須是有器械材料。方可爲也。按自此以上。通所引證。分解極。如云。惻隱之心。仁也。以至或相倍蓰。而無筭者。不能盡其才者也。則四端者。便是爲善之才。所以不善者。以不能盡此四端之才也。按此語。尚小誤。四。觀孟子意。似言性情才三者。皆無不善。亦不肯於所稟處說不善。今謂才有善不善。何也。或云。善之地便是性。欲

爲善便是情。能爲善便是才。如何。先生云。上智下愚。便是才。以堯爲君。而有象。以瞽瞍爲父。而有舜。亦是才。然孟子只云。非才之罪者。蓋公都子正問性善。孟子且答他正意。不暇一一辨之。又恐失其本意。地

按楊廸所問。惟善之地三字未確。說情說才。至當不易。程子於此。只應深嘉而亟與之。不必復執才有不善之說矣。今請極論之。性成於氣。情才本於性。三者總不離乎氣者也。天道只有陰

程子詳本

卷一 道體

主

陽陰陽之不偏者。所謂衷也。衷者。就兩端而折其衷。卽中也。降此中於民曰性。烝民所受者。總是氣也。其氣之不偏陰。不偏陽者。有條有理。故程子曰。性卽理也。在天地則生生之謂易。在人則生生之謂性。生生者。至善之事也。性中包含無窮之生意。故謂之善。非謂有善在性中也。於是動而爲情。則欲爲善者是達而爲才。則能爲善者是情者。心之初動者也。心乃氣之靈處。欲爲善出於心。故曰情不離氣也。才之出於氣。固

不待言。然正所謂能爲善之資也。如木之材料。可謂器械之謂也。壞其材料。則匠之罪。非木之罪也。爲不善者。爲之者之罪。舍失弗思之罪。自暴自棄之罪。非才之罪也。性情才論其所出。則皆不離氣論其本。則皆受於天。皆無不善。孟子之說。百世不能易也。程子以性專屬理。故善才專屬氣。故有不善。似分析太過。他日又云。孟子所言性者。乃極本窮源之性。竊謂孟子所言才者。亦極本窮源之才。合程子前二條。可爲棟梁。

程子詳本

卷一 道體

古

可爲榱桷。與夫毀鑿壞者。比之自暴自棄。蓋亦終不能不同於孟子矣。

伊氣有善不善。性則無不善也。人之所以不知善者。氣昏而塞之耳。孟子所以養氣者。養之至。斯清明純全。而昏塞之患去矣。或曰。養心。或曰。養氣。何也。曰。養心則勿害而已。養氣則志有所帥也。胡氏本按胡氏所見多偏。其記程子語。未必皆得本意。不知爲文定手筆。抑其子弟雜記也。如此條。說養氣極於清明。則昏去而善見。然則爲學之道。

不先擇善。而先養氣乎。下條變不善以復善。又歸重養氣。似俱非根據之論。姑著於此。自後胡本有類此者。多節去。

○才之善不善。由氣之有偏正也。然而才之不善。亦可以變之。在養其氣。以復其善爾。故能持其志。養其氣。亦可以爲善。胡氏本

伊萬物皆有良能。如每常禽鳥中。做得窠子。極有巧妙。是他良能。不待學也。人初生。只有喫乳一事。不是學。其他皆是學。人只爲智多害之也。趙

程子詳本

卷一 道體

主

伊心。生道也。有是心。斯具是形。以生。惻隱之心。人之生道也。雖桀跖不能無。是以生。但戕賊之以滅天耳。胡氏本

伊棟問。孔孟言性不同。如何。曰。孟子言性之善。是性之本。孔子言性相近。謂其稟受處不相遠也。人性皆善。所以善者。於四端之情可見。故孟子曰。是豈人之情也哉。至於不能順其情。則流而惡。故曰。乃若其情。則可以爲善矣。若順也。又問。才出於氣否。曰。稟得至清之氣。生者爲聖人。然此論生知。若



夫學而知之。氣無清濁。皆可至於善而復性之本。才乃人之資質。循性修之。雖至惡可勝而為善。又問性如何。曰。性即理也。所謂理。性是也。天下之理。原其所自。未有不善。喜怒哀樂未發。何嘗不善。發而中節。則無往而不善。又問佛說性如何。曰。佛亦是說本善。只不合將才做緣習。又問說生死如何。曰。譬如水漚。亦有些意思。又問佛言生死輪迴。果否。曰。此事說有說無皆難。須自見得。聖人只一句斷盡了。未知生焉知死。胡氏本

程子詳本

卷一 道體

七

伊稟氣有清濁。故其材質有厚薄。程

按質成於氣。厚由於清。漢唐儒者所未發。

伊性相近也。性一也。何以言相近。曰。此只是言氣質之性。如俗言性急。性緩之類。性安有緩急。此言性者。生之謂性也。凡言性處。須看他立意如何。且如言人性善。性之本也。生之謂性。論其所稟也。孔子言性相近。若論其本。豈可言相近。只論其所稟也。告子所云。固是。為孟子問他。他說便不是也。節安伊告子云。生之謂性。凡天地所生之物。須是謂之

性。皆謂之性。則可於中却須分別牛之性。馬之性。他便只道一般。如釋氏說。蠢動含靈。皆有佛性。如此則不可。天命之謂性。率性之謂道。天降是於下。萬物流行。各正性命。是所謂性也。循其性而不失。是所謂道也。此亦通人物而言。循性者。馬則為馬之性。又不做牛底性。牛則為牛之性。又不為馬底性。此所謂率性也。人在天地之間。與萬物同流。天幾時分別出。是人是物。修道之謂教。此則專在人事。以失其本性。故修而求復之。則入於學。成

程子詳本

卷一 道體

七

性存存。道義之門。亦是萬物各有成性。存存亦生

生不已之意。天只是以生為道。大

孟子言性。當隨文看。不以告子生之謂性為不然者。此亦性也。被命受生之後。謂之性。爾故不同。繼以犬之性。猶牛之性。牛之性。猶人之性。然不害為一。若乃孟子之言善者。乃極本窮源之性。良按整庵羅氏云。叔子論性。惟此章意極完備。同中有異。異中有同。但章末二語。恐記者少誤。蓋犬牛與人受氣之初。其性未嘗不一。成形之後。

其性自是不同。所云不害為一，正指本源處言之。而下文若乃二字，却說開了，語脉欠照應。

伊犬牛人，知所去就，其性本同，但限以形，故不可更如隙中日光，方圓不移，其光一也。惟所稟各異，故生之謂性，告子以為一，孟子以為非也。柄

伊凡有血氣之類，皆具五常，但不知克而已矣。胡氏

○天地之間，非獨人為至靈，自家心便是草木鳥獸之心也。但人受天地之中以生爾。龜

程子詳本 卷一 道體

按前條言皆具五常，但不知克，別條又嘗言皆完此理，但物氣昏不能推，此亦言非獨人為至靈，然則人之異於物者，不在完缺，不在靈蠢，惟在受天地之中，中畢竟是何物，中只是陰陽之不偏勝處。而云凡物皆具五常，與人齊靈，驗之物性，殆不然也。聖人云降衷於下民，云惟人萬物之靈，畢竟見得至到。

伊杞柳、荀子之說也，湍水、楊子之說也。楊大

伊動物有知，植物無知，其性自異，但賦形於天地。

其理則一。柄

○民受天地之中以生，天命之謂性也，人之生也直，意亦如此。利

○問伊川說人之生也直，是天命之謂性，謝顯道云，順理之謂直，竊謂順理是率性之事，天命之性無待於順理也。二說異同，信伯先生曰，伊川說上一截，顯道說下一截。周憲

道體二

道理德性等名目

程子詳本 卷一 道體

○王彥霖問道者，一心也，有曰仁者不憂，有曰知者不惑，有曰勇者不懼，何也？曰此只是名其德爾，其理一也。得此道而不憂者，仁者之事也，因其不憂，故曰此仁者，知勇亦然，不成却以不憂謂之知，不惑謂之仁也，凡名其德，千百皆然，但此三者達道之大也。顯

○仁載此四事，由行而宜之謂義，履此之謂禮，知此之謂智，誠此之謂信。

○仁者全體，四者四支。大臨

○仲尼言仁未嘗兼義獨於易曰立人之道曰仁與義而孟子言仁必以義配蓋仁者體也義者用也知義之爲用而不外焉可與誦道矣游  
伊四不言信者既有誠心爲四端則信在其中矣柄

熊氏曰人人皆有當其時必有卽是信

○信本無在在易則是至理在孟子則是氣

○知仁勇三者天下之達德所以行之者一則誠也止是誠實此三者三者之外更別無誠大

程子詳本

卷一 道體

子

○良能良知皆無所由乃出於天不繫於人大

○明德性者言性之可貴與言性善其實一也性之德者言性之所有如卦之德乃卦之韞也絢

伊止於至善不明乎善此言善者義理之精微無可得名且以至善目之繼之者善此言善却言得輕但得繼斯道者莫非善也

○天之付予之謂命稟之在我之謂性見於事物之謂理

○明言天之自然者謂之天道言天之付與萬物者

謂之天命絢

伊天命猶天道也以其用而言之則謂之命命者造化之謂也本 胡氏

○指枉曰此木可以爲柱理也其曲直者性也其所以曲直者命也理性命一而已

明窮理盡性以至於命一物也絢

按三者一物也窮者用力盡者已滿其分量至者不自知其所以然非一時事

明窮理盡性以至於命三事一時竝了元無次序

程子詳本

卷一 道體

主

不可將窮理作知之事若實窮得理卽性命亦可了大

按此語便見晦翁借窮理二字解格物猶有病在

合二程解窮理盡性以至於命只窮理便是至於命子厚謂失於太快須窮理便能盡得已之性推類又盡人之性須是并萬物之性一齊盡得如此

然後至於天道也其間煞有事豈有當下理會了學者須是窮理爲先按張子此言只爲將窮理當格物看陽明以窮字與盡字

同義但理在物性在我如窮得事若事說之如此  
理便是盡我忠孝之性此意乃與程子合如此  
則方有學今言知命與至於命儘有近遠豈可以  
知便謂之至也

按知命是氣數之命至於命便是天然亦是氣  
數之命蓋莫之致而至者命也聖人不勉而中  
不思而得莫知其所以然而然其地位正如此  
故謂之至於命周子希天大字與命字同

○理則須窮性則須盡命則不可言窮與盡只是  
至於命也橫渠昔嘗譬命是源窮理與盡性如穿

程子詳本

卷一 道體

圭

渠引源然則渠與源是兩物後來此議必改

大臨

伊書言天叙天秩天有是理聖人循而行之所謂  
道也聖人本天釋氏本心

胡氏

○不偏之謂中不易之謂庸中者天下之正道庸  
者天下之定理

○中之理至矣獨陰不生獨陽不生偏則爲禽獸  
爲夷狄中則爲人中則不偏常則不易惟中不足  
以盡之故曰中庸

按庸是形容中字堯舜只言中自無不盡

明且喚做中若以四方之中爲中則四邊無中乎

若以中外之中爲中則外面無中乎如生生之謂

易天地設位而易行乎其中豈可只以今之易書

爲易乎中者且謂之中不可捉一箇中來爲中

○問呂與叔云不倚之謂中先生謂近之而詞未

瑩如何曰無倚著處

時紫芝

伊極無適而不謂中

伊喜怒哀樂未發謂之中只是言一箇中體既是

喜怒哀樂未發那裏有箇甚麼只可謂之中如乾

程子詳本

卷一 道體

圭

體便是健及分在諸處不可皆名健然在其中矣

天下事事物物皆有中發而皆中節謂之和非是

謂之和便不中也言和則中在其中矣

伊中也者言寂然不動者也故曰天下之大本和

也者言感而遂通者也故曰天下之達道

大隱

伊楊子拔一毛不爲墨子又摩頂放踵爲之此皆

不得中至如子莫執中欲執此二者之中不知怎

麼執得識得則事事物物上皆天然有箇中在那

上不待人安排也安排著則不中矣

伊季明問君子時中莫是隨時否曰是也中字最難識須是默識心通且試言一廳則中央爲中一家則廳中非中而堂爲中言一國則堂非中而國之中爲中推此類可見矣且初寒時則薄裘爲中如在盛寒而用初寒之裘則非中也更如三過其門不入在禹稷之世爲中若居陋巷則不中矣居陋巷在顏子之時爲中若三過其門不入則非中也或曰男女不授受之類皆然曰是也男女不授受中也在喪祭則不如此矣

程子詳本

卷一 道體

三

伊蘇季明問或曰喜怒哀樂未發之前求中可否曰不可既思於喜怒哀樂未發之前求之又却是思也思卽是已發思與喜怒哀樂一般纔發便謂之和不可謂之中也又問呂學士言當求於喜怒哀樂未發之前如何曰看此語如何地下若言存養於喜怒哀樂未發之時則可若言求中於喜怒哀樂未發之前則不可未發時更怎生求只平日涵養便是涵養久則喜怒哀樂發自中節或曰有未發之中有既發之中曰非也既發時便是和矣

發而中節固是得中只爲將中和來分說便是和也

伊季明問中其無形體只是箇言道之題目否曰非也中有甚形體然既謂之中也須有箇形象按既無形體有何形象中無體就中而言有曰當中之時耳無聞目無見否曰雖耳無聞目無見然見聞之理在始得曰中是有時而中否曰何時而中中以事言之則有時而中以道言之何時而不中曰固是所爲皆中然而觀於四者未發之時靜中

程子詳本

卷一 道體

五

伊心。生道也有是心斯具是形以生惻隱之心人之生道也雖桀跖不能無是以生但戕賊之以滅天耳胡氏本伊棟問孔孟言性不同如何曰孟子言性之善是性之本孔子言性相近謂其稟受處不相遠也人性皆善所以善者於四端之情可見故孟子曰是豈人之情也哉至於不能順其情則流而惡故曰乃若其情則可以爲善矣若順也又問才出於氣否曰稟得至清之氣生者爲聖人然此論生知若

之好。須道是好物之惡。須道是惡。物自好惡。關我這裏甚事。若說我只是定。更無所爲。然物之好惡亦自在裏。故聖人只言止。所謂止。如人君止於仁。人臣止於敬之類是也。易之艮。言隨其所止而止之人。多不能止。蓋人萬物皆備。遇事時。各因其心之所重者。更互而出。纔見得這事重。便有這事出。若能物各付物。便自不出來也。或曰。先生於喜怒哀樂未發之前。下動字。下靜字。曰。謂之靜。則可。然靜中須有物始得。這裏便是難處。學者莫若且先

程子詳本

卷一 道體

三

理會得敬。能敬則自知此矣。或曰。敬何以用功。曰。莫若主一。不拘思慮與應事。皆要專一。或曰。當靜坐時。物之過乎前者。還見不見。曰。看事如何。若是大事。如祭祀前。旒蔽明。莊纘充耳。凡物之過者。不見不聞也。若無事時。目須見耳。須聞。問雜說中。以赤子之心爲已發。是否。曰。已發而去道未遠也。赤子之心。有覺而未能思。凡人心寂然。不曰。大人不動。便屬未發。赤子之心。顧專屬已發乎。曰。大人不失赤子之心。若何。曰。取其純一近道也。曰。赤子之心。與聖人之心。若何。曰。聖人之心。如鏡。如止水。節安

按此條所問。更端不已。無真切理會之意。所答亦有不對。誠不了了處。

伊問。盡已之謂忠。莫是盡誠否。曰。既盡已。安有不誠。盡已則無所不盡。如孟子所謂盡心。曰。盡心莫是有惻隱羞惡如此之心。能盡得。便能知性否。曰。何必如此數。纔數着。便不盡。大抵稟於天曰性。而所主在心。纔盡心。卽知性。知性卽是知天矣。節安

程子詳本

卷一 道體

三

伊問。盡已之謂忠。以實之謂信。發已自盡爲忠。循物無違爲信。表裏之義也。綱

伊。盡已爲忠。盡物爲信。極言之。則盡已者。盡己之性也。盡物者。盡物之性也。信者。無僞而已。於天性有所損益。則爲僞矣。易无妄曰。天下雷行。物與无妄。動以天理故也。其大畧如此。更須研究之。則自有得處。綱

伊。忠信者。以人言之。要之則實理也。顯

伊。信不足以盡誠。猶愛不足以盡仁。隱大

○以已及物、仁也。推已及物、恕也。忠恕一以貫之。忠者天理、恕者人道。忠者无妄、恕者所以行乎忠也。忠者體、恕者用。大本達道也。此與達道不遠。異者動以天爾。綱

○合明道曰：維天之命，於穆不已，不其忠乎？天地變化，草木蕃，不其恕乎？伊川曰：維天之命，於穆不已，忠也。乾道變化，各正性命，恕也。胡氏本

按此言天地之忠恕。

○或問忠恕之別，曰：猶形影也。無忠則不能為恕。

程子詳本

卷一 道體

主人

矣。

○明或問如何斯可謂之恕？明道曰：克擴得去，則恕心如何是克擴得去？底氣象曰：天地變化，草木蕃，克擴不去時如何？曰：天地閉，賢人隱。上蔡

道體三

天理異同之妙

○天下善惡皆天理，謂之惡者，非本惡。但或過或不及，便如此。如楊墨之類。大臨

按桀紂本是惡，程子所指楊墨之類，都是偏。

極則亦惡矣。

○明天理中物，須有美惡。蓋物之不齊，物之情也。但當察之，不可自入於惡，流於一物。大臨

○聖人即天地也。天地中何物不有？天地豈嘗有心，揀別善惡，一切涵容覆載，但處之有道爾。若善者親之，不善者遠之，則物不與者多矣。安得為天地？故聖人之志，止欲老者安之，朋友信之，少者懷之。大臨

○明形而上者謂之道，形而下者謂之器。若如或者

程子詳本

卷一 道體

主人

以清虛一大為天道，則乃以器言，而非道也。綱

○立清虛一大為萬物之源，恐未安，須兼清濁虛實乃可言。神道體物不遺，不應有方所。大臨

○明冬寒夏暑，陰陽也。所以運動變化者，神也。神無方，故易無體。若如或者別立一天，謂人不可以包天，則有方矣。是二本也。綱

○明氣外無神，神外無氣，或謂清者神，則濁者非神乎？綱

○明立天之道，曰陰與陽；立地之道，曰柔與剛；立人

之道曰仁與義兼三才也而兩之不兩則無

伊不當以體會為非心以體會為非心故橫渠有

心小性大之說聖人之神與天為一安得有二至

於不免而中不思而得莫不在此此心即與天地

無異不可小了他不可將心滯在知識上故反以

心為小臨大

○誠神不可語

明中庸言誠便是神絢

明神也者妙萬物而為言若上竿弄瓶至於斲輪

程子詳本

卷一 道體

幸

誠至則不可得而知上竿初習數尺後至於百尺

習化其高矧聖人誠至之事豈可得而知朱光庭

明惟神也故不疾而速不行而至神無速亦無至

須如此言者不如是不足以形容故也絢

按聖賢言道如此者多非默會反疑其言有病

明日新之謂盛德生生之謂易陰陽不測之謂神

要思而得之絢

明生生之謂易生生之用則神也絢

明天位乎上地位乎下人位乎中無人則無以見

天地書曰惟天地萬物父母惟人萬物之靈絢

明天地設位而易行其中何不言人行其中蓋人

亦物也若言神行乎其中則人只於鬼神上求矣

若言理言誠亦可也而特言易者欲使人默識而

自得之也絢

○不要將易又作一事即事盡天理便是易臨大

明生生之謂易天地設位而易行乎其中乾坤毀

則無以見易易不可見乾坤或幾乎息矣易畢竟

是其又指而言曰聖人以此洗心退藏於密聖人

程子詳本

卷一 道體

幸

示人之意至此深且明矣終無人理會易也此也

密也是甚物人能至此深思當自得之絢

伊安有識得易後不知退藏於密

伊形而上者則是密也

伊密是用之源聖人之妙處

伊易言天亦不同如天道虧盈而益謙此通上下

理亦如此天道之運亦如此如云天且弗違況於

人乎況於鬼神乎此直謂形而上者言以鬼神為

天地矣良佐



榜天且弗違。天字若指道。道何可言弗違。人亦安有先於道者。舜欲傳禹。云朕志先定。鬼神其依。此是先天而天弗違。證只是一箇天。但天是鬼神之統體。鬼神是天之分布功用處。

○天人本無二。不必言合。

○只是一箇誠。天地萬物鬼神本無二。

○天下雷行。物各得其性也。无妄。天性豈有妄哉。聖人以茂對時育萬物。各使得其性也。无妄。則一毫不可加。安可往也。往則妄矣。无妄震下乾上。動以天。安有

程子詳本

卷一 遺

聖

妄乎。動以人。則有妄矣。

○鼓舞萬物。不與聖人同憂。此天與人異處。聖人有不能為天之所為處。大臨

○伊天地以無心。故不憂。聖人致有為之事故。憂。焯

○咸恒。體用也。體用無先後。絢

○明理義。體用也。絢

按此物宜如此安頓。便是理體也。依此理安頓之。便是義用也。

○明天地之氣正。恭作肅。肅便雍也。絢

○明言有無。則多有字。言無無。則多無字。有無與動靜同。按有無動靜從不相離。不可離也。如冬至之前。天地閉。可謂靜矣。而日月星辰亦自運行而不息。謂之無動。可乎。但人不識有無動靜耳。絢

○和靜。嘗以易傳序請問曰。至微者理也。至著者象也。體用一源。顯微無間。莫太洩露天機否。伊川曰。如此分明說破。猶自人不解悟。邵寬錄云。伊川嘗語呂堅中錄云。伊川曰。亦不得已言之耳。○馮忠恕

○嘗論動靜之際。聞寺僧撞鐘。和靜曰。說著靜。便

程子詳本

卷一 遺

聖

多一箇動字。說動亦然。伊川領之。和靜每曰。動靜只是一理。陰陽死生亦然。寬

按動靜死生。總是一理。然動靜無端。若謂死生亦如環無端。非輪廻之說乎。死者自死。生者自生。合天地之生物不測。則與動靜一理耳。非以一人死生言之。

○昔嘗請益於伊川曰。某謂動靜一理。伊川曰。試喻之。適聞寺鐘聲。某曰。譬如此寺鐘。方其未撞時。聲固在也。按陽明言。未撞時原自驚天動地。本此伊川喜曰。且更涵

養、母

○楊子安問易從甚處起時方揮扇伊川以扇柄畫地一下曰從這裏起子安無語後至洛中子安舉以告和靜先生且曰某當時悔不更問此畫從甚處起和靜以告伊川伊川曰待他問時只與嘿然得似箇子安更喜懽也先生舉示子安子安由此遂服寬

按楊子安是好禪者素不服伊川伊川此際機鋒適合著禪子安一悔一服都只是此態寬

程子詳本

卷一 道體

三

在和靜門亦染禪習故所記多相似

○乾陽也不動則不剛其靜也專其動也直不專一則不能直遂坤陰也不靜則不柔其靜也翕其動也闢不翕聚則不能發散寬

○乾元者始而亨者也利貞者性情也性情猶言資質體段亭毒化育皆利也不有其功常久而不已者貞也詩曰維天之命於穆不已貞也寬

○和靜嘗問伊川如何是道伊川曰行處是寬

○和靜曰有人問明道先生如何是道先生曰於

君臣父子兄弟朋友夫婦上求寬

按此二條問道同而兩先生答異伊川所謂行處是者須至聖由仁義行則是使在他人須行得合理處方是不然又入於生之謂性以器爲道矣明道指人倫此堯舜以來相傳一脉然夫子直云五者天下之達道也此便是道孟子乃言歸而求之是言爲道今云於人倫上求正與孟子意同

道體四

程子詳本

卷一 道體

三

理氣

○天地生物各無不足之理嘗思天下君臣父子兄弟夫婦有多少不盡分處寬

按天與之爲性理人受之爲性分分不盡是有忝於生也而人往往委於所遇然隨遇自有盡分處故惟知性則不謂命

○伊一人之心卽天地之心一物之理卽萬物之理一日之運卽一歲之運寬

○詩言天命書言天

○詩書中凡有箇主宰底意思者皆言帝有一箇包涵徧覆底意思則言天有一箇公共無私底意思則言王上下千百歲中若合符契

○在帝左右帝持何帝

按帝豈有二三耶而云何帝猶言何物耳不敢以物字擬之故云

○天地之化既是二物必動已自不齊譬之兩扇磨行便其齒齊不得齒既動轉則齒更不復得齊物之出者何可得齊從此參差萬變巧曆不能窮

也。大  
程子詳本  
卷一 道體

朱

明命之曰易便有理若安排定則更有甚理天地陰陽之變升降盈虛剛柔初未嘗停息陽常盈陰常虧故便不齊此語推出其本既不齊便生出萬變故物之不齊物之情也堯夫有言泥空終是著齊物到頭爭此其肅如秋其和如春如秋便是義以方外也如春觀萬物皆有春意堯夫有詩云拍拍滿懷都是春又曰卷舒萬古興亡手出入幾重雲水身若莊周大抵寓言要入他放蕩之場堯夫

却皆有理大

○明一日遊許之西湖在石壇上坐少頃脚踏處便濕舉起云便是天地升降道理良

○明一日見火邊燒湯瓶指之曰此便是陰陽消長之義良

按此二條與鷄雛觀仁切脉體仁明道先生所見無非仁者所見無非天地陰陽者却與仁者見之謂之仁又別

○伊嘗問先生其有知之原當俱稟得先生謂不曾

程子詳本  
卷一 道體  
朱

稟得何處交割得來又語及太虛曰亦無太虛遂指虛曰皆是理安得謂之虛天下無實於理者良

○伊或謂許太太虛先生謂此語便不是這裏論甚大與小良

○明繫辭曰形而上者謂之道形而下者謂之器又曰立天之道曰陰與陽又曰一陰一陽之謂道陰陽亦形而下者也而曰道者惟此語截得上下最分明元來只此是道要在人默而識之也精

按整菴羅氏云說者非分截上下為二正斬截

上下爲一

伊一陰一陽之謂道。道非陰陽也。所以一陰一陽道也。如一闔一闢謂之變。良佐

按伯淳先生云。元來只此是道。正叔先生云。所以一陰一陽道也。近儒整庵羅氏曾辨此。而併謂朱子見地。僅與正叔相等。又推朱子一生認理氣爲二者。其原出於周子太極圖說。無極之真。二五之精。妙合而凝之。三言要之一陰一陽之謂道。精神在兩一字上。曷嘗云陰陽之謂道。

釋子詳本

卷一 道體

朱

哉。朱子云。陰了又陽。陽了又陰。已見及此。正叔云。如一闔一闢謂之變。亦是此意。不知上文如何。又加所以字。則亦將云。所以一闔一闢者。變乎。難言哉。今不得已爲之言曰。陰陽形而下者也。一陰一陽形而上者也。陰陽之謂器。一陰一陽之謂道。其相推不窮也。其條理不亂也。心可得而會也。正明目而視之。不可得而見也。○按又一條云。有形總是氣。無形只是道。不分兩先生語。夫子云。形而上者謂之道。正卽形以見道。

不云無形也。似出傳述之誤。故不復錄。

○乾坤古無此二字。作易者特立此二字。以明難明之道。以此形容天地間事。

明範圍天地之化而不過者。模範出一天地。兩非在外也。如此曲成萬物。豈有遺哉。綱

伊天地之化。雖廓然無窮。然而陰陽之度。日月寒暑晝夜之變。莫不有常。此道之所以爲中庸。

按變化無窮而有常。只說得庸字。却因庸字帶出中字來。

程子詳本

卷一 道體

朱

合明道嘗謂人曰。天地之間。只有一箇感與應耳。更有甚事。尹先生初聞之。以問伊川曰。此事甚大。人當自識之。先生曰。綏之斯來。動之斯和。是亦感與應乎。伊川曰。然。呂堅中

伊開闔便是陰陽。老氏言虛而生氣。非也。陰陽開闔本無先後。不可道今日有陰。明日有陽。如人有形影。一時有便齊有。按開闔無先後。然與形影非類。先生嘗以形影此忠恕。恕根乎忠。猶影根乎形。不互爲根者也。

陰根陽陽根陰難比形影。

伊細繆陰陽之感。

伊莫之爲而爲莫之致而致便是天理。司馬遷以私意妄窺天道而論伯夷曰天道無親常與善人若伯夷者可謂善人非耶天道之大安可以一人之故妄意窺測如曰顏何爲而夭阤何爲而壽皆指一人計較天理非知天也。安節

伊問莫見乎隱莫顯乎微何也曰人只以所見聞者爲顯見所不見聞者爲隱微然不知理却甚顯。

程子詳本

卷一 道體

罕

也且如昔人彈琴見螳螂捕蟬而聞者以爲有殺聲殺在心而人聞其琴而知之豈非顯乎人有不善自謂人不知之然天地之理甚著不可欺也曰如楊震四知然否曰亦是然說人與我固分得若說天地只是一箇知也且如水旱亦有所致如暴虐之政所感此人所共見者固是也然人有不善之心積之多者亦足以動天地之氣如疾疫之氣亦然不可道事至目前可見然後爲見也更如堯舜二民何故仁壽桀紂之民何故鄙夭纔仁便壽。

纔鄙便夭壽夭乃善惡之氣所致仁則善氣也所感者亦善善氣所生安得不壽鄙則惡氣也所感者亦惡惡氣所生安得不夭。安節

伊子在川上曰逝者如斯夫言道之體如此這裏須是自見得張釋曰此便是無窮先生曰固是道無窮然怎生一箇無窮便了得他。勉

道體五

本體功夫之合

○嘗喻以心知天猶居京師往長安但知出西門

程子詳本

卷一 道體

罕

便可到長安此猶是言作兩處若要誠實只在京師便是到長安更不可別求長安只心便是天盡之便知性知性便知天當處便認取更不可外求。大臨

○天地之間有者只是有譬之人之知識聞見經歷數十年一日念之了然胸中這一箇道理在那裏放著來。大臨

伊道孰爲大性爲大千里之遠數千歲之日其所動靜起居隨若亡矣然時而思之則千里之遠在

於目前數千歲之久無異數日之近人之性則亦大矣。隱大

按道孰爲大性爲大去率何以見道道又安可以小大言且思出於心而以思明性之大其非知道者之說可知矣。暢大隱本胡氏原注云識者疑其間多非先生語則當時蓋已疑之今聊拈出一二則

○觀天理亦須放開意思開闢得心胸便可見打排了習心兩漏三漏子今如此渾然說做一體猶

程子詳本

卷一 道體

聖

二本那堪更二本三本今雖知可欲之爲善亦須實有諸已便可言誠誠便合內外之道今看得不一只是心生除了身只是理便說合天人合天人是爲不知者引而致之天人無間夫不克塞則不能化育言贊化育已是離人而言之。臨大  
○明言體天地之化已剩一體字只此便是天地之化不可對此箇別有天地。臨大  
○明至誠可以贊天地之化育則可以與天地參贊者參贊之義先天而天弗違後天而奉天時之謂

也非謂贊助只有一箇誠何助之有。絢  
按輔相天地之宜卽是助意。

○明凡言克塞云者却似有箇規模體面將這氣克實之然此只是指而示之近耳氣則只是氣更說甚克塞如化育則只是化育更說甚贊贊與克塞又早却是別一件事也。臨大

按有不能塞之人自然見得有能塞之人天地位萬物育有贊之事夫子亦云裁成輔相此所指氣與化育應是單就天地說思孟是就至誠

程子詳本

卷一 道體

聖

善養之人說觀下二條則兩先生已自解之。  
○明至誠可以贊化育者可以回造化。絢  
○伊贊天地之化育自人而言之從盡其性至盡物之性然後可以贊天地之化育可以與天地參矣言人盡性所造如此若只是至誠更不須論所謂人者天地之心及天聰明自我民聰明止謂只是一理而天人所爲各自有分。  
按天人一理而所爲各分此至論也天鼓萬物而不與聖人同憂聖人安得不以憂贊之。

○昊天曰明及爾出王。昊天曰旦及爾游衍。只爲常是這箇道理。此箇亦須待他心熟。便自然別。臨大  
○得此義理在此。甚事不盡。更有甚事出得。視世之功名事業。真譬如閑。視世之仁義者。真煦煦子。子如匹夫匹婦之爲諒也。自是天來大事處。以此理又何曾足論。若知這箇道理。便有進處。若不知得。則何緣仰高鑽堅。在前在後也。竭吾才。則又見其卓爾。臨大

○明太山爲高矣。然太山頂上。已不屬太山。雖堯舜

程子詳本 卷一 道體 四

之事亦只如太虛中一點浮雲過目。良

按此卽孟子所性不存之意。然在堯舜自觀。則可在人觀堯舜。則不可。夫子贊大哉堯之爲君一章。何等揚詡隆重。欲令萬世瞻仰。豈肯以浮雲藐之。大抵上蔡記明道語。往往有高過孔孟處。

○明鳶飛戾天。魚躍于淵。言其上下察也。此一段。子思契紫爲八處。與必有事焉而勿正心之意同。活潑潑地。會得時。活潑潑地。不會得時。只是弄精神。

良○明鳶飛戾天。向上更有天在。魚躍于淵。向下更有地。良

○明毛猶有倫。入毫釐絲忽。終不盡。良

○伊心欲窮四方上下所至。且以無窮置却。則得。若要真得。須是體合。良

○理與心一。而人不能會之爲一。

○萬物無一物失所。便是天理時中。

○天命不已。文王純於天道。亦不已。純則無二無

程子詳本 卷一 道體 四

雜不已。則無間斷先後。

○心具天德。心有不盡處。便是天德處。未能盡。何緣知性知天。

○明艮其止。止其所也。八元有善而舉之。四凶有罪而誅之。各止其所也。釋氏只曰止。安知止乎。絢

○艮卦只明使萬物各有止。止分便定。

○息止也。生也。止則便生。不止則不生。艮終始萬

物。

○明息訓爲生者。息則生矣。一事息。則一事生。中無

間斷。碩果不食。俱為復也。寒往則暑來。暑往則寒來。寒暑相推而歲成焉。綱

○復卦非本極之心。復則見天地之心。聖人無復。故未嘗見其心。

○語默猶晝夜。晝夜猶生死。生死猶古今。

○原始則足以知其終。反終則足以知其始。按始知恐死生之說如是而已矣。故以春為始而原之。終互

未必然。按此則原乃以冬為終而反之。其必有春必有冬。窮之義耶。

死生者其與是類也。

程子詳本 卷一 道體

聖

○原始反終。故知死生之說。但窮得則自知死生之說。不須將死生便做一箇道理求。

按朱子論鬼神。且不必就鬼神上思索。將他處切要道理看透。此處自會曉得。這是論格物功

夫次第。夫子說死生。止有二處。此云原始反終。

教知死生之說。是明說。是全說。然不識得。却無

針頭處。論語云。未知生。焉知死。此是不說是側

說。然識得時。却易理會。知死生是效驗。始終亦

是人人身上見成有底。其功夫只在原始反終

上。人之有身。日用動靜。獨處對人。渾是一團生

理流行。此生之歇息處。便是死。所謂存吾順事。

沒吾寧也。非有二物。人須推原此生之所從來。

便可反求此生之所從息。反終功夫。又只在原

始上。蓋總就生上格他箇始終底道理。子路當

年不知曾聞此言否。他初疑死與生是兩樣。故

單問死。却忘了自己未曾知生。夫子便教他就

生上求。

○明死生存亡。皆知所從來。胸中瑩然無疑。止此理

程子詳本 卷一 道體

聖

爾。孔子言未知生。焉知死。蓋畧言之死之事。即生

是也。更無別理。大臨

○明百官萬務。金革百萬之衆。飲水曲肱。樂在其中。

萬變皆在人。其實無一事。

按此先師高子野店小樓之所以大悟也。前此

必有事。方一旦悟得天下本無事。既悟得天下

本無事。依舊必有事。嗟夫。斯言長在。悟者復誰

○顏子所言。不及孔子。無伐善無施勞。是他性分

上事。孔子言安之信之懷之。是天理上事。



按孔子當三十時。亦須志在修己。顏子至四五  
十。自然亦志在安百姓。其不及者。乃所以爲同。  
○無妄之謂誠。不欺其次矣。李邦直云。不欺之謂  
仲車云。不息之謂誠。中庸至誠無息。非  
以無息解誠也。或以問先生。先生云云。

按胡氏記伊川語云。真近誠。真亦不欺之意。

○靜中便有動。動中自有靜。

○觀心神明。上下同流。

○明道一本也。或謂以心包誠。不若以誠包心。以至  
誠參天地。不若以至誠體人物。是二本也。知不二

程子詳本

卷一 道體

聖人

本便是篤恭而天下平之道。絢

○明天地萬物之理。無獨必有對。皆自然而然。非有  
安排也。每中夜以思。不知手之舞之。足之蹈之。絢

○明皆實理也。人知而信者爲難。孔子曰。朝聞道。夕  
死可矣。死生亦大矣。非誠知道。則豈以夕死爲可

乎。絢

○明中庸之言。放之則六合。卷之則退藏於密。絢

○伊凡下學人事。便是上達天理。光

按下上只是事理。原非有二。非此語。則人不知

下上爲何物

○明洒掃應對。便是形而上者。理無大小故也。故君  
子只在慎獨。絢

○伊凡物有本末。不可分本末爲兩段事。洒掃應對。  
是其然。必有所以然。

○伊聖人之道。更無精粗。從洒掃應對。至精義入神。  
通貫只一理。雖洒掃應對。只看所以然者如何。

○明或問繫辭自天道言。中庸自人事言。似不同。曰  
同。繫辭雖始從天地陰陽鬼神言之。然卒曰默而

程子詳本 卷一 道體 聖人

成之。不言而信存乎德行。中庸亦曰鬼神之爲德。

其盛矣乎。卒曰夫微之顯。誠之不可揜。如此夫。是  
豈不同。絢

○伊公則一私則萬殊。至當歸一。精義無二。人心不  
同。如面。只是私心。

○伊寂然不動。感而遂通。此已是言人分上事。若論  
道。則萬理皆具。不說感與未感。

按寂感二句。孔子本說易。易豈非道。豈嘗屬人。

但象數雖出於天。已借先聖手描出。亦屬人分。

上事矣。故有問有告。可以感言。道則常不動。

伊感而遂通天下之故。以其寂然不動。小則事物之至。大則無時而不感。良佐

寂然不動。萬物森然已具在。感而遂通。感則只自內感。不是外面將一件物來感於此也。

按思慮動便是感。故云自內要之所思者必有一物。此意正與義內相似。

沖漠無朕。萬象森然已具。未應不是先。已應不是後。如百尺之木。自根本至枝葉。皆是一貫。不可

釋子詳本

卷一 道體

幸

道上面一段事。無形無兆。却待人旋安排。引入來

教入塗轍。既是塗轍。却只是一箇塗轍。

伊知天命。是達天理也。必受命。是得其應也。天之

報應。皆如影响。不得其報者。非常理也。然而細推

之。則須有報應。但人以狹淺之見求之。便謂差。且

天命不可易也。然有可易者。惟有德者能之。

伊配義與道。即是體用。道是體。義是用。配者合也。

氣儘有形體。故言合。氣是積義所生。却言配。義如

以金為器。既成。則目為金器。可也。

按道義至大。配字是就塞乎天地而言。道義有

此分量。氣亦不減。故曰配。金器之名。猶云義所

養成之氣。是義氣道氣。而非浮氣客氣云爾。

伊問天地明察。神明彰矣。曰。事天地之義與誠。既

明察昭著。則神明自彰矣。問神明感格否。曰。感格

固在其中矣。孝弟之至。通於神明。神明孝弟不是

兩般事。只孝弟便是神明之理。又問王祥孝感事。

是通神明否。曰。此亦是通神明一事。此感格便是

王祥誠中來。非王祥孝於此。而物來於彼也。安節

按孝弟神明一理。固也。卧水魚出。則已涉於事

物。惟有彼此。故有感應。感應正見通神處。如蕭

韶九成。鳳凰來儀。太和感於此。而靈禽應於彼。

祥之誠。猶韶之和也。魚之躍。猶鳳之來也。魚自

水中來。正自誠中來。鳳自雲中來。正自和中來。

不然。反似火中蓮花。無以見通神明之實矣。欲

說向平常。轉益奇特。欲一之。轉更二之。恐傳載

小說。

伊問行狀云。盡性至命。必本於孝弟。不識孝弟何

釋子詳本

卷一 道體

幸

以能盡性至命也。曰：後人便將性命別作一般事說了。性命孝弟只是一統底事。就孝弟中便可盡性至命。至如洒掃應對與盡性至命亦是一統底事。無有本末。無有精粗。却被後來人言性命者別作一般高遠說。故舉孝弟是於人切近者言之。然今時非無孝弟之人。而不能盡性至命者。由之而不知也。又問窮神知化由通於禮樂何也。曰：此句須自家體認。人往往見禮壞樂崩便謂禮樂亡。然不知禮樂未嘗亡也。如國家一日存時尚有一日

程子詳本

卷一 道體

至

之禮樂。蓋由有上下尊卑之別也。除是禮樂亡盡。然後國家始亡。雖盜賊至所謂不道者。然亦有禮樂。蓋必有總屬必相聽順乃能為盜。不然則叛亂無統不能一日相聚而為盜也。禮樂無處無之。學者須要識得。安節  
○或問孝天之經地之義何也。曰：本乎天者親上。輕清者是也。本乎地者親下。重濁者是也。天地之常莫不反本人之孝亦反本之謂也。紫芝  
按孝者天之經出於自然之常無造作也。地之

義率土同然之路無參差也。原自明白。程子以凡氣之屬皆本乎天而親上。凡形之屬皆本乎地而親下。形氣諸物以天地為本。則以親天親地為反本。人以父母為本。因身而邇所從來則以孝為反本。亦是一理。然似與天經地義本旨不相涉。

伊禮云禮云玉帛云乎哉。樂云樂云鐘鼓云乎哉。此固有禮樂不在玉帛鐘鼓先儒解者多引安上治下真善於禮移風易俗莫善於樂此固禮樂之

程子詳本

卷一 道體

至

大用。然推本而言禮只是一箇序。樂只是一箇和。只此兩字含蓄多少義理。又問禮莫是天地之序。樂莫是天地之和。曰：固是。天下無一物無禮樂。且置兩隻椅子。纔不正便是無序。無序便乖。乖便不和。又問如此則禮樂只是一事。曰：不然。如天地陰陽其勢高下甚相背。然必相須而為用也。有陰便有陽。有陽便有陰。有一便有二。纔有一二便有一二之間。便是三。已往更無窮。老子亦言三生萬物。此是生生之謂易。自然如此。維天之命於穆不已。

是理自相續不已。非人爲之。如使可爲。雖使萬般安排。也須有息時。只爲無爲。故不息。中庸言不見而章。不動而變。無爲而成。天地之道。可一言而盡也。使釋氏千章萬句。說得許多無限說話。亦不能述此三句。只爲聖人說得要。故包含無盡。安節

○聖人無一事不順天時。故至日閉關。陳節

道體六

體仁

○語仁而曰可謂仁之方也已。何也。蓋若便以爲

釋子詳本

卷一 道體

五

仁則反使不識仁。只以所言爲仁也。故但曰仁之方。則使自得之以爲仁也。籀

○明醫書言手足痿痺爲不仁。此言最善名狀。仁者以天地萬物爲一體。莫非已也。認得爲已。何所不至。若不有諸已。自不與已相干。如手足不仁。氣已不貫。皆不屬已。故博施濟衆。乃聖人之功用。仁至難言。故止曰已欲立而立人。已欲達而達人。能近取譬。可謂仁之方也已。欲令如是觀仁。可以得仁之體。大臨

○明切脉最可體仁。良佐

○明觀難雜此可觀仁。良佐

按敬齋胡氏云。切脉是生理貫通處。難雜是生意醇粹處。

○明滿腔子是惻隱之心。良佐

○剛毅木訥實之近乎仁也。力行學之近乎仁也。若至仁。則天地爲一身。而天地之間。品物萬形。爲

四肢百體。夫人豈有視四肢百體而不愛者哉。聖人仁之至也。獨能體是心而已。曷嘗求之外乎。醫

程子詳本

卷一 道體

五

書以手足風頑謂之四體不仁。爲其疾病不以累其心故也。夫手足在我。疾病不與知焉。非不仁而何。世之忍心無恩者。其自棄亦若是而已。酢

○伊醫家以不認痛癢。謂之不仁。人以不知覺。不認義理爲不仁。譬最近。

按朱子云。伊川說不認義理最好。只以覺爲仁。若不認義理。只守得一箇空心。覺何事。

○伊剛毅木訥近仁。此正與巧言令色相反。

○忠恕違道不遠。可謂仁之方。力行近乎仁。求仁

莫近焉。仁道難言。故止曰近。曰不遠而已。苟以力行便爲仁。則失之矣。施諸已而不願。亦勿施於人。夫子之道忠恕。非曾子不能知道之要。舍此則不可言。

○明孟子曰。仁也者人也。合而言之道也。中庸所謂率性之謂道是也。仁者人此者也。敬以直內。義以方外。仁也。若以敬直內。則便不直矣。行仁義豈有直乎。孟子按行仁義是對舜言。若湯武皆行仁義者也。稍快啓後。必有事焉。而勿正則直也。夫能敬以直。

程子詳本

卷一 道體

朱

內義以方外。則與物同矣。故曰敬義立而德不孤。是以仁者無對。放之東海而準。放之西海而準。放之南海而準。放之北海而準。

○伊仁之道。要之只消說一公字。公只是仁之理。不可將公便喚做仁。公而以人體之。故爲仁。只爲公。則物我兼照。故仁。所以能恕。所以能愛。恕則仁之施。愛則仁之用也。

○伊義訓宜。禮訓別。智訓知。仁當何訓。說者謂訓覺訓人。皆非也。當合孔孟言仁處。大槩研窮之。柄

按先生意在訓公。然孔孟皆云仁者人也。故先生又曰公而以人體之。

○伊仁義禮智信。於性上要言此五事。須要分別出。若仁則固一。一所以爲仁。惻隱則屬愛。乃情也。非性也。恕者。入仁之門。而恕非仁也。因其惻隱之心。知其有仁。惟四者有端。而信無端。只有不信。更無信。如東西南北。已有定體。更不可言信。若以東爲西。以南爲北。則有不信。如東卽東。西卽西。則無信。

程子詳本

卷一 道體

朱

○伊問仁曰。此在諸公自體認出來。孟子曰。惻隱之心。仁也。後人遂以愛爲仁。惻隱固是愛也。豈可專以愛爲仁。孟子言惻隱爲仁。蓋爲前已言惻隱之心。仁之端也。旣曰仁之端。則不可便謂之仁。退之言博愛之謂仁。非也。仁者固博愛。然便以博愛爲仁。則不可。失

○伊問孝弟爲仁之本。此是縣孝弟可以至仁否。曰。非也。謂行仁自孝弟始。蓋孝弟是仁之一事。謂之行仁之本。則可。謂之仁之本。則不可。蓋仁是性也。孝弟是用也。性中只有仁義禮智四者。幾曾有許。

多般數來。仁主於愛。愛孰大於愛親。故曰爲仁之本。節安

按性是萬事之本。性豈更有本。然仁之實。事親是也。今云幾曾有許多般數。似孝弟非性中所有。須善讀之。

伊問仁與聖何以異。曰。仁可以通上下言之。聖則其極也。聖人人倫之至。倫理也。既通人理之極。更不可以有加。若今人或一事是仁。亦可謂之仁。至於盡仁道。亦謂之仁。此通上下言之也。如曰若聖

程子詳本

卷一 道體

朱

與仁則吾豈敢此。又仁與聖俱大也。大抵盡仁道者。卽是聖人。非聖人則不能盡仁道。問人有言盡人道。謂之仁。盡天道。謂之聖。何如。曰。安有知人道而不知天道者乎。道一也。中庸言盡已之性。以至贊天地之化育。此言可見矣。楊子曰。通天地人曰儒。通天地而不通人曰伎。此不知道之言。豈有通天地而不通人者哉。如止云通天之文。與地之理。雖不能此。何害於儒。天地人只一道也。纔通其一。則餘皆通。節安

按一者何也。人也。由人道可以通天地之道。未有離人而能體天地之道者也。未有先悟天地之道以及人者也。

明天地之大德曰生。天地絪縕。萬物化醇。生之謂性。告子此萬物之生意最可觀。此元者善之長也。所謂仁也。人與天地一物也。而人特自小之。

明觀天地生物氣象。周茂叔

復其見天地之心。一言以蔽之。天地以生物爲心。淵

程子詳本

卷一 道體

五九

只理會生。是何如。

伊問仁與心何異。曰。心是所主處。仁是就事言。按對所主而言。謂是所主曰。若是則仁是心之用。否中之事耳。非事物之事。曰。譬如身四端如四支。四支固是身所用。只可謂之四支。四端固具於心。然亦未可便謂之心之用。或曰。譬如五穀之種。必待陽氣而生。曰。非也。陽氣發處。却是情也。心譬如穀種。生之性便是仁也。

伊顏淵問仁。而孔子告之以禮。仁與禮果異乎。節安

伊周伯溫問回也三月不違仁如何曰不違處只是無纖毫私意有少私意便是不仁

程子詳本卷一

程子詳本

卷一 道德

李

程子詳本卷二

為學一

立志

○須是大其心使開闢譬如為九層之臺須大做脚始得大臨

○士不可以不弘毅任重而道遠重擔子須是硬脊梁漢方擔得良佐

○明弘而不毅則難立毅而不弘則無以居之

伊學者為氣所勝習所奪只可責志

程子詳本 卷二 為學

十

伊士之於學也猶農夫之耕農夫不耕則無所食

無所食則不得生士之於學其可一日舍哉安節

按此條似淡然比不學於無食學不學乃生死

之關其言極痛聞道則可死不學道則雖生猶死

伊問學者須志於大如何曰志無大小按志則必大若小則必

非志志小者無志者莫說道將第一等讓與別人

也故曰志無大小且做第二等纔如此說便是自棄雖與不能居仁

由義者差等不同其自小一也言學便以道為志

言人便以聖為志。安

○懈意一生。便是自棄自暴。

伊或問人或倦怠。豈志不立乎。曰。若是氣體。勞後

須倦。若是志。怎生倦得。按有志於學。人只為氣勝。自無倦時。

志。故多為氣所使。如人少而勇。老而怯。少而康。老

而貪。此為氣使者也。若是志勝氣時。志既一定。更

不可易。如曾子易簣之際。其氣之微可知。只為志

已定。故雖死生許大事。亦動他不得。蓋有一絲髮

氣在。則志猶在也。安

程子詳本 卷二 為學

伊人只有箇天理。却不能存得。更做甚人。安

伊博奕小數。不專心致志。猶不可得。況學道而悠

悠。安可得也。仲尼言吾嘗終日不食。終夜不寢。以

思。又曰。朝聞道。夕死可矣。不知聖人有甚事來。迫

切了底。死地如此。文意不難會。須求其所以如此

何故。聖人生知。猶如此說。學如不及。猶恐失之。纔

說姑待來日。便不可也。安

○仁在己。不可讓也。若善名在外。則不可不讓。薛

明鐵劍利而娼優拙。此重則彼輕。

○或問科舉事業。奪人之功。是不然。且一月之中

以十日為舉業。餘日足可為學。然人不志此。必志

於彼。故科舉之事。不患妨功。惟患奪志。紫

按伯淳作字時甚敬。曰。只此是學。然則舉業習

經史。作文章。比作字。豈不尤切。總是學中事。非

必割時日三分之一以習之也。習舉業須研索

理義。研索理義。益有助於舉業。但恐意在弋獲。

則無實心求理義耳。信乎不患妨功。惟患奪志。

若三分割一。却似另作一事。未免妨功。

程子詳本 卷二 為學

明子貢曰。夫子之言性與天道。不可得而聞也。蓋

於是始有所得而歎之。以子貢之才。從夫子如此

之久。方歎不可得而聞。亦可謂之鈍矣。觀孔子沒

築室於場。六年然後歸。其志可見。他人如子貢之

才。六年中待作多少事。豈肯如此。絢

伊問人少有得而遂安者。如何。曰。此實無所得也。

如以管窺天。乍見星斗燦爛。便謂有見。喜不自勝。

此終無所得。若有大志者。不以管見為得也。安

明伯淳先生曰。人之為學。忌先立標準。若循循不



已自有所至。溫邵伯

按標準非立極意。是自成一家之意。如學書者。或宗鍾王。或宗歐虞顏柳。到底只成得一路。孟子願學孔子。孔子無可無不可。便是箇原無標準之人。下條必欲學聖人。便是此意。學之循循不已。聖人可至。此是二程教人宗旨。

合二程之學。以聖人爲必可學而至。而已必欲學而至於聖人。呂希哲

爲學二

程子詳本

卷二 爲學

四

師法

明昔受學於周茂叔。每令尋顏子仲尼樂處。所樂

何事。大臨

明樂莫大焉。樂亦在其中。不改其樂。須知所樂者

何事。薛

明詩可以興。某自再見茂叔後。吟風弄月以歸。有

吾與點也之意。良

明茂叔窓前草不除。云與自家意思一般。

子厚知七

明孟子才高。學之無可依據。學者當學顏子。入聖人爲近。有用力處。大臨

聖人之德行。固不可得而名狀。若顏子底一箇氣象。吾曹亦心知之。大臨

仰之彌高。見其高而未能至也。鑽之彌堅。測其堅而未能達也。此顏子知聖人之學。而善形容者也。

熊氏曰。實有是事。不是形容。

明顏子曰。仰之彌高。鑽之彌堅。則是深知道之無

程子詳本

卷二 爲學

五

窮也。瞻之在前。忽焉在後。他人見孔子甚遠。顏子

瞻之。只在前後。但只未在中間耳。若孔子乃在其

中焉。此未達一間也。緇

明自舜發於畎畝之中。至孫叔敖舉於海。若要熟

也。須從這裏過。良

善言治天下者。不患法度之不立。而患人材之

不成。善修身者。不患器質之不美。而患師學之不

明。人材不成。雖有良法美意。孰與行之。師學不明。

雖有受道之質。孰與成之。薛

爲學三

實功

合蘇季明嘗以治經爲傳道居業之實。居常講習。只是空言無益。質之兩先生。伯淳先生曰。修辭立其誠。不可不仔細理會。言能修省言辭。便是要立誠。若只是修飾言辭爲心。只是爲僞也。若修其言辭。正爲立已之誠意。乃是體當自家敬以直內。義以方外之實事。道之浩浩。何處下手。惟立誠纔有可居之處。有可居之處。則可以修業也。終日乾乾。

程子詳本

卷二爲學

木

幾許大事。却只是忠信。所以進德爲實下手處。修辭立其誠。爲實修業處。正叔先生曰。治經實學也。譬諸草木。區以別矣。道之在經。遠近高下。森列於其中。譬諸日月。在上有人不見者。一人指之。不如衆人指之。自見也。如中庸一卷書。自至理便推之。於事如國家有九經。及歷代聖人之迹。莫非實學也。如登九層之臺。自下而上者。爲是人。患居常講習。空言無實者。蓋不自得也。爲學治經最好。苟不自得。則盡治五經。亦是空言。簡

○人以忠信爲本。無友不如己者。無忠信者也。子以四教。文行忠信。忠信。禮之本。人無忠信。則不可庭光以爲學。

○聖人言忠信者多矣。人道只在忠信。不誠則無物。且出入無時。莫知其鄉者。人心也。若無忠信。豈復有物乎。簡

○學始於不欺闇室。庭光

○知性善以忠信爲本。此先立其大者。庭光

○涵養須用敬。進學則在致知。節安

程子詳本

卷二爲學

七

○敬義夾持。直上達天德。自此醉

○某寫字時甚敬。非是要字好。只此是學。良佐

○學要在敬也。誠也。中間便有箇仁。仁在其中矣。簡

之意。

○學者識得仁體。實得諸已。只要義理栽培。如求經義。皆栽培之意。臨大

○學者須守下學上達之語。乃學之要。臨大

○白下而達上者。惟造次必於是。顛沛必於是。簡

○鮑若雨劉安世劉安節數人。自太學謁告來洛。

見伊川問堯舜之道。孝弟而已矣。堯舜之道何故止於孝弟。伊川曰。曾見尹焞否。曰未也。請往問之。諸公遂來見和靜。和靜曰。堯舜之道止於孝弟。孝弟非堯舜不能盡。自冬溫夏清。昏定晨省。以至聽於無聲。視於無形。又如事父孝。故事天明。事母孝。故事地察。天地明察。神明彰矣。直至通於神明。光於四海。非堯舜大聖人不能盡此。復白伊川。伊川曰。極是使某說亦不過此。馮忠恕天下之悅不可極。惟朋友講習。雖過悅無害。允

程子詳本 卷二 爲學

九

澤有相滋益處

○朋友講習更莫如相觀而善工夫多。大按相觀而善即是習中事。

○古人互相點檢如今之學射者亦然。良

○人活物也既活則須有動作須有思慮忠信所以進德者何也。閑邪則誠自存斯爲忠信也。如何

是閑邪非禮而勿視聽言動邪斯閑矣。幾時要身

如枯木心如死灰敬以直內須君則是君臣則是

臣凡事如此何等直截也。大

○今語道則須待要寂滅湛靜形便如槁木心便如死灰豈有直做牆壁木石而謂之道所貴乎智周天地萬物而不遺又幾時要如死灰所貴乎動容周旋中禮又幾時要如槁木論心術無如孟子也只謂必有事焉而勿正心今既如槁木死灰則却於何處有事。

伊君子之學在於意必固我既亡之後而復於喜怒哀樂未發之前則學之至也。大

按意必固我豈學者所易亡毋我尤非聖人不

程子詳本 卷二 爲學

九

能也程子似以絕四未爲極詣

○孟子論四端處則欲擴而克之說約處則博學詳說而反說約此內外交相養之道也。大

伊問必有事焉當用敬否曰敬只是涵養一事必有事焉須當集義只知用敬不知集義却是都無

事也又問義莫是中理否。按中理猶言當理曰中理在事

義在心內苟不主義浩然之氣從何而生問敬義

何別曰敬只是持已之道義便知有是有非順理

而行是爲義也豈只守一箇敬且如欲爲孝須知

所以為孝之道侍奉當如何溫清當如何然後能盡孝道也。安

伊問人敬以直內氣便能克塞天地否曰氣須是養集義所生積集既久方能生浩然氣象人但看所養如何養得一分便有一分養得二分便有二分只將敬安能便到克塞天地處。安

伊孟子養氣一篇諸君宜潛心玩索須是實識得方可勿忘勿助長只是養氣之法如不識怎生養有物始言養無物又養箇甚麼浩然之氣須見是

程子詳本

卷二為學

十

一箇物如顏子言如有所立卓爾孟子言躍如也卓如躍如分明見得方可。安

伊能盡飲食言語之道則可以盡去就之道能盡去就之道則可以盡死生之道。大

明世事與我不相關。胡氏

明克勤小物最難。綸

伊忘物與累物之弊等。良

學者今日無可添唯有可減減盡便無事。

人之多聞識却似藥物須要擇識是所切用也。

胡氏

○學者多蔽於解釋注疏不須用功深。光

○學者有所得不必在談經論道間當於行事動容周旋中禮得之。

明以記誦博識為玩物喪志。良佐○鄭穀云嘗見中學時錄古人善行別作一冊洛中見之云是玩物喪志蓋言心中不宜容絲髮事

○和靜偶學虞書伊川曰賢那得許多工夫。馮忠恕

明須是就事上學盡振民育德然有所知後方能如此何必讀書然後為學。良佐

程子詳本

卷二為學

十

○默而識之乃所謂學也惟顏子能之可謂善學者也故孔子曰吾與回言終日不違如愚退而省其私亦足以發回也不愚。

明默而識之不言而信存乎德行。良佐

按此以繫辭中不言二字貼論語默字識亦貴默德行亦貴默默者致知力行之統也。

○饑食渴飲冬裘夏葛若致些私吝心在便是廢天職。

○論學便要明理論治便須識體。酢

○經所以載道也。器所以適用也。學經而不知道治器而不適用。奚益哉。

○寒便是處寒之道。困便是處困之道。道無時不可行。詐

○學者要先會疑。

伊不深思則不能造於道。不深思而得者。其得易失。然而學者有無思無慮而得者。何也。以無思無慮而得者。乃所以深思而得之也。以無思無慮為不思。而能自得者。未之有也。大隱

程子詳本

卷二為學

幸

○為惡之人。未嘗知有思。有思則為善矣。淵

伊博學之。審問之。慎思之。明辨之。篤行之。五者廢其一。非學也。從

○覺悟便是信。

伊義之精者。須是自求得之。如此。則善求義也。

○不能動人。只是誠不至。於事厭倦。皆是無誠處。詐

○人自孩提。聖人之質。只先於偏勝處發。或仁或義。或孝或弟。去氣偏處發。便是致曲。去性上

修便是直養。然同歸於誠。

按性上無所容修。困率之有過。有不及。所以用修對氣。故言性。此語須善體會。

○不有躬。无攸利。不立已後。雖向好事。猶為化物。不得以天下萬物撓已。已立後。自能了當天下萬物。

伊問古之學者為已。不知初設心時。只要為已。是為人。曰。須先為已。方能及人。初學只是為已。鄭玄中云。學者先須要仁。仁所以愛人。正是顛倒說。却

程子詳本

卷二為學

主

按初設心一問。甚好。伊川先生所答。只是用功之法。不曾答得發問本意。欲知此意。只味大學古之欲明明德於天下者。一句。遠紹到修身為本。便設心用功。具見矣。不說初學只要為已。又不至顛倒說。

○外面事不患不知。只患不見自己。

伊伊尹耕於有莘。傳說築於傅巖。天下之事。非一而學之。天下之賢才。非一一而知之。明其在已。

而已矣。大隱

明人須知自備之道。自備者無不足也。若有不足。則張子厚所謂有外之心。不足以合天心者也。絢明學只要鞭辟近裏著已而已。故切問而近思。則仁在其中矣。賢美者明得盡。渣滓便渾化。與天地同體。其次惟莊敬持養。按此二語適合顏子克己仲弓敬恕及其至則一也。

明博學而篤志。切問而近思。何以言仁在其中矣。學者要思得之。了此便是徹上徹下之道。絢

程子詳本 卷二 為學

大抵有題目事易合

不學便老而衰

伊老喜學者尤可愛。人少壯則自當勉。至於老矣。志力須倦。又慮學之不能及。又年數之不多。不曰朝聞道夕死可矣。平學不多。年數之不足。不猶愈於終不聞乎。

伊禮儀三百威儀三千。非絕民之欲。而強人以不能也。所以防其欲。戒其侈。而使之入道也。大隱

居之以正。行之以和。絢

伊今之學者。往往以游夏為小。不足學。然游夏一言一事。却總是實。如子路公西華心志如此。聖人許之亦以此。自是實事後之學者好高。如人游心於千里之外。然自身却只在此。

伊文字上無閒暇。終是少工夫。然思慮則儘不廢。於外事雖奔迫。然思慮儘悠悠。

按先生意。似謂平日主於學道。無暇研窮文字。終是少此段工夫。然義理上儘自用心。至於外事雖當應酬。不可已之時。外貌奔迫。心裏悠然。

程子詳本 卷二 為學

五

不著。蓋即百官庶務。疏水曲肱樂在其中之意。存養第五則內。亦有於外事思慮儘悠悠之語。與此處可相證。

問聰明如何磨去。曰使之則有。不使則亡。紫

伊問張旭學草書。見擔夫與公主爭道。又公孫大娘舞劍。而悟筆法。莫是心常思念。至此而感發否。曰然。須是思方有感悟處。若不想怎生得如此。然可惜張旭留心於書。若移此心於道。何所不至。安節伊學者須是務實。不要近名。有意近名。則大本已

失更學何事。為名而學，則是偽也。為名與為利，清濁雖不同，然其利心則一。為名而學者，志於名而足矣。然其心猶恐人之不知，韓退之直是會道，曰：「內不足者，急於人知。」大抵為名者，只是內不足，內足者，自是無意於名。孔子言疾沒世而名不稱，人多錯會，此只是言君子惟患無善之可稱，當汲汲為善，非使人求名也。節安

伊實是實，非能辨，則循實是天下之事，歸於一是，是乃理也。循此理，乃可進學，至形而上者也。庭光

程子詳本

卷二 為學

大

伊學佛者，多要忘是非，是非安可忘？自有許多道理，何事忘為？夫事外無心，心外無事，世人只被為物所役，便覺苦事多。若物各付物，便役物也。世人只為一齊在那昏惑迷暗海中，拘滯執泥坑裏，便事事轉動不得，沒著身處。迪  
伊問學者不必同，如仁義忠信之類，只於一事上求之，可否？曰：如六經各自有箇蹊轍，及其造道一也。仁義忠信只是一件事，若於一事上得之，其他皆通也。然仁是本。節安

伊學者言入乎耳，必須著乎心，見乎行事，如只聽他人言，却是說他人事，已無所與也。節安

伊嘗見李初平問周茂叔云：「某欲讀書如何？」茂叔曰：「公老矣，無及也。」待某只說與公，初平遂聽說話二年，乃覺悟。林

明明道嘗曰：「吾學雖有所受，天理二字却是自家體貼出來。」蔡上

按天理者，凡人生時天窮通毀譽賞罰，所感所應，或當或不當，甚且有極相舛錯，為人心中所最

程子詳本

卷二 為學

七

詫最悲最憤，以為最不合天理者，皆坦然知其為出於天理，此是程子體貼獨到處，所謂莫之為而為者也。若止云事理宜行宜止，猶曉然易見，非明道特拈出天理二字微意。

明明道云：「別人喫飯，從脊皮上過，我喫飯，從肚裏去。」蔡上

按飲食一事，有當時著察，有過後受用。夫子所言知味，在飲食時也；程子所言從肚裏去，在飲食後也。不知味有二：求美不已過之飢渴而甘

不及也。民之質矣。日用飲食。乃知味也。入肚後。亦有二能消化。則不受飲食之病。能運達其精華。則受飲食之益。此真切安穩受用也。崇禎癸未。寓長安。劉總憲公念臺舉此條相證云。明道喫飯從喉嚨裏過。作何解。余未應。其門人憚日初從旁答曰。知味耳。公頷之。蓋明道以脊皮與肚裏對說。自論受用。若以喉嚨對脊皮說。自當作知味解也。識此見古今引伸觸類之義。

○謝子見河南夫子辭而歸。尹子問曰。何以教我。

程子詳本

卷二為學

七

謝子曰。吾徒朝夕從先生。見行則學。聞言則識。譬如有人服烏頭者。方其服也。顏色悅澤。筋力强盛。一旦烏頭力去。將如之何。尹子反以告夫子。夫子曰。可謂益友矣。上蔡

伊和靜嘗請曰。某今日解得心廣體胖之義。伊川正色曰。如何。和靜曰。莫只是樂否。曰。樂亦沒處著。

馬忠

伊伊川歸自涪州。氣貌容色髭髮。皆勝平昔。門人問何以得此。先生曰。學之力也。大凡學者。學處患

難貧賤。若富貴榮達。即不須學也。尹焞

按行乎富貴。亦有學。不學之人。不可以處富貴。故處約處樂。皆非不仁者所能久。程子特就所問而答之。

伊蟬蛉螺贏。本非同類。為其氣同。故祝則肖之。又況人與聖人同類者。大抵須是自強不息。將來涵養成就。到聖人田地。自然氣貌改變。雨若

按程子論敬云。聰明睿知。皆從此出。朱子謂必是曾出得些來。方有此語。今觀氣貌改變四字。

程子詳本

卷二為學

七

亦是親涉過。如前條所記。自涪州歸。氣色勝平日。蓋其晚年涵養成就。無復圭角可尋。學者當體此。

楊子安學禪。不信伊川。每力攻其徒。又使王元致難於和靜先生。曰。六經蓋藥也。無病安所用乎。和靜曰。固是。只為開眼。即是病。王屈服以歸。寬和

為學四

階級次第

明緩學。便須知著力處。既學。便須知得力處。絢



明與於詩。立於禮。自然見有著力處。至成於樂。自然見無所用力。蘇

明與於詩者。吟咏性情。涵暢道德之中。而歆動之。有吾與點之氣象。淵

明窮理盡性矣。曰。以至於命。則全無著力處。如成於樂。樂則生矣之意同。絢

明禮樂只在進反之間。便得性情之正。良佐

伊志道懇切。固是誠意。若迫切不中理。則反為不誠。蓋實理中自有緩急。不容如是之迫。觀天地之

程子詳本

卷二

子

化乃可知。大

○所見所期不可不遠且大。然行之亦須量力有

漸。志大心勞。力小任重。恐終敗事。大

明且省外事。但明乎善。惟進誠心。其文章雖不中

不遠矣。所守不約。泛濫無功。大

明學者須先識仁。仁者渾然與物同體。義禮智信

皆仁也。識得此理。以誠敬存之而已。不須防簡。不

須窮索。若心懈則有防。心苟不懈。何防之有。王文

保敦亦理有未得。故須窮索。存久自明。安待窮索。王無

易按

繫言極深研幾。探賾索隱。此道與物無對。大不足以名之。天地之用。皆我之用。孟子言萬物皆備於我。須反身而

誠。乃為大樂。若反身未誠。則猶是二物有對。以已合彼。終未有之。又安得樂。訂頑意思。乃備言此體

以此意存之。更有何事。必有事焉而勿正。心勿忘勿助長。未嘗致纖毫之力。此其存之之道。若存得

便合有得。蓋良知良能。元不喪失。以昔日習心未

除。却須存習此心久。則可奪舊習。此理至約。惟患不能守。既能體之而樂。亦不思不能守也。大

程子詳本

卷二

子

按明道先生此條全說一已生知安行光景。近

來講學者多藉為口實。動云不須窮索。然存久

自明。非不存而能明也。動云不須防簡。然體之

而樂。非不體而能樂也。顧端文先生嘗深辨之。

明既得後。便須放開。不然。却只是守。良佐

按兢業小心。堯舜文王。徹始徹終。從無放開之

事。守之不勉處。便是從容中道。便是化。何待於

放。伯子此條。當與衣敝緼袍章。參看要細。味開

講既得後三字。蓋學者凡有所得。便須放開。更

求進步如終身誦不伎不求只是守定此一事矣。又如子貢無詔無驕便須放開進到樂與好禮上不得終守無詔無驕。又如朱子言非全放下終難奏泊亦指平日考索著述等工夫非要把操存之心一齊放下也。果爾曾子一生如臨深淵本體從未嘗奏泊耶。自二先生放開放下之義不明反為放心者隱隱資藉至楊慈湖直謂孔子賤操存而貴舍亡噫放之為言貽禍烈矣。觀下條先生自謂熬用工夫傾獨不信耶。

程子詳本

卷二為學

圭

明謂學者曰賢看顧如此顯熬用工夫伊洛淵源錄

○學者須學文知道者進德而已有德則不習無不利未有學養子而後嫁蓋先得是道矣學文之功學得一事是一事二事是二事觸類至於百千至於窮盡亦只是學不是德有德者不如是故此言可為知道者言不可為學者言如心得之則施於四體四體不言而喻譬如學書若未得者須心手相須而學苟得矣下筆便能書不必積學大得而後動與慮而後動異得在已如自使手舉

物無不從慮則未在此如手中持物以取物知其不利大

明學至於樂則成矣篤信好學未如自得之為樂好之者如游他人園囿樂之者則已物爾然人只能信道亦是難能也絢

明云學不言而自得者乃自得也有安排布置者皆非自得也絢

伊知之必好之好之必求之求之必得之古人此箇學是終身事果能顛沛造次必於是豈有不得

程子詳本

卷二為學

圭

道理

伊或問如或學可謂之有得曰大凡學問聞之知之皆不為得得者須默識心通學者欲有所得須是篤誠意燭理上知則領悟自別其次須以義理涵養而得之

伊周伯溫見先生先生曰學者要自得六經浩渺乍求難盡曉且見得路逕後各自立得一箇門庭歸而求之可矣伯溫問如何可以自得曰須於思慮間得之大抵只是一箇明理據問學者見得這

道理後，篤信力行時，亦有見否？曰：見亦不一。果有所見後，和信也不要矣。又問：莫是既見道理，皆是當然否？曰：然。胡氏

○有有德之言，有造道之言，有述事之言，有德者止言已分事，造道之言，如顏子言孔子，孟子言堯舜，止是造道之深，所見如是。大臨

伊造道深後，雖聞常人語言淺近事，莫非義理。

○聖人於文章，不講而學，蓋講也者，有可否之疑，須論辨而後明。學也者，有所不知，問而知之，則可。

程子詳本

卷二為學

主

否，自決不待講論。如孔子之盛德，惟官名禮文，有所未知，故問於鄉子老子。既知，則遂行而已，更不須講。大臨

○士之所難者，在有諸已而已。能有諸已，則居之安，資之深，而美且大，可以馴致。徒知可欲之善，而若存若亡，則能不受變於俗者鮮矣。薛

○古之強有力者，將以行禮；今之強有力者，將以爲亂。

伊大凡儒者，未敢望深造於道，且得所存正，分別

善惡，識廉恥，如此等人多，亦須漸好。

伊今之爲學者，如登山麓，方其迤邐，莫不闊步，及到峻處，便遑巡。

○人少長，須激昂自進。中年已後，自至成德者事，方可自安。

○曾點漆雕已見大意，故聖人與之。

伊問博我以文，約我以禮，曰：此是顏子稱聖人最切當處。聖人教人，只是如此。博是博學多識，多聞

多見之謂。約是使之知要也。又問：君子博學於文，

程子詳本

卷上爲學

主

約之以禮，亦可以弗畔矣。夫與此同乎？曰：這只是淺近說，多聞見而約束以禮，雖未能知道，庶幾可以弗畔於道。此善人君子多識前言往行而能，不犯非禮者，爾。非顏子所以學於孔子之謂也。曰：聖人之道，知之莫甚難。曰：聖人之道，安可以難易言。聖人未嘗言易，以驕人之志，亦未嘗言難，以阻人之進。仲尼但曰：未之思也。夫何遠之有。此言極有涵蓄意思。孟子言夫道若大路然，豈難知哉。只下箇豈字，便露筋骨。下面說人病不求耳。子歸而求

之有餘師。這數句却說得好。孔孟言有異處。亦須自識得。節安

按孔孟之言。一顛倒之間耳。未之思也。人病不求耳。一也。夫何遠之有。豈難知哉。亦一也。涵與露。惟在辭氣。其辨甚微。

○博學於文。而不約之以禮。必至於汗漫。所謂約之以禮者。能守禮而由於規矩者也。未及知之也。止可以不畔而已。多聞擇其善者而從之。多見而識之。知之次也。與此相近。顏淵曰。博我以文。約我

程子詳本

卷二 爲學

三

以禮欲罷不能。是已知之而進不止者也。從

按已上二條。皆以由禮爲淺。知禮爲深。弗畔者。由於規矩者也。非能知禮意也。顏子約禮。是知天理之要歸。所以望的而趨。便到自強不息處。程子意。非謂行輕而知重。正謂由淺而知深。熊氏云。人而無知。行不足重也。人而有知。行何可輕也。

○今之學者有三弊。一溺於文章。二牽於訓詁。三惑於異端。苟無此三者。則將何歸。必趨於道矣。節安

○靜坐獨處。不難。居廣居。應天下。爲難。

○欲當大任。須是篤實。

○不見其大。便大。

伊根本須是先培壅。然後可立趨向也。趨向既正。所造有淺深。則由勉與不勉也。

按學道學聖人。便是立趨向。便是立志。又有何事。在立志之前。爲根本。只是孝弟耳。如小學功夫。都是如弟子入則孝。一節。從幼時培養來。孔子亦十五志學。十五前自有根本。

程子詳本

卷二 爲學

七

王道與儒道同。皆通貫天地。學純則純。王純儒也。

○明仁者不憂。知者不惑。勇者不懼。德之序也。知者不惑。仁者不憂。勇者不懼。學之序也。絢

○仁者在己。何憂之有。凡不在己。逐物在外。皆憂也。樂天知命。故不憂。此之謂也。若顏子簞瓢。在他

人則憂。而顏子獨樂者。仁而已。庭光  
○明純亦不已。天德也。造次必於是。顛沛必於是。三

明知之明、信之篤、行之果、知仁勇也。孔子所謂成人亦不出此三者。絢

明人之學不進、只是不勇。絢

伊勇者所以敵彼也、苟為造道而心不動焉、則所以敵物者、不賴勇而裕如也。胡氏

按勇乃達德。聖人亦勇。仁人亦勇。非懷一物以敵物也。此云不賴勇以敵物、似指果敢之氣而言。亦恐文定所記小誤。

伊不動心有二、有造道而不動者、有以義制心而

程子詳本 卷二為學

五

不動者、義吾所當取、不義吾所當舍、此以義制心者也。義在我、由而行之、從容自中、非有所制也。此不動之異。胡氏

伊不勉而中、不思而得、與勉而中、思而得、何止有差等。直是相去懸絕。不勉而中、即常中、不思而得、即常得。所謂從容中道者、就他人見之、若不勉不思者、自在道上行、又何必言中、不勉不思、亦有大小深淺。至於曲蘖、亦有不勉不思者。所謂日月至焉、與久而不息者、所見規模雖畧相似、其意味氣

象迥別。須潛心玩索、久之庶幾自得。

伊孔子自十五至七十、進德有許多節次。聖人未必然。亦是為學者立下一法。盈科而後進。

按聖人語無不誠。雖生知亦必日深一日。雖安行亦必日熟一日。寧有以上智發憤好學而自少至老無容進步者乎。但他人從迷得覺、去非即是。聖人總就覺中是中為進步耳。自十五至七十進德節次、非聖人不能自道。恐非獨為學者立法。

程子詳本 卷二為學

五

伊周伯溫問顏子如何學孔子。到此深邃、曰只是得一善、則拳拳服膺、與能屢空耳。棣問去驕吝、可以為屢空否。曰然。驕吝最是不善之總名。驕只為有已、吝如不能改過、亦是吝。胡氏

按屢空與服膺並稱。是就心上看空字。如云洗去其驕吝耳。夫屢有驕吝、然後有屢空。故先師高子云、使顏子而屢空、是頻復也。必以朱子屢至空、匪為當。聖人之言、深淺隨宜。深處淺看、不得淺處深求、不得。

伊釋氏只令人到知天處更無存心養性事天顏子視聽言動不敢非禮乃所以事天也寬

按程子有言聖人本天釋氏本心正謂不知天也此乃以知天許之又謂事天功夫在知天後是知天尚非了義孟子之旨果然乎下條以不假存養為極致又直當以聖人歸釋氏矣皆與素論不相應蓋傳訛也朱子謂疑信之傳可以坐判竊謂當判孰先於此

○盡心知性不假存養其惟聖人乎參

程子詳本

卷二

三

伊陳貴一問壽數可以力移否曰有之但甚難世間有三件事為國而至於祈天永命養形而至於長生學而至於聖人此三事功夫一般分明人力可以勝造化自是人不為耳故關朗有周能過曆之說胡氏本

伊德盛者物不能擾形不能病臨死生而色不變疾痛慘戚而心不動由養之有素也非一朝一夕之力也隱大

伊之學必日新不日新者必日退未有不進

而不退者唯聖人之道無所進退以其所造者極也隱大

伊不思故有惑不求故無得不問故不知隱大

明性靜者可以為學庭先

伊胡氏傳家錄曰或問伊川量可學否曰可學進則識進識進則量進曰如魏公可學否曰魏公是問氣譚善心補遺

伊問人於議論多欲已直無含容之氣是氣不平否曰固是氣不平亦是量狹人量隨識長亦有識

程子詳本

卷二

三

高而量不長者識實未至也凡別事人多強得惟識量不可強惟聖人者天地之量也聖人之量道也常人之量天資也天資之量有限有限終有時而滿滿雖有先後然卒不免譬如器盛物初滿時尚可以蔽護更滿則必出此天資之量非知道者也昔王隨其有器量仁廟賜飛白書曰王隨德行及為相蕭端公求作三路轉運使王薄之出鄙言當時人皆驚怪到高位高便動了古人亦有如此者如鄧艾年七十位三公處得甚好及下蜀有功

便動了。謝安問謝玄破苻堅對客圍棋報至不喜及歸折屐齒強終不得也更如人大醉後益恭謹者只益恭便是動了。雖與放肆者不同其爲酒所動一也。又如貴公子位益高益卑謙只卑謙便是動了。雖與驕傲者不同其爲位所動一也。惟知道者量自然宏大不勉強而成。

按就爵位事功觀量猶似客物未言及於自容就中鄧艾不動於位而動於功者惟謝安所處乃民社安危所係此時報至固當喜但自有中

程子詳本

卷二爲學

三

節之和

爲學五

學文

伊橫渠學堂雙牖右書訂頑左書砥愚伊川曰是起爭端改之曰東銘西銘

紫

明西銘其得此意只是須得子厚筆力他人無緣做得孟子以後未有人及此要之仁孝之理備於此須臾而不於此則便不仁不孝也

大

按念臺劉氏語予云西銘湊泊不及東銘予謂

東銘義淺西銘辭雄湊泊義理自融洽成片特張子拙於修文故爾非原無真見而雜引古人語以補綴爲之者也

○觀張子厚所作西銘能養浩然之氣者也

明石曼卿詩云樂意相關禽對語生香不斷樹交

花明道曰此語形容得浩然之氣

張師雍曾問伊

與學者論浩然之氣因舉古詩云云如

何伊川沉吟看著師雍曰好

紫

伊問在邦無怨在家無怨不知怨在已在人曰在已曰既在已舜何以有怨曰怨只是一箇怨但用

程子詳本

卷二爲學

三

處不同舜自是怨如舜不怨却不是也學須是通不得如此執泥如言仁者不憂又却言作易者其有憂患須要知用處各別如王通之言甚好但爲後人亂却如魏徵問聖人有憂乎曰天下皆憂吾獨得無憂問疑曰天下皆疑吾獨得無疑謂董常曰樂天知命吾何憂窮理盡性吾何疑如此自不相害說得極好至下面數句言心迹之判便不是此皆後人附會適所以爲贅也

安

伊聖人六經皆不得已而作如耒耜陶冶一不制

則生人之用熄。後世之言無之不為缺。有之徒為贅。雖多何益。安

伊問作文害道否。曰。害也。凡為文。不專意則不工。若專意。則志局於外。書云。玩物喪志。為文亦玩物也。古之學者。惟務養情性。其他則不學。呂與叔云。文似相如。始類俳。今為文者。專務章句。悅人耳目。非俳優而何。曰。古者學為文否。曰。人見六經。便以為聖人亦作文。不知聖人只據發胸中所蘊。自成文耳。所謂有德者必有言也。曰。游夏稱文學。何也。

程子詳本

卷二為學

子西

曰。游夏亦何嘗秉筆學為詞章也。或問詩可學否。曰。既學時。須用功。方合詩格。既用功。甚妨事。古人詩云。吟成五箇字。用破一生心。

伊伊川云。吾四十以前讀誦。五十以前研究其義。六十以前反覆紬繹。六十以後著書。柄

按孔子述作。亦在六十後。使明道長年。所著必有可觀。與孔明齊壽。百世而下。學者追惜明道。亦猶英雄之泣孔明也。

伊有學不至而言至者。循其言。亦可以入道。荀子

曰。其積力久。則入杜預曰。優而柔之。使自求之。厭而飫之。使自趨之。管子曰。思之思之。又重思之。思之而不通。鬼神將通之。非鬼神之力也。精神之極也。此三者。循其言。皆可以入道。而荀子管子杜預初不能及此。大

伊得意則可以忘言。然無言又不見其意。光  
明致中和。天地位焉。萬物育焉。致與位字。非聖人不能言。子思蓋特傳之耳。拘

程子詳本

卷二為學

義



程子詳本卷三

致知一

格物

伊知者吾之所固有。然不致則不能得之。大

伊聞見之知。非德性之知。今之所謂博物多能者。大

是也。德性之知。不假聞見。大

按以上二條。已包陽明致良知之說。

伊知既至。自然意誠。顏子有不善未嘗不知。知之

至也。知至。故未嘗復行。他人復行。知之不至也。光

程子詳本 卷三 致知

明人最可畏者是便做。要在燭理。絢

伊康仲問人之學。非願有差。只為不知之故。遂流

於不同。不知如何持守。先生言。且未說到持守。持

守甚事。須先在致知。

伊如眼前諸人。要特立獨行。不難得。只是要一箇

知見。難人謂要力行。亦只是淺近語。既能知見。豈

有不能行。一切事皆所當為。不必待著意做。纔著

便是有箇私心。這一點意氣。能得幾時了。

伊或曰。人問某以學者當先識道之大本。道之大

本如何求。某告之以五倫上行。樂處便是。曰。固是。

然怎生地樂。勉強樂不得。須是知得了。方能樂。譬

如人欲往京師。必知是出那門。行那路。然後可往。

如不知。雖有欲往之心。其將何之。節安

按人問求道。而告之以人倫之樂。人倫固道之

大本。然遽言及樂。不幾躐等乎。程子告以知後

方能樂。頭腦已清。但下文京師一喻。只說得知

後方能行。於樂處竟未點破。蓋行道而有得於

心之後。固樂。方其行之。亦樂。如已到京師。固樂。

程子詳本 卷三 致知

出門向前。心中了了。亦自樂。著龜成天下之聲。

壺。正為使人明了。便生出鼓舞之意。

伊問學何以到有覺悟處。曰。莫先致知。能致知。則

思一日愈明。一日久而後有覺也。學而無覺。又奚

學為。思曰。膚。膚作聖。纔思便膚。以至作聖。亦是一

箇思。又問莫致知與力行兼否。曰。為常人言。知得

非禮不可為。須用勉強。至於知穿窬不可為。則不

待勉強。是知亦有深淺也。古人言樂循禮之謂君

子。若勉強。只是知循禮。非樂也。纔到樂時。便是循

禮為樂。不循禮。為不樂。何苦而不循禮。自不須勉。強也。若夫聖人不勉而中。不思而得。此又上一等事。節安

按此條云。思一日。明一日。又云。才思便廢。後另。一條云。思久後。廢自然生。其看廢字。淺深不一。  
伊問。忠信進德之事。固可勉強。然致知甚難。曰。子。以誠敬為可勉強。且恁地說。到底須是知了。方行。得若不知。只是覷却堯學他行事。無堯許多聰明。府知。怎生得如他。動容周旋中禮。有諸中。必形諸。

程子詳本

卷三致知

三

外德容安可妄學。如子所言。是篤信而固守之。非。固有之也。且如中庸九經。修身也。尊賢也。親親也。堯典克明俊德。以親九族。親親本合在尊賢上。何。故却在下。須是知所以親親之道。方得。學者固當。勉強。然勉強行者。安能持久。除非燭理明。自然樂。循理。性本善。循理而行。是順理事。本亦不難。但為。人不知。旋安排著。便道難也。知有多少般數。向親。見一人。曾為虎傷。言及虎。神色便變。傍有數人。見。他說虎。非不知其可畏。然不如他有畏懼之色。蓋。

真知虎者也。學者深知亦如此。學者須是真知。纔。知得是。便泰然行將去也。某年二十時。解釋經義。與今無異。然思今日。覺得意味與少時自別。節安  
伊知至則當至之。知終則當遂終之。須以知為本。知之深。則行之必至。知而不能行。只是知得淺。飢。不食烏喙。人不蹈水火。只是知人為不善。只為不。知知至是至之。博學明辨。審問慎思。皆致知知至。之事。篤行便是終之。

伊凡一物上有一理。須是窮致其理。窮理亦多端。

程子詳本

卷三致知

四

或讀書講明義理。或論古今人物。別其是非。或應。事接物而處其當。皆窮理也。按格物以思為至此。則思在其中矣。或問格物須物。物格之還。只格一物而萬。理皆知。曰。怎生便會該通。若只格一物。便通眾理。雖顏子亦不敢如此道。須是今日格一件。明日又。格一件。積習既多。然後脫然自有貫通處。節安  
所務於窮理者。非道須盡窮天下萬物之理。又。不道是窮得一理。便到只積累多後。自然見去。臨大  
人患事繁。思慮蔽固。只是不得其要。要在明。

善明善在乎格物窮理窮至於物理則漸久後天下之物皆能窮只是一理

伊格物窮理但於一事上窮盡其他可以類推如言孝其所以爲孝者如何如一事上窮不得且別窮一事或先其易者或先其難者各隨人深淺如千蹊萬徑皆可適國但得一道入便可所以能窮者只爲萬物皆是一理至如一物一事雖小皆有是理

伊思曰磨思慮久後磨自然生若於一事上思未

程子詳本

卷三致知

五

得且別換一事思之不可專守著這一事蓋人之知識於這裏蔽著雖強思亦不通也或問思一事或汎及他事莫是心不專否曰心若專怎生解及別事

按置所未通且待後來觸發此善求通之法也我自欲置我自欲思心主事也若方思一事又攪入一事來是原未嘗專心於致知所以事得攪入心爲事役者也最難得到通處

伊問人有志於學然智識蔽固力量不至則如之

何曰只是致知若致知則智識當自漸明不曾見人有一件事終思不到也智識明則力量自進

伊格物之理不若察之於身其得尤切

伊人要明理若止一物上明之亦未濟事須是集

衆理然後脫然自有悟處然於物上理會也得

程子詳本

卷三致知

六

理會也得且須於學上格物不可不詰理也

伊問觀物察已還因見物反求諸身否曰不必如此說物我一理纔明彼即曉此合內外之道也語其大至天地之高厚語其小至一物之所以然學者皆當理會又問致知先求之四端如何曰求之

性情固是切於身然一草一木皆有理須是察

按格物先於切身程子有是言及人問又推開只恐人執著一邊

伊物理須是要窮如天地之所以高深鬼神之所

以幽顯。若言天只是高。地只是深。只是已辭。更有甚。

○物理最好說。大

伊格物亦須積累涵養。如始學詩者。其始未必善。到悠久。便差精。人則只是舊人。其見則別。

伊生知者。只是生知義理。不待學而知。縱使孔子是生知。亦何害於學。如問禮於老聃。訪官名於鄉子。禮文官名。既欲知舊物。不可鑿空撰得出。須是問先知者。

程子讀本 卷三 致知

七

欲知得與不得。於心氣上驗之。思慮有得。中心悅豫。沛然有裕者。實得也。思慮有得。心氣勞耗者。實未得也。強揣度耳。嘗有人言。比因學道。思慮心虛。人之血氣。固有虛實。疾病之來。聖賢所不免。然未聞自古聖賢。因學而致心疾者。大  
伊有恐懼心。亦是燭理不明。亦是氣不足。須知義理之悅我心。猶芻豢之悅我口。翫理以養心。如此。蓋人有小稱意事。猶喜悅。有淪肌浹骨。如春和意思。何況見理。然窮理亦當知用心緩急。但苦勞而

不知悅處。豈能養心。良

○行之不著。如此人多。若至論。雖孔門中亦有由。

而不知者。又更有不知則不能由。

伊信有二般。有信人者。有自信者。如七十子於仲尼。得他言說。便終身守之。然未必知這箇怎生是。怎生非也。此信人者也。學者須要自信。既自信。怎生奪亦不得。安

按七十子中。自信者不乏人。又有聞其言。未必能守者。程子是大略說。

程子讀本 卷三 致知

八

○愚者指東爲東。指西爲西。隨衆所見而已。知者知東不必爲東。西不必爲西。唯聖人明於定分。須以東爲東。以西爲西。

伊致思如掘井。初有渾水。久後稍引動得清者出。來人思慮。始皆濁濁。久自明快。安

伊人思如湧泉。浚之愈新。柄

伊爲人處世間。得見事無可疑處。多少快活。安

○尹先生曰。悟則句句皆是這道理。道理已明後。無不是此事也。明道作洛河竹木務時。過一寺門。

牆上有人題。要不悶。守本分。時用明之。隨行。明道每過。必曰好語。一日。明之問之。明道曰。只被人不守本分也。後先生以問伊川。伊川曰。只爲人不能盡分。先生謂寬曰。看伊川此語。豈不是悟。則句句是。凡一言一句。便推到極處。看盡分字。大小氣象。又謂寬曰。纔說盡分。便不消說悶也。寬按明道見處都是自然。伊川見處都是用力。熊氏謂守分語直捷。推到盡分。悶否。便未可知。今人居覆載中。却不知天地在昭臨之內。却不

程子語本

卷三 致治

九

理會得日月。此冥然而行者也。○世之人。務窮天地萬物之理。不知反之一身。五臟六腑。毛髮筋骨之所存。鮮或知之。善學者取諸身而已。自一身以觀天地。紫伊多識於鳥獸草木之名。所以明理也。大○坐井觀天。非天小。只被自家入井中。被井筒拘束了。然井何罪。亦何可廢。但出井中。便見天大。已見天如此大。不爲井所拘。却入井中。也不害。伊人苟有朝聞道夕死可矣之志。則不肯一日安

於所不安也。何止一日。須臾不能。如曾子易簣。須要如此。乃安。人不能若此者。只爲不見實理。實理者。實見得是。實見得非。凡實理得之於心。自別。若耳聞口道者。心實不見。若見得。必不肯安於所不安。須是有見不善如探湯之心。古人有捐軀殞命者。若不實見。烏能如此。須是實見得生不重於義。生不安於死也。故有殺身成仁者。只成就一箇是而已。

程子語本

卷三 致知

十

熊氏云。人亦有不聞道而能易簣者。未敢輒以爲可死。致知二

辨言

伊杜元凱云。言高則旨遠。辭約則義微。大率六經之言。涵蓄無有精粗。欲言精微。言多則愈粗。○知德斯知言。故言使不動。紫明孟子知言。正如人在堂上。方能辨堂下人曲直。若自去堂下。則辨不得。良○知言。卽知道也。該淫邪遁。是觀人之言而知之。

亦可以考其書紫

孔子既知桓魋不能害已。又却微服過宋。舜既見象之將殺已。而又象憂亦憂。象喜亦喜。國祚長短。自有命數。人君何用汲汲求治。禹稷救飢溺者。過門不入。非不知飢溺而死者自有命。又却救之如此其急。數者之事。何故如此。須思量到道並行而不相悖處。今且說聖人非不知命。然於人事不得不盡。此說未是。安節

按知命者。盡人事以合之。如病雖知不死。必加

程子詳本

卷三致知

十一

意調養。豈有知其不死。便不以病視之。直與平居飲食起居無異乎。此喻以解微服過宋之疑也。若下三事。更非此例。人君求治。專欲安民。非獨延祚。天下安危之命。造於人主。豈得與身之歿壽同其俟命者乎。治水治田。禹稷之職。譬猶兵司命於將。病人托命於醫也。可曰彼自有命。而不設謀。不處方耶。是皆無所用其疑者。至於舜之憂喜。自是仁者本心。以至不仁之弟而憂。惡滋深矣。安得不憂。以至不仁之弟而喜。善或

萌矣。安得不喜。此全與命之說無涉。彼謂人事不得不盡者。果非知道之論也。

伊人固可以前知。然其理須是用則知。不用則不知。知不如不知之愈。蓋用便近二。良佐

按用而後知。果不如不知之愈。然至誠前知。不由於用。如孔孟前知處甚多。所謂先覺。所謂至誠如神也。非弄精神。又不倚數。

意與志別。志是所存處。意是發動處。如先意承志。自別也。淵

程子詳本

卷三致知

十一

按發動處是情。要如何如何。方是意。意與志相類。但志是平生大主意所在。意是一時一事之所向也。

伊陰為小人。利為不善。不可一槩論。夫陰助陽以成物者。君子也。其害陽者。小人也。夫利和義者。善也。其害義者。不善也。勉

伊德盛者言傳。文盛者言亦傳。大

致知三

讀書

伊凡解文字。但易其心。自見理。理只是人理。甚分明。如隨卦言君子向晦入宴息。解者多作遵養時晦之晦。或問作甚晦字。曰。此只是隨時之大者。向晦則宴息也。更別有甚義。或曰。聖人之言。恐不可以淺近看。曰。聖人之言。自有近處。自有深遠處。如近處。怎生強鑿教深遠得。楊子曰。聖人之言。遠如天。賢人之言。近如地。某與改之曰。聖人之言。其遠如天。其近如地。安節

按楊大隱本有云。其遠也。若不可得而及其近。

程子本

卷三 致知

七

也亦可得而行。

伊古之學者。先由經以識義理。蓋始學時。皆有傳授。後之學者。却先須識義理。方可治經。如繫辭所以解易。今人必先求卦義。方始看得繫辭。大按易與繫辭。皆經也。如此引證。似以易屬義理。繫辭為經。蓋一卦便先有一卦義理。他經難例。明聖人用意深處。全在繫辭。詩書乃格言。大按深者。須人自悟。格言猶規矩準繩。人人不可離。

伊聖人之道。如河圖洛書。其始止於畫上。便出義後之人。既重卦。又繫辭。求之未必得其理。至如春秋。是其所是。非其所非。不過只是當年數人而已。學者不觀他書。只觀春秋。亦可盡道。

伊解義理。若一向靠書冊。何由得居之安。資之深。不惟自失。兼亦誤人。

伊學者不泥文義者。又全背去。理會文義者。又滯泥不通。如子濯孺子為將之事。孟子只取其不肯師之意。人須就上面理會事君之道如何也。問替

程子本

卷三 致知

西

賈使舜完廩浚井。舜知其欲殺已而逃之乎。曰。本無此事。此是萬章所傳。孟子更不理會這下事。只且說舜心也。如下文言。琴瑟朕干戈朕。二嫂使治朕棲。竟為天子安有是事。安節伊問聖人之經旨。如何能窮得。曰。以理義去推索。可也。學者先須讀論孟。窮得論孟。自有箇要約處。以此觀他經。甚省力。論孟如丈尺權衡。以此去量度事物。自然見得長短輕重。某嘗語學者。必先看論語孟子。今人雖善問。未必如當時人。借使問如

當時人聖人所答。不過如此。今人看論孟之書。亦如見孔孟何異。安

伊凡觀書。不可以相類泥其義。不爾。則字字相梗。

當觀其文勢上下之意。安

○善學者。要不為文字所格。故文義雖解錯。而道理可通行者。不害也。羅從

凡有書各有門庭。詩易春秋。不可逐句看。尚書

論語可以逐句看。從

伊窮經將以致用也。如誦詩三百。授之以政。不達。

程子本

卷三 敦知

主

使於四方不能專對。雖多亦奚以為。須是未讀詩時。授以政。不達。使四方不能專對。既讀詩後。便達於政。能專對四方。始是讀詩。人而不為周南召南。其猶正牆面而立。須是未讀周南召南。一似面牆。到讀了後。便不面牆。方是有驗。大抵讀書只此便是法。如讀論語。舊時未讀。是這箇人。及讀了後。又只是這箇人。便是不曾讀也。楊道

伊某自十七八讀論語。當時已曉文義。讀之愈久。但覺意味深長。論語有讀了後。全無事者。有讀了

後。其中得一兩句喜者。有讀了後。知好之者。有讀了後。不知手之舞之足之蹈之者。道

伊周恭先問學者如何可以有所得。曰。但將聖人言語玩味。久則自有所得。當深求於論語。將諸弟子問處。便作已問。將聖人答處。便作今日耳聞。自然有得。孔孟復生。不過以此教人耳。林

伊今僧家讀一卷經。便要一卷經中道理受用。儒者讀書。却只閉了。都無用處。呂本

○讀論語孟子而不知道。所謂雖多亦奚以為。

程子本

卷三 敦知

主

○論語孟子。只剩讀著。便自意足。學者須是玩味。若以語言解著。意便不足。理

伊凡看語孟。且須熟玩味。將聖人之言語切已。不可只作一場話說。林

大

伊論語孟子既治。則六經可不治而明矣。讀書者。當觀聖人所以作經之意。與聖人所以用心。與聖人所以至聖人。而吾之所以未至者。所以未得者。句句而求之。晝誦而味之。中夜而思之。平其心。易其氣。闕其疑。則聖人之意見矣。大



○問將孔孟之言切要處思索如何。王信伯先生曰：當時門人有問此者。伊川曰：固是好。若有得終不冷淡。蓋吾道非如釋氏一見了便從空寂去。周伊論語問同而答異者至多。或因人材性。或觀人之所問意思而言。及所到地位。安節伊用休問溫故而知新。如何可以為師。曰：只此一事可師。如此等處。學者極要理會得。若只認定則窄狹却氣象也。凡看文字。非只是要理會語言。要識得聖賢氣象。如子路曰：願車馬衣輕裘與朋友程子詳本共敝之而無憾。顏子曰：願無伐善無施勞。孔子曰：老者安之。朋友信之。少者懷之。觀此數句。便見聖賢氣象。大段不同。若讀此不見得聖賢氣象。他處也難見。林

伊初見先生。問初學如何。曰：入德之門。無如大學。今之學者。賴有此一篇書存。其他莫如論孟。林伊凡讀史。不徒要記事跡。須要識治亂安危興廢存亡之理。且如讀高帝一紀。便須識得漢家四百年終始治亂當如何。安節

伊先生每讀史到一半。便掩卷思量。料其成敗。終後却看有不合處。又更精思。其間多有幸而成。不幸而敗。今人只見成者便以為是。敗者便以為非。不知成者然有不是。敗者然有是底。道伊讀史須見聖賢所存治亂之機。賢人君子出處進退便是格物。道伊看史必觀治亂之由。及聖賢修己處事之美。柄司馬遷為近古書中多有前人格言。如作紀本尚書。但其間有曉不得書意。有錯用却處。嘉仲問程子詳本項籍作紀如何。曰：紀只是有天下方可作。伊范淳夫嘗與伊川論唐事。及為唐鑑。盡用先生之論。先生謂門人曰：淳夫乃能相信如此。紫芝

致知四

天地

○凡有氣莫非天。凡有形莫非地。

○天地日月一般。月受日光。而日不為之虧。然月之光。乃日之光也。地氣不上騰。則天氣不下降。天氣降而至於地。地中生物者。皆天氣也。惟無成而

代有終者。地之道也。綸

○天地安有內外言天地之外、便是不識天地也、人之在天地、如魚在水、不知有水、直待出水、方知動不得。大臨

按無外則無有出時。魚出水以水有外也。

伊邵氏易學辨惑曰、伊川同朱公按訪先君、先君留之飲酒、因以論道、伊川指面前食卓曰、此卓在地球上、不知天地安在甚處、先君爲之極論、天地萬物之理、以及六合之外、伊川歎曰、平生唯見周茂

程子詳本

卷三 致知

九

叔論至此、然不及先生之有條理也。譚善心補遺

按此等處極是緊要、邵氏自記父說而不詳載、殊遺憾於千秋也。

○地者、待天中一物、如雲氣之聚爾、以其久而不散也、故爲對凡地動者、只是氣動、凡所指地者、只是土、不可言地、更須知坤元承天、是地之道也。大臨

○極爲天地中是也、然論地中、儘有說、據測景以三萬里爲中、似有窮、然有至一邊已及一萬五千里、而天地之運、蓋如初也、然則中者、亦時中耳、地

形有高下、無適而不爲中、故其中不可定。按此說特奇然

於此若是、因地形高下、無適而不爲中、則天地之物、難若是、因地形高下、無適而不爲中、則天地之

化不可窮也。按此則是天若定下不易之中、則須地皆無盡

有左有右、有前有後、四隅既定、則各有遠近之限、

便至百千萬億、亦猶是有數、蓋有數則終有盡處、

不知如何爲盡也。大臨

按此條有二說、一則地無適而不爲中、一則天

地之化無窮、夫地形雖有高下、然萬物生載總

在平面、所云中者、就人物所處言之、若漸近四

程子詳本

卷三 致知

十

旁、則萬物不能存著、及其旁也、水環周之耳、又

況其下、安能倒載人物乎、是則地之形終當以

中爲中、特未可以三萬里固之也、天地無終無

始、以爲無窮可也、以其形氣爲無窮、難言也、就

形氣論、謂天無窮可也、謂地無窮不可也、程子

以地雖包於天內、然中不可定、則數不可窮、總

是以意測之、

伊今人所定天體、只是且以眼定、視所極處不見、

遂以爲盡、然向曾有於海上、見南極下有六星十

則今所見天體，蓋未定，雖似不可窮，然以土圭之法驗之，日月升降，不過三萬里中，故以尺五之表測之，每一寸當一千里，然而中國只到鄯善、莎車，已是一萬五千里，若就彼觀日，尚只是三萬里中也。天下之或寒或燠，只緣地形高下，如屋陰則寒，屋陽則燠，不可言於此所寒矣。屋之西北又益寒，伯淳在澤州，嘗三次食韭黃，始食懷州韭，次食澤州，又次食并州，則知數百里間，氣候爭三月矣。若都以此差之，則須爭半歲，如是，則有在此冬至，在彼夏至者，然又沒此事。大臨

程子語本

卷三致知

圭

伊範圍天地之化，天本廓然無窮，但人以目力所及，見其寒暑之序，日月之行，立此規模，以窺測天地之化，不是天地之化。其體有如城廓之類，都盛其氣，假使言日升降於三萬里，不可道三萬里外更無物，又如言天地升降於八萬里中，不可道八萬里外天地盡。學者要默體天地之化，如此言之，甚與天地不相似，其卒必有窒礙。有人言無西海，便使無西海，亦須是有山。無陰陽處，便無日月

天地之化，一息不留，疑其速也。然寒暑之變，甚漸。紫芝

伊若謂既返之氣，復將為方伸之氣，必資於此，則殊與天地之化不相似。天地之化，自然生生不窮，更何復資於既斃之形？既返之氣，以為造化近取諸身，其開闢往來，見之鼻息，豈假吸復入以為呼吸，則自然生人氣之生，生於真元，天之氣亦自然生生不窮，至如海水，因陽盛而涸，及陰盛而生，亦不足將已涸之氣，却生水，自然能生往來屈伸，只是理也。盛則便有衰，盡則便有夜，往則便有來，天地中如洪鐘，何物不銷鑠了。

程子語本

卷三致知

圭

天之生物無窮，物之所成却有別。天地之氣遠近異像，則知愈遠則愈異，至如人形有異，曾何足論？如史册有鬼國、狗國、百種怪異，固亦有之。要之理則一般。大臨  
明日月薄蝕而漸復者，不能奪其常也。絢  
明月不受日光，故食不受日光者，月正相當，陰盛亢陽也。鼓者所以助陽，然則日月之晝皆可鼓也。

月不下日與日  
正相對故食

伊問月有定魄而日遠於月月受日光以人所見

為有盈虧然否曰日月一也豈有日高於月之理

按日外月內必然之理使日月齊高朔望月若無

盈虧何以成歲蓋月一分光則是鬼虧一分也

伊日月謂一日一箇亦得謂通古今一箇亦得

按日月自是通古今一箇其每日一箇只可就

人所見言

○日之形人莫不見似輪似餅其形若有限則其

程子詳本

卷三致知

三

光亦須有限有限則須有光所不到處又安有此

理日固陽精也然不如舊說周回而行中心是須

彌山日無適而不為精也地既無適而不為中則

日無適而不為精也氣行滿天地之中然氣須有

精處故其見如輪如餅譬之鋪一灑柴薪從頭焚

著火到處其光皆一般非是有一塊物推著行將

去氣行到寅則寅上有光行到卯則卯上有光氣

克塞無所不到若這上頭得箇意思便知得生物

之理大

按易繫云懸象著明莫大乎日月日之有象無

疑矣此言日本無物止是氣行到處有光然則

月鬼又是何物豈陰精有結而陽精無聚乎況

據此則於日月食之事尤不可解朱子曾謂此

說可疑伊川下條云日月如人有目亦自救轉

此說

伊日月之形如人有身須有目目必面前故太陽

無北觀者

伊霜與露不同霜金氣星月之氣露亦星月之氣

程子詳本

卷三致知

三

看感得甚氣即為露甚氣即為霜如言露結為霜

非也

按白露為霜見於經使不合理孔子須刪

伊電是陰陽相搏之沴氣聖王在上無電

○電者陰陽相軋雷者陰陽相擊也軋者如石相

磨而火光出者電便有雷擊者是也

○石炭穴中遺火則連蔓火不絕故有數百千年

伊井泉之異全由地脉一灑之別伯淳在扶溝扶

溝水皆鹹惟僧舍井小甘不欲令婦女往汲之乃

禁之既禁之。又一縣無水。乃相一端鑿一井。其味適別。地脉是一溜也。又如在襄城寺中水鹹。寺外即甘。一日觀其墻下有地皮一旋裂。於是試令近墻鑿井。遂亦甘。只要相地脉如何。

按此一端亦見明道先生之目力矣。此與悟堯夫加一倍法相似。他人竭心思而不得者。先生不勞而得之。然未嘗自以爲聰明。磨知也。所以爲明道。

汝之多癭。以地氣壅滯。嘗有人以器雜貯州中。

程子詳本

卷三 致知

五

諸處水例皆重濁。至有水脚如膠者。食之安得無癭。治之之術。於中開鑿數道溝渠。洩地之氣。然後少可也。

○太行山千里一塊石。更無間。故於石上起峰。

○天下獨高處。無如河東。上黨者。言上與天爲黨。致知五

造物感應

○古言乾坤退處不用之地。而用六子。若人則便分君道無爲。臣道有爲。若天則誰與他安排。他如

是須有道理。故如八卦之義。須要翫索。

臨大

伊問十月何以謂之陽月。曰。陽盡恐疑於無陽也。

故謂之陽月。然何時無陽。如日有光之類。蓋陰陽

之氣。有常存而不移者。有消長而無窮者。

安

○冬至一陽生。而每於至後則倍寒。何也。陰陽消

長之際。無截然斷絕之理。故相攙掩過。如天將曉。

復至陰黑。亦此理也。大抵終始萬物。莫盛乎艮。此

儘神妙。須儘研窮此理。

臨大

○長安西風而雨。終未曉此理。須是自東自北而

程子詳本

卷三 致知

五

風。則雨。自南自西。則不雨。何者。自東自北皆屬陽。

坎卦。陽倡而陰和。故雨。自西自南。陰也。陰倡則陽

不和。詩曰。朝濟于西。崇朝其雨。是陽來倡也。故雨。

易言密雲不雨。自我西郊。自西則是陰先倡也。故

雲雖密而不雨。今西風而雨。恐是山勢使然。

臨大

伊五德之運。却有這道理。凡事自有此五般。自小

至大。不可勝數。一日言之。便自有一日陰陽。一時

言之。便自有一時陰陽。一歲言之。便自有一歲陰

陽。一紀言之。便自有一紀陰陽。氣運不息。如王者

一代。又是一箇大陰陽也。唐是土德。便少河忠。本朝火德。多水災。只是須於這上有道理。如關朗卜百年事。最好。其間須言如此處之。則吉。不如此處之。則凶。每事如此。蓋雖是天命。可以人奪也。通。

○近取諸身。一身之上。百理具備。甚物是沒底。背在上。故爲陽。胸在下。故爲陰。男女之生。已有此象。天有五行。人有五藏。心火也。著些天地間風氣。乘之。便須發燥。肝木也。著些天地間風氣。乘之。便須發怒。推之五藏皆然。孟子將四端便爲四體。仁便是一箇木氣象。惻隱之心。便是一箇生物春底氣象。羞惡之心。便是一箇秋底氣象。只有箇去就斷割之意。便是義也。推之四端皆然。此事又著甚安排也。此道理雖牛馬之類亦然。都恁備具。只是流形不同。各隨形氣。後便昏了。唯人氣最清。可以輔相裁成。天地設位。聖人成能。直行乎天地之中。所以爲三才。天地本一物。地亦天也。只是人爲天地心。是心之動。則分了天爲上。地爲下。兼三才而兩之。故六也。大臨

律子詳本

卷三 致知

王

伊問橫渠云。行同報異。猶難語命。語遇可也。命與遇何異。先生曰。人遇不遇。卽是命也。曰。長平之戰。四十萬人死。豈命一乎。曰。亦命也。只遇著白起。便是命。節安

伊問。上古人多壽。後世不及古。何也。莫是氣否。曰。氣便是命也。曰。今人不若古人壽。是盛衰之理歟。曰。盛衰之運。律難理會。且以歷代言之。二帝三王爲盛。後世爲衰。一代言之。文武成康爲盛。幽厲平桓爲衰。以一君言之。開元爲盛。天寶爲衰。以一歲則春夏爲盛。秋冬爲衰。以一月。則上旬爲盛。下旬爲衰。以一日。則寅卯爲盛。戌亥爲衰。一時亦然。如人生百年。五十以前爲盛。五十以後爲衰。然有衰而復盛者。如三代衰而漢盛。漢衰而魏盛。譬如月既晦則再生。四時往復來也。有衰而不復反者。舉天地之大運而言。則三王不如五帝之盛。兩漢不如三王之盛。又其下不如漢之盛。其大體有日衰削之理。如人生百年。雖赤子纔生一日。便是減一日。形體日自長。而數日自減。節安

律子詳本

卷三 致知

王

伊 隕石無種種於氣。麟亦無種。亦氣化。厥初生民亦如是。

按麟最初有氣化者。其後有種生。有雜生。

○萬物之始皆氣化。既形。然後以形相禪。有形化。形化長。則氣化漸消。

按漸消字下得好。不可云絕無氣化。

○或曰傳記言太古之時。人有牛首蛇身者。曰。既謂之人。安有此。但有人形似鳥喙。或牛首者耳。荀子中嘗言之。問太古之時。人還與物同生否。曰。同。

程子詳本

卷三 致知

三九

莫是純氣為人。繁氣為蟲否。曰。然。或曰。人初生時。還以氣化否。曰。如海上忽露出一沙島。便有草木。生有土而生草木。不足怪。既有草木。自然禽獸生焉。或曰。先生嘗云。焉知海島上無氣化之人。如何。曰。近人處固無。須是極遠處。有亦不可知。曰。今天下未有無父母之人。古有氣化。今無氣化。何也。曰。有兩般。有全是氣化而生者。若腐草化螢是也。既有是氣化。到合化時。自化。有氣化生之後而種生者。如人身上著新衣服。過幾日。便有蟣虱生其間。此

氣化也。氣既化後。更不化。便以種生去。此理甚明。

節安

伊 問人有不善。霹靂震死。莫是人懷不善之心。聞霹靂震。懼而死否。曰。不然。是雷震之也。曰。既是雷

震之。還有使之者否。曰。不然。人之作惡。有惡氣與天地之惡氣相擊。搏遂以震死。霹靂。天地之怒氣也。如人之怒。固自有正。然怒時必為之作惡。是怒

亦惡氣也。怒氣與惡氣相感。故爾。且如今人種蕎麥。自有畦隴。雷降時殺麥。或隔一畦。麥有不殺者。

程子詳本

卷三 致知

三九

豈是此處無霜。蓋氣就相合處去也。按相合猶相感也。其不殺者。未熟耳。於畦隴無與。曰。雷所擊處。必有火。何也。曰。雷自有火。如鑽木取火。使木中有火。豈不燒了木。蓋兩木相戛。動極則陽生。不但木只如兩石相戛。亦有火出。惟鐵無火。然戛之久。必熱。亦是陽生也。節安

按木石皆有火。但不受動。則不出。性伏於中。不至自燒。鐵亦有火。嘗取生鐵。未經煅煉者。兩相擊。則火出。銅鏡對太陽。亦生火。惟金銀性純。無

火。鉛錫質柔無火。程子鐵無火之說。想未自試。  
伊問東海殺孝婦而旱。豈國人冤之致耶。曰。國人  
冤固是。然一人之意。自足以感動天地。或曰。殺姑  
而雨。是衆人怨釋否。曰。固是衆人冤釋。然孝婦冤  
亦釋也。節安

按漢書于公傳。孝婦之姑。先婦死矣。孝婦因此  
受誣死。郡旱三年。後太守祭冢表墓。雨立降。非  
殺姑致雨也。問者不記事。伊川不暇辨。然此大  
義所關。非比他訛。設孝婦果爲姑所誣而死。釋

程子詳本

卷三 致知

三

其冤者。亦止應祭冢表墓。聲姑之誣。無殺姑償  
婦之理。必殺姑而婦冤始釋。又得爲孝婦乎。

伊問鳳鳥不至。河不出圖。不知符瑞之事。果有之  
否。曰。有之。國家將興。必有禎祥。人有喜事。氣見面  
目。聖人不貴祥瑞者。蓋因災異而修德。則無損。因  
祥瑞而自恃。則有害也。問五代多祥瑞。何也。曰。亦  
有此理。譬如盛冬時。發出一朵花相似。和氣致祥。  
乖氣致異。此常理也。然出不以時。則是異也。如麟  
是太平和氣所生。然後世有麟駕車者。却是怪也。

又問漢文多災異。漢宣多祥瑞。何也。曰。譬如小人  
多行不義。人却不說。至君子未有一事。便生議論。  
至白者易汙。此是一理也。詩中幽王大惡爲小惡。  
宣王小惡爲大惡。節安

按幽宣則賈殊矣。漢宣不及孝文。未如蒼素之  
相反也。安節多祥多災之問。本未確。程子姑隨  
所問發揮。據云。此是一理。便知不可泥著。

○向日與向火意思別。火只是一箇酷烈底性。日  
則自然一般生底氣。便與人氣接。

程子詳本

卷三 致知

三

伊真元之氣。氣之所由生。不與外氣相雜。但以外  
氣涵養而已。若魚在水。魚之性命。非水爲之。但必  
以水涵養。魚乃得生。爾人居天地氣中。與魚在水  
無異。至於飲食之養。皆外氣涵養之道也。出入之  
息者。闔闢之機而已。所出之息。非所入之氣。但真  
元自能生氣。所入之氣。止從闔時隨之而入。非假  
此氣以助真元也。

按分息。分氣。分元氣。分生氣。分外氣。所謂心通  
於道者。而養生在其中。



伊人之有寤寐。猶天之有晝夜。陰陽動靜開闔之理也。寤寐須順陰陽。始得問人之寐。何也。曰。人寐時。血氣皆聚於內。如血歸肝之類。今人不睡者多損肝。節安

○凡物之名字。自與音義氣理相通。除其他有體質。可以指論而得者之外。如天之所以為天。天未名時。本亦無名。只是蒼蒼然也。何以便有此名。蓋出自然之理。音聲發於其氣。遂有此名。此字如今之聽聲之情者。便知人性善。卜者知人姓名。理由此也。節

伊聲色臭味四字。虛實一般。凡物有形。必有此四

者。意言象數亦然。節安

三

伊蘇頌錄橫渠語云。和叔言香聲橫渠云。香與聲。猶是有形。隨風往來。可以斷續。猶為籠耳。不如清水。今以清冷水置之銀器中。隔外便見水珠。曾何漏隙之可通。此至清之神也。先生云。此亦見不盡。却不說此是水之清。銀之清。若云是水因甚置磁碗中。不如此。節

伊問邵堯夫能推數。見物壽長短始終。有諸曰。有之又問。或言人但壽得一百二十數。是否。曰。此亦是大綱。數不必如此。馬牛得三十。猶犬得十二。燕雀得六年之類。蓋亦有過不及。又問。還察形色。還以生下日數推考。曰。形色亦可察。須精方驗。節安

○凡物參和交感。則生。不和分散。則死。

○觀秦中氣饑衰。邊事所困。累歲不稔。以至士人相繼淪喪。但是粧點關中者。則遂化去。吁。可怪也。凡言王氣者。實有此理。生一物。須有此氣。不論美

惡。須有許大氣饑。故生是人。如關里有許多氣饑。

故此道之流。以至今日。昔橫渠說出此道理。至此

幾乎衰矣。只介父一箇。氣饑幾許大。節大

伊君子宜獲祐。然而有貧悴短夭。以至無繼者。天意如何。氣鍾於賢者。固有所不周也。

○程蘇之姓。傳於天下者不蕃。至於張王李趙。雖其出不一。要之其姓蕃衍。此亦受姓之祖。其流之盛。固有定分也。

按今程姓。在徽者極蕃。亦程子同宗。

○有一物而可以相離者。如形無影。不害其成形。水無波。不害其爲水。有兩物而必相須者。如心無目。則不能視。目無心。則不能見。

○人夢不惟聞見思想。亦有五藏所感者。大臨

明漢成帝夢上帝敗我濯龍淵。打不過。良佐

按濯龍淵乃水利之大者。在汝南。舊名鴻御陂。成帝聽翟方進言。毀之。尋夢上帝譴怒。蓋此陂本爲民利。方進賜田近陂。欲湮以利己。成帝雖從其請。終懷不安。程子言打不過。見凡夢兆皆

程子詳本

卷三致知

三

心所爲也。人不可一毫有私。

伊問高宗得傳說於夢。文王得太公於卜。古之聖賢相遇多矣。何不盡形於夢卜。曰。此是得賢之一事。豈必盡然。蓋高宗至誠。思得賢相。寤寐不忘。故朕兆先見。如常人夢寐間事。先見者多矣。卜筮亦然。誠心求卜。有禱輒應。又問高宗夢往求傳說耶。傳說來入高宗夢耶。曰。高宗只是思得賢人。如有賢人自然應他感。亦非此往。亦非彼來。如懸鏡於此。有物必照。非鏡往照物。亦非物來入鏡也。按聖人精

神相感原無往來物不入鏡矣由照見大抵人心虛明。有所感。必有所應。又問或言高宗於傳說。文王於太公。蓋已素知之矣。恐羣臣未信。故托夢卜以神之。曰。此僞也。聖人豈僞乎。節安

伊高宗思得聖賢之人。若傳說非聖賢。自不相感。如今人卜筮。著在手。事在未來。吉凶在書策。其卒三者必合矣。使書策之言。不合於理。則自不驗。按神聖造詣。古今事物。有急切難會者。伊川惟賡理字目之。固不差。然于問者答者之心。各未

程子詳本

卷三致知

三

豁如也。晦翁于所曉處。剖解細而實。偶未至者。如高宗夢上帝。孔子知天命。孟子大國五年小國七年。燕丹將爲秦所併之類。直自居於不知。不以爲嫌。

○卜筮之能應。祭祀之能享。只是一箇理。著龜雖無情。然所以爲卦。而卦有吉凶。莫非此理。故以是問焉。其應也如响。若以私心及錯卦象而問之。便不應。今日之理。與前日已定之理。只是一箇理。故應也。至於祭祀之享。亦同。鬼神之理在彼。我以此

理向之故享也。不容有二。三如處藥治病。亦只是一箇理。此藥治箇如何氣。有此病。服之即應。若理不契。則藥不應。

③物之可卜者。惟龜與羊脾骨可用。蓋其垢可驗吉凶。

④有人言。郭璞以鳩鬪占吉凶。子厚言。此爲他誠實信之。所以就而占得吉凶。正叔言。但有意向此。便可以兆也。非鳩可以占吉凶耳。

⑤醫者不請理。則處方論藥。不盡其性。只知逐物。

所治不知合和之後。其性又如何。假如訶子黃白。

○神農作本草。古傳一日食藥七十毒。非也。若小

毒當嘗。若大毒一嘗而死矣。安得生。其所以得知者。自然視色嗅味。知得是甚氣。作此藥。便可攻此病。須是學至此。則知自至此。

⑥素問必出於戰國之末。觀其氣象知之。天之氣運只如此。但緊看者如何。設如定四方。分五行。各配與一方。是一般。絡角而看之。又一般。分而爲二十四。又一般。規模大則大。規模小則小。然其中善

言亦多。

⑦素問文字。非三墳書也。道理却總是。想當時亦須有來歷。其間只是氣運用不得。如潦旱。今年氣運當潦。然有河北潦。江南旱。時此且做各有方氣不同。又有一州一縣中。潦旱不同者。怎生定得。

○鉛鐵性殊。點化爲金。則不辨鉛鐵之性。按人之變化氣質。猶此。但鐵受人點化。人受人點。其化則須自化。點而不化。是不如無情之鉛鐵也。況更有自化而壞者。

○草木土在下。因升降而食土氣。動物却土在中。肥在內也。非土則無由生。臨大

○草類竹節可見。

按草木二者。植物之總名。竹居草木之間。頗難定屬。觀草節類竹。則竹當屬草類。非以竹爲主。而謂百草皆竹類也。

伊邵氏易學辨惑云。伊川同張子堅。來方春時。先君率同遊天門街看花。伊川辭平生未嘗看花。先君曰。庸何傷乎。物物皆有至理。吾儕看花。異於常

律詳本

卷三致知

三九

人自可以觀造化之妙。伊川曰。如是。則願從先生遊。譚善心

○早梅冬至已前發。方一陽未生。然則發生者何也。其榮其枯。此萬物一箇陰陽升降大節也。然逐枝自有一箇榮枯。分限不齊。此各有一乾坤。亦各自有消長。只是箇消息。惟有消息。所以不窮。至如松栢亦不是不彫。只是後彫。彫得不覺。怎少得消息。方夏生長時。却有夏枯者。則冬寒之際。有發生之物。何足怪也。臨大

○冬桃視之似先春。其實晚桃也。直到今方發。

○四時改火。不得不然。蓋水之爲患常少。火之爲患常多。龍見而雩。可見寒食禁火。只是將出新火。必盡熄天下之火。然後出之也。理

合正叔言。蜥蜴含水。隨雨震起。子厚言。未必然。電儘有大者。豈盡蜥蜴所致。今以蜥蜴求雨。枉求他

他又何道致雨。正叔言。伯淳嘗守官南方。長吏使

往茅山請龍。辭之謂祈請鬼神。當使信嚮者。則有應。今先懷不信。便非義理。既到茅山。勅使人於

程詳本

卷三致知

中

水中捕得二龍。持之歸。竝無他異。復爲小兒玩之。致死。此蟲廣南亦有之。只嚙人有毒。兩

伊龍只是獸。茅山華陽洞曾跳出。按今茅山無龍。地運安物運遊。

之亦有時乾處能行。其行步如虎。茅山者則不嚙人。北五臺山者則傷人。又有曾於鐵狗廟下穿得

一龍卵。後寄於金山寺。龍能壅水上寺門。取卵不得。龍所以知者。許大物亦自靈也。龍卵生者亦非神。更一等龍。必須胎生。

伊問龍能有能無如何。曰。安能無。但能隱見耳。所

以能隱見者為能屈伸耳。非特龍凡小物甚有能屈伸者。

按凡物能屈伸者未必能隱見。故特號神龍。

伊先生指庭下羣雀示諸弟子曰。地上原有物。則羣集而食之。人故與之。則不即來食。須久乃集。蓋人有意在爾。若負粟者適遺下。便集而食矣。

伊犬吠屠人世傳有物隨之。非也。此正如海上陽

伊昔語覺倡不信鬼神之說。故身殺湫魚。其同行

程用詳本 卷三 致知

望

者有不食魚而病死者。有食魚亦不病不死者。只是其心打得過。或食而病。或不食而病。要之山中陰森之氣。心懷憂思。以致動其氣血也。如太一湫魚。自唐以來不敢取。晉祠魚亦然。伯淳嘗到。

伊或問宋齊丘化書云。有無情而化為有情者。若楓樹化為老人是也。也有有情而化為無情者。如望夫化為石是也。此語如何。曰。楓樹為老人。形如老人也。豈便變為老人。川中有蟬化為花。蚯蚓化為百合。如石蟹不燕石。固有此理。某在南中時。聞有

採石人因石陷。遂在石中。幸不死。飢甚。只取石膏

食之。不知幾年。後因別人復來採石。見此人在石

中。引之出。漸覺身硬。纔出風。便化為石。此無可怪。

蓋有此理也。按大怪事。只若望夫石。只是臨江山

有石如人形者。今天下凡江邊有石立者。皆呼為

望夫石。如呼馬鞭牛頭

伊或問世傳有人化虎。理有之乎。曰。有之。昔在洛

見村民爪甲漸變如虎。毛斑斑然通身。夜開闢延

虎食其牢中之豕。化雖未成。而氣類相感。其情已

程用詳本 卷三 致知

望

通矣。紫

致知六

鬼神

伊用休問易言知鬼神之情狀。果有情狀否。曰。有之。又問既有情狀。必有鬼神矣。曰。易說鬼神。便是造化也。又問名山大川。能興雲致雨。何也。曰。氣之蒸成耳。又問既有祭。則莫須有神否。曰。只氣便是神也。今人不知此理。纔有水旱。便去廟中祈禱。不知雨露是甚物。從何處出。復於廟中求邪。名山大

川能興雲致雨。都不說著。却於山川外。木土人身。上討雨露。木土人身上有雨露耶。又問。莫是人自興妖。曰。只妖亦無。皆人心興之也。世人只因祈禱而有雨。遂指爲靈驗耳。某嘗至泗州。恰值大聖見。及問如何形狀。一人曰。如此。一人曰。如彼。只此可驗其妄。興妖之人。皆若此也。昔有朱定。亦嘗來問學。但非信道篤者。曾在泗州守官。值城中火。定遂使兵士昇僧。迎避火。某後語定曰。何不昇僧迎在火中。若爲火所焚。卽是無靈驗。遂可解天下之惑。

程氏詳本

卷三 致知

聖

若火遂滅。因使天下人尊敬。可也。此時不做事。待何時耶。惜乎定識不至此。

棟

○今日雜信鬼怪異說者。只是不先燭理。若於事上一理會。則有甚盡期。須於學上理會。

臨大

○不信神怪事。亦不得便放猛。須是知道理。若只放猛。不知道理。撞出來後。如何處置。

理

○世間有鬼神。馮依言語者。蓋屢見之。

臨大

○問鬼神有無。曰。待說與賢道沒時。古人却因甚如此道。待說與賢道有時。又恐賢問某尋。

良佐

按上蔡語錄云。說無時。賢怎生信得及。據此。是明道直以鬼神爲無矣。此云古人却因甚如此道。此語活潑。得明道先生意。蓋上蔡門人所記。不如上蔡自記爲真。故去彼存此。

○心所感通者。只是理也。如夢寐皆無形。只是有此理。若言涉於形聲之類。則是氣也。物生則氣聚。死則散而歸盡。有聲則須是口。既觸則須是身。其賢既壞。又安得有此。

臨大

按夢寐無形而有理。固也。然其相感通則藉於

程氏詳本

卷三 致知

聖

氣。蓋夢者。心所爲也。心之能思。出於氣之靈也。如形而上者。謂之道。非惟不涉於形。亦不涉於氣。然必得能思能慮之方寸。然後可以體而知之。能思能慮。出於氣也。方寸形也。形氣理實無相離處。知其不相雜。又當知其不相離。

○楊定鬼神之說。只是道人心有感通。如有人平生不識一字。一日病作。却念得一部杜甫詩。却有此理。按有是理三字。太空。天地間事。只是一箇有一箇無。既有卽有。無卽無。如杜甫詩者。是世界上最

實有杜甫詩

按他書甚多何獨通杜詩世上實故

人之心病及至精一有箇道理自相感通以至人

心在此託夢在彼按彼此何所指亦有是理只是心之感

通也死者託夢按此說死者下文引證亦容有此

理有人過江其妻墮水意其為必死矣故過金山

寺為作佛事方追薦次忽其婢子通傳墮水之妻

意度在某處作某事按婢子是誠死也及三二日

有漁人撐舟以其妻還之乃未嘗死也蓋旋於急

流中救活之然則其婢子之通傳是何也亦是心

程中詳本

卷三致知

望

相感通

按感通須實有是物是事前云實有杜詩

傳者亦心相感通是實無其事矣烏得謂所妄

之別

大

按既云有是理須明此理如何既云有感通須

明所以感通是如何若渾渾爾問者可無問答

者可無答記此者呂與叔也識可知矣予初欲

刪此條然存之使人惑徑去之亦使人惑故存

而詳辨之

古之言鬼神不過著於祭祀亦只言如聞嘆息

之聲不曾道聞如何言語不曾道見如何形狀如

漢武帝見李夫人只為道士先說與在甚處使端

目其地故想出也然武帝作詩亦曰是耶非耶嘗

問好談鬼神者皆所未曾聞見皆是見說燭理未

明便傳以為信也假使實所見聞亦未足信或是

心病或是目病如孔子言人之所信者目目亦有

不足信者耶此言極善臨大

按鍊鬼役神邪人實有是術非盡由想出亦非

盡心病目病也近日如韓仙等法士大夫白日

程中詳本

卷三致知

四六

往問禍福皆親聞其言揭幃觀之無物也一小

人有使鬼法燈背後鬼輒現形止見首不見身

人人皆見但發聲必於幃內現形必於燈下幻

而非真在此耳直云無可見聞恐見之聞之者

反以為口實

合今不知世俗所謂鬼神何也聰明如邵堯夫猶

不免致疑書言有人家若虛空中聞人馬聲某謂

既是人馬須鞍轡之類皆全這是何處得來堯夫

言天地間亦有一般不有無底物某謂如此說

則須有不有不無底人馬。凡百皆爾。深不然也。臨大  
按不有不無四字。殊誤。元公亦云有無之間。謂  
幾動而未形。然實屬於有矣。此見邵子尚少致  
知之功。

○風肅然起於人心恐怖。風是天地間氣。非土偶  
人所能爲也。漢時神君。今日二郎廟。皆有之。臨大  
按人心怖則心中之氣出。與室宇中之氣相感。  
故風肅然而生。但恐怖又因於鬼神。遂見風爲  
鬼神所爲耳。然有怨鬼鳴冤之類。實能爲風。風  
是氣。鬼亦一時未散之氣。兩者同物。鬼欲與人  
相通。必托於風。

律詳本

卷三 致知

罕七

程子詳本卷四

存養一

養心

○若不能存養。只是說話。顯

○聖賢千言萬語。只是欲人將已放之心。約之使

反復入身來。自能尋向上去下學而上達也。顯

○明心要在腔子裏。

○明孔子言仁。只說出門如見大賓。使民如承大祭。

看其氣象。便須心廣體胖。動容周旋中禮。自然惟

律詳本

卷四 存養

一

慎獨便是守之之法。聖人修己以敬。以安百姓。篤

恭而天下平。惟上一於恭敬。則天地自位。萬物

自育。氣無不和。四靈何有不至。此體信達順之道。

聰明睿知皆由此出。以此事天饗帝。

○明人必有仁義之心。然後仁與義之氣。粹然達於

外

○不哭的孩兒。誰抱不得。良佐

按世有生知無欲之人。不待學。不待教。所謂易

抱之孩兒也。然孔子至老好學。教顏子必以禮。



何嘗專重靈明而廢涵養。單提本體而畧功夫。顧端文與友人書。親娘乳娘之辨。發明道本意。微心微體。他人稱引。似俱未合。

○君子慎獨。敬以直內。義以方外。所以爲克己復禮也。克己復禮。則事事皆仁。故曰天下歸仁。人之視最先。非禮而視。則所謂開目便錯了。次聽。次言。次動。有先後之序。人能克己。則心廣體胖。仰不愧。俯不忤。其樂可知。有息則餒矣。

○人心不得有所繫。

○呂與叔嘗言。思慮多。不能驅除。曰。此正如破屋中禦寇。東面一人來。未逐得。西面又一人至矣。左右前後。驅逐不暇。蓋其四面空疎。盜固易入。無緣作得主定。又如虛器入水。水自然入。若以一器實之以水。置之水中。水何能入來。蓋中有主。則實實則外患不能入。自然無事。

伊學者先務。固在心志。有謂欲屏去閒見知思。則是絕聖棄智。有欲屏去思慮。患其紛亂。則是須坐禪入定。如明鑑在此。萬物畢照。是鑑之常。難爲使

○主於一事。明主一之。非事也。此又以無適明一。

之。不照。人心不能不交感萬物。亦難爲使之不思。慮若欲免此。唯是心有主。如何爲主。敬而已矣。有主則虛。虛謂邪不能入。無主則實。實謂物來奪之。今夫瓶罌有水。實內。則雖江海之浸。無所能入。安得不虛。熊氏曰。止以外水不入。無水於內。則停注之水。不可勝注。安得不實。大凡人心。不可二用。用於一事。則他事更不能入。者。事爲之主也。事爲之主。尚無思慮紛擾之患。若主於敬。又焉有此患乎。所謂敬者。正一之謂。敬所謂一者。無適之謂。一。

○昔呂與叔嘗問爲思慮紛擾。某答以但爲心無主。若主於敬。則自然不紛擾。曰。若思慮果出於正。

亦無害否。曰：在宗廟則主敬，朝廷主莊，軍旅主嚴。此是也。如發不以時，紛然無度，雖正亦邪。節安

按別本見明道語一條，問思慮紛擾如何。先生曰：人心本無思慮，多是憶既往與未來事。初見覺好怪，二書何以不載。既而體之，非知道者之語也。見在之事，豈無思慮。惟據理義不參私心，則自無紛擾之患矣。既往固無容憶，若未來者豈容不豫籌。如言行前定，與易所謂擬議以成其變化，皆是也。亦惟循理而無私之爲貴。何嘗

程子詳本

卷四 存養

四

禁思慮亦豈以思慮卽爲朋從哉。

伊：閑邪存誠，如人有室，垣牆不修，不能防寇，修其垣牆，則寇自不至。故欲閑邪也。

熊氏曰：垣防外寇得矣。家親作祟如何。愚按伊川解感而遂通云：感非自外也。固知此矣。處物爲義合，內外之道也。感於物而動，凡人欲亦合內外者也。故以垣寇切喻閑邪。卽如夫子用箇閑字，未嘗不著跡。懲忿窒慾亦然。及原思怨欲不行，則僅以爲難。

伊：人多思慮，不能自寧，只是做他心主不定。要作得心主定，惟是止於事。爲人君止於仁之類，如舜之罪四凶，四凶已作惡，舜從而罪之，舜何與焉。人不止於事，只是攬他事，不能使物各付物。物各付物，則是役物爲物所役，則是役於物。有物必有則，須是止於事。

伊：要息思慮，便是不息思慮。

伊：本有不能體道，而能無思者，故坐忘卽是坐馳，有忘之心，乃思也。良

程子詳本

卷四 存養

五

伊：學者患思慮紛亂，不能寧靜，此則天下公病。學者只要立箇心，此上頭儘有商量。

○君實常患思慮紛亂，有時中夜而作，達旦不寐，可謂良自苦人。都來多少血氣，幾何而不摧殘，以盡也。其後告人曰：近得一術，常以中爲念，則是爲中所亂，中有何形，如何念得。他只是於名言之中，揀得一箇好字，與其爲中所亂，却不如與一串數珠，及與他數珠，他又不受。殊不知中之無益於治心，不如數珠之愈也。夜以安身，睡則合眼，不知苦。

苦思量箇甚只是不與心為主臨大

○人心作主不定正如一箇翻車流轉動搖無須更停所感萬端又如懸鏡空中無物不入其中有甚定形不學則皆不之察及用心自觀即覺其爲害心若不做一箇主怎生奈何張天祺昔常言自約數年上牀便不得思慮事不思量事後須強把這心來制縛亦須寄寓在一箇形象皆非自然若愚夫不思慮冥然無知此又過與不及之分也有入胸中常若有兩人焉欲爲善如有惡以爲之間

程中詳本

卷四存養

六

欲爲不善又若有羞惡之心者此正交戰之驗也持其志便氣不能亂此大可驗臨大

存養二

主敬

○居處恭執事敬與人忠此是徹上徹下語聖人元無二語臨大

○學者須敬守此心不可急迫當栽培深厚涵泳於其間然後可以自得臨大  
○明學者不必遠求近取諸身只明人理敬而已矣

便是約處易之乾卦言聖人之學坤卦言賢人之

學惟言敬以直內義以方外敬義立而德不孤至於聖人亦止如是更無別途穿鑿繫累自非道理故有道有理天人一也更不分別浩然之氣乃吾氣也養而不害則塞乎天地一爲私心所蔽則耿然而餒知其小也思無邪無不敬只此二句循而行之安得有差有差者皆由不敬不正也臨大  
○敬而無失便是喜怒哀樂未發之謂中也敬不可謂之中但敬而無失即所以中也臨大

程中詳本

卷四存養

七

○中心斯須不和不樂則鄙詐之心入之矣此與敬以直內同理謂敬爲和樂則不可然敬須和樂只是中心沒事也臨大

○伊敬則自虛靜不可把虛靜喚做敬居敬則自然行簡若居簡而行簡却是不簡只是所居者已剩一簡字

○伊問敬還用意否曰其始安得不用意若能不用意却是都無事了又問敬莫是靜否曰纔說靜便入於釋氏之說也不用靜字只用敬字纔說著靜

字便是忘也。安節

按用敬不用靜、固無病、然大學定靜、元公至靜、亦有說時、大學在知止之後、元公先言定之以中正仁義、靜而能慮、主靜立人極、何至於忘、正公因當時學者盡趨入禪、故嚴為立防也。

伊主一者謂之敬、一者謂之誠、主則有意在、

今志於理義、而心不安樂者、何也、此正是剩一

箇助長、雖曰操則存、舍則亡、然而持之太甚、便是

必有事焉而正之也、亦須且恁去、大臨

釋本詳本

卷四存養

人

伊入道莫如敬、未有能致知而不在敬者、熊氏曰

必敬所謂識法者、懼也、其言足與程子之言相發、

然程子意以敬為學者成始成終功夫、知至知至、

敬致知、必主敬如何為致知、時之敬專心致至、

知而不雜、以馳騁、聞見之意焉、是致知在敬也、

今人主心不定、視心如寇賊、而不可制、不是事累

心、乃是心累事、當知天下無一物是合少得者、不

可惡也、良佐

明誠者天之道、敬者人事之本、敬則誠、絢

敬下驢不起、世人所謂高者、却是小、

按下驢不起、疑當時有此方言、物之可乘者莫

卑於驢、猶且下而不復乘、寧步平地、卑之至也、

主敬之人、其心事象此、凡物大者必卑、高者必

小、易云、卑法地、陽明亦云、泰山不如平地大、

明毋不敬、儼若思、安定辭、安民哉、君道也、君道即

天道、出門如見大賓、使民如承大祭、仲尼以仲弓

為可以事斯語也、雍也可使南面、有君之德也、毋

不敬、可以對越上帝、絢

聖人齋戒、敬也、以神明其德、惡人齋戒、亦敬也、

故可以事上帝、庭光

釋本詳本

卷四存養

九

明敬勝百邪、絢

明子曰、語之而不惰者、其回也與、顏子之不惰者、

敬也、絢

按以敬言不惰、其義精矣、敬該勤、熊氏曰、此明

道先生之善言敬也、顏子蓋知至者也、

伊敬是閑邪之道、閑邪存其誠、只是一事、去惡即

是善、譬如門不出、便入、豈出入外更別有一事也、

節安

問寢不尸、曰、毋不敬、酢

伊嚴威儼格。非敬之道。但致敬須自此入。

伊必有事焉。須把敬來做件事著。此道最是簡。最是易。又省工夫。

伊伊川甚愛表記中說。君子莊敬日強。安肆日偷。蓋常人之情。才放肆。則日就曠蕩。自檢束。則日就規矩。呂本中

○彥明嘗言。先生教人。專令用敬以直內。若用此理。則百事不敢輕爲。不敢妄作。不愧屋漏矣。習之既久。自然有所得也。因說往年先生歸自涪陵。日

程永詳本

卷四 存養

十

日見之一日。因讀易。至敬以直內處。因問先生。不習無不利。時則更無賂當。更無計較也耶。先生深以爲然。且曰。不易見得如此。且更涵養。不要輕說。呂本中

○和靜先生曰。初見伊川時。教某看敬字。某請益。伊川曰。主一則是敬。當時雖領此語。然不若近時看得更親切。寬問。如何是主一。願先生善喻。先生曰。敬有甚形影。只收斂身心。便是主一。且如人到神祠中致敬時。其心收斂。更著不得毫髮事。非主

一而何。又曰。昔有趙承議從伊川學。其人性不甚利。伊川亦令看敬字。趙請益。伊川整衣冠。齊容貌而已。趙舉示先生。先生於趙言下。有箇省覺處。寬○有言養氣可以爲養心之助。曰。敬則只是敬。敬字上更添不得。譬之人曾到東京。又曾到西京。又曾到長安。若一處上心來。則他處不容。參人心裏著兩件物不得。大

○許渤與其子隔一窓而寢。乃不聞其子讀書與不讀書。先生謂此人持敬如此。

程永詳本

卷四 存養

七

伊閑邪則誠自存。不是外面捉一箇誠來存著。今人外面役役於不善於不善中。尋箇善來存著。如此則豈有入善之理。只是閑邪則誠自存。故孟子言性善皆由內出。

伊敬則不私。纔不敬。便私欲萬端。害於仁。

伊敬卽便是禮。無已可克。絢

存養三

定靜

伊問操則存。舍則亡。心有亡。何也。曰。此只是說心

無形體。纔主著事時。先生以目視地便在這裏。纔過了便不見。安

按此則舍乃無事時。亡亦悠悠自得之意。非放其心也。未知孔子本肯然否。下條云。未感時只是有操。又與此異。

伊有言。未感時。知何所寓。曰。操則存。舍則亡。出入無時。莫知其鄉。更怎生尋所寓。只是有操而已。操之道。敬以直內也。

伊問出門如見大賓。使民如承大祭。方其未出門。程承詳本。卷四 存養 主

未使民時。如何。曰。此儼若思之時也。當出門時。其敬如此。未出門時。可知也。且見乎外者。出乎中者也。使民出門者。事也。非因是事上方有此敬。蓋素敬也。如人接物以誠。人皆曰誠人。蓋是素來誠。非因接物而始有此誠也。儼然正其衣冠。尊其瞻視。其中自有箇敬處。雖云無狀。敬自可見。安伊舜孳孳爲善。若未接物。如何爲善。只至於敬。便是爲善也。以此觀之。聖人之道。不是但嘿然無爲。因論持其志。先生曰。只這箇也是私。然學者不

恁地不得。醉

按文公云。程先生有時放得稍高。其徒遂至空曠。觀此以持志爲私。果過於高矣。及門高弟。醉後來最無狀。此語或非先生本旨。

明伯淳言。人有四百四病。皆不由自家。只是心須教由自家。蔡上

伊人之身。有形體。未必能爲主。若有人爲繫虜。將去隨其所處。已有不得與也。惟心則三軍之衆。不可奪也。若并心做主不得。則更有甚。

程承詳本。卷四 存養 主

伊聖人之心。未嘗有在。亦無不在。蓋其道合內外。體萬物。良

明佛言。前後際斷。純亦不已。是也。彼安知此哉。子在川上曰。逝者如斯夫。不舍晝夜。自漢以來。儒者皆不識此義。此見聖人之心。純亦不已也。純亦不已。天德也有天德。便可語王道。其要只在謹獨。程伊或說。某到山林中靜處。便有喜意。覺著此不是。先生曰。人每至神廟佛殿處。便敬。何也。只是每常不敬。見彼乃敬。若還常敬。則到佛殿廟宇亦只如

此不知在開處時此物安在直到靜處乃覺

○孟子言養心莫善於寡欲寡欲則心自誠苟子言養心莫善於誠既誠矣又何養此已不識誠又不知所以養

○孟子曰養心莫善於寡欲此句如何謝子曰吾

昔亦曾問伊川先生曰此一句淺近不如理義之悅我心猶芻豢之悅我口最親切有滋味然須體

察得理義之悅我心真猶芻豢悅口始得

○養心者且救他寡欲又差有功

程子詳本

卷四存養

古

○伊所欲不必沈溺只有所向便是欲

○伊暇日靜坐和靜孟敦夫張思叔侍伊川指而前

水盆曰清靜中一物不可著才著物便搖動

○令謝顯道往扶溝見明道先生受學志甚篤明道

一日謂之曰爾輩在此只是學某言語故其學心

口不相應蓋若行之請問焉曰且靜坐伊川每見

人靜坐便嘆其善學

○靜後見萬物自然皆有春意

○伊有人說無心伊川曰無心便不是只當云無私

心解

○蜀山人不起念十年便能前知

○伊伊川先生貶涪州渡漢江中流船幾覆舟中人

皆號哭伊川獨正襟安坐如常已而及岸同舟有

老父問曰當船危時君正坐色甚莊何也伊川曰

心存誠敬耳老父曰心存誠敬固善然不若無心

伊川欲與之言而老父徑去

○伊伊川先生自涪州順流而歸峽江峻急風作浪

湧舟人皆失色而先生端坐不動岸傍有問者云

程子詳本

卷四存養

五

達後如此舍後如此先生意其非凡人也欲起揖

之而舟去遠矣

按邵伯溫所記為同舟老父問答且云存心不

若無心事理俱當如周憲記震澤長語云岸上

樵夫有舍去達去之間與汪端明此記岸旁云

云并起揖等語皆全非事理達舍既不足以起

伊川之敬問而峽江順流迅踰奔馬先生端坐

必在舟中岸旁人何由得見況及交語乎記者

不知道不明勢不考真而任意描寫如此類者

非一適足以炫後學之目而生其疑今特存此條與邵氏所記互觀之使得失較然明著而其他的之相似而分存去者可以此意槩推

○學者全體此心學雖未盡若事物之來不可不應但隨分限應之雖不中不遠矣大臨

伊聖人不記事所以常記得今人忘事以其記事不能記事處事不精皆出於養之不完固良佐

明昔在長安倉中閑坐後見長廊柱以意數之已不疑再數之不合不免令人一一聲言而數之乃

程平詳本 卷四 存養 十六

與初數者無差則知越著心把捉越不定大

○人之於思難只有一箇處置盡人謀之後却須泰然處之有人遇一事則心心念念不肯捨畢竟

何益若不會處置了放下便是無義無命也

伊見一學者忙迫先生問其故曰欲了幾處人事

曰某非不欲周旋人事者曷嘗似賢忙迫更佐

○問日中所不欲為之事夜多見於夢何也曰只是心不定今人所夢見事豈特一日間所有亦有

數十年前之事只為心中舊有此事忽有事與此

事相感或氣相感然後發出來故雖白日所憎惡者亦有時見於夢也譬如水為風激而成浪風既息浪猶洶湧未已若存養久底人自不如此聖賢

則無這箇夢只有朕兆便形於夢也人有氣清無夢者亦有氣昏無夢者聖人無夢氣清也若人困甚時更無夢只是氣昏蔽隔夢不得也若孔子夢周公之事與常人夢別人於夢寐間亦可以卜自家所學之淺深如夢寐顛倒即是心志不定操存不固安節

程平詳本 卷四 存養 十七

伊問人心所繫著之事則夜見於夢所著事善夜

夢見之者莫不害否曰雖是善事心亦是動凡事

有朕兆入夢者却無害舍此皆是妄動或曰孔子

嘗夢見周公當如何曰此聖人存誠處也聖人欲

行周公之道夢寐不忘及既衰知道之不可行故

不復夢也人心須要定使他思時方思今人都歸

心曰心誰使之曰以心使心則可人心自由便放

去也安節

存養四



威儀語

○發於外者謂之恭、有諸中者謂之敬、

伊問人有專務敬以直內、不務方外、如何、曰、有諸中者必形諸外、內直則外必方、安

按夫子將教義夾持說、正爲人有務內而遺外者、先生另是一意、

○只外面有些罅隙、便走了、

明衆人安則不恭、恭則不安、良

明橫渠嘗言、吾十五年學簡恭而安不成、明道曰、

學字詳本 卷四 存養

大

可知是學不成、有多少病在、上

按夫子教人、只說居處恭、恭而有禮、恭則不侮、未嘗教人以恭而安、其自處也、燕居則申申、天

天君在、則踧踖與與、皆恭而安之氣象、蓋養盛則自至此、恭可學、恭而安、從何處學、張子學恭

而安、早已失之、故明道云、可知是學不成、

伊人之於儀形、有是持養者、有是修飾者、良

伊問人之燕居、形體怠惰、心不慢、可否、曰、安有、其

踞而心不慢者、昔劉質夫六月中來、緦氏間居中、

其嘗窺之、必見其儼然危坐、可謂敦篤矣、學者須

恭敬、但不可令拘迫、拘迫則難久矣、安

伊問出辭氣、莫是於言語上用工夫否、曰、須是養

乎中、自然言語順理、今人熟底事、說得便分明、若

是生事、便說得蹇澁、須是涵養久、便得自然、若是

慎言語、不安發、此却可著力、安

○心定者、其言重、以舒不定者、其言輕、以疾、紫

伊人語言緊急、莫是氣不定否、曰、此亦當習、習到

言語自然緩時、便是氣質變也、學至氣質變、方是

程子詳本 卷四 存養 一九

有功人、只是一箇習、今觀儒臣、自有一般氣象、武

臣自有一般氣象、貴戚自有一般氣象、不成生來

便如此、只是習也、安

明口將言而囁嚅、若合開口時、要他頭也、須開口、

如荆軻與、須是聽其言也、厲

存養五

愛身

明持國曰、道家有三任、心任則氣任、氣任則神任、

此所謂存三守一、伯淳曰、此三者、人終食之頃、未

有不離者其要只在收放心額

○邢和叔言吾曹常須愛養精力精力稍不足則倦所以臨事皆勉強而無誠意接賓客語言尚可見況臨大事乎額

按倦生不誠人情委多此病知病則知方

○呂與叔以氣不足而養之只是求無疾如道家修養亦何傷若要存想飛昇則不可臨大

○胎息之說聖人未嘗說著雖謂養氣猶是第二節事須以心為主今若言存心養氣只是專為此

程子詳本

卷四存養

主

氣又所為者小論學若如是則大段雜也只閉目靜坐可以養心坐如尸立如齊是要養其志豈只為養這些氣來臨大

○人有語導氣者問先生曰君亦有術乎曰吾嘗夏葛而冬裘饑食而渴飲節嗜欲定心氣即是天氣下降地氣上騰如斯而已矣醉

○明謝子曰吾嘗習忘以養生明道曰施之養生則可於道則有害習忘可以養生者以其不留情也學道異於是必有事焉而勿正何謂乎且出入起

居寧無事者正心待之則先事而迎忘則涉乎去念助則近於留情故聖人心如鑑孟子所以異於釋氏此也上蔡

○合子厚謂程卿夙興幹事良由人氣清則勤閑不得正叔謂不可若此則是專為氣所使子厚謂此則自然也伯淳言雖自然且欲凡事皆不恤以恬養則好子厚謂此則在學者也爾

按凡事皆不恤乃涉而不有之意能役物不役於物則此心恬然常得其養也故張子謂此則

程子詳本

卷四存養

主

由於學問之功又非止氣質自然而已

○明志動氣者十九氣動志者十一絢

明志可克氣氣勝志則憤亂矣今之人以恐懼而勝氣者多矣而以義理勝氣者鮮也絢

伊有謂因苦學而至失心者學本是治心豈有反為心害其氣本不盛然而能不病無倦怠者只是一箇慎生不恣意其於外事思慮儘悠悠

按苦學致疾聖賢視之亦以為恣意也須有節伊守身為大其事固有大者正唯養疾亦是守身

之一齊戰疾、聖人之所慎、

伊先生謂釋曰、吾受氣甚薄、三十而浸盛、四十五而後完、今生七十二年矣、較其筋骨、與盛年無損也、又曰、人待老而求保生、是猶貧而後蓄積、雖勤亦無補矣、釋曰、先生豈以受氣之薄、而厚為保生邪、夫子默然曰、吾以忘身、狗欲為深恥、迺

酒是麴麥為之、以亂其氣、人苟持其志、則不到於亂、志之為力、極可怪、

伊一日置酒、伊川曰、飲酒不妨、但不可過、惟酒無

程子詳本

卷四 存養

三

量不及亂、恐亂其氣、血致疾、或語言錯顛、容貌傾側皆亂也、尹焞

程子詳本卷四

程子詳本卷五

克治一 按克治以輔存養也、省察在其中矣

遏欲

明克已則私心去、自然能復禮、雖不學文、而禮意

已得 大臨

非禮不視聽言動、積習儘有功、禮在何處、

伊視聽言動、非禮不為、即是禮、禮即是理也、不是

天理、便是私欲、人雖有意於為善、亦是非禮、無人

欲即皆天理、

程子詳本

卷五

克治

按有意為善、猶云有為而為善也、使槩謂欲為

善為非禮、則必不思善而可乎

人於天理昏者、只是為嗜慾亂著他、莊子云、嗜

慾深者、其天機淺、此言却最是、大臨

伊慾之害人最甚、人之為不善、欲誘之也、誘之而

弗知、則至於天理滅而不知、反然、則何以窒其欲、

曰思而已矣、學莫貴於思、唯思為能窒欲、曾子之

三省、窒欲之道也、人臨

明趙景平問子罕言利、曰、不獨財利、凡有利心、便

不可如作一事須尋自家穩便處皆利心也。聖人以義為利義安處便為利。

伊故者以利為本。故是本如此也。纔不利便害性。利只是順天下只是一箇利。孟子與周易所言一般。只為後人趨著利便有弊。故孟子拔本塞源不肯言利。其不信孟子者却道不合非利。李遵是也。其信者以直道不得近利人無利直是生不得安得無利且譬如椅子人坐此便安是利也。如求安不已又要褥子以求溫暖無所不為然後奪之於穆子詳本。卷五克治。

君奪之於父此其趨利之弊也。利只是一箇利只為人用得別。安節

按深知孟子不肯言利之意者無如伊川。不信之李遵固不足言。信而禁利不知仁義者也。伊義與利只是箇公與私。纔出義便以利言也。只那計較便是為有利害。若無利害何用計較。人皆知趨利而避害。聖人則更不論利害。惟看義當為與不當為便是命在其中也。

按利害只在公私。最盡私利私害不當計。公利

公害當計也。私者利已。公者利社稷蒼生。

伊人有習他經。既而舍之。習戴記。問其故曰。央科之利也。先生曰。汝之是心已不可入於堯舜之道矣。夫子貢之高識。曷嘗規規於貨利哉。特於豐約之間不能無畱情耳。貧富有命。乃畱情於其間。多見其不信道也。故聖人謂之不受命。有志於道者要當去此心而後可語也。一本云謝顯道將歸應太學對曰。禁人私習禮記決科之利也。先生云云。顯道乃止。○明道十六七時好田獵。自謂今無此好。周茂叔

穆子詳本

卷五克治

三

曰。何言之易也。但此心潛隱未發。一動萌動復如前矣。後十二年見田獵者。不覺有喜心。果知未也。○舍已從人最為難事。已者我之所有。雖痛舍之猶懼守已者固而從人者輕也。

按舍已從人原是聖人分上事。堯舜非有意舍之也。然學者分上自應痛舍之。痛舍字程子下得極警策。使人有猛省處。

伊大抵人有身便有自私之理。宜其與逆難一。伊問大則不驕。化則不吝。此語何如。曰。若以大而

化之解此則未是然大則不驕此句却有意思只爲小便驕也化則不吝化煞高不吝未足以言之驕吝正相對驕是氣盈吝是氣歉曰吝何如曰吝吝也且於吝上看便見得人若吝時於財上亦不足於事上亦不足凡百事皆必有歉歉之色節安熊氏曰不足是病源吝是病候不足而後吝也故內之有得不肯以教人外之有功不樂與人共皆其中有所不足恐人之已同或已勝也○禹不吝不代至柔也然乃見剛

程子詳本

卷五 克治

四

伊謝子與伊川別一年往見之伊川曰相別又一年做得甚工夫謝曰只去箇矜字曰何故曰子細檢點來病痛盡在這裏若按伏得這箇罪過方有向進處伊川點頭因語在坐同志者曰此人爲學易問近思者也上蔡

克治二

反躬

義理與客氣常相勝又看消長分數多少爲君子小人之別義理所得漸多則自然客氣消得漸

少清盡者是大賢顧

○風竹便是感應無心如人怒我勿畱胸中須如風動竹胡氏

○聖人責已感處多責人應處少胡氏

○責上責下而中自恕已豈可任職分

伊或謂人莫不知和柔寬緩然臨事則反至於暴厲曰只是志不勝氣氣反動其心也

伊罪已責躬不可無然亦不當長靄在心胸爲悔

佐良

程子詳本

卷五 克治

五

○不應爲總是罪過

按此君子之所以懷刑也爲所不應爲即已犯刑

○賈大云煩復不已遂至迷復

○堯夫解他山之石可以攻玉王者溫潤之物若將兩塊玉相磨必磨不成須是得箇粗礪底物方磨得出譬如君子與小人處爲小人侵陵則修省

畏避動心忍性增益預防如此便道理出來臨大

○明與善柔人處壞了人須是與不善人處方成就

得人他山之石可以攻玉良佐

按善柔非柔中原不可謂善人今與不善人對說者不善指剛惡與邵子解詩略異邵子將善不善對說明道就不善中又分剛柔損益說克治三

氣稟習情

伊人有實無學而氣蓋人者其稟有剛柔也故強猛者當抑之畏縮者當克養之古人佩韋絃之戒正為此耳然剛者易抑如子路初雖夫子亦被他

程子詳本

卷五克治

六

陵後來既知學便却移其剛來克已甚易畏縮者氣本柔須索勉強也安節

多驚多怒多憂只就一事所偏處自克克得一件其餘自止

伊或問獨處一室或行開中多有驚懼何也曰只是燭理不明若能燭理則知所懼者妄又何懼焉有人雖知此然不免懼心者只是氣不克須是涵養久則氣克自然物動不得然有懼心亦是敬不足節安

治怒為難治懼亦難克已可以治怒明理可以治懼節

明動乎血氣者其怒必遷若鑑之照物妍媸在彼隨物以應之怒不在此何遷之有綱

伊問不遷怒語錄有怒甲不遷乙之說若此則甚易何待顏氏而後能曰只被說得粗了諸君便道易此莫是最難須理會得因何不遷怒如舜之罪四凶怒在四凶舜何與焉蓋因人有可怒之事而怒之聖人之心本無怒也譬如明鏡好物來時

程子詳本

卷五克治

七

便見是好惡物來時便見是惡鏡何嘗有好惡也按前謂甲不遷乙是就兩人身上觀後謂我不遷於物是心常止而不役原是兩意但推其原則所以能甲不遷乙者因世之人固有怒於室而色於市且如怒一人對那人說話能無怒色否有能怒一人而不怒別人者能忍得如此已是煞知義理若聖人因物而未嘗有怒此莫是甚難君子役物小人役於物今人見有可喜可怒之事自家著一分倍奉他此亦勞矣聖人心如止水節安

伊伯淳近與吳師禮談介甫之學錯處謂師禮曰

爲我盡達諸介甫。我亦未敢自以爲是。如有說願往復此天下公理。無彼我果能明辨。不有益於介甫。則必有益於我。

張戢嘗於政事堂與介甫爭辯事。因舉經語引證介甫曰。安在却不會讀書。賢却會讀書。戢不能答。先生云。却不向道。只這箇便。是不會讀書。

思叔語嘗僕夫伊川曰。何不動心忍性。思叔慙謝。

伊有患心疾。見物皆獅子。伊川教之以見卽直前。

程子詳本 卷五 克治

八

捕執之無物也。久之疑疾遂愈。

紫

○目畏尖物。此事不得放過。便與克下室中率置尖物。須以理勝他。尖必不刺人也。何畏之有。

大

程子詳本卷五

程子詳本卷六

家道

冠婚喪祭禮之大者。今人多不以爲事。某舊嘗修六禮。冠婚喪祭將就。後被召。遂罷。今更一二年可成家間多戀河北舊俗。未能遽易。然大率漸使知義理。一二年書成。可皆如法。

禮從宜。事從俗。有去每月朔必薦新。如仲春薦鴈。四時祭用仲月。見物於五月者爲首時也。時祭之外。更有三祭。冬至祭始祖。臘初生立春祭先祖。季秋祭禘。他則不祭。冬

至陽之始也。立春者生物之始也。季秋者成物之時也。祭始祖無主。用祝以妣配。於廟中正位享之。

祭只一位者。祭先祖亦無主。先祖者自始祖以下。夫婦同享也。故設二位。祖妣異位。一云二

高祖而上非一人也。故設二位。祖妣異位。一云二

十

同享也。按位非坐位也。既不設主。無所用坐。所謂位者。凡也。列祖共一几。列妣共一几。置牲饌案

而共享之。常祭止於高祖而下。而止者。緣人情也。有親有後者。自爲祭。無後者祭之別位。爲叔伯父

各祭。凡配止以正妻一人。如諸侯用元妃是也。或

奉祀之人。是再娶所生者。卽以所生母配。如葬亦

推元妃

同穴後世或再娶皆同穴而葬其費禮經但於左  
右附葬可也○按生母配祭則元配反無位矣於  
義未安朱子忌日必遷主出祭於正寢今正寢也蓋  
嘗有說正之忌日必遷主出祭於正寢於正寢之意  
廟中尊者所據又同室難以獨享也於正寢之意  
家必有廟古者庶人祭於寢大夫祭於廟中異位  
祖居中左右以昭穆次序皆夫廟必有主既祧埋  
婦自祖配為位男婦不同坐也於所葬  
虛如奉祀人之高其大畧如此且如豺獾皆知報  
本今士大夫家多忽此厚於奉養而薄於祖先甚  
不可也凡事死之禮當厚於奉生者至於嘗新必  
薦享後方可薦數則饋必因告人家能存得此等

程子詳本 卷六 東道

事數件雖幼者漸可使知禮義凡物知母而不知  
父走獸是也知父而不知祖飛鳥是也惟人則能  
知祖若不嚴於祭祀殆與鳥獸無異矣安  
○既為人後便須將所後者呼之為父母後之疑  
者只見禮不杖期內有為人後者為其父母報便  
道須是稱親禮文蓋言出為人後則本父母反呼  
之以為叔為伯也故須言為其父母以別之非謂  
將本父母仍稱父母也大  
按此程先生一時之言非定論也後人多辯之

伯叔父之兄弟伯是長叔是少今人乃呼伯父  
叔父為伯叔大無義理呼為伯父叔父者言事之  
之禮與父同也安

按伯叔只是長少之義與仲季同今呼父之兄  
為伯伯猶云長長也未大謬也呼父之弟為叔  
叔是少少也不已舛乎習訛已久如之何  
○今人多不知兄弟之愛且如閭閻小人得一食  
必先以食父母夫何故以父母之口重於已之口  
也得一衣必先以衣父母夫何故以父母之體重

程子詳本 卷六 東道

於已之體也至於犬馬亦然待父母之犬馬必異  
乎已之犬馬也獨愛父母之子却輕於已之子甚  
者至若讎敵感之甚矣安

按此則是知孝而不知弟猶小人之良人也  
大本猶存反之友恭不難正恐先不知有父母  
而乃至讎敵其兄弟

○問第五倫視其子之疾與兄子之疾不同自謂  
之私如何曰不特安寢與不安寢只不起與十起  
便是私也父子之愛本是公纔著些心做便是私



又問已子與兄子天性自有輕重曰只爲今人以私心看了孔子曰父子之道天性也此只就孝說故言父子天性若君臣兄弟賓主朋友之類亦豈不是天性人自不推其本所由來爾已之子與兄之子所爭幾何是同出於父者也只爲兄弟異形故以兄弟爲手足人多以異形故親已之子異於兄弟之子甚不是也又問孔子以公冶長不及南容故以兄之子妻南容以已之子妻公冶長何也曰此亦以已之私心有聖人也凡人避嫌者皆內

程子詳本

卷六 家道

四

不足也聖人至公何更避嫌凡嫁女必量其才而求配或兄之子不甚美已之子美各擇其相稱者豈更避嫌耶若孔子事或是年不相若或時有先後皆不可知以孔子爲避嫌則大不是如避嫌事雖賢者且不爲況聖人乎  
節安  
伊或曰事兄盡禮不得兄之懽心奈何曰但當起敬起孝盡至誠不求伸已可也曰接弟之道如何曰盡友愛之道而已  
節安  
荀氏八龍豈盡賢者但得一二賢子弟相薰習

皆然耳 柄

○人無父母生日當倍悲痛更安忍置酒張樂以爲樂若具慶者可也

按此條初觀似善細推之難行生日稱慶爲老非爲少天下爲子孫者多具慶爲祖父者多永思是子孫可使他人爲已稱觴而終不敢奉觴於其祖父也大約七十八十以上遇旬則親友往壽每歲生日子孫自爲家燕簡其儀文盡其歡心亦可矣

程子詳本

卷六 家道

五

伊問妻可出乎曰妻不賢可出子思亦嘗出妻今世俗乃以出妻爲醜行多隱忍不敢發或有隱惡爲其陰持之以至縱恣養成不善人修身刑家最急纔修身便到刑家上又問古人出妻有以對姑叱狗梨蒸不熟者亦無甚惡而遽出之何也曰此忠厚之道也古之人絕交不出惡聲君子不忍以大惡出其妻而以微罪去之以爲他平日有故因此一事出之或曰彼以此事見逐安能無辭兼他人不知是與不是則如之何曰彼必自知其罪

但自己理直可矣。何必更求他人知。然有識者當自知之也。如必暴其妻之不善。使他人知之。是亦淺丈夫而已。凡人說話多欲令彼曲我直。若君子自有一箇含蓄意思。或曰古語有之。出妻令其可嫁。絕友令其可交。乃此意否。曰是也。節安

伊問。婦婦於理似不可取。曰。凡取以配身也。若取失節者配身。是已失節也。又問。或有孤孀貧窮。無託者可再嫁否。曰。只是後世怕寒餓死。故有是說。然俄死事極小。失節事極大。

程子詳本 卷六 家道

○世人多慎於擇婿。而忽於擇婦。其實婿易見。婦難知。所係甚重。豈可忽哉。節

伊。今人家買乳婢。亦有不得已者。或不能自乳。須著使人。然食已子而殺人之子。不是道理。必不得已。用二乳而食二子。我之子又足備他虞。或乳母病且死。則不能爲害。又不更爲已子而殺人之子。要之不過有所費。若不幸致誤其子。害孰大焉。  
按僱乳媼。委有害人子之事。子向曾立一法。并著爲說。以示後人。當時未見伊。剛先生語也。法

與此不同。然先得我心所同然。此亦其一端矣。予意思所到。與伊川晦翁默符者甚多。因見先賢已言。輒自刪去。與明道則少有重複者。始知明道見地。非思慮所及。

明病卧於床。委之庸醫。比於不慈不孝。事親者亦不可不知醫。蔡上

伊問。人子事親。學醫如何。曰。最是大事。今人有一珍寶物。須是自看視。父母疾乃一任醫者之手。豈不害事。必須識醫藥之道理。別病是如何。藥當如

程子詳本 卷六 家道

七

何。故可任醫者。或曰。已未能盡醫者之術。或偏見不到。適足害事。奈何。曰。如識圖書人。未必畫得如畫工。却識別得工拙。如自己曾學。今醫者說道理。便自見得。或已有所見。亦可說與他商量。節安

程子詳本卷六

程子詳本卷七

禮法

治國齊家禮而已矣若家道為其切於行也若治法為其主於事也故後先列之而著禮法一門於此

○古人乘車車中不內顧不親指不遠視行則鳴環珮在車則聞和鸞式則視馬尾自然有君子大人氣象自五胡亂華以來惟知鞍馬為便雖萬乘之尊猶執鞭上馬執鞭非貴人事大臨

右一條賈子新書所謂容經之屬

○父子異宮者為命士以上愈貴則愈嚴故父子

程子詳本

卷七禮法

異宮猶今有逐位非如異居也大臨

○同臣拜君必於堂下子拜父母如之何曰君臣以義合有貴賤故拜於堂下父子主恩有尊卑無貴賤故拜於堂上若婦於舅姑亦是義合有貴賤故拜於堂下禮也安節

按婦於舅姑非可例以君臣之分君臣自有貴賤非為義合位君矣至貴無二雖諸父兄弟子姓以恩合者皆臣道也豈得不拜於堂下乎朋友亦以義合而不分貴賤婦拜舅姑於堂下者

遠嫌也一子有事率其婦同拜則於堂上遇節

慶公事諸子齊拜堂上則諸婦齊拜堂下從夫

而拜則近之非從夫而拜則遠之別嫌也非謂

婦賤於子也如主婦尸祭亦與君子同位

○內則請饋請浴之類雖古人謹禮恐不如是之煩大臨

右內則三條

○管攝天下人心收宗族厚風俗使人不忘本須

是明譜系世族與立宗子法一年有一年工夫

程子詳本

卷七禮法

伊宗子法壞則人不自知來處以至流轉四方往

往親未絕不相識今且試以一二巨公之家行之

要守得方是如唐時立廟院仍不得分割祖業使

一人主之

按孟子曰人人親其親長其長而天下平然明其道者何在設學是已行其事者何在立宗是已聖人不以一身盡治天下也故使國有君家有宗然其法一廢而不可復何也大雅曰君之宗之宗道因朝廷而起附封建以行開國者世

有眾君故承家者世有宗子國君主政而大事在祭宗子主祭而家政亦稟焉所謂宗子有君道也譬諸自輪達枝枝之初分者又爲輪自源達派派之初受者又爲源自建侯者苦於繼世之非人周末大亂秦起而郡縣之後王因之後聖不能非也既無世國安有世家既無世家又安能立宗子不輪而枝不源而派得乎是故郡縣起而宗法廢勢也計今日惟元勳世爵孔聖世公顏孟四配與周朱五子世博士此諸家者

可以立宗其餘卿士大夫家推祖宗有功德者建專祠以時致祭因而會其族人俾雖遠勿踈雖久勿忘斯善通宗法之窮者也吾家立義莊祠始祀廉憲公義準諸此

○宗子法廢後世譜牒尚有遺風譜牒又廢無百年之家骨肉無統雖至親恩亦薄

○後世骨肉之間多至仇怨忿爭其實爲爭財使之均布立之宗法官爲法則無所爭

○今無宗子法故朝廷無世臣若立宗子法則人

知尊祖重本入既重本則朝廷之勢自尊古者子弟從父兄今父兄從子弟由不知本也漢高祖欲下沛時只以帛書與沛父老其父老便能率子弟從之又如相如使蜀亦遺書責父老然後子弟皆聽其命只有一箇尊卑上下之分然後順從而不亂也若無法以聯屬之安可且立宗子法亦是天理譬如木必從根直上一輪亦必有旁枝又如水雖遠必有正源亦必有分派處自然之勢也然又有旁枝達而爲輪者故曰古者天子建國諸侯奪宗

侯奪宗節安

按漢高下沛相如使蜀二事因去古未遠猶有流風今欲民間槩立宗法以尊朝廷意雖美恐近於倒行逆施其勢終難就

○立宗必有奪宗法如卑勿爲大臣以今之法自合立廟不可使從宗子以祭

○立宗非朝廷之所禁但患人自不能行之

○凡人家法須令每有族人遠來則爲一會以合族雖無事亦當每月一爲之古人有花樹韋家宗

會法可取也。然族人每有吉凶嫁娶之類，更須相與爲禮，使骨肉之意常相通。骨肉自疎者，只爲不相見，情不相接爾。類

伊同姓相見，當致親親之意，而不可序齒以拜，蓋昭穆高下未可知也。呂希哲

伊所謂宗者，以已之旁親兄弟來宗於已，所以得宗之名，非已宗於人也。

伊凡言宗者，以祭祀爲主。言人宗於此而祭祀也，別子爲祖，上不取宗諸侯，故不祭，下亦無人宗之。

程子詳本 卷七 禮法

五

此無宗亦莫之宗也。別子之嫡子，卽繼祖爲大宗。

此有大宗，無小宗也。別子之諸子，祭其別子。按禮庶子

不祭嫡子，意祭字恐是繼字，然於禮亦不合。別子雖是祖，然亦諸子之

嫡繼祖者爲小宗。此有小宗而無大宗也。有小宗而無大宗，此句極難理會。蓋本是大宗之祖，別子

之諸子稱之，却是祖也。安

按繼祖者爲小宗，謂諸子之長子繼諸子而爲

同父昆弟之宗也。非謂諸子繼別子也。繼別子

者，自有嫡長諸子，安得稱繼耶。

○宗子繼別爲宗，言別則非一也。如別子五人，五人各爲大宗，所謂兄弟宗之者，謂別子之子繼祖者之兄弟，宗其小宗子也。類

伊古所謂支子不祭者，惟使宗子立廟主之而已。支子雖不得祭，至於齋戒致其誠意，則與主祭者

不異。可與則以身執事，不可與則以物助，但不別立廟爲位行事而已。後世如欲立宗子，當從此義

雖不祭，情亦可安。若不立宗子，徒欲廢祭，適長情慢之志，不若使之祭，猶愈於已也。

程子詳本 卷七 禮法

六

伊凡小宗以五世爲法，親盡則族散。若高祖之子

尚存，欲祭其父，則見爲宗子者。雖是六世七世，亦

須計會今日之宗子，然後祭其父。宗子有君道，

伊宗子雖七十無無主婦，此謂承祭祀也。然亦不當道七十，只道雖老無無主婦，便得。

按此相傳孔子之說，妄也。禮諸侯天子無再娶，

豈有士大夫爲宗子，顧繼娶無休。據云天子諸

侯有妃嬪可供祀，云供祀明非主婦也。宗子有

君道，可以義起。

伊禮長子不得爲人後。若無兄弟。又繼祖之宗。絕亦當繼祖。禮雖不言。可以義起。

按既無兄弟矣。身往繼祖。使父反無子乎。則宗法有時傷孝也。竊謂宗子絕。不可無續。身應繼而無弟。當推與近支有次子者繼之。或近支次子未必賢。則與通族公議一賢者立之。庶幾宗法不因我而廢。親嗣不因我而絕。此所謂可以義起。○熊氏曰。無近支。無通族。則又如之何。祖葬之喪也。猶廟之可祧也。父不可絕也。三年之

程子詳本

卷七

七

喪達乎天子也。且父絕則竟絕矣。父不絕。祖名亡於大宗。而實存於小宗。

伊禮云。宗子不爲殤。宗子有君道。豈有殤之理。

伊凡大宗與小宗。皆不在廟數。

伊大宗小宗。圖子京師有印本。

伊伊川先生將屬續時。顧謂端中曰。立子蓋指其適子端彥也。語絕而沒。既除喪。明道之長孫昂。自以當立。侯師望不可。昂曰。明道不得入廟。耶師聖曰。我不敢容私。明道先太中而卒。繼太中主祭者。

伊川也。今繼伊川。非端彥而何。議始定。或謂師聖曰。明道既死。其長子不當立乎。曰。立廟自伊川始。又明道長子死已久。古者有諸侯奪宗。庶姓奪嫡之說。可以義起矣。伊子親注云。此一

按立者。或立宗。或世爵之家立嫡。程子於二者俱無。則所謂立子立孫者。將以至何事也。胡文定既不著其原委。而特附尹子親注一語。所云差誤者。非指句字。蓋指其事理而言。立廟主祭。伊川始。始立宗法也。立子者。立爲宗子也。今以

程子詳本

卷七

八

天理人情接之。程氏向未有宗祠。至伊川始立廟。則伊川乃宗子也。伊川嫡子。自應繼立。凡始建宗廟之人。其精神規制上。可以通祖宗。下可以感子姓。其子姓亦承祖父所建。奉之勿替。此自然之道也。假使明道長子在。亦不得與端彥爭立。蓋與公儀仲子事理迥殊。仲子通承先世之爵者也。非始爲卿大夫者也。自當立孫。伊川始立廟建宗法者也。則當立子。設今明道存時。與伊川共主其事。則明道長子雖早歿。亦應其

孫繼之既云程氏之廟。創自伊川。則伊川乃程氏不遷之主矣。故侯師聖引奪宗奪嫡之說。為證。允合於義。和靜拘古立孫之說。而又難顯言。特注其差誤。則和靜晰義之未精也。

右宗法二十條

冬至與諸友賀。先生不出。云有司法服慰。乃出。右一條雜儀。似指告宗初除喪。請改賀為慰事。

冠禮廢。則天下無成人。或欲如魯襄公十二而冠。此不可冠。所以責成人。十二非可責之時。既冠。

子詳本

卷七 禮法

九

矣。且不責以成人。事則終其身不以成人望之也。徒行此節文。何益。雖天子諸侯亦必二十而冠。今行冠禮。若制古服而冠。冠後又不常著。却是偽也。必須用時服。

右冠二條

伊問士未仕而昏。用命服。禮乎。曰。昏姻重禮。重其禮者。當盛其服。況古亦有是。士乘壘。今律亦許假借。曰。無此服而服之。亦偽。曰。不然。今之命服。乃古之下士之服。古者有其德則仕。士未仕者也。服之。

其宜也。若工商則不可。非其類也。或曰。不用可否。曰。於律得用而用之。何害。按重其禮者。盛其服。非自重也。為所見者重也。古之農夫。通義禮者。皆稱士。後世士必列名費。序乃得稱之。崇禎癸未。有布衣某者。以科臣陳燕翼薦其奇謀。得召見。過商衣冠式。子引此條為據。不當以布衣禮褻。至尊乃酌用儒冠。皂靴。而衣青屯絹衣。綴示亞於生監一等也。當時觀者以為得體。

子詳本

卷七 禮法

十

棟問如儀禮中禮制。可考而信否。曰。信其可信。如言昏禮云。問名納吉納幣。皆須卜。豈有問名了。又卜。按卜。只。苟卜。不吉。事可已。邪。此等處。難信。合正叔言。昏禮結髮。無義。欲去久矣。不能言。結髮為夫婦者。只是指其少小也。如言結髮事君。李廣言結髮事匈奴。只言初上頭時也。豈謂合髻乎。子厚云。絕非禮義。便當去之。古人凡禮。講修已定家。家行之。今無定制。每家各定。此所謂家殊俗也。至如朝廷之禮。皆不中節。

伊昏禮執雁者取其不再偶爾非隨陽之物

伊昏禮不用樂幽陰之義此說非是昏禮豈是幽

陰但古人重此大禮嚴肅其事不用樂也

時成禮也鄉射在門外曰陽禮皆用樂冠婚在門

內曰陰禮皆不用樂但婚所以不用樂者又不在

幽陰之義孔子嘗告曾子矣取婦不舉樂思親親

也然則亦非以嚴肅之故致祭班朝治軍皆嚴肅

之事而昏禮不賀人之序也此說却是婦質明而

禮也

伊棟問再娶皆不合禮否曰大夫以上無再娶禮

子詳本

凡人為夫婦時豈有一人先死一人再娶再嫁之

約只約終身夫婦也但士大夫以下有不得已再

娶者蓋緣奉公姑或主內事爾如大夫以上至諸

侯天子自有嬪妃可以供祀禮所以不許再娶也

右昏六條

伊服有正有義有從有報古者婦喪舅姑以期今

以三年於義亦可但名未正此亦謂之從服也

與夫同本見從服若姑之子為舅之子服是也

異姓之服只推得一重若為母而推則及舅而止

若為姑而推則可以及其子故舅之子無服却為

既與姑之子為服姑之子須當報之也故姑之子

舅之子其服同

伊問喪止於三年何義曰歲一周則天道一變人

心亦隨以變惟人子孝於親至此猶未忘故必至

於再變未忘又繼之以一時

按棟意似以三年猶少程子所答似謂已足夫

子早一言定之子生三年然後免於父母之懷

伊問女既嫁而為父母服三年可乎曰不可既歸

子詳本

夫家事舅姑安得伸已之私

伊問嫂叔古無服今有之何也曰禮記曰推而遠

之此說不是嫂與叔且遠嫌姑與嫂何嫌之有古

所以無服者只為無屬其夫屬乎父道者妻皆母

道也其夫屬乎子道者妻皆婦道也今上有父有

母下有子有婦叔父伯父父之屬也故叔母伯母

之服與叔父伯父同兄弟之子子之屬也故兄弟

之子之婦服與兄弟之子同若兄弟則已之屬也

難以妻道屬其妻此古者所以無服今之有服亦



是豈有同居之親而無服者。又問古却無服。豈能  
愀然曰。古雖無服。哀戚之心自在。且如隣里之喪。  
尚春不相杵。不巷歌。初初救之。況至親乎。安  
○師不立服。不可立也。當以情之厚薄。事之大小。  
處之如顏閔於孔子。雖斬衰三年可也。其成已之  
功與君父並。其次各有淺深。稱其情而已。下至曲  
藝莫不有師。豈可一槩制服。大  
○古者八十絲為一升。斬衰三升。則是二百四十  
絲。於今之布為已細。總麻十五升。則是千有二百  
絲。今蓋無有矣。卷七 禮法

右喪服六條

○有死而復蘇者。故禮三日而斂。然趙簡子七日  
猶蘇。雖蛆食其舌鼻。猶不害。唯伏地甚者。遂致并  
腹腫背冷。故未三日而斂。皆有殺之之理。紫  
按衰老久病。皆無蘇理。災月久停。殊為死者害。  
三日之禮難拘。  
○重主道也。士大夫得設重。應當有主。既埋重。不  
可一日無主。故設苴。及其已作主。即不用苴。

伊木主必以栗。何也。曰。周用栗。土所產之木。取其  
堅也。今用栗。從周制也。若四方無栗。亦不必用。但  
取其木之堅者可也。安

伊喪須三年而祔。若卒哭而祔。則三年却都無事。  
禮卒哭。猶存朝夕哭。若無主在。寢哭於何處。

伊某家治喪。不用浮圖。在洛亦有一二家化之。釋  
氏道場之用螺鈸。蓋胡人之樂也。今用之死者之

側。是以其樂臨死者也。天竺之人重僧。見僧必飯  
之。因使作樂於前。今乃為之於死者之前。至如慶

禱亦雜用之。是甚義理。如此事。被他欺謾千百年。  
無一人理會者。西

伊墓鮮不被蟲者。雖極深亦有土蟲。故思木之不  
壞者。得栢心為久。後又見松脂錮之。又益久。故用

松脂塗棺。  
按栢性燥。不如杉性和平。且栢生時。即有蟲蛭

之。惟杉永久不蛀。墓側可種杉。栢雖不能解蛭。

猶不致聚蟻也。松最引蟻。觀松樹上下蟻極多。  
只可栽遠所壯墓間鬱葱之氣。

伊川嘗為墓說其穴之次如尊穴南向者北首陪葬者前為兩列亦須北首各於其穴安夫婦之位坐於堂上則男東而女西卧於室中則男外而女內也推此為法觀之墓須為坎室乃安若直下便以土實之則許大一塊虛上壓底四向流水必趨土虛處大不便也且棺槨雖堅恐不能勝許多上頭有失土化者無使土親膚之義臨大

釋子詳本

卷七禮記

主

男外而女內也。穆穴亦男東而女西。是男內而女外矣。愚意主內外不主東西。即今朝禮觀之。東班以西為尊。西班以東為尊。惟取近中為主也。所謂坎室如今築壙用磚墻石蓋任厚土壓之無虞。

伊世間術數多。惟地理書最無義理。祖父葬時亦用地理人。尊長皆信。惟先兄與其不然。後來只用昭穆法。或問憑何文字擇地。曰只昭穆便是地理書也。但風調地厚處足矣。某川昭穆法葬一穴。既

而尊長召地理人觀之。云是商音絕處。某曰固知其絕處。且試看如何。某家至今人已數倍矣。棟

按宋時以五音論地。真無義理。故二程俱不信。若他地理書有義理者。自多。即如風調地厚四字。亦儘合地理。但風調之妙。微而難知。地厚之說。又近粗。其以生命多解商音。絕最可破惑。

合程氏自先生兄弟所葬。以昭穆定穴。不用墓師。

以五色帛埋旬日。視色明暗。卜地氣善否。紫

伊范淳夫之墓。先生為之經理。掘地深數丈。不置。

釋子詳本

卷七禮記

主

一物葬之日。招左近父老。犒以酒食。示之其後發塚者相繼。而淳夫墓獨完。紫

按千里遠。賊必因隣近。數世後患止。因目前深慮良規。不獨瘞死宜然也。即治生以貽孫謀。亦在決里黨之情。而薄其蓋藏。使知無可欲。則在亂而能安矣。

伊溫公薨。朝廷命伊川先生主其喪事。是日也。祀明堂禮成。而二蘇往哭溫公。道遇朱公揆。問之。公揆曰。程先生以為慶弔不同。日二蘇悵然而反。曰。

塵糟敗裏叔孫通也。言其山野自是時時謔伊川他日

國忌禱於相國寺伊川令供素饌子瞻詰之曰正

叔不好佛胡爲食素正叔曰禮居喪不飲酒食肉

忌日喪之餘也子瞻令具肉食於是范淳夫等食

素秦黃輩食肉呂甲公爲相凡事有疑必質於伊

川進退人才二蘇疑伊川有力故極口詆之云紫芝

按慶後不妨弔於情合則於禮通朱子有云自

哀而樂難自樂而哀易若忌日喪之餘素饌無

疑矣謔者自陷於虐

程子詳本 卷七 禮法

伊受祥肉彈琴恐不是聖人舉動使其哀未忘則

子於是日哭則不歌不飲酒食肉以全哀況彈琴

可乎使其哀已忘何必彈琴

伊伊川程子墓父使周恭叔主客客欲酒恭叔以

告先生曰勿陷人於惡胡氏本

右喪十三條

伊或問今拜掃之禮何據曰此禮古無但緣習俗

然不害義理古人直是誠質墓只是藏體魄而神

則必歸於廟既墓則設木主既除几筵則木主安

於廟故古人惟專精祀於廟今亦用拜掃之禮但簡於四時之祭也。安節

○嘉禮不野合野合則祧禘也故生不野合則死

不墓祭蓋燕享祭祀乃宮室中事後世習俗廢禮

有踏青藉草飲食故墓亦有祭如禮望墓爲壇并

塚人爲墓祭之尸亦有時爲之非經禮也後世在

上者未能制禮則隨俗未免墓祭既有墓祭則祠

堂之類亦且爲之可也

按此祠堂卽建於墓側者後世墓祭有補於孝

程子詳本 卷七 禮法

思殆純儉之類君子樂從

○家人墓祭則爲尸舊說爲祭后土則爲尸者非

也蓋古人祭社之外更無所在有祭后土之禮

按周禮墓祭祭土神也或將墓而告期或既葬

而致祈也家人主其地故爲之尸若拜掃祭先

當以子孫爲尸豈得用家人此說出王應電周

禮傳其當程子前條尚心舊說

○橫渠於墓祭令一分食而祭之故告墓之文有

奔走荆棘殺亂枯盤之列之語此亦未盡也如獻

戶則可合而為一鬼神如何可合而為一

橫渠墓祭只為一位恐難推同凡之義同凡位

祭之謂夫婦呂氏定一歲疏數之節恐未合人情

雨露既濡霜露既降皆有所感若四時之祭有所

未及則不得與感之意凡祭祀敬齊禮文之類尚

皆可緩且要大者先正今程氏之家祭只是男女

異位及大有害義者稍變得一二

上大夫必建家廟廟必東向其位取地潔不喧

處設席坐位皆如事生以太祖面東左昭右穆而

程子詳本卷七禮法

已男女異位蓋舅婦生無共坐也按王文成做

考妣異席南向而曾祖祢三代考江都氏家祭

向謂得男女之列實本伊川此說也然使三世皆

不得此肩而坐夫婦隔絕子孫之心其主皆刻木

未安愚於陽明寄鄒謙之書詳論之

牌取生前行第或銜位而已婦各從夫每月告朔

茶酒四時春以寒食夏以端午秋以重陽冬以長

至此時祭也每祭訖則藏主於北壁夾室拜墳則

十月一日拜之感霜露也寒食則又從常禮祭之

飲食則稱家有無祭器坐席皆不可雜用廟門非

祭則嚴扃之童孺奴妾皆不可使褻而近也光庭

伊棣問祭起於聖人之制作以教人否曰非也祭

先本天性如豺有祭獺有祭鷹有祭皆是天性豈

有人而不如物乎聖人因而裁成禮法以教人耳

又問今人不祭高祖如何曰高祖自有服不祭甚

非某家祭高祖又問今士庶家不可立廟如何曰

庶人祭於寢今之正廳是也凡禮以義起之如富

家及士置一影堂亦可但祭時不可用影又問用

主如何曰白屋之家不可用只用牌子如某家主

式是殺諸侯之制也大凡影不可用祭若用影祭

程子詳本卷七禮法

須無一毫差方可若多一莖髮便是別人棟

按祭享自當設主刻像寫真使後人望其容儀

想其精神耳孟子亦嘗自刻石像

伊自天子至於庶人五服未嘗有異皆至高祖服

既如是祭祀亦須如是其疏數之節未有可考但

其理必如此七廟五廟亦只是祭及高祖按此語

大夫士雖或三廟二廟一廟或祭寢廟則雖異亦

不害祭及高祖

按四代之祭本服制以斷之

祀先之禮不可得而推者無可奈何其可知者無遠近多少須當盡祭之祖又豈可不報又豈可厭多蓋根本在彼雖遠豈得無報

按此專論情也禮則不可故惟墓祭爲不備不忘若祭於廟則千年之家須祭三十餘代矣

伊八歲爲下殤十四爲中殤十九爲上殤七歲以下爲無服之殤無服之殤更不祭下殤之祭父母上之終父母之身中殤之祭兄弟主之終兄弟之身上殤之祭兄弟之子主之終兄弟之子之身若

程子詳本 卷七 禮法 主 成人而無後者兄弟之孫主之亦終其身凡此皆以義起也 節 安

庶母亦當設主但不可入廟子祀於私室主之制度則一蓋有法象不可增損增損則不成矣 伊祭祀之禮難盡如古制以義起之可也富公問配享先生曰合葬用元妃配享用宗子之所出又問祭用三獻何如曰公是上公之家三獻太薄古之樂九變乃是九獻曰兄弟可爲昭穆否曰國家弟繼兄是繼位故可爲昭穆士大夫則不可 肆

○古人祭祀用尸極有深意人之魂氣既散孝子求神而祭非尸則無享非至則無依魂氣必求其類而依之人與人既爲類骨肉又爲一家之類已與尸各既已潔齊至誠相通以此求神宜其享之後世不知此直以尊卑之勢遂不肯行然古人爲尸者亦自處如何三代之末已是不得已而廢 伊事神易爲尸難苟孝子有思親之心以至誠持之皆可以盡其道惟尸象神其所以祖考來格者以此後世巫覡亦立尸之遺意但其流入於妄僞

程子詳本 卷七 禮法 主 豈有通幽明之理 伊古者男爲男尸女爲女尸自周以來女無可以爲尸者故無女尸後世遂無尸 節 安

伊尸如配位時男男尸女女尸祭事主嚴雖同時共室亦無嫌與喪祭執事不嫌同義執事且爾況今日事之便如國之先君與夫人如合祭之時考妣當異位蓋人情亦無舅婦同坐之禮如特祭其廟之時則不害夫婦並祭 伊君與夫人當異廟故自無配 臨 大

按此條義未可解

家祭凡拜皆當以兩拜爲禮。今人事生以四拜爲再拜之禮者，蓋中間有問安之事故也。事死如事生，誠意則當如此。至如死而問安，却是瀆神。若祭祀有祝有告謝神等事，則自當有四拜六拜之禮。

伊問既奠之酒，何以置之？曰：古者灌以降神，故以茅縮酌，謂求神於陰陽有無之間，故酒必灌於地。若謂奠酒則安置在此，今人以澆在地上，甚非也。

程子詳本

卷七 禮法

三

既獻則撤去可也。傾在他器。安

伊周伯溫問祭用祝文否？曰：某家自來相承不用，今待用也。律

明幸渙皆享於帝立廟，因其精神之聚而形於此，爲其渙散，故立此以收之。良

萬物本乎天，人本乎祖，故冬至祭天而祖配之，以冬至者氣至之始故也。萬物成形於地而人成形於父，故季秋享帝而父配之，以季秋者物成之時故也。酢

按此條朱子全採入周頌我將傳

伊郊祀配夫宗祀配上帝，天與上帝一也。在郊言天，以其冬至生物之始，故祭於圜丘而配以祖。陶匏棗栗掃地而祭，宗祀言上帝以季秋成物之時，故祭於明堂而配以父。其禮必以宗廟之禮享之，此義甚彰灼。但孝經之文有可疑處，周公祭祀當推成王爲主人，則當推武王以配上帝，不當言文王。若文王配，則周公自當祭祀矣。周公必不如此。按此禮制自周公推本武王之心，必宗祀文王。

程子詳本

卷七 禮法

三

乃安使拘季秋成物之義，必以父配則康王時又當改配成王，必不然矣。孔子云：周公其人也。以制禮而言，愚有嚴父配天解。

伊問禘是如何？曰：禘是天子之祭，五年一禘，祭其祖之所自出也。又問：禘曰祫，合祭也。諸侯亦祭祫，只是祠禴嘗烝之祭，爲廟禮煩，故每年於四祭中三祭合食祖廟，惟春則偏祭諸廟也。

伊天子大祭曰禘，諸侯大祭曰祫，皆是合祭之義。禘從帝，禘其祖之所自出之帝，以所出之帝爲東。

向之尊其餘合食於其前是為禘也諸侯無所出  
之帝只於太祖廟以羣廟之主合食是為祫魯所  
以有禘者只為得用天子禮樂故於春秋之中不  
見言祫只言禘言大事者即是祫言大事於太廟  
驛倍公即是合食閔倍二公之義若時祭即當言  
有事言禘於莊公只是禘祭言吉者以其行之太  
早也四時之祭有禘之名只是禮文交錯  
伊問禘廟如何曰祖有功宗有德文武之廟永不  
禘也所禘者文武以下廟曰兄弟相繼如何曰此

禘子詳本

卷七 禮法

三

皆自立廟然如吳太伯兄弟四人相繼如何按太伯  
惟有四仲若上更有二廟不禘則遂不祭祖矣按  
應作故廟雖多亦不可禘只禘得服絕者以義起  
之可也按五廟七廟五世七世也兄弟相傳曰及  
廟雖多止人數雖多共當一世非以一人為一世故  
禘服絕者如本朝太祖太宗皆萬世不禘之廟河  
東閔浙諸處皆太宗取之無可禘之理

右內祀二十七條

禘棟問卜郊如何曰春秋有卜郊但卜上辛不吉  
則卜中辛中辛又不吉則當便用下辛不可更卜

也如魯郊三卜四卜五卜至於不郊非禮又問三  
年一郊與古制如何曰古者一年之間祭天甚多  
春則因民播種而祈穀夏則恐旱暵而大雩以至  
秋則明堂冬則闕丘皆人君為民之心也凡八子  
不可一日不見父母國君不可一歲不祭天豈有  
三年一親郊之理

仍用休問六天之說曰此起於讖書鄭玄之徒從  
而廣之其可笑也帝者氣之主也東則謂之青帝  
南則謂之赤帝西則謂之白帝北則謂之黑帝中

禘子詳本

卷七 禮法

三

則謂之黃帝豈有上帝而別有五帝之理此因周  
禮言祀昊天上帝而後又言祀五帝亦如之故諸  
儒附此說按周禮五帝非上帝之隨方而異名也  
隨四時及土王而異名也昊天上帝則統言之雖  
言五帝統是一帝也非有六帝至稱六天蓋謬  
又問周禮之說果如何曰周禮中說祭祀更不可  
考證六天之說正與今人說六子是乾坤退居不  
用之時同也不知乾坤外甚底是六子譬如人之  
四肢只是一體爾林  
○橐籥大羹鸞刀須用誠相副

伊用休問北郊之禮曰北郊不可廢元祐時朝廷議行只爲五月間天子不可服大裘皆以爲難行不知郊天郊地禮制自不同天是資始故凡用物皆尚純藉用橐秸器用陶匏服用大裘是也地則資生安可亦用大裘諸公知大裘不可服不知別用一服是時蘇子瞻便據昊天有成命之詩謂郊社同文潞公便謂譬如祭父母作一處何害且此詩冬至夏至皆歌豈不可邪豈知郊天地又與共祭父母不同也此是報本之祭須各以類祭豈可

釋子詳本

卷七 禮法

三

同時耶

明禮云惟祭天地社稷爲越紼而行事似亦大早雖不以卑廢尊若既葬而行之宜亦可也未葬時哀戚方甚不能祭爾紼  
合越紼則是猶在殯官於時無由致齋又安能脫喪服衣祭服縱天地之祀不可廢只消使冢宰攝爾按禮宗昔者英宗初卽位有人以此問先生答曰古人居喪按此下相傳疑有闕字蓋古人居喪百事皆如常特於祭祀廢之則不若無廢爲愈也

按程子此言直欲子厚正之曰父在爲母喪則不敢見其父不敢以非禮見也按此論太子見君之禮非所以祭士大夫今天子爲父之喪以此見上帝是以非禮見上帝也故不如無祭臨大

按張子此言直欲廢郊祭據禮喪三年不祭謂不親祭耳非廢祭也其云惟祭天地社稷則是餘祭皆廢豈有因抱哀痛而令祖先三年無食乎王制之說謬也天子諒陰使大臣攝祭諸侯以下祭先必親無可疑者然祭吉禮也喪服不

釋子詳本

卷七 禮法

三

可以祭又不敢卽吉大抵玄素爲宜

伊五祀恐非先王之典皆後世巫祝之言報則遺其重者井人所重行寧廊也其功幾何

右外祀七條

明祭者所以盡誠或者以禮爲一事人器與鬼器等則非所以盡誠而失其本矣紼

交神明之意當在事生之後則可以盡孝愛而得其享全用古事恐神不享臨大

伊凡祭必致齋齋之日思其居處思其笑語此孝



子平日思親之心非齋也。齋不容有思。有思則非齋。齋三日必見其所為齋者。此非聖人之語。齋者湛然純一方。能與鬼神接。然能事鬼神。已是上一等人。安節

按內祀與外祀不同。他鬼神原無志意聲容。可思。若思其所祭之親。亦何妨於純一。外祀致敬。內祀致孝。

### 右祭義四條

伊或曰。正叔所定婚禮。復有婿往謝之禮。何也。曰。程子詳本。

卷七 禮法

三

如此乃與時稱。今將一古鼎古敦音用之。自是人情不稱。兼亦與天地風氣不宜。禮時為大。須當損益。使今人衣古冠冕。情性自不相稱。蓋自是氣有淳漓。觀三代之時。生多少。聖人後世至今。何故寂寥未聞。蓋氣有盛必有衰。衰則終必復盛。若冬不春。夜不晝。則氣息矣。聖人主化。若禹之治水。順則當順之。治則須治之。古之伏羲豈不能垂衣裳。必待堯舜然後垂衣裳。據如此事。只是一箇聖人都做得了。然必須數世然後成。亦因時而已。所謂溥

博淵泉而時出之也。須先有溥博淵泉。方能時出。大抵氣化在天在人一般。聖人於其中只有功用。放勳曰。勞之來之。匡之直之。輔之翼之。正須如此。伊今人古人。壽考形貌皆異。古人皆不減百餘歲。觀其形象被冠冕之類。今豈有此等人。故籩豆簠簋不可施於今。時不同也。時上儘窮得理。孟子言五百年必有王者興。以其時考之則可矣。他嘿識此體用大約是如此。豈可催促得他。

伊所以有古今人物之異者。自然之理。譬之一片

程子詳本 卷七 禮法

三十

地始開荒田。則其收穀倍及其久。一歲薄於一歲。氣有盛衰故也。如東西漢。人才文章皆別。所尚異也。尚所以異。由心所為。心所以然者。只為生得來如此。如春夏冬所生之物各異。其栽培澆灌之宜亦須各以其時。不可一也。即均是春生之物。春初生得別。春中又別。春盡所生又別。禮之隨時處宜只是正得當時事。所謂時者。必明道以貽後人。伊禮孰為大。時為大。時當隨則隨。當治則治。當其時作其事。便是能隨時。隨時之義大矣哉。徇流俗

非隨時知事可正嚴毅獨立乃是隨時也人言隨時爲且和同只是流徇耳和是和於義故學者患在不能識時

右禮論五條

程子詳本卷七

程子詳本

卷七禮法

五

程子詳本卷八

出處

合明道言邦有道穀邦無道穀恥也此汎舉也直哉史魚不若君子哉蘧伯玉然則危言危行危行言遜乃孔子事也危猶獨也與衆異不安之謂邦無道行雖危而言不可不遜也伊川言卷而懷之乃危行言遜也

從彥

按卷而懷之無道則隱此君子之事也隱則言行皆不見於朝何復危遜之可見乎危行言遜

程子詳本

卷八出處

一

蓋無道而猶仕如伊尹亂亦進相似此非聖人不能故明道曰孔子事也

明樂則行之憂則違之樂與憂皆道也非已之私也

按行其所樂曲肱簞瓢是也違其所憂閉戶於鄉隣之闕是也行在身不在世亦藏之事也故合樂行與憂違總歸潛龍

伊仲尼當周衰轍環天下顏子何以不仕曰此仲尼之任也使孔子得行其道顏子不仕可矣然孔

子既當此任則顏子足可閉戶爲學也。安

按轍環便是仕。非必居位乃爲仕也。閉戶方是不仕。故孔出則顏可處。然使聖道得行。顏子正當出而輔運。豈亦非一聖人可獨行者。

伊孔子之時。諸侯甚強大。然皆周所封建也。周之典禮雖甚廢壞。然未泯絕也。故齊晉之霸。非挾尊王之義。則不能自立。至孟子時。天下之大國七。非周所命者四。先王之政絕而澤竭矣。夫王者天下之義主也。民以爲主。則謂之天王。天子民不以爲

王則獨夫而已矣。二周之君。雖無大惡。見絕於天下。然獨夫也。故孟子勉齊梁以王者。與孔子之所

以告諸侯不同。君子之救世。時行而已矣。或謂孔子尊周。孟子欲齊王行王政。何也。先生

曰。譬如一樹。有可栽培之理。則栽培之。不然須別種。聖賢何心。視天命之改與未改爾。紫

伊問前世所謂隱者。或守一節。或敦一行。亦有知道者否。曰。若知道。則不肯守一節一行也。如此等入鮮明理。多取古人一節事專行之。古人有行一

不義雖得天下不爲。則我亦不爲。按此正是聖人

一節而已。若能此。乃知道乃自得也。古人有高尚。隱逸不肯就仕。則我亦不仕。如此等。則倣效前人耳。於道鮮自得也。是以東漢尚名節。有殺身不悔者。只爲不知道也。安

伊問守身如何。曰。守身守之本。既不能守身。更說甚道義。曰。人說命者。多不守身。何也。曰。便是不知命。孟子曰。知命者。不立巖墻之下。或曰。不說命者。又不敢有爲。曰。非特不敢爲。又有多少畏恐。然二

者皆不知命也。節

伊問家貧親老。應舉求仕。不免有得失之累。何修可以免此。曰。此只是志不勝氣。若志勝。自無此累。家貧親老。須用祿仕。然得之不得。有命。曰。在已固可爲親奈何。曰。爲已爲親也。只是一事。若不得其

然後歸之於命。理

臨大賢者惟知義而已。命在其中。中人乃以命處義。

如命何。孔子曰：不知命，無以為君子。然聖人言命，為中人設。非為上智者言也。人於得喪之際，不能不惑。故有命之說，然後能安。若上智，惟安於義，借使求則得之，然非義亦不求。上智安於義，中人安於命。乃若聞命而不能安之，又其每下者也。安節

伊川與和靖論義命。和靖曰：聖人只有箇義。伊川曰：何也？和靖曰：行一不義，殺一不辜，而得天下，皆不為也。奚以命為？伊川大賞之。寬

伊問有殺身以成仁，竊謂苟所利者大，一身何足

程子詳本

卷八 出處

四

惜也。曰：但看生與仁孰重。夫子曰：朝聞道，夕死可矣。人莫重於生，至於捨得死，道須大段好，如生也。曰：既死矣，敢問好處如何？曰：聖人只睹一箇是。若按夕死是常殺身，是變夕死不因聞道上成仁。在殺身上二事不同。程子姑卽常以明變與

明感慨殺身者易從，容就義者為難。約

孔子問衛亂，曰：柴也其來乎？由也其死矣。二者蓋皆適於義。孔惺受命立輒，若納劇噴，則失職，與輒拒父則不義，如輒避位，則拒劇噴可也，如輒拒

父，則奉身而退可也。故子路欲勸孔惺無與於此，忠於所事也。孔惺既被脅，子路自不得不死。然燔臺之事，則過於勇暴也。公子郢志可嘉，然當立而不立，以致衛亂，亦聖人所當罪也。而春秋不書，事可疑耳。

漢策賢良，簡是人舉之。如公孫弘者，簡強起之，乃就對。後世賢良乃自求舉耳。若果有心只望廷對，欲直言天下事，則亦可尚矣。若志在富貴，則得志便驕縱，失志便放曠與悲愁而已。

程子詳本

卷八 出處

五

陳寔見張讓是故舊，見之可也。不然則非矣。此所謂太丘道廣。

伊富文忠公辭疾歸第，以其俸券還府，府受之。先生曰：受其納券者固無足議，然納者亦未為得也。留之而無請，可矣。胡氏

熊氏曰：俸當請，則請以與鄰里鄉黨可也。不當請，何必留券？

公司馬溫公辭副樞，名冠一時。天下無賢不肖，浩然歸重。呂申公亦以論新法不合，罷歸。熙寧末，申

公起知河陽。明道以詩送行。復爲詩與溫公。蓋恐其以不出爲高也。及申公自河陽乞在京宮祠。神宗大喜。召登樞府。人以二公出處爲優劣。二先生曰。呂公世臣。不得不歸見上。司馬公諍臣。不得不退處。芝紫

伊人注擬差遣。有欲就主簿者。問其故。則曰。責輕於尉。某曰。却是尉責輕。尉只是捕盜。不能使民不爲盜。簿佐令以治一邑。使民不爲盜。簿之責也。豈得爲輕。或問簿佐令者也。簿所欲爲。令或不從。奈

釋子詳本

卷八出處

太

何曰。當以誠意動之。今令與簿不和。只是爭私意。今是邑之長。若能以事父兄之道事之。過則歸已。善則惟恐不歸於令。積此誠意。豈有不動人。問授司理如何。曰。甚善。若能充其職。可使一郡無冤民也。慎官言事不合。如之何。曰。必不得已。有去而已。須權量事之大小。事大於去。則當去。事小於去。亦不須去也。事大於爭。則當爭。事小於爭。則不須爭也。今人只被以官爲業。如何去得。安師

伊問聖人有爲貧而仕者否。曰。孔子爲乘田委吏

是也。又問或云。乘田委吏。非爲貧。爲之兆也。曰。乘田委吏。不是爲兆。爲魯司寇。便是爲兆。地

伊先生在經筵時。與趙侍郎范純甫同在後省行。見曉示至節。令命婦進表。賀太皇及太后太妃。趙范更問備辦。因問先生。先生云。某家無命婦。二公愕然。問何不叙封。先生曰。某當時起自草萊。三辭然後受命。豈有今日乃爲妻求封之理。其夫人至。今無封號。問今人陳乞恩例。人皆以爲本分。不爲害。先生曰。只爲今士大夫。道得乞字。慣動不動。是乞也。因問

釋子詳本

卷八出處

七

乞封父祖。如何。先生曰。此事體又別。再三請益。但云其說甚長。待別時說。地

按此等處。明道先生必有矢口。便能發明理致。點動人良心者。

伊先生在講筵。嘗無錢使。諸公因問。必是俸給不足。後乃知到任。不曾請俸。諸公遂牒戶部。問不支俸錢。戶部索前任曆子。先生曰。某起自草萊。無前任曆子。舊例。初入京官。時用下狀。出給料錢。曆其意。謂朝廷起我。便當廩人。繼要庖人。繼肉也。遂令戶部自爲出券。曆戶部只欲與折支。諸公

又理會館閣尚請見錢，豈有經筵官只請折支，又檢例，無崇政殿說書已久，戶部遂定以前未請者，只與折支，自後支見錢，先生後自涪陵歸，復官半年，不曾請俸，糧料院吏人忽來索請券狀子，先生云：「自來不會寫狀子，受事人不去，只令弟子錄與受官月日。」迪

按以上二條，先生取受之間，氣象嚴毅，儼然在目，然索券不與，恐思孟亦未必爾。

伊先生初受命，便在假，既而供職，尹焞深疑之，先

程子詳本 卷八 出處

八

生曰：「新君即位，首蒙大恩，自二千里放回，豈得不受？某在先朝，則當時執政大臣皆相知，故不當如此受。今則皆無相知，朝廷只是憐其貧，不使饑餓，某須領朝廷厚意，與受一月料錢，官則必做不得，既已受諾，却不供職，是與不受同，且畧與供職數日，然後惟吾所欲。」迪

熊氏曰：「官既必不可為，則拜放回之恩而不受，乃為至當。」

伊先生言今日供職，只第一件便做不得，吏人押

申轉運司狀，某不曾會，國子監自係臺省，臺省係朝廷官，外司有事，合行申狀，豈有臺省倒申外司之理？只為從前人，但計較利害，不計較事體，直得恁地須看聖人欲正名處，見得名不正時，便至禮樂不興，自然住不得。今日第一件便如此，人不知一似好做，作只這些子，某便做官不得，若做時，須一一與理會。」迪

伊謝某曾問涪州之行，知其由來，乃族子與故人耳，族人謂程公孫先生答曰：「族子至愚，不足責，故

程子詳本 卷八 出處

九

人情厚，不敢疑。孟子既知天，安用尤臧氏？按四語合天人難者，百世之法，因問邢七雖為惡，然必不更傾先生也。曰：「然邢七亦有書到某云：『屢於權宰處言之，身為言官，却說此話，未知傾與不傾，只合救與不救，便在其間。』」迪

伊宣仁山陵，程子往赴，呂汲公為使，時朝廷以館職授子，子固辭，公謂子曰：「仲尼亦不如是。」程子曰：「何也？」公曰：「陳恒弑其君，請討之，魯不用，則亦已矣，子未及對，會殿帥苗公至，子辟之幕府，見公壻王

謙曰先生不亦甚乎欲朝廷如何處先生也子曰且如朝廷議北郊所議不合禮取笑天下後世豈不知有一程某亦嘗學禮何為而不問也按先生嘗云孟子言誦如水精有光誠又云賢人之言誦曰必引而自高不自高則其道不尊殆自道云北郊如何曰此朝廷事朝廷不問而子問之非可言之所也其後有問汲公所言陳恒之事是歟曰於傳仲尼是時已不為大夫公諫言也釋伊殿帥苗公問程子曰朝廷處先生如何則可程子對曰且如山陵事苟得專處雖永安尉可也釋程子詳本 卷八 出處

伊執政有欲薦先生為諫官者先生以書辭曰公知射乎有人執弓於此發而多中人皆以為善射矣一日使羿立於其傍道之以穀率之法不從羿且怒而去矣從之則戾其故習而失多中之功故不若處羿於無事之地則羿得盡其言而用舍羿不恤也願才非羿也然聞羿之道矣慮其害公之多中也釋

按此書詞氣輕俊不似先生手筆子夏謂夫子聽其言也厲厲固言之則乎然夫子溫良恭儉

讓必聞邦政程子立朝非久上下多苦之讀其辭氣時或過於厲也語錄中凡思叔所記語多輕俊

伊呂汲公以百緡遺子子辭之時子族兄子公孫在旁謂子曰勿為已甚姑受之子曰公之所以遺某者以某貧也公位宰相能進天下之賢隨才而任之則天下受其賜何獨某也天下貧者亦衆矣恐公不能周也釋

伊謝湜自蜀之京師過洛而見程子子曰爾將何之曰將試教官子弗答湜曰何如子曰為人師而試之乎湜不能用釋

伊先生自涪州歸過襄州楊畏為守待之甚厚先生曰某罪戾之餘安敢當此畏曰今時事已變先生曰時事雖變某安敢變汪端明

附出處一 交道

伊問人有以君子敬而無失與人為一句是否曰敬是持已恭是接人與人恭而有禮言接人當如此也近世淺薄以相懼狎為相與以無圭角為相

懼愛如此者安能久。若要久，須是恭敬。君臣朋友皆當以敬為主也。比之上六曰：比之无首，凶。象曰：比之无首，無所終也。比之有首，尚懼無終。既无首，安得有終。比之道，須當有首。或曰：君子淡以成，小人甘以壞。曰：是也。豈有甘而不壞者？安節

伊或問：子畏於匡，使孔子遇害，顏子死之否乎？曰：豈特顏子之於孔子？若二人同行，遇難固可相死也。又問：親在則如之何？曰：如執干戈衛社稷，到急處便遁逃去之。言我有親是大不義也。當此時豈程子詳本

卷八 出處

主

問有親無親，但當預先謂吾有親，不可行則止。豈到臨時却自規避也？且如常人爲不可獨行，須結伴而出，至如親在爲親圖養，須出去亦須結伴同去，便有患難相死之道。昔有二人同在嵩山，出就店飲酒，一人大醉，卧在地下，夜深歸不得，一人又無力扶持，尋常曠野中有虎豹盜賊，此人遂只在傍直守到曉，不成不顧了自歸也。此義理當然者也。禮言不許友以死，此言亦在人用，蓋有親在可許友以死者，有親不在不可許友以死者，可許如

二人同行之類是也。不可許如戰國游俠爲親不在乃爲人復仇，甚非也。安節

○先生語子良曰：納拜之禮，不可容易。非已所尊敬，有德義服人者，不可。余平生只拜二人，其一呂申公，其一張景觀奉議也。昔有數人同坐，說一人短，其間有二人不說，問其故，其一曰：某曾拜他，其一曰：某曾受他拜。王拱辰君貺初見周茂叔，爲與茂叔世契，便受拜，及坐上大風起，說風天大畜卦，君貺乃起曰：某適來不知受却公拜，今某却當納

程子詳本

卷八 出處

三

拜茂叔，走避。君貺此一事亦過人，謝用休問當受拜，不當受拜，曰：分已定，不受乃是。樣

伊伊川與韓持國善，韓年八十，伊川欲往見之，因正月一日弟子賀正，乃曰：某今年有一債未還，須當暫往賴昌見韓持國，春中往還焉。久留賴昌，韓早晚伴食，體貌加敬。一日韓密謂其子彬叔曰：先生遠來，無以爲意，我有黃金藥撰一重二十兩，似可爲先生壽，然未敢遽言，我當以他事使子侍食，因從容道我意，彬叔侍食如所戒，試啓之。先生曰：



某與乃翁道義交。故不遠而來。奚以是爲。詰朝遂歸。韓謂彬叔曰。我不敢面言。正謂此爾。再三謝過而別。焯

按伊川泰山巖巖氣象。然亦不至露圭角。辭受嚴言色和盡善矣。持國亦大賢。他人未免起愠。伊人或勸先生加禮近貴。先生曰。何不見責以盡禮而責之以加禮。禮盡則已。豈有加也。

附出處二臣道

伊學者不可不通世務。天下事譬如一家。非我爲

程子詳本

卷八出處

五

則彼爲非甲爲則乙爲

按伊川尚能畱心世務。每論事儘通達。但行處尚有窒礙。難方孟子明道耳。後世儘有畱心性命篤意踐履者。而於世務全不通曉。則是分內外之道。可稱善人。未可稱善學。

伊儒者逢時生靈之幸

職事不可以巧免

事君有犯無隱。事親有隱無犯。有時而可分。

按孝者所以事君。蓋其不可分處多矣。

伊信而後諫。唯能信。便發得人志。

或問劉蕡曰。浚恒之凶。始求深也。然則宜如何。曰。尺蠖之屈。以求伸也。踈遠小臣。一旦欲以新聞舊難矣。芝紫

今天下之士人。在朝者不能言。退者遂忘之。又不肯言。此非朝廷吉祥。雖未見從。又不曾有大橫。見加便豈可自絕也。君臣父子也。義不可絕。豈有身爲侍從。尚食其祿。視其危亡。曾不論列乎。大臨

程子詳本

卷八出處

五

按此有明道之志。則可。

英宗欲改葬西陵。當是時。潞公對以禍福。遂止。其語雖若詭對。却濟事。臨大

明明道見神宗。論人材。上曰。朕未見也。明道曰。陛下奈何輕天下士。上然曰。朕不敢。朕不敢。胡氏

按君臣間有唐虞氣象。當時若無安石橫斜。插

入神宗。必用明道爲相。宋室可大治也。豈非天

哉。豈非天哉。

明御史俸簿。故臺中有聚廳向火。分廳喫飯之語。

熙寧初，伯淳入臺爲裏行，則反之，遂聚廳喫食，分  
廳向火。臣王得

按舊例，從俸薄來，意當時喫飯少饌，有自携者，  
故分廳。伯淳欲使豐儉共之，見協恭和衷之誼，  
至向火不妨隨意耳。余初疑飯時便於商酌事，  
理魚山云：若爲商酌，向火時不更久乎？還重在  
豐險同餐上得之。

合正叔說。范堯夫對上言：陛下富國強兵，後待做  
甚，此言安足諭人主？如周禮豈不是富國之術，存

程子詳本 卷八 出處

大

焉橫渠言：堯夫抑上富強之說，正猶爲漢武帝言，  
神仙長年不足惜，言豈可入聖賢曉人？不如此方  
拙如梁惠王問何以利國，則說利不可言之理，極  
之至于不奪不壓。疏

按孟子利不可言，則極推其害。仁義當言，則順  
明其利。人疑儒者迂闊，豈知迂闊乃在不致知  
之正人如程張二子，便通達過堯夫遠矣。至如  
孟子直是救時中病之良劑，孔子更是起死回  
生之靈丹，總知至也。

伊孔子言期月三年，須是知遲速之理，昔嘗對拒  
宗說此事曰：陛下若問如何措置三年有成，臣卽  
陳三年之事；若問如何措置期月而可，臣卽陳期  
月之事。當時朝廷無一人問著，只李邦直云：稱職  
稱職，亦不曾問一句。兩若

按期月而可，三年有成，此大有通融之理。在當  
年有用孔子者，止是諸侯與後世一統之勢異。  
孔子爲政，必就一國中能使四方觀法。上及王  
室，蓋具有天下之規模焉。又用之者，或魯或齊，

程子詳本 卷八 出處

七

或衛或楚，俱不可定。各國自有風土利弊，致治  
之道雖一，撥亂之方不齊，必欲定其期月三年  
中如何作用，如何功效，恐難一一數也。大要可  
言者，風動人心最蚤，足食足兵等實事稍遲。舉  
大綱與除當時要務在先，斟酌諸色規條使曲  
盡無遺，在後。期月三年之大分，其可言者約如  
此耳。此則不拘何國皆然，不拘一國與天下亦  
皆然。若以古今時事言之，程子時異於孔子時，  
今時又異於程子時，學者須從今日籌用我之

效然後聖人當日之作用。可知而可言也。

伊問世傳成王幼，周公攝政，荀卿亦曰：履天下之籍，聽天下之斷，周公果踐天子之位，行天子之事乎？曰：非也。周公位冢宰，百官總已以聽而已。又問：君薨，百官聽於冢宰三年，爾周公至於七年，何也？曰：三年謂嗣王居憂之時，七年為成王幼故也。又問：賜周公以天子之禮樂，當否？曰：人臣安得用天子之禮樂哉？使周公在必不肯受。故孔子曰：其周公之衰乎！以此為周公之衰，是成王之失也。介甫

程子詳本

卷八 出處

太

乃云：周公有入臣，不能為之功，因得用人臣所不得用之禮樂，則妄也。人臣豈有不能為之功業哉？孟子言事親若曾子可也，曾子之孝亦大矣。纔言可也，蓋曰：子之事父，其孝雖過於曾子，畢竟是以父母之身做出來，豈是分外事？若曾子者，僅可以免責爾。臣之於君，猶子之於父也。臣之能立功業者，以君之人民也，以君之勢位也。按此下應補一任也。方得。假如功業大於周公，亦是以君之人民立功之本。而謂人臣所不能為，可乎？使人臣恃

功而懷快快之心者，必此言矣。安節

伊思叔告先生曰：前日見教授夏侯旄，甚歎服，曰：前日來相見，既問，却不管他好惡，盡說與之，學之久，染習深，不力詆介甫，無緣得他覺悟，亦曾說介甫不知事君道理，觀他意思，皆是要已在人主上。自古主聖臣賢，乃常理。何至如此？又觀其說魯用天子禮樂處，大段不知事君。凡人臣身上，豈有過分之事？凡有所為，皆臣職所當為也。介甫平居事親至孝，觀其言如此，其事親之際，想亦洋洋自得。

程子詳本

卷八 出處

十九

以為孝有餘也。臣子身上皆無過分事，惟是孟子知之。其說曾子，只言事親若曾子可矣。不言有餘。唐子方作一事後，無聞焉，亦自以為報君足矣。當時所為，蓋不誠意。嘉仲曰：陳瓘亦可為難得矣。先生曰：陳瓘却未見其已。棟

伊彭汝礪懇辭臺職，正叔言：報上之效已了。邪。上冒天下議論，顯拔至此，曾此為報上之意已足。明伊問荆公可謂得君乎？曰：後世謂之得君可也。然荆公亦自知之，如表云：忠不足以信上，故事必待

於自明。若君臣深相知。何待事事使之辨明也。舉此便可見。曰。荆公勿使上知之語。信乎。曰。須看他當時因甚事說此話。且如作此事當如何。更須詳審。未要令上知之。又如說一事未甚切當。更須如何商量體察。今且勿令上知。若此類不成。是欺君也。凡事未見始末。更子細反復推究。方可安。

伊尹受湯委寄。必期天下安治而已。太甲如不終惠。可廢也。然則始何不擇賢。外丙仲壬幼。惟太甲長耳。使太甲有下愚之質。初不立也。苟無三人。

程子詳本

卷八 出處

手

必擇於宗室。宗室無人。必擇於湯之近戚。近戚無人。必擇於天下之賢者而與之。伊尹不自爲也。劉先王託孔明。以嗣子不可使自爲之。非權數之言。其利害昭然也。立者非其人。則劉氏必爲曹氏屠戮。寧使孔明爲之也。霍光廢昌邑。不待放。知其下愚不移也。使伊尹與光是太甲昌邑所用之臣。而不受先王之委寄。諫不用。去之可也。放廢之事。不可爲也。義理自昭然。

伊霍光廢昌邑。其始乃光之罪。當時不合立之。只

被見是武帝孫。擔當不過。須立之也。此又與伊尹立太甲不同。當時湯既崩。太丁未立而死。外丙方二歲。仲壬方四歲。須立太甲。又伊尹知太甲有思庸之資。故放之。桐三年。若無是質。伊尹初亦不立也。史記以孟子二年四年之言。遂言湯崩六年之後。太甲方立。不知年只是歲字。禮王巡狩。問百年者。亦稱歲爲年。且尚書分明說成湯既沒。太甲元年。又云王徂桐宮。居憂三年。

伊苗履見伊川語。及一武帥苗曰。此人舊日宣力

程子詳本

卷八 出處

主

至多。今官高而自愛。不肯向前。伊川曰。何自待之輕乎。位愈高。則當愈思所以報國者。儼則爲用。飽則颺去。是以鷹犬自期也。上

伊東漢趙苞爲邊郡守。虜奪其母。招以城降。苞遣戰而殺其母。非也。以君城降而求生其母。固不可。然亦當求所以生母之方。奈何遽戰乎。不得已。身降之可也。王陵母在楚。而楚使以招陵。陵降可也。徐庶得之矣。柄

伊問羊祜陸抗之事如何。曰。如送絹償禾之事。甚

好至抗飲祜藥則不可羊祜雖不是酖人底人然兩軍相向其所餉藥自不當飲安  
伊天下寧無魏公之忠亮而不可無君臣之義昔事建成而今事太宗可乎

按伊川於美新事莽之楊雄責之頗恕而責事太宗之魏公也甚嚴晦翁異是註楚辭極貶雄惡而生平無苛求於魏公

伊溫公薨門人或欲遺表中入規諫語正叔云是公平生未嘗欺人可死後欺君乎呂希哲

程子詳本 卷八 出處

三

朱公揆為御史端笏正立嚴毅不可犯班列肅然蘇子瞻語人曰何時打破這敬字紫

按公揆未知是敬否耳子瞻安識敬敬有可打破耶

伊范堯夫經筵坐睡先生語人曰堯夫胸中無事如此有朝士入朝倒執手板先生曰此人胸中不是無事紫

伊元祐初文潞公以太師平章軍國重事正叔為崇政殿說書以師道自居侍上講色甚莊以諷諫

上畏之潞公對上甚恭進士唱名侍立終日上屢曰太師少休頓首謝立不去時年九十矣或謂正叔曰君之促視潞公之恭議者以為未盡正叔曰潞公三朝大臣事幼主不得不恭吾以布衣為上師傅其敢不自重吾與潞公所以不同也識者服其言溫伯

伊先生在講筵聞禁中下後苑作坊取金水桶二隻因見潞公問之潞公言曾入禁中見只是朱紅無金為者某遂令取文字示潞公潞公始驚怪某

程子詳本 卷八 出處

三

當時便令問欲理會却聞得是長樂宮遂已當時恐是皇帝問中某須理會趙

按經筵主成君德有侈事不得不諫太后舉動微過經筵可以不聞矣此見先生方中有固

伊在經筵講論語南容三復白圭內臣貼却容字問之云是上舊名先生講罷因說適來臣講書見內臣貼容字夫人主處天下之尊居億兆之上只怕人尊奉過當便生驕心皆是左近習之人養成之也嘗觀仁宗時宮嬪謂正月始月蒸餅為

炊餅皆此類。請自後只諱正名。不諱嫌名及舊名。次日孫莘老講論語。讀子畏於匡爲正。先生云。且著箇地名也。得子畏於正是甚義理。又講君祭先飯處。因說古人飲食必祭。食穀必思始耕者。食菜必思始圃者。先王無德不報如此。夫爲人臣者。居其位食其祿。必思何所得爵祿來。乃得於君也。必思所以報其君。凡勤勤盡忠者。爲報君也。如人主所以有崇高之位者。蓋得之於天與天下之人共戴也。必思所以報民。古之人君視民如傷。若保赤

子詳本

卷八出處

五

子皆是報民也。按人臣報君猶人所知人君報民非伊川先生不能發如此開道是真講每講一處有以開導人主之心處。便說始初內臣宮嬪皆携筆在後抄錄。後來見說著佞人之類。皆惡之。呂微仲使人言。今後且不可傷觸人。范堯夫云。但不道著名字。儘說不妨。堯夫

按勿傷觸人。微仲直世情語耳。儘說不妨。堯夫亦未盡須是既不著名字而辭氣之間更有一。溫溫厚和乎之意。如下條稱范純夫云云者。則入主受沃心之益。左右亦不至於開忌矣。

伊在講筵時。曾說與溫公云。更得范純夫在筵中。尤好溫公言。他見修史。某云。筵中須得他。溫公問何故。某曰。自度少溫潤之氣。純夫色溫而氣和。尤可以開陳是非。道人主之意。後來遂除侍講。棟按先生此舉。自知所不足。取人以自輔。非真以君德成就爲已任者。其能然乎。大率開導人主。以理義爲本。以顏色辭氣爲用。用不足。往往不能收啓沃之功。

伊在經筵日。開上鹽漱。噴水避蟻。他日先生進曰。子詳本

卷八出處

五

願陛下推此心以及天下。胡氏本

伊在經筵時。上服藥。卽日就醫官問動止。天子方幼。建言。選宮人四十以上者。侍左右。所以遠紛華養心性。柄

伊元祐二年正月二十五日。內侍至資善堂。傳旨罷講。一日二十七日庚辰。資善吏報馮宗道云。上前日微傷食物。曾取動藥。恐未能久坐。令講讀少進。說是日正叔畧講畢。奏云。臣等前日臨赴講筵。忽傳聖旨權罷講。臣等甚驚。聖躬別無事否。上曰。

別無事自初御邇英至是始發德音

范祖禹

伊二月十五日正叔講一言可終身行之其恕乎

因言人君當推已欲惡知小民飢寒稼穡艱難後唐明宗年六十餘卽位猶書田家詩二首於殿壁其詩云云進說甚多

禹

伊三月二十六日正叔獨奏乞自四月就寬涼處講讀二十六日移講讀就延和四月六日講讀依舊邇英閣顧子敦封駁以爲延和執政得一賜坐啜茶已爲至榮豈可使講讀小臣坐殿上違成造

程子詳本

卷八

主

勿褻之義持國微仲進呈今修邇英閣多置軒窓已得旨而呂公按晦叔此方入令修延義閣簾內云此待別有擘畫未知何所也十五日邇英進講文公以下預焉邇英新修展御坐比舊近後數尺門南北皆朱漆鈞窓前簾設青幕障日殊寬涼矣

禹

按當時講讀小臣等語知尊官不知尊道知賜坐之榮在臣而不知重道之榮在君天下之爲子敦者多矣

伊或謂伊川曰先生於上前委曲已甚曰不於此致力盡心而於何所

初氏本

伊先生離京曾面言令光庭說與淳夫資善堂見畜小魚恐近冬難畜託淳夫取來投河中幸便爲之

右朱光庭與范淳夫帖

按此事見仁人愛小物之心魚畜自公署而念所曾及不因去而忘也總以體君之仁

程子詳本卷八

程子詳本

卷八

主

程子詳本卷九

治體

○明先王之世。以道治天下。後世只是以法把持天下。下。籲。

○萬物皆只是一箇天理。已何與焉。如言天討有罪。五刑五用哉。天命有德。五服五章哉。都是天理自然。當如此人。幾時與。與則便是私意。有善有惡。善則理當喜。如五服。自有一箇次第。以章顯之。惡則理當惡。彼自絕於理。故五刑五用。舜舉十六相。

程子詳本

卷九

一

堯豈不知只以他善未著。故不自舉。舜誅四凶。堯豈不察。只是他惡未著。那誅得他。舉與誅。曷嘗有毫髮廁於其間哉。義之與比。大臨

熊氏曰。善惡未著。固也。堯更有大者。蓋其精神全用於得舜。不能為天下得人。而惟舉人誅人焉。是務日其暇。給乎。使十六相中有舜。則堯蚤舉之矣。

○伊問。四凶。堯不誅而舜誅之。何也。堯不知其惡乎。曰。惟堯知之。知而不去。何也。曰。四凶皆大才也。在

堯之時。非特不為惡。亦賴以為用。安節

○明治道在於立志。責任求賢。絢

○三王之法。各是一代之法。故其損益文質。隨時之宜。若孔子所立。乃通萬世不易之法。孔子於他處。亦不見說。獨答顏淵云。行夏之時。乘殷之輅。服周之冕。樂則韶舞。此是於四代中。舉這一箇法式。其詳細雖不可見。而孔子但示其大法。使後人就上修之。其法度又一寓之春秋。

○斟酌去取。古今恐未易言。須尺度權衡在胸中。

程子詳本

卷九

二

無疑。乃可處之無差。大臨

○明時者。聖人所不能違。然人之智愚。世之治亂。聖人必示可易之道。豈徒為教哉。亦有其理故也。絢

按明道他日又云。賢不肖治亂。不可以言命。其意正與此相發。賢不肖。心主之。於命何與。治亂雖氣運。而人主有致治撥亂之權。豈得諉之命哉。人心必欲為善。則雖愚必明。立一身之命。君心必欲為善。則雖亂必治。造一世之命。

○明識變知化為難。古今風氣不同。故器用亦異宜。



是以聖人通其變，使民不倦，各隨其時而已矣。後

世雖有作者，虞帝不可及已。蓋當是時，風氣未開，而虞帝之德又如此，故後世莫可及也。若三代之治，後世決可復，不以三代為治者，終苟道也。絢

○古今風氣異，日月星辰皆氣也，亦自別。絢

○古之時，民居少，人各就高而居。中國雖有水，未

為害也。堯時，人漸多，漸就平廣而居，水泛濫，乃始

為害。當是時，龍門未闢，伊闕未拆，砥柱未鑿，堯乃

因水之汎濫而治之，以為天下後世無窮之利。非

堯時水特為害也，蓋已久矣。

伊堯之於民，匡直輔翼，聖賢於此間見些功用。舉

此數端可以常久者示人，殷因於夏，周因於殷，損

益可知。

伊秦以暴虐焚詩書而亡，漢興鑑其弊，必尚寬德。

崇經術之士，故儒者多。儒者多，雖未知聖人之學

然宗經師古，識義理者衆。故王莽之亂，多守節之

士。世祖繼起，不得不褒尚名節，故東漢之士多名

節。知名節而不知節之以禮，遂至於苦節，故當時

名節之士，有視死如歸者。苦節既極，故魏晉之士

變而為曠蕩，尚浮虛而亡禮法。禮法既亡，與夷狄

無異，故五胡亂華。夷狄之亂已甚，必有英雄出而

平之。故隋唐混一天下，隋不可謂有天下，第能驅

除爾。唐有天下，如貞觀開元間，雖號治平，然亦有

夷狄之風。三綱不正，無父子君臣夫婦，其原始於

太宗也。故其後世子弟皆不可使。玄宗纔使肅宗

便篡，肅宗纔使永王璘便反。君不君，臣不臣，故藩

鎮不賓，權臣跋扈，陵夷有五代之亂。漢之治過於

唐，漢大綱正，唐萬目舉。本朝大綱甚正，然萬目亦

未盡舉。因問十世可知，遂推此數端。

○後漢人之名節成於風俗，未必自得也。然一變

可以至道。韻

○居今之時，不安今之法，令非義也。須於今之法

度內處得其當，方為合義。若必更改而後為，則何

義之有。臨大

伊治道亦有從本而言，亦有從事而言。從本而言，

惟格君心之非，正心以正朝廷，正朝廷以正百官。

從事而言。不救則已。若救之。必須變。大變則大益。小變則小益。

明必有開雕麟趾之意。然後可行周官法度。龜山

明或問貞觀之治。不幾三代之盛乎。曰。開雕麟趾之意。安在。紫芝

伊問舜能化瞽象。何為不能化商均。曰。舜以天下授人。欲得如已者。商均非能如已耳。亦未嘗有大惡。大抵五帝官天下。擇賢於天下者而授之。三王家天下。遂以與子。論其至理。治天下者。當得天下。  
程子詳本 卷九 五

最賢者一人。加諸衆人之上。則是至公之法。後世既難得人。而爭奪興。故以與子。與子雖私。亦天下之公法。但守法者有私心耳。安節

伊唐太宗。後人只知是英主。不曾有人識其惡。如殺兄取位。若以功業言。不過只做得箇功臣。豈可奪元良之位。至如肅宗卽位靈武。分明是篡也。

按傳賢之義。可推於傳子。皋陶德過大禹。禹自知之。故讓於皋陶。帝舜亦知之。然卒不傳皋陶。而傳禹者。功也。禹功既大。人心係之。卽天命矣。

唐有天下。創自太宗。誅逆廣。除隋虐。雖不比於地平天成。然天下歸心矣。特以建元良之日。高祖主之不堅。太宗又僞讓。遂啓異時之禍。太宗慚德固多。而直夷之於功臣。未爲至論也。漢高亦有太公。太公又非唐高祖比。然以子事父。豈問父之有功無功哉。使漢高祖大孝。以天下奉太公。太公其後立仲爲儲。而漢高夷於功臣之列。舉朝之臣心安乎。天下之民心服乎。是故長幼之序。守成紊之則亂。而創業泥之亦亂。且夫傳

程子詳本

卷九

六

賢窮而傳子。不得已也。傳子必以嫡長。亦不得已也。正爲繼世者杜亂端。奈何槩泥之於創業之始。而反啓亂源哉。當時建成自知人心不服。必欲殺世民。以自安。世民能爲秦伯伯夷子臧。惟有一逃耳。然一統之世。逃亦何之。其帳幕中諸雄。迫切舉動。勢所必至。世民既不能安心待死。遂聽之而不禁也。傳賢者以德而兼功。則傳有功。自虞夏而已。然唐初之亂。皆高祖不明於虞夏之道之所致夫。

伊聖人所知。宜無不至也。聖人所行。宜無不盡也。然而書稱堯舜。不曰刑必當罪。賞必當功。而曰罪疑惟輕。功疑惟重。與其殺不辜。寧失不經。異乎後世刻核之論矣。大隱

伊高祖勢可以守關。不放入項王。然而須放入者有三事。一是有未坑二十萬秦子弟在外。恐內有父兄為變。二是漢王父母妻子在楚。三是有懷王。伊或問漢高祖可比太祖否。曰。漢高祖安能比太祖。太祖仁愛。保全諸節度使。極有術。天下既定。皆

程子詳本

卷九

七

召歸京師。節度使竭土地而還。所畜不貲。多財亦可患也。太祖逐人賜地一方。蓋第費皆數萬。又嘗賜宴酒酣。宣各人子弟一人扶歸。太祖送至殿門。謂其子弟曰。汝父各許朝廷十萬緡矣。諸節度使醒問所以歸。不失禮於上前否。子弟各以緡事對。翌日各以表進如數。此皆英雄御臣之術。按藝祖勝漢高。專就保全功臣一事言。本朝臣子問者不合發此問。答者不得不作此答。然賜地取錢二事。皆非大英雄所為。

伊太祖初有天下。士卒人許賞二百緡。及即位。以無錢。久不賜。士卒至有題詩於後苑。太祖一日遊後苑。見之曰。好詩。遂索筆和之。以故每於郊時。各賜賞給。至今為例。不能去。或問今欲新兵。不給郊賞。數十年後可革否。曰。新兵本無此望。不與可也。不數十年可革。

按厚許不賜。失之大者。索筆和詩。默消其怨心。有度有術。若一窮究。生無限事。惜未有處分。遂貽郊賞無窮之累。

程子詳本

卷九

八

樞密院乃虛設。大事三省同議。其他乃有司之事。兵部尚書之職。然藝祖用此。以分宰相之權。神宗改官制。亦循此意。呂希哲

仁祖時。北使進言。高麗自來臣屬北朝。近來職貢全缺。殊失臣禮。欲加兵。又聞臣屬南朝。今來報知。仁祖不答。及將去也。召而前。語之曰。適議高麗事。朕思之。只是王子罪。不干百姓事。今加兵。王子未必能誅得。且是屠戮百姓。北使遂屈無答。不覺汗流浹背。俯伏於地。歸而寢兵。仁祖都不言彼兵。

事勢。只一箇天地之量。至誠有以格之。臨大

明明道說。仁宗一日問折米折幾分。曰。六分。怪其太甚也。有旨只折五分。次供進。偶覺藏府曰。習使然也。却令如舊。又禁中進膳。飯中有砂石。合以密示嬪御曰。切勿語人。朕曾食之。此死罪也。又一日思生荔枝。有司言已供盡。近侍曰。市有鬻者。請買之上。曰。不可。令買之。來歲必增上供之數。流禍百姓無窮。又一日夜中甚饑。思燒羊頭。近侍乞宣取。上曰。不可。今次取之後必常備。日殺三羊。暴殄無

程子詳本

卷九

九

窮竟夕不食。母尹

伊嘗觀三代而後。本朝有超越古今者五事。如百年無內亂。四聖百年受命之日。市不易肆。百年未嘗誅殺大臣。至誠以待夷狄。此皆以忠厚廉恥爲之綱紀。故能如此。蓋睿主開基。規模自別。按陳橋受命。豈盛事耶。順守不掩其逆取。至待夷狄更最不善。絕無自強之道。以欵始終。至誠固如是乎。至誠則自有無限作用。豈有終亡於夷狄者哉。此百世所當戒。

徽宗卽位。皇太后垂簾聽政。有旨復指宗元祐

皇后孟氏位號。時有論其不可者。曰。上於元祐后。叔嫂也。叔無復繼之禮。伊川先生謂伯溫曰。元祐后之賢。固也。論者亦未爲無理。伯溫曰。子甚宜其妻。父母不悅。由子不宜其妻。父母曰。是善事我。子行夫婦之禮焉。太后於拒廟母也。於元祐后姑也。母之命。姑之命。何爲不可。非上以叔復嫂也。先生喜曰。子言得之矣。溫伯

按程子於理義宜無不替。而開伯溫之論。遂舍

程子詳本

卷九

十

已而從之。惟深於學者不執意見。然竊謂伯溫之論。禮亦未盡也。天子於祖宗可以追尊。何謂叔不可以復嫂之位號。而必以太后爲主乎。微太后孟后之賢。其終廢耶。

天地生一人。自足了一世事。但恨人不能盡用天下之才。此其不能大治。簡

伊西北東南人材不同。良佐

按此亦大槩言之。西北人固有柔細者。東南人非無銳勁者。生才不擇地。則用才不拘地。

伊天地之間皆有對有陰則有陽有善則有惡君子小人之氣常停不可都生君子但六分君子則治六分小人則亂七分君子則大治七分小人則大亂雖堯舜之世不能無小人堯舜只是以禮樂法度驅而之善盡其道而已言比屋可封者以其有教雖欲為惡不能成其惡然雖堯舜之世其家乖戾之氣亦生朱均在朝則為四凶久而不去按天固不能盡生君子不生小人然謂其氣常停則不可至於君子小人之分數謂因其用之

程子詳本

卷九

十

多少以成治亂則可謂因其生之多少以定治亂則不可程子所謂六分七分者意亦主用說伊自古治亂相承亦常事即使小人多而君子少亦須朝廷之中君子小人雜進不似今日剪裁得齊整不惟不得進用更直憔悴善類畧去近道則須憔悴舊日交遊只改節者便於世事差遂不知何故正叔近病人謂之曰在他人則有追駁斥放正叔無此故只有病耳大伊君實嘗問先生云欲除一人給事中誰可者願

為光說一人先生曰相公何為若此言也如當初泛論人才却可今既如此某雖有其人何可言君實曰出於公口入於光耳何害先生終不言

按問者竭誠不答者避嫌若在明道然否伊人纔有意於為公便是私心昔有人典選其子弟係磨勘皆不為理此乃是私心人多謂古時用直不避嫌得後世用此不得自是無人豈是無時因言少師典舉明道薦才事安節雖公天下事若用私意為之便是私

程子詳本

卷九

十

伊夫民合而聽之則聖散而聽之則愚合而聽之則大同之中有箇秉彜在前是是非非無不當理故聖散而聽之則各任私意是非顛倒故愚蓋公義在私欲必不能勝也若明為政須要有綱紀文章先有司鄉官讀法平價謹權量皆不可闕也人各親其親然後能不徇親其親仲弓曰焉知賢才而舉之子曰舉爾所知爾所不知人其舍諸便見仲弓與聖人用心之大小推此義則一心可以喪邦一心可以興邦只在公

私之間爾。絢

按仲弓見未到。不是私心。以所見者小。故曰私。

○明正獻公既薦常秩。後差改節。常對伯淳有悔薦之意。伯淳曰。願侍郎寧百受人欺。不可使好賢之心少替。公敬納焉。呂本中

○伊大綱不正。萬目即紊。唐之治道。付之尚書省。近似六官。但法不具也。後世無如宇文周。其官名法度。小有可觀。隋文之法。雖小有善處。然皆出於臆斷。

程子詳本

卷九

主

○伊人惡多事。或欲簡之。世事雖多。盡是人事。人事不教人做。更責誰何。

○為天下安可求近効。才計較利害。便不是。胡氏本

按一己之利害不可較也。即在天下之小利。亦不可見也。然為天下正欲利天下。凡有興者。以其利也。凡有除者。以其害也。豈因近効不可求。而一切利害不計乎。天下之利害。即義也。若曰義所當興。而或以害天下義所當除。而或以利天下。無此理義。亦無此政事。

○談經論道則有之。少有及治體者。按後世講學

張南軒所謂論道者。反不切於事也。學以經世。不切事實。不通治體。豈有懸空之理。義乎。專理會法度。則又陳君舉之學問。如有用我者。正心以正身。

朱子所謂永嘉事功。如有所用。我者。正心以正身。正身以正家。正家以正朝廷。百官至於天下。此其序也。其間則又繫用之淺深。臨時裁酌而應之。難執一意。

大臨

○伊李觀詩。若教管仲身長在。宮內何妨更六人。此語不然。管仲時。桓公之心。特未盡也。若已盡。雖管仲可奈何。未有心盡尚能用管仲之理。良佐

程子詳本

卷九

南

按桓之霸業。以志驕而衰。以相匪人而敗。其平生好內固。管仲以為不害霸者也。觀詩似以管仲力能把持桓公。故程子復推本於君心。

人當審已如何。不必恤浮議。志在浮議。則心不在內。不可應猝處事。

把得地分定。做事直是不得放過。

伊人之稟賦。有無可奈何者。聖人所以戒忿疾於頤良

伊問民可使由之。不可使知之。曰。聖人設教。非不

欲家喻戶曉。比屋可封也。但能使天下由之耳。安能使人人盡知之。若曰不使民知。是後世朝三暮四之術也。謝景溫嘗說朝三暮四之術。亦不可無。聖人亦時有之。此大無義理。聖人順人情處。亦有之。豈有朝三暮四之術哉。安節事往往急便壞了。

聖人作事甚宏裕。今人不知義理者。更不須說。纔知義理。便迫窄。若聖人則綽綽有餘裕。安節伊或問人有謂周公營洛能逆知數百載下有犬

程子詳本

卷九

五

戎之禍乎。曰書中自言王居鎬京。將不能以自樂。更何疑也。周公只爲犬戎與鎬京相逼。知其後必有患。故營洛也。安節

按洛邑天下中營洛以便朝貢。非避犬戎也。立

國當謀自強之道。有畏夷狄而先作退步者耶。

伊成周恐只是統名洛邑是都也。成周猶言今西

京洛邑猶言今河南府。

伊孔子仕魯所以爲之兆。得可爲處便爲。如陳恒弑其君。孔子請討。一事正則百事自己不得。

伊問伐國不問仁人如何。曰不知怎生地伐國。如武王伐紂。却是仁人。如柳下惠之時則不可。當時諸侯以土地之故。廢爛其民。皆不義之伐。宜仁人不忍言也。安節

按沈同問伐燕。孟子亦答。當時問柳下惠者。未如燕比耳。

籲言。趙澤嘗云。臨政事不合著心。惟恕上合著心。是否。曰彼謂著心勉而行恕。則可謂著心求恕。則不可。蓋恕自有之理。舉斯心加諸彼而已。不待

程子詳本

卷九

六

求而後得。然此人之論。有心爲恕。終必恕矣。蘇明持國常患在下者多欺。先生曰。欺有三。有爲利而欺。則固可罪。有畏罪而欺者。在所恕。事有類欺者在所察。簡

按此可見明道物格知至之學。

○今之監司。多不與州縣一體。監司專欲伺察州縣。專欲掩蔽。不若推誠心與之共治。有所不逮。可教者教之。可督者督之。至於不聽。擇其甚者去一。二使足以警衆可也。大臨

合正叔謂子厚。凡越獄者。卿監已上不追攝。以其貴也。朝廷有青追攝。可也。又請枷項。非也太辱矣。貴貴以其近於君子。厚謂若終不伏。奈何。正叔謂寧使公事勘不成。朝廷大義不可虧也。子厚以為然。大臨

伊禮院者。天下之事。無不關此。但得其人。則凡事儘可以考古立法。苟非其人。只是從俗而已。

學禮者。考文必求先王之意。得意乃可以沿革。

程子詳本

卷九

七

伊禮之本。出於民之情。聖人因而道之耳。禮之器。出於民之俗。聖人因而節文之耳。聖人復出。必因今之衰廢。而為之節文。大隱

伊名之曰。禮。百世不能改也。漢之君。都是美諡。何似休。蕭

按秦廢諡。故漢皆美諡。百代驕諂。莫不啓於秦。伊蕭何大營宮室。其心只要傲怨自安。謝安之營宮室。却是隨時之宜。以東晉之微。寓於江表。其氣奄奄欲盡。且以慰安人心。

伊陳平雖不知道。亦知學。如對文帝以宰相之職。非知學安能。

伊曹參治齊。以獄市為託。後之為政者。留意於獄者。則有之矣。未聞有治市者。

按陳平曹參。無性命之學。有事功之學。較訓詁詞章。猶所謂實勝者。此等人作宰相。故能成西京之治。

伊周勃入北軍。既料得為劉氏。又何必問。若未料得。設或右祖。當如之何。已為將。乃問士卒。安節

程子詳本

卷九

六

按北軍本心。自是大緊為劉。然當時呂氏勢亦盛。眾心未必無猶豫者。惟出其不意。猝然一問。自然相率左袒。周勃以此一問。整齊眾心。斷其疑。二非料之未定。而姑探之也。此乃老將兵機。伊諸葛瑾使蜀。其弟亮與瑾非公會不覲。亮之處瑾得矣。使吳知瑾。如備之遇亮。復何嫌而不得悉兄弟之權也。胡氏本

侯仲良言。溫公在朝。欲盡去元豐間人。程子曰。作新人才難。變化人才易。今諸人之才皆可用。且



人豈甘爲小人。在君相變化何如耳。若宰相用之爲君子。此等事教他們自做。未必不勝如吾曹。仲良曰。若然。則無紹聖間事也。胡氏本

按尹和靜甚疑此條。然明道此意言之非一。但或非伊川意。

伊介甫與曾鞏善。役法之變。皆曾參酌之。晚年亦相睽。伊川嘗言。今日之禍。亦是元祐做成。以子瞻定役法。凡曰元豐者。皆用意更改。當時若使子固定。必無損益。又是他黨中。自可杜絕後人議也。因

程子詳本

卷九

十九

其睽必能變之。況又元經他手。當知所裁度也。煇

按朱子謂此段可疑。今觀其語意。前後多戾。既云必無損益。又云必能變之。若無損益。何變之有。既云是其黨。又云因其睽。豈有不論人才。而但求杜人後議。不問事理。而但欲借人乖分。以變法度者。伊川必無此言。顧不知彥明誤述耶。抑記彥明之述之者。轉而誤也。此條本當去。因朱子有疑。特闢其所以可疑者。使讀者知所取擇。并可推類云。

明伯淳言。新政之改。亦吾黨爭之太過。成就今日之事。塗炭天下。須兩分其罪。可也。當時介甫直以駁事上前。卜去就。若青苗之議不行。則決其去。伯淳於上前。與孫莘老同得上意。要了當此事。大抵上意不欲抑介甫。要得人擔當。而介甫之意。尚亦無必。伯淳言。管仲猶能云。出令當如流水。以順人心。今參政要做不順人心事。何故。介甫之意。只恐始爲人所沮。其後行不得。伯淳却道。但做順人心事。人誰不願從也。介父道。此則感賢誠意。大抵伯

程子詳本

卷九

二十

淳意欲從容待之。如青苗且放過。却爲張天祺。其日於中書大忤。介父大怒。遂以死力爭於上前。上悉爲聽用。從此黨分矣。莘老受約束而不肯行。坐貶。而伯淳遂待罪。既而除京西提刑。伯淳復求對。上言有甚文字。伯淳云。今咫尺天顏。尚不能少回天意。文字更復何用。欲去而上問者數四。伯淳每以陛下不宜輕用兵爲言。朝廷羣臣無能任陛下事者。伯淳嘗言。職苦不曾使文字。大綱只是於上前說了其他些小文字。只是備禮而已。大抵是仁

祖朝優容諫臣。當言職者必以詆訐而去。爲賢習以成風。昨來諸君。蓋未免此。苟如是。則是爲已。尚  
有私意在。却不在朝廷。不干事理。大  
明以吾自思。猶是當初學未至。意未誠。其德尚薄。無以感動天意。然據今日許大氣焰。當時欲一二  
人動之。誠如河汾之人。捧土以塞孟津。復可笑也。  
據當時事勢。又至今日。豈不是命。大  
明神宗遺詔至洛。程宗丞伯淳爲汝州酒官。以檄  
來舉哀府治。既罷。謂留守韓康公之子宗師。兵部  
程子詳本。卷九。治體。主  
曰。顯以言新法。不便忤大臣。同列皆謫官。顯獨除  
監司。念先帝見知之恩。終無以報。已而泣。兵部問  
今日朝廷之事。若何。宗丞曰。司馬君實呂晦叔作  
相矣。兵部曰。二公果作相。如何。宗丞曰。當與元豐  
大臣同。若先分黨與。他日可憂。兵部曰。何憂。宗丞  
曰。元豐大臣。皆嗜利者。若使自變其已。甚害民之  
法。則善矣。不然。衣冠之禍未艾也。君實忠直。難與  
議。晦叔解事。恐力不足耳。既而皆驗。宗丞論此時。  
范淳夫朱公揆杜孝錫伯溫同聞之。伯溫

明伯淳嘗言。熙寧初。王介甫行新法。並用君子小  
人。君子正直。不合介甫。以爲俗學不通世務。小人  
苟容諂佞。介甫以爲有才知變通。君子如司馬君  
實。不拜副樞。以去。范堯夫辭修注得罪。張天祺以  
御史面折介甫。被責。介甫性狠愎。衆人以爲不可。  
則執之愈堅。君子既去。所用小人。爭爲刻薄。故害  
天下益深。使衆君子未與之敵。俟其勢久自緩。委  
曲平章。尚有聽從之理。則小人無隙可乘。其害不  
至此也。伯溫  
程子詳本。卷九。治體。主  
○介甫當初只是要行已志。恐天下有異同。故只  
去上心上把得定。他人不能搖。按介甫學術誤以  
是拒絕言路。進用柔佞之人。使之奉行新法。今則  
他已去。不知却留下害事。大  
明荆公置條例司。用伯淳爲屬。一日盛暑。荆公與  
伯淳對語。公子雱四首跣足。携婦人冠以出。問荆  
公曰。所言何事。荆公曰。新法數爲人沮。與程君議  
雱箕踞以坐。大言曰。臬韓琦富弼之首於市。則新  
法行矣。荆公遽曰。兒誤矣。伯淳正色曰。方與參政

論國事。子弟不可預。姑退。零不樂而去。伯厚自此與荆公不合。溫伯

按此事。安石全無家教。零敢爲是飾。又敢發是言。相鼠有皮。人而無儀。零之謂矣。義方不行於其子。而能治天下乎哉。明道先生責之不惡而嚴。安石不內愧。反含愠焉。自負讀書讀將焉用。○浮屠之術。最善化誘。故人多向之。然其術所以化衆人也。故人亦有向有不向者。如介甫之學。他便只去人主心術處加功。故今日靡然而向。無有

程子詳本

卷九 治體

三

異者。所謂一正君而國定也。此學極有害。以介甫才辯遠施之。學者誰能出其右。始則且以利而從其說。久而遂安其學。今天下之新法害事處。只消一日除了。便沒事。其學革了人心。爲害最甚。故天下只是一箇風。風如是。則靡然無不向也。大臨按晉時。至以清言辟祿。梁末。至以萬乘捨身。然而天下之士。未盡從之也。安石以其私智邪說。决裂六經。上堅世主之信。設功令以取士。於是天下習而安焉。自古乘權講學之禍。未有甚於

斯者也。至南國家之轍。其禍始熄。譬如醫者。妄用毒藥。以攻病。病人血氣一日猶存。則藥之毒一日猶行。病者驚毒。乃已。嗚呼。可畏可畏。

○介甫今日亦不必誅殺人。人靡然自從。蓋只消除盡在朝異已者。自古雖大惡在上。一面誅殺。亦斷不得人議論。今便都無異者。大臨伊今日朝廷。所以特惡忌伯淳者。以其可理會事。却只理會學。這裏動。則於他輩有所不便也。故特惡之深。大臨

程子詳本

卷九 治體

三

○漢之儒者。所以從學者數百人。非惟風俗亦皆篤行君子也。晉人高尚。不足道矣。參○春秋戰國之際。天下小國介於大國。奔命不暇。然足以自維持數百年。此勢却似稻塍。各有界分。約束後世。壞便一時。壞陳涉一叛。遂成土崩。今日堂堂天下。只西方一敗。朝廷遂震。何也。蓋天下勢各有限。隔則卒不能壞。今却似一箇萬頃波。要起猝起不得。及一起。則洶湧遂奈何。不得以祖宗德澤仁厚。涵養百餘年間。一時柔了人心。雖有豪傑。

無端倪可起。便只要安靜。不宜使搖動。雖夷狄亦散兵却關。恃此中國之福也。臨大

伊嘗見伯淳所在臨政。便上下響應。到了人衆後。便成風。成風則有所鼓動。天地間只是一箇風以動之。

明明道先生作縣。凡坐處。皆書視民如傷四字。曰。顯常愧此四字。時

明張子從言。明道臨民。刑未嘗不用。亦嚴亦威。然至誠感人而人化之。伊洛淵源錄

程子詳本卷九 治體

明趙普除節度使。權便是烏重胤之策。以兵付逐州刺史。良

○今許大西事。無一人敢議者。自古舉事。不能無可否是非。亦須有議論。如苻堅壽春之役。其朝廷宗室固多有言者。以至宮女有張夫人者。猶上書諫。西晉平吳。當取也。主之者惟張華一人而已。然當時雖羊叔子建議。而朝廷亦不能無言。又如唐師取蔡州。此則在中國容其數十年。恣睢。當時以爲不宜取者。固無義理。然亦是有議論。今則廟堂

之上。無一人言者。幾何不一言而喪邦也。元豐四年用種

○今日西事。要已亦有甚難。前事亦何足恥。只朝廷推一寬大天地之量。許之自新。莫須相從。然此恐未易。朝廷之意。今日不得已。須著如此。但夏人更重有所要。以堅吾約。則邊患未已。大

按禦夷之道。力能制之。而不用力。故稱能容。無制之之法。何量之足云也。漢許和親。量耶。

今日西師。正惟事本不正。更說甚去就。君子於

程子詳本卷九 治體

任事之際。須成敗之責在已。則自當生死以之。今致其身。使禍福死生利害。由人處之。是不可也。按事致身。權在我。則可隨人。則不可。程子如昨軍興。數語可爲人臣效忠之法。輕死之戒。非學孔孟每就事務煩夥。是亦學也。按世間何事非學。孔孟每就義理而學。但恐只了他紛紛底。則又何益。如從軍者。必竟是爲利祿。爲功名。由今之舉。便使得人一城一國。又是甚功名。今日從宦。苟有軍事。不能免。此是復蹈前事也。然則曷爲而不已也。大

按上三條。大意皆謂西師當止。然終未明言其

故豈當時有難言者耶。議於室猶難。則又何以貴朝無言者。看來此條之旨。又與前二條稍殊。前二條專論西事。此條是因西事而論去就疑。當時學者有欲從軍樹功名者。故以此止之。

伊韓持國服義。最不可得。一日某與持國范夷叟泛舟於潁昌西河。須臾客將去。有一官員上書謁見大資。某將謂有甚急切公事。乃是求知已。某云。大資居位。却不求人。乃使人倒來求已。夷叟云。求薦章。常事也。某云。不然。只爲曾有不求者。不與來。

程子詳本 卷九 治體 三

求者與之。遂致人如此。持國便服。按古來大臣。能受盡言者。武侯狄梁公而後。惟溫公次之。任人忤終無怒意。是亦聖人無我之氣象也。武侯奇才。溫公中才。然皆上知之量。持國亦近是。

伊持國帥許。程子往見。謂公曰。適市中聚浮圖。何也。公曰。爲民祈福也。子曰。福斯民者。不在公平。伊持國使椽爲亭成。而蓮已生其前。蓋椽盆植而置之。公甚喜。程子曰。斯可惡已。使之爲亭。而更爲

此以悅公。非端人也。公曰。奈何。人見之則喜。釋

伊范堯夫攝帥成都。程子告歸。公使人要於路。既見曰。先生何以教我。子曰。公嘗言爲將帥。當使士卒視已如父母。然後可用。然乎。公曰。有之。子曰。舊帥新亡。而公張樂大享。將校於府門。是教之視帥如父母乎。曰。亦疑其不可。故使屬官攝主之也。子曰。是尤不可也。公與舊帥同僚也。失同僚之義。其過小。屬官於主帥。其義重。曰。廢享而頒之酒食。如何。曰。無頒也。武夫視酒食爲重事。弗頒。則必思其

程子詳本 卷九 治體 三

所以而知事帥之義。乃因事而教也。公曰。若不來。則不聞此矣。其喜聞義如此。釋

按此誤在設享耳。設而弗頒。亦未善。所設多物。何以處之。不如廢享而頒酒食。猶近於義也。

伊范文甫將赴河清尉。問到官三日。例須謁廟。如何。曰。正者謁之。如社稷及先聖是也。其他古先賢。亦當謁之。又問城隍當謁否。曰。城隍不典土地之神。社稷而已。何得更有土地耶。又問只恐駭衆。曰。唐狄仁傑廢江浙間淫祠千七百處。所存惟泰

伯伍子胥二廟。今人做不得。以爲時不同。是誠不然。只無狄仁傑耳。當時子胥廟存之亦無謂。據

按城復于隍。易言之矣。郊特牲。祭坊與水庸。二者田間堤與溝耳。坊高有城象。水庸陷有隍象。爲物至微。猶不廢祭。城隍乃保民之大者。可此於淫祠乎。應有祈報。但易像以主。

伊轉運判官韓宗道議減役。至三大戶亦減一人。子曰。只聞三大戶。不聞兩也。宗道曰。三亦可。兩亦可。三之名。不從天降地出也。子曰。乃從天降地出。

程子詳本

卷九

九

也。古者朝有三公。國有三老。三人占。則從二人之言。三人行。必得我師焉。若止兩。大戶則一人以爲是一人。以爲非。何從而決。三則從二人之言矣。雖然。近來諸縣。有使之分治者。亦失此意。釋

伊程子與客語爲政。程子曰。小人之無行也。牛壯食其力。老則屠之。客曰。不得不然也。牛老不可用。屠之。猶得半價。復稱貸以買壯者。不爾。則發耕矣。且安得芻粟養無用之牛乎。子曰。此知計利而不知義者也。爲政之本。莫大於使民興行。民俗善而

示仁不足者。未之有也。水旱螟蟲之災。皆不善之致也。釋

按衣食足而從善。輕人事之理。民俗善而年豐食足。天人感應之理。夫感應獨迂也乎哉。後世禁宰耕牛者。惜物用兼以感民仁也。

伊先生人啟廬。廳後無門。由旁舍委曲以出。先生既沒。伯溫鑿壁爲門。侍講先生見之曰。先生規畫必有理。不可改作。伯溫亟塞之。伯溫初入仕。侍講曰。凡所部公吏。雖有罪。亦當立案而後決。或出於私。

程子詳本

卷九

九

怒比具案。怒亦散不至倉卒傷人。每決人未幾。仕責者宜慎之。恐其或有立也。溫伯

伊先生自少時。未嘗乘轎。頃在蜀。與二使者遊。二峽。使者相強乘轎。不可。詰其故。語之曰。某不忍乘。分明以人代畜。若疾病及泥濘。則不得已也。按泥與夫蓋難辨矣。反忍使之乎。不忍之心。有窮於無可奈何者。此其一也。長存此無可奈何之心而已。二使者亦將不乘。語之曰。使者安可不乘。既至。兩道壁間。先生曰。母書某名。詰其故。曰。以使者與一閑人遊。若錄客。當時竟不乘轎。亦不畱名。終

程子詳本卷十

治法

伊今日所患止患不得為不思不能為臨大

按此伊川先生隱然自言其講筵之意若將相專任又不患人之阻之患其不能也近世所患尤在無公無誠如下條所云患人不為者

伊今之守令唯制民之產一事不得為其他在法度中甚有可為者患人不為耳呂希哲

明扶溝地卑歲有水患明道先生經畫溝洫之法

程子詳本卷十治法

以治之未及興工而去官先生曰以扶溝之地盡

為溝洫必數年乃成吾為經畫十里之間以開其

端後人知其利必有繼之者矣按養民之政無喻

猝成為之開端以引後人一邑且然況治天下而

欲速乎迨一云無近效舉世皆棄置不為此西北

之所以多荒蕪而四海口夫為令之職必使境內

困也撫今思古不禁三歎然為令之職必使境內

之民凶年免於死亡飽食逸居有禮義之訓然後

為盡按今之為令故吾於扶溝興設學校聚邑人

子弟教之亦幾成而廢夫百里之施至狹也而道

之興廢繫焉是數事者皆未及成豈不有命與然

知而不為而責命之興廢則非矣此吾所以不敢不盡心也楊通

伊青苗決不可行舊役法太弊須量宜損益痺

古者百畝今四十一畝餘計所收似不足以供九人之食然通天下計之則亦可足家有九人只十六已別受田其餘皆老少也故可供有不足者又有補助之政又有鄉黨闡揀之義臨大

合二程謂地形不必寬平可以畫方只可用算法折計地畝以授民子厚謂必先正經界經界不正

程子詳本卷十治法

則法終不定地有拘埵處不管只觀四標竿中間

地雖不平饒與民無害就一夫之間所爭亦不多

又側峻處田亦不甚美又經界必須正南北假使

地形有寬狹尖斜經界則不避山河之曲其田只

就得井處為井不能成就處或五七或三四或一

夫其實田數則在又或就不成一夫處亦可計百

畝名數而授之如此則經界隨山隨河皆不害於

畫之也正叔云如何得至十一子厚言百畝而微

是透徹而耕無一家得情者及已收穫則計畝數

哀分之。以哀分之數。取十一之數。亦可。武謂井議。若有人聞其說。取之以爲己功。子厚云。如有能者。則已願受一廛而爲氓幸也。按張子此心與二程不同。此心者。任是清操名伯淳言。井田今取民田。理高才大功俱違天德。使貧富均。則願者衆。不願者寡。正叔言。亦未可言。民情怨怒。止論可不可耳。伯淳言。須使上下都無怨怒。方可行。按可不可。專論事理。上下無怨。是論人情。人情者。王道之本。事理在其中。終包括得盡。正叔言。議法既大備。却在所以行之之道。子厚言。其止欲成書。庶有取之者。正叔言。不

程子詳本

卷十 治法

主

行於當時。行於後世。一也。附

合二程問官戶占田過制者。如何。曰。如文曾。有田極多。只消與五十里采地。儘足。又問其他如何。曰。今之公卿。非如古之公卿。舊有田多者。方與之采地多。若無與之。則無以別有田者。無田者。附伊歷代帝王陵寢下。多有開田。推其後。每處只消與田十頃。與一閑官世守之。至如唐狄仁傑。顏杲卿之後。朝廷與官一人。死則却絕。不若亦如此處之。亦與田五七頃。

伊井田。或謂今人多地少。不然。譬諸草木。山上著得許多。便生許多。天地生物。常相稱。豈有人多地少之理。棟

伊封建本出於不得已。柳子厚亦窺測得分數。秦法固不善。亦有不可變者。罷侯置守是也。棟

伊必井田。必封建。必肉刑。非聖人之道也。善治者。放井田而行之。而民不病。放封建而使之。而民不

勞。放肉刑而用之。而民不怨。故善學者。得聖人之意。而不取其迹也。迹也者。聖人因一時之利而制

程子詳本

卷十 治法

四

之也。大

伊有土地。種粟以養人。乃宜。今以種果實。只做果子喫了。種糯。使之化爲水飲之。皆不濟事。

按種秫釀酒。妨損民食。自宜有制。若植果。則地性。地勢各殊。如東南山中砂地。可果而不可稻。此性也。西北近邊之地。濬畝澮。成水田。其旁間植棗栗。可以禦賊。既佐民食。又有助於設險之義焉。此勢也。爲治之道。非深思不周。敢因以暢程子之說。



伊酒者。古人祭祀養老之所用。今官有權酤。民有買撲。無故輒令人聚飲。亦大爲民食之壺也。損民食。情民業。招刑聚寇。皆出於此。如損節得酒課。民食亦爲小克。若未能絕買撲。且只諸縣都鄙爲之。亦利不細。

伊先生將傷寒藥與兵士。因口在坟所與莊上。常合藥與人。有時自笑。以此濟人。何其狹也。然只做得這事。棟

伊陝西曾有議罷鑄錢者。謂官中費一貫。鑄得一

程子詳本 卷十 治法 五  
貫爲無利。伊川曰。此便是公家之利。利多費省。私鑄者衆。費多利薄。盜鑄者息。權歸公上。非利而何。又曾有議解鹽鈔。欲高其價者。增六千爲八千。伊川曰。欲增鈔價。實數須減。鹽出既衆。低價易之人。人食鹽。鹽不停積。歲入必敷。已而增鈔價。歲額果虧。減之而歲入溢。溫公初起時。欲用伊川。伊川曰。帶累人。使韓富在時。吾猶可以成事。後來溫公欲變法。伊川使人詰之曰。役法切未可動。動之。卽三年不能得定。未幾變之。果紛紛不能定。上蔡

○今尺長於古尺。欲尺度權衡之正。須起於律。律取黃鍾。黃鍾之聲。亦不難定。世自有知音者。將上下聲考之。須得其正。按律難定者。正爲黃鍾之聲。難定亦爲世無知音之人。便將黍以實其管。看管實幾粒。然後推而定法。可也。古法律管當實千二百粒黍。今羊頭山黍不相應。須將數等驗之。看如何大小者。方應其數。然後爲正。昔胡先生定樂。取羊頭山黍。用三等篩子篩之。取中等者用之。此未爲定也。此尺是器上所定。更有因人而制。如言深衣之袂一尺二寸。若古人程子詳本 卷十 治法 六  
身材。只用一尺二寸。豈可運肘。卽知因人身而定。按今炙者。量人手中指之中節爲寸。男左女右。以定其周身之穴道。卽因人制尺寸之證也。然此就一人之身。定其一身之尺寸。非通行者。天下自有天然之律度。雖聖人未必全合。古來惟稱大禹聲爲律。身爲度。  
○先王之樂。必須律以考其聲。今律旣不可求。人耳又不可全信。正惟此爲難。求中聲須得律。律不得。則中聲無由見。律者自然之數。至如今之度量

權衡亦非正也。今之法，且以爲準，則可。非如古法也。此等物雖出於自然，亦須人爲之。但古人爲之，得其自然。至於規矩，則極盡天下之方圓。

按準繩亦盡天下之平直。以規矩準繩四者，原無大小之定數也。規矩從中心取準，取於水。繩取於虛，人無所用其意。若度量衡，則有定式矣。人得以意增減之，遂難得其正定。律僅有氣而無形，故中聲愈難求。

伊以律管定尺，乃是以天地之氣爲準，非秬黍之

程子詳本

卷十治法

七

比也。秬黍積數在先王時，惟此適與度量合，故可用。今則不同。良佐

○八十四聲，清者極吹盡清，濁者極吹盡濁，就其中以中聲上生、下生。

○凡聲皆陽聲，大鳴則大震，小鳴則小震。胡氏本

○黃鍾牛鳴

按牛屬土，其聲宮，有善察者，則知其有合黃鍾者。

伊律曆之法，今亦僅存，但人用之小耳。律之遺則

如三命是也。其法只用五行支幹納音之類，曆之遺則是星算人生數。

伊曆象之法，大抵主於日。日一事正，其他皆可推。洛下閎作曆，言數百年後當差一日，其差理必然。何承天以其差，遂立歲差法，其法以所差分數攤在所曆之年，看一歲差幾分，其後亦不定。獨邵堯大立差法，冠絕古今。却於日月交感之際，以陰陽虧盈求之，遂不差。大抵陰常虧，陽常盈，故只於這裏差了。按道體四之理，氣篇內論物情不齊，曆上亦本於陰陽盈其理，總發自邵子曆上。

程子詳本

卷十治法

八

若是通理，所通爲多。堯夫嘗窮味，有一萬七千二百十四，非人所合和，是自然也。色有一萬七千二百十四，非人所染畫，是自然也。獨聲之數，只得一半。蓋聲陽也，只是於日出地上數得，到日入地下，遂數不行。

熊氏曰：聲之多少，各隨其方。天竺殆不止一萬七千。若今閩語，卽半或未及也。難槩謂少於味色。

伊文中子言：封禪之費，非古也。其秦漢之侈心乎。

此言極好。古者封禪，非誇治平，乃本分祭天地，如周頌告成功，是陳先王功德，非誇自己功德。地○澤州北望有桑林村，蓋湯自爲犧牲處，湯十一遷，所居皆言毫，猶今言京師。

按契至湯八遷，湯之子孫又五遷，商共十三遷，今云湯十一遷，訛也。所居皆言毫，亦無是事。湯以前皆言商，盤庚以後皆言殷，是國號，故隨所遷而可稱。

○河北只見縣隄，無禹隄。縣堙洪水，故無功。禹則

程子詳本

卷十 治法

九

伊張子厚罷禮官，歸過洛陽相見，某問云：在禮院有甚職事？曰：多爲禮房檢正所奪，只定得數箇諡，與龍女衣冠，問如何？定龍女衣冠，曰：請依品秩，曰：若使某當是事，不如此處置，當辨云：大河之塞，天地之靈，廟社之福，與吏士之功，不當歸功水獸，龍獸也，不可衣人衣冠，且若以爲一龍，不當立數十廟，若以爲數十龍，不當同爲善濟夫人也。子厚以爲然。安飾

熊氏曰：龍不可衣冠，或一道也。若以數不可分，合則凡爲神立廟者皆失與。

○官婢行酒，暢大隱力拒之，先生聞弗善也。紫

按法制之不善者，以一人矯之，不能砥柱也，而適以顯國家之失。

○今之城郭，不爲保民。從

○伊涑水記聞載伊川先生言：曹彬攻金陵，垂克，忽稱疾不視事，諸將皆來問疾，彬曰：余之病，非藥石所愈，惟須諸公共發誠心，自誓以克城之日，不妄

程子詳本

卷十 治法

十

殺一人，則自愈矣。諸將許諾，共焚香爲誓，明日稍愈，及克金陵，城中皆安堵如故。曹翰克江州，忿其久不下，屠戮無遺，彬之子孫貴盛，累世不絕，翰卒不三十年，子孫有乞匄於海上者矣。譚善心補遺

○雍置師，內郡養耕，外郡禦守。

按此分布天下大勢，爲三等：辟雍選高賢爲師，以育人才；內郡專務農桑，以養民；外郡習禦守之事，然以民養兵，終非良法，必屯田塞下，使兵士番休耕種，而又用本朝鹽商種粟於邊之

制以豐其餉。厚其實功之典。其殆庶幾乎。

○兵能聚散為上。

○兵陣先須立定家計。然後以遊騎旋旋量力分。外面與敵人合。若遊騎太遠。則歸不得。至如聽金鼓聲。亦不忘自家如何符堅一敗。便不可支持。無本故也。

○韓信多多益辦。只是分數明。

○問掩其不備。出其不意。使王者行師。當如此否。曰。用兵須要勝。既要勝。須識所以勝之之道。但湯

程子詳本

卷十 治法

主

武之兵。不煩如此。罔有敵于我師。自可見。然湯亦嘗升自陟。隔亦間道。如兩軍相向。必擇地可攻處。攻之不成。道我不計也。如漢楚既約。分鴻溝。乃復還襲之。此則不可。如韓信囊沙壅水之類。自合如此。

節安

○孔明營五丈原。宣王言無能為。此偽言。安一軍耳。兵自高地來。可勝。先生嘗自觀五丈原。非此地不可據。英雄欺人。不可盡信。

○兵強弱亦有時。往時陳許號勁兵。今陳許最近

畿。不聞勁。今河東最盛。

○義勇亦是拘束太急。便性軼輕劣。大凡長育人材。且須緩緩。

○賈誼有五餌之說。當時笑其迂疎。今日朝廷正使著。故得許多時寧息。

大

○管轄人須有法。徒嚴不濟事。今帥千人。能使千人依時及節得飯喫。只如此者。能有幾人。嘗謂軍中夜驚。亞夫堅卧不起。不起善矣。然猶夜驚。何也。亦是未盡善。

明

程子詳本

卷十 治法

主

○餽運之術。雖自古亦無不煩民。不動搖而足者。然古則用車載糗糧。百人破二十五人。按破猶分車各一乘。共百人車。車用二十。又古者行兵。在五。人推之。總自百人中分出。又古者行兵。在海。國不遠敵。若深入遠處。則決無省力。且如秦運海。隅之粟。以饋邊。率三十鐘而致一石。是二百倍以。來。今日師行。一兵行。一夫饋。只可供七日。計須三。夫而助一兵。仍須十五日。便回。按人日食一升半。日之糧。約二斗。有奇。是兩人僅得一兵之用。若以。半。月。為。事。則。二。夫。各。齎。二。斗。僅。供。一。兵。是。三。夫。而。得。一。兵。之。用。也。此。間。下。助。二。斗。僅。供。一。兵。是。三。夫。而。下。破。字。俱。犯。手。之。弊。案。今。人。貴。思。一。日。不。回。則。一。

日乏食。以此較之。無善術。故兵也者。古人必不得已而後用。知此耳。臨大

按兵不輕用。專恐傷人。若饋運固自有道。如鄧艾過師境內。豫積穀於用兵之地。則不煩運矣。孔明更能耕敵國之田。孫子又有因糧之法。患無善將。不患無善術也。熊氏曰。若大一統之世。軍行數千里而後見賊。安所得敵田而耕之。敵糧而因之乎。噫。此蓋有感而言。古善禦亂者。何至調發於數千里之外。觀曹操制令可見。

程子詳本

卷十 治法

十一

○徐禧奴才也。善兵者。有二萬人。未必死。彼雖十萬。未必能勝二萬人。自古師旅。勝敗不能無。然今日邊事。至號疎曠。前古未之聞也。其源在不任將帥。將帥不慎任人。闕外之事。一一中覆。皆受廟筭。上下相徇。安得不如此。元豐五年永樂城事。大臨

伊介甫言。律是八分書。是他見得。

按人情天理。俱可究悉。到十分精微。措處到十分確當。律本因情據理者也。以犯罪者。大都違情背理之事。律於違背處斷之。有所不能盡與。

不可盡。故只到得七八分。此可心悟。難以事證。大約造律用律。可稍不及。不可過也。

伊問肆大賈如何。曰。大賈而肆之。其失可知。凡赦何嘗及得善人。諸葛亮在蜀。十年不赦。審此爾。按有過無大。虞道也。書者過之屬也。故又云。眚災肆赦。後世赦之不當。以并故而赦之。文中子言無赦之國。其刑必平。愚則謂平刑之國。乃可無赦。非孔明嘯與當之。況又劉璋積玩之後乎。若煩刑而不赦。則亡秦之續耳。失於刑。寧失於赦。

程子詳本

卷十 治法

十四

救。

○古人之法。必犯大惡。則焚其屍。今風俗之弊。雖孝子慈孫。不以爲異。更是明立條貫。如言軍人出戍。許令燒焚。將骨殖歸。又言郊壇須三里外。方得燒人。則是別有焚屍之法。此事只是習慣。便不以爲事。今有狂夫。妄以其先入棺視一彈。便以爲深仇巨怨。乃親拽其親而納之火中。可不哀哉。臨大按此宋法之太弊。漸染釋教。而忘其酷也。馴啓胡元之習。嗚呼。毒哉。得我朝正之。嚴立規條。

於是願泚一滴。仍可衍諸百世矣。嗚呼仁哉。

程子詳本卷十

程子詳本



卷十治法

五